





8
37 G
20

REMANENT
FROM
VITRO








SVMMÆ ANGELICÆ
S. THOMÆ
A QVINATIS,
COMPENDIVM
RESOLVTORIVM,

IN QVO SVB SENSU, EX
mente Doctoris Sancti duplici ita
resolutoriè concluditur, ut & Quæsti
sensus ubique multiplex aperiatur; &
contenta in corpore Articuli Doctrina
sub brevitae exponatur; & contenta
in Responsionibus, pro solvendis obje-
ctionibus sufficienter proponatur.

*Authore P. Fr. ALEXANDRO PINY,
Doctore Theologo, Ord. Pradic. Provincia
Provincia, & Maiori Conventui, &
Collegio Parisiensi ejusdem Ord. affiliato.*

TOMVS TERTIVS.

Voluntatis potentia
*cholane piarum*
L V G D V N I,
Sumptibus FRANCISCI BARBIER Typogr.
& Bibliopolæ Regii.

M. DC. LXXXI.
Cum Privilegio Regis, & Approbationibus.

20
BIBLIOTHECA NAZ.
BIBLIOTHECA REGIA
PARISIENSIS

1914
1915

1916
1917



INDEX

QVÆSTIONVM, ET ARTICVLORVM.

Quæ in tertio Tomo COMPENDII
RESOLUTORII in Secundam Secundæ
SUMMÆ S. THOMÆ continentur.

IN QUÆSTIONEM I. *De Fidei.*

ART. I.	{ objectum fidei sit veritas prima.	
	pag. 2	
II.	{ objectum fidei sit aliquid com- plexum per modum enunciabi- lis.	ibid.
III.	{ fidei possit subesse falsum.	3
IV.	{ objectum fidei possit esse aliquid visum.	4
V.	{ ea quæ sūt fidei possint esse scita.	5
VI. Vtrum	{ credibilia sint per certos articu- los distinguenda.	6
VII.	{ articuli fidei secundum successio- nem temporum creverint.	7
VIII.	{ articuli fidei convenienter enume- rentur.	8
IX.	{ convenienter articuli fidei in Sym- bolo proponantur.	9
X.	{ ad summum Pontificem pertineat Symbolum fidei ordinare.	10

IN QUÆSTIONEM II. *De actu fidei.*

ART. I. Vtrum credere sit cum assensu cogitare.	p. 11
Tom. III.	2

INDEX.

II.	convenienter distinguantur actus fidei.	12
III.	credere aliquid supra rationem naturalem, sit necessarium ad salutem.	13
IV.	credere ea quæ ratione naturali probari possunt, sit necessarium.	14
V.	homo teneatur ad credendum explicitè.	15
VI.	omnes æqualiter teneantur ad habendam fidem explicitam.	16
VII.	explicitè credere mysterium Incarnationis sit de necessitate salutis ad omnes.	17
VIII.	explicitè credere Trinitatem sit de necessitate salutis.	18
IX.	credere sit meritorium.	19
X.	ratio inductiva ad ea quæ sunt fidei, minuat meritum fidei.	20

IN QUÆSTIONEM III. De exteriori actu fidei.

ART. I.	confessio sit actus fidei.	pag. 20
II. Vtrum	confessio fidei sit necessaria ad salutem.	21

IN QUÆSTIONEM IV. De ipsa fide virtute.

ART. I.	fit cōpetens fidei definitio.	pag. 22
II.	fides sit in intellectu sicut in subiecto.	23
III.	charitas sit forma fidei.	24
IV.	fides informis possit fieri formata, vel è converso.	ibid.
V. Vtrum	fides sit virtus.	25
VI.	fides sit una virtus.	26
VII.	fides sit prima inter virtutes.	27
VIII.	fides sit certior scientiâ, & aliis virtutibus intellectualibus.	28

I N D E X.

I N Q U Æ S T I O N E M V. *De habentibus fidem.*

A R T. I.	{ Angelus aut homo in prima sui condicione habuerint fidem. p. 29
I I.	{ in dæmonibus sit fides. 30
I I I.	{ qui discredita unum articulum fi- dei, possit habere fidem infor- mem de aliis. 31
I V.	{ fides possit esse maior in uno quàm in alio. 32

I N Q U Æ S T I O N E M V I. *De causa fidei.*

A R T. I.	{ fides sit à Deo homini infusa. p. 32
I I.	{ <i>¶ Vtrum</i> fides informis sit donum Dei. 33

I N Q U Æ S T I O N E M V I I. *De effectibus fidei.*

A R T. I.	{ timor sit effectus fidei. p. 34
I I.	{ <i>¶ Vtrum</i> purificatio cordis sit effectus fi- dei. 35

I N Q U Æ S T I O N E M V I I I. *De dono intellectus, quod fidei respondet.*

A R T. I.	{ intellectus sit donum spiritus sancti. pag. 36
I I.	{ donum intellectus possit simul esse cum fide. ibid.
I I I.	{ donum intellectus non tantum sit speculativum, sed etiam practi- cum. 37
I V.	{ donum intellectus insit omnibus habentibus gratiam. 38
V.	{ <i>¶ Vtrum</i> donum intellectus inveniatur etiã in non habentibus gratiam gratum facientem. ibid.
V I.	{ donum intellectus distinguatur ab aliis donis. 39
V I I.	{ dono intellectus respondeat sexta beatitudo, &c. 40
V I I I.	{ in fructibus fides respondeat dono intellectus. ibid.

INDEX

IN QUÆSTIONEM IX. De dono scientiæ.

ART. I.	{	scientia sit donum.	p. 41
II.	{	scientiæ donum sit circa res divi- nas.	42
III. Vtrum	{	scientiæ donum sit practicum.	43
IV.	{	scientiæ dono respondeat tertia beatitudo, &c.	44

IN QUÆSTIONEM X. De infidelitate.

ART. I.	{	infidelitas sit peccatum.	p. 45
II.	{	infidelitas sit in intellectu sicut in subjecto.	ibid.
III.	{	infidelitas sit maximum peccato- rum.	46
IV.	{	omnis actio infidelis sit pecca- tum.	47
V.	{	sint plures infidelitatis species.	48
VI.	{	infidelitas gentilium sit cæteris gravior.	49
VII. Vtrum	{	cum infidelibus sit publicè dispu- tandum.	ibid.
VIII.	{	infideles compellendi sint ad fi- dem.	50
IX.	{	cum infidelibus possit communi- cari.	51
X.	{	infideles possint habere dominium supra fideles.	52
XI.	{	infidelium ritus sint tolerandi.	53
XII.	{	pueri Iudæorum & aliorum infi- delium sint invitis parentibus baptizandi.	54

IN QUÆSTIONEM XI. De hæresi.

ART. I.	{	hæresis sit infidelitatis species.	p. 55
II.	{	hæresis sit propriè circa ea quæ sunt fidei.	56
III. Vtrum	{	hæretici sint tolerandi.	ibid.
IV.	{	revertentes ab hæresi sint ab Ec- clesia recipiendi.	57

INDEX.

IN QUÆSTIONEM XII. De apostasia.

ART. I.		apostasia pertinet ad infidelitatem.	pag. 58
II.	Vtrum	princeps propter apostasiam a fide amittat dominium in subditos.	
		59	

IN QUÆSTIONEM XIII. De peccato blasphemia in generali.

ART. I.		blasphemia opponatur confessioni fidei.	pag. 60
II.		blasphemia semper sit peccatum mortale.	61
III.	Vtrum	peccatum blasphemiz sit maximum peccatum.	62
IV.		damnati blasphemant.	ibid.

IN QUÆSTIONEM XIV. De blasphemia in Spiritum sanctum.

ART. I.		peccatum in Spiritum sanctum sit idem quod peccatum ex certa malitia.	pag. 63
II.		convenienter assignentur species peccati in Spiritum sanctum,	
	Vtrum	scilicet desperatio, &c.	64
III.		peccatum in Spiritum sanctum sit irremissibile.	65
IV.		homo possit primo peccare in Spiritum sanctum.	66

IN QUÆSTIONEM XV. De vitiis oppositis scientia, & intellectui.

ART. I.		cæcitas mentis sit peccatum.	p. 67
II.		hebetudo sensus sit aliud peccatum a cæcitate mentis.	68
III.	Vtrum	cæcitas mentis, & hebetudo sensus oriantur ex peccatis carnalibus.	69

INDEX

IN QUÆSTIONEM XVI. De præceptis fidei scientia, & intellectus.

- | | | | |
|--------------|---|---|--|
| ART. I. | { | in veteri lege debuerint dari præcepta credendi. pag. 70 | |
| II. Vtrum | { | in veteri lege convenienter tradantur præcepta pertinentia ad scientiam & intellectum. 71 | |

IN QUÆSTIONEM XVII. De spe secundum se.

- | | | | |
|--------------|---|---|--|
| ART. I. | { | spes sit virtus. pag. 72 | |
| II. | { | beatitudo æterna sit objectum proprium spei. 73 | |
| III. | { | aliquis possit alteri sperare æternam beatitudinem. ibid. | |
| IV. Vtrum | { | aliquis possit licitè sperare in homine. 74 | |
| V. | { | spes sit virtus theologica. ibid. | |
| VI. | { | spes sit virtus distincta ab aliis virtutibus theologis. 75 | |
| VII. | { | spes præcedat fidem. 76 | |
| VIII. | { | charitas sit prior spe. 77 | |

IN QUÆSTIONEM XVIII. De subiecto spei.

- | | | | |
|---------------|---|--|--|
| ART. I. | { | spes sit in voluntate sicut in subiecto. pag. 78 | |
| II. | { | spes sit in Beatis. ibid. | |
| III. Vtrum | { | spes sit in damnatis. 79 | |
| IV. | { | spes viatorum habeat certitudinem. 80 | |

IN QUÆSTIONEM XIX. De dono timoris.

- | | | | |
|--------------|---|---|--|
| ART. I. | { | Deus possit timeri. pag. 80 | |
| II. | { | timor convenienter dividatur in filiationem, &c. 81 | |
| III. | { | timor mundanus sit semper malus. 82 | |
| IV. Vtrum | { | timor servilis sit malus. 83 | |
| V. | { | timor servilis sit idem in substantia cum filiali. 84 | |
| VI. | { | timor servilis remaneat cum | |

INDEX.

	charitate.	ibid.
VII.	timor sit initium sapientiæ.	85
VIII.	timor initialis differat secundum substantiam à timore filiali.	86
IX.	timor sit donū Spiritus sancti.	87
X. Vtrum	crescente charitate diminuatur timor.	88
XI.	timor remaneat in patria.	ibid.
XII.	paupertas spiritus sit beatitudo respondens dono timoris.	89
IN QUÆSTIONEM XX. De vitiis oppositis spei.		
ART. I.	desperatio sit peccatum.	p. 91
II.	desperatio sine infidelitate esse possit.	92
III. Vtrum	desperatio sit maximum peccatorum.	ibid.
IV.	desperatio ex acedia oriatur.	93
IN QUÆSTIONEM XXI. De presumptione.		
ART. I.	presumptio innitatur Deo, seu divinæ virtuti.	pag. 94
II.	presumptio sit peccatum.	95
III. Vtrum	presumptio magis opponatur timori, quàm spei.	96
IV.	presumptio causetur ex inani gloria.	97
IN QUÆSTIONEM XXII. De præceptis pertinentibus ad spem & timorem.		
ART. I.	De spe debeat dari aliquod præceptum.	pag. 97
II. Vtrum	de timore fuerit dandum aliquod præceptum.	98
IN QUÆST. XXIII. De charitate secundum se.		
ART. I.	charitas sit amicitia.	pag. 99
II.	charitas sit aliquid creatum in anima.	100
III. Vtrum	charitas sit virtus.	101
IV.	charitas sit virtus specialis.	102

I N D E X.

V.		charitas sit una virtus.	103
VI.		charitas sit excellentissima virtutum.	ibid.
VII. Vtrum		sine charitate possit esse aliqua vera virtus.	104
VIII.		charitas sit forma virtutum.	105
IN QUÆSTIONEM XXIV. <i>de charitatis subjecto.</i>			
ART. I.		voluntas sit subjectum charitatis.	
		pag. 106	
II.		charitas causetur in nobis ex infusione.	107
III.		charitas infundatur secundum capacitatem naturalium.	ibid.
IV.		charitas augeri possit.	108
V.		charitas augeatur per additionem.	
		109	
VI. Vtrum		quolibet actu charitatis augeatur charitas.	110
VII.		charitas augeatur in infinitum.	111
VIII.		charitas in hac vita possit esse perfecta.	112
IX.		convenienter tres distinguantur gradus charitatis.	113
X.		charitas possit diminui.	ibid.
XI.		charitas semel habita possit amitti.	115
XII.		charitas amittatur per unum actum peccati mortalis.	116
IN QUÆSTIONEM XXV. <i>De objecto charitatis.</i>			
ART. I.		dilectio charitatis sistat in Deo.	
		pag. 117	
II.		charitas sit ex charitate diligenda.	118
III. Vtrum		creaturæ irrationales sint. ex charitate diligendæ.	119
IV.		homo debeat seipsum ex charitate diligere.	120

I N D E X.

V.	homo debeat corpus suum ex charitate diligere. ibid.
V I.	peccatores sint ex charitate dili- gendi. 121
V II.	peccatores diligant seipfos. 122
V III.	sit de necessitate charitatis ut ini- mici diligantur. 123
I X.	sit de necessitate salutis, quod ali- Vtrum } quis signa & effectus dilectio- nis inimico exhibeat. 124
X.	Debeamus Angelos ex charitate diligere. 125
X I.	debeamus dæmones ex charitate diligere. ibid.
X II.	convenienter enumerentur qua- tuor ex charitate diligenda. 126
IN QUÆSTIONEM XXVI. De ordine charitatis.	
A R T. I.	in charitate sit ordo. pag. 127
I I.	Deus sit magis diligendus quàm proximus. ibid.
I I I.	debeat homo plus ex charitate Deum diligere quàm seipsum. 128
I V.	debeat homo magis ex charitate diligere seipsum quàm proxi- mum. 129
V.	Vtrum } debeat homo magis diligere pro- ximum quam corpus proprium. 130
V I.	unus proximus sit magis diligen- dus quàm alius. 131
V II.	magis debeamus diligere melio- res, quàm nobis conjunctiores. 132
V III.	magis sit diligendus conjunctior secundùm carnem. 133
I X.	magis diligere debeat homo si-

INDEX.

X.	lium quàm patrem.	134
	debeat homo magis diligere matrem quàm patrem.	135
XI.	debeat homo magis uxorem diligere quàm patrem & matrem.	ibid.
XII.	debeat homo magis diligere benefactorem, quàm beneficium.	136
XIII.	ordo charitatis remaneat in patria.	137

IN QUÆSTIONEM XXVII. De principali actu charitatis, qui est dilectio.

ART. I.	charitatis sit magis proprium amare, quàm amari.	pag. 139
II.	amare secundum quod est actus charitatis sit idem quod benevolentia.	ibid.
III.	Deus sit propter seipsum ex charitate diligendus.	140
IV. ¶ Vtrum	Deus in hac vita possit immediate amari.	141
V.	Deus possit totaliter amari.	142
VI.	divinæ dilectionis sit aliquis modus habendus.	ibid.
VII.	magis sit meritorium amicum diligere quàm inimicum.	143
VIII.	magis sit meritorium proximum diligere quàm Deum.	144

IN QUÆSTIONEM XXVIII. De gaudio.

ART. I.	gaudium in nobis sit effectus charitatis.	pag. 145
II. ¶ Vtrum	gaudium spirituale quod ex charitate causatur, recipiat admixtionem tristitiæ.	146
III.	gaudium spirituale quod ex charitate causatur, possit in nobis	

INDEX.

	impleri.	ibid.
IV.	gaudium sit servitus.	147

IN QUÆSTIONEM XXIX. *De pace.*

ART. I.	{	pax sit idem quod concordia.	148
II.		omnia pacem appetant.	149
III. Vtrum		pax sit proprius effectus charita-	
		ris.	ibid.
IV.	{	pax sit virtus.	150

IN QUÆSTIONEM XXX. De misericordia.

ART. I.	malum sit motivum misericordiae.	
	pag. 151	
II.	defectus sit ratio miserendi ex	
Vtrum	parte miserentis.	152
III.	misericordia sit virtus.	153
IV.	misericordia sit maxima virtutum.	
	154	

IN QUÆSTIONEM XXXI. De beneficentia.

ART. I.	{	beneficentia sit actus charitatis.	
		pag. 155	
II.	{	fit omnibus benefaciendum, ibid.	
III. Vtrum		fit magis benefaciendum conjun-	
		ctioribus.	156
IV.	{	beneficentia sit virtus specialis.	
		157	

IN QUÆSTIONEM XXXII. De eleemosyna.

ART. I.	dare eleemosynam sit actus charitatis.	pag. 158
II.	convenienter eleemosynarum genera distinguantur.	159
III.	eleemosynæ corporales sint potiores spiritualibus.	160
IV. Vtrum	eleemosynæ corporales habeant effectum spirituale.	161
V.	dare eleemosynam sit in præcepto.	162
VI.	quis debeat dare eleemosynam de necessario.	163

I N D E X.

VII.	possit fieri eleemosyna de injustè acquisitis. 164
VIII.	constitutus sub aliena potestate possit eleemosynam facere. 165
IX.	¶ Vtrum } sit propinquioribus eleemosyna danda. 166
X.	eleemosyna sit abundanter facien- da. 167
IN QUÆST. XXXIII. De correctione fraterna.	
ART. I.	{ fraterna correctio sit actus cha- ritatis. pag. 168
II.	{ correctio fraterna sit in præcepto. 169
III.	{ correctio fraterna pertineat tan- tum ad Prælatos. 170
IV.	{ quis teneatur corrigere Præla- tum suum. ibid.
V.	{ peccator debeat corrigere delin- quentem. 171
VI.	¶ Vtrum } a correctione cessandum sit dum timetur, ne correctus deterior fiat. 172
VII.	{ in correctione fraterna debeat ad- monitio secreta præcedere de- nunciationem. 173
VIII.	{ testium inductio debeat præcede- re denunciationem publicam. 175
IN QUÆSTIONEM XXXIV. De odio.	
ART. I.	{ possit Deus odio haberi. pag. 176
II.	{ odium Dei sit maximum peccato- rum. ibid.
III.	¶ Vtrum } omne odium proximi sit pecca- tum. 177
IV.	{ odium proximi sit maximum pec- catorum quæ id eum committit.

INDEX.

	runtur.	178
V. Vtrum	odium sit vitium capitale.	ibid.
VI.	odium oriatur ex invidia.	179

IN QUÆSTIONEM XXXV. De acedia.

ART. I.	acedia sit peccatum.	pag. 180
II.	acedia sit speciale vitium.	181
III. Vtrum	acedia sit peccatum mortale.	182
IV.	acedia debeat poni vitium capitale.	ibid.

IN QUÆSTIONEM XXXVI. De invidia.

ART. I.	invidia sit tristitia.	pag. 184
II.	invidia sit peccatum.	185
III. Vtrum	invidia sit peccatum mortale.	186
IV.	invidia sit vitium capitale.	ibid.

IN QUÆSTIONEM XXXVII. De peccatis qua opponuntur paci: & primò de discordia.

ART. I.	discordia sit peccatum.	pag. 187
II. Vtrum	discordia sit filia inanis gloriæ.	188

IN QUÆSTIONEM XXXVIII. De contentione.

ART. I.	contentio sit peccatum mortale.	pag. 189
II. Vtrum	contentio sit filia inanis gloriæ.	190

IN QUÆSTIONEM XXXIX. De schismate.

ART. I.	schisma sit peccatum speciale.	pag. 191
II.	schisma sit gravius peccatum infidelitate.	192
III. Vtrum	schismatici habeant aliquam potestatem.	193
IV.	excommunicatio sit conveniens pœna schismaticorum.	ibid.

IN QUÆSTIONEM XL. De bello.

ART. I.	bellare sit semper peccatum.	p. 194
II. Vtrum	Clericis & Episcopis sit licitum bellare.	196

I N D E X.

III. || Vtrum | sit licitū in bellis uti insidiis. 197
IV. | liceat diebus festis bellare. ibid.

I N Q U Æ S T I O N E M X L I. *De rixa.*

ART. I. | rixa sit semper peccatum. p. 198

II. || Vtrum | rixa sit filia iræ. 199

I N Q U Æ S T I O N E M X L I I. *De seditione.*

ART. I. | seditio sit speciale peccatum ab

II. || Vtrum | aliis distinctum. pag. 200

| seditio sit semper peccatum mor-
tale. 201

I N Q U Æ S T I O N E M X L I I I. *De vitiis qua beneficentia opponuntur.*

ART. I. | scandalum, convenienter definia-
tur quod sit dictum, vel fa-
ctum, &c. pag. 202

II. | scandalum sit peccatum. 203

III. | scandalum sit speciale peccatum.
204

IV. | scandalum sit peccatum mortale.
205

V. || Vtrum | scandalum passivum possit etiam
in perfectos cadere. ibid.

VI. | scandalum passivum possit inve-
niri in perfectis. 206

VII. | bona spiritualia sint propter scan-
dalum dimittenda. 207

VIII. | propter scandalum sint tempora-
lia dimittenda. 208

I N Q U Æ S T I O N E M X L I V. *De præceptis charitatis.*

ART. I. | de charitate dari debeat aliquod
præceptum. pag. 209

II. | de charitate fuerint danda duo
præcepta. 210

III. || Vtrum | sufficiant duo præcepta charitatis.
211

IV. | convenienter mandetur, quod
Deus ex toto corde diligatur. ib.

I N D E X.

V.	super hoc , Diliges , &c. conve-	
	nienter addatur, & ex tota ani-	
	ma tua, &c.	212
VI.	præceptum de dilectione Dei pos-	
Vtrum	sit in via impleri.	213
VII.	convenienter detur præceptum	
	de dilectione proximi.	214
VIII.	ordo charitatis cadat sub præ-	
	cepto.	215
IN QUÆSTIONEM XLV. De dono sapientia.		
ART. I.	sapientia sit inter Dei dona com-	
	putanda.	pag. 216
II.	sapientia sit in intellectu sicut in	
	subiecto.	217
III.	sapientia sit non solum speculati-	
	va, sed etiam practica.	ibid.
IV. Vtrum	sapientia possit esse sine gratia , &	
	cum peccato mortali.	218
V.	sapientia sit in omnibus habenti-	
	bus gratiam.	219
VI.	sapientiæ dono respondeat septi-	
	ma beatitudo.	220
IN QUÆSTIONEM XLVI. De stultitia qua		
	opponitur sapientia.	
ART. I.	stultitia opponatur sapientiæ.	
	pag. 221	
II. Vtrum	stultitia sit peccatum.	222
III.	stultitia sit filia luxuriæ.	ibid.
IN QUÆST. XLVII. De prudentia secundum se.		
ART. I.	prudentia sit in vi cognoscitiva.	
	pag. 223	
II.	prudentia pertineat solum ad ra-	
	tionem practicam.	ibid.
III. Vtrum	prudentia sit cognoscitiva singu-	
	larium.	224
IV.	prudentia sit virtus.	225
V.	prudentia sit virtus specialis.	226

I N D E X.

VI.	prudentia præstituat finem virtutibus moralibus. 227
VII.	ad prudentiam pertineat invenire medium in virtutibus moralibus. 228
VIII.	præcipere sit actus principalis prudentiæ. ibid.
IX.	sollicitudo pertineat ad prudentiam. 229
X.	prudentia se extendat ad regimen
XI. ¶ Vtrum	multitudinis. 230
	prudentia respectu boni proprii eadem sit cum ea quæ se extendit ad bonum commune 231
XII.	prudentia sit etiam in subditis, & non solum in principibus. 232
XIII.	prudentia possit esse in peccatoribus. ibid.
XIV.	prudentia sit in omnibus habentibus gratiam. 233
XV.	prudētia in sit nobis à natura. 234
XVI.	prudentia possit amitti per oblivionem. 235
IN QUÆST. XLVIII. De partibus prudentiæ.	
ART. VNIC. Vtrum convenienter assignentur tres prudentiæ partes. p. 236	
IN QUESTIONEM XLIX. De singulis prudentia integralibus partibus.	
ART. I.	memoria sit pars prudentiæ. p. 237
II.	intellectus sit pars prudentiæ. 238
III.	docilitas debeat poni pars prudentiæ. 239
IV. ¶ Vtrum	solertia sit pars prudentiæ. ibid.
V.	ratio debeat poni pars prudentiæ. 240
VI.	providentia poni debeat pars prudentiæ. 241

INDEX.

VII.	circumspectio possit esse pars	
VIII. Vtrum	prudentiæ. ibid.	
	cautio debeat poni pars pruden-	
	tia. 242	
IN QUÆST. L.	<i>De partibus subjectivis prudentia.</i>	
ART. I.	regnativa debeat poni species pru-	
	dentia. pag. 243	
II.	politica convenienter ponatur spe-	
	cies prudentia. 244	
III. Vtrum	œconomica debeat poni species	
	prudentia. ibid.	
IV.	militaris debeat poni species pru-	
	dentia. 245	
IN QUÆSTIONEM LI.	<i>De virtutibus adjunctis</i>	
	<i>prudentia, seu potentialibus.</i>	
ART. I.	eubulia sit virtus. pag. 246	
II.	eubulia sit virtus distincta a pru-	
Vtrum	dentia. 247	
III.	synesis sit virtus. 248	
IV.	gnome sit specialis virtus. ibid.	
IN QUÆSTIONEM LII.	<i>De dono consilij.</i>	
ART. I.	consilium debeat poni inter dona	
	Spiritus sancti. pag. 250	
II.	donum consilij respondeat virtuti	
	prudentia. ibid.	
III. Vtrum	donum consilij maneat in patria.	
	251	
IV.	quinta beatitudo respondeat do-	
	no consilij. 252	
IN QUÆST. LIII.	<i>De vitiis prudentia oppositis.</i>	
ART. I.	imprudencia sit peccatum. p. 253	
II.	imprudencia sit speciale pecca-	
	tum. 254	
III. Vtrum	præcipitatio sit peccatum impru-	
	dentia. 255	
IV.	inconsideratio sit speciale pecca-	
	tum imprudentia. 256	

I N D E X.

- V. } inconstantia sit vitium sub im-
 prudentia contentum. ibid.
 VI. || Vtrum } prædicta vitia oriantur ex luxu-
 ria. 257

I N Q U Æ S T I O N E M L I V. *De negligentia.*

- A R T. I. } negligentia sit peccatum speciale.
 pag. 258
 II. || Vtrum } negligentia opponatur prudentiæ.
 259
 III. } negligentia possit esse peccatum
 mortale. 260.

I N Q U Æ S T I O N E M L V. *de vitiis prudentia oppositis secundum similitudinem.*

- A R T. I. } prudentia carnis sit peccatum..
 pag. 261
 II. } prudentia carnis sit peccatum
 mortale. ibid.
 III. } astutia sit speciale peccatum. 262
 IV. } dolus sit peccatum ad astutiam
 pertinens. 263
 V. || Vtrum } fraus ad astutiam pertineat. 264
 VI. } licitum sit sollicitudinem habere
 de temporalibus. ibid.
 VII. } quis debeat esse sollicitus futuro-
 rum. 265
 VIII. } hujusmodi vitia oriantur ex ava-
 ritia. 266

I N Q U Æ S T I O N E M L V I. *De præceptis pertinentibus ad prudentiam.*

- A R T. I. } de prudentia fuerit dandum præ-
 ceptum aliquod. p. 267
 II. } in veteri lege convenienter data
 fuerint præcepta prohibitiva
 || Vtrum } de vitiis oppositis prudentiæ.
 268

I N Q U Æ S T I O N E M L V I I. *De jure,* A R T. I. Vtrum jus sit objectum justitiæ. p. 269

I N D E X.

II.	} <i>Vtrum</i>	jus convenienter dividatur in naturale & positivum.	270
III.		jus gentium sit idem cum jure naturali.	271
IV.		debeant specialiter distingui jus paternum & dominativum.	272
I N Q U Æ S T I O N E M L V I I I . <i>De justitia.</i>			
A R T . I .	} <i>Vtrum</i>	convenienter definiatur justitia, quod est perpetua & constans voluntas, &c.	p.273
II.		justitia semper sit ad alterum.	274
III.		justitia sit virtus.	275
IV.		justitia sit in voluntate sicut in subjecto.	ibid.
V.		justitia sit virtus generalis.	276
VI.		justitia ut generalis virtus idem sit per essentiam cum omni virtute.	277
VII.		sit aliqua justitia particularis præter generalem.	278
VIII.		justitia particularis habeat materiam specialem.	279
IX.		justitia sit circa passiones.	280
X.		medium justitiæ sit mediū rei.	281
XI.		actus justitiæ sit reddere unicuique suum.	ibid.
XII.		justitia præmineat inter virtutes morales.	282
I N Q U Æ S T I O N E M L I X . <i>De justitia.</i>			
A R T . I .	} <i>Vtrum</i>	injustitia sit peccatum speciale.	pag.283
II.		aliquis dicatur injustus eo quod facit injustum.	284
III.		aliquis pati possit injustum volens.	285
IV.		quicumque facit injustum peccet mortaliter.	286

I N D E X.

IN QUÆSTIONEM LX. *De iudicio.*

ART. I.		iudicium sit actus iustitiæ. p. 286	
II.		sit licitum iudicare. 287	
III.		iudicium ex suspitione procedens sit licitum. 288	
IV.		dubia sint in meliorem partem in- terpretanda. 289	
V.	Vtrum	sit semper secundum leges scri- ptas iudicandum. 290	
VI.		iudicium per usurpationem red- datur perversum. 291	

IN QUÆSTIONEM LXI. *De partibus iustitiæ.*

ART. I.		convenienter ponantur duæ spe- cies iustitiæ, pag. 292	
II.		medium eodem modo accipiat in iustitia distributiva & com- mutativa. 293	
III.	Vtrum	materia utriusque iustitiæ sit di- versa. 294	
IV.		justum sit simpliciter idem quod contrapassum. 295	

IN QUÆSTIONEM LXII. *De restitutione.*

ART. I.		restitutio sit actus commutativæ iustitiæ. pag. 297	
II.		restitutio ablati sit necessaria ad salutem. ibid.	
III.		sufficiat restituere simplum quod injustè ablatum est. 298	
IV.		aliquis debeat restituere quod non abstulit. 299	
V.	Vtrum	semper restituendum sit ei à quo acceptum est. 300	
VI.		semper teneatur restituere ille qui accepit. 301	
VII.		illi qui non acceperunt teneantur restituere. 302	
VIII.		quis teneatur statim restituere. 303	

INDEX.

IN QUÆST. LXIII. *De acceptione personarum.*

- | | |
|---------------|---|
| ART. I. | { personarum acceptio sit peccatum. pag. 304 |
| II. | { in distributione spiritualium locum habeat acceptio personarum. 305 |
| III. Vtrum | { in exhibitione honoris & reverentia locum habeat peccatum acceptionis personarum. 306 |
| IV. | { in judiciis locum habeat peccatum acceptionis personarum, ibid. |

IN QUÆSTIONEM LXIV. *De vitiis oppositis commutativa iustitia : & primò de homicidio.*

- | | |
|--------------|---|
| ART. I. | { occidere quæcumque viventia sit licitum. pag. 307 |
| II. | { licitum sit occidere peccatores, ibid. |
| III. | { occidere hominem peccatorem liceat privatæ personæ. 308 |
| IV. Vtrum | { occidere malefactores liceat clericis. 309 |
| V. | { liceat alicui occidere seipsum. 310 |
| VI. | { liceat in aliquo casu interficere innocentem. 311 |
| VII. | { liceat alicui aliquem occidere se defendendo. 312 |
| VIII. | { quis casualiter occidens hominem incurrat homicidii reatum. 313 |

IN QUÆST. LXV. *De mutilatione membrorum.*

- | | |
|--------------|--|
| ART. I. | { mutilare aliquem membro suo possit in aliquo casu esse licitum. pag. 314 |
| II. Vtrum | { liceat patribus verberare filios, aut dominis servos. 315 |
| III. | { liceat aliquem hominem incarcerare. 316 |



I N D E X.

IV.	Vtrum	{	peccatum aggravetur ex eo quod	
			prædictæ injuriæ inferantur in	
			personas aliis conjunctas. ibid.	
IN QUÆSTIONEM LXVI. De peccatis justitiæ				
<i>oppositis : & primò de furto.</i>				
ART. I.		{	naturalis sit homini possessio ex-	
			teriorum rerum.	P. 317
II.		{	liceat alicui rem aliquam quasi	
			propriam possidere.	318
III.		{	sit de ratione furti accipere oc-	
			cultè rem alienam.	ibid.
IV.		{	furtum & rapina sint peccata dif-	
			ferentia specie.	319
V.	Vtrum	{	furtum semper sit peccatum.	320
VI.			furtum sit peccatum morale.	321
VII.		{	liceat alicui furari propter neces-	
			sitatem.	ibid.
VIII.		{	rapina possit fieri sine peccato.	
			322.	
IX.		{	furtum sit gravius peccatum quàm	
			rapina.	323
IN QUÆSTIONEM LXVII. De vitiis oppositis				
<i>commutativa justitiæ : & primò de</i>				
<i>injustitia judicis.</i>				
ART. I.		{	quis possit justè judicare eum qui	
			sibi non est subjectus..	pag. 324
II.		{	judici liceat judicare contra ve-	
			ritatem quam novit.	ibid.
III.	Vtrum	{	judex possit aliquem condemnare	
			absque accusatore..	325
IV.		{	judex licitè possit pœnam relaxa-	
			re.	326
IN QUÆSTIONEM LXVIII. De pertinentibus				
<i>ad injustam accusationem.</i>				
ART. I.		{	homo teneatur ad accusandum.	
	Vtrum	{	pag. 327	
			neccellarium sit accusationem fieri	

I N D E X.

- | | | | |
|------|-------|---|-------|
| III. | | in scriptis. | 328. |
| IV. | Vtrum | accusatio reddatur injusta propter calumniam, &c. | ibid. |
| | | accusator in probatione deficiens teneatur ad talionem. | 329. |

I N Q U Æ S T I O N E M L X I X. *De peccatis contra iustitiam ex parte rei.*

- | | | | |
|---------|-------|---|----------|
| ART. I. | | absque mortali peccato possit accusatus veritatem negare, per quam condemnaretur. | pag. 330 |
| II. | Vtrum | accusato liceat calumniosè se defendere. | 331 |
| III. | | reo liceat iudicium per appellationem declinare. | 332 |
| IV. | | liceat condemnato ad mortem se defendere, si possit. | 332 |

I N Q U Æ S T I O N E M L X X. *De iustitia pertinente ad personam testis.*

- | | | | |
|---------|-------|---|----------|
| ART. I. | | teneatur homo ad testimonium ferendum. | pag. 334 |
| II. | | sufficiat duorum, vel trium testimonium. | 335 |
| III. | Vtrum | alicujus testimonium sit absque ejus culpa repellendum. | 336 |
| IV. | | falsum testimonium semper sit peccatum mortale. | 337 |

I N Q U Æ S T I O N E M L X X I. *De iustitia qua fit in iudicio ex parte Advocatorum.*

- | | | | |
|---------|-------|---|----------|
| ART. I. | | Advocatus teneatur præstare patrocinium causæ pauperum. | pag. 338 |
| II. | | convenienter aliqui secundum jura arceantur ab officio advocandi. | 339 |
| III. | Vtrum | Advocatus peccet, si injustam causam defendat. | 340 |
| IV. | | Advocato liceat pro suo patrocini- | |

INDEX

		nio pecuniam accipere. ibid.
IN QUÆSTIONEM LXXII. <i>De injuriis</i>		
<i>verborum, qua inferuntur extra iudicium.</i>		
ART. I.	contumelia consistat in verbis.	
	pag. 341	
II.	contumelia, sive convitium sit	
Vtrum	peccatum mortale.	342
III.	aliquis debeat contumelias sibi	
	illatas sustinere.	343
IV.	contumelia oriatur ex ira.	344
IN QUÆST. LXXIII. <i>De detractiōe.</i>		
ART. I.	detractio convenienter definiatur,	
	Denigratio alienæ famæ, &c.	
	pag. 345	
II.	detractio sit peccatum mortale.	
	346	
III. Vtrum	detractio sit gravior omnibus	
	peccatis quæ in proximum	
	committuntur.	347
IV.	audiens qui tolerat detrahentem	
	graviter peccet.	348
IN QUÆST. LXXIV. <i>De susurratiōe.</i>		
ART. I.	susurratio sit peccatum distin-	
	ctum à detractiōe.	P. 349
II. Vtrum	susurratio sit majus peccatum	
	quàm detractiō.	350
IN QUÆST. LXXV. <i>De derisōe.</i>		
ART. I.	derisio sit speciale peccatum à	
	præmissis distinctum.	P. 350
II. Vtrum	derisio possit esse peccatum mor-	
	tale.	351
IN QUÆSTIONEM LXXVI. <i>De maledictiōe.</i>		
ART. I.	liceat maledicere aliquem.	P. 352
II.	liceat creaturam irrationalem	
Vtrum	maledicere.	353
III.	maledicere sit peccatum mortale.	
	354	

I N D E X.

I V. | maledicere sit gravius peccatum
| quàm detractio. ibid.

I N Q U Æ S T. LXXVII. *De fraudulentia in emptio-*
nibus, & venditionibus contingente.

A R T. I. | licitè possit aliquis rem vendere
| plusquam valeat. p. 355

I I. | venditio reddatur illicita propter
| defectum rei venditæ. 356

I I I. || Vtrum | venditor teneatur dicere vitium
| rei venditæ. 357

I V. | liceat negotiando aliquid carius
| vendere, quàm emere. 358

I N Q U Æ S T. LXXVIII. *De peccato usura*
quod committitur in mutuis.

A R T. I. | accipere usuram pro pecunia mu-
| tuata sit peccatum. p. 359

I I. | liceat pro pecunia mutuata ali-
| quam etiam commoditatem
| expetere. 361

I I I. || Vtrum | quidquid de pecunia usuraria quis
| lucratus fuerit, reddere tenea-
| tur. 362

I V. | liceat pecuniam accipere mutuo
| sub usura. 363

I N Q U Æ S T I O N E M LXXIX. *De partibus*
integralibus iustitia.

A R T. I. | declinare à malo, & facere bo-
| num sint partes iustitiæ. 364

I I. | transgressio sit speciale peccatum.
365

I I I. || Vtrum | omissio sit speciale peccatum. 366

I V. | peccatum omissionis sit gravius
| quàm transgressionis peccatum.
367

I N Q U Æ S T. LXXX. *De partibus potèntialibus iustitia.*

A R T. V N I C. Vtrum convenienter allignentur
| virtutes iustitiæ annexæ. pag. 368

I N D E X.

IN QUÆSTIONEM LXXXI. *De Religione.*

ART. I.	{ Religio hominem ordinet in Deum. pag. 370
II.	{ Religio sit virtus. ibid.
III.	{ Religio sit una virtus. 371
IV.	{ Religio sit specialis virtus ab aliis distincta. 372
V. Vtrum	{ Religio sit virtus theologica. 373
VI.	{ Religio sit præferenda aliis virtutibus moralibus. ibid.
VII.	{ Religio habeat aliquem exteriorum actum. 374
VIII.	{ Religio sit idem sanctitati. 375

IN QUÆSTIONEM LXXXII. *De devotione.*

ART. I.	{ devotio sit specialis actus. p. 376
II.	{ devotio sit actus religionis. ibid.
III. Vtrum	{ contemplatio, seu meditatio sit devotionis causa. 377
IV.	{ lætitia sit devotionis effectus. 378

IN QUÆSTIONEM LXXXIII. *De oratione.*

ART. I.	{ oratio sit actus appetitivæ virtutis. pag. 379
II.	{ sit conveniens orare. 380
III.	{ oratio sit actus religionis. 381
IV.	{ solus Deus debeat orari. 382
V.	{ in oratione debeamus aliquid determinatè à Deo petere. ibid.
VI.	{ homo debeat temporalia à Deo petere orando. 383
VII. Vtrum	{ debeamus pro aliis orare. 384
VIII.	{ debeamus pro inimicis orare. ib.
IX.	{ convenienter septem petitiones Orationis Dominicæ assignentur. 385
X.	{ orare sit proprium rationalis creaturæ. 387
XI.	{ Sancti qui sunt in patria orent pro nobis. ibid.

I N D E X.

XII.	{	oratio debeat esse vocalis.	388
XIII.		de necessitate orationis sit quod sit attenta.	389
XIV.	{	oratio debeat esse diuturna.	390
XV.		oratio sit meritoria.	391
XVI. Vtrum	{	peccatores orando impetrent aliquid à Deo.	392
XVII.		convenienter dicatur has esse quatuor orationis partes, obsecratio, &c.	ibid.

IN QUÆSTIONEM LXXXIV. De exterioribus actibus latriæ.

ART. I.	{	adoratio sit actus latriæ, seu religionis.	pag. 393
II.		adoratio importet actum corporalem.	394
III.	{	adoratio requirat determinatum locum.	395

IN QUÆSTIONEM LXXXV. De his quæ Deo à fidelibus dantur.

ART. I.	{	offerre sacrificium Deo sit de lege naturæ.	396
II.		soli Deo sit sacrificium offerendum.	ibid.
III. Vtrum	{	oblatio sacrificii sit specialis actus virtutis.	397
IV.		omnes teneantur ad sacrificia offerenda.	398

IN QUÆSTIONEM LXXXVI. De oblationibus & primitiis.

ART. I.	{	homines teneantur ad oblationes ex necessitate præcepti. p. 399	
II.		solis Sacerdotibus debeantur oblationes.	400
III. Vtrum	{	homo possit oblationes facere de omnibus rebus licitè possessis.	
			401

I N D E X.

IV.	{	ad primitias solvendas homines teneantur.	402
IN QUÆSTIONEM LXXXVII. <i>De decimis.</i>			
ART. I.	{	homines teneantur dare decimas ex necessitate præcepti.	p.403
II.		de omnibus teneantur homines	
III.		decimas dare.	404
IV.		decimæ sint Clericis dandæ.	405
	{	etiam Clerici teneantur decimas dare.	406

IN QUÆSTIONEM LXXXVIII. *De voto per quod aliquid Deo promittitur.*

ART. I.	votum consistat in proposito voluntatis.	P.407
II.	votum semper fieri debeat de meliori bono.	408
III.	omne votum obliget ad sui observationem.	409
IV.	expediat aliquid vovere.	410
V.	votum sit actus patriæ, sive religionis.	411
VI.	aliquid ex voto facere magis sit meritorium.	412
VII.	votum solemnizetur per susceptionem sacri ordinis, & professionem certæ regulæ.	413
VIII.	subjecti alterius potestati impediantur à vovendo.	414
IX.	pueri possint se voto obligare ad Religionis ingressum.	415
X.	possit in voto dispensari.	ibid.
XI.	in voto solenni continentia possit dispensari.	416
XII.	ad commutationem, vel dispensationem voti requiratur Prælati auctoritas.	418

INDEX.

IN QUÆST. LXXXIX. De juramento.

ART. I.	{	jurare sit in testem Deum invoca-	
		re.	pag. 419
II.	{	sit licitum jurare.	420
III.	{	convenienter ponantur tres comi-	
		tes juramenti.	421
IV.	{	jurare sit actus religionis, seu la-	
		trix.	ibid.
V.	{	juramentum sit appetendum tan-	
		quam utile & bonum.	422
VI. Vtrum	{	liceat per creaturas jurare.	423
VII.	{	juramentum habeat vim obligan-	
		di.	424
VIII.	{	major sit obligatio juramenti	
		quàm voti.	425
IX.	{	aliquis possit in juramento dispen-	
		sare.	426
X.	{	juramentum impediatur per ali-	
		quam conditionem personar.	427

IN QUÆSTIONEM XC. De assumptione di- vini nominis per modum adjurationis.

ART. I.	{	liceat adjurare.	pag. 428
II.	{	liceat dæmones adjurare.	ibid.
III. Vtrum	{	liceat irracionalem creaturam ad-	
		jurare.	429

IN QUÆST. XCI. De assumptione divini nominis ad invocandum per orationem, vel laudem.

ART. I.	{	Deus sit ore laudandus.	pag. 430
II. Vtrum	{	in divinis laudibus sint cantus as-	
		sumendi.	431

IN QUÆSTIONEM XCII. De vitiis religioni oppositis: & primò de superstitione.

ART. I.	{	superstitio sit vitium Religioni	
		contrarium.	pag. 432
II. Vtrum	{	sint diversæ superstitionis species.	
		433	

INDEX.

IN QUÆSTIONEM XCIII. De speciebus *superstitionis.*

- ART. I. { in cultu veri Dei possit esse ali-
quid perniciosum. p.434
II. ¶ Vtrum { in cultu veri Dei possit esse ali-
quid superfluum. 435

IN QUÆSTIONEM XCIV. De idololatria.

- ART. I. { idololatria rectè ponatur species
superstitionis. pag.435
II. { idololatria sit peccatum. 437
III. ¶ Vtrum { idololatria sit gravissimum pec-
catorum. 438
IV. { causa idololatriæ fuerit ex parte
hominis. 439

IN QUÆSTIONEM XCV. De superstitione *divinativa.*

- ART. I. { divinatio sit peccatum. pag.440
II. { divinatio sit species superstitio-
nis. 441
III. { sit determinare plures divinatio-
nis species. 442
IV. { omnis divinatio per invocatio-
nes dæmonum sit illicita. 443
V. ¶ Vtrum { divinatio quæ sit per astra sit il-
licita. 444
VI. { divinatio quæ sit per somnia sit
illicita. 446
VII. { divinatio quæ sit per auguria, &c.
sit illicita. 447
VIII. { divinatio sortium sit illicita. 449

IN QUÆSTIONEM XCVI. De superstitionibus *observantiarum.*

- ART. I. { uti observantiis artis notoriæ sit
illicitum. P.450
II. ¶ Vtrum { observationes ad corporum im-
mutationem ordinatæ sint illi-
citæ. 451

I N D E X.

- III. } observationes ad præcognoscendum aliquam fortunam, vel infortunia sint illicitæ. 452
- IV. } *|| Vtrum* suspendere divina verba ad colum sit illicitum. 453

I N Q U Æ S T. X C V I I. De tentatione Dei.
A R T. I. } Dei tentatio consistat in aliquibus factis, in quibus solius divinæ potestatis expectatur effectus. pag. 454

- II. } *|| Vtrum* tentare Deum sit peccatum. 455
- III. } tentatio Dei opponatur virtuti religionis. 457
- IV. } tentatio Dei sit gravius peccatum superstitione. 458

I N Q U Æ S T I O N E M X C V I I I. De perjurio.
A R T. I. } falsitas ejus quod juramento confirmatur, requiratur ad perjurium. pag. 459

- II. } omne perjurium sit peccatum. ib.
- III. } *|| Vtrum* omne perjurium sit peccatum mortale. 460
- IV. } peccet qui injungit juramentum pejeranti. 461

I N Q U Æ S T I O N E M X C I X. De sacrilegio.
A R T. I. } sacrilegium sit violatio rei sacræ. pag. 462

- II. } sacrilegium sit speciale peccatum. 463
- III. } *|| Vtrum* species sacrilegii distinguantur secundum res sacras. 464
- IV. } poena sacrilegii debeat esse pecuniaria. 465

I N Q U Æ S T I O N E M C. De simonia.
A R T. I. } simonia sit studiosa voluntas emendi, &c. pag. 466

- || Vtrum* } semper sit illicitum pro Sacta-
 6 5

INDEX.

- III. } mentis pecuniam dare. 467
 IV. } liceat dare & accipere pecuniam
 pro spiritualibus actibus. 469
 V. } sit licitum accipere pecuniam pro
 his quæ sunt spiritualibus an-
 nexa. 470
 VI. } Vtrum } liceat spiritualia dare pro munc-
 re quod est ab obsequio, vel à
 lingua. 471
 sit conveniens simoniaci pœna ut
 privetur acquisitis per simo-
 niam. 472

IN QUÆSTIONEM CI. De pietate.

- ART. I. } pietas se extendat ad determina-
 tas personas. pag. 474
 II. } pietas exhibeat parentibus susten-
 tationem. 475
 III. } Vtrum } pietas sit specialis virtus ab aliis
 distincta. 476
 IV. } occasione religionis sint præter-
 mittenda pietatis officia in pa-
 rentes. 477

IN QUÆSTIONEM CII. De observantia & illius partibus.

- ART. I. } observantia sit specialis virtus ab
 aliis distincta. pag. 478
 II. } ad observantiam pertineat exhi-
 bere honorem constitutis in di-
 gnitate. 480
 III. } Vtrum } observantia erga virtuosos sit po-
 tior virtus quàm pietas erga
 parentes. ibid.

IN QUÆSTIONEM CIII. De dulia.

- ART. I. } honor importet aliquid corpora-
 le. pag. 482
 II. } Vtrum } honor propriè debeatur superio-
 ribus. ibid.

INDEX.

III.	} <i>Vtrum</i>	dulia sit specialis virtus à latria distincta.	483
IV.		dulia habeat diversas species.	484
IN QUÆSTIONEM CIV. <i>De obedientia.</i>			
ART. I.	}	unus homo teneatur alteri obedire.	pag. 485
II.		obedientia sit specialis virtus.	486
III.	}	obedientia sit maxima virtutum.	487
IV. } <i>Vtrum</i>		in omnibus Deo sit obediendum.	489
V.	}	subditi teneantur superioribus suis obedire in omnibus.	490
VI.		Christiani teneantur secularibus potestatibus obedire.	491
IN QUÆSTIONEM CV. <i>De inobedientia.</i>			
ART. I.	}	inobedientia sit peccatum mortale.	492
II. } <i>Vtrum</i>		inobedientia sit gravissimum peccatum.	493
IN QUÆSTIONEM CVI. <i>De gratia, five gratitudine.</i>			
ART. I.	}	gratitudo sit specialis virtus ab aliis distincta.	p. 494
II.		magis teneatur ad gratias Deo reddendas innocens, quàm peccitens.	495
III.	}	homo teneatur ad gratiarum actionem omni homini beneficienti.	496
IV. } <i>Vtrum</i>		homo debeat statim beneficium recompensare.	497
V.	}	gratiarum actio sit attendenda potius secundùm affectum benefactoris, quàm secundùm effectum.	498
VI.		oporteat plus exhibere in recom-	

INDEX.

compensatione quàm susceptum sit
in beneficio. 499

IN QUÆSTIONEM CVII. De ingratitude.

- ART. I. { ingratitude sit semper peccatum. pag. 500
II. { ingratitude sit speciale peccatum. ibid.
III. || Vtrum { ingratitude semper sit peccatum mortale. 501
IV. { ingratissint beneficia subtrahenda. 502

IN QUÆSTIONEM CVIII. De vindicatione.

- ART. I. { vindicatio sit licita. pag. 503
II. { vindicatio sit specialis virtus. 505
III. { vindicatio debeat fieri per poenas apud homines consuetas. 506
IV. || Vtrum { vindicta sit exercenda in eos qui involuntariè peccaverunt. 507

IN QUÆSTIONEM CIX. De veritate.

- ART. I. { veritas sit virtus. pag. 508
II. { veritas sit specialis virtus. 509
III. || Vtrum { veritas sit pars iustitiæ. 510
IV. { virtus veritatis magis declinet in minus. 512

IN QUÆSTIONEM CX. De vitiis oppositis veritati.

- ART. I. { mendacium semper opponatur virtuti veritatis. p. 512
II. { mendacium sufficit ad contrarietatem per- 513
III. { mendacium sufficit ad contrarietatem per- 514
IV. { mendacium sufficit ad contrarietatem per- 515
V. { mendacium sufficit ad contrarietatem per- 516

INDEX.

IN QUÆSTIONEM CXI. De simulatione & hypocrisi.

- ART. I. { omnis simulatio sit peccatum.
pag. 517
- II. { hypocrisis sit idem quod simula-
tio. 519
- III. || Vtrum { hypocrisis opponatur virtuti ve-
ritatis. ibid.
- IV. { hypocrisis semper sit peccatum
mortale. 520

IN QUÆSTIONEM CXII. De iactantia.

- ART. I. { iactantia opponatur virtuti veri-
tatis. pag. 521
- II. || Vtrum { iactantia sit peccatum mortale.
522

IN QUÆSTIONEM CXIII. De ironia.

- ART. I. { ironia per quam de se fingit ali-
quis minora, sit peccatum. p. 523
- II. || Vtrum { ironia sit majus peccatum quàm
iactantia. 524

IN QUÆSTIONEM CXIV. De amicitia que affabilitas dicitur.

- ART. I. { amicitia sit specialis virtus. p. 525
- II. || Vtrum { huiusmodi amicitia sit pars justi-
tiæ. 526

IN QUÆSTIONEM CXV. De adulatione.

- ART. I. { adulatio sit peccatum. p. 527
- II. || Vtrum { adulatio sit peccatum mortale.
ibid.

QUÆSTIONEM CXVI. De litigio.

- um { litigium opponatur virtuti ami-
citiae, seu affabilitatis. pag. 528
- um { litigium sit gravius peccatum
quàm adulario. 529

IN QUÆSTIONEM CXVII. De liberalitate.

- talitas sit virtus. p. 530
- talitas sit circa pecunias. 531

INDEX.

{ pensatione quàm susceptum sit
in beneficio. 499

IN QUÆSTIONEM CVII. *De ingratitude.*

- | | | | |
|---------------|---|--|-----|
| ART. I. | { | ingratitude sit semper peccatum.
pag. 500 | |
| II. | { | ingratitude sit speciale peccatum.
ibid. | |
| III. Vtrum | { | ingratitude semper sit peccatum
mortale. | 501 |
| IV. | { | ingratis sint beneficia subtrahenda. | 502 |

IN QUÆSTIONEM CVIII. *De vindicatione.*

- | | | | |
|--------------|---|--|----------|
| ART. I. | { | vindictio sit licita. | pag. 503 |
| II. | { | vindictio sit specialis virtus. | 505 |
| III. | { | vindictio debeat fieri per pœnas
apud homines consuetas. | 506 |
| IV. Vtrum | { | vindicta sit exercenda in eos qui
involuntariè peccaverunt. | 507 |

IN QUÆSTIONEM CIX. *De veritate.*

- | | | | |
|---------------|---|--|----------|
| ART. I. | { | veritas sit virtus. | pag. 508 |
| II. | { | veritas sit specialis virtus. | 509 |
| III. Vtrum | { | veritas sit pars justitiæ. | 510 |
| IV. | { | virtus veritatis magis declinet in
minus. | 512 |

IN QUÆSTIONEM CX. *De vitiis oppositis veritati.*

- | | | | |
|---------------|---|---|--------|
| ART. I. | { | mendacium semper opponatur
virtuti veritatis. | p. 512 |
| II. | { | mendacium sufficienter dividatur
in officiosum, jocosum, & per-
niciosum. | 513 |
| III. Vtrum | { | omne mendacium sit peccatum. | 514 |
| IV. | { | omne mendacium sit peccatum
mortale. | 516 |

INDEX.

IN QUÆSTIONEM CXI. *De simulatione & hypocrisis.*

- ART. I. { omnis simulatio sit peccatum.
pag. 517
II. { hypocrisis sit idem quod simulatio.
519
III. || Vtrum { hypocrisis opponatur virtuti veritatis.
ibid.
IV. { hypocrisis semper sit peccatum mortale.
520

IN QUÆSTIONEM CXII. *De iactantia.*

- ART. I. { iactantia opponatur virtuti veritatis.
pag. 521
II. || Vtrum { iactantia sit peccatum mortale.
522

IN QUÆSTIONEM CXIII. *De ironia.*

- ART. I. { ironia per quam de se fingit aliquis minora, sit peccatum. p. 523
II. || Vtrum { ironia sit majus peccatum quam iactantia.
524

IN QUÆSTIONEM CXIV. *De amicitia qua affabilitas dicitur.*

- ART. I. { amicitia sit specialis virtus. p. 525
II. || Vtrum { hujusmodi amicitia sit pars iustitiæ.
526

IN QUÆSTIONEM CXV. *De adulatione.*

- ART. I. { adulatio sit peccatum. p. 527
II. || Vtrum { adulatio sit peccatum mortale.
ibid.

IN QUÆSTIONEM CXVI. *De litigio.*

- ART. I. { litigium opponatur virtuti amicitiae, seu affabilitatis. pag. 528
II. || Vtrum { litigium sit gravius peccatum quam adulatio.
529

IN QUÆSTIONEM CXVII. *De liberalitate.*

- ART. I. { liberalitas sit virtus. p. 530
II. || Vtrum { liberalitas sit circa pecunias. 531

I N D E X

III.	{	uti pecunia, seu divitiis sit actus liberalitatis.	532
IV.		ad liberalitatem maximè pertineat dare.	533
V.		liberalitas sit pars justitiæ.	534
VI.		liberalitas sit maxima virtutum.	535

I N Q U Æ S T I O N E M C X V I I I . *De vitiis liberalitati oppositis.*

A R T . I .	{	avaritia sit peccatum.	p. 536
II.		avaritia sit speciale peccatum.	537
III.		avaritia opponatur liberalitati.	538
IV.		avaritia sit peccatum mortale.	ibid.
V.		avaritia sit maximum peccatorum.	539
VI.		avaritia sit peccatum spirituale.	540
VII.		avaritia sit vitium capitale.	541
VIII.		proditio, fraus, fallacia, &c. Ant. avaritiæ filia.	542

I N Q U Æ S T . C X I X . *De prodigalitate.*

A R T . I .	{	prodigalitas opponatur avaritiæ.	pag. 543
II.		prodigalitas sit peccatum.	544
III.		prodigalitas sit peccatum minus grave quàm avaritia.	545

I N Q U Æ S T I O N E M C X X . *De epiikia, seu equitate.*

A R T . I .	{	epiikia sit virtus.	pag. 546
II.		epiikia sit pars justitiæ.	547

I N Q U Æ S T I O N E M C X X I . *De pietate.*

A R T . I .	{	pietas sit donum.	pag. 548
II.		dono pietatis respondeat secunda beatitudo, scilicet : Beati mites.	549.

I N D E X.

I N Q U Æ S T I O N E M C X X I I . *De præceptis iustitiæ.*

A R T . I .	{ præcepta Decalogi sint præcepta iustitiæ. pag. 549
I I .	{ primum præceptum Decalogi convenienter tradatur. 550
I I I .	{ secundum præceptum Decalogi convenienter tradatur. 552
I V . Vtrum	{ tertium Decalogi præceptum con- venienter tradatur. 553
V .	{ convenienter tradatur quartum præceptum de honoratione pa- rentum. 555
V I .	{ alia sex præcepta Decalogi con- venienter tradantur. 557

I N Q U Æ S T I O N E M C X X I I I . *De fortitudine.*

A R T . I .	{ fortitudo sit virtus. pag. 558
I I .	{ fortitudo sit virtus specialis. 559
I I I .	{ fortitudo sit circa timores & au- dacias. 560
I V .	{ fortitudo sit solum circa pericula mortis. 561
V .	{ fortitudo propriè consistat circa pericula mortis. 562
V I .	{ sustinere sit principalis actus for- titudinis. 563
V I I . Vtrum	{ fortis operetur propter bonum proprii habitus. ibid.
V I I I .	{ fortis delectetur in suo actu. 564
I X .	{ fortitudo maximè consistat in re- pentinis. 565
X .	{ fortis utatur ira in suo actu. 566
X I .	{ fortitudo sit virtus Cardinalis. 567
X I I .	{ fortitudo præcellat inter omnes alias virtutes. ibid.

INDEX.

IN QUÆSTIONEM CXXIV. *De martyrio.*

- ART. I. { martyrium sit actus virtutis.
pag. 569
- II. { martyrium sit actus fortitudinis.
570
- III. || Vtrum { martyrium sit actus maximæ per-
fectionis. ibid.
- IV. { mors sit de ratione martyrii. 571
- V. { sola fides sit causa martyrii. 572

IN QUÆSTIONEM CXXV. *De timore.*

- ART. I. { timor sit peccatum. P. 573
- II. { peccatum timoris opponatur for-
titudini. 574
- III. || Vtrum { timor sit peccatum mortale. 575
- IV. { timor excuset à peccato. 576

IN QUÆST. CXXVI. *De vitio intimidatæ.*

- ART. I. { intimiditas sit peccatum. p. 577
- II. || Vtrum { esse impavidum opponatur forti-
tudini. 578

IN QUÆSTIONEM CXXVII. *De audacia.*

- ART. I. { audacia sit peccatum. P. 579
- II. || Vtrum { audacia opponatur fortitudini.
ibid.

IN QUÆST. CXXVIII. *De partibus fortitudinis.*

- ART. VNIC. Vtrum partes fortitudinis con-
venienter numerentur. pag. 580

IN QUÆST. CXXIX. *De magnanimitate.*

- ART. I. { magnanimitas sit circa honores.
pag. 582
- II. { magnanimitas de sui ratione ha-
beat quod sit circa magnum
honorem. 583
- III. || Vtrum { magnanimitas sit virtus. 584
- IV. { magnanimitas sit specialis virtus.
586
- V. { magnanimitas sit pars fortitudi-
nis. ibid.

I N D E X.

VI.		fiducia pertineat ad magnanimitatem.	587
VII.		securitas ad magnanimitatem pertineat.	588
VIII.	Vtrum	bona fortunæ conferant ad magnanimitatem.	589

I N Q U Æ S T. CXXX. *De præsumptione.*

ART. I.		præsumptio sit peccatum.	p. 590
II.	Vtrum	præsumptio opponatur magnanimitati per excessum.	591

I N Q U Æ S T I O N E M CXXXI. *De ambitione.*

ART. I.		ambitio sit peccatum.	p. 592
II.	Vtrum	ambitio opponatur magnanimitati per excessum.	593

I N Q U Æ S T. CXXXII. *De inani gloria.*

ART. I.		appetitus gloriæ sit peccatum.	pag. 594
II.		inanis gloria magnanimitati opponatur.	595
III.	Vtrum	inanis gloria sit peccatum mortale.	596
IV.		inanis gloria sit vitium capitale.	597
V.		convenienter enumerentur filix inanis gloriæ, inobedientia, &c.	598

I N Q U Æ S T. CXXXIII. *De pusillanimitate.*

ART. I.		pusillanimitas sit peccatum.	p. 599
II.	Vtrum	pusillanimitas opponatur magnanimitati.	600

I N Q U Æ S T. CXXXIV. *De magnificentia.*

ART. I.		magnificentia sit virtus.	pag. 601
II.		magnificentia sit specialis virtus.	602
III.	Vtrum	materia magnificentiæ sint sumptus magni.	ibid.
IV.		magnificentia sit pars fortitudinis.	603

INDEX.

IN QUÆST. CXXXV. De parvificentia.

- ART. I. { parvificentia sit vitium. pag. 604
 I. I. || Vtrum { parvificentiæ aliquod vitium op-
 ponatur. 605

IN QUÆST. CXXXVI. De patientia.

- ART. I. { patientia sit virtus. pag. 606
 II. { patientia sit potissima virtutum. 607
 III. { patientia possit haberi sine gratia. 608
 || Vtrum {
 IV. { patientia sit pars fortitudinis. 609
 V. { patientia sit idem quod longani-
 mitas. 610

IN QUÆST. CXXXVII. De perseverantia.

- ART. I. { perseverantia sit specialis virtus. pag. 611
 II. { perseverantia sit pars fortitudinis. 612
 III. || Vtrum { constantia pertineat ad perseve-
 rantiam. 613
 IV. { perseverantia indigeat auxilio
 gratiæ. 614

IN QUÆSTIONEM CXXXVIII. De vitiis oppositis perseverantia.

- ART. I. { mollieties opponatur virtuti per-
 severantiæ. p. 615
 II. || Vtrum { pertinacia opponatur perseveran-
 tiæ. 616

IN QUÆSTIONEM CXXXIX. De dono fortitudinis.

- ART. I. { fortitudo sit donum. pag. 617
 II. || Vtrum { quarta beatitudo respondeat do-
 no fortitudinis. 618

IN QUÆST. CXL. De præceptis fortitudinis.

- ART. I. { convenienter in lege divina præ-
 || Vtrum { cepta fortitudinis tradantur.
 pag. 619

INDEX.

- II. } convenienter tradantur præcepta
 || Vtrum } in lege divina de partibus forti-
 } tudinis. 620
- IN QUÆSTIONEM CXLI. *De temperantia.*
 ART. I. } temperantia sit virtus. pag. 621
 II. } temperantia sit specialis virtus
 } 622
 III. } temperantia sit solum circa con-
 } cupiscentias, & delectationes.
 } ibid.
 IV. } temperantia sit solum circa con-
 } cupiscentias & delectationes ta-
 } ctus. 624
 V. || Vtrum } circa proprias delectationes gu-
 } stus sit temperantia. 625
 VI. } regula temperantiæ sit sumenda
 } secundum necessitatem præsen-
 } tis vitæ. ibid.
 VII. } temperantia sit virtus cardinalis.
 } 626
 VIII. } temperantia sit maxima virtutum.
 } 627
- IN QUÆSTIONEM CXLII. *De vitiis quæ
 adversantur temperantia.*
 ART. I. } insensibilitas sit vitium. p. 628
 II. } intemperantia sit puerile pecca-
 } tum. 629
 III. || Vtrum } intemperantia sit majus vitium
 } quàm timiditas. 630
 IV. } peccatum intemperantiæ sit ma-
 } ximè exprobrabile. 631
- IN QUÆSTIONEM CXLIII. *De partibus
 temperantia in generali.*
 ART. VNIC. Vtrum Tullius convenienter assignet
 partes temperantiæ, continentiam,
 &c. pag. 632

INDEX.

IN QUÆSTIONEM CXLIV. De partibus temperantia in speciali.

- | | | | |
|--------------|---|-----------------------------------|-------|
| ART. I. | { | verecundia sit virtus. | p.634 |
| II. | { | verecundia sit de turpi actu. | 635 |
| III. | { | homo magis verecundetur à per- | |
| IV. Vtrum | { | sonis conjunctis. | 637 |
| IV. | { | etiam in virtuosus hominibus pos- | |
| | { | sit esse verecundia. | 638 |

IN QUÆSTIONEM CXLV. De honestate.

- | | | | |
|---------------|---|----------------------------------|-------|
| ART. I. | { | honestum sit idem virtuti. | p.638 |
| II. | { | honestum sit idem quod decorum. | 639 |
| III. Vtrum | { | honestum differat ab utili & de- | |
| | { | lectabili. | 640 |
| IV. | { | honestas debeat poni pars tem- | |
| | { | perantiæ. | 641 |

IN QUÆST. CXLVI. De abstinentia.

- | | | | |
|--------------|---|-----------------------------------|-------|
| ART. I. | { | abstinentia sit virtus. | p.642 |
| II. Vtrum | { | abstinentia sit specialis virtus. | 643 |

IN QUÆSTIONEM CXLVII. De jejunio.

- | | | | |
|--------------|---|-----------------------------------|-------|
| ART. I. | { | jejunium sit actus virtutis. | p.643 |
| II. | { | jejunium sit actus abstinentiæ. | 644 |
| III. | { | jejunium sit in præcepto. | 645 |
| IV. | { | omnes ad jejunia Ecclesiæ tenean- | |
| | { | tur. | 646 |
| V. | { | convenienter determinentur tem- | |
| | { | pora jejunii Ecclesiæ. | 647 |
| VI. Vtrum | { | requiratur ad jejunium quod ho- | |
| | { | mo semel tantum comedat. | 649 |
| VII. | { | hora nona convenienter taxetur | |
| | { | ad comedendum his qui jeju- | |
| | { | nant. | 650 |
| VIII. | { | convenienter jejunantibus inter- | |
| | { | dicatur abstinentia à carnibus, | |
| | { | &c. | ibid. |

INDEX.

IN QUÆSTIONEM CXLVIII. *De gula*

ART. I.	{	gula sit peccatum.	p.651
II.		gula sit peccatum mortale.	652
III.		gula sit maximum peccatorum.	653
IV. Vtrum		convenienter distinguantur species gulæ, &c.	654
V.	{	gula sit vitium capitale.	655
VI.		convenienter assignentur quinque gulæ filiæ, &c.	ibid.

IN QUÆSTIONEM CXLIX. *De sobrietate.*

ART. I.	{	materia sobrietatis sit potus.	pag.656
II.		sobrietas sit specialis virtus.	657
III. Vtrum	{	usus vini totaliter sit illicitus.	658
IV.		sobrietas magis requiratur in maioribus personis.	ibid.

IN QUÆSTIONEM CL. *De ebrietate.*

ART. I.	{	ebrietas sit peccatum.	p.659
II.		ebrietas sit peccatum mortale.	660
III. Vtrum		ebrietas sit gravissimum peccatorum.	661

IN QUÆSTIONEM CLII. *De castitate.*

ART. I.	{	castitas sit virtus.	p.662
II.		castitas sit virtus generalis.	663
III.		castitas sit virtus distincta ab abstinentia.	664
IV. Vtrum		pudicia pertineat specialiter ad castitatem.	665

IN QUÆSTIONEM CLIII. *De virginitate.*

ART. I.	{	virginitas consistat in integritate carnis.	pag.666
II.		virginitas sit illicita.	667
III. Vtrum	{	virginitas sit virtus.	668
IV.		virginitas sit excellentior matrimonio.	669

I N D E X.

V.		virginitas sit maxima virtutum.	
		670	
IN QUÆSTIONEM CLIII. <i>De vitio luxuria.</i>			
ART. I.		materia luxuriæ sint solum concupiscentiæ, & delectationes veneræ.	pag. 671
II.		aliquis actus veneræ possit esse sine peccato.	672
III.	¶ Vtrum	luxuria quæ est circa actus venereos sit peccatum.	673
IV.		luxuria sit vitium capitale. ibid.	
V.		convenienter dicantur filiæ luxuriæ caritas mentis, &c.	674
IN QUÆSTIONEM CLIV. <i>De luxuria partibus.</i>			
ART. I.		convenienter assignentur sex luxuriæ species.	pag. 676
II.		fornicatio simplex sit peccatum mortale.	677
III.		fornicatio sit gravissimum peccatum.	679
IV.		in tactibus & osculis consistat peccatum mortale.	680
V.		pollutio nocturna sit peccatum.	681
VI.		stuprum debeat poni una species luxuriæ.	682
VII.	¶ Vtrum	raptus sit species luxuriæ distincta à stupro.	683
VIII.		adulterium sit determinata species luxuriæ ab aliis distincta.	684
IX.		incestus sit determinata species luxuriæ.	685
X.		sacrilegium possit esse species luxuriæ.	686
XI.		vitium contra naturam sit species luxuriæ.	687

I N D E X.

- XII. } vitium contra naturam sit maxi-
 mum peccatum inter species
 luxuriæ. 688

I N Q U Æ S T I O N E M C L V. *De partibus potentialibus temperantia.*

- ART. I. } continentia sit virtus. p.689
 II. } materia continentia sit concu-
 piscentiæ delectationum tactus.
 690
 III. || Vtrum } subjectum concupiscentiæ sit vis
 concupiscibilis. 691
 IV. } continentia sit melior quàm tem-
 perantia. 692

I N Q U Æ S T I O N E M C L V I. *De incontinentia.*

- ART. I. } incontinentia pertineat ad ani-
 mam. pag.693
 II. } incontinentia sit peccatum. 694
 III. || Vtrum } incontinens plus peccet quàm in-
 temperatus. 695
 IV. } incontinens iræ sit peior quàm
 incontinens concupiscentiæ. 696

I N Q U Æ S T I O N E M C L V I I. *De clementia & mansuetudine.*

- ART. I. } clementia & mansuetudo sint pe-
 nitus idem. pag.697
 II. } tam clementia quàm mansuetudo
 sint virtus. 698
 III. || Vtrum } prædictæ virtutes sint partes tem-
 perantiæ. 699
 IV. } clementia & mansuetudo sint po-
 tissimæ virtutes. 700

I N Q U Æ S T I O N E M C L V I I I. *De ira.*

- ART. I. } irasci sit licitum. pag.701
 II. } ira sit peccatum. 702
 III. || Vtrum } ira sit peccatum mortale. 703
 IV. } ira sit gravissimum peccatum. ib.
 V. } Philosophus convenienter detex-

INDEX.

VI.	{	minet species iracundiæ.	704
VII.		ira debeat poni inter vitia capita-	
		lia.	705
VII. Vtrum	{	convenienter assignentur sex iræ	
VIII.		filix.	706
	{	fit aliquod vitium oppositum ira-	
		cundiæ proveniens ex defectu	
		iræ.	707

IN QUÆSTIONEM CLIX. De crudelitate.

ART. I.	{	crudelitas opponatur clementiæ.	
		pag. 708	
II. Vtrum	{	crudelitas à sævitia, sive à feritate	
		differat.	709

IN QUÆSTIONEM CLX. De modestia.

ART. I.	{	modestia sit pars temperantiæ;	
		pag. 710	
II. Vtrum	{	modestia sit nedum circa exterio-	
		res actiones, sed etiam inte-	
		riores motus.	ibid.

IN QUÆSTIONEM CLXI. De speciebus modestiæ: & primò de humilitate.

ART. I.	{	humilitas sit virtus.	p. 711
II.		humilitas consistat circa appeti-	
		tum.	713
III.	{	homo debeat se omnibus per hu-	
		militem subicere.	714
IV. Vtrum	{	humilitas sit pars modestiæ, vel	
		temperantiæ.	715
V.	{	humilitas sit potissima virtutum.	
		716	
VI.	{	convenienter distinguantur duo-	
		decim gradus virtutis.	718

IN QUÆSTIONEM CLXII. De superbia.

ART. I.	{	superbia sit peccatum.	p. 720
II. Vtrum		superbia sit speciale peccatum:	
		721	

superbia

I N D E X.

III.	{	superbia sit in irascibili, sicut in	
		subjecto.	722
IV.	{	convenienter assignentur quatuor	
		superbiæ species.	723
V.	{	superbia sit peccatum mortale.	
			724
VI. Vtrum	{	superbia sit gravissimum peccato-	
		rum ex genere suo.	725
VII.	{	superbia sit primum omnium pec-	
		catorum.	727
VIII.	{	superbia debeat poni vitium ca-	
		pitale.	ibid.

I N Q U Æ S T I O N E M CLXIII. De peccato primi hominis.

ART. I.	{	primi hominis peccatum fuerit	
		superbia.	p.728
II.	{	superbia primi hominis fuerit in	
		hoc quod appetierit divinam si-	
		militudinem.	730
III. Vtrum	{	peccatum primorum parentum	
		fuerit cæteris gravius.	731
IV.	{	peccatum Adæ fuerit gravius	
		quàm peccatum Evæ.	ibid.

I N Q U Æ S T I O N E M CLXIV. De pœnis peccati primi hominis.

ART. I.	{	mors sit pœna peccati primorum	
		parentum.	pag.733
II. Vtrum	{	convenienter particulares pœnæ	
		primorum parentum determi-	
		nentur in Scriptura.	734

I N Q U Æ S T I O N E M CLXV. De tentatione primorum parentum.

ART. I.	{	fuerit conveniens ut homo tenta-	
		retur à diabolo.	pag.737
II. Vtrum	{	fuerit conveniens modus & ordo	
		primæ tentationis.	738

I N D E X.

IN QUÆSTIONEM CLXVII. *De curiositate.*

- | | | |
|--------------|---|--|
| ART. I. | { | circa cognitionem intellectivam
possit esse curiositas. pag.740 |
| II. Vtrum | { | Vitium curiositatis sit circa sensi-
tivam cognitionem. 741 |

IN QUÆSTIONEM CLXVIII. *De modestia
prout consistit in exterioribus corporis moribus.*

- | | | |
|---------------|---|--|
| ART. I. | { | in exterioribus moribus corporis
sit aliqua virtus. pag.742 |
| II. | { | in ludis possit esse aliqua virtus.
743 |
| III. Vtrum | { | in superfluitate ludi possit esse
peccatum. 744 |
| IV. | { | in defectu ludi sit aliquod pecca-
tum. 745 |

IN QUÆST. CLXIX. *De modestia
in exteriori apparatu.*

- | | | |
|--------------|---|--|
| ART. I. | { | circa exteriorem ornatum possit
esse virtus & vitium. pag.746 |
| II. Vtrum | { | ornatus mulierum sit sine peccato.
748 |

IN QUÆSTIONEM CLXX. *De præceptis
temperantia.*

- | | | |
|--------------|---|---|
| ART. I. | { | præcepta temperantiæ convenien-
ter in lege divina tradantur.
pag.749 |
| II. Vtrum | { | convenienter tradantur in divina
lege præcepta de virtutibus an-
nexis temperantiæ. pag.750 |

IN QUÆST. CLXXI. *De prophetia.*

- | | | |
|---------------|---|---|
| ART. I. | { | prophetia pertineat ad cognitio-
nem. pag.751 |
| II. | { | prophetia sit habitus. 752 |
| III. Vtrum | { | prophetia sit solum futurorum
contingentium. 753 |
| IV. | { | Propheta per divinam revelatio-
nem cognoscât omnia quæ pro- |

INDEX.

- V. pheticè cognosci possunt. 754
 Propheta discernat semper quid
 dicat per spiritum proprium, &
 quid per spiritum prophetiæ:
 755
- VI. || Vtrum } ca quæ propheticè cognoscuntur,
 vel annuntiantur, possint esse fal-
 sa. 756

IN QUÆSTIONEM CLXXII. De causa *prophetiæ.*

- ART. I. } propheta possit esse naturalis.
 pag. 757
- II. } prophetica revelatio fiat per An-
 gelos. 759
- III. } ad prophetiam requiratur dispo-
 sitio naturalis. 760
- IV. || Vtrum } bonitas morum requiratur ad
 prophetiam. 761
- V. } aliqua prophetia sit à dæmonibus.
 762
- VI. } prophetæ dæmonum aliquando
 prædicant verum. 763

IN QUÆSTIONEM CLXXIII. De modo *prophetica cognitionis.*

- ART. I. } Prophetæ videant Dei essentiam.
 pag. 764.
- II. } in prophetica revelatione impri-
 mantur etiam novæ rerum spe-
 cies. 765
- III. || Vtrum } visio prophetica semper fiat cum
 abstractione à sensibus. 767
- IV. } Prophetæ semper cognoscant ea
 quæ prophetant. 769

IN QUÆST. CLXXIV. De divisione *prophetiæ.*

- ART. I. } convenienter dividatur prophe-
 tia, &c. pag. 770

I N D E X

- II. } excellentior sit prophetia quæ
habet visionem intellectualem,
&c. 771
- III. } gradus prophetiæ possint distin-
gui secundum imaginariam vi-
sionem. 772
- IV. || Vtrum } Moyses fuerit excellentior omni-
bus Prophetis. 774
- V. } aliquis gradus prophetiæ sit etiam
in Beatis. 775
- V. } gradus prophetiæ varientur se-
cundum temporis processum,
776

I N Q U Æ S T I O N E M C L X X V. *De raptu.*

- ART. I. } anima hominis rapiatur ad divi-
na. pag. 777
- II. } raptus magis pertineat tam ad co-
gnoscitivam, quam ad appetiti-
vam. 778
- III. } Paulus in raptu viderit Dei essen-
tiam. 780
- IV. || Vtrum } Paulus in raptu fuerit alienatus à
sensibus. 781
- V. } anima Pauli in statu illo fuerit
omnino à corpore separata. 782
- VI. } Paulus ignoraverit an ejus anima
fuerit à corpore separata. 783

I N Q U Æ S T. C L X X V I. *De gratiis gratis dati, quæ pertinent ad loquutionem.*

- ART. I. } illi qui consequiebantur donum
linguarum, omnibus linguis
loquerentur. pag. 784
- II. || Vtrum } donum linguarum sit excellen-
tius, quam gratia prophetiæ.
785

I N D E X.

IN QUÆST. CLXXVII. *De gratia sermonis.*

- ART. I. { in sermone consistat aliqua gratia
gratis data. pag. 787
- II. || Vtrum { gratia sermonis scientiæ & sapien-
tiæ pertineat etiam ad mulieres.
788

IN QUÆSTIONEM CLXXVIII. *De gratia miraculorum.*

- ART. I. { sit aliqua gratia gratis data ad
|| V.trum { miracula faciendâ. p. 789
- II. { mali possint miracula facere. 790

IN QUÆSTIONEM CLXXIX. *De vita activa & contemplativa.*

- ART. I. { vita convenienter dividatur per
activam, & contemplativam.
pag. 791
- II. || Vtrum { vita sufficienter dividatur per
activam, & contemplativam.
792

IN QUÆST. CLXXX. *De vita contemplativa.*

- ART. I. { contemplatio nihil habeat in af-
fectu, sed totum sit in intelle-
ctu. pag. 793
- II. { virtutes morales pertineant ad vi-
tam contemplativam. 794
- III. { ad vitam contemplativam perti-
neant diversi actus. 795
- IV. || Vtrum { vita contemplativa solum consi-
stat in contemplatione Dei. 796
- V. { vita contemplativa secundum sta-
tum præsentis vitæ pertingere
possit ad visionem divinæ essen-
tiæ. 797
- VI. { operatio contemplationis rectè
distinguitur per tres motus, &c.
798

INDEX.

VII.		contemplatio delectationem ha-	
		beat.	799
VIII. Vtrum	{	vita contemplativa sit diuturna.	
		800	
IN QUÆSTIONEM CLXXXI. <i>De vita activa.</i>			
ART. I.	{	omnes actus virtutum moralium pertineant ad vitam activam.	
		pag. 801	
II.	{	prudentia pertineat ad vitam acti-	
Vtrum	{	vam.	802
III.	{	docere sit actus vitæ activæ.	803
IV.	{	vita activa maneat post hanc vi-	
		tam.	804
IN QUÆSTIONEM CLXXXII. <i>De com-</i> <i>paratione vitæ activæ ad contemplativam.</i>			
ART. I.	{	vita activa sit potior quàm con-	
		templativa.	pag. 805
II.	{	vita activa sit majoris meriti	
		quàm contemplativa.	806
III. Vtrum	{	vita contemplativa impediatur	
		per activam.	807
IV.	{	vita activa sit prior quàm con-	
		templativa.	ibid.
IN QUÆSTIONEM CLXXXIII. <i>De offi-</i> <i>ciis & variis hominum statibus.</i>			
ART. I.	{	status in sui ratione importet con-	
		ditionem libertatis & servitu-	
		tis.	pag. 808
II.	{	in Ecclesia debeat esse diversitas	
Vtrum	{	officiorum, seu statuum.	809
III.	{	officia distinguantur per actus.	
		810	
IV.	{	differentia statuum attendatur se-	
		cundum incipientes, &c.	811
IN QUÆST. CLXXXIV. <i>De pertinentibus</i> <i>ad statum perfectionis in communi.</i>			
ART. I.	{	perfectio Christianæ vitæ atten-	

I N D E X.

	datur specialiter secundum charitatem.	pag. 812
II.	aliquis in hac vita possit esse perfectus.	813
III.	perfectio consistat in præceptis potius quam in consiliis.	815
IV.	quicumque est perfectus, sit in statu perfectionis.	816
V. Vtrum	Religiosi & Prælati sint in statu perfectionis.	817
VI.	omnes Prælati Ecclesiastici sint in statu perfectionis.	818
VII.	status Religiosorum sit perfectior statu Episcoporum.	819
VIII.	status Presbyteri Curati, & Archidiaconi sit perfectior statu Religiosi.	820
IN QUÆSTIONEM CLXXXV. De his quæ pertinent ad statum Episcoporum.		
ART. I.	liceat Episcopatû appetere.	p. 822
II.	liceat Episcopatum injunctum omnino recusare.	823
III.	oporteat eum qui ad Episcopatum assumitur, esse cæteris meliorem.	824
IV.	Episcopus licitè possit curam Episcopalem deserere, ut ad Religionem se transferat.	826
V. Vtrum	liceat Episcopo propter persecutionem temporalem sibi commissum gregem deserere.	827
VI.	liceat Episcopo aliquid proprium habere.	828
VII.	Episcopi mortaliter peccent pauperibus de bonis Ecclesiasticis non largientes.	829

INDEX.

VIII.

Religiosi in Episcopos promoti
teneantur ad observantias Re-
gulares. 831

IN QUÆST. CLXXXVI. *De pertinentibus
ad statum Religionis.*

ART. I.

Religio importet statum perfe-
ctionis. p.832

II.

quilibet Religiosus teneatur ad
omnia consilia implenda. ibid.

III.

paupertas requiratur ad perfe-
ctionem Religionis. 834

IV.

perpetua continentia requiratur
ad perfectionem Religionis.
836

V.

obedientia pertineat ad perfectio-
nem Religionis. 837

VI.

ad perfectionem Religionis re-
quiratur, quod paupertas, &c.
cadant sub voto. 838

VII.

¶ Vtrum

convenienter dicatur in tribus vo-
tis consistere Religionis perfe-
ctionem. 839

VIII.

votum obedientiæ sit potissimum
inter tria Religionis vota.
841

IX.

Religiosus semper peccet mortu-
liter transgrediendo Regulam.
842

X.

Religiosus in eodem genere pec-
cati gravius peccet quam secu-
laris. 843

IN QUÆSTIONEM CLXXXVII. *De his
quæ competunt Religiosis.*

ART. I.

Religiosis liceat docere, prædica-
re, &c. pag.844

II.

¶ Vtrum

Religiosis liceat secularia nego-
tia tractare. 845

INDEX.

I I L.	} <i>Vtrum</i>	Religiosi manibus operari teneantur.	846
I V.		Religiosis liceat de eleemosynis vivere.	847
V.		Religiosis liceat mendicare.	849
V I.		Religiosis liceat vilioribus vestibus uti.	850

IN QUÆSTIONEM CLXXXVIII. De differentia Religionum.

A R T. I.	} <i>Vtrum</i>	fit tantum una Religio.	pag. 851
I I.		aliqua Religio institui debeat ad opera vitæ activæ.	852
I I I.		aliqua Religio possit ordinari ad militandum.	853
I V.		aliqua Religio possit institui ad prædicandum, vel confessiones audiendum.	854
V.		fit instituenda Religio aliqua ad studendum.	855
V I.		Religio vacans vitæ contemplativæ potior sit vacante operibus activæ.	856
V I I.		habere aliquid in communi diminuat perfectionem Religionis.	858
V I I I.		perfectior sit Religio solitartorum, quam in communi viventium.	860

IN QUÆSTIONEM CLXXXIX. De Religionis ingressu.

A R T. I.	} <i>Vtrum</i>	in præceptis non exercitati debeant Religionem ingredi.	p. 861
I I.		debeat aliquis voto obligari ad Religionis ingressum.	863
I I I.		obligatus voto ad Religionem teneatur eam ingredi.	864
I V.		qui vovit Religionem ingredi te-	

INDEX.

	neatur in ea perpetuò manere.	865
V.	pucri recipiendi sint in Religione.	866
VI.	propter obsequium parentum debeat quis à Religionis ingressu retrahi.	867
VII.	Presbyteri curari licitè possint Religionem ingredi.	869
VIII.	liceat de una Religione in aliam transire.	ibid.
IX.	debeat quis alios inducere ad Religionis ingressum.	870
X.	laudabile sit aliquem Religionem ingredi absque multorum consilio, & diuturna deliberatione præcedenti.	871

EXTRAIT DV PRIVILEGE DV ROY.

PAR Lettres Patentes du Roy , données à S. Germain en Laye , le 23. Iuillet 1679. signées par le Roy en son Conseil, BOVCOT, & seellées du grand Sceau ; Il est permis à FRANÇOIS BARBIER nôtre Imprimeur & Libraire ordinaire en nôtre bonne Ville de Lyon, d'imprimer ou faire imprimer un Livre manuscrit , intitulé , *Summa Angelica Sancti Thoma Aquinatis Compendium Resolutorium, &c.* Authore P. Fr. ALEXANDRO PINY, Doctore Theologo , Ordinis Prædicatorum Provincia Provincia, & Majori Conventui, & Collegio Parisiensi ejusdem Ordinis affiliato, pendant le temps de six années , à compter du jour que chaque volume sera achevé d'imprimer : pendant lequel temps Nous faisons tres-expresses inhibitions & défenses à tous Libraires , Imprimeurs , & autres personnes , de quelle qualité & condition qu'elles soient , d'imprimer ou faire imprimer, vendre ni debiter ledit Livre , sous quel pretexte que ce soit , changement de titres, extraits, augmentations, corrections par autres personnes, Impression étrangere , ou autrement ; sans le consentement du Suppliant , ou de ceux qui auront droit de luy ; à peine de trois mille livres d'amende, de confiscation des Exemplaires contrefaits , & de tous dépens , dommages & intérêts , au profit dudit Exposant, ainsi qu'il est plus au long porté par lesdites Lettres Patentes.

Registré sur le Livre de la Communauté des Libraires & Imprimeurs de Paris, suivant l'Arrest de la Cour de Parlement , du 8. Avril. 1683. &



SECUNDÆ SECUNDÆ
S U M M Æ
ANGELICÆ
SANCTI THOMÆ
AQUINATIS
COMPENDIVM
RESOLVTORIVM,

IN QVO SVB SENSV, EX
mente Doctoris Sancti, duplici
ita resolutoriè concluditur, ut &
Quæsti sensus ubique multiplex
aperiatur; Et contenta in corpore
Articuli Doctrina sub brevitare
exponatur; Et contenta in Re-
sponsionibus, pro solvendis obje-
ctionibus, sufficienter propona-
tur.

2 *Quaest. I. Artic. I. & II.*
IN QVÆSTIONEM PRIMAM.
De Fide.

ARTI-
CVLVS
PRI-
MVS. **V***trum objectum Fidei sit veritas prima.*
R. Affirmativè, non quòd non cadant
materialiter sub fide plura etiam alia, quæ
non sunt prima veritas; sed ita quod veri-
tas prima sit ipsa formalis ratio, sub qua
omnia obijciuntur Fidei. *Ratio utriusque*
partis est, quia cum fides, de qua loqui-
mur, non assentiat alicui, nisi quia à Deo
revelatum, qui est veritas prima; idcò
quantum ad ea quæ cadunt materialiter
sub fide, plura quidem alia à Divinitate
considerantur, ut sunt quæ pertinent ad
Christi humanitatem, & Ecclesiæ Sacra-
menta, necnon creaturarum conditionem,
& omnia quæ in Scriptura continentur, de
quibus scilicet potest esse fides, sicut & in-
fidelitas, non nisi tamen in ordine ad Deum,
sive ut ordinantia nos in Deum; & propter
veritatem primam, quæ revelavit, cadunt
sub Fidei assensu, cujus proinde formale
objectum est prima veritas, sicut & cha-
ritatis objectum propriè est ipse Deus,
quia non nisi propter Deum diligit pro-
ximum.

ART. 2. *Vtrum objectum Fidei sit aliquid com-
plexum per modum enuntiabilis.* *R. Affir-
mativè*, non quidem si consideretur ob-
jectum Fidei ex parte rei creditæ, sed con-
sideratum ex parte credentis. *Primum est*,
quia cum cognita sint in intellectu per
modum ipsius, & modus proprius intel-
lectus humani sit, ut componendo, & divi-
dendo cognoscat; idcò loquendo ex parte
credentis est objectum Fidei complexum
quid per modum enuntiabilis, ad differen-

Quaest. I. Artic. III. 3

tiam visionis patriæ, quæ quidem cum apprehendat veritatem primam ut in se est, erit non per modum enuntiabilis, sed ad modum simplicis intelligentiæ; cum quo tamen stat, quod quia non terminatur actus credentis ad enuntiabile, sed ad rem creditam, quando quidem non formamus enuntiabilia, nisi ut per ea res cognoscamus; ideo nec dicatur in Symbolo, Deus est omnipotens; sed, Credo Deum omnipotentem. *Secundum est*, quia objectum Fidei ex parte rei creditæ est ipsa veritas prima, quæ creditur, quæ quidem est quid simplex, & incomplexum.

Utrum Fidei possit subesse falsum. R. Negativè, non quod id, quod subest fidei non possit secundum se aliter esse; sed ita quod secundum quod sub fide cadit, non possit aliter esse, quam fide creditur. *Primum est*, quia cum nihil possit sub fide cadere, nisi ut stat sub veritate prima; quandoquidem potentiæ, habitui, & actui nihil subest, nisi per rationem formalem objecti; & res secundum quod subest veritati primæ revelanti, quæ quidem est formalis ratio fidei, non possit aliter se habere, nec etiam prout subest fidei; & quidem dato, & non concesso, quod spei & charitati posset subesse falsum, utpote quæ non sunt virtutes perfectientes intellectum, sicut est fides, quæ cum perficiat intellectum, & consequenter in ordine ad bonum intellectus, quod est verum; idò non potest non excludere totaliter falsum. Vnde credentes Iudæi Christum nasciturum post nativitatem, non propterea errabant ex fide, quandoquidem per fidem sufficiebat credere Christum

ART. 3.

4 *Quest. I. Artic. IV.*

aliquando nasciturum ; sed ex conjectura humana circa determinationem temporis ; sed neque errat ex fide , si quis adoret hostiam non consecratam , quam putat consecratam , cum fides solum dicter esse corpus Christi sub speciebus , sed rectè facta consecratione. *Secundum est* , quia Deum non incarnari , secundum se consideratum fuit possibile etiam post tempus Abraham , seu postquam fuit fide creditum , cum solâ suâ voluntate carnem acceperit ; esto quod prout cadit sub præscientiâ divîna , & consequenter sub fide , quandam tunc habeat necessitatem infallibilitatis.

ART. 4. Vtrum objectum fidei possit esse aliquid visum. R. Negativè , non quòd non videatur in generali sub ratione communi credibilis ; sed ita quòd in speciali non possit esse creditum , simul & visum. *Primum est* , quia cum illa videantur , quæ per se movent sensum , aut intellectum , ut prima principia , & quæ ex illis evidenter concluduntur ; idèò cum objectum fidei non sit tale , quandoquidem ei assentit intellectus per electionem , voluntariè inclinando magis ad unam partem sine formidine ; nec etiam potest fides esse de rebus visis , sive secundum sensum , sive secundum intellectum. Vnde aliud vidit Thomas Apostolus , aliud credidit ; seu vidit hominem , & confessus est Deum : sed neque dicitur fides ex auditu , quasi sit eorum , quæ audiuntur , scilicet verborum ; sed rerum , quas non oportet esse visas. *Secundum est* , quia non crederet quis , nisi videret ea esse credenda , vel propter evidentiam signorum , vel propter aliquid hujusmodi. In quo quidem sensu intelligitur il-

Quaest. I. Artic. V. §

Iud Apost. *Videmus nunc per speculum*, scilicet sub ratione generali credibilis, in qua etiam facit fidei lumen videre ea, quæ creduntur, inclinando scilicet mentem hominis ad assentiendum his, quæ conveniunt rectæ fidei, & non aliis.

Utrum ea, quæ sunt fidei, possint esse scita. ART. 5.

R. *Negative*, non quod possit esse scitum, vel etiam visum ab uno, quod ab alio est creditum; sed ita quod de eodem secundum idem non possit esse simul in uno homine scientia cum fide, sicut nec cum opinione. *Primum est*, quia cum omnis scientia habeatur per aliqua principia per se nota, & per consequens visa; & impossibile sit quod idem secundum idem sit ab eodem visum, & creditum, ut supra dictum est; idè & impossibile est quod de eodem secundum idem sit in eodem subiecto scientia cum fide, non quidem ea ratione, qua impossibilis est scientia cum opinione, quatenus scilicet de ratione scientiæ est, quod scitum existimetur esse impossibile aliter se habere, opinatum autem è contra existimetur possibile aliter se habere; sed quia scitum est visum, & creditum est non visum. Vnde quæ demonstrabilia sunt, non ita ponuntur inter credenda, quasi de illis sit simpliciter fides apud omnes, sed quia præexiguntur ad ea, quæ sunt fidei, & propter eos, qui demonstrationem non habent: neque rationes probantes res fidei, eas demonstrant, sed solum ostendunt, non esse impossibile id quod creditur; esto quod valeant apud fideles, ubi ex fidei principiis procedunt. Cum quo tamen stat, fidelem, quanvis non scientem demonstrati-

6 *Quaest. I. Artic. VI.*

vè , quæ sunt fidei , tamen non esse eorum ignorantem, propterea quod adhuc cognoscit, esse credibilia. *Secundum est*, quia licet quod communiter proponitur omnibus ut credendum, qualia sunt quæ simpliciter fidei subsunt , sit communiter non scitum; nihilominus ea quæ credimus, nos aliquando visuros speramus, juxta illud: *Tunc autem facie ad faciem* ; sicque potest contingere, ut idem vel pro diverso tempore, vel à diversis sit creditum, & scitum ; sicut & quod secundum aliquid credatur, & sciatur quoad aliud, putà quod credatur Deus ut trinus, & sciatur ut unus.

Cor. 13.

ART. 6. *Vtrum credibilia sint per certos articulos distinguenda. R. Affirmativè* ; si tamen sermo sit de credibilibus , non quæ talia sunt in ordine solum ad alia, sed de quibus habetur fides secundum se. *Primum est*, quia cum articulus dicat coaptationem quandam partium distinctarum, & ista partium coaptatio maximè debeat esse in credibilibus, quanvis formalis eorum ratio ex parte rei creditæ sit una omnium, scilicet veritas prima, utpote cum ex parte nostri ratio formalis sit , ut sit non visum , sicque ubi est aliquid specialiter non visum, & specialis difficultas , ut quod Christus sit passus , & resurrexerit , sit specialis ratio distinguendi ; esto quod ubi multa sunt secundum eandem rationem cognita, vel non cognita, ut Deum esse mortuum, & sepultum, non debeat articulus distingui ; consequenter fit, quod sint credibilia per certos articulos distinguenda : & quidem quanvis dicatur articulus indivisibilis veritas , quæ arctat ad credendum ; nec enim

cogit ad credendum necessitate coactionis, sed necessitate finis, quatenus non salvabitur, nisi qui crediderit. *Secundum est*, quia sicut in aliis scientiis, quædam proponuntur ut per se intenta, & quædam in ordine solum ad alia manifestanda; sic & in fide, quæ est sperandarum substantia rerum, præter ea quæ videnda speramus in patria, quæque proinde per se ad fidem pertinent, alia quædam proponuntur ad prædictorum manifestationem, quæ cum sint ferè omnia quæ continentur in Scriptura, non possunt, nec debent in certos distingui articulos.

Vtrum articuli fidei secundum successio- ART. 7.
nem temporum creverint. R. Affirmativè,
non quidem quantum ad substantiam credendorum, sed quantum ad explicationem. *Primum est*, quia quædam explicitè cognita sunt à posterioribus, quæ non ita à prioribus agnoscebantur, juxta illud Apost. *In aliis generationibus non est agnitum mysterium Christi, sicut nunc revelatum est sanctis ejus Apostolis.* Licet enim bona speranda, quorum fides substantia est, ex Apost. omni tempore fuerint; quia tamen dantur per Christum, & insuper consummatio gratiæ facta per Christum, & tempus ejus dicitur plenitudo gratiæ; ideo qui ei fuere propinquiore, ea etiam clariùs viderunt; & quidem quanvis operatio gratiæ dicatur incipere à perfectis, utpote quod intelligitur ex parte causæ agentis, quæ est Deus, non ex parte causæ materialis, quæ est homo, ex parte cujus ab imperfectis ad perfecta proceditur. Vnde ex parte solum addiscentis fuit profectus fidei, cujus capacitati se Deus accommodavit, & sic crevit tempo-

Ephes. 3.

8 *Quaest. I. Artic. VIII.*

rum successione. *Secundum est*, quia quæ posteriores crediderunt, cum continerentur implicite in quibusdam primis articulis, ad quos reliqui reducuntur, ut in his duobus, Deum esse, & Remuneratorem esse; in illo quidem quæ de Deo dicuntur æternaliter, in quibus est nostra beatitudo; in hos autem quæ de Deo dicuntur ex tempore, & quæ spectant ad salutem consequendam, & sic sub aliis alii, ut sub fide redemptionis Incarnatio Verbi, &c. ideo quantum ad substantiam fidei non est factum augmentum articulorum successione temporum.

ART. 8. *Vtrum articuli fidei convenienter enumerentur. R. Affirmative*, ita quod quæ per se pertinent ad fidem in quatuordecim distinguere debeant articulos, quanvis non ita, quin ad duodecim reduci possint. *Primum est*, quia cum per se pertineant ad fidem, quorum visione in vita perfruemur æterna, quæque nos ad illam ducunt, mysteria scilicet divinitatis, & humanitatis, juxta illud, *Hæc est vita æterna, ut te cognoscant, & quem misisti Iesum Christum*; ideo cum circa primò credibilia de divinitate septem proponantur articuli, & totidem de humanitate; de divinitate quidem primò unitas: tum trinitas personarum in tribus articulis: tum opera propria divinitatis; & primum quoad esse naturæ, & sic creatio; deinde quoad esse gratiæ, & sic omnia opera sanctificationis; postremò quoad esse gloriæ, & sic resurrectio & vita æterna: circa verò humanitatem primò proponatur de incarnatione, seu conceptione; tum de natiuitate; insuper de passione, morte, & sepultura; postea de descensu ad inferos, de Re-

Resurrectione, de Ascensione, de adventu ad
judicium; consequenter fit, quod primò
credibilia in quatuordecim convenienter
distinguantur articulos; & quidem plures
circa personas, quanvis sub articulo uni-
tatis contineantur, utpote quæ speciales
habent seorsim difficultates; necnon & plu-
res circa personas Filij, & Spiritus sancti,
utpote qui mittuntur ad sanctificationem
creaturæ, de qua plura occurrunt creden-
da, quàm de persona Patris; ita tamen
quod scientia & providentia Dei, de qui-
bus non fit mentio, contineantur sub om-
nipotentia, sicut & Eucharistia, non qui-
dem ut Sacramentum, quod continetur sub
operibus sanctificationis, sed prout ibi est
Christus miraculosè; nec de Dei unitate,
utpote demonstrabili, ponatur articulus;
nisi quia sub ea multa continentur, sive
quantum ad providentiam, vel alia, quæ
non potuerunt Philosophi investigare. *Se-
cundum est*, quia & possunt tres articuli
trium personarum comprehendì sub uno;
cùm eadem sit cognitio trium personarum;
& articulus de opere glorificationis distin-
gui in duos, scilicet in resurrectionem car-
nis, & gloriam animæ; tum etiam articu-
lus conceptionis, & nativitatis conjungi in
unum.

*Utrum convenienter articuli fidei in Sym-
bolo proponantur. R. Affirmativè*, ita quod
& fuerit necessarium summarie colligi ex
sententiis Scripturæ, quod omnibus propo-
neretur ad credendum; & in collectione
facta nihil inconueniens contineatur. *Præ-
mum est*, quia cùm accedentem ad Deum
oporteat credere, ex Apostolico & opus fuit

ART. 9.

Ad Hebr.
4.

credenda in unum colligere, unde nomen Symboli ortum est, ne scilicet homines ex ignorantia à veritate fidei deficerent; præfertim cum veritas fidei in Scriptura sacra diffusè contineatur, & variis modis, & in quibusdam obscurè. Vnde non est Symbolum additum Scripturæ, sed potius ex ea sumptum, ut omnes summarie Fidei veritatem intelligerent. *Secundum est*, quia & in omnibus Symbolis idem docetur, quantumvis propter novos insurgentes errores plenius in uno explicetur, quod in alio erat implicitè. Et cum confessio Symboli sit in persona totius Ecclesiæ, in qua semper est fides formata, ideò & bene dicitur, Credo in Deum, quod est eorum, qui fidem habent formatam; sicut & in sanctam Ecclesiam, referendo scilicet fidem nostram non in creatum quid, sed in Spiritum sanctum pro ut Ecclesiam sanctificantem. Ita tamen quod melius dicatur, Credo sanctam Ecclesiam, quàm In sanctam, ut dicit Leo Papa; necnon & Symbolum Patrum, quia est manifestativum Symboli Apostolorum, & quia factum fuit fide jam promulgatâ, melius etiam dicatur in Missa; istud verò solum occultè.

ART.
30.

Verum ad summum Pontificem pertineat Fidei Symbolum ordinare. R. Affirmativè, & quidem taliter, quod ad solam auctoritatem summi Pontificis pertineat nova editio Symboli; non tamen aliam continentis fidem, sed eandem magis expositam. Primum est, quia ad illius auctoritatem pertinet Symboli editio, ad quem pertinet finaliter determinare quæ sunt fidei, quod quidem pertinet ad auctoritatem summi

Pontificis, quandoquidem pro Petro rogavit Christus, ne ejus fides deficeret, & quia debet esse una totius Ecclesiæ fides; quod non esset, si res fidei non determinarentur per eum, qui toti Ecclesiæ præest. Vnde prohibitio de nova editione Symboli facta in Conciliis, non nisi ad privatas personas se extendit, non autem ad Pontificem, cujus est congregare Synodum, & confirmare. Nec Athanasii Symbolum habetur pro regula fidei, nisi quia autoritate summi Pontificis est receptum. *Secundum est*, quia cum perversi homines Apostolicam, & cæteras doctrinas perverterint ad sui ipsorum perditionem, sicut dicitur 2. Pet. ult. ideo & necessaria fuit temporibus procedentibus, non quidem nova fides, cujus quidem veritas in doctrina Christi, & Apostolorum fuit sufficienter tradita, sed eadem magis exposita.

Luc. 12.

In gestis
Synodi
Ephesi &
Chalcedon.

IN QVÆSTIONEM II.

De actu Fidei.

Vtrum credere sit cum assensione cogitare. R. Affirmativè; si tamen sumatur ibi cogitare, non quidem pro actu cogitativæ virtutis, aut qualicumque intellectus consideratione; sed pro actu intellectus inquirentis, seu deliberantis. *Primum est*, quia cum dicatur quis fide credere quando cogitationem habet, non quidem informem sine assensione in neutram partem, hæc enim est dubitatio; vel levi signo in unam partem inclinantem, quippe quæ est suspicio; vel adhærentem uni, sed cum formidine, utpote quæ est opinio; sed cum firma adhæensione, in quo quidem convenit credens cum intelligente & sciente; & differt à vidente,

ARTI-
CVLVS
P R I-
MVS.

qui omnino perfectè cognoscit, absque coagitatione, sive inquisitione; ideo & proprium est credentis cum assensione cogitare, ita quod dicatur cogitare, sive coagitare, non quidem per inquisitionem rationis naturalis, sed inquisitionem eorum, quæ dicta sunt à Deo, & miraculis confirmata; dicatur autem cum assensu, quia licet credere sit actus quidam intellectus, non tamen nisi ut est à voluntate determinatus. *Secundum est*, quia cum fides in ratione ponatur, ut infra dicitur, & virtus cogitativa, quæ scilicet versatur circa intentiones particulares, sicut & intellectus circa universales, ad partem spectet sensitivam, ideo non supponit fidei cogitatio pro actu cogitativæ virtutis, sed nec pro qualicumque actuali consideratione intellectus, cum per hunc modum, etiam qui considerat ea quæ scit, vel intelligit, cum assensione cogitet, nec tamen dicatur credere, sed potius videre, cum sit hoc absque inquisitione, & deliberatione.

ART. 2. *Vtrum convenienter distinguantur actus fidei per hoc, quod est credere Deo, credere Deum, & credere in Deum. R. Affirmativè, non quod per ista tria designentur diversi actus fidei, sed ita quod unus & idem actus tres huiusmodi habeat ad fidei objectum relationes. Primum est, quia cum intellectus fide formatus tripliciter se habeat ad objectum; vel enim actus ipsius in se consideratur, non consideratà voluntate ut movente, & tunc si fertur ut in objectum materiale in Deum, ad quem omnia aliquatim pertinet, & reducuntur credibilia, credimus Deo; si ut in objectum formale,*

credimus Deum, quasi sicut medium propter quod credibilibus assentimus; unde nec convenit infidelibus sub ea ratione, qua ponitur actus fidei, utpote qui non attingunt totaliter Deum sub his conditionibus, quas determinat fides: vel actus ille intellectus consideratur ut est à voluntate motus, quæ quidem movet ad assentiendum; & tunc dicamur credere per intellectum ex voluntate in Deum, in quem scilicet per voluntatem, ut in finem tendimus; ideò ex variis relationibus ad objectum congruè distinguuntur in actu fidei, credere Deo, credere Deum, & credere in Deum. *Secundum est*, tum quia unius habitus, qualis est fides, unus est actus; tum quia credere Deum invenitur communiter in quolibet fidei actu, utpote quæ primæ veritati innititur.

Vrum credere aliquid supra rationem naturalem, sit necessarium ad salutem. R. Affirmative, ita quod salus, seu beatitudo & perfectio nostra non nisi in quadam supernaturali Dei participatione consistat, & non nisi credendo ad hanc perveniatur. *Primum est*, quia cum ad perfectionem cujuscumque naturæ inferioris subordinatæ non solum requiratur quod est secundum motum proprium, sed etiam aliquid secundum motum superioris naturæ, unde cæli inferiores suo & superioris orbis motu moventur; & creatura rationalis habeat prout rationalis immediatum ordinem ad Deum primum motorem, quia non solum participat bonum particulare, ut aliæ, sed etiam cognoscit rationem universalem boni; ideò non in eo, quod ei convenit secun-

ART. 3.

dum naturam, consistit ipsius perfectio, si-
ve beatitudo, & salus; sed in eo, quod ei
tribuitur ex supernaturali perfectione divi-
næ bonitatis, id est in visione supernaturali
Dei. *Secundum est*, quia cum ad hujusmo-
di perfectionem non possit homo pervenire
nisi per modum addiscentis à Deo Docto-
re, secundum illud, *Omnis qui audit à Patre,*
& didicit, &c. hujus autem disciplinæ fiat
homo particeps successivè, juxta scilicet
modum suæ naturæ; & qui sic addiscit, ut
veniat ad perfectam scientiam, debeat cre-
dere, ut ait Arist. idèò ut perveniat homo
ad præfatam perfectionem, in qua est sa-
lus, debet Deo, à quo movetur; ut disci-
pulus à Magistro, fidem præstare, quæ qui-
dem invisibilia Dei altiori modo quantum
ad plura percipit, quàm ratio naturalis ex
creaturis in Deum procedens, & quidem
absque periculo; quanvis periculosè dica-
tur homo assentire his, in quibus nequit ju-
dicare, utpote cum per virtutis habitum
habeat homo rectum judicium de his, quæ
huic conveniunt virtuti; & consequenter
per fidei lumen divinitus infusum assentiat
solum his, quæ sunt fidei, non autem con-
trariis.

ART. 4. *Vtrum credere ea qua ratione naturali pro-
bari possunt, sit necessarium. R. Affirmati-
vè, non quòd omnia ratione scibilia æqua-
liter proponi debeant ut credenda; sed ita
quod plura ex divinis, quæ per rationem
sciri possunt, tradi debuerint per modum
fidei, quasi à Deo dicta. Primum est, quia
& est hoc necessarium, ut citius homo ad
veritatis divinæ cognitionem perveniat;
quandoquidem ad scientiam, cujus est pro-*

bare Deum esse, non nisi variis scientiis pervenitur; & necessarium est, ut cognitio Dei sit communior, cum non omnes possint scientiis incumbere, nec sufficiat investigatio naturalis ad cognitionem divinorum, quam fideles habere debent: tum etiam necessarium propter certitudinem, utpote cum ea, quæ per fidem accepta sunt, non possint esse falsa, sicut cognita per rationem humanam. Vnde de eodem non potest quidem esse scientia, & fides apud eundem, sed apud diversos maximè. *Secundum est*, quia quanvis omnia scibilia in una conveniant ratione scientiæ, quia tamen non æqualiter ordinantur ad beatitudinem, ideò nec æqualiter proponuntur credenda.

Utrum homo teneatur ad credendum explicitè. R. Affirmativè, non quidem taliter, quod omnia, quæ Scriptura continet, teneatur credere explicitè; sed ita quod quantum ad prima credibilia, quæ sunt Fidei articuli, teneatur credere explicitè, sicut & tenetur habere fidem. *Ratio utriusque partis est*, quia cum circa actus virtutum, de quibus dantur præcepta legis, determinatio actus sit de necessitate præcepti æquè ac actus, quando scilicet sumitur ex habitudine ad objectum proprium virtutis, non autem quando sumitur per ordinem ad ea, quæ se habent accidentaliter ad objectum, nisi fortè pro loco & tempore; ideò cum prima credibilia, seu Fidei articuli sint objectum proprium & per se Fidei, utpote per quæ, & eorum visionem homo beatus efficitur, ad differentiam aliorum, quæ continet sacra Scriptura; ideò, inquam fit, quod alia quidem credibilia teneatur solum ho-

ART. 5.

mo credere implicitè, seu in præparatione animi, eaque solùm teneatur credere explicitè, cùm ei constiterit in doctrina Fidei contineri; quia ista secundariò se habent ad objectum Fidei: sed quantum ad prima credibilia teneatur homo determinatè & explicitè credere; juxta illud Apost. *Accedentem ad Deum oportet credere quia est, & quod inquirentibus se remunerator est*; sicut & quisque tenetur aliqua determinatè diligere, ut Deum, & proximum, eo quòd sunt ista per se objectum charitatis, nec sufficit diligere in præparatione animi; esto quod quia virtus obedientiæ est in voluntate subditâ, ideo ad ejus actum satis sit promptitudo voluntatis subjectæ præcipienti. Vnde & ad credendum explicitè potens est homo, sed tamen cum auxilio gratiæ, quod quidem quibuscumque datur, misericorditer datur; quibus autem non datur, ex justitia non datur, in pœnam præcedentis peccati, saltem originalis, ut dicit Augustinus.

Lib. de
corrupt.
& grat.
cap. 5.

ART. 6.

Utrum omnes aequaliter teneantur ad habendam fidem explicitam. R. Negativè, ita: quod ad plura teneantur majores, quàm minores, quos instruunt; quanvis non ita, quod humana majorum cognitio sit propter eam Fidei regula in minoribus. Primum est, quia explicatio credendorum cùm fiat per revelationem divinam, & ita ex Dion. ordine quodam à Deo ad hominem procedat, sicut & homines per Angelos doceri solent, & inferiores Angeli per superiores; ideo & magis participabunt fidem superiores, qui alios docere debent. Vnde nec est explicatio credendorum quantum ad omnes aequaliter de necessitate salutis, quia plura de-

Cap. 4. &
7. Cael.
Hier.

bent explicitè credere majores, quàm minores; neque examinandi sunt simplices de subtilitatibus Fidei, nisi quando esset suspicio; sed nec id eis imputaretur in culpam, nisi in eis inveniretur pertinacia. *Secundum est*, quia cum minores non habeant fidem implicitam in fide majorum, nisi quatenus isti divinæ adhærent doctrinæ; ideò nec est in hoc casu humana istorum cognitio regula Fidei, sed magis veritas divina.

Utrum explicitè credere mysterium Incarnationis sit de necessitate salutis ad omnes. R. Affirmativè, ita scilicet, quod oportuerit mysterium hoc omni tempore esse creditum apud omnes; sed tamen diversimodè secundum diversitatem personarum, & temporum. *Primum est*, quia cum hoc sit necessarium credere omni tempore apud omnes, unde pendet salus; & tale sit hoc mysterium, juxta illud, *Non est aliud nomen datum hominibus, in quo oporteat nos salvos fieri*; ideò & hoc mysterium oportuit omni tempore esse aliququaliter creditum apud omnes. Vnde nec omninò latuit Angelos, per quos ad nos pervenit revelatio, esto quod rationes aliquas postea cognoverint revelante Christo. Neque quæsit Ioannes Baptista à Christo, *Tu quis es?* quasi ipse ignoraret, sed ut per Christi responsionem suos doceret discipulos: sed nec qui ex Gentilibus salvati sunt, fuere sine fide de eo, saltem implicita, credentes scilicet Deum liberatorem secundum modos sibi placitos. Quin immò & multis Gentilibus fuit facta expressa revelatio de Christo, ut patet Job 12. & de Sibyllis, quæ quædam

ART. 7.

Act. 4.

Lib. 13.
contra
Faustū,
cap. 15.

prænuntiarunt de Christo, ut August. dicit. *Secundum est*, quia ante peccatum homo illud cognovit, sed ut erat ordinatum ad consummationem gloriæ; post peccatum verò etiam quantum ad passionem, & resurrectionem, quibus scilicet debebat homo à peccato liberari; aliter enim non præfigureret Christi passionem quibusdam sacrificiis, quorum quidem significationem cum cognoscerent majores explicitè, & minores tanto magis, quanto Christo fuere propinquiore; ideo post Christum, & tempore gratiæ, tam majores, quàm minores tenentur de necessitate salutis explicitè credere, quanvis non omnes quantum ad subtiles considerationes, sed pro ratione status.

ART. 8. *Utrum explicitè credere Trinitatem sit de necessitate salutis. R. Affirmativè*, ita quod & ante Christum fuerit explicitè creditum à majoribus, & obumbratè à minoribus; & post Christum teneantur & majores, & minores ad illud explicitè credendum. *Ratio utriusque partis est*, quia in mysterio Incarnationis continetur, & agnoscitur Trinitas personarum, in eo scilicet quod Filius Dei carnem assumpsit de Spiritu sancto conceptus; & ideo sicut Incarnatio, sic & Trinitas debuit explicitè quidem credi à majoribus ante Christum, & implicitè à minoribus; sed post tempus gratiæ divulgatæ, in quo quidem per Christum, & per Apostolos manifestata est fides mundo, debuit quantum ad omnes credi explicitè, quod quidem adipiscuntur per invocationem ejusdem Trinitatis in Baptismo. Vnde omni quidem tempore, & quoad omnes necessarium fuit ex Apost. credere quod Deus est,

& quod remunerator est; non tamen est sufficiens omni tempore, & quoad omnes: sed & summa Dei bonitas, esto quod juxta modum, quo nunc intelligitur per effectus, possit intelligi absque Trinitate personarum, non tamen secundum quod intelligitur in seipsa prout videtur à Beatis, nec consequenter secundum quod respondet fidei.

Utrum credere sit meritorium. R. Affirmative, non quòd possit fides sine charitate actum producere meritorium; sed ita quod superveniente charitate possit actus fidei, & quoad assensum, & quoad considerationem rei creditæ fieri meritorius. *Primum est*, quia cum actus dicatur meritorius, ut est à libero arbitrio moto à Deo; & credere sit actus intellectus assentientis veritati divinæ imperio voluntatis à Deo motæ, & ita subjacens libero arbitrio; ideò & potest esse meritorius, si aliunde superveniat charitas, qua in Deum ordinetur, & propter Deum; & quidem nedum ex parte considerationis, in qua & scientia & opinio possunt etiam esse meritoria ex fine; sed & quantum ad assensum, ad quem inducitur sufficienter, ut non leviter credat, auctoritate scilicet divinæ doctrinæ, miraculis & interiori instinctu, ad differentiam scientiæ, cujus quidem assensus non subiacet libero arbitrio; necnon & opinionis, quæ cum non habeat firmum assensum, habet ex hac parte minimum meriti. *Secundum est*, quia cum natura se habeat ad charitatem ut materia, & fides ut dispositio, quæ quidem non operantur, nisi adveniente forma, quæ est ipsa charitas, ideò nec actus fidei, nec naturæ potest absque charitate esse meritorius.

ART. 9.

ART.
10.

*Vtrum ratio inductiva ad ea, quae sunt fidei, minuat meritum fidei. R. Negativè; si tamen se habeat ad voluntatem credentis non quidem antecedenter, sed consequenter. Primum est, quia ubi talis ratio se habet solum consequenter, ut accidit quando quis habens voluntatem promptam ad credendum, & diligens veritatem creditam, inde super eam excogitat, si quas rationes potest ad hoc invenire, tunc potius est signum maioris meriti; quandoquidem sicut passio consequens in virtutibus est signum promptioris voluntatis, sic & ratio consequens fidem. Vnde quavis demonstrationes, quae quidem non possunt esse de rebus fidei, sed de praeambulis ad fidem, tollant rationem fidei, quia faciunt rem apparentem; non tamen minuunt fidei meritum, cum non minuant charitatem, quā sit voluntas prompta ad credendum; sed nec minuit ratio coadjuvans, esto quod magis mereantur sapientes qui à fide non recedunt per rationes Philosophorum, sicut & Martyres, utpote cum non minuat promptitudinem voluntatis. Secundum est, quia cum nemo debeat credere ob rationem humanam, sed propter auctoritatem divinam; ideò si talis ratio sit antecedens, id est si ipsa sola sit causa ut credamus, aliàs non credituri, tunc haud dubiè minuit meritum fidei. Vnde & in hoc casu locum habet auctoritas D. Greg. dicentis, *Fides non habet meritum, ubi humana ratio praebet experimentum.**

ARTI-
CVLVS
P R I-
MVS.

IN QVÆSTIONEM III.

De exteriori actu Fidei.

V*trum confessio sit actus Fidei. R. Affirmativè, si tamen sermo sit, non de*

quavis confessione, sed de confessione eorum, quæ sunt fidei. *Primum est*, quia cum actus externi illius sint virtutis, ad cuius finem ordinantur, quo modo jejunium est actus abstinentiæ, quia ad ejus finem refertur; & exterior illa loquutio ordinetur ad manifestandum conceptum internum eorum, quæ sunt fidei; credimus enim, inquit Apost. propter quod & loquimur; ideo & 2. Cor. 4. est hæc confessio oris proprius fidei actus, non autem fortitudinis, quæ cum solum removeat impedimentum confessionis fidei, timorem scilicet, & erubescenciam, est solum causa per accidens confessionis fidei; & quidem quanvis alia exteriora opera non ponantur fidei actus, utpote quæ non producit fides, nisi aliis medianibus virtutibus; cum tamen confessionem producat tanquam proprium actum, nullâ aliâ mediante virtute. *Secundum est*, quia præter confessionem eorum, quæ sunt fidei, est & confessio laudis, quæ quidem ad latrîam; & alia peccatorum, quæ ad pœnitentiam spectat.

Utrum confessio fidei sit necessaria ad salutem. R. *Affirmativè*, non quidem taliter, quod obliget pro semper, sed ita quod ubi, & quando subtraheretur per omissionem honor Deo debitus, vel etiam utilitas proximi, toties obliget ad salutem. *Primum est*, quia cum finis fidei sit charitas, & ita non sufficiat, ut quisque per fidem conjungatur veritati divinæ, sed oporteat, ut cum charitas postulaverit, exterius confiteatur fidem; ideo casu quo per omissionem talia subtraherentur Deo & proximo, sive si per taciturnitatem crederetur vel quod quis

ART. 2.



non haberet fidem, vel quod fides non esset vera, & sic alij ex hoc à fide averterentur, in tali inquam casu periclitantis fidei, non solum majores, sed & quilibet tenetur fidem propalare, vel ad instructionem proximi, vel ad confirmationem, aut ad infidelium reprimendam insultationem; ita tamen, quod ubi non adesset fidei, vel fidelium utilitas, sed potius perturbatio infidelium, non expediat tunc confessio fidei. *Secundum est*, quia cum confessio fidei sit sub præcepto affirmativo, non est semper de necessitate salutis, sed pro tempore, & & aliis circumstantiis.

IN QVÆSTIONEM IV.

De ipsa fidei virtute.

ARTI-
CVLVS
P. R I-
MVS.

V*trum sit competens fidei definitio, Fides est substantia sperandarum rerum, argumentum non apparentium. R. Affirmative,* ita quod & detur per actus in ordine ad objecta, sicut & omnis bona definitio habitus; & faciat differre definitum ab aliis. *Primum est*, quia cum actus fidei sit credere ex imperio voluntatis, proindeque debeat dicere ordinem ad objectum & intellectus, & voluntatis; ideò cum objectum voluntatis sit res sperata, fidei verò res non visa, quæ quidem duo explicantur, cum dicitur Substantia, id est prima inchoatio rerum sperandarum in nobis per assensum fidei, quæ continet res sperandas; & argumentum non apparentium, id est convictio eorum, quæ non videntur, sumendo scilicet argumentum, non id quod sumitur ex principiis rei, sed ex autoritate divina, quæ quidem non facit res apparentes; consequenter fit, quod hæc sit competens fidei definitio, definitæ

ad modum habitus, adeo ut huic æquiva-
leat, qua definitur fides, Habitus mentis,
quo inchoatur vita æterna in nobis, faciens
assentiri non apparentibus. Vnde non sumi-
tur ibi substantia ut est genus ab aliis divi-
sum, sed ut est primum & inchoativum in
quolibet genere, alia in se virtute conti-
nens; nec ponitur in hac definitione fidei
res diligenda, quanvis magis perficiatur
fides charitate, quàm spe, utpote quia spes
semper est absentium, & non visorum, non
ita charitas: sed nec ibi dicunt substantia
& argumentum diversa genera, sed potius
diversas habitudines unius actus ad diversa
objecta; quod quidem requiritur ad fi-
dem, ut dictum est.

Vtrum fides sit in intellectu sicut in sub- ART. 2.
jecto. R. Affirmativè, non quòd non debeat
esse in voluntate, sicut & in intellectu habi-
tus aliquis, ut actus fidei sit perfectus; sed
ita quod proprium principium actus fidei
sit habitus, non qui est in voluntate, sed
qui subiectatur in intellectu. *Ratio utrius-*
que partis est, quia cùm credere, quod est
actus fidei, sit actus intellectus, ut est mo-
tus à voluntate, quorum quidem utrum-
que natum est perfici habitu; ideo nec po-
test talis actus esse perfectus, nisi utrumque
principium etiam perficiatur per habitum,
qui est dispositio ad bene agendum; sed
quia objectum actus, qui est credere, est ve-
rum, quod propriè pertinet ad intellectum;
ideo & habitus, qui est proprium princi-
pium talis actus, scilicet fides, est ille, qui
subiectatur non in voluntate, sed in intel-
lectu; & quidem speculativo, ut pater ex
fidei objecto, quanvis fides per extensionem

24 *Quaest. IV. Artic. III. & IV.*

fiat practica, dum scilicet per dilectionem operatur, eo quod prima veritas, quæ est ejus objectum, sit omnium nostrarum actionum finis. Vnde cum ait Augustinus, fidem esse in voluntate, non nisi fidei actum intelligit, quatenus assentitur imperio voluntatis; nec ita sufficit ad fidei assensum ut voluntas sit prompta ad obediendum Deo, quin etiam oporteat, ut intellectus sit dispositus per fidei habitum ad exequendum imperium voluntatis.

ART. 3. *Vtrum charitas sit forma Fidei. R. Affirmativè, non quod sit charitas forma intrinseca fidei; sed ita quod formetur actus fidei, & perficiatur per charitatem. Primum est, quia cum quod est finis in actibus voluntariis sit forma, utpote cum à fine specificentur; & objectum charitatis, quod est bonum divinum, sit finis fidei, quandoquidem ad illud fides ordinatur, tanquam ad finem; ideò & charitas est forma fidei, sed prout ejus informat actum, seu ultimatè perficit; unde nihil prohibet, quod eorum quæ quasi ex opposito dividunt genus, unum sit in hoc sensu forma alterius, cum nihil prohibeat, unum actum à diversis habitibus informari, & ad diversas reduci species ordine quodam. Secundum est, quia forma intrinseca, & id cujus est forma, sunt in eodem; cum tamen fides sit in intellectu, & charitas in voluntate.*

ART. 4. *Vtrum fides informis possit fieri formata, vel è converso. R. Affirmativè, ita quod nec tollatur fides informis adveniente fide formata; nec maneat cum formata fides informis, quasi alius ab ipsa habitus. Ratio utriusque partis est, quia cum fides sit perfectio*

fectio intellectus, proindeque per se solum ad fidem pertineat, quod pertinet ad intellectum; ideo cum solum diversificetur habitus per id, quod per se ad ipsum pertinet; distinctio autem fidei formatæ, & informis sumatur secundum id quod pertinet ad voluntatem, quæ quidem non pertinet per se ad fidem, non potest per consequens ex eo diversificari habitus, seu mutari fides quando ex informi fit formata, vel è converso; sed solum mutatur fidei subjectum, scilicet anima. Et quidem quanvis ex Apostolo, perfectum evacuet quod ex parte est, utpote quod intelligitur dictum, quando imperfectio est de ratione rei imperfectæ, cujusmodi non est infirmitas respectu fidei, ad differentiam ejus, quod dat vitam animali quod cum sit de ipsius ratione, ideo nec animal mortuum fit vivum. Vnde nec tollitur fides informis adveniente formatâ, & errant qui contrarium asserunt, cum unum Dei donum non excludat aliud; nec manet cum formatâ informis, quasi alius habitus, præsertim cum tunc maneret otiosus; ita tamen, quod non nisi per accidens sit, quod gratia adveniens fideli, in eo denuò non causet fidem, quam causat adveniens infideli, eo quod scilicet jam illam habeat.

Vtrum fides sit virtus. R. *Affirmative.* ART. 5.
non quidem informis, sed fides formata. *Primum est*, quia cum habitus, qui est principium boni actus, sit virtus, quæ quidem est, quâ actus redditur bonus; & talis sit fides formata, quando quidem ipsius actus infallibiliter tendit per intellectum in suum bonum, scilicet verum; & per voluntatem ordinatur à charitate, quâ formatur in fi-

- nem ultimum ; ideo cum hæc tantum duo ad perfectum fidei actum requirantur , qui quidem est actus intellectus assentientis verò ex imperio voluntatis, erit fides formata virtus , ad differentiam fidei humanæ, quæ cum non innitatur veritati divinæ, sed rationi humanæ, cui potest subesse falsum, nec etiam ponitur à Philosopho inter virtutes intellectuales. Cum quo tamen stat, quod adhuc fides ponatur gratia gratis data , sumpta scilicet pro aliqua fidei excellentia, ut pro constantia, aut pro sermone fidei ; necnon & inter fructus ; secundum quod aliquam habet delectationem in suo actu ratione certitudinis. *Secundum est*, quia etsi actus fidei informis habeat perfectionem debitam ex parte intellectus, non tamen habet ex parte voluntatis, ut patet ; atque ita cum differat à formata, sicut imperfectum & perfectum in eadem specie ;
- In 6. Eth. virtus autem sit perfectio quædam, ut dicitur, non erit fides informis virtus.
1. Cor. 12. ad Gal. 5.

ART. 6. *Vtrum fides sit una virtus. R. Affirmative*, non quod non sit numero differens in diversis ; sed ita quod siue sumatur pro habitu, quo credimus, siue pro eo quod creditur, una sit specie. *Primum est*, quia cum objectum formale, ex quo quidem fides, & quilibet alius habitus sortitur speciem, sit unum in fide, scilicet prima veritas , cui etiam inhærendo credimus quæcumque sub fide continentur, siue temporalia , siue æterna ; ideo & est una specie fides , etiam ex parte credibilium , ad differentiam scientiæ & sapientiæ, quæ quidem considerantes temporalia, & æterna secundum proprias rationes , non autem cum ordine ad

unum, sunt etiam ab invicem differentes, & quidem quanvis non confiteamur factum, quod antiqui Patres confitebantur futurum; nec enim est diversitas hæc futuri & præteriti ex aliqua diversitate rei creditæ, sed ex diversa habitudine credentium. *Secundum est*, quia cum habitus individuetur à subjecto, ideò & numericè diversificatur fides secundum quod est diversorum hominum.

Utrum fides sit prima inter virtutes. ART. 7.

R. Affirmative, non quòd non possit esse per accidens aliqua prior, sed ita quod per se loquendo sit fides prima inter omnes virtutes. *Primum est*, quia cum in agibilibus finis ipse sit principium, ideò necesse est, virtutes theologicas, quarum quidem objectum est finis ultimus, esse cæteris virtutibus priores; sed quia finis hic ultimus prius esse debet in intellectu, quàm in voluntate, cum voluntas non feratur nisi in cognitum, est consequenter fides etiam inter theologicas prior. Vnde nec dicitur spes introducere ad fidem, nisi prout facit, quod aliquis perseveret in fide, & ei firmiter adhæreat; nec est obedientia specialis virtus prout requiritur ad fidem, sed solum importat inclinationem voluntatis ad divina implendum mandata: sed neque actus voluntatis, qui ad fidem præexigitur, habet esse charitate formatus, utpote cum voluntas non possit perfecte Deum amare per charitatem formantem, nisi intellectus de eo rectam habeat fidem. *Secundum est*, quia dicitur virtus prior fide per accidens, prout removet impedimenta credendi; quod quidem fieri potest, ut patet in for-

28 *Quest. IV. Artic. VIII.*

Glossa in
12. Luc.
Lib. 4.
contra
Iul. c. 3.
ART. 8.

titudine, quæ quidem timorem remouet inordinatum impediens fidem, unde & dicitur fidei fundamentum; ita tamen quod in eo priori non sit vera virtus, quæ quidem vera nusquam est, ex Augustino, nisi præsuppositâ fide.

Vtrum fides sit certior scientiâ, & aliis virtutibus intellectualibus. R. Affirmatiuè, si tamen dicatur certior, non quidem solum ex parte subjecti, quod scilicet plenius consequitur intellectus humanus; sed simpliciter, siue ex parte causæ, quod scilicet certio-riorem habet causam. *Primum est,* quia cum innitatur fides veritati diuinæ tanquam causæ formali, quæ quidem certior est ratione humana, cui innituntur scientia, sapientia & intellectus, ut sunt virtutes intellectuales; ideò & est fides, subindèque & simpliciter certior, non solum arte, & prudentiâ, ratione materiæ, quia scilicet est de æternis; sed etiam aliis tribus, ut sunt virtutes intellectuales; imò & illis certior, ut sunt dona Spiritus sancti, utpote quæ comparantur ut talia ad fidem tanquam ad principium quod præsupponunt, quod quidem ex ratione principij habet esse certius; esto quod dicantur hæc tria fidem excedere, non quidem quantum ad certio-riorem inhaesionem, sed quantum ad maiorem manifestationem. Vnde quod credentes possint dubitare, non illud est ex parte causæ fidei, sed ex parte nostri, qui non plene assequimur per intellectum quæ sunt fidei; sed nec contrarium sequitur ex eo quod visus sit certior auditu, utpote quod intelligitur, cæteris paribus; non autem si ille, à quo auditur, multum excedat visum videntis,

ut est in fide. *Secundum est*, quia quæ sunt fidei superant intellectum hominis, qui proinde plenius consequitur, & percipit eorum est scientia, & consequenter, qui est per illam certior ex parte subjecti, & secundum quid.

IN QVÆSTIONEM V.

De habentibus fidem.

Vtrum Angelus, aut homo in prima sui **ARTI-**
conditione habuerint fidem. *R.* Affirmative, non quòd inesset eis fides, quã ita **PRI-**
quæreretur Deus absens, sicut à nobis quæ- **MVS,**
ritur; sed ita quod Deus ut prima veritas
non esset ita eis præsens, ut ab eis fidem ex-
cluderet. *Primum est*, quia quanvis qui po-
nunt Angelos & hominem creatos in puris
naturalibus, possint tueri, non habuisse fi-
dem, quia fides est donum supra naturam; **1. 2. q. 62.**
cùm tamen dictum sit eos creatos esse in **art. 3.**
gratia, accepta quidem, sed nondum con-
summata; ideo & debuit esse in eis aliqua
beatitudinis inchoatio, quæ quidem in in-
tellectu sit per fidem, adeò ut manifestatio
quam de divinis mysteriis habuerunt, non
tolleret rationem fidei, utpote cùm prima
veritas, de qua est principaliter fides, non
clare ab eis videretur; nec nisi contempla-
tio patriæ, quæ est visio Dei per essentiam,
rationem excludat fidei. Vnde licet in An-
gelo & homine non esset in illo statu ob-
scuritas culpæ, erat tamen obscuritas quæ-
dam naturalis, quæ sufficiebat ad rationem
fidei; quæ quidem fides adhuc erat in illo
statu ex auditu, non ab homine exterius lo-
quente, sed à Deo interiori inspirante. *Se-*
cundum est, quia cùm dici possit, illos ali-
qua de divinis cognovisse, quantum ad ma-

30 *Quaest. V. Artic. II. & III.*

teriale objectum fidei, quæ nunc tantum cognoscuntur per fidem, utpote quia habuerunt tunc altiore de Deo contemplationem, cognoscendo scilicet creatorem, ut ait Hugo, non ea cognitione, quæ foris auditu solo percipitur, sed eâ quæ intus per inspirationem ministratur; ideo non sic in eis erat fides, quâ ita quæreretur Deus absens, sicut à nobis quæritur.

ART. 2. *Utrum in dæmonibus sit fides.* *R.* *Affirmativè*, non quæ sit donum gratiæ, vel in ipsis laudabilis; sed quæ coacta sit ex evidentia signorum. *Ratio utriusque partis est*, quia cum intellectus assentiatur ex fide rei creditæ per imperium voluntatis, utpote quam non videt nec in se, nec per resolutionem ad sua principia; & quod voluntas moveat intellectum ad assentiendum, possit esse vel ex ordine voluntatis ad bonum, & sic credere est actus laudabilis; vel quia intellectus convincitur, ut iudicet esse credendum, non quidem propter rei evidentiam, sed per certa signa; & sic est in dæmonibus, quatenus scilicet vident indicia, quibus percipiunt Ecclesiæ doctrinam esse à Deo; ideo & est in dæmonibus fides, non quæ sit in ipsis laudabilis, cum non indicet voluntatem bonam; nec quæ sit donum gratiæ, cum non sit propter bonum; sed quæ coacta sit ex evidentia signorum, sive ex perspicacitate naturali intellectus, quâ ipsis evidentia apparent. Vnde non ex hoc quod dæmones credunt, minuitur propterea eorum malitia; cum eis displiceat fidei signa esse talia, ut per ea compellantur credere.

ART. 3. *Utrum qui discreditis unum articulum fi-*

dei, possit habere fidem infirmam de aliis articulis. R. *Negative*, non quòd non possit alios tenere articulos, quæ sunt fidei, sed ita quod non teneat ex fide, sed ex voluntate & proprio iudicio. *Ratio utriusque partis est*, quia cùm tollatur habitus sublata ratione formali objecti, à qua sumitur species; & formalis ratio objecti fidei, quæ quidem est divina veritas prout manifestata per doctrinam Ecclesiæ, non possit non tolli, cùm quis discredet pertinaciter unum fidei articulum, utpote qui non ampliùs adhæret doctrinæ Ecclesiæ ut regulæ infallibili; ideo fit quod quanvis possit quis scire quasdam conclusiones unius scientiæ, aliis ignoratis, utpote cùm sint in ea diversa media per quæ probantur; non tamen possit fide tenere unum articulum, & alium pertinaciter discredere, cùm omnibus inhæreat fides propter medium unum, scilicet propter primam veritatem nobis in Scripturis propositam secundùm doctrinam Ecclesiæ intelligentis sanè; à quo proinde medio qui decedit, totaliter fide caret; sicut & quando referuntur mandata legis, non ad motiva proxima, sed ad unum motivum primum, quod est perfectè obedire Deo, ab eo decedit quicumque unum transgreditur præceptum, juxta illud: *Qui offendit in uno factus est omnium reus.* Vnde alios quidem articulos tenere potest, non tamen sicut fidelis, inhærendo simpliciter veritati primæ per Ecclesiam manifestatæ, ad quod quidem indiget homo habitu fidei, sed per opinionem quandam secundùm propriam voluntatem; sicut & qui mente tenet unam conclusionem scientiæ, aliter quàm per me-

Iacob. 2.

32 *Quaest.V. Art.IV. & Quaest.VI. Art.I.*
dium illius demonstrativum, non habet
ejus scientiam, sed opinionem solum.

ART.4. *Vtrum fides possit esse major in uno, quam in alio. R. Affirmativè,* non quidem ex parte formalis objecti fidei, sed vel secundum majorem fidei explicationem ex parte materialis, vel ex parte subjecti propter majorem firmitatem in intellectu, & promptitudinem majorem in voluntate. *Ratio utriusque partis est,* quia cum objectum formale fidei sit unum & simplex, ideo & est fides ex parte illius una specie in omnibus; sed quia sic inhærentes primæ veritati, quidam firmius ex parte intellectus, & devotius, seu promptius ex voluntate se ei subjiciunt, ideo & potest fides esse in hoc sensu major ex parte subjecti; sed insuper & secundum majorem fidei explicationem ex parte materialis objecti, utpote cum multa proponantur credenda, nec omnia credantur explicite ab omnibus, licet fidelis quilibet credat omnia quæ sunt fidei, sicque possit explicatio credendorum esse major in uno, quam in altero. Et quidem quanvis intellectus principiorum æqualiter inveniatur in omnibus, utpote qui naturam consequitur; cum tamen fides donum gratiæ consequatur, quod non æqualiter est in omnibus.

IN QVÆSTIONEM VI.

De causa Fidei.

**ARTI-
CVLVS
PRI-
MVS.**

Vtrum fides sit homini à Deo infusa.
R. Affirmativè, ita quod esse debeat à Deo, & ex parte propositionis credendorum, & quantum ad assensum, qui principalis est actus fidei. *Primum est,* quia cum credibilia sint supra naturam, oportet per

consequens, ut à Deo proponantur, seu revelentur, vel immediate, vel mediate per prædicatores à Deo missos. *Secundum est*, cum exteriora signa, seu miracula, vel persuasiones hominum non sint causa sufficiens assensus, utpote cum videamus alios propter huiusmodi credere, aliis nihilominus non credentibus; ideo oportet ponere Dei gratiam interiùs ad assensum moventem, adeò ut quia auditus & miracula sunt quidem causæ disponentes, non autem sufficientes fidei, non sit assensus fidei in voluntate hominis, nisi in ea quæ præparatur à Deo, ut credat. Vnde dicitur quidem fides ex Augustino, gigni, & nutriri per scientiam, sed solum per modum exterioris persuasionis: sed nec verum est, initium fidei quoad assensum esse ex nobis, quasi ex nobis, id est ex solo libero arbitrio, ut Pelagiani ponebant, utpote cum homo assentiendo his, quæ sunt fidei, elevetur supra naturam suam, proindeque debeat hoc esse à supernaturali principio interiùs movente.

Vtrum fides informis sit donum Dei. &c. Affirmativè, ita quod & sit Deus causa fidei, quæ est informis; & non propterea causa sit infortitatis fidei. *Primum est*, quia cum illud sit causa fidei informis, quod est causa fidei simpliciter dictæ, utpote quia fidei infortitas non pertinet ad rationem speciei ipsius, cum dicatur informis ex privatione exterioris formæ, scilicet charitatis; ideo cum Deus sit causa fidei simpliciter dictæ, erit etiam causa fidei informis, adeò ut licet fides informis non sit perfecta perfectione virtutis, sit tamen perfecta eâ perfectione, quæ sufficit ad fidei rationem, & conse-

quenter ad donum Dei : nec enim est inconveniens , quod quis accipiat à Deo fidem sine charitate, sicut donum prophetiæ, &c. *Secundum est*, quia cum tunc solum cause quis privationem, qualis est informitas, cum speciem causat, quando privatio pertinet ad rationem speciei, ut privatio commensurationis humorum in ægritudine, & in actu morali deformitas à recta ratione ; ideo cum non sic spectet informitas ad fidem, ut dictum est, sed potius superveniat sicut tenebrositas diaphano, potest proinde Deus causare non quidem actum morale difformem, sed fidem informem, absque eo quod causa sit informitatis fidei.

IN QVÆSTIONEM VII.

De effectibus Fidei.

ARTI-
CULVS
PRI-
MVS.

Vtrum timor sit effectus fidei ? R. *Affirmative*, & quidem sive supponat pro servili timore, sive pro filiali ; sed filialis ex fide formata, & servilis ex informi. *Ratio utriusque partis est*, quia cum causa timoris si apprehensio alicujus boni ne amittatur, vel mali pœnalis, & per fidem fiat apprehensio de quibusdam malis, quæ secundum divinum judicium inferuntur, necnon existimatio quædam de Deo, quod sit immensum bonum, unde timet quis ab eo separari, & refugit filiali reverentiâ se ipsi comparare ; ideo cum non possit hujusmodi timor universaliter præcedere fidem, sed necessario præsupponat cognitionem aliquorum articulorum, est consequenter fides, cujus formale objectum est quidem bonum, sed materiale possunt esse quædam mala, ut à Deo puniri : est, inquam, causa timoris, esto quod sit etiam causa spei, qua-

tenus idem secundum diversa potest esse causa contrariorum. Ita tamen, quod timoris servilis causa sit fides informis, sed causa filialis sit fides formata, utpote quæ per charitatem facit hominem Deo adherere, & subijci.

Vtrum purificatio cordis sit effectus fidei. ART. 2.

R. *Affirmative*, ita quod primum principium purificationis cordis sit fides; quæ tamen perfectam purificationem non causat, nisi perfecta per charitatem. *Primum est*, quia cum creatura rationalis à sua impuritate, quam quidem habet ex eo quod se immiscet per amorem vilioribus, seu temporalibus, liberetur per contrarium motum, dum tendit in id, quod supra se est, scilicet in Deum; ideo cum principium hujus motus sit fides, quia ex Apost. accedentem ad Deum oportet credere, est etiam fides primum purificationis cordis principium, quâ scilicet tollitur, non quidem omnis obscuritas, cum purificet fides intellectum secundum statum præsentis vitæ, cui non opponitur obscuritas quæ est quædam naturalis defectus, sed impuritas erroris. Quamvis enim purificatio sit in affectu, ea tamen, quæ sunt in intellectu, ut fides, sunt causa eorum, quæ sunt in affectu. *Secundum est*, quia licet fides informis excludat puritatem erroris sibi oppositam, unde etiam fides informis est causa puritatis cordis; nihilominus compatitur cum impuritate peccati, à quo solum immunis est, quando formatur per charitatem, quia universa delicta operit charitas, ut dicitur; & ideo *Proverb.* solum tunc causat perfectam purificationem. 10.

IN QVÆSTIONEM VIII.

*De dono intellectus, quod Fidei respondet.*ARTI-
CVLVS
PRI-
MVS.

Vtrum intellectus sit donum Spiritus sancti. *R. Affirmativè*, non quòd egeat homo intellectus dono ad omnia, respectu quorum dicitur intellectus; sed ita quod præter ea, quæ naturaliter intelligit, egeat supernaturalis luminis dono, quod dicitur intellectus. *Ratio utriusque partis est*, quia cum ea, ad quæ opus est intelligere, quasi intus legere, sint essentia, quæ sub accidentibus; causæ, quæ sub effectibus; significationes, quæ sub verbis; & veritas, quæ sub figuris latent; & homo, quia ordinatur ad beatitudinem, non solum debeat quædam ita cognoscere principia communia, sed etiam ad altiora procedere: ideo quia quæ naturalem excedunt cognitionem, non cognoscit sine dono Spiritus sancti, eget consequenter dono intellectus, non quidem ad omnia respectu quorum dicitur intellectus, utpote qui etiam naturaliter spectatus intus legit, seu penetrat ad intima; sed ad ea, ad quæ non sufficit naturale lumen, quod quidem donum & dicitur intellectus, non rationis; quia ita se habet ad ea, quæ supernaturaliter cognoscuntur, sicut lumen naturale ad ea, quæ primordialiter innotescunt; & nominatur nomine intellectus magis, quàm voluntaris, quia voluntas dicit simpliciter motum appetitivum sine determinatione alicujus excellentiæ.

ART. 2. *Vtrum donum intellectus possit simul esse cum fide. R. Affirmativè*, non ita tamen, quod cadentia per se sub fide possint perfecte intelligi, sed ita quod & hæc possint imperfectè intelligi, & ea quæ ad hæc ordi-

nantur, perfectè. *Primum est*, quia cum circa ea quæ sub fide per se cadunt, ut est mysterium Trinitatis, non pertingamus in hac vita essentiam rei intellectæ; & nihilominus cognoscamus secundum ea, quæ exterius apparent, res hujusmodi fidei non contrariari veritati, neque ab earum fide recedendum esse; ideò non perfectum, sed imperfectum de his habemus intellectum. *Secundum est*, quia ea quæ per se non cadunt sub fide, sed ad ista ordinantur, sunt ferè omnia quæ in Scripturis continentur, quæ quidem nihil prohibet; etiam perfectè per donum intellectus penetrari. Vnde & dicitur, quod Dominus aperuit discipulis suis. Luc. ult. sensum, ut intelligerent Scripturas.

Vtrum donum intellectus, non tantum sit speculativum, sed etiam practicum. ART. 3. *Affirmativè*, non quidem ut circa operabilia versetur principaliter, sed in quantum in agendis regulamur rationibus æternis. *Ratio utriusque partis est*, quia cum operationes bonæ habeant ordinem quendam ad fidem, quandoquidem fides ex Paulo per dilectionem operatur; & donum intellectus etiam se extendat ad ea, quæ ordinem habent ad fidem, ut dictum est; ideò & est donum intellectus etiam circa operabilia humana, quæ quidem prout referuntur ad beatitudinis finem, quandam habent altitudinem excellentiæ; non ita tamen quod circa ea versetur principaliter, sicut nec fides cui respondet; sed quia pertinet ad dignitatem doni intellectus ut consideret intelligibilia æterna, non solum in seipsis, ut intellectus speculativus, sed etiam ut sunt regula vitæ. Cognitio namque humanorum.

actuum ut regulantur à lege æterna, excedit naturalem rationem, & ideo indiget dono intellectus.

ART. 4. *Vtrum donum intellectus insit omnibus habentibus gratiam. R. Affirmativè, ita quod donum intellectus nunquam se justis subtrahat in necessariis ad salutem, esto quod in quibusdam aliis se aliquando subtrahat. Primum est, quia cum in omnibus habentibus gratiam oporteat quod sit rectitudo voluntatis in bonum supernaturale, ut ait August. & voluntas non possit rectè ordinari in dictum bonum sine aliqua illius cognitione, quæ quidem est donum intellectus, quo scilicet cognoscitur supernaturalis veritas, in quam intendenda est voluntas; ideo & est in illis, quoad hujusmodi quæ ad salutem sunt necessaria, donum intellectus; imò & aliquammodo in omnibus fidem habentibus, utpote qui, etsi non plenè intelligant quæ proponuntur, intelligunt tamen ea esse credenda, & ab eis non esse deviandum. Secundum est, quia circa alia, quæ non ita faciunt ad salutem, ad hoc quod superbiæ materia subtrahatur, interdum etiam subtrahitur intellectus donum, ut non omnia ad liquidum per intellectum penetrare possint, sed in aliquibus patiantur hebetudinem mentis.*

ART. 5. *Vtrum donum intellectus inveniat etiam in non habentibus gratiam gratum facientem. R. Negativè, non quod non insit illis illustratio intellectualis, sed ita quod in illis non pertingat ad perfectam doni rationem. Ratio utriusque partis est, quia cum intellectuale lumen ponatur donum, ut homo sit à Spiritu sancto facile mobilis in*

hoc, ut apprehendat veritatem circa finem, & rectam de fine ultimo æstimationem habeat; ideo cùm hanc æstimationem non habeat nisi qui circa finem non errat, sed ei adhæret tanquam optimo, quod non est nisi in habentibus gratiam gratum facientem, poterit quidem esse in aliis illustratio intellectualis, juxta illud August. *Prævolat intellectus, & tardè sequitur humanus atque infirmus affectus*; non ita tamen, quod peringat ad perfectam doni rationem: & quidem etiam si suponat pro intelligentia prophetiæ, utpote quæ non petit esse illustratio mentis circa æstimationem rectam de fine ultimo, quæ quidem est donum intellectus; sicut nec fides, quippe quæ ex se solum dicit assensum ad ea quæ proponuntur.

Utrum donum intellectus distinguatur ab aliis donis. R. *Affirmative*, & quidem etiam à sapientia, scientia, consilio; quanvis non ita manifestè, sicut à pietate, fortitudine, & timore. *Primum est*, quia cùm ea, quæ fide tenentur, ad quorum quidem cognitionem ordinantur quatuor illa priora dona, debeant prius percipi & penetrari, & hoc per donum intellectus, in quo à fide distinguitur, quæ non tam est ad percipiendum, quàm ad assentiendum: deinde ferri debeat judicium, quod eis firmiter in hærendum sit; quod si sit circa divina, sit per sapientiam; si circa humana, per scientiam, applicatio autem ad actus humanos fiat per consilium; ideo & est unde ab istis tribus sufficienter distinguatur donum intellectus: & quidem quanvis versetur circa cognitionem speculativam, & practicam, utpote quod non est quantum ad judicium sicut in

ART. 6.

40 *Quest. VIII. Artic. VII. & VIII.*

aliis, sed quantum ad apprehensionem. Vnde & contraria huiusmodi donis, scilicet hebetudo, stultitia, ignorantia, & præcipitatio, sunt propriè & formaliter diversa, & unumquodque respicit suum contrarium, ut hebetudo intellectum, stultitia sapientiam, &c. *Secundum est*, quia cum pertineat donum intellectus ad vim cognoscitivam, non potest non distingui manifestè ab aliis tribus, quippe quæ pertinent ad vim appetitivam.

ART. 7. *Vtrum dono intellectus respondeat sexta beatitudo, scilicet: Beati mundo corde, &c. R. Affirmativè*, ita quod respondeat dono intellectus & quantum ad id, quod in ea ponitur per modum meriti, scilicet munditia cordis; & quantum ad id, quod ponitur per modum præmii, id est visio Dei. *Primum est*, quia præter munditiam ab inordinatis affectibus, quæ fit per virtutes appetitivas, est etiam alia, scilicet depurata mentis, in his quæ de Deo proponuntur à phantasmatibus corporalium, & hæreticorum erroribus, quam quidem causat donum intellectus. *Secundum est*, quia visio Dei, sive perfectæ, quâ de Deo videtur in patria quid est; sive imperfectæ, quâ hîc quid non est, ad donum pertinet intellectus, illa scilicet ad donum consummatum, ista autem ad inchoatum; quandoquidem in futuro implebuntur dona, quæ hîc secundum quandam inchoationem nos perficiunt, ut perficit intellectus donum in ordine ad divina intelligenda.

ART. 8. *Vtrum in fructibus fides respondeat dono intellectus. R. Affirmativè*, in hoc scilicet sensu, quod pro proprio fructu re-

pondeat ei fides, id est fidei certitudo; sed pro ultimo fructu respondeat ei gaudium. *Primum est*, quia cum hoc donum principaliter ordinetur ad certitudinem fidei, quæ à Glossa ponitur fidei fructus, & quidem tanquam pertinet ad propriam potentiam, quam perficit donum; ideo & pro proprio fructu ei respondet fides, non quidem sumpta ut est virtus, cum hoc modo fides sit prior, & intellectus sit potius quidam fidei fructus; sed pro quadam fidei certitudine, ad quam pervenit homo per donum intellectus. Unde non nisi unicus respondet fructus (qui est certitudo signata nomine fidei) donis scientiæ, sapientiæ, & intellectus, quæ scilicet possunt ad speculativam cognitionem pertinere; esto quod parti appetitivæ plures respondeant fructus, utpote quia ratio finis magis ad appetitum pertinet, quam ad intellectum. *Secundum est*, quia cum fructus Spiritus sancti dicantur ultima & delectabilia, quæ in nobis proveniunt ex virtute Spiritus sancti; & ultimum, & delectabile habeat rationem finis, qui quidem est objectum voluntatis; ideo & huic dono respondet pro ultimo fructu gaudium, quod pertinet ad voluntatem, quodque proinde erit etiam fructus aliorum omnium, quæ pertinent ad alias potentias.

IN QVÆSTIONEM IX.

De dono Scientiæ.

Vtrum scientia sit donum. *Re. Affirmati-* ARTI-
vè, ea scilicet, non quâ quis scit alios *CVLVS*
ad credendum inducere, sed quâ scit cre- *PR I-*
denda discernere à non credendis. *Primum* *MVS.*
est, quia cum ad hoc ut intellectus huma-

nus assentiat veritati fidei, duo requirantur: primum ut sanè capiat quæ proponuntur, quod est doni intellectus: alterum, ut certò & rectè de iis iudicet, discernendo scilicet credenda à non credendis, quod spectat ad donum scientiæ; ideò cum gratia, utpote naturâ perfectior, non debeat deficere in iis, in quibus natura perfici potest, id est in apprehensione, & iudicio, ponendum est præter donum intellectus etiam donum scientiæ: quæ quidem duo, quanvis diversa, ad unam possunt ordinari virtutem theologicam, scilicet fidem, utpote cum dona non sint perfectiora virtutibus theologicis, sed magis ad earum ordinentur perfectionem, tanquam ad finem. Ita tamen quod scientia hæc, quæ ponitur donum, cum non sit effectus naturalis rationis, sed sit participata similitudo divini scientiæ, quæ intuitiva est, ideò nec sit ratiocinativa, vel discursiva. *Secundū est*, quia scientia, quæ scit homo etiam fidem manifestare, & alios ad credendum inducere, est gratia gratis data, quæ non datur omnibus Sanctis, sicut donum, sed quibusdam, juxta quod dicit August. quod scientiâ non pollent plurimi fideles, quanvis polleant ipsa fide.

ART. 2. *Verum scientia donum sit circa res divinas. R. Negativè*, non quidem loquendo in sensu materiali, tanquam circa id quod cognoscitur; sed in sensu formali, tanquam circa medium, per quod cognoscit, seu iudicat. *Ratio utriusque partis est*, quia cum iudicium rei sumatur ex sua causa, & ordo iudiciorum sit secundum ordinem causarum, ac proinde cum causa prima sit causa secundæ, non habens causam sui, & iudice-

tur per primam de secunda, sed de prima per nullam; ideo iudicium de prima, cum sit perfectissimum, habere debet speciale nomen, scilicet Sapientiæ: iudicium autem de aliis omnibus, quæ non sunt Deus, dici debet sub universali nomine Scientia, quæ iudicij importat certitudinem, quæque non ponitur speciale donum, prout communiter sumitur, sed ut restringitur ad iudicium, adeò ut per scientiam quidem gignatur fides, quia ad donum scientiæ pertinet scire, & discernere quid sit credendum: at scire res creditas, & divinas secundum seipsas, pertineat ad sapientiam; cum quo tamen stat, quod adhuc possit scientia versari materialiter circa divina, modò iudicet per creata, utpote cum scientiæ magis denominentur à medio, per quod cognoscunt, quàm ab eo, quod cognoscunt; & ideo cognitio Dei per res creatas magis pertineat ad scientiam, quàm ad sapientiam.

Utrum scientia donum sit practicum. ART. 3.

R. Negativè, non quòd non se extendat secundariò ad operationem; sed ita quod primò, & principaliter respiciat speculationem. *Ratio utriusque partis est*, quia cum hoc donum, quod quidem convenit solum iustis, utpote qui soli habent ex infusione gratiæ rectum iudicium circa agenda & credenda, dirigatur ad certitudinem fidei, & fides sit principaliter speculativa, ut adhæret primæ veritati; & secundariò practica, quatenus per dilectionem operatur, ut ait Apost. ideo & erit scientiæ donum secundariò quidem practicum, dirigendo scilicet per scientiam credibilium in agendis, sed principaliter speculativum,

44 *Quest. IX. Artic. IV.*

Lib. 12.
de Trin.
cap. 14.

ART. 4.

quatenus per ipsum scit homo quid fide tenere debeat. Vnde attribuitur actio scientiæ, ex Aug. sed non primo; & sic etiam dirigit pietatem, secundum Gregorium.

Vtrum scientia dono respondeat tertia beatitudo, scilicet: Beati qui lugent, &c. R. Affirmativè, ita scilicet, quod dono scientiæ respondeat quidem primò luctus, quasi pro merito; sed & consequenter respondeat consolatio, quasi pro præmio. Primum est, quia cum ad scientiam pertineat rectum iudicium de creaturis, ex quibus homo occasionaliter avertitur à Deo, cum rectum de eis iudicium non habet, adeò ut per hoc donum doceatur homo de creaturis rectè sentire, ex quo quidem ei innotescit peccatum, & damnum, ex qua cogitatione oritur luctus; ideo & attribui debet scientiæ, non quidem beatitudo pertinens ad contemplationem, cum beatitudo hominis non consistat in consideratione creaturarum, sed in debito earum usu; sed potius beatitudo luctus, quatenus scilicet de re, circa quam veritatem considerat, potest tristiari homo, esto quod de ipsa veritatis consideratione gaudeat. Secundum est, quia cum bona creata non excitent gaudium spirituale, nisi ut ad bonum referuntur divinum, ideo pax & consolatio directè dono respondent sapientiæ, & dono scientiæ primò luctus, scilicet de præteritis erratis, & de his in quibus ex creaturis occasionaliter errare possumus: sed quia homo per iudicium scientiæ creaturas ordinat in Deum, inde fit, quod ei respondeat luctus pro merito, sed consequenter consolatio pro præmio.

45

Quaest. X. Artic. I. & II.
IN QVÆSTIONEM X.

De infidelitate.

Vtrum infidelitas sit peccatum. *R. Affirmative*, non quidem sumpta secundum puram negationem, sed secundum contrarietatem ad fidem. *Primum est*, quia sumpta infidelitas secundum contrarietatem ad fidem, prout quis repugnat auditui fidei, vel eam contemnit, in quo proprie perficitur ratio infidelitatis, habet tunc contrariari virtuti, scilicet fidei, proindeque & habet esse vitium ad superbiam reducendum, quatenus scilicet reuult homo subicere intellectum regulis fidei; & quidem contra naturam hominis, licet fides non sit in hominis natura, seu naturali potestate, utpote in cuius natura adhuc est, ut mens hominis non repugnet interiori instinctui, & exteriori veritatis prædicationi. *Secundum est*, quia si accipiatur fides secundum puram negationem, quo modo est in illis, qui nihil de fide nostra audierunt, est quidem peccati poena, non tamen peccatum, juxta illud: *Quomodo credent ei, quem non audierunt?* Et illud: *Si non venissem, & eis loquutus non fuisset, peccatum non haberent*, scilicet infidelitatis. Vnde qui sic infideles sunt, non ob infidelitatem damnantur, sed ob alia peccata, quæ independentes à fide committunt, esto quod sine fide non remittantur.

ARTI-
CVLVS
PRI-
MVS.

Vtrum infidelitas sit in intellectu, sicut in **ART. 2.**
subjecto. R. Affirmative, non quod non sit in voluntate, ut in primo motivo; sed ita quod sit in intellectu, ut in subjecto proximo. *Ratio utriusque partis est*, quia cum peccatum dicatur esse in illa potentia ut in

subiecto proximo, quæ est principium actus peccati, sitque voluntas primum quidem, & generale principium, quod imperat omnes actus peccatorum, ac etiam proximum ratione consensus, quatenus omne peccatum est voluntarium; sed intellectus sit principium proprium, & proximum dissentendi, quod est actus infidelitatis; ideò est infidelitas, sicut & omne peccatum in voluntate, ut in primo motivo, & generali principio; sed est in intellectu, ut in subiecto proximo, adeò ut pertineat contemptus fidei ad voluntatem, sed ut causat contemptus dissensum intellectus, in quo perficitur ratio infidelitatis. Vnde qui credit malum angelum transfiguratum esse bonum, non ideò solum non peccat peccato infidelitatis, quia non habet perversam voluntatem, sed etiam quia cum fallatur sensus, non autem mens, non dissentit ab eo quod est fidei.

ART. 3. *Utrum infidelitas sit maximum peccatum. R. Affirmative*, non quòd non possit ex aliqua circumstantia alleviari; sed ita quòd sit ex suo genere gravissimum. *Primum est*, quia cum omne peccatum formaliter consistat in aversione à Deo, & ita tanto sit gravius, quanto per ipsum homo magis separatur à Deo; ideò cum talis sit infidelitas ex suo genere, ut eà homo maximè elongetur à Deo, utpote cum falsam de eo habeat opinionem, nec sit Deus id quod ipse cogitat, est consequenter ex suo genere peccatum maximum, loquendo scilicet de peccatis, non quæ opponuntur virtutibus theologicis, sed quæ contingunt in perversitate morum: sicut & ex se gra-

viùs punitur, quàm quodcumque aliud, esto quod pro alio peccato magis puniatur fidelis, non quidem propter genus peccati, sed propter veritatis cognitionem, & Sacramenta, quibus scilicet contumeliam facit. *Secundum est*, quia potest infidelitas habere ignorantiam, vel aliam similem circumstantiam, ex qua aliquam habeat excusationem, iuxta illud Apost. *Misericordiam consequutus sum, quia ignorans feci.* Et ideo noluit Aug. præcipitare sententiam de malo Catholico, & de Hæretico aliàs non peccante.

Vtrum omnis actio infidelis sit peccatum. **ART. 4.**
R. Negativè, non quòd non peccet in omni opere, quod facit ex infidelitate; sed quia potest aliquem actum facere, quem ad infidelitatis finem non referat. *Ratio utriusque partis est*, quia cùm infidelitas quæ est peccatum mortale, tollat quidem gratiam, quo fit ut infideles non possint bona operari, ex gratia scilicet meritoria, non autem corrumpat totaliter bonum naturæ; idè cùm lumen naturale possit intentionem dirigere respectu alicujus connaturalis boni, sicut & fides respectu finis ultimi, possunt per consequens infideles aliqua operari bona, ad quæ scilicet sufficit naturæ bonum; non quidem taliter, quod agentes ex infidelitatis errore, ut propter colendos falsos Deos, non peccent; sed quia sicut potest fidelis non referre actum in fidei finem, & sic peccare; sic & infidelis bonum agere, non referendo in infidelitatis finem, sed ad bonum, quod adhuc ex lumine naturali cognoscit. Vnde illud, *Quod non est ex fide, peccatum est*, de eo intelligitur, quod agi-

tur ex infidelitate, seu propter infidelitatis finem.

ART. 5. *Vtrum sint plures infidelitatis species.*

R. Affirmativè; & quidem numero determinatæ, si attendatur infidelitas secundum comparisonem ad fidem; sed indeterminatæ, si secundum errorem in diversis, quæ ad fidem requiruntur. Primum est; quia cum infidelitas in comparatione ad fidem renitatur vel fidei nondum susceptæ, ut infidelitas paganorum; aut fidei susceptæ, & hoc vel in figura, ut infidelitas Iudæorum; vel in ipsa manifestatione veritatis, ut infidelitas Hæreticorum; ideò & plures sunt infidelitatis species, & quidem numero determinatæ in comparatione ad fidem. Vnde est quidem veritas prima objectum infidelitatis, ut à qua receditur, & ideo sic non diversificatur; sed formale objectum, sicut ad quod convertitur, est sententia falsa, quam quis sequitur, & hinc diversificantur species. Secundum est, quia licèt attingere regulam, in quo consistit virtus, non nisi uno modo fiat circa unam materiam; deviare tamen contingit multipliciter, secundum quod infinitis modis contingit diversas circumstantias virtutis corrumpi; sicque distinguendo infidelitatis species juxta errorem in diversis, quæ ad fidem pertinent, sunt indeterminatæ, & possunt, ut ait Aug. in infinitum multiplicari; ita tamen quod sicut fides est una, quia omnia creduntur in ordine ad unum; ita infidelitas, licèt quis in multis erret, adhuc possit esse una, ut omnia habent ordinem ad unum; & consequenter possit unus diversis infidelitatis speciebus errare.

Vtrum

Vtrum infidelitas gentilium, seu paganorum sit cateris gravior. R. *Negative*, non quod non gravior sit in gentilibus secundum corruptionem eorum, quæ ad fidem requiruntur; sed ita quod ex comparatione infidelitatis ad fidem, & ideo simpliciter, sit infidelitas hæreticorum pessima. *Primum est*, quia cum secundum corruptionem eorum, quæ ad fidem requiruntur, in pluribus errent pagani, quàm Iudæi, & isti, quàm hæretici; ideo & est eorum infidelitas sub hoc respectu gravior. *Secundum est*, quia in comparatione infidelitatis ad fidem attenditur ad renitentiam, quæ quidem major est in hæreticis & Iudæis, quippe qui eidem renituntur ut jam susceptæ, vel manifestæ, vel in figura; unde & est hæreticorum infidelitas simpliciter loquendo pessima, seu in ratione culpæ, utpote quam habet ex renitentia magis, quàm ex eo quod non habeat quæ sunt fidei: ad quod etiam facit illud, *Melius erat illis non cognoscere* i. Petri 3. *viam iustitiæ, quàm post cognitionem retrorsum converti.*

Vtrum cum infidelibus sit publicè disputandum. R. *Affirmative*, non quidem ex dubitatione eorum, quæ sunt fidei ex parte disputantis, vel ex parte audientium coram simplicibus, qui nihil audierunt; sed propter veritatem manifestandam quantum ad disputantem, vel quantum ad audientem coram simplicibus de contrario sollicitatis. *Primum est*, quia disputare de fide ad veritatem manifestandam, & est secundum se laudabile, & quandoque expediens: tum ad defendendum, juxta illud, *Parati semper ad satisfactionem omni pos-* i. Pet. 3.

centi reddere rationem de ea, quæ est in vobis spe, & fide: tum ad convincendum errantem, juxta illud, ut sit potens exhortari, & eos qui contradicunt arguere: & ut simplices confirmentur in fide, quando sunt de contrario solliciti, necessarium est (modò adsint viri idonei, qui errores confutare possint,) juxta illud Gregor. *Sicut incauta loquutio in errorem pertrahit, ita indiscretum silentium eos, qui erudiri poterant, in errore derelinquit.* Unde non nisi immode-

In secū
d. Pa-
storal.

2. Tim. 2.

ratam disputationem prohibuit Paulus, quæ magis sit contentione verborum, quàm firmitate sententiarum. Nec prohibet lex Martiani disputationem, nisi quæ procedit ex dubitatione Fidei. *Secundum est*, quia sicut coram sapientibus & firmis in fide nullum est periculum disputare, unde &

Actor. 9.

Paulus confundebat Iudæos, &c. Ita quia simplicium fides ex hoc est firmitior, quod nihil diversum audierunt ab eo quod credunt, non nisi cum periculo disputatur coram illis; unde non debet quis tunc disputare, sed nec qui de fide dubitat, quasi fidei veritatem pro certo non supponens, sed argumentis experiri intendens, utpote qui tunc peccat disputando, tanquam dubius in fide, & infidelis.

ART. 8.

Vtrum infideles compellendi sint ad fidem.
R. *Affirmativè*; si tamen sermo sit de infidelibus, non qui nunquam susceperunt fidem, ut Gentiles, & Iudæi; sed qui fidem susceperunt, ut hæretici, & apostatæ. *Primum est*, quia ut vovere est voluntatis, & reddere necessitatis; sic voluntatis quidem est accipere fidem, sed tenere acceptam necessitatis, adeò ut etiam corporaliter sint

compellendi, juxta illud, *Exi in vias, & Luc. 14.*
compelle eos intrare. Licet enim nullum vel-
 let Ecclesia hæreticorum perire, sicut nec
 vult Deus mortem peccatoris; cum tamen
 ex perditione aliquorum cæteros colligat,
 dolorem materni sanat cordis tantorum
 liberatione populorum, ut ait Aug. Vnde
 quod dicit Dominus, *Sinite utraque cres-* Epist. 90.
cere usque ad Messiem, qualiter intelligen-
 dum sit, apparet ex hoc quod subditur,
Ne fortè colligentes, eradicetis simul & tri-
ticum: ita scilicet, quod ubi metus iste
 non subest, non dormiat tunc severitas dis-
 ciplinæ. *Secundum est,* quia cum credere
 voluntatis sit, ideò qui nunquam fidem sus-
 ceperunt, nullo modo sunt ad fidem com-
 pellendi, esto quod essent compellendi, &
 ad sit facultas, ne fidem impediant vel blas-
 phemiis, vel malis persuasionibus, vel
 etiam persecutionibus.

Vtrum cum infidelibus possit communicari. ART. 9.
 R. *Negative;* ita tamen, quod prohibitio
 communionis in pœnam sit solum respectu
 eorum, qui fidem susceperunt; & prohibi-
 tio communionis ad tutelam, respectu sim-
 plicium, & infirmorum in fide. *Primum est,*
 quia cum Ecclesia non judicet spirituali ju-
 dicio de his qui sunt extra; ideò licet pos-
 sit eis subtrahere communionem fidelium
 in pœnam temporalem, in qua quidem er-
 ga aliquos infideles habet judicium; in
 pœnam tamen spiritualement non nisi respec-
 tu hæreticorum, & apostatarum id potest,
 qui scilicet à fide suscepta recesserunt. *Primum est,*
 quia cum ex communione eorum,
 qui sunt firmi in fide, magis sperari possit
 conversio infidelium, quàm aliorum aver-

fio; ideò non nisi simplices & infirmi in fide, de quorù subversione probabiliter timeri potest, prohibendi sunt ad tutelam, ne magnam cum illis familiaritatem habeant, juxta quod olim fuit prohibitum Iudæis, eo quòd scilicet essent ad idololatriam proni. Vnde & licet fidei servum habere infidelem, quia magis probabile est, quod servus convertatur ad fidem domini, quàm e contrà.

ART,
20,

Vtrum infideles possint habere praelationem, seu dominium supra fideles. R. Negativè, non quòd distinctio illa fidelium & infidelium tollat secundùm se dominium præexistens, sed ita quod nullo modo permitti debeat dominium infidelium de novo instituendum supra fideles. Ratio utriusque partis est, quia cum jus divinum non tollat quod est de jure humano, ut est dominium; ideò nec dominium tollit præexistens supra fideles distinctio illa fidelium & infidelium secundùm se considerata; quinimò olim expediens fuit, ut aliqui fideles essent sub Imperatore infideli, ut Christianos defenderent, sicut Sebastianus fecit; esto quod possit Ecclesia jus condere, ut tali praelatione priventur, tum merito infidelitatis, tum etiam quia fideles transferuntur in filios Dei; sed quia quod de novo illud instituatur dominium, vergit in contemptum, & in scandalum seu periculum fidei fidelium; ideò nullo modo permitti debet, ut de novo instituatur praelatio illa supra fideles, esto quod non repugnet, quod infideles utantur opera & arte fidelium, utpote quia non est necesse conversari propterea cum eis; quin imò pro infidelibus,

qui temporaliter Christianis subduntur Principibus hanc condidit Ecclesia legem, in favorem fidei, ut servus qui ad fidem convertitur, debeat liberari à servitute nullo dato pretio, si fuerit vernaculus, aut emptus ad servitium; si autem emptus ad mercationem, quod infra tres menses sit mercationi exponendus: in quo quidem Ecclesia non facit alicui injuriam, cum possit de eorum rebus disponere, qui sunt Ecclesiæ subjecti, ut sunt hujusmodi infideles, putà Iudæi; imò nec faceret si idem statuisset circa omnes infideles, cum liberi sint filij, esto quod ad scandalum vitandum illud non fecerit, juxta monitum illud Apost. quod servi dominos suos honorarent, ne scilicet nomen Domini & doctrina blasphemetur.

Vtrum infidelium ritus sint tolerandi. ART.
R. *Affirmativè*, & quidem vel propter aliquod bonum ex eis proveniens, vel propter
II.
partis est, quia cum regimen humanum derivetur à divino, & Deus permittat aliqua fieri mala, ne tollantur majora bona, aut sequantur majora mala; ideo etiam qui præfunt hominibus debent aliqua permittere mala, vel propter aliquod bonum, ut in testimonium nostræ fidei ritus Iudæorum; vel ad aliquod vitandum malum, ut scandalum, aut impedimentum salutis, sicut ritus infidelium, qui quidem sic tolerati paulatim ad fidem convertuntur, ob quam etiam causam hæreticorum ritus Ecclesia aliquando toleravit; quin imò ne majora incurrantur mala, & ipsæ etiam tolerantur meretrices, juxta illud Aug.

Lib. 1. de
Ordine,
cap. 4.
ART.
12.

*Aufer meretrices de rebus humanis, turba-
veris omnia libidinibus.*

Utrum pueri Iudaorum, & alicorum infidelium sint invitis parentibus baptizandi.
R. *Negativè*, non quòd post habitum rationis usum non possint invitis parentibus induci ad fidem; sed ita quod ante usum rationis nec licitum sit, nec expediens, nec consuetum eos invitis parentibus baptizare. *Primum est*, quia cum filius naturaliter sit aliquid patris, & de jure naturæ ante usum rationis sit sub ejus cura, & quidem etiam quoad salutem, propter quod dicitur de pueris antiquorum, quod salvati sunt in fide parentum; ideo sit quod non sit licitum, sed esset potius contra justitiam naturalem, si puer à cura parentum subtraheretur, & aliquid de eo ordinaretur invitis parentibus; sed nec consuetum est ex consuetudine Ecclesiæ, quæ id facere non consuevit; nec etiam expediens, utpote quod vergeret in detrimentum fidei, quatenus scilicet parentes facillè inducerent postea filios ad relinquendum quod ignoranter susceperunt. Vnde sicut nullus eripi debet à morte naturali contra leges civiles, nec etiam debet quis ordinem rumpere naturalis juris, ut puerum liberet à morte æterna, qui ante usum rationis ad Deum ordinari debet naturali ordine per rationem parentum. Et quidem quanvis inter conjuges possit unus altero invito fidei assentire, utpote habentes, ad differentiam pueri, liberum arbitrium; vel etiam quanvis Iudæi sint servi servitute civili, utpote quæ ordinem non excludit juris naturalis, siue divini: unde imminet quidem pericu-

eulum de prædicatione omiffa, illis quibus est commissum officium prædicandi ; non tamen imminet in hoc casu non baptizantibus, quando quidem ad eorum potius parentes pertinet pueris de Sacramentis Ecclesiae providere. *Secundum est*, quia cum post habitum rationis usum jam incipiat puer esse sui juris ; ideò & potest tunc invitari parentibus induci ad fidem ; non tamen coactione, cum credere voluntatis sit, sed persuasione.

IN QUESTIONEM XI.

De Hæresi.

Vtrum hæresis sit infidelitatis species. *ARTICULVS PRIMVS.*
Affirmative, non quòd non pertineat ex fine remoto ad superbiam, vel cupiditatem, & ideò ad opera carnis ; sed ita quod ex fine, seu objecto proximo, ex quo speciem habet, sit infidelitatis species. *Primum est*, quia cum species infidelitatis sumantur secundum aversionem à fine fidei, qui est Christus, utpote quia in unaquaque credulitate finis est is, cujus dicto assentimus ; ideò cum à Christo quis avertatur, vel quia non vult ei assentire, unde infidelitas Paganorum, & Iudæorum ; vel quia deficit in electione eorum quibus Christo assentiat, & hæc est hæresis, quæ quidem eligit non ea quæ à Christo sunt tradita, sed quæ propria mens suggerit ; ita tamen quod electio eo modo pertineat ad infidelitatem, quæ est in intellectu, sicuti voluntas ad fidem : consequenter fit quod hæresis ex fine proximo, ex quo speciem habet, quique est adhærere falsæ sententiæ propriæ, quantum ad ea quæ à Christo sunt tradita, sit species infidelitatis.

36 *Quæst. XI. Artic. II. & III.*

Lib. 5. de
utilitate
cordis,
cap. 5.

Secundum est, quia hæresis ex parte finis re-
moti respicit causam, quæ quidem est su-
perbia, vel cupiditas, cum dicat Aug. quod
hæreticus est, qui alicujus temporalis com-
modi, & maxime gloriæ, principatusque
sui gratiâ falsas ac novâs opiniones vel gi-
gnit, vel sequitur. Vnde & inter opera car-
nis reponitur ab Apost. sub nomine Sectæ,
non quidem quantum ad actum infidelita-
tis, sed ex parte causæ.

ART. 2. *Virum hæresis sit propriè circa ea, quæ sunt
fidei. R. Affirmativè*, ita scilicet quod ea
vel pertineant directè & principaliter ad
fidem, vel indirectè saltem & secundariò.
Ratio utriusque partis est, quia cum nunc
loquamur de hæresi prout corruptionem
dicit fidei Christianæ, ideo & solum tunc
est, quando habet quis falsam opinionem
circa ea, quæ ad fidem pertinent Christi,
sicut & hæreses judaizantium erant circa
opinionem aliquas ad Iudaismum pertinen-
tes; & quidem vel directè, ut sunt arti-
culi fidei; vel indirectè, ut sunt ea ex qui-
bus sequitur corruptio alicujus articuli:
unde & quia ex inordinata loquutione cir-
ca ea, quæ sunt fidei sequi potest corrup-
tio fidei, sicut & dum quis aliter exponit
Scripturas, quàm Spiritus sanctus efflagi-
tat, etiam circa hæc potest esse hæresis. Ita
tamen quod Doctores dissentientes in ali-
quibus circa fidem nondum per Ecclesiam
determinatis (cujus quidem autoritas
principaliter residet in summo Pontifice)
non sint inter hæreticos collocandi, quia
sic quærunt veritatem, ut sint parati cor-
rigi, cum invenerint.

ART. 3. *Virum hæretici sint tolerandi. R. Negati-*

videtur, non quod non sint prius corripiendi, quantum est ex parte Ecclesiae; sed ita quod non sit ex parte ipsorum unde mereantur tolerari. *Primum est*, quia cum gravius sit corrumpere fidem, per quam est vita animae, quam pecunias falsificare, quibus vitae subvenitur temporali, propter quod tamen homines iuste morti traduntur per seculares Principes; ideo ex parte haereticorum est potius peccatum per quod mereantur non solum ab Ecclesia per excommunicationem separari, sed etiam per mortem à mundo excludi. Et quidem quanvis ex haeresibus utilitas aliqua proveniat, quia comprobantur fideles, utpote quod est praeter ipsorum intentionem. Unde nec fit tunc contra praeceptum Domini, si totaliter eradicentur haeretici per mortem, utpote quod tunc habet locum, quando non potest extirpari zizania sine extirpatione tritici. *Secundum est*, quia cum ex parte Ecclesiae debeat esse misericordia ad errantium conversionem, adeo ut ex Paulo oporteat, servum Dei esse mansuetum, cum modestia, &c. ideo nec statim condemnare debet, sed post primam & secundam correptionem, ut ait Apostolus. post quas cum de eius conversione desperet, iuste salutem aliorum providet, illum separando per excommunicationem, & ultra relinquendo saeculari iudicio.

Utrum revertentes ab haeresi sint ab Ecclesia recipiendi. R. Negative, non quod non semper recipi debeant ad poenitentiam, sed ita quod relapsi non sint recipiendi ad vitam, & alia temporalia bona. *Primum est*, quia si semper relapsos reciperet, & con-

servaret in vita & aliis bonis, esset hoc in præjudicium salutis aliorum: tum quia si relaberentur, alios inficerent: tum quia si sine pœna evaderent, alij securius in hæresim laberentur; cum tamen non nisi in ordine ad salutem æternam, quæ quidem præferenda est vitæ temporali, teneatur & vitam, & alia velle bona. Vnde aliquando quidem revertentes primò ab hæresi restituit Ecclesia dispensativè ad dignitates Ecclesiasticas, quas priùs habebant, & hoc propter bonum pacis; sed quia relabi videtur signum inconstantia, & quidem majoris quàm sit in infidelibus, qui nunquam fidem susceperunt, quique conversi nondum ostendunt inconstantia signum circa fidem; ideò relapsos hæreticos non recipit, etiam ut conservet in vita; præsumit namque cum non scrutetur corda, eos non verè reverti, qui cum recepti fuerint, iterum sunt relapsi; & quidem non obstante præcepto Domini de remissione peccati, utpote quod intelligitur de peccato in se commissio, ut scilicet fratri redeunti semper parcat; non de peccato in proximum, vel in Deum, quod non est nostri arbitrij dimittere. *Secundum est*, quia ex institutione Domini debet Ecclesia charitatem suam extendere etiam ad inimicos, & persecutores, quoad scilicet bonum spirituale, quod principaliter respicit charitas; & ideò ad pœnitentiam semper recipere, per quam impenditur via salutis.

Matth. 3.

Matth. 5.

ARTI-
CVLVS
PRI-
MVS.

IN QVÆSTIONEM XII.

De Apostasia.

Vtrum apostasia pertineat ad infidelitatem. R. Affirmativè, si tamen sermo

fit de apostasia simpliciter dicta, non de quacumque apostasia. *Primum est*, quia cum apostasia quandam importet retrocessionem à Deo, & à Deo non recedatur omnino & simpliciter, nisi ratione fidei, ex qua quidem potest quis manere conjunctus Deo, quanvis sub aliis rationibus recedat, sed non è converso; ideo ad infidelitatem pertinet apostasia simpliciter dicta, & quidem quanvis videatur apostasia consistere in exteriori opere, aut sermone, vel etiam in interiori voluntate, utpote quæ omnia etiam ad infidelitatem, sicut & ad apostasiam pertinent, in quantum sunt infidelitatis signa, ad modum quo signum sanitatis dicitur sanum. Cum quo tamen stat, non importare præfatam apostasiam speciem determinatam infidelitatis, ut hæresis; sed circumstantiam aggravantem, secundum illud: Melius erat eis veritatem non cognoscere, quam post eam cognitam retro ire. *Secundum est*, quia potest quis à Deo recedere, nedum ratione fidei, sed etiam ratione debitæ & subjectæ voluntatis ad obediendum mandatis ejus: quod quidem cum sit principium omnis peccati, ad superbiam pertinet, juxta illud: Initium omnis peccati superbia. Tum etiam potest fieri recessus, & consequenter apostasia ratione alicujus specialis obedientiæ, qua quis erat unitus Deo per supererogationem, ut per Religionem, Clericaturam, & sacrum Ordinem, quæ quidem dicitur apostasia Religionis, non Fidei.

Proverb.
6.

Vtrum Princeps propter apostasiam à fide ART. 2.
amittat dominium in subditos. R. Affirmative, non quòd non possit tolerari cum dominio, sed ita quod sint subditi ipso

facto absoluti à dominio. *Primum est*, quia cum vir apostata machinetur malum, ut dicitur, nec sit eadem ratio de illis qui nunquam fidem susceperunt, & de apostatis, cum distinctio fidelium & infidelium sit secundum jus divinum, per quod non tollitur jus humanum; ideò licet ad Ecclesiam non pertineat judicare illos qui nunquam fidem susceperunt, juxta illud, *Quid mihi de his qui foris sunt?* bene tamen eos, qui à suscepta fide apostatarunt, & quidem privando eos dominio, & subditos absolvendo, utpote quod vergere posset, ex cordis pravitatem & machinationem, ut dictum est, in magnam Fidei corruptionem; & hoc maxime quia apostasia à fide hominem totaliter à Deo separat; quod non contingit in quibuscunque aliis peccatis. *Secundum est*, quia toleravit Ecclesia, quando scilicet potestatem nondum habebat terrenos Principes compescendi, fideles Iuliano apostatæ obedire in iis, quæ non erant contra fidem, ut majus periculum vitaretur.

IN QVÆSTIONEM XIII.

De peccato blasphemia in generali.

ARTI-
CVLVS
P. R I-
MVS.

V*trum blasphemia opponatur confessioni fidei. R. Affirmativè, & quidem sive fiat directè in Deum, sive etiam in Sanctos, vel etiam attribuendo creaturæ, quod Deo appropriatur. Primum est*, quia cum blasphemix nomen importet derogationem quandam alicujus excellentis bonitatis, & bonitati derogat quicumque vel negat aliquid de Deo, quod ei convenit; vel asserit de eo, quod ei non convenit, utpote cum ad bonitatem pertineat quicquid Deo convenit, cujus natura est bonitas; ideò

Quaest. XIII. Artic. II. 61

cum huiusmodi negatio de Deo, vel affirmatio, in qua propterea consistit blasphemia, opponatur confessioni fidei, præsertim quando fit non sola mentis opinione, aut cum detestatione cordis, sive affectus, sed etiam exterius prodit per loquutionem, qualis est blasphemia oris, opponitur per consequens blasphemia confessioni fidei, esto quod prout importat pravitatem voluntatis detestantis, & impediens pro posse divinum honorem, spectet etiam ad malevolentiam. *Secundum est*, quia & redundat ex consequenti in Deum blasphemia quæ fit in Sanctos, sicuti & eorum laudes; & est blasphemia circa Deum, quando attribuitur creaturæ quod Deo appropriatur; quandoquidem est ipsum Deum dicere idem creaturæ. Vnde & est blasphemia species atoma.

Utrum blasphemia semper sit peccatum mortale. R. Affirmative, non quidem quando inadvertenter fit, sed quando ex sufficienti consideratione habet propriè rationem blasphemix. *Ratio utriusque partis est*, quia cum quæcumque repugnant charitati, ex suo genere sint peccata mortalia, & blasphemia ex suo genere repugnet charitati divinæ, quia derogat divinæ bonitati; ideo potest quidem esse venialis quando quis in verba protumplit imaginata ex passione, & eorum significationem non considerat, cum nec habeat tunc propriè rationem blasphemix; non tamen à mortali excusatur, ubi advertitur esse blasphemia; nec est ponenda inter minora peccata, licet Glossa inter minora dicat numerari, in quibus etiam de maioribus ponuntur; sed

Ad Cor.
Ios.

62 *Quaest. XIII. Artic. III. & IV.*

codem prohibetur præcepto, quo infidelitas, vel periurium.

ART. 3. *Vtrum peccatum blasphemia sit maximum peccatum. R. Affirmativè*, ita quod & ad genus pertineat infidelitatis, quod est peccatum maximum, & ipsum etiam aggravet. *Ratio utriusque partis est*, quia cum blasphemia opponatur confessioni fidei, ut dictum est, & aggravetur si superveniat detestatio voluntatis, & adhuc magis si prorumpat in verba, sicuti laus, quæ augetur per dilectionem, & confessionem; ideo & gravitatem habebit infidelitatis, quæ est peccatum maximum, & ipsum insuper aggravabit, adeo ut quanvis secundum effectum nocendi, homicidium sit gravius; blasphemus tamen ex intentione, simpliciter loquendo, magis peccet, quam homicida, quandoquidem intendit nocumentum inferre honori divino; necnon & ratione objecti, faciendo scilicet non contra proximum, ut homicidium, sed contra Deum; necnon & magis, quam qui perjurat, utpote qui non sentit, aut dicit aliquid falsum de Deo, ut blasphemia, sed solum sperat, quod super falsum non testificetur Deus per aliquod evidens signum. Vnde non aliter dicitur excusatio peccati peccatum maximum, nisi quia est circumstantia aggravans omne peccatum.

Gloss.

super

psal. 74.

ART. 4.

Vtrum damnati blasphement. R. Affirmativè, & quidem tum blasphemia interiori cordis, tum etiam post resurrectionem vocali, quanvis in neutra cum demerito. *Primum est*, quia cum habeant damnati perversam voluntatem averfam à Dei iustitia, in hoc scilicet, quod diligunt ea, pro quibus

puniuntur, & vellent eis uti, & odio habent pœnas, quæ pro huiusmodi peccatis infliguntur, nec sperent se pœnas evadere, propter quas homines à blasphemia deterrentur; ideo & est in damnatis interior cordis blasphemia, scilicet detestatio divinæ justitiæ; & est credibile, quod post resurrectionem erit vocalis, utpote sicut in Sanctis vocalis laus Dei. Vnde & in eo, qui hic non blasphemavit, poterit esse blasphemia, si in peccato mortali decessit, cum secum ferat voluntatem detestandi divinam justitiam. *Secundum est*, quia mala in damnatis pertinent ad damnationis pœnam, cum sint in termino, sicut & bona in Beatis ad beatitudinis præmium, & ideo non sunt demeritoria.

IN QVÆSTIONEM XIV.

De blasphemia in Spiritum sanctum.

Vtrum peccatum in Spiritum sanctum sit idem, quod peccatum ex certa malitia. &c. *Affirmativè*, si tamen dicatur peccatum ex malitia, non secundum quod provenit ex inclinatione habitus mali, sed prout abjicit, & contemnit quod poterat peccati electionem impedire. *Primum est*, quia cum peccatum in Spiritum sanctum non tantum sit quando ad litteram aliquid dicitur contra Spiritum sanctum, quomodo judæi blasphemabant in Spiritum sanctum cum attribuebant principi dæmoniorum quæ Christus faciebat virtute Spiritus sancti, vel etiam quando quis perseverat in peccato usque ad mortem, juxta quod nominat Aug. peccatum in Spiritum sanctum finalem impœnitentiam; sed maximè, ut alij dicunt, quando peccatur contra appro-

ARTI-
CVLVS
P R I-
MVS.

priatum bonum Spiritus sancti, cui quidem appropriatur bonitas, sicut potentia Patri, & Filio sapientia; ideo cum id contingat, quando abjicitur quod poterat peccati electionem impedire, putà cum abjicitur spes per desperationem, timor per præsumptionem, & alia hujusmodi, utpote quæ omnia sunt effectus bonitatis Spiritus sancti in nobis, propterea fit quod ita acceptum peccatum ex malitia sit blasphemiam in Spiritum sanctum, quæ etiam, sicut & confessio fidei, considerari potest in ore, corde, & opere: unde & distinguitur secundum hanc acceptionem contra blasphemiam in Filium hominis, quod quidem non tam dicitur ex malitia, quam ex ignorantia, vel ex infirmitate, cum sit filius, & Dei virtus per appropriationem, & Dei sapientia. *Secundum est*, quia peccatum secundum quod provenit ex inclinatione habitus, non est speciale peccatum, sicut esse debet peccatum in Spiritum sanctum, sed est generalis quædam conditio peccati.

ART. 2. *Vtrum convenienter assignentur species peccati in Spiritum sanctum, scilicet desperatio, præsumptio, impœnitentia, obstinatio, impugnatio veritatis cognita, & invidentia fraterna gratia. R. Affirmativè*, ita scilicet, quod si sumatur secundum remotionem, & contemptum eorum, per quæ potest homo à peccati electione impediri, & ei prædictæ sint assignandæ species, & sufficienter assignentur. *Primum est*, quia cum ea, per quæ potest homo à peccati electione impediri, sint primò ex parte divini judicii per spem misericordiæ, quæ tollitur per desperationem, & per timorem justi-

Quaest. XIV. Artic. III. 65

tiæ, qui per præsumptionem collitur, non quidem non credendo ex infidelitate Dei iustitiam aut misericordiam, sed eas ex malitia contemnendo. Secundò ex parte donorum Dei, ut per cognitionem veritatis, quam tollit impugnatio veritatis agnitæ, & per auxilium interioris gratiæ, quam quidem dedit Christus, sicut & veritatem, sed Spiritus sancti dono, cuique opponitur invidia fraternæ gratiæ. Tertiò denique ex parte peccati, ut per inordinationem, & turpitudinem actus, contra quod ponitur. impœnitentia, ut dicit propositum non pœnitendi; aut per parvitatem, seu brevitatem boni, quod quis in peccato querit, quod tollitur per obstinationem, quæ etiam ab impœnitentia differt secundum alias formales rationes, quàm secundum præteritum & futurum; consequenter fit, quod ita accepto peccato in Spiritum sanctum præfata sint assignandæ species. *Secundum est*, quia ad præfatas sex species omnia alia in Spiritu sanctu peccata sufficienter reducuntur, ut nolle obedire, quod est resistere Spiritui sancto, ad obstinationem; simulatio pœnitentiæ, ad impœnitentiam; & schisma, ad invidiam fraternæ gratiæ, per quam membra Ecclesiæ uniuntur.

Vtrum peccatum in Spiritum sanctum sit irremissibile. Bz. Affirmativè, non ita quod nullo remittatur modo, seu præcludatur omnipotentia Dei via remissioni; sed quia ex parte sui meritum habet, ut non remittatur. *Primum est*, quia qui ex malitia peccat, ut supra dictum fuit, aut opera Spiritus sancti diabolo tribuit, talis nec habet excusationem, cur ejus minuatur

ART. 3.

poena, sicut habet qui peccat in Patrem, aut Filium, peccato scilicet infirmitatis, aut ignorantiae; nec unde curetur ejus culpa, cum ea despiciantur, & abjiciantur, ut supra exposuimus, quæ culpam tollunt. Vnde meritò dicitur hac ratione irremissibile, quanvis sit liberum arbitrium vertibile in hac vita, quandoquidem aliquando à se abjicit id, per quod verti potest in bonum; suntque aliqui, qui dicuntur filij diffidentiae, considerata conditione peccatorum, esto quod de nullo sit desperandum considerata Dei omnipotentia, & misericordia. *Secundum est*, quia sicut adhuc potest Deus curare morbum corporis, etsi dicatur incurabilis, quia tollit virtutem naturæ, vel inducit fastidium cibi, & medicinae; sic nec per hoc quod dicitur peccatum irremissibile, præcluditur propterea via remittendi omnipotentiae, & misericordiae Dei, qui etiam aliquando morbos insanabiles miraculosè spiritualiter sanat.

ART. 4.

Vtrum homo possit primò peccare in Spiritum sanctum. R. Affirmativè, non quidem si sumatur pro impœnitentia, aut pro peccato ex malitia, quasi ex inclinatione habitus mali; sed pro contemptu eorum, per quæ retrahimur à peccato. *Primum est*, quia cum possibile sit per malitiam demonis suggerentis, ut quis statim inducatur ad peccatum gravissimum, quod est peccatum in Spiritum sanctum, necnon & possit hoc contingere ob libertatem arbitrij, ob multas dispositiones præcedentes, ob vehemens motivum ad malum, & debilem affectum ad bonum; ideo quanvis in viris perfectis hoc vix, aut nunquam contingat,

imò nec nisi aliis præsuppositis peccatis contingat in peccatoribus contemptus retrahentium à peccato, juxta quod dicitur, quod impius, cum in profundum venerit, contemnit; potest tamen contingere, ut aliquis in primo actu peccet per contemptum in Spiritum sanctum, adeo ut quavis in pluribus, tam in bono, quam in malo procedatur ab imperfecto ad perfectum, non tamen obstat quin possit unus incipere à majori, quam alius, quod sit perfectum in suo genere, esto quod adhuc sit imperfectum secundum seriem processus hominis in melius, vel in pejus. *Secundum est*, quia licet impœnitentia habitualis, ut constituit determinatam speciem, possit etiam esse ante omnia peccata, ut tamen eam finaliter accipit Aug. dum eam dicit peccatum in Spiritum sanctum, alia præsupponit peccata; sicut & quando accipitur peccatum illud pro peccato ex habitu, utpote cum oporteat, ut actus præcedant, quibus habitus generetur.

IN QVÆSTIONEM XV.

De vitiis oppositis scientiæ, & intellectui.

Vtrum cecitas mentis sit peccatum. **ARTICULUS I. Affirmativè**, non ea quæ ex naturalibus contingit ex naturali defectu, aut quæ est privatio habitualis luminis; sed quæ ab intellectu avertitur, per quod alia intelligit. *Primum est*, quia non avertitur mens à consideratione principij intelligibilis, per quod alia intelligit, nisi vel quia habet homo voluntatem spontaneè se avertentem à consideratione talis principij, juxta illud, *Noluit intelligere, ut bene ageret*; vel per occupationem mentis circa alia, quæ magis

Proverb. 8.

Psal. 36.

diligit, per quæ ab inspectione hujus principij avertitur, juxta illud, *Supercecidit ignis, scilicet concupiscentia, & non viderunt solem*; quò quidem utroque modo est cæcitas, seu privatio principij intellectuales visionis peccatum, sicut & voluntaria, in quantum scilicet quanvis intelligere veritatem sit per se amabile, per accidens tamen potest esse odibile, ut impedit ab aliis, quæ voluntas magis amat. *Secundum est*, quia excusat potius à peccato, ut dicitur Iob 9. cæcitas illa, quæ provenit ex naturali defectu, quo scilicet impeditur homo ab usu luminis naturalis per defectum virium interiorum, licet naturali illo lumine nunquam privetur; ea autem quæ est privatio habitualis luminis naturæ superadditi est potius pœna, quàm culpa, juxta illud: *Excaca cor populi hujus.*

Ita. 6.

ART. 2.

Vtrum hebetudo sensus sit aliud peccatum à cecitate mentis. R. Affirmative, non quod non habeant ex eadem parte rationem peccati, sed ita quod importet hebetudo quandam solum debilitatem cognitionis, cujus quidem dicit cæcitas totalem privationem. *Secundum est*, quia cum hebetudo sensus in intelligibilibus dicatur secundum similitudinem in sensibus corporalibus, in quibus sicut ille dicitur cæcus, qui percipit objectum remotum, & ille sensu hebetari, qui non percipit nisi propinqua, & magna sensibilia, sic in intelligibilibus, ille habet sensus hebetudinem, qui essentiam ex proprietatibus non cognoscit, nec causas per effectus, & tandem non nisi per multa ei exposita; ideo & importat hebetudo mentis quandam de-

ibilitatem mentis circa cognitionem spiritualium bonorum, cuius importat cæcitas omnimodam privationem. *Secundum est*, quia non nisi in quantum est voluntaria habet hebetudo mentis rationem peccati, sicut & mentis cæcitas; sicque ex eadem parte sunt peccatum, sicut & idem contrarium, cui opponuntur, donum scilicet intellectus, quo spiritualia bona percipiuntur.

Utrum cæcitas mentis, & hebetudo sensus ART. 5.
orientantur ex peccatis carnalibus. R. Affirmative, non quòd non possint immundi, & gulosi aliqua vera scire; sed ita quod ex carnis immunditia ab hoc præcipue impediuntur. *Primum est*, quia cum ortum habeant cæcitas mentis, & hebetudo sensus ex eo quod hominis intentio applicatur ad corporalia, utpote quia consistit perfectio intellectualis cognitionis in quadam abstractione à sensibilibus phantasmatibus; ideo cum hoc fiat maxime per gulam, & magis adhuc per luxuriam, quæ consistunt circa tactus venereos, & gustum, in quantum scilicet applicat delectatio, quæ quidem in illis est maxima, intentionem ad ea in quibus aliquis delectatur; ideo, inquam, fit quod causet luxuria, in qua est maxima delectatio, cæcitatem mentis, & gula hebetudinem, non quidem agendo in partem intellectivam per alterationem, sed impediendo operationem ipsius, & magis adhuc quàm vitia spiritualia propinquiora, utpote cum vitia carnalia, quo magis sunt remota à mente, magis ejus intentionem ad remotiora distrahant, sicque magis impediunt. *Secundum est*, quia possunt aliqui carnalibus vitiis subditi, propter boni-

Lib. I.
Retra-
ctation.
cap. 4.

tatem ingenij naturalis, aut habitus superadditi aliqua circa intelligibilia speculari, & ita vera aliqua scire, quanvis immundi, ut ait Augustinus.

IN QVÆSTIONEM XVI.

De præceptis fidei, scientiæ, & intellectus.

ARTI-
CVLVS
PRI-
MVS.

Vtrum in veteri lege debuerint dari præcepta credendi. *R. Negativè*, non quòd non possint absolutè præcepta dari de pluribus credendis; sed ita quod ad legis, siue præcepti susceptionem præsupponatur primum credibile, seu fides unius Dei. *Primum est*, quia cum lex non imponatur ab aliquo domino nisi subditis, proindeque supponant præcepta subjectionem, & prima hominis subiectio ad Deum sit per fidem, quia accedentem ad Deum oportet credere, ex Paulo; ideò præsupposita fide unius Dei, fuere quidem danda in lege prohibitiva præcepta, quibus homines prohiberentur à particularibus defectibus, quibus fides corrumpi posset; non tamen præcipi debuit in lege ipsa fides, sed præsupponi, utpote necessaria tanquam principium spiritualis vitæ, esto quod dari potuerint præcepta pertinentia ad confessionem fidei, vel doctrinam, utpote supponentem subjectionem, non autem eam constituentem. Vnde & præmisit Deus, antequam daret præcepta, *Ego sum Dominus Deus tuus, &c.* & aliquid etiam præsupposuit Christus de fide, dum scilicet dixit, *Creditis in Deum?* sicut & aliquid præcepit, scilicet Incarnationem, dum addidit, *Et in me credite.* Et simili modo cum ait Eccles. 2. *Sapiens, Qui timetis Dominum, credite illi,* supponit ibi fidem de Deo, quem quidem

Hebr. 11.

Ioan. 14.

Eccles. 2.

non timet qui non credit, adeò ut non nisi ad specialia credibilia referatur quod addit, *credite illi. Secundum est*, quia cum in fide multa contineantur ordinata ad fidem illam, qua credimus Deum esse, ideò præmissa fide de Deo, quâ mens subjicitur, possunt dari absolute præcepta de aliis credendis, quanvis nec de istis fuerint data in lege veteri, utpote in qua non erant secreta fidei exponenda.

Vtrum in veteri Lege convenienter tradantur præcepta pertinentia ad scientiam & intellectum? R. *Affirmativè*, ita quod & sufficienter, & congruè in ea præcipiantur, quæ circa scientiam, & intellectum considerari possunt; si tamen in sensu accommodo intelligantur præceptorum verba.

Primum est, quia cum tria considerari possint circa scientiam, & intellectum, scilicet acceptio ipsius, tum usus, & conservatio, & de omnibus his præcipiatur in lege; de acceptione quidem, quæ fit per doctrinam, & disciplinam, dum dicitur, *Erunt Deuter. verba hæc, quæ ego præcipio in corde tuo, &c. 6.*

de usu autem, qui est eorum contemplatio, dum additur, *Et meditaberis ea sedens in domo tua*; demùm de conservatione, quæ fit per memoriam, ibi: *Et ligabis ea quasi signum in manu tua, &c.* ideò sufficienter præcipitur in in Lege veteri circa scientiam & intellectum: sed insuper & modo congruo præcipitur, sive quando non inducuntur homines ad scientiam, & intellectum, nisi post præmissa legis præcepta, utpote cum scientia & intellectus fidelium consistant maximè in præceptis Legis, quæ propterea sunt præmittenda; sive quando expressius præcipitur doctrina, quàm dis-

ciplina, utpote quæ ad majores pertinet, per quos præcepta legis debent ad minores, seu discipulos pervenire; sive etiam quando specialiter præcipitur Regibus potius quàm Sacerdotibus circa instructionem legis, eo quòd scilicet scientia legis Dei non sit ita annexa officio regali, sicuti officio Sacerdotis, cui intelligitur cōjuncta cū officio ipso. *Secundum est*, quia nec præceptum illud, quod dormiens meditetur de lege Dei, sic intelligitur, quasi dormiens meditetur, sed vadens dormitum, quatenus scilicet ex hoc homines dormiendo meliora adipiscuntur phantasmata, secundum quod pertranseunt motus à vigilantibus ad dormientes, ut docet Philos. Sicut nec illud, quod in omni actu suo de lege meditetur, sic est intelligendum, quasi semper actu de lege cogitet, sed quod omnia quæ facit, secundum legem moderetur.

IN QVÆSTIONEM XVII.

De Spe secundum se.

ARTI-
CVLVS
PRI-
MVS.

V*trum spes sit virtus. R. Affirmative,* ita quod faciat spes actum hominis bonum, & debitam regulam attingentem; imò & sit dispositio perfecti, quanvis simul & imperfecti. *Primum est*, quia cum sit spes de bono futuro arduo possibili per divinum auxilium, est consequenter attingens supremam regulam & mensuram humanorum actuum, scilicet Deum, proindeque & bonum facit habentem, ad modum aliarum virtutum, & opus ejus bonum reddit; nec potest quis ea malè uti, sicut nec virtute morali, cum Deum attingat tanquam mensuram debitam, sicut & moralis rationem. Vnde nec causatur habitus.

Quest. XVII. Artic. II. & III. 73

bitus spei, per quem aliquis beatitudinem exspectat, ex meritis, sed ex gratia; esto quod dicatur causari ratione rei speratæ, prout quis sperat beatitudinem consequi etiam ex meritis. *Secundum est*, quia qui sperat est quidem imperfectus ratione rei speratæ, quam non habet, sed est perfectus, quatenus jam attingit propriam regulam, scilicet Deum.

Vtrum beatitudo aterna sit objectum proprium spei. R. Affirmativè, non quod non respiciat secundariò & alia bona; sed ita quod beatitudinem, sub communi scilicet ratione boni perfecti, respiciat principaliter. *Primum est*, quia cum spes Deum attingat innitens ejus auxilio, oportet ut sit principaliter circa infinitum bonum, ut ita proportionetur virtuti Dei adjuvantis, quæ infinita est, quod quidem bonum est ipsa beatitudo, quæ in-fruitione Dei consistit; ita tamen quod eam respiciat spes sub ratione solum communi boni perfecti, sub qua cadere potest in apprehensione hominis, & in cor ascendere viatoris; non autem ut cognoscatur quæ, & qualis est. *Secundum est*, quia cum petat fidelis & alia bona præter beatitudinem, sed secundariò & in ordine ad beatitudinem, potest similiter & eadem sperare; sed semper in ordine ad beatitudinem, etiam quantumcunque videantur ardua, cum non sint ardua comparativè ad beatitudinem, sed solum respectu facultatis sperantis.

Vtrum aliquis possit sperare alteri aternam beatitudinem. R. Affirmativè, non quidem absolute, sed ex præsuppositione alterius, unionis scilicet amoris ad alterum. *Ratio*

74 *Quest. XVII. Artic. IV. & V.*

utriusque partis est, quia cum motus semper sit ad terminum proportionatum mobili, & ideo ad ipsum pertinentem, sitque spes motus quidam, & tendentia in Deum; ideo & est absolutè loquendo solius boni ardui ad sperantem pertinentis, ut dicit Aug. Sed quia ex præsupposita unione charitatis ad alterum, consideratur alter ut unus cum sperante, propterea hoc præsupposito potest aliquis alteri sperare salutem. Quare sicut eadem est charitas, qua quis diligit Deum, seipsum, & proximum; ita & eadem est virtus spei, qua quis sperat sibi ipsi, & alii.

n n-
Art. 2.

ART. 4. *Vtrum aliquis possit licitè sperare in homine. R. Negativè*, si nimirum intelligatur non quidem tanquam in secundo & instrumentali agente in ordine ad bona ad beatitudinem ordinata; sed tanquam in prima causa movente in beatitudinem. *Primum est*, quia sicut respicit spes beatitudinem æternam, ut finem ultimum; sic etiam divinum auxilium ut primam causam efficienter inducentem ad beatitudinem. In quo quidem sensu dicit Jerem. *Maledictus homo; qui confidit in homine. Secundum est*, quia loquendo de homine, ut de agente secundo & instrumentaliter adjuvante, sic ad Sanctos convertimur, & ab hominibus etiam aliqua petimus; nec non vituperantur illi, de quibus aliquis confidere non potest ad auxilium ferendū.

Cap. 17.

ART. 5. *Vtrum spes sit virtus theologica. R. Affirmativè*, ita quod & ex qua parte est virtus, Deum habeat, sicut theologica, pro objecto; & ex qua parte medium habet, à morali virtute differat. *Primum est*, quia

Quaest. XVII. Artic. VI. 75

cum ex hoc habeat quod sit virtus, quia attingit Deum tanquam regulam, eique innititur, & in ipsum fertur; nec sit circa alia bona nisi in ordine ad Deum, ut dictum est; ideo cum in hoc consistat ratio virtutis theologicæ, ut Deum habeat pro objecto, non potest spes non esse virtus theologica, & quidem distincta tum à magnanimitate, quæ tendit in arduum, sed tamen sperans aliquid, non ex divino auxilio, ut spes, sed quod est suæ potestatis; tum à longanimitate, quanvis sit spes expectatio quædam, quippe quæ expectare dicitur, non propter dilationem, ut longanimitas, sed per respectum ad divinum auxilium. *Secundum est*, quia licet quantum ad ea, quæ quis sperat se adepturum, possint esse medium, & extrema, in quantum præsumit vel desperat; quia tamen versatur spes principaliter circa ipsam divinam regulam, & Deo, seu divino auxilio nemo potest nimis inniti; ideo nec potest spes medium habere per se loquendo, sive ex parte principalis objecti, sicut habet moralis virtus, utpote quæ est non circa regulam, sed circa ea, quæ ratione regulantur, sicut circa proprium objectum.

Utrum spes sit virtus distincta ab aliis virtutibus theologicis. R. Affirmativè, non quidem per hoc quod aliud habeat objectum, sed per hoc quod idem alio attingat modo. *Ratio utriusque partis est*, quia cum sit Deus objectum virtutis theologicæ, sitque in se simplex & unus; ideo non ex parte objecti distinguitur spes ab aliis theologicis virtutibus; sed quia sufficit ad distinctionem habituum alia & alia ra-

ART. 6.

76 *Quaest. XVII. Artic. VII.*

tio, sub quibus attingatur objectum; & spes diversimodè à fide & charitate Deo adhæreat, cum faciat spes nos adhærere Deo, ut ex eo aliquid nobis provenit, sive ut est principium in nobis per divinum auxilium adeptionis beatitudinis, fides autem, ut est nobis principium cognoscendi veritatem; & charitas faciat nos adhærere Deo, non tanquam principio in nobis, sed propter seipsum, uniendo hominis mentem ipsi Deo per affectum amoris; consequenter fit, quod cum eodem objecto adhuc sufficienter distinguatur spes à fide, & charitate. Vnde ponitur quidem expectatio de resurrectione in Symbolo fidei, non quòd sit actus fidei, sed in quantum actus spei præsupponit fidem, & actus fidei manifestatur per actum spei.

ART. 7. *Vtrum spes præcedat fidem. R. Negativè,* ita quod nec ex parte boni quod sperat, habeat fidem præcedere, nec ex parte possibilitatis sub qua illud sperat. *Ratio utriusque partis est,* quia cum bonum illud, quod speramus, sit beatitudo æterna, quæ quidem non nisi per auxilium supernaturale divinum sit nobis possibilis; idèò cum non nisi per fidem nobis utrumque proponatur, utpote quâ nobis innotescit & quod ad vitam æternam, seu Dei possessionem possumus pervenire, & quod ad hoc nobis paratum est Dei auxilium, præceditur per consequens spes per fidem sub utraque ratione; & quidem quanvis ad actum fidei meritorium sit necessaria spes, utpote cum non sit ad hoc necesse, ut actus meritorius habeat spem præcedentem, sed sufficiat ad hoc, ut habeat spem vel concomi-

Quæst. XVII. Artic. VIII. 77

tantem, vel subsequentem. Vnde dicitur Hab. 11.
quidem spes introitus fidei; sed quia per
eam homo ad hoc intrat, ut stabiliatur, &
perficiatur in fide, nec ponitur in defini-
tione fidei res speranda, quasi spes præ-
cedat fidem, sed quia cum fidei objectum
non sit apparens secundum seipsum, neces-
se fuit, ut quadam circumlocutione desig-
naretur per id quod ad fidem consequitur.

Utrum charitas sit prior spe: R. Negative; ART. 8.
si tamen subintelligatur, non secundum
ordinem perfectionis, & formæ; sed de
prioritate secundum ordinem, secundum
quem imperfectum est prius perfectio, siue
secundum generationis viam. *Ratio utrius-*
que partis est; quia cum spes pertineat ad
amorem imperfectum, quo quis aliquid
amat, ut bonum sibi ipsi proveniat, quo-
niam non sperat nisi qui aliquid sibi bonum
obtinere intendit; & amor imperfectus sit
prior secundum generationis viam amore
perfecto, quo scilicet amatur aliquid se-
cundum seipsum, quod quidem ad chari-
tatem pertinet; ideo secundum viam per-
fectionis est quidem charitas naturaliter
prior, utpote quâ adveniente spes perfe-
ctior redditur; in quo quidem sensu in-
telligitur Ambros. necnon & autoritas Super 17.
sumpta ex Magistro, qui quidem loquitur Luc.
de spe charitate informata, quam naturali-
ter præcedunt charitas, & merita, quæ cau-
santur ex charitate; at in via generationis
debet spes charitatem præcedere, præser-
tim cum introducat spes ad charitatem, in
quantum aliquis sperans remunerari à Deo
accenditur ad Deum amandum. Vnde om-
nis quidem motus, & affectus est ex amo-

78 *Quæst. XVIII. Artic. I. & II.*

14. de ci- re, ut patet ex autoritate Augustini. Ve-
vit. Dei. rum ex hoc non sequitur, quod omnis spes
oriatur ex charitate, quæ est amor quidam,
quoniam solum à charitate nascitur motus
spei formatae.

IN QVÆSTIONEM XVIII.

De subjecto Spei.

ARTI-
CVLVS
PRI-
MVS.

Vtrum spes sit in voluntate, sicut in sub-
jecto. *R. Affirmativè*, ita quod & sit
actus spei motus appetitivæ partis; & ap-
petitus, cujus est actus, sit intellectualis,
non sensitivus. *Ratio utriusque partis est*,
quia cum objectum spei sit bonum, non
potest per consequens actus spei non esse
motus appetitivæ partis; sed quia bonum,
quod est objectum ejus principale, non est
bonum sensibile, sed divinum, nec potest
esse motus ille spei appetitus sensitivi, sed
intellectualis tantum, seu voluntatis, ad
quem pertinet arduum intelligibile, sicut
& ad irascibilem appetitum arduum sensi-
bile. Vnde præter charitatem, utpote so-
lum perficientem quantum ad diligere, re-
quiruntur in voluntate & aliæ virtutes ad
alios actus, puta ad motum spei, quem
quidem non inconvenit esse ejusdem poten-
tiæ cum motu charitatis, cum habeant or-
dinem ad invicem.

ART. 2.

Vtrum spes sit in Beatis. R. Negativè, non
quod non possit quis aliquid sperare in sta-
tu beatitudinis, sed ita quod non speret
tunc ex virtute spei. *Ratio utriusque partis
est*, quia cum subtracto eo, quod dat spe-
ciem rei, subtrahatur & res; & spes reci-
piat speciem à suo objecto principali, quod
quidem est non gloria corporis, quam
propterea possunt Beati sperare, & magis

Quest. XVIII. Artic. III. 79

adhuc potuit Christus, utpote non minus viator respectu passibilitatis naturæ, quàm comprehensor respectu fruitionis divinæ; sed ipsa æterna beatitudo, & quidem sub ratione futuræ, ideò cum in Beatis sit beatitudo, non futura, sed præsens, possunt quidem sperare gloriam corporis, vel etiam continuationem beatitudinis, quia ibi non est ratio futuri, non tamen ex virtute spei, quæ scilicet speciem habet ex objecto principali, adeò ut nec ratione virtutis spei aliis sperent beatitudinem, sed ratione charitatis.

Vtrum spes sit in damnatis. R. Negativè, Art. 3.
non quòd non possint aliqua sperare; sed ita quod spe illâ, de qua loquimur, sperare non possint. *Primum est*, quia cùm ad conditionem miseriæ damnatorum pertineat, ut pœna repugnet voluntati, quod quidem sit dum sciunt, se non posse damnationem evadere; sicuti ad veram beatitudinem, ut Beati sciant beatitudinis perpetuitatem: ideò cum non possint damnati apprehendere beatitudinem ut bonum possibile, quod est objectum spei, de qua loquimur, sicut nec Beati ut bonum futurum, nec etiam per huiusmodi spem sperare possunt, quavis non variet defectus ille spei in damnatis de meritum, utpote qui contingit ex mutatione status. Vnde potest quidem esse in damnatis fides informis, quippe quæ est bonarum, & malarum rerum, præteritarum, sicut & futurarum & præsentium; non ita tamen de virtute spei, utpote quæ non est nisi bonarum, & futurarum. *Secundum est*, quia scriptum est de diabolo: *Ecce* Iob 40.
spes ejus frustrabitur eum. Quod quidem

80 *Quest. XVIII. Artic. IV.*

licet possit intelligi secundum membra ejus, potest etiam referri ad spem, quâ ipse sperat se de Sanctis victoriam obtinere, juxta illud, quod suprà præmiserat: Habet fiduciam, quod Iordanis influat in os ejus.

ART. 4. *Vtrum spes viatorum habeat certitudinem. R. Affirmativè, non quidem essentialiter, sed participativè. Ratio utriusque partis est, quia cum certitudo sit essentialiter in vi cognoscitiva, & consequenter sit participativè in omni eo, quod à vi cognoscitiva movetur infallibiliter ad suum finem, quasi participans certitudinem & infallibilitatem à fide, quæ est in vi cognoscitiva, est consequenter certa, non quidem essentialiter, cum non subiectetur in intellectu, sed in voluntate; sed participativè, ita tamen, quod non innitatur principaliter gratiæ jam habitæ, de qua viator non est certus; sed divini omnipotentis, & misericordiæ, de quibus scilicet certus est quicumque fidem habet. Vnde nec ejus derogat certitudini, quod aliqui deficient à consequutione beatitudinis, utpote cum id proveniat non ex defectu misericordiæ, & omnipotentis Dei, quibus innititur, sed ex libero arbitrio ponente obicem peccati.*
IN QVÆSTIONEM XIX.

De dono timoris.

ARTI-
CVLVS
PRI-
MVS.

V*trum Deus possit timeri. R. Affirmativè, non quidem tanquam ipsum malum, quod homo refugit; sed tanquam id à quo potest nobis malum aliquod imminere. Primum est, quia cum provenire possit à Deo, non quidem malum culpæ, quod est à nobis ut ab auctore, sed malum pænæ,*

quod licet sit bonum simpliciter, in quantum servat ordinem ad finem ultimum, est tamen malum secundum quid, in quantum privat aliquo particulari bono; ideo & potest Deus esse sub hac ratione objectum timoris, & quidem quanvis sit objectum spei, utpote cum non sit inconveniens esse illa duo circa idem, scilicet circa Deum, secundum diversas rationes, puta justitiæ punientis, & misericordiæ liberantis. *Secundum est*, quia cum Deus sit ipsa bonitas, non potest per consequens esse ipsum malum, quod homo timet refugiendo.

Vtrum timor convenienter dividatur in ART. 26.
filialem, initialem, servilem, & mundanum.
R. Affirmative, si nimirum dividatur non secundum quod est passio animæ, sed pro ut per timorem convertimur aliquo modo ad Deum, vel avertimur. *Primum est*, quia cum sit timor mundanus, si avertitur à Deo propter mala, quæ ab eo timet; & servilis, si ad Deum convertatur, & ei inhaereat propter timorem pœnæ; sicut & filialis, si ob timorem culpæ, quandoquidem timet filius offensam patris; & si propter utrumque, initialis, ideo & in hæc quatuor convenienter dividitur; adeo ut distinguere debeant timor servilis, initialis, & mundanus, cum pœnam quidem respiciant, sed diversimodè; sed & coadunentur, & ad idem pertineant timor castus ad sponsum, & filialis ad patrem, cum per eandem charitatem Deus sit & pater noster, & sponsus noster: tum etiam timor à Deo avertens metu bonorum exteriorum, & avertens à Deo metu incolumitatis corporis, quandoquidem licet peccata sint diversa, hoc

82 *Quæst. XIX. Artic. III.*i. i. q. 41.
art. 4.

tamen habent commune, quod à Deo aver-
tant. *Secundum est*, quia sumptus timor
ut est passio animæ, in sex potius dividitur
species, & quidem ex Damasc. scilicet se-
gnitiam, erubesceniam, & alias, de qui-
bus suprà dictum est, quæ quidem in præ-
fata divisione non connumerantur, sicut nec
timor naturalis, utpote qui præsupponitur
bono & malo morali.

ART. 3.

Vtrum timor mundanus sit semper malus.
R. Affirmativè, si tamen propriè sumatur
timor mundanus, sicut & mundanus amor,
à quo nascitur; non autem quomodocum-
que, sive pro qualicumque timore & amo-
re mundi. *Ratio utriusque partis est*, quia
cum timor semper causetur ab amore, præ-
indeque & timor mundanus ab amore mū-
dano; ideò cum amor mundanus sit semper
malus, utpote quia propriè mundanus di-
citur, non qui quomodocumque mundum
amat, sed qui mundo innititur tanquam
fini, in quem quidem fertur appetitus, &
à quo fit specificatio & denominatio; erit
etiam mundanus timor, non quidem sum-
ptus pro qualicumque timore mundi, sed
secundum proprietatem denominationis,
semper malus, cum sic à mala oriatur ra-
dice. Quanvis namque naturale sit, ut ho-
mo refugiat corporis & rerum tempora-
lium detrimenta; tamen quod propter ista
recedat à iustitia, ut sit per timorem &
amorem mundanum, qui in temporalibus
finem constituunt, est contra rationem
naturalem, & ideò semper malum. Et qui-
dem quanvis vituperentur homines si quā-
doque non revercantur Potestates sæcula-
res, utpote cum tunc ita vituperentur,

quia in his personis est aliquid divini, vel gratiæ, vel naturalis imaginis Dei: imò nec ad timorem mundanum pertinet timere hujus mundi Potestates, prout inferunt pœnas ad retrahendum à peccato; sed ad servilem, vel initialem, qui boni sunt.

Vtrum timor servilis sit malus. R. *Negative*, non quòd servilitas non sit mala; sed quia non est servilitas, quâ malus est, de ipsius substantia. *Primum est*, quia cum objectum timoris sit pœna, cui quidem accidit ut bonum cui contrariatur, ametur ut finis ultimus, & pœna timeatur ut principale malum, sicut accidit in non habente charitatem; vel quòd ordinetur in Deum ut in finem, nec timeatur pœna ut malum principale, ut accidit in habente charitatem; neque enim mutatur species habitus ex hoc quòd ejus objectum, vel finis ordinatur ad ulteriorem finem; consequenter fit quòd servilitas, quæ timorem reddit malum, quia facit quòd timeatur pœna ut principale malum, & ametur bonum proprium cui contrariatur, ut finis ultimus, per accidens se habet ad substantiam timoris, proindeque quòd possit servilis timor quoad substantiam esse bonus, cum ex se non dicat nisi timorem pœnæ, qui ex sui natura non excludit ordinem ad Deum ulteriorem finem, ut dictum est: esto quòd mercenarius amor, quia non nisi propter temporalia bona Deum diligit, semper sit malus. Vnde Glossa illa: *Qui timore aliquid facit, etsi bonum aliquid facit, non tamen bene facit*; non nisi de timore in quantum servili loquitur, quò scilicet facit, non quòd amet iustitia, sed solum

ART. 4.

Super
cap. 8.
Roman.

34 *Quest. XIX. Artic. V. & VI.*

quia timer pœnam; neque oritur timor ille servilis secundum suam substantiam ex timore, sed secundum servilitatem, quâ scilicet renuit homo subicere affectum suum iugo iustitiæ per amorem. *Secundum est*, quia cum contra rationem servilitatis sit, quod quis ex charitate operetur, quæ ex voluntate operatur, utpote cum servus, quâ talis non sui causâ operetur, sed quasi ab extrinseco motus; ideo quoad servilitatem est semper timor ille malus.

ART. 5. *Vtrum timor servilis sit idem in substantia cum timore filiali. R. Negativè*, ita quod & specie differant ex parte mali, ad quod attendunt, ut ad objectum; & sufficienter distinguantur secundum habitudinem ad Deum, ut specie differant. *Primum est*, quia malum pœnæ, quod est objectum timoris servilis, differt specificè à malo culpæ, quod est objectum timoris filialis. Vnde nec philosophandum de filiali & servili timore, sicut de fide formata, & informi, quæ quidem cum idem habeant objectum, quod est credere Deo & Deum, ideo nec differunt in substantia. *Secundum est*, quia cum dicat servilis habitudinem ad Deum, ut ad principium inflicivum pœnarum, servilis verò è contra tanquam ad terminum, à quo refugit separari per culpam; ideo & sufficienter distinguantur in habitudine ut in duas dividantur species, & quidem magis, quàm spes, quippe quæ Deum respicit ut principium tam respectu fruitionis divinæ, quàm alterius beneficii.

ART. 6. *Vtrum timor servilis remaneat cum charitate. R. Affirmativè*, non quòd maneat

in quantum servilis cum charitate ; sed ita quod substantia timoris servilis cum charitate manere possit. *Ratio utriusque partis est*, quia cum eo modo se habeat timor poenae ad charitatem , ut amor sui , qui quidem vel se habet ad charitatem ut ei contrarietur , ut cum quis in sui amore finem constituit ; vel ut ab ea includatur , ut cum quis amat se propter Deum, & in Deo ; vel ut ab ea distinguatur absque contrarietate , ut cum quis diligit se propter proprium bonum , in quo tamen non ponit finem : ita & potest quis timore servili metuere poenam , ut excludatur charitas , sicut accidit cum respicit quis poenam ut malum principale , metu cuius , etiam iustitiae amorem desereret : & de hoc , in quantum scilicet ita servili , intelligendus est Aug. sed etiam potest quis timere poenam , ut includatur timor in charitate , qualis est timor separationis à Deo , quæ est quædam poena ; vel etiam , ut distinguatur à charitate , sed eam non excludat , sicut dum timet poenam , nec tamen ibi constituit finem.

Lib. 14.
de civit.
cap. ult.

Vtrum timor sit initium sapientiae. *Re. Affirmative* , non quidem quantum ad ipsius sapientiae essentiam , sed quantum ad ejus effectum. *Primum est* , quia cum sapientia apud nos non consideretur solum ut est cognoscitiva Dei , ut apud Philosophos ; sed etiam ut est vitae directiva , etiam secundum rationes divinas ; ideo & oportet ut principium sumat ex eo quod homo Deum revereatur , & ei se subiciat ; sitque propterea timor id , unde sapientia incipit operari : servilis quidem in quantum per eum discedit aliquis à peccato , & ideo

ART. 7.

initium sapientiæ extra disponens: filialis verò tanquam principium, ut primus sapientiæ effectus. Vnde non aliter dicitur timor sapientiæ, nisi in quantum est ejus radix, quatenus scilicet in radice videtur esse tota arbor. *Secundum est*, quia cum initium sapientiæ secundum ejus essentiam sint prima principia sapientiæ, quæ quidem sunt articuli fidei, quæ timorem præcedit; ideò secundum hoc non timor, sed fides dicitur initium sapientiæ.

- ART. 8.** *Vtrum timor initialis differat secundum substantiam à timore filiali. R. Affirmative;* si tamen dicatur initialis, non prout est initium sapientiæ, sed prout statui competit incipientium intra lineam charitatis. *Primum est*, quia cum timor ita initialis per inchoationem charitatis se habeat ad filialem, sicut charitas imperfecta ad perfectam, quæ quidem non differunt secundum essentiam, sed tantum secundum statum; nec respiciat timor ille initialis poenam ut proprium objectum; sed solum ut habet aliquid de timore servili adjunctum; ideò remota servilitate adhuc manet secundum substantiam cum filiali, esto quod cesset actus illius in eo qui charitatem habet perfectam cum filiali, utpote quæ ita perfecta foras mittit timorem habentem poenam, ut dicitur 1. Ioan. 4. Vnde est quidem initialis timor medius inter servilem, & filialem timorem; sed non ut inter ea quæ sunt unius generis, in quo casu differret eadem ratione ab utroque extremorum; sed sicut imperfectum est medium inter ens perfectum, & non ens. *Secundum est*, quia cum & timor servilis, & filialis

sint aliquo modo initium sapientiae ; imò
& timor qui est initium dilectionis , sit ti-
mor servilis, qui introducit charitatem si-
cut seta introducit linum, ut dicit August. Tract. 9.
in can.
ideo non sic accipitur initialis quando de
ejus agitur distinctione sive à filiali, sive à
servili.

Virum timor sit donum Spiritus sancti. ART. 2a
R. Affirmative, si tamen subintelligatur de
timore filiali , & casto ; non de servili , &
humano. *Primum est*, quia cum dona Spi-
ritus sancti sint quædam habituales perfe-
ctiones potentiarum animæ , quibus red-
duntur bene mobiles à Spiritu sancto , ad
quod quidem requiritur, ut subjectum non
repugnet , aliàs enim impediretur motus ;
ideo cum ad hoc faciat timor filialis & ca-
stus , utpote per quem Deum reveremur,
& refugimus nos ipsi subducere, est con-
sequenter timor ille donum Spiritus san-
ctus. Vnde nec est virtus theologica , cum
sit timor formaliter de malo , nec Deum
respiciat directè ut objectum , sicut virtu-
tes theologice : nec idem est cum virtu-
te humilitatis , quanvis contrarietur su-
perbiæ, Deum reverendo, sed solum prin-
cipium ejus : aut idem cum habitu chari-
tatis , ex hoc quod amor principium est
hujusmodi timoris , utpote cum amor ma-
gis respiciat bonum , & ideo magis habeat
rationem virtutis , quàm timor , qui for-
maliter respicit malum , cujus fugam im-
portat : sed nec contrariatur spei filialis.
ille timor , cum timeat non quod deficiat
divinum auxilium, sed potius ne nos à di-
vino auxilio subtrahamus. *Secundum est*,
quia & timor humanus, ex quo quidem, ex

88 *Quaest. XIX. Artic. X. & XI.*

Lib. de
grat. &
lib. arb.
cap. 28.
Lib. de
natur. &
grat.

Aug. negavit Petrus Dominum; & servilis timor, ex eodem Aug. habere possunt annexam voluntatem peccandi: & ideo esse non possunt dona Spiritus sancti, quæ quidem non sunt sine charitate, ut dictum est in 1. 2. quaest. 68.

ART.
10.

Vtrum crescente charitate diminuatur timor. R. *Negative*, si nimirum sit sermo de timore, non servili quantum ad actum, sed filiali. *Primum est*, quia cum eo magis timeat quis aliquem offendere, & ab eo separari, quo magis eum diligit; ideo necesse est ut potius crescat filialis timor crescente charitate, sicut effectus crescente causâ; præsertim cum non importet timor filialis separationem, sed magis subjectionem reverentialem, quam quidem non minuit, sed magis auget charitas, dum ipsa augetur: *Secundum est*, quia cum eo minus quis timeat poenam, quo magis Deum diligit, tum quia minus attendit ad ad proprium bonum, & magis confidit de præmio; ideo nedum totaliter tollitur servilis timor quoad servilitatem adveniente charitate, sed etiam manens quoad substantiam, minuitur tamen quoad actum, seu metum poenæ, quando augetur charitas, sicut & quando augetur spes.

ART.
11.

Vtrum timor remaneat in patria. R. *Affirmative*, ita quod non omnis timor totaliter evacuetur, esto quod evacuetur totaliter servilis, vel etiam filialis, quantum ad eundem omnino actum. *Ratio utriusque partis est*, quia cum omnis excludatur poena in patria per beatitudinis æternæ securitatem, quæ est de ejus ratione, ideo nec erit ullo modo servilis timor in patria; sed

Quaest. XIX. Artic. XII. 89

quia, ut dictum, augetur filialis aucta charitate : & praeterea non dicit timor ille defectum ex carentia beatitudinis, sicut spes, quae propterea tollitur per ejus praesentiam in patria ; sed potius defectum naturalem creaturae, ut in infinitum distat à Deo, quod etiam erit in patria ; ideò & manebit filialis timor, ac perficietur in patria. Et quidem quavis Deo, cui similes erimus in patria, ut scriptum est, non conveniat timor, utpote cum hæc similitudo non sit secundum perfectam imitationem ; & insuper consistat beatitudo creaturae in perfecta potius subjectione ad Deum. Unde per illud, *Abundantia perfruetur*, timore malorum sublato excluditur quidem timor de malo praecavens, non autem timor securus, & subjiciens, ut dicit Aug. cum quo tamen stat, quod timor iste non eundem omninò actum habeat in patria, quem modò habet ; tum quia, ut ait Aug. non erit timor exiens à malo, quod accidere potest ; sed tenens in bono, quod amitti non potest : tum quia erit ibi fuga hujus mali, quod est Deo non subjici, ut possibilis naturae, impossibilis autem beatitudini : tum denique nomine timoris significatur ibi ex Aug. ea voluntas, quâ nos necesse erit nolle peccare, non sollicitudine infirmitatis, sed tranquillitate charitatis, & ita erit securus timor.

1. Ioan. 3.

Prov. 9.

Lib. 14.
de civit.
cap. 9.

Lib. 14.
de civit.
cap. 9.

Utrum paupertas Spiritus sit beatitudo respondens dono timoris. R. Affirmative, non quod ei non respondeat beatitudo luctus ex consequenti ; sed ita quod directè ei respondeat beatitudo paupertatis spiritus. Primum est, quia cum ad timorem filialem

ART.
12.

pertineat Deo reverentiam exhibere, & ei subditum esse, proindeque & directè respondeat dono timoris, quod ex huiusmodi subjectione directè sequitur; ideò cum ex perfecta illa subjectione ad Deum, ad quam quidem requiritur, ut aliquis desinat in seipso, vel in alio magnificari, nisi in Deo, directè sequatur paupertas spiritus, quæ nihil aliud est, quàm exinanitio inflati, & superbi spiritus, vel abjectio voluntaria temporalium rerum per instinctum spiritus sancti, proinde fit quod timoris dono propriè respondeat beatitudo paupertatis spiritus; adeò ut sicut spei, quia est motus ad terminum, convenienter respondet ultima beatitudo; sic timori, qui potius dicit recessum à termino à quo, directè respondeat prima, quæ est per recessum à rebus exterioribus divinam impediens subjectionem; sicut & ex fructibus ei convenire videntur, quæ spectant ad moderatum usum, vel abstinentioniam à rebus temporalibus, ut modestia, castitas &c. Vnde omnes quidem beatitudines ad perfectionem pertinent spiritualis vitæ, cum sint actus virtutis perfectæ; sed quia perfectio non consistit in ipsa temporalium bonorum desertione, quæ est potius via ad perfectionem; ideò nec ei responder beatitudo paupertatis, sed magis timori, præsertim cum ei adjuncta sit perfectio sapientiæ. *Secundum est*, quia cum hic, qui Deum reveretur & ei subditur per timorem, non delectetur ex consequenti in aliis à Deo, ideò & ex cōsequenti respondet dono timoris beatitudo luctus, ad quā maxime spectat delectationes carnis reprimere.

IN QUESTIONEM XX.

De vitiis oppositis Spei.

Vtrum desperatio sit peccatum. R. *Affirmative*, ita quod ad modum aliorum motuum appetitus, qui vitiosi sunt, se habeat conformiter intellectui falso, sive existimationi falsæ de Deo; quanvis non ita, quod etiam in damnatis sit peccatum. *Primum est*, quia cum falsa sit existimatio de Deo, quod peccatori pœnitenti veniam denegat, juxta illud: Nolo mortem peccatoris, &c. & desperatio, quæ est motus appetitus, sit huic existimationi conformis; ideo cum ex Phil. quod est in intellectu verum, vel falsum, sit in appetitu bonum, & malum, non nisi malus erit desperationis motus, & mortaliter peccaminosus, consistens principaliter in aversione à Deo incommutabili bono, utpote oppositus virtuti theologicæ, quæ Deum habet pro objecto; & ex consequenti conversionem importans ad bonum commutabile, in quantum anima deferens Deum consequenter necesse est, quod ad alia convertatur; & quidem quanvis videatur desperatio ex bona procedere radice, ut ex timore Dei, vel ex horrore magnitudinis peccatorum, utpote cum non directè sicut ab habitu ab eo procedat, sed occasionaliter solùm & indirectè, quo modo potest ex virtute peccatum procedere, ut dum quis superbit ex virtute. *Secundum est*, quia non sunt damnati in statu sperandi propter impossibilitatem reditus ad beatitudinem; & ideo quod non sperent, non imputatur eis in peccatum, sed potius pars est damnationis ipsorum.

Ezech.
18.

In 6.
Ethic.

92 *Quest. XX. Artic. II. & III.*

ART. 2. *Vtrum desperatio sine infidelitate esse possit. R. Affirmativè*, non quòd non corrumpatur in desperationis motu vera æstimatione circa particulare ; sed ita quod possit adhuc retineri in universali vera æstimatione fidei circa peccati remissionem. *Ratio utriusque partis est*, quia cùm desperatio pertineat ad appetitum, qui est particularium, fides autem ad intellectum, qui est universalium ; & possit contingere, aliquem rectam habentem æstimationem in universali, circa tamen motum appetitivum non rectè se habere, utpote quia potest esse corrupta ejus æstimatione circa particulare, qua quidem mediante ab æstimatione universali ad appetitum devenitur rei particularis ; ideo & fieri potest, quod aliquis retinendo in universali veram æstimationem fidei circa remissionem fidei, contra quã in universali errabant Novatiani, adhuc patiatur desperationis morù, scilicet quod sibi in tali particulari casu existenti non sit sperandum de venia, propter scilicet corruptam æstimationem circa particulare. Certitudo namque spei potest auferri non solum sublatâ universâ æstimatione fidei, quæ est sicuti prima ejus causa, sed etiam sublatâ æstimatione verâ in particulari, velut causâ secundâ. Neque qui desperat, æstimat propterea, non esse divinam misericordiam infinitam, in quo casu infidelis esset ; sed solum existimat, quod propter aliquam dispositionem particularem non sit ei de divina misericordia sperandum.

ART. 3. *Vtrum desperatio sit maximum peccatorum. R. Affirmativè*, ita scilicet quod ex parte nostra sit desperatio periculosior ;

esto quod infidelitas, & odium Dei secundum se loquendo sint graviora. *Ratio utriusque partis est*, quia cum ista duo sint contra Deum secundum quod est in se verus & bonus, desperatio autem sit contra Deum prout solum ejus bonum participatur à nobis; ideo secundum se loquendo majus peccatum est non credere Dei veritatem, & eum odisse, quam non sperare ab eo gloriam consequi; sed quia sublatâ spe homines irrefrenatè labuntur in vitia, & à bonis operibus retrahuntur; ideo non solum hoc habet desperatio commune cum infidelitate, & odio Dei, quia opponuntur virtutibus theologicis, quod sit aliis peccatis gravior, utpote importans principaliter aversionem à Deo, qui est harum virtutum objectum, in qua quidem consistit principaliter peccati gravitas; sed etiam comparata ad ista duo est ex parte nostra periculosior. Vnde & dixit Glossa, nihil esse desperatione execrabilius; & Isidorus, quod desperare est descendere in infernum.

Super
24 Prov.
in lib. de
summo
bono.

Vtrum desperatio ex acedia oriatur. R. Affirmativè, non quod non possit ex una parte oriri ex luxuria, sed ita quod specialius oriatur ex acedia. *Primum est*, quia cum desperatio præcipue consistat in eo, quod homo non æstimet possibile sibi adipisci bonum arduum, vel per se, vel per alium; & hoc fiat specialiter per acediam, quæ quædam est tristitia dejectiva spiritus; ideo & specialius oritur desperatio ex acedia, adeo ut sicut homines in delectationibus existentes efficiuntur majoris spei, sic etiam in tristitiis ex acedia existentes facilius in desperationem incidunt; & quidem etiam

ART. 4.

quantis oriatur desperatio ex negligentia considerandi divina beneficia, utpote cum illa negligentia etiam ex acedia proficiatur. *Secundum est*, quia cum objectum spei non solum videri debeat ut possibile adipisci, sed etiam ut bonum arduum; & quod homines non sapiant bona spiritualia, vel quod eis non videantur quasi magna bona, procedat ex amore delectationum corporalium, inter quas precipue sunt delectationes venereæ, quibus fastidit homo spiritualia bona, nec ea respicit ut ardua bona; ideo & ex luxuria potest oriri desperatio.

IN QUESTIONEM XXI.

De presumptione.

ARTI-
CVLVS
PRI-
MVS.

Vtrum *presumptio innitatur Deo, seu divina virtuti.* R. *Affirmative*, non quidem omnis *presumptio*, sed ea quæ per immoderantiam quandam spei opponitur huic spei, quæ ponitur virtus theologica. *Primum est*, quia cum ex tali *presumptione* tendat quis in bonum aliquod ut possibile per virtutem & misericordiam divinam, quod non est, ut consequi veniam sine pœnitentia, & gloriam sine meritis; ideo & inordinatè innititur huiusmodi *presumptio* divinæ virtuti, estque peccatum in Spiritum sanctum, utpote quæ contemnit, vel tollit adiutorium quo à peccato revocamur: ita tamen quod *presumptio* hæc, quâ quis sic inordinatè *presumit* de Deo, amorem sui includat, quo quis proprium bonum inordinatè desiderat, unde & ex utraque parte habet malitiam; necnon & simul habeat conversionem ad bonum commutabile, in quantum

scilicet procedit ex desiderio inordinato proprii boni : tum etiam aversionem à bono incommutabili , prout attribuit divinæ virtuti quod ei non convenit. *Secundum est*, quia attenditur etiam præsumptio circa spem , per quam aliquis propriam virtute confidit , & tendit in bonum , ut sibi possibile, quod suam facultatem excedit ; quæ quidem præsumptio opponitur virtuti magnanimitatis , sed minus gravis est , quam ea , quæ divinæ innititur virtuti , ad consequendum quod non convenit, utpote cum hoc sit divinam minuere virtutem.

Vtrum præsumptio sit peccatum. R. Affirmative, ita quod qua ratione desperatio est peccatum, ita & præsumptio ; quanvis non tam grave ac desperatio. *Primum est*, quia cum motus ille appetitivus erga Deum, quod in peccato perseverantibus veniam concedat, & à bono opere cessantibus beatitudinem , conformiter se habeat ad intellectum falsum ; ideo sicut ex hoc habet desperatio esse peccatum , ut dictum est, sic & præsumptio ; non ea quidem, de qua Iudith 9. dicitur : Exaudi de tua misericordia præsumptentem , utpote quæ ibi accipitur pro spe , quæ præsumptio videtur , si mensureretur secundum conditionem humanam : nec quasi importans superexcessum spei, quasi aliquis nimis speret de Deo ; sed quia de Deo sperans , quod ei non convenit. Ita tamen quod sicut peccare cum proposito perseverandi in peccato sub spe veniæ, quod est præsumptionis , non minuit, sed auget peccatum ; sic peccare sub spe veniæ quandoque percipiendæ , cum proposito abstinendi à peccato , & penitendi ,

96 *Quest. XXI. Artic. III.*

non sit præsumptio, & minuat peccatum; cum tunc videatur habere voluntatem minus firmatam ad peccandum. *Secundum est*, quia cum magis proprium sit Deo miseri, & parcere, quam punire, propter ejus infinitam bonitatem: unde & parcere primum, & ex se Deo convenit, punire autem non nisi secundum peccata nostra; ideò & est præsumptio minus peccatum, seu minus dissona rectæ rationi quam desperatio.

ART. 3. *Vtrum præsumptio magis opponatur timori, quam spei. R. Negative*, non quòd non manifestè opponatur timori, præcipuè servili; sed ita quod quia spei contrariatur secundum falsam quandam similitudinem, ideò directiùs ei opponatur. *Primum est*, quia cum magis, & directiùs opponantur quæ sunt ejusdem generis, utpote tunc opposita specificè secundum propriam differentiam; & præsumptio, quia contraria spei, secundum falsam quandam similitudinem sit ejusdem generis, cum hoc ipso innitatur eidem objecto, sed spes ordinatè, & præsumptio inordinatè; ideò maxime quidem distat præsumptio à timore, quem etiam totaliter excludit, utpote ei contraria contrarietate generis; non tamen ita directè opponitur sicuti spei, cui opponitur secundum propriam differentiam, sicut inordinatum ordinato. Unde nec nisi abusivè dicitur præsumptio inordinatio timoris, ut etiam spes dicitur de malo; sicque non sequitur, quod magis opponatur timori. *Secundum est*, quia cum respiciat timor, præcipuè servilis, poenam ex divina justitia provenientem, cujus quidem

quidem remissionem præsumptio sperat, ideo & manifestam habet præsumptio oppositionem ad timorem.

Verum præsumptio causetur ex inani gloria. **ART. 4.** *R. Affirmativè*; si tamen de præsumptione sit sermo, quæ propriæ innititur virtuti, non quæ inordinatè innititur divinæ misericordiæ, seu potentix. *Primum est*, quia ex hoc quod quis multum desiderat gloriam, sequitur quod attenter ad gloriam quandam super vires suas; unde signanter posuit Greg. præsumptionem novitatum, quæ quidem majorem habent admirationem, filiam inanis gloriæ. *Secundum est*, quia præsumptio, qua quis inordinatè Deo innitendo sperat se obtinere gloriam sine meritis, aut veniam sine penitentia, directè potiùs oritur ex superbia, ac si ipse tanti se æstimet, quod etiam cum peccantem Deus non puniat, vel à gloria excludat.

IN QVÆSTIONEM XXII.

De præceptis pertinentibus ad spem, & timorem.

Vtrum de spe debeat dari aliquod præceptum. *R. Affirmativè*, sed per modum promissionis in prima legislatione; & lege supposita, per modum etiam præcepti, & admonitionis. *Primum est*, quia cum natura inclinet tantum sufficienter ad sperandum bonum naturæ proportionatum, ideo & opus fuit præcepto ad bonum supernaturale sperandum; sed quia fides & spes sunt præambula ad legem, quibus non existentibus lex locum non haberet; ideo ante legem, aut in ipsa legislatione non nisi per modum promissionis proponi

ARTI-
CVLVS
P R I-
MVS.

98 *Quest. XXII. Artic. I. & II.*

debit præceptum spei, sicut & præceptum fidei per modum denunciationis; adeo ut præcepta pertinentia ad substantiam legis non potuerint dari de spe, utpote quæ cum pertineant ad rectitudinem vitæ, dantur homini jam subiecto, & ad obediendum parato per spem & fidem. Vnde nec poni debuit præceptum spei inter prima legis præcepta, scilicet Decalogi, quia sufficiebat tunc ad spem inducere per promissiones quasdam. *Secundum est*, quia cum sapientes non solum debeant inducere homines ad præcepta servanda, sed multo magis ad legis conservandum fundamentum; ideò lege supposita, inducendi sunt homines etiam per modum præcepti ad sperandum, ut de facto pluries sic inducuntur in Scriptura, ut notat Aug. ita tamen quod quia in præceptis affirmativis de his, quæ facienda, sunt continentur prohibitiones eorum, quæ sunt vitanda; ideò & sub præcepto spei contineatur prohibitio desperationis.

Tract. 8;
in Ioan.

ART. 2. *Vtrum de timore fuerit dandum aliquod præceptum. R. Affirmativè*, & quidem etiam ad modum præcepti in legislatione quoad timorem filialem, & quoad servilem ad modum comminationis. *Primum est*, quia cum timor filialis, seu reverentialis sit quoddam genus ad dilectionem Dei, & principium quoddam eorum omnium, quæ in Dei reverentiam observantur, nec sit præambulum ad legem sicut extrinsecum quid, sed velut principium legis, sicut dilectio; ideò & de utroque dari debuerunt præcepta etiam ad modum præcepti in legislatione, adeo ut quanvis ex amore oria-

tur timor filialis, non tamen sufficiat amoris præceptum, sed præcipi debeat & timor, cum etiam alia bona opera ex eo oriantur, de quibus dantur præcepta; ita tamen quod in inductione, seu præcepto timoris includatur prohibitio præsumptionis, sicut & in præcepto spei prohibitio desperationis, ut supra dictum est. *Secundum est*, quia sicut in ipsa legislatione non fuit præceptum dandum de actu spei, sed ad hoc fuere homines inducendi per promissa: ita nec de timore servili, quæ pœnam respicit, sicut spes præmium, fuit præceptum dandum ad modum præcepti, sed inducendi fuerunt homines per comminationem pœnarum.

IN QVÆSTIONEM XXIII.

De charitate secundum se.

Vtrum charitas sit amicitia. *R. Affirmativè*, & quidem imperfecta in via, sed perficienda in patria. *Ratio utriusque partis est*, quia cum ille amor rationem habeat amicitia, qui est cum mutua benevolentia, quæ quidem fundatur super aliqua communicatione; & hominis ad Deum sit aliqua communicatio, non quidem secundum vitam exteriorem sensibilem sed secundum vitam spiritualem, in quantum nobis suam communicata beatitudinem, sed inchoativè in via, & perfectè, & consummativè in patria; ideo fit, quod charitas sit amicitia quædam hominis ad Deum, adhuc imperfecta in via, & perficienda in patria. Ita tamen, quod quia amicitia honesti, quanvis non se habeat nisi ad virtuosum tanquam ad principalem personam, ejus tamen intuitu diliguntur etiam ad

ARTI-
CVLVS
PRI-
MVS.

eum attinentes, etsi non sint virtuosi; ideo & ad peccatores propter Deum se etiam extendat charitas: imò & tanta potest esse dilectio amici, ut propter eum amentur & illi qui ad ipsum pertinent, etiamsi nos offendant; & sic amicitia charitatis se etiam extendat ad inimicos, esto quod amicitia respectu sui ipsius non nisi ad amicum extendatur sui ipsius.

ART. 2. *Vtrum sit charitas aliquid creatum in anima. R. Affirmativè, & quidem tum ut ipse charitatis, seu dilectionis motus sit voluntarius; tum ut perfectè, faciliter, & delectabiliter producat. Primum est, quia cum diligere non esset voluntarium, si humana mens esset tantum mora, quia voluntarium habet principium intra; nec esset voluntarium, sicut nec meritorium, si moveretur voluntas ad actum sicut instrumentum, utpote quod licet sit principium, non tamen est in ipso agere, vel non agere; ideo cum amor de sui natura sit voluntarius, cum dicat actum voluntatis, necnon & sit radix merendi, non est dilectio charitatis motus immediatus à Spiritu sancto, ut voluit Mag. vel à quo velut*

*Io 1 sent.
dist. 17.*

*In 3. de
Trinit.
cap. 9.*

instrumentum moveatur voluntas; sed oportet ut ita moveatur voluntas ad diligendum per creatum aliquem habitum, ut ipsa etiam se moveat efficienter ad hunc actum. Vnde cum dicit Aug. quod qui diligit proximum, diligit dilectione quæ est ipse Deus, non aliter intelligendus venit, quàm quod charitas, qua formaliter diligimus proximum, est quædam divinæ charitatis participatio; sicut nec nisi effectivè dicitur Deus vita animæ, non autem

Quest. XXIII. Artic. III. 101

formaliter, quod solius est charitatis creatæ. *Secundum est*, quia cum nullus actus producat ab aliqua activa potentia perfecte, ac prompte, & delectabiliter, nisi sit ei connaturalis per formam aliquam, quæ sit principium actionis; ideo & oportet, quod cum actus charitatis producat à voluntate, & excedat naturam potentiam, quod sit in anima aliqua habitualis forma potentiam naturali superaddita, ipsam ad charitatis actum inclinans, præsertim cum nulla virtus habeat tantam inclinationem ad suum actum, sicut charitas, nec aliqua ita delectabiliter operetur. Vnde quod faciat charitas effectum infinitum, dum coniungit animam Deo ipsam iustificando, non propterea arguit infinitatem in charitate, sed quia efficacia formæ est secundum virtutem agentis, qui formam inducit, hinc solum demonstratur infinitas virtutis Dei, qui est author charitatis.

Vtrum charitas sit virtus. R. Affirmative, ART. 3.

ita quod sit in anima, sicut & virtutes morales, principium bonorum actuum; & quidem dignius, quam anima, quanvis morales sint minus dignæ. *Primum est*, quia sicut attingere rectam rationem, utpote regulantem, facit virtutem moralem principium esse bonorum actuum: ita & Deum attingere, ut attingit charitas, quæ quidem coniungit nos Deo, constituet in ratione virtutis, sive principii bonorum actuum, utpote cum sit Deus suprema actuum humanorum regula: unde quanvis humana virtus non tam sit virtus, quam aliquid consequens ad virtutem, quippe quæ rationem non habet laudabilis, &

honesti, nisi prout fundatur super honestate virtutum, quod patet in amicitia delectabilis & utilis; ipsa tamen amicitia charitatis, quæ ita super divina bonitate fundatur, non autem super virtute humana, habet esse vera virtus; & quidem potius quam gaudium, utpote quod non est ultimum in charitate secundum ordinem excessus, in quo dicitur virtus ultimum potentiæ; sed secundum ordinem effectus, quatenus gaudium ad amorem consequitur. *Secundum est*, quia licet omne accidens, qualis est charitas, sit secundum suum esse, quod est per accidens, inferius substantiâ, quæ est per se; nihilominus secundum rationem suæ speciei inconueniens non est, quod accidens, quod non causatur ex principiis subjecti, ut causantur virtutes morales, sed ex participatione superioris naturæ, ut charitas, sit nobilior subjecto, seu anima, quanvis morales sint minus dignæ.

ART. 4. *Vtrum charitas sit virtus specialis. R. Affirmativè*, non quòd non se extendat imperativè ad actus aliarum virtutum, sed ita quod sit in objecto, à quo specificatur specialis ratio boni. *Primum est*, quia cum bonum divinum, ut est objectum beatitudinis, specialem habeat rationem boni, & sit charitas amor illius boni; ideò & speciale habet objectum, proindeque & est specialis amor & virtus, cum per objecta specificentur actus, & habitus. Vnde non alia de causa ponitur in definitione omnis virtutis, nec dicitur præceptum de diligendo iussio generalis, nisi quia ab ea aliquantuliter pendent omnes virtutes, & ad

Quest. XXIII. Artic. V. & VI. 163
huiusmodi præceptum omnia alia redu-
cuntur præcepta ut ad finem ; non autem
quasi sit charitas essentialiter omnis vir-
tus *Secundum est* , quia virtus , ad quam
pertinet finis ultimus , quantumvis spe-
cialis , aliis tamen imperat virtutibus , aut
artibus , ad quas alii pertinent secundarii
fines.

Vtrum charitas sit una virtus. R. Affirma- ART. 5.
tivè , non quidem ex ratione communi
amicitiæ , sed quia est amicitia hominis ad
Deum. *Ratio utriusque partis est* , quia cum
amicitia in communi vel dividatur secun-
dum diversitatem finis , & sic triplex sit,
utilis , delectabilis , & honesta ; vel secun-
dum diversitatem communicationis , & sic
alia consanguineorum , alia concivium , &c.
ideo cum charitas , quia ad Deum neutro
istorum modorum possit in plura dividi,
quandoquidem & habet tantum unicum
finem , scilicet bonitatem divinam ; & est
tantum unica communicatio beatitudinis
æternæ , est consequenter non ex communi
amicitiæ ratione , sed quia amicitia ad
Deum est una specie virtus , ad differen-
tiam humanæ amicitie ; una namque ra-
tio diligendi attenditur à charitate , scili-
cet bonitas divina , quæ est ejus substan-
tia , juxta illud : Confitemini Domino ,
quoniam bonus ; adeò ut aliæ rationes in-
ducentes , vel debitum dilectionis facien-
tes sint secundariæ , sequentes primam ;
unde & Deus , & proximus una diliguntur
charitate , cum diligatur proximus propter
Deum.

Vtrum charitas sit excellentissima virtu- ART. 6.
tum. R. Affirmativè , & quidem excellen-

104 *Quest. XXIII. Artic. VII.*

tior virtutibus intellectualibus, & moralibus, quia theologica; sed insuper & excellentior virtutibus aliis theologicis. *Ratio utriusque partis est*, quia cum consistant virtutes theologice in attingendo primam & supremam regulam humanorum actuum, quæ est Deus; ideo & excedit charitas, quia theologica, morales & intellectuales virtutes, quæ quidem consistunt in attingendo rationem humanam, seu inferiorem regulam; sed insuper quia inter theologicas illa consequenter est potior, quæ magis attingit Deum, ideo & præstantior est charitas, utpote quæ Deum attingit, ut in ipso sistat; cum tamen fides, & spes solum attingant, ut ex eo aliquid nobis proveniat, putà cognitio, vel adeptio beatitudinis; & quidem quavis fides subiectetur in intellectu, & charitas in voluntate; Deus namque cum nobilius esse habeat in se, quàm in intellectu, ubi est per modum recipientis, propterea nobiliori modo est objectum voluntatis, quæ fertur in ipsum prout in se, quàm intellectus, qui fertur in Deum ut est receptus. Vnde nec operatur fides per charitatem, quasi per instrumentum, sed ut per formam: ex quo proinde non sequitur, quod sit nobilior fides, sicut nec spes, eo quòd bonum, quod est objectum charitatis, respiciat ut arduum, utpote quòd ideo est, quia charitas importat unionem ad ipsum bonum, spes autem distantiam ab illo.

ART. 7. *Utrum sine charitate possit esse aliqua vera virtus. R. Negativè*, non quòd in ordine ad bonum privatum non possit esse vera virtus, sed ita quod quantumvis or-

Quest. XXIII. Artic. VIII. 105

ordinata ad privatum bonum, non sit simpliciter loquendo vera virtus sine charitate. *Ratio utriusque partis est*, quia cum virtus simpliciter dicta sit illa, quæ ordinatur ad principale hominis bonum, seu finem ultimum, quandoquidem virtus est dispositio perfecti ad optimum; & ad ultimum finem ordinetur homo per charitatem, ideo potest quidem esse virtus in ordine ad privatum, seu particularem finem sine charitate, & quidem vera, si privatum illud bonum sit verum; non tamen perfecta & simpliciter dicta, adeo ut in infideli nec sit simpliciter vera iustitia, nec vera castitas, licet circa illa se recte habeat; cum desit sine charitate ordinatio debita ad finem ultimum. Vnde esse quidem possunt in peccatore simpliciter scientiæ & artes, utpote quæ important tantum particulare bonum; non tamen virtus, quippe quæ etiam importat ultimum finem humanæ vitæ; sed nec actus ejus, qui charitate caret, potest esse perfecte bonus, cum ordinem non habeat ad finem ultimum, esto quod esse possit bonus in suo genere, quando scilicet ordinatur non quidem ad id per quod caret charitate, in quo casu semper est malus; sed ad aliquod bonum, ut ad fidem, & spem, vel ad bonum naturæ, quod quidem non tollitur totaliter per peccatum.

Verum charitas sit forma virtutum. R. Aff. ART. 8.
firmatiuè, non quidem exemplariter, sed effectivè. *Ratio utriusque partis est*, quia cum in moralibus forma actus attendatur principaliter ex fine, & quod dat actui ordinem ad finem, det etiam formam, utpote

cum forma actus consequatur formam agentis, quod agens in moralibus est voluntas, cuius quidem objectum, & quasi forma est finis; ideo cum per charitatem ordinentur actus omnium aliarum virtutum ad ultimum finem, in quo sensu dici solet aliarum finis, sicut & mater, quatenus ex appetitu finis ultimi concipit eandem actus imperando ipsos, est consequenter charitas forma virtutum, non tamen exemplariter, aut essentialiter, aliàs vel esset ejusdem cum illis speciei, vel indistincta ab illis; sed magis effectivè, in quantum omnibus formam imponit. Vnde comparatur quidem charitas fundamento, & radici, non prout habet rationem causæ materialis, sed ut ex ea sustentantur, & nutriuntur omnes aliæ virtutes.

Ephes. 3.

IN QVÆSTIONEM XXIV.

De charitatis subjecto.

ARTI-
CVLVS
PRI-
MVS.

Vtrum voluntas sit subjectum charitatis. *R. Affirmativè*, ita quod nec in appetitu subjectetur sensitivo, nec in ratione sed in appetitu intellectuali, qui est voluntas. *Ratio utriusque partis est*, quia cum objectum charitatis sit bonum, non quidem sensibile, quod appetitu sensitivo percipitur, sed bonum divinum, quod spectat ad partem intellectualem; ideo nec est charitas in concupiscibili, cuius amor est sensitivi boni; sed nec in ratione, ut in subjecto, sed solum per quandam voluntatis affinitatem ad rationem, propter quā dicitur voluntas ab Arist. esse etiam in ratione; sed in appetitu intellectivo, qui est voluntas, non tamen ratione liberi arbitrii (esto quod non sit alia potètia à voluntate) utpote cuius actus est

Quaest. XXIV. Artic. II. & III. 107

electio, quæ quidem est eorum, quæ sunt ad finem, cum tamen charitas sit ipsius finis.

Verum charitas causetur in nobis ex infusione. R. Affirmativè, non quod non possit ad ejus receptionem disponi, sed ita quod nec possit naturaliter nobis inesse, nec per vires naturales acquiri. *Primum est*, quia cum charitas fundata sit super communicatione beatitudinis æternæ, quæ quidem est secundum dona gratuita; gratia enim Dei vita æterna, ait Apost. & quod est hujusmodi, nec sit naturale, nec per potentias naturales possit acquiri; idem consequenter dicendum est de charitate, non quod non sit Deus ex se maxime diligibilis, ut objectum beatitudinis; sed quia propter inclinationem affectus nostri ad visibilia bona, non est hoc modo maxime diligibilis à nobis. Vnde cum ait Dion. diligibile, & amabile omnibus esse bonum divinum, non nisi de dilectione intelligit, quæ fundatur super communicatione bonorum naturalium, non autem de charitate. *Secundum est*, quia dicit Apost. quod est charitas de corde puro, conscientia bona, fide non ficta: quod quidem dicitur, quia hujusmodi actus disponunt ad recipiendam charitatis infusionem, in quo etiam sensu dicit Aug. quod timor introducit charitatem; & in Glossa Matth. i. quod fides generat spem, & spes charitatem.

ART. 2.

Rom. 6.

1. Tim. 4.

Super illud
Abraham
generavit
Isaac,
&c.

Verum charitas infundatur secundum capacitatem naturalium. R. Negativè, non quod non commensuretur in Angelis capacitati naturalium, sed ita quod in nobis non nisi ex voluntate Spiritus sancti ejus pendeat quantitas. *Primum est*, quia cum

ART. 3.

Matth.
25.

quantitas rei dependeat non ex causa universali, quæ quidē majorem effectum producit, sed ex causa propria rei; & propria causa charitatis sit non natura, cujus proportionem superexcedit charitas, adeo ut nec ad idē referantur genus, ad differētiā formæ, & materiæ, neenon gratiæ & gloriæ, cujus gratia est inchoatio, sed ipsa gratia Spiritus sancti: idē non nisi ex voluntate Spiritus sancti pendet quantitas charitatis in nobis. Ita tamen quod adhuc locum habeat illud, Dedit unicuique secundū propriam mensuram, utpote quod intelligitur de dispositione, vel præparatione præcedente, aut de ipso conatu accipientis gratiam, ad quæ quidem omnia etiam prævenit Spiritus sanctus movens scilicet mentem hominis plus vel minus per suam voluntatem. *Secundum est*, quia cū Angeli totaliter ferantur in id omne, in quod feruntur, ad differentiam hominis, cui competit esse quandoque actū, quandoque potentiā; idē & data sunt Angelis gratia & dona secundū capacitatem naturalium, juxta scilicet conatum, qui secundū naturalia est major, vel minor.

ART. 4. *Vtrum charitas augeri possit. R. Affirmative*, ita quod de ratione charitatis viz sit, ut augeri possit, sed secundū intensiōnem actus, non quantum ad objectorum pluralitatem. *Primum est*, quia idē dicimur viatores, quatenus in Deum tendentes, & tanto magis in hac via procedimus, quanto magis Deo appropinquamus, & quidem non passibus corporis, sed affectibus mentis; unde cū hanc propinquitatem faciat charitas, per quam scilicet mea

Deo unitur, de ratione charitatis viz est ut augeri possit, adeò ut non sit in summo nisi ex parte objecti, in quo alias excedit virtutes; non autem quantum ad intensi-
onem actus, in qua propterea augeri potest, & quidem etiam essentialiter, non ita quod esse incipiat, aut esse desinat in subjecto; sed ita quod magis esse incipiat vel radice-
tur in subjecto. *Secundum est*, quia cum mi-
nima etiam charitas diligat omnia, quæ
sunt ex charitate diligenda, ideò non se-
cundum pluralitatem objectorum attendi-
tur augmentum virtualis ejus quantitatis,
sed secundum intensiorem actus; ut scili-
cet magis & minus aliquid diligatur.

Vtrum charitas augeatur per additionem. ART. 5.
R. *Negative*, ita quod non nisi per ejus-
dem præexistentis charitatis intensiorem
augeatur, esto quod etiam per additionem
augeretur, casu quo aliquam haberet ex
seipsa quantitatem. *Primum est*, quia cum
in casu additionis oporteret præsupponi
charitatem additam, ut distinctam à cha-
ritate, cui additur, saltem secundum in-
tellectum, & quidem aut specie, aut nu-
mero, quandoquidem hæ tantum distin-
ctiones dantur in formis; ideò cum nulla
harum possit attribui charitati, non pri-
ma, quia distinctio habitus secundum spe-
ciem est secundum diversitatem objecto-
rum, dñ scilicet se extendit ad objecta quæ-
dam, ad quæ non se extendebat, ut acci-
dit in augmento scientiæ; quod tamen non
est in charitate, quandoquidem minima
charitas se ad omnia extendit, quæ sunt
charitate diligenda: sed nec distinctio al-
tera, sive numerica ei attribui possit, cum

sumatur hæc ex diversitate subjecti, quod non est in charitate, cujus subjectum est tantum mens rationalis, quæ est indivisibilis; ideo, inquam, fit quod augeri non possit per additionem, ac proinde quod per hoc solum augeatur, quod magis, aut minus à subjecto participetur eadem præexistens charitas; qui quidem augmenti modus est proprius cujuslibet formæ, quæ intenditur, utpote cum esse hujus formæ in eo totaliter consistat, quod inest susceptibili; & ita cum magnitudo rei consequatur esse ipsius, formam esse majorem nihil aliud sit, quam formam magis inesse susceptibili, non autem aliam formam advenire, sicut advenit in infusione, quippe quæ mutationem importat, non secundum magis & minus, sed secundum habere, & non habere. Vnde augetur quidem lumen ex additione alterius luminaris; sed hoc esse non potest in charitate, cum non nisi unum sit luminare influens lumen charitatis. *Secundum est*, quia si haberet charitas quantitatem aliquam ex seipsa, sine ordine ad subjectum, tunc augeri posset ut corporalis quantitas, quæ quia ex se distinguishilis est secundum situm, & numerum, augetur per additionem.

ART. 6. *Vtrum quolibet actu charitatis augeatur charitas. R. Negativè*, non quod non disponat actus quilibet ad augmentum charitatis; sed ita quod tunc solum augeatur, quando per actum ferventiolem conatur quis ad hoc augmentum. *Ratio utriusque partis est*, quia cum augmentum spirituale sit quodam modo simile augmento corporali, in quo quidem natura per tempus

Quest. XXIV. Artic. VII. 111

aliquod operatur disponendo ad augmentum, nihil augens actu, & postea producit in effectum id, ad quod disposuerat; sic à simili disponit quidem actus quilibet charitatis ad augmentum, quatenus homo ex uno actu promptior redditur ad operandum secundum charitatem; sed hoc ideò, quia habilitate crescente, prorumpit homo in actum ferventiorum, quousque conetur ad charitatis profectum, & tunc augetur charitas. Vt enim actus charitatis vitam meretur æternam, non tamen statim exhibendam, sed suo tempore; sic & meretur charitatis augmentum; sed non statim augetur, nisi quando conatur quis ad huiusmodi augmentum; sicut nec quilibet actus complet generationem virtutis, esto quod operetur ut disponens; sed per ultimum tantum, qui perfectior est, agens in virtute omnium præcedentium reducit ad actum: ita tamen quod adhuc in viis Dei processus fiat, quippe qui sit non solum dum acta augetur charitas, sed dum quis ad eam disponitur

Vtrum charitas augeatur in infinitum. ART. 7.

Re. Affirmativè, ita quod ex ratione ipsius formæ terminatam non habeat mensuram; sed nec ex parte agentis, nec subjecti. *Ratio utriusque partis est*, quia cum sit charitas secundum rationem propriæ speciei participatio quædam infinitæ charitatis, nec sit ad aliquem finem in hac vita, sed solum in futura; ideo nec habet ex ratione formæ determinatam mensuram, nec potest charitas viæ attingere charitatem patriæ, sicut nec linea, si augeatur, attinget superficiem, utpote cum non sit eadem

112 *Quest. XXIV. Artic. VIII.*

ratio quantitatis charitatis viæ, quæ sequitur cognitionem fidei, & charitatis patriæ, quæ sequitur visionem apertam: sed nec terminum habet ex parte agentis, scilicet Dei, quia est infinitæ virtutis; sicut nec ex parte subjecti, quia semper charitate exescente superexcescit habilitas ad ulterius augmentum.

ART. 8. *Vtrum charitas in hac vita possit esse perfecta. R. Affirmativè*, non eâ quidem ex parte diligentis perfectione, quod totum cor hominis actu semper feratur in Deum; sed ita quod cor totum ponat habitualiter in Deo, vel etiam studium suum deputet ad Deo vacandum. *Primum est*, quia totum cor ponit quis habitualiter in Deo, quando nihil vult contrarium divinæ dilectioni, quod quidem commune est omnibus habentibus charitatem, nec huic contrariatur illud, Si dixerimus quoniam peccatum non habemus; utpote quod intelligitur de peccatis venialibus, quæ non contrariantur perfectioni; & quidem perfectioni viæ, quæ non est perfectio simpliciter, unde & potest crescere: sed insuper & potest esse perfecta charitas huc usque, quod totum studium suum deputet quis ad vacandum Deo, utpote ad quod sufficit, quod alia solum prætermittat, quantum requirit huius vitæ necessitas; ita tamen quod hæc perfectio, ad quam quidem ex Aug. quis pervenit, cum ait, Cupio dissolvi, & esse cum Christo, non sit communis omnibus charitatem habentibus. *Secundum est*, quia propter humanæ vitæ infirmitatem non est possibile in hac vita, sed in patria tantum semper actu cogitare de Deo, & mo-

Quaest. XXIV. Artic. IX. & X. 113

veri semper actu dilectione ad ipsum; unde non potest hic esse charitas ita perfecta ex parte diligentis, sed nec in patria, ex parte diligibilis, quæ est cum tantum res diligitur, quantum diligibilis est; quandoquidem se solus Deus sic diligit, quantum sua bonitas est diligibilis.

Vtrum convenienter tres distinguantur ART. 9.

gradus charitatis, incipiens, proficiens, & perfecta. R. Affirmativè, non quod non proficiant tum incipientes, tum perfecti; sed ita quod tres illi distinguere debeant gradus secundum principalia studia, ad quæ per charitatis augmentum perducuntur. Ratio utriusque partis est, quia sicut in motu corporali primum est recessus à termino, tum appropinquatio ad alium terminum, postremo quies in termino: sic in augmento charitatis primum studet homo à peccato recedere, & resistere concupiscentiis, quod spectat ad incipientes, in quibus scilicet charitas est fovenda, ne corrumpatur: deinde studet ut in bono proficiat, quod pertinet ad proficientes: tandem studet ut Deo inhæreat, & eo fruatur, quod quidem pertinet ad perfectos, qui cupiunt dissolvi, & esse cum Christo; atque ita quanvis inter initium, & finem charitatis alii sint gradus, sub istis tamen tribus omnia continentur; non ita tamen, quasi non possit charitas etiam proficere statim atque incipit esse, vel etiam quando est in perfectis, utpote in quibus augeri potest; sed quia nec in incipientibus est ad hoc principalis cura, ut dictum est, nec in perfectis.

Vtrum charitas possit diminui. R. Negativè, si nimirum subintelligatur directè, 10. ART.

114 *Quest. XXIV. Artic. X.*

non autem tantum dispositivè. *Primum est*, quia cum charitas non possit directè minui per solam cessationem actus, utpote quia per cessationem solum tolluntur, vel minuuntur virtutes, quæ acquiruntur per actus humanos, qualis non est charitas, quæ est à Deo; ideo si directè minueretur, fieret diminutio vel à Deo, quod dici non potest, cum à Deo non causetur defectus in nobis, nisi per modum pænæ, quæ est propter peccata; & sic peccata, sive actus eam minuerent, quod etiam dici nequit, cum peccatum mortale omnino eam tollat, & effectivè, quia ei contrariatur; & meritoriè, quia dignus est peccator, ut charitate privetur: peccatum autem veniale, cum charitatem non attingat, utpote quæ est circa ultimum finem, & veniale solum deordinet circa ea, quæ sunt ad finem, nec etiam eam directè minuet. Vnde quanvis charitas augeatur, non ideo sequitur quod minuat, eo quod contraria sunt circa idem, cum non eodem modo se habeat ad augmentum, & ad diminutionem: nec illud Aug. *Minus te amat, qui tecum aliquid amat*, intelligitur charitatem minuendo, sed eam potius totaliter tollendo, ut ex ipso expressè colligitur; & quidem quanvis in ipsa infusione charitatis possit aliquid operari, ut minor charitas infundatur, utpote in qua infusione requiritur liberi arbitrii motus, qui tamen non requiritur in conservatione, ut patet in dormientibus; & ideo nec minuitur charitas. *Secundum est*, quia loquendo dispositivè, & indirectè, potest dici diminutio charitatis ipsa dispositio ad corruptionem

Quæst. XXIV. Artic. XI. 115

ipſius, quæ quidem ſit vel per peccata venialia, vel etiam per ceſſationem ab exercitio operum charitatis.

Vtrum charitas ſemel habita poſſit amitti. ART.

Re. Affirmative, non quidem in patria, vel II.

ex ipſa ratione charitatis; ſed in via, & ſecundum conditionem ſubjecti. *Primum eſt*, quia cum de ratione formæ univerſe loquendo ſit, ut ſit in ſubjecto amiſſibiliter quando non replet totam potentiam materiæ; ideo quia charitas viæ non ita replet potentiam ſui ſubjecti, ut ſemper actu feratur in Deum; neque faciat, ſive compareretur ut habitus ad potentiam, ſive prout potentiam inclinans, ut ei id videatur bonum quod convenit; non, inquam, faciat in hac vita, ut id tantum videatur bonum, quod convenit, poteſt propterea aliquid in via occurrere ex parte ſubjecti, per quod amittatur, & quidem quanvis charitas ex ſe omnia tollat motiva ad peccandum; cum enim in via non ſemper agat, ideo & poteſt intervenire motivum, cui conſentiat, & ita amittatur charitas, quanvis inamiſſibilis ſit in patria, ubi ſcilicet totam replet capacitatem ſubjecti, ut forma corporis cœleſtis; & id facit continuo videri bonum, quod convenit, cum ibi videatur eſſentia bonitatis. Vnde illud, Qui natus eſt ex Deo peccatum non facit, non niſi ſecundum poteſtatem Spiritus ſancti intelligitur, qui cum conſervat, quique velle non poteſt aliquem movere ad actum charitatis, & ipſe amittat charitatem peccando; quando quidem perfeverantiæ donum eſt inter beneficia Dei, quibus certiffimè liberantur quicunque liberantur;

1. Ioan. 3.

unde & est inamissibilis ex parte Spiritus sancti animam moventis ad diligendum. *Secundum est*, quia considerata charitas secundum propriam rationem, cum sic non possit nisi id, quod pertinet ad ipsius rationem, & sic nullo modo possit peccare, sicut nec ignis infrigidare; ideo nec potest ex propria ratione amitti, adeo ut charitas, quæ ex ipsa ratione charitatis potest deficere, vera charitas non sit, & sic intelligendus sit Aug. amor namque Dei, ut ait Greg. semper magna operatur in proposito, quod pertinet ad rationem charitatis, esto quod non semper actu sic operetur propter conditionem subjecti.

Epist. ad
Julian.

ART.
12.

Utrum charitas amittatur per unum actum peccati mortalis. R. Affirmativè, ita quod & de se habeat peccatum mortale posse charitatem excludere, & per quemlibet mortalem actum excludatur. *Primum est*, quia cum charitas sit unio quædam ad Deum, ad differentiam spei, & fidei; & omne peccatum mortale ex se importet aversionem à Deo, ideo & omne ex se contrariatur charitati, esto quod non ita contrarietur spei, & fidei; quæ proinde tolluntur tantum per quædam determinata peccata. Vnde & omnis inordinatio dilectionis circa ea, quæ sunt ad finem, si sit huiusmodi, ut sit peccatum mortale, tollit omnino charitatem: & ipse Petrus Christum negando eam amisit, non quidem directè per actuale contemptum, in quo sensu intelliguntur Patres dicentes, non amisisse; sed indirectè, aliquid scilicet committendo, quod est contrarium charitati. *Secundum est*, quia cum unum con-

Leo Papa
serm. de
passione.
Bernardus.

erarium per aliud contrarium tollatur; & quilibet actus peccati mortalis contrarietur charitati secundum propriam rationem, quæ est quod diligatur Deus super omnia, & quod homo totaliter se ei subiciat; ideo & per quemlibet actum mortalem excluditur; & hoc maxime, quia non est charitas habitus acquisitus, sicut sunt virtutes morales, quæ proinde non tolluntur per unicum actum contrarium; sed infusus à Deo, qui quidem ita se habet in ejus infusione, & conservatione, sicut sol in illuminatione aëris; atque ita uti lumen statim cessaret in aëre, si obstaculum poneretur illuminationi solis; sic & charitas statim desinit esse in anima per hoc, quod aliquod ponatur obstaculum influentiæ charitatis à Deo in animam, quale quidem obstaculum est quilibet mortalis actus, quippe divinis contrariatur præceptis. Cum quo tamen adhuc stare potest dictum Origenis, quod qui in summo, perfectoque gradu est, non ad subitum evacuetur, & decidat, utpote quod potest intelligi, non ita sic evacuari & decidere virum perfectam, cum à principio, ut ex malitia peccet, & ex industria charitatem amittat.

IN QVÆSTIONEM XXV.

De objecto charitatis.

Vtrum dilectio charitatis sistat in Deo. **ARTICULVS PRIMVS.**
& Negativè, ita quod eodem habitu possit amari proximus, quo Deus, quanvis non propter id quod sibi est proprium, nec tanquam principalis finis. *Primum est*, quia cum omnes actus unius speciei ad eundem pertineant habitum; & actus quo Deum diligimus; & proximum sint ejusdem spe-

ciei; sicut visio luminis, & visio coloris secundum rationem luminis, utpote cum species actus ex objecto sumatur secundum formalem rationem ipsius, & ratio diligendi proximum Deus sit, cum debeamus in proximo diligere, ut in Deo sit; ideo & eodem amore potest amari proximus, si ametur propter justitiam, quo Deus, sicut & eodem timore, si timeatur propter Dei ministerium. Et quidem quanvis diversis diversos honores exhibeamus secundum propriam virtutem singulorum; honor namque cum deferatur alicui in testimonium virtutis, proprium bonum respicit honorari, cum amor è contra respiciat bonum in communi, & ita possit omnes diligere proximos propter Deum. *Secundum est*, quia non potest amari proximus ex charitate, nisi ametur propter id quod est Dei in ipso, quod non contingit si propter id ametur, quod est proprium sibi, vel etiam si ametur ut principalis finis. Vnde & viruperantur qui sperant in homine, non quidem sicut adjuvante sub Deo, sed ut in principali auctore salutis.

ART. 2. *Vtrum charitas sit ex charitate diligenda. &c. Affirmativè*, non eo quidem modo, quo illi, ad quos amicitiam habemus; sed sicut bonum desideratum his, quos ex charitate diligimus. *Ratio utriusque partis est*, quia cum charitas, seu charitatis actus sit quoddam bonum, & quidem cadens sub objecto voluntatis, utpote cujus actus in se reflecti possunt, nedum quia ejus objectum est bonum universale, sed insuper quia est amor motus spontaneus amantis in amatum; ideo & potest charitas ex charitate

diligi, non quidem ut amicus ad quem habetur amicitia; sic enim non nisi de Deo, & proximo sunt praecepta charitatis, sicut de illis, ad quos amicitiam habemus; sed tanquam bonum, quod amico volumus & diligimus, cum charitas sit illud bonum, quod omnibus optamus, quos ex charitate diligimus; & sic de beatitudine, & aliis virtutibus. Vnde non fundatur quidem charitas super communicatione, quasi sit ipsa particeps beatitudinis; sed hoc ideo quia est ipsamet ipsa communicatio, quo proinde fit, ut possit ipsa amari velut bonum desideratum his, quos charitate diligimus.

Vtrum etiam creatura irrationales sint ex charitate diligenda. R. *Negative*, non quod non possint ex charitate diligi sicut bona, quae aliis volumus; sed ita quod ad eas haberi nequeat amicitia charitatis. *Primum est*, tum quia ad eum habetur amicitia, cui volumus bonum; cum tamen proprie non sit irrationalium habere bonum, utpote quae non sunt dominæ per liberum arbitrium utendi bono habito; tum quia nulla est communicatio creaturæ rationalis, & irrationalis in vita humana, cum tamen in communicatione fundetur charitas; tum quia charitas fundatur super communicatione beatitudinis æternæ, cujus quidem creatura irrationalis capax non est; nec enim similitudo vestigii, quam habent istæ creaturæ de Deo, dat eis capacitatem vitæ æternæ, ut similitudo imaginis, quæ est in nobis. Vnde non est par ratio in præsentia de fide, utpote se extendente ad omnia quocumque modo vera; & de charitate, quæ quidem ad ea tantum est, quæ nata

ART. 3.

sunt habere bonum vitæ æternæ. *Secundum est*, quia possumus velle ex charitate conservari creaturas irracionales ad Dei honorem, & utilitatem hominum: quo etiam modo Deus ex charitate eas diligit.

- ART. 4. *Vtrum homo debeat seipsum ex charitate diligere. R. Affirmativè*, non quidem ex communi ratione amicitiae, sed secundum quod charitas est amicitia hominis ad Deum. *Primum est*, quia cum charitas secundum propriam rationem amicitiae ad Deum, sit quidem ad Deum principaliter, sed etiam consequenter ad ea quæ Dei sunt; ideò & debet homo inter alia, quæ charitate diligit, etiam seipsum diligere, utpote qui etiam est inter ea, ad quæ se habet charitas ex consequenti: esto quod vituperari debeant illi, qui seipsos amant secundum naturam sensibilem, cui quidem obtemperant potius quam Deo. *Secundum est*, quia cum communis ratio amicitiae importet unionem quandam, & unicuique ad seipsum sit unitas, quæ est potior unione ad alios; ideo non est charitas ex communi ratione amicitiae ad seipsum, sed quid majus; sicut nec de principiis est scientia, sed quid majus: ita tamen, quod sicut unitas est principium unionis, ita & amor, quo quis seipsum diligit, sit forma, & radix amicitiae, utpote cum in hoc amicitiam habeamus ad alios, quod ad eos nos habemus sicut ad nosipsos.

- ART. 5. *Vtrum homo debeat corpus suum ex charitate diligere. R. Affirmativè*, non quidem secundum corruptionem culpæ, & pœnæ; sed secundum naturam. *Primum est*, quia cum corpus secundum naturam sit à Deo,

& eo possimus uti ad Dei servitium, sitque aliquo modo particeps divinæ fruitionis, ideo & ex charitate, quā Deum diligimus, debemus & corpus nostrum diligere; esto quod reamare non possit, utpote cū reamatio locum tantū habeat in amicitia quæ est ad alterum, non autem in amicitia quæ est ad se. Vnde nec refugiebat Apostolus corporis communicationem quantum ad corporis naturam, sed cupiebat carere infectione concupiscentiæ, quæ remanet in corpore, & corruptibilitate ipsius. *Philip. 7.*
Secundum est, quia tantū abest, quod infectionem culpæ, & corruptionem pœnæ, quæ sunt in corpore, debeamus diligere, quin imò ad eorum remotionem debemus desiderio charitatis anhelare cum Apostolo.

Utrum peccatores sint ex charitate diligendi. B. Affirmativè, non quòd debeamus in eis diligere quod peccatores sunt; sed hoc quòd homines beatitudinis capaces sunt. *Primum est*, quia cū fundetur charitas super communicatione beatitudinis, cujus quidem peccatores ut homines, seu secundum naturam sunt capaces; ideo & debemus in eis diligere, quòd homines sunt, & quidem ex charitate, ut faciamus, vel optemus eos velle, quæ ipsi volumus, & gaudere de his, de quibus gaudemus nos, adeo ut quanvis convenire cū peccatoribus sit infirmis vitandum propter periculum; sit tamen perfectis laudabile, ut eos convertant: & sic Dominus cum peccatoribus manducabat. Vnde illud, Convertantur peccatores in infernum, vel intelligitur per modum pronuntiationis, non

Ad Philip. 1.
ART. 6.

Psal. 9.

optationis; vel per modum optationis, pro-
ut refertur desiderium ad iustitiam punien-
tis, non ad pœnam; & sic lætatur iustus
cùm viderit vindictam: vel certè ut desi-
derium referatur ad remotionem culpæ, ut
scilicet peccata destruantur; & sic intelli-
guntur aliæ similes Scripturæ authoritates.
Secundum est, quia cùm per culpam, quâ
peccatores sunt, contrariantur Deo, pro-
pter quem ex charitate diligimus; & quia
culpa est præfata beatitudinis impedin-
tum, ideo non sunt in eo diligendi quod
peccatores sunt, sed odiendi, etiamsi sint
propinqui, juxta illud: Iniquos odio habui.

psal. 105.

ART. 7.

*Utrum peccatores diligant seipsos. R. Ne-
gativè*, non quòd non diligant quod in se-
ipsis reputant principale, sed ita quod in
ipsis principale non sit quod sibi reputant,
ut verè diligant seipsos. *Ratio utriusque
partis est*, quia cùm boni tantum cognos-
cant & æstiment se secundum mentem ra-
tionalem, seu interiorem hominem, quod
est in homine principale, nec æstiment ma-
li principale in seipsis, nisi partem sensiti-
vam; ideo commune quidem est omnibus
hominibus, ut quisque amet seipsum se-
cundum id, quod æstimat se esse, adeo ut
quia unusquisque se esse æstimet secun-
dum commune bonum, quod est esse com-
positum ex corpore & anima; ideo tam
boni quam mali ament sui conservationem;
non tamen commune est malis, ut verè se
ament quantum ad id quod verè est in ipsis
principale, putà interiorem hominem, ut-
pote quod in se minimè æstiment: quod
quidem patet per quinque, quæ sunt ami-
citix propria, ex Philosopho; quandoqui-

In 5.

lib. 4.

cap. 4.

Quest. XXV. Artic. VIII. 123

dem nec volunt conservari in integritate interioris hominis, nec ejus appetunt spiritualia bona, neque ad hoc operantur, nec delectabile est eis secum convivere redeundo ad cor, quia inveniunt ibi mala & presentia, & præterita, & futura, quæ abhorrent; neque etiam sibi ipsis concordent propter conscientiam redarguentem, juxta illud: Arguam te, & statuam contra faciem tuam. Vnde quanvis non tollatur totaliter à malis naturalis amor, in eis tamen pervertitur modo jam dicto; nec vera est sui dilectio, sed apparens, ea quâ se diligunt, in quantum æstimant se bonos, quæ etiam non est possibilis in his, qui valde mali sunt; sicut nec amor ille sui, qui est principium peccati, cum ex eo sic exteriora bona cupiant, ut majora, scilicet spiritualia, & Deum contemnant.

Vtrum sit de necessitate charitatis, ut inimici diligantur. R. Affirmative, non quidem ut inimici sunt, vel etiam ex speciali motu dilectionis ad inimicum propter Deum; sed quantum ad naturam, & in universali, vel etiam in speciali in præparatione animi. Primum est, quia cum proximi nostri sint, & nobiscum communicantes quantum ad naturam beatitudinis capacem; ideo qui Deum & proximum ex charitate diligit, non debet à generali illa dilectione proximi inimicos excludere quoad naturam, juxta illud: Diligite inimicos vestros; imò & de necessitate charitatis est, ut habeamus paratum animum ad inimicum in singulari diligendum, si necessitas occurreret: sicut & de perfectione est charitatis, ut hoc actu impleamus, etiam

ART. 8.

Matth. 5.

In En-
chir.
cap. 73.

2. Reg.
19.

absque articulo necessitatis ; cum quo magis Deum diligimus, eo magis proximum diligamus , nullâ impediēte inimicitia, in quo quidem sensu intelligendus est Aug. *Secundum est* , quia cum unaquæque res naturaliter odiat suum contrarium, ut contrarium est, ideo nec sic diligendi sunt inimici ; quin imò esset vituperabile , & exprobratur in Scriptura , cum hoc esset diligere malum alterius ; sed nec de necessitate salutis est , ut quis speciali motu dilectionis moveatur ad inimicum ; cum nec necesse sit , ut hac ratione in quolibet feratur homines huiusmodi dilectionis motu, cum hoc sit impossibile.

ART. 9.

Utrum sit de necessitate salutis, quod aliquis signa, & effectus dilectionis inimico exhibeat. R. Negativè, quantum scilicet ad dilectionis signa, non quidem quæ exhibentur proximis in communi, sed quæ quis exhibet particulariter aliquibus personis. *Ratio utriusque partis est*, quia cum denegare inimicis communia illa dilectionis signa, ut orationes pro omnibus fidelibus, & beneficia alicui communitati, pertineret ad livorem vindictæ, contra Scripturam quæ ait, Non quæres vindictam; ideo & de necessitate est talia exhibere ; sed quia signa & beneficia, quæ particulariter exhibentur aliquibus personis, exhibere inimicis extra necessitatis casum non nisi ad perfectionem pertinet charitatis, quâ scilicet quis non solum cavet vinci à malo, sed vult in bono vincere malum, ut dicit Glossa super illud : Benefacite, &c. ideo nec est de necessitate salutis talia exhibere, nisi secundum præparationem animi

Matth. 5.

Quest. XXV. Artic. X. & XI. 125

casu quo occurreret necessitas, juxta illud : Prov. 25.
Si esurierit inimicus, &c.

Vtrum debeamus Angelos ex charitate diligere. R. Affirmativè, ita quod & sufficienter cum Angelis communicemus ad amicitiam charitatis ; & sufficienter convivamus. *Primum est*, quia cum Angelis communicamus in participatione beatitudinis æternæ ; erunt enim homines ex Scriptura sicut Angeli in cœlo ; sicque continentur præcepto , quo jubemur diligere proximum , utpote quia proximus dicitur , non solum communicatione speciei , sed etiam cōmunicatione beneficiorum pertinentium ad vitam æternam ; & quidem quanvis cum exclusione brutorum ; quippe quæ nobiscum conveniunt in genere , ratione solum naturæ sensitivæ ; per quam participes non sumus beatitudinis ; sed secundum mentem rationalem , qua communicamus cum Angelis. *Secundum est*, quia licet non convivamus Angelis exteriori conversatione , quæ nobis est secundum naturam sensitivam ; ipsis tamen convivimus secundum mentem, juxta illud : Nostra conversatio in cœlis est ; quanvis non nisi imperfectè in via.

ART.
10.

Matth.
22.

Ad Phil.
lip. 1.
ART.
11.

Vtrum debeamus dæmones ex charitate diligere. R. Negativè, non quod non possimus eos diligere , ut aliquid quod permanere volumus ut bonum alterius ; sed ita quod nec ullo modo diligendi sint , si fiat vis in nomine dæmonis ; nec quasi ad eos habendo amicitiam , etiam referendo ad spiritus , qui dæmones dicuntur. *Primum est*, quia nomine dæmonis significatur natura prout peccato deformata , quam qui-

dem diligere non debemus ; & spiritibus illis , qui dæmones dicuntur , non possumus bonum illud velle quod respicit charitas , scilicet beatitudinem , sicut possumus velle peccatoribus in hac vita , quia id esset contra divinam justitiam , atque ita cūm fundetur amicitia charitatis super communicatione vitæ æternæ magis , quàm supra naturam , nec ad dæmones habere debemus amicitiam charitatis , etsi habeamus ad Angelos ; & quidem quanvis ex illis nobis proveniat utilitas , dum scilicet tentando nos , nobis coronas fabricant , ut ait Aug. utpote quod non est de intentione eorum , sed ex ordinatione divinæ providentiæ. *Secundum est* , quia per quem modum ex charitate diligimus irracionales creaturas , in quantum volumus eas permanere ad gloriam Dei , & hominum utilitatem , ut supra dictum est ; pari etiam , & simili modo possumus naturam dæmonum ex charitate diligere.

ART.

12.

Utrum convenienter enumerentur quatuor ex charitate diligenda , scilicet Deus , proximus , corpus nostrum , & nos ipsi. R. Affirmativè , non quòd non debeat diligì & corpus proximi , sed ita quod ex parte solùm horum quatuor inveniantur rationes variz dilectionis. *Ratio utriusque partis est* , quia cūm in communicatione beatitudinis , super qua fundatur dilectio charitatis , consideretur unum ut principium influens beatitudinem , scilicet Deus : aliud beatitudinem directè participans , ut nos ipsi secundum partem rationalem , quæ est præcipuum in nobis : tertium id , ad quod per quandam redundantiam beatitudo derivatur , scilicet corpus nostrum , quod propterea alio modo

Quest. XXVI. Artic. I. & II. 127

diligimus, quàm nosmetipsos: quantum denique, quòd est nobis consociatum in beatitudinis participatione, scilicet proximus, & quidem etiam secundum corpus, utpote cum totum illum diligamus ratione cuiusdã societatis in beatitudine; ideo & quanvis diligatur corpus proximi, vel etiam quanvis nec nos ipsos ex charitate diligeremus, si Deum non diligeremus, ut ait Aug. non plura tamen, nec pauciora sunt præfatis quatuor, quæ sint specialiter, seu speciali ratione ex charitate diligibiles.

IN QUESTIONEM XXVI.

De ordine charitatis.

Vtrum in charitate sit ordo. *R. Affirmative*, non quidem sicut in ordinante, sed potius sicut in ordinata, in his scilicet, quæ ex charitate ordinantur. *Ratio utriusque partis est*, quia cum prius, & posterius dicantur secundum relationem ad aliquod principium, proindeque necesse sit, ut ubi datur principium, detur etiam ordo, utpote qui dicit modum prioris, & posterioris; ideo cum in charitate detur ut principium Deus, in cuius participatione fundatur charitas, seu cum tendat ad differentiam aliarum virtutum in finem ultimum sub ratione finis ultimi, qui in moralibus habet rationem principii, est consequenter in charitate ordo, non quidem ut ordinante, utpote quod attribuitur rationi; sed ut ordinata, tanquam spectante ad appetitivam partem; imò etiam in fide est aliquis ordo, prout principaliter est de Deo, & secundario de his quæ ad Deum referuntur.

ARTI-
CVLVS
PRI-
MVS.

Vtrum Deus sit magis diligendus, quàm ART. 2

proximus. R. *Affirmativè*, non quòd non prius occurrat proximus diligendus, sed ita quod ex ratione diligendi sit Deus magis, & maximè diligibilis. *Primum est*, quia cùm amicitia magis, & principaliter respiciat id, in quo principaliter invenitur illud bonum, super cujus communicatione fundatur; & amicitia charitatis fundetur super communicatione beatitudinis, quæ quidem consistit in Deo essentialiter, à quo derivatur in omnes, qui ejus capaces sunt; ideo & maximè, & principaliter est in Deo ratio, unde ex charitate diligatur; & quidem etiam ex ratione similitudinis, quandoquidem similitudo quam habemus ad Deum, est causa similitudinis, quam habemus ad proximum; imò & quanyis sit Deus æqualis secundum substantiam, ubicumque sit, utpote cum quo stat, quod non æqualiter habeat proximus bonitatem Dei, sicut habet Deus, qui quidem habet essentialiter, & proximus solum participativè. *Secundum est*, quia cùm proximus sit nobis magis visibilis, & visio sit causa dilectionis, non ita quod ea ratione sit aliquid diligibile, quia est visibile, id enim soli convenit bonitati, sed quia per visionem perducimur ad dilectionem; ideo quanyis sit Deus propter majorem bonitatem magis diligibilis, prius tamen occurrit proximus diligendus.

ART. 3. *Vtrum homo debeat ex charitate plus Deum diligere, quàm seipsum.* R. *Affirmativè*, & quidem taliter, quod & in amore naturali plus Deum diligamus quàm nos ipsos, & magis adhuc in amicitia charitatis. *Ratio utriusque partis est*, quia cùm una-

quæque pars naturaliter plus amet commune bonum totius, quàm bonum proprium, quod etiam patet in politicis virtutibus, secundùm quas cives pro bono communi & dispendia propriarum rerum, & personarum interdum sustinent; nec diligit pars bonum totius, ut sibi conveniens, quasi ad se illud referat, sed potius quia seipsam refert ad bonum totius; idè cum naturalia bona, super quæ fundatur naturalis amor, necnon & bona gratiæ, & beatitudo in Deo inveniantur secundùm rationem totius, utpote velut in communi, & fontali omnium principio, idè in amore naturali plus Deum diligimus, quàm nos ipsos; & magis adhuc in amicitia charitatis, in qua quidem, ut ait Aug. nos propter Deum diligimus, & consequenter magis Deum; sed à qua secludi debet amor, quo Deo frui volumus, utpote pertinens ad amorem concupiscentiæ, cum tamen charitas Deum diligit ut bonum quoddam in se, non prout à nobis participatum. Vnde nec habet ibi locum dictum illud Philosophi, Amicabilia quæ sunt ad alterum, veniunt ex amicabilibus, quæ sunt ad seipsum; utpote quod intelligitur de illo, in quo bonum prædictum non invenitur secundùm rationem totius.

Vtrum homo ex charitate magis debeat diligere seipsum, quàm proximum. **ART. 4.** *Affirmativè;* non quòd non possit proximum magis diligere, quàm naturam corporalem sui; sed ita quod quantum ad naturam spirituales, secundùm quam seipsum diligit, magis se debeat diligere post Deum. *Primum est,* quia cum diligatur proximus;

secundum rationem societatis in beatitudine, ut dictum est; ut hæc consociatio sit ratio dilectionis secundum quandam unionem in ordine ad Deum; ideo sicut unitas est potior quam unio, ita & quod homo ipse participet bonum divinum, est potior ratio diligendi, quam quod alius associetur sibi in hac participatione, & consequenter quod in ordine charitatis secundum spiritualem naturam, quæ Deum meretur participare, plus diligat quam proximum; & quidem licet proximus aliquando sit Deo propinquior, cum non propterea sit ita propinquus charitatem habenti, sicut ipse sibi; & habeat charitas etiam quantitatem ex parte diligentis, cum quo tamen stat, quod non quærat charitas quæ sua sunt, utpote cujus sensus est, quod non communia propriis anteponat, ut exponit Aug. *Secundum est*, quia juxta illud, Qui negligit damnum propter amicum justus est, debet homo detrimentum corporale pati propter amicum; ita tamen quoddum minus diligit tunc naturam corporalem sui, tanto magis seipsum diligit, seu secundum spiritualem partem, cum hoc pertineat ad virtutem.

1. Cor.

13.

ART. 5. *Utrum homo magis debeat diligere proximum, quam corpus proprium. R. Affirmative*, si tamen subintelligatur de proximo, non quoad corpus, sed quantum ad animam, quæ est præcipuum in ipso. *Ratio utriusque partis est*, quia cum consociatio in plena participatione beatitudinis, quæ ratio est diligendi proximum quantum ad animam, sit major ratio diligendi, quam participatio beatitudinis per redundan-

tiam, unde diligimus proprium corpus; nec sit corpus nostrum propinquius animæ nostræ quoad participationem beatitudinis, sed solum quantum ad constitutionem naturæ; ideo & habet proximus rationem diligibilis, non quidem quantum ad corpus, sed quoad animam pleniorē, quàm corpus proprium. Ita tamen, quod non sit de necessitate salutis, quod homo exponat proprium corpus pro salute proximi, nisi in casu quo teneretur ejus salutem providere, adeò ut si quis sponte hoc faciat, pertineat ad perfectionem charitatis, utpote quia cuilibet imminet cura proprii corporis, non autem semper de salute proximi.

Vtrum unus proximus sit magis diligendus, quàm alius. R2. Affirmativè, non quidem ex parte boni quod ex charitate volumus, sed ex parte intensioris affectus, quo diligimus ad illud bonum. *Primum est,* quia cum ita sit ordinatus affectus charitatis, ac appetitus naturalis, quandoquidem utraque inclinatio est à Deo; & appetitus naturalis proportionetur actui, vel motui qui convenit naturæ uniuscujusque; ideo & affectus charitatis debet proportionari his, quæ sunt exterius agenda, scilicet ut ad eos intensiorem affectum habeamus, quibus convenit nos magis quoad effectum esse beneficos, præsertim cum principium dilectionis sit Deus, & ipse diligens, sicque necesse sit ut secundum propinquitatem majorem ad alterum istorum principiorum, major sit dilectionis affectus; nec enim omnes homines æqualiter se habent, etiam ad Deum, sed alii aliis sunt

ART. 6.

propinquiores. *Secundum est*, quia cum omnibus optemus beatitudinem, ideo & omnes æquè diligimus ex parte boni quod optamus ex charitate, quanvis quantum ad intensiorem actus non propterea æqualiter diligamus.

ART. 7. *Utrum magis debeamus diligere meliores quàm nobis conjunctiores.* R. *Negative*, non quod ex parte objecti charitatis, Dei scilicet beatificantis, non debeamus majorem velle beatitudinis gradum melioribus; sed ita quod & ex parte diligentis intensiori affectu diligamus ad illud bonum conjunctiores, & ex charitate velle possimus, ut etiam conjunctiores sint meliores, & insuper pluribus modis diligamus magis conjunctos. *Ratio cujusvis partis est*, quia cum ad charitatem pertineat velle servari divinam justitiam, secundum quam meliores perfectius beatitudinem participat, ideo & ei qui est Deo propinquior majus bonum velle debemus secundum diversos beatitudinis gradus: sed quia charitatis intensio ex parte diligentis sumitur, sicut species ex objecto; ideo & intensiori affectu diligit homo sibi conjunctiores ad illud bonum, ad quod omnes diliguntur, quàm meliores ad majus bonum; imò & potest ex charitate velle, ut magis conjunctior sit etiam melior, & ad majorem perveniat beatitudinem, utpote cum conjunctior sit secundum naturalem originem, à qua proinde discedere non potest, ad differentiam bonitatis virtutis, quâ aliqui Deo appropinquant, quæ quidem potest recedere, & minui. Sed insuper & modis pluribus diligimus magis conjunctos, utpote cum necdum charitatem, sicut

Quest. XXVI. Artic. VIII. 133.

ad non conjunctos, sed & alias habeamus amicitias, secundum modum eorundem ad nos conjunctionis; & quidem ordinabiles, & imperabiles per charitatē, adeo ut etiam ex charitate, siue eliciente, siue imperante pluribus modis diligamus magis conjunctos, utpote cum bonum, super quo fundatur quælibet alia amicitia honesta, ordinetur sicut ad finem ad bonum, in quo fundatur charitas. Vnde in propinquis non jubemur ex Scriptura odisse, quod propinqui nostri sint; sed solum quod impediunt nos à Deo, secundum quod potius dicuntur inimici; nec facit charitas conformari hominem Deo, nisi secundum proportionem, ut scilicet ita se habeat homo ad id quod suum est, sicut Deus ad suum: quare nec sequitur, quod si Deus magis diligit meliores, ita & nos, cum possimus ex charitate quædam diligere nobis convenientia, quæ tamen Deus non vult.

Luc. 14.

Vtrum sit magis diligendus ille, qui est magis conjunctus secundum carnalem originem. R. Affirmative, non quod aliæ amicitie secundum id, quod est unicuique proprium, non possint esse potiores; sed ita quod simpliciter potior sit consanguineorum amicitia, quia stabilior, & in his prævalens, quæ ad naturam pertinent. Primum est, tum quia, ut dictum est, intensius, & pluribus rationibus diliguntur consanguinei: tum quia conjunctio naturalis originis est prior, & immobilior omnibus aliis conjunctionibus, cum pertineat ad substantiam. Vnde non aliter intelligitur illud Proverb. vir amicabilem erit magis amicus, quam frater, nisi quod in agendis præpon-

ART. 51.

Prov. 18.

derat hæc dilectio dilectioni consanguineorum, ut scilicet magis illis consentiamus in agendis, non autem quod sit stabilior: nec aliud probat illud Ambrosii,

In 1. de
offic. c. 7.

Non minus vos diligo, quos in Evangelio genui, quàm si in conjugio suscepissem, quàm quod quantum ad beneficia, quæ pertinent ad communicationem gratiæ, magis debet homo subvenire filiis spiritualibus, quàm corporalibus. Secundum est, quia sicut in his, quæ ad naturam pertinent, putà in succurrendo in necessariis, plus debemus diligere consanguineos; sic quia singulis propria, & congruentia sunt attribuenda, ut ait Philos. debemus in his quæ pertinent ad civilem conversationem plus concives diligere, & in bellicis plus commilitiones. Vnde & magis est obediendum in exercitu duci, quàm patri.

In 9.
Ethic.

ART. 9. *Verum homo ex charitate magis debeat diligere filium, quàm patrem. R. Negativè, si tamen pensetur dilectionis gradus, non ex parte diligentis, secundum quod magis diligitur quod est conjunctius; sed ex parte objecti, sive eminentioris boni. Primum est, quia ex parte objecti patrem diligimus sub ratione principii, quod quidem habet rationem eminentioris boni, & Deo similioris. Vnde & parentibus magis debetur honor à filiis, esto quod filiis à parentibus magis debeat cura provisionis, qui proinde dicuntur filios magis amare, non quidem ratione honoris exhibendi, sed ratione curæ utilitatis eorum. Secundum est, quia attentà dilectione ex parte diligentis, seu conjunctionis ad diligentem, & est filius conjunctior patri, cum sit aliquid patris,*

Quest. XXVI. Artic. X. & XI. 135

quàm pater filio, adeò ut sit dilectio patris ad filium similior dilectioni sui ipsius; & magis sciunt parentes aliquos esse suos filios, quàm è converso; & insuper cum parentes diutius amaverint, & dilectio quanto est diuturnior, tanto sit fortior, ideò & ex hac parte fortius amant.

Vtrum homo magis debeat diligere matrem, ART. 10.
quàm patrem. R. Negativè, non quòd per

accidens, & secundum speciem aliquam amicitie non possimus matrem magis diligere; sed ita quod per se loquendo plus patrem diligere debeamus secundum generationis rationem. *Primum est*, quia cum secundum generationis rationem amentur pater, & mater ut principia quædam naturalis originis; & pater excellentiorem habeat rationem principii, cum sit per modum agentis, quàm mater, quæ est per modum patientis, quæque non intelligitur dare corpus, ex Philos. nisi quia ministrat materiam informem corporis, quæ quidem formatur per virtutem, quæ est in semine patris, disponendo materiam ad formam recipiendam; ideò per se loquendo magis est amandus pater, quàm mater, ut etiam testatur Hieron. *Secundum est*, quia & potest accidere, ut tanta sit differentia virtutis, & malitie, ut amicitia dissolvatur, vel minuatur ex parte patris; & potest etiam mater plus diligi, vel quia plus solet amare, vel quia plus solet laborare; ita tamen quod hoc pertineat ad aliam rationem dilectionis, quàm secundum rationem generationis, de qua est sermo.

In 1 de
gener.

In c. 44.
Ezech.

Vtrum homo magis debeat uxorem dilige- ART. 11.
re, quàm patrem, & matrem. R. Negativè;
si tamen attendatur dilectionis gradus non

secundum conjunctionem ad diligentem, unde intensius diligitur; sed secundum rationem boni, unde reverentia exhibetur. *Primum est*, quia diliguntur parentes sub ratione principii, & ideo eminentioris boni, unde major exhibenda sit reverentia.

Ephes. 5.

Vnde quod viri debeant diligere uxores sicut seipsos, ut ait Apost. aut sicut carnem suam, ly *sicut*; non importat ibi æqualitatem, sed rationem dilectionis, ita quod dilectio sui ipsius sit ratio dilectionis, quam quis uxorem sibi conjunctam diligit: præterquam quod sunt in amicitia paterna multæ rationes dilectionis, quæ quidem præponderant rationi dilectionis, quæ habetur ad uxorem. *Secundum est*, quia cum uxor viro conjugatur, quasi ut sint duo in carne una, ideo secundum rationem conjunctionis magis est diligenda uxor, adeo ut quantum ad unionem carnalis copulæ & cohabitationis debeat homo, relictis parentibus, adhærere uxori; quamvis non ita, quin in quibusdam debeat homo magis assistere parentibus, quam uxori.

ART.

12.

Vtrum homo magis debeat diligere benefactorem, quam beneficiatum. R. Negativè, non quod non magis sit diligendus benefactor ex ratione excellentioris boni; sed ita quod ex ratione majoris conjunctionis magis sint diligendi beneficiati. *Primum est*, tum quia benefactor inspicit in beneficiato bonum honestum, quod est magis diligibile, & optabilius, quam bonum utile, quod beneficiatus inspicit in benefactore: tum quia ad benefactorem propriè & magis pertinet amare, utpote quia vult & operatur bonum amato: tum quia ea, in

Quaest. XXVI. Artic. XIII. 137

quibus plus laboratur, ut contingit in beneficiis impendendo, plus etiam diliguntur: rum denique quia diligit benefactor beneficiatum ex seipso motus, non autem provocatus, sicut diligit beneficiatus; & ideo quia quod est ex se, potius est eo, quod est per alium, plus etiam diligit benefactor beneficiatum, quam beneficiatus benefactorem. Ita tamen, quod non propterea quoslibet beneficiarios plus diligamus quibuslibet benefactoribus; sed eos à quibus maxima recepimus, scilicet Deum, & parentes, his præferamus quibus aliqua minora beneficia impendimus. *Secundum est*, quia cum sit benefactor principium boni in beneficiato, ideo & habet rationem excellentiorem boni, unde ex hac parte sit magis diligendus; & quidem amore magis debito, quod patet ex eo quod contrarium rationem habet majoris peccati.

Vtrum ordo charitatis remaneat in patria. ART.

R. Affirmativè, non quidem taliter, ut vel 13.

secundum ordinem sui ipsius ad alios, vel quantum ad ordinem proximorum ad invicem eodem modo se habeat in patria, ut in via; sed ita quod maneat idem, & quoad hoc quod super omnia diligatur Deus, & quod secundum intensiorem dilectionis plus se quisque diligit, quam meliorem. *Primum est*, quia & fruatur perfecte homo Deo in patria, tanquam fine ultimo, proindeque & super omnia diligit; & cum intensio actus proveniat ex parte subjecti diligentis, sitque homo magis sibi conjunctus, quam proximus melior, ideo nedum quantum ad Deum ut super omnia diligendum manebit ordo charitatis, sed.

138 *Quest. XXVI. Artic. XIII.*

& quantum ad hoc, quod quisque plus se diligit, quam proximum meliorem; ad hoc enim charitas datur, ut primò homo suam voluntatem ordinet ad Deum, quod pertinet ad dilectionem sui; secundariò verò ut velit ordinem aliorum ad Deum. Vnde illud Aug. Charitas est, ut plus potiora bona, minus minora diligamus, non nisi quantum ad sibi conjunctos intelligitur, non autem quantum ad seipsum, quamvis minus Deo propinquum, utpote cum perfectio charitatis ordinet hominem perfecte ad Deum, quod pertinet ad dilectionem sui ipsius; sitque hic ordo fundatus in natura, quæ quidem in patria non tollitur, sed perficitur. *Secundum est*, quia cum in patria velit Beatus quilibet, ut quisque habeat quod ei debetur secundum divinam justitiam, propter perfectam conformitatem voluntatis ad divinam, quod quidem in hac vita non accedit, ubi cum proficiat charitas per meritum ad majus præmium, potest homo sibi optare majus bonum, quam aliis; ideo non eodem omnino modo se habebit ordo charitatis sui ipsius ad alios in patria ex parte boni voliti, ut se habet in via; sed nec quantum ad ordinem proximorum ad invicem, etiam ex parte intentionis, utpote cum tota vita beata consistat in ordine mentis ad Deum, respectu cuius servabitur ordo dilectionis Beatorum, ut is magis diligatur, qui magis erit Deo propinquus; quandoquidem provisio ibi cessabit, secundum quam conjunctos in via magis diligimus; quanvis non taliter, quin adhuc pluribus modis diligatur magis conjunctus, cum in patria non essent honestæ diligendi causæ.

Quest. XXVII. Artic. I. & II. 139
IN QUESTIONEM XXVII.

De principali actu charitatis, qui
est dilectio.

Vtrum charitatis sit magis proprium
amare, quàm amari. *R. Affirmativè, &*
quidem taliter, quod & ratione amare ma-
gis probetur, necnon & signo manifeste-
tur. *Primum est*, quia cum magis conveniat
unicuique, quod convenit ei per se, & sub-
stantialiter, quàm quod convenit ei per
aliud; & amare conveniat per se charitati,
in quantum scilicet charitas est, utpote
quia cum ut talis sit virtus quædam habens
inclinationem ad proprium actum; cum
tamen amari ei solum conveniat prout ha-
bet communem rationem boni; idè &
magis convenit charitati amare, quàm ama-
ri; adeò ut meliores, ex eo quod meliores
sunt, sint quidem magis amabiles, sed ex
eo quod in eis est perfectior charitas, sint
magis amantes. Vnde quanvis propter ama-
ri aliqui ament, non ita tamen quod amari
sit finis ejus quod est amare, sed quia so-
lùm est via inducens ad hoc, ut homo
amet: amare namque, & velle amare, ad
charitatem pertinent secundùm se, nec mul-
ti sunt, qui volunt amari, nisi quia volunt
honorari, & sic propter aliud. *Secundum
est*, quia & amici plus solent laudari ex hoc
quod amant, quàm ex hoc quod amantur;
& matres, quæ maximè amant, plus que-
runt amare, quàm amari, ut notat Philo-
sophus.

*Vtrum amare secundùm quod est actus
charitatis, sit idem quod benevolentia. R. Ne-
gativè*, non quòd non includatur benevo-
lencia in actu charitatis; sed ita quod di-

ART.
CVLVS
PRI-
MVS

In 8.
Ethic.
cap. 8.

ART. 2.

lectio charitatis addet benevolentiae unionem affectus. *Ratio utriusque partis est*, quia cum amor intellectualis, seu charitatis importet unionem quandam secundum effectum amantis ad amatum, in quantum scilicet amans aestimat amatum quodammodo ut unum sibi; vel ad se pertinens, & sic movetur in ipsum; cum tamen benevolentia sit simplex actus voluntatis, quo volumus alicui bonum, etiam non praesupposita praedicta unione affectus ad ipsum, ideo includit quidem charitatis actus benevolentiam, cum sit actus voluntatis in bonum tendens; sed addit tamen unionem affectus, adeo ut definiens Philosophus amare per velle bonum, non ponat ibi totam rationem ipsius, sed aliquid ad rationem ejus pertinens, in quo manifestatur dilectionis actus. Imò & ab amore, etiam ut passio est, sive ut est in appetitu sensitivo, differt benevolentia, utpote quae interdum oritur ex repentino, sicut accidit nobis de pugilibus, qui pugnant, quorum alterum vellemus vincere; cum tamen passio amoris non subito exoritur, sed per aliquam assiduam inspectionem rei amatae, unde oritur impetus inclinans in suum objectum, qui quidem non importatur in benevolentia, ut ait Phil.

In 9.

Ethic.

Verum Deus sit propter seipsum charitate diligendus. R. Affirmative, ita ut nec per modum causae formalis, nec efficientis, aut finalis sit aliud ratio unde Deus diligatur, esto quod in genere causae dispositivae per aliud disponatur, ut diligatur. *Primum est*, quia cum Deus non ordinetur ad finem, neque informetur aliquo, quo bonus sit, neque habeat ab alio bonitatem; ideo sive

Quaest. XXVII. Artic. IV. 141

dicat ly *propter*, habitudinem causæ finalis, formalis, aut efficientis, non diligitur Deus propter aliud, sed propter se, cum sit ipse finis ultimus, & ipsa substantia bonitatis: imò & ipsa Dei cognitio, quâvis acquiratur per alia, postquam tamen cognoscitur, jam non per alia cognoscitur, sed per seipsum, juxta illud: Jam non propter tuam loquelâ credimus, &c. *Secundum est*, quia cum aliquibus aliis disponamur ad hoc ut in Dei dilectione proficiamus, putâ per dona ab eo accepta, præmia sperata, vel pœnas quas per ipsum vitare intendimus; ideò si ly *propter*, dicat genus causæ materialis, prout ad illam reducit dispositio, potest Deus diligi propter aliud, juxta illud Greg. Ex his quæ animus novit, discit & incognita amare.

Ioan. 4

Homil.
II. in
Evang.

ART.

Verum Deus in hac vita possit immediate amari. R. *Affirmativè*, ita scilicet, quod in ordine cognitionis, & dilectionis, per aliud quidem cognoscatur Deus à nobis, licet secundum se cognoscibilis; sed in seipso, & secundum se diligatur, sicut & secundum se diligibilis. *Ratio utriusque partis est*, quia cum sit dilectio actus appetitivæ virtutis, cujus quidem modus est inclinari in res secundum conditionem ipsarum rerum, cum inclinetur ad res ipsas, ad differentiam cognoscitivæ, quæ cum perficiatur per hoc quod cognitum in cognoscente est, res etiam attingit secundum modum cognoscentis; ideò in cognitione quidem, quia prius sunt cognoscibilia ex parte nostri, quæ sunt sensui propinquiora, non primò Deum in se cognoscimus, qui est à sensu remotissimus; sed in dilectione etiam in statu viz in Deum

142 *Quest. XXVII. Artic. V. & VI.*

primò tendit dilectionis actus, non autem aliis mediantibus, quin immò ex ipso derivatur ad alia. Vnde quia dilectio Dei est majus quid quàm ejus cognitio, maxime in hac vita, ideo & præsupponit ipsam; sed quia hoc ipso est dilectio cognitionis terminus, propterea & ubi desinit cognitio, scilicet in ipsa re, quæ per aliam cognoscitur, ibi statim incipere potest dilectio. Quod etiam per hoc patet, quod per charitatem tollitur aversio à Deo, non autem per solam cognitionem; & ideo charitas est, quæ diligendo animam immediatè Deo conjungit spiritali vinculo unionis.

ART. 5. *Vtrum Deus possit totaliter amari. R. Affirmativè, & quidem siue referatur totalitatis modus ad rem dilectam, siue referatur ad diligentem, quanvis non ita, quod ædæquet diligentis modus modum rei dilectæ. Primum est, quia & totum quod ad Deum dilectum pertinet, debet homo diligere; & ex toto corde suo, ut dicit Scriptura, debet diligere, ordinandò scilicet quidquid habet ad Dei amorem. Secundum est, quia cum sit Deus infinitum bonum, & ideo infinitè diligibilis quantum ad modum quo potest diligi, proinde sit, quod si totalitas consideretur secundum comparisonem diligentis ad rem dilectam, scilicet secundum proportionem æqualitatis, ut tantum diligatur Deus, quantum est diligibilis, non possit Deus totaliter diligi, cum non possit creatura infinitè diligere.*

ART. 6. *Vtrum divina dilectionis sit aliquis modus habendus. R. Negativè; si tamen subintelligatur, non sicut in mensurâ, in qua non potest esse excessus; sed sicut in re*

Quaest. XXVII. Artic. V. I. 143

mensurata, ut sit eo accipere plus, vel minus. *Ratio utriusque partis est*, quia cum appetitus finis in omnibus artibus sit absque fine & termino, ut dicit Philosophus, ad differentiam eorum quæ sunt ad finem, in quibus apponi solet terminus, quod quidem patet in sanitate, & medicamento; ideo cum finis omnium actionum humanarum, & affectionum sit ipsa Dei dilectio, per quam maximè attingimus ultimum finem, nec etiam in ea potest accipi modus, sicut est in re mensurata, ut sit in ea accipere plus vel minus, cum quanto plus attingitur regula, tanto sit melius; sed sicut potius dicitur modus inveniri in mensura, in qua scilicet sicut in fine modus est, quod non possit esse excessus. Vnde & ex parte modi præminet charitas aliis virtutibus, utpote quæ modum habent ut mensuratur, ut scilicet possint excedere, vel deficere, non autem charitas; & quidē quanvis mensuret ratio actiones exteriores charitatis, utpote cum hoc sit, quia objectum earum subiacet iudicio rationis, quod tamen non est in dilectione interiori, quandoquidem ejus objectum est Deus ipse, qui iudicium rationis excedit. Vnde nec quaerit Augustinus modum diligendi Deum, nisi ad insinuandum quod in hoc est, ut ex toto corde diligatur, id est quantum potest diligere; qui quidem modus est sine modo, ut ait Dominus Bernardus.

Utrum sit magis meritorium amicum diligere, quàm inimicum. R. Affirmativè; si tamen subintelligatur ex parte proximi, quem diligimus, non ex parte rationis, propter quam diligimus. *Primum est*, quia

In prima
Politica.
cap. 6.

Lib. de
morib.
Eccles.
cap. 8.
Lib. de
diligendo
Deum.

ART 7.

444 *Quest. XXVII. Artic. VIII.*

ex parte ejus qui diligitur, & est amicus magis conjunctus, & est materia magis conveniens dilectionis, cum melior sit. Unde etiam fit, quod secundum se considerata dilectio amicorum sit ferventior: sicut & ignis in propinquiora magis, & ferventius agit, quam in remotiora. Nec illud: Si diligitis eos, qui vos diligunt, &c. aliter intelligitur, quam quando amici amantur ut amici tantum, & non propter Deum. *Secundum est*, tum quia dilectionis amici potest esse alia ratio, quam Deus, cum tamen solus Deus sit ratio dilectionis inimici: tum quia ex hoc ostenditur fortiolem esse Dei dilectionem, quæ hominem extendit usque ad dilectionem inimicorum; sicut & fortior est virtus ignis materiam comburens minus combustibilem.

ART. 8. *Vtrum sit magis meritorium diligere proximum, quam diligere Deum. R. Negativè;* si tamen vel seorsum consideretur utraque dilectio, vel non sic accipiatur dilectio Dei, ut solus diligitur; & proximi, ut propter Deum. *Primum est*, quia cum dilectioni Dei debeat merces propter seipsam, utpote cum ultima merces sit frui Deo, juxta illud, Si quis diligit me, diligetur à patre meo, & manifestabo ei meipsum; ideo & magis est meritoria, & quidem quanvis dilectio amici, quia diligitur propter seipsum, sit aliquando minus meritoria, utpote cum hoc contingere nequeat in Deo, propterea quod tota meriti ratio in hoc consistit, ut propter seipsum diligatur. Unde nec est necesse, ut omne difficilius sit magis meritorium, sed quod sic difficilius est, ut etiam sit melius, quod non est in proximo

Quest. XXVIII. Artic. I. 145

proximo in comparatione ad Deum : sed nec quod Paulus optaret esse anathema à Christo, &c. probat, quod plus proximum diligeret, quàm Deum, sed quod plus diligeret Deum, quàm seipsum ; volebat enim ad tempus privati fruitione divina, quod pertinet ad dilectionem sui, ut procuraretur honor Dei in proximis, quod spectat ad dilectionem Dei. *Secundum est*, quia si accipiat dilectio Dei, ut solus diligitur, & proximi ut propter Deum, cum sic includat dilectio proximi dilectionem perfectam Dei ; illa autem quâ solus Deus diligitur, sit imperfecta, & insufficiens ; quia mandatum habemus à Deo, ut qui diligit Deum, diligat & fratrem suum, idè & in hac acceptione præminet dilectio proximi.

IN QVÆSTIONEM XXVIII.

De gaudio.

Vtrum gaudium in nobis sit effectus charitatis. R. *Affirmativè*, & quidem sive sit gaudium de bono divino in se considerato, sive ut à nobis participato ; quanvis non æquè principaliter de posteriori, ac de priori. *Primum est*, quia cum ex amore causetur gaudium, & tristitia ; gaudium quidem vel propter præsentiam boni amati, vel quia ipsi bono amato proprium bonum inest, & conservatur, & hoc etiam si sit absens : tristitia verò vel propter absentiam amati, vel quia proprio privatur bono ; idè cum charitas sit amor Dei, cujus quidem bonum est immutabile ; & ex eo quod amatur, sit in amante per nobilissimum sui effectum, juxta illud : Qui manet in charitate in Deo manet, &c. cit. conse-

ARTE-
CVLVS
PRI-
MVS.

1. Ioan. 4.

quenter gaudium spirituale de Deo habitum effectus charitatis, & quidem etiam in hac vita, ubi scilicet præfens est Deus amantibus per gratiæ inhabitationem. Ita tamen, quod possit etiam ex charitate causari luctus, utpote cum ejusdem rationis sit gaudere de aliquo bono, & tristari de his, quæ ei repugnant. *Secundum est*, quia gaudium, quod est de bono divino prout à nobis participato, oritur etiam ex spe; cum tamen non nisi ex charitate sit gaudium de bono divino in se considerato.

ART. 2. Vtrum gaudium spirituale, quod ex charitate causatur recipiat admixtionem tristitia. R. Negativè; si tamen subintelligatur de gaudio, non quo de bono divino gaudemus, ut à nobis participato; sed ut in se considerato. *Primum est*, quia divinum bonum in se considerato non potest aliquam mali habere admixtionem. *Secundum est*, quia cum consurgat tristitia de eo quod repugnat participationi divini boni, vel in nobis, vel in proximis; & de facto impediri possit illa participatio per aliquod contrarium, ut per peccata, quorum propterea dolor ex charitate est; ideo & potest gaudium de bono divino ut à nobis participato permixtionem habere tristitiæ; ad quam quidem pertinet illud, *Fle- re cum stentibus*, &c. utpote ex quo probatur, quod facit charitas condolere proximo, in quantum in eo impeditur participatio divini boni: tum etiam tristitia, quæ quis luet de dilatione gloriæ, quæ etiam pertinet ad impedimentum participationis divini boni.

ART. 3. Vtrum spirituale gaudium, quod ex cha-

Quaest. XXVIII. Artic. IV. 147

virate causatur, possit in nobis impleri. R. Affirmativè, non quidem ea plenitudine, quæ sumitur ex parte rei, de qua gaudetur, sed quæ sumitur ex parte gaudentis. Primum est, quia cum gaudium comparatur ad desiderium, ut quies ad motum, & quies sit plena ex parte mobilis, cum nihil restat de motu; ideo & gaudium erit plenum, cum nihil ad desiderandum restat, quod quidem erit in patria ex parte gaudentis propter plenam Dei fruitionem; & quidem licet gaudium unius sit majus, quam alterius, vel etiam quanvis Dei cognitio non habeat plenitudinem ex parte rei cognitæ, quia esset comprehensio, utpote cum adhuc gaudium sit plenum ex parte gaudentis, quia cujusque desiderium plene quietabitur, juxta illud: Qui replet in bonis desiderium tuum; necnon & habeat cognitio plenitudinem ex parte cognoscitis. Secundum est, quia sumpta plenitudine gaudii ex parte rei, de qua est gaudium, ut scilicet tantum gaudeatur de ea, quantum est dignum gauderi; sic solum Dei gaudium est plenum, utpote quod solum est infinitum.

Philos.

Verum gaudium sit virtus. R. Negativè, ita quod nec sit virtus à charitate distincta, nec etiam sit actus à quo denominetur charitatis virtus. Ratio utriusque partis est, quia cum virtus non definiatur aut denominetur nisi ab actu priori, quanvis alii actus etiam ab ea consequantur; & primus actus appetitivæ potentie sit amor, ex quo sequitur desiderium, & gaudium; ideo est quidem gaudium charitatis actus, sive effectus, qui inter fructus connumeratur;

ART. 4.

Ad Phi-
lip. 4.

non autem specialis virtus à charitate unde & de gaudio datur præceptum ab Apost. utpote cadens super actum virtutis; non ita tamen quod à gaudio denominetur charitas, sed ab amore. Cum quo tamen stat, quod & aliquæ tristitiæ particulares ponantur specialia vitia, quandoquidem non derivantur à speciali vitio, sicuti gaudium à speciali virtute amoris, sed generali; necnon & ipsa spes, quanvis ex amore consequens, sicut gaudium ponatur specialis virtus; cum ad differentiam gaudij superaddat ex parte objecti quandam specialem rationem, scilicet ardui, & possibilis adipisci.

IN QVÆSTIONEM XXIX.

De pace.

ARTI-
CVLVS
PRI-
MVS.

V*trum pax sit idem, quod concordia. R. Negativè, ita scilicet, quod includat quidem pax concordiam; non tamen ubicumque est concordia sit pax. Ratio utriusque partis est, quia cum concordia, cui quidem opponitur dissensio hominis ad alterum, importet tantum unionem appetituum diversorum appetentium; pax autem cui etiam opponitur dissensio hominis ad seipsum, importet insuper appetituum unius appetitis unionem; nec enim homo habet pacem propriè dictam, & cor quietum, nisi ejus uniantur appetitus, & in unum ferantur; ideo includitur quidem concordia in pace, non ita tamen ut ubicumque est concordia, sit pax, adeò ut unio consensus, quæ est concordia, non sit pax, nisi etiam sibi invicem omnes motus appetitivi sint consentientes. Vnde quod sit pax ordinata concordia, ex Aug. non propterea*

10 de ci.
v. l. c. l.

Quæst. XXIX. Artic. II. & III. 149

sequitur esse simpliciter concordiam, sed quod sit ordinata cōcordia, quod cōceditur.

Vtrum omnia appetant pacem. R. Affirmative; & quidem etiam qui bella quarunt, & dissensiones; quanvis non semper veram appetant pacem, aut non semper perfectam, si veram. Primum est, quia cum ex hoc quod homo appetit aliquid, inde etiam appetat & ejus quod appetit assequutionem, & per consequens remotionem eorum, quæ eam impedire possunt, ut est contrarius appetitus, vel sui ipsius, vel alterius; ideo cum utrumque tollatur per pacem, necesse est quod omne appetens appetat pacem; & quidem etiam qui bella quarunt, utpote qui ideo concordiam aliquam tanquam defectum pacis habentem conantur rumpere, ut ad perfectiorem pacem perveniant: imò & quæ cognitione carent, cum pax nedum importet unionem appetitus intellectualis, sed sensualis, aut animalis, & etiam naturalis, proindeque sit etiam in rebus cognitione carentibus. Secundum est, quia pax mala est, non autem vera, cum non est circa appetitum veri boni, sed apparentis, utpote quæ licet aliquâ ex parte appetitum quietet, habet tamen multos defectus, & hæc est pax malorum; nec est perfecta pax, nisi illa, quæ consistit in perfecta fruitione summi boni, quæque finis est creaturæ rationalis, qualis quidem non est quæ habetur in hac vita, in qua scilicet, esto quod principalis animæ motus in Deo quiescat, sunt tamen aliqua perturbantia intus, & extra.

ART. 2.

Vtrum pax sit proprius effectus charitatis. R. Affirmative, non quod non sit indirecte

ART. 3.

opus iustitiæ; sed ita quod quoad unam, & alteram unionem, in qua consistit, cau-
setur directè à charitate. *Primum est*, quia
duæ illæ uniones pacem constituentes sunt,
altera secundum ordinationem propriorum
appetituum in unum, altera appetitus pro-
prii cum appetitu alterius: quam quidem
utramque efficit charitas, primam in quan-
tum toto corde diligitur Deus, & omnia
referuntur in ipsum; secundam in quantum
diligitur proximus, volendo scilicet im-
pleri voluntatem proximi, sicut sui ipsius.
Vnde nec sine gratia gratum faciente potest
esse vera pax, sed solum apparens; ita ta-
men quod ad amicitiam charitatis non per-
tinet concordia in opinionibus, sed in bo-
nis conferentibus ad vitam, adeò ut existen-
te concordia in principalibus bonis, dissen-
sio in aliquibus non sit contra charitatem,
nec regugnet paci; & hoc fuit in Hieron.
& Aug. & in Barnaba & Paulo. *Secundum
est*, quia cum iustitia removeat prohibens
pacem, ideò & est pax opus illius, non qui-
dem directè, sicut amoris, qui est per se
vis unitiva; sed indirectè, ut removens
prohibens.

ART. 4. *Virum pax sit virtus. R. Negativè*, non
quòd non sit actus virtutis, & quidem me-
ritorius; sed ita quod non alia sit virtus,
cujus sit actus proprius, nisi charitas. *Ra-
tio utriusque partis est*, quia cum omnes
actus, qui se invicem consequuntur, & se-
cundum eandem rationem ab agente pro-
cedunt; sint tantum unius virtutis, sicuti
unitus virtutis est in igne calefaciendo li-
quescere, & rarefacere; & pax causetur
à charitate secundum ipsam rationem di-

Quest. XXX. Artic. I. 151

lectionis Dei, & proximi; consequenter fit, quod & sit pax actus charitatis, & consequenter meritorius: unde & de pace datur præceptum, poniturque pax inter beatitudines, quæ sunt actus virtutis perfectæ; necnon & inter fructus, ut est quoddam finale bonum dulcedinem habens; ita tamen quod non alia sit virtus, cujus sit actus proprius, quàm charitas. Vnde cùm vitium contrarietur virtuti, ideò non paci, sed charitati ratione pacis contrariatur dissensio; sicut eidem contrariatur acedia, vel invidia ratione gaudii, & odium ratione dilectionis; uni enim virtuti multa possunt opponi vitia secundum diversos actus.

IN QUESTIONEM XXX.

De misericordia.

Vtrum malum sit motivum misericordie. & Affirmativè, non quidem sub quacumque ratione mali, sed sub ratione contristantis, & contrariantis voluntari. *Primum est*, quia cùm misericordia sit alienæ miseriæ in nostro corde compàssio, ex Aug. utpote cùm dicatur misericordia ex eo quod habet aliquis miserum cor super miseria alterius; & ad miseriã pertineat, ut homo patiatur quæ non vult, sicuti ad beatitudinem miseriæ contrariam, ut hæbeat quæ vult; proinde fit quod malum sub ratione involuntarii ad misericordiam moveat, & tanto magis, quo magis involuntarium; adeò ut sicut homo potest aliquid velle tripliciter, vel appetitu naturali, ut esse, & vivere; vel per electionem ex aliqua præmeditatione, vel non secundum se, sed in sua causa, quo modo qui vult no-

ART.
CVLVS
PRI-
MVS.

Lib. 9. de
civit. c. 5.

civa comedere, vult quodammodo infirmari; ita & triplex sit misericordiæ motivum: primum, illud quod appetitui naturali contrariatur, ut corrumpentia, & contristantia: secundum, quod est contra voluntatem electionis, quod magis movet: tertium denique quod est contra totam voluntatem, quod quidem magis miserabile est, ut cum quis semper sectatus est bona, & ei semper eveniunt mala. Vnde quod dicit Philos. quod durum est expulsum miserationis, non aliter intelligitur, quàm quod in malis filiorum, aut parentum, quæ propriè dira sunt, non propriè miseremur, sed magis condolemus, sicut in vulneribus propriis. *Secundum est*, quia malum culpæ, quæ tale, utpote voluntarium, non habet rationem miserabilis, sed potiùs punitionis; esto quod ut habet aliquid, quod est contra voluntatem peccantis, possit rationem habere miserabilis, sicut & ipsa malorum signa, prout nobis repræsentant mala miserabilia.

ART. 2. *Vtrum defectus sit ratio miserendi ex parte miserentis. R. Affirmativè*, nimirum vel in quantum aliquis defectum alicujus reputat suum propter amoris unionem, vel propter possibilitatem similia patiendi. *Ratio utriusque partis est*, quia cum ex hoc aliquis misereatur, ex quo contingit, quod de miseria aliena doleat, proindeque & in quantum miseriam alienam apprehendit ut suam, cum sit tristitia, seu dolor de proprio malo; ideo cum hoc contingat vel secundum unionem affectus, vel secundum unionem realem, dum scilicet malum aliquorum propinquum est, ut scilicet inde

æstimemus, quod possimus & nos similia pati; propter quod senes sapientes, & debiles, qui considerant se posse in mala incidere, sunt etiam magis misericordes; consequenter fit quod ratio miserendi, non quidem in Deo, qui non nisi propter amorem miseretur, sed in nobis sit semper defectus aliquis. Ita tamen quod qui sunt in infinitis malis, quia non timent se ulterius pati aliquid, ideò non misereantur; sicuti & qui valde timent, qui quidem tantum intendunt propriæ passioni: imò, nec misereantur qui sunt in contumeliativa dispositione, vel quia eam sint passi, vel quia eam inferre velint, utpote qui inde provocantur ad iram, & audaciam.

Utrum misericordia sit virtus. R. *Affirmative.* non quidem secundum quod nominat motum appetitus sensitivi, sed quia sic nominare potest motum appetitus intellectivi, ut sit vera virtus. *Primum est*, quia cum ratio virtutis humanæ in hoc sit, quod motus animi ratione reguletur, ut dictum est; & motus appetitus intellectivi secundum quod alicui displicet malum alterius; possit esse secundum rationem regulatus, & taliter quod secundum hunc motum regulari possit & motus inferioris appetitus, quando scilicet ita præbetur misericordia, ut conservetur iustitia, sive cum indigenti tribuitur, sive cum ignoscitur peccanti, ut notat Aug. ideò & potest misericordia, ut est motus appetitus intellectivi, esse virtus moralis, scilicet circa passiones existens, reducenda ad illam medietatem, quæ dicitur *Nemesis*. Vnde etiam probatur, quod possit esse virtus, cum medietates,

ART. 3.

1.2. 9.5

si ab aliquo habitu electivo proveniant, as-
sumant rationem virtutis ; & quidem po-
tius , quàm pax, & gaudium , utpote quæ
nihil superaddunt super rationem boni,
quod est objectum charitatis ; cùm tamen
respiciat misericordia rationem specialem,
scilicet miseriam alienam. *Secundum est*,
quia misericordia ut est motus appetitus
sensitivi, est potius passio, & quidem judi-
cium impediens rationis, quando non est à
ratione regulata.

ART. 4. *Utrum misericordia sit maxima virtutum.*
Re. Negativè, non quòd non sit misERICOR-
dia maxima secundum se, vel etiam inter
virtutes ad proximum pertinentes potissi-
ma ; sed ita quod per comparisonem ad
habentem non sit maxima, nisi in maximo,
scilicet Deo. *Ratio utriusque partis est*, quia
cùm supplere defectum alterius, in quan-
tum huiusmodi sit superioris & melioris ;
ideò & maxima est misericordia secundum
se, sicut & ut ad proximum pertinet potis-
sima, in quo quidem sensu dicit Ambros.
quod omnis summa disciplinæ christia-
næ in misericordia & pietate est ; necnon
Matth. 12. dicitur, Misericordiam volo, non
sacrificium ; quatenus cùm non colamus per
sacrificia exteriora Deum, nisi propter nos,
& proximos, misericordia est sacrificium
magis acceptum, cùm propinquius proxi-
morum inducat utilitatem ; sed quia ma-
gis & melius est conjungi superiori, quàm
supplere defectum inferioris ; ideò & po-
tior est charitas, quàm unimur Deo, quàm
misericordia, quàm defectus proximorum
supplemus, adeò ut non sit misericordia in
habente maxima, nisi qui habet sit etiam

Quaest. XXXI. Artic. I. & II. 155

maximus, & optimus, qui non habet uni-
ri meliori. Vnde per misericordiam assimi-
lamur quidem Deo per similitudinem ope-
rationis: at cum per charitatem assimile-
mur ei velut optimo, tanquam per affe-
ctum uniti, ideo major adhuc est charitas.

IN QVÆSTIONEM XXXI.

De beneficentia.

V*trum beneficentia sit actus charitatis.*
R. *Affirmativè*; si tamen accipiatur
bonum, quod facit, non quidem sub spe-
ciali aliqua ratione, sed sub communi ra-
tione boni. *Primum est*, quia cum in actu
dilectionis includatur benevolentia, per
quam vult aliquis bonum amico; & vo-
luntas sit effectiva eorum, quæ vult, dum-
modo facultas adsit; ideo fit, quod sit be-
neficentia secundum communem rationem
amicitiæ, seu charitatis actus, non ita quod
nostrum sit Deo benefacere, sed ut ejus
sit ex sua dilectione nobis benefacere; ita
tamen, quod quia in datione duo sunt
actus, scilicet interior, & exterior; ex par-
te quidem exteriori pertineat ad charita-
tem in generali; sed tamen liberalitas mo-
deretur interiorem. *Secundum est*, quia si
bonum, quod quis facit alteri, accipiatur
sub aliqua speciali ratione boni; sic bene-
ficentia rationem accipit specialem, & per-
tinet ad specialem virtutem; adeo ut da-
re, quia debes, sit actus justitiæ; & mise-
ricordiæ, si quia misereris; sicut & actus
charitatis, & amicitiae, si quia amicus, &
hæc est beneficentia.

ARTI-
CVLVS
PRI-
MVS.

Vtrum sit omnibus benefaciendum. R. *Af-*
firmativè, & quidem vel actu, vel in præ-
paratione animi; sed tamen pro loco, &

ART. 2.

tempore. *Ratio utriusque partis est*, quia cum beneficentia amorem consequatur ex ea parte, quâ movet superiores ad provisionem inferiorum; & in hominibus mutabiles sint gradus (ad differentiam Angelorum,) utpote qui multiplices pati possunt defectus, adeo ut qui est superior secundum aliquid, sit, vel esse possit inferior secundum aliud; ideo beneficentia, sicut & charitas potest esse ad omnes, non quidem taliter, quod debeat homo omnibus actu benefacere, vel sine servatis debitis circumstantiis loci & temporis, secundum quas limitari debent actus virtutum; sed ita quod sit hoc animo, si facultas adesset, sicut & adest in orando, omnibus pro loco & tempore benefacere, & quidem etiam excommunicatis, & inimicis reipublicæ, cum immineret necessitas, ut non deficeret natura, nisi ex iustitia paterentur. Vnde illud: Da bono, & non recipias peccatorem; non aliud insinuat, nisi quod peccatori subveniendum non sit quantum ad fomentum culpæ, non autem quantum ad sustentationem naturæ.

Eccl. 11.

ART. 3. *Utrum sit magis benefaciendum his, qui sunt nobis magis coniuncti. R. Affirmative;* non quod non possit hoc variari secundum diversitatem negotiorum, & temporum; sed ita quod simpliciter loquendo sit unicuique magis benefaciendum secundum rem, secundum quam est magis coniunctus. *Primum est*, quia cum gratia, & virtus imitentur naturæ ordinem, qui similiter est à Deo; & ordo naturæ sit, ut agens prius agat in propinqua, ut patet in igne, qui propinquiora magis calefacit; ideo & caritas

hibitio beneficiorum, quæ est actus charitatis, debet simpliciter loquendo esse magis ad conjunctiores; juxta tamen varias propinquitates, tam consanguineorum, quam concivium, vel commilitonum, &c. adeo ut in militia præferatur miles conjuncto secundum carnem, utpote quia miles præbens commilitoni auxilium, totam juvet rempublicam, cujus est bonum magis amandum. Unde illud; Cum facis prandium, noli vocare amicos; non propterea prohibet simpliciter vocari amicos, aut consanguineos, sed solum eâ vocare intentione, ut reinvitent. *Secundum est*, quia juxta locorum, & negotiorum diversitatem aliquando magis subveniri debet extraneo, quam patri, si tantam non patiatur necessitatem; & licet quisque teneatur magis ad benefaciendum filiis, in articulo tamen necessitatis magis liceret filios deferere, quam parentes, quos nullo modo deferere licet propter obligationem beneficiorum acceptorum. Ita tamen, quod debitum quod debet numerari inter bona illius, cui debetur, ut cum aliquis rem habet alterius ex furto, mutuo, aut deposito, debeat prius restitui, quam quod ex eo benefiat conjunctis, nisi in tanta essent necessitate, in qua liceret, si tamen ille non esset in simili necessitate.

Luc. 14

Utrum beneficentia sit virtus specialis. ART. 43

R. *Negativè*, non quod non sit specialis actus virtutis, sed ita quod non aliam nominet virtutem à charitate. *Ratio utriusque partis est*, quia cum eadem sit ratio formalis objecti charitatis, & beneficentiæ, utpote cum utraque respiciat communem

rationem boni; ideo nominat quidem beneficentia diversum virtutis actum, ut probat diversitas præceptorum; non tamen diversum à charitate habitum, adeò ut beneficia, sicut & nocumenta omnia, si considerentur sub communi ratione boni, & mali, reducantur vel ad amorem, vel ad odium; esto quod ubi considerantur secundum speciales rationes, reducantur ad speciales virtutes, vel vitia: unde & in varias species multiplicatur beneficentia.

IN QUESTIONEM XXXII.

De eleemosyna.

ARTI-
CVLVS
PRI-
MVS.

Vtrum dare eleemosynam sit actus charitatis. *R. Affirmativè*, non quidem elicitive, & immediate; sed ex consequenti, & mediante misericordia. *Ratio utriusque partis est*, quia cum actus exteriores ad illam referantur virtutem, ad quam spectat motivum ad agendum; & motivum dandi eleemosynam, quæ quidem est opus, quo datur aliquid indigenti ex compassione propter Deum, sit misericordia, ut subveniatur necessitatem patienti; ideo eum misericordia, ut dictum est, sit effectus charitatis, ita & eleemosyna, non quidem elicitive, cum sit elicitæ à misericordia; sed imperativè, & mediante misericordiæ, adeò ut ad liberalitatem non pertineat, nisi ut solum removens impedimentum; nec etiam formaliter sumpta, seu facta eo modo, quo debet, usquam sit sine charitate, esto quod sine ea esse possit materialiter: sicut & dici solet, quod potest quis sine iustitia facere iusta, quanvis non iuste. Cum quo tamen stat, quod dare eleemosynas computari possit inter opera sa-

Quaest. XXXII. Artic. II. 159

satisfactoria, prout scilicet misratio in defectum patientis ordinatur ad satisfaciendum pro culpa; sicut & ut ordinatur ad placandum Deum, habet rationem sacrificii, & imperatur à latria; nec enim repugnat, ut actus, qui est proprius unius virtutis elicitive, attribuat imperative alteri.

Utrum convenienter eleemosynarum genera distinguantur. R. Affirmative, ita quod & contra corporis defectus convenienter sint pascere esurientem, potare sitientem, nudum vestire, colligere hospitem, visitare infirmum, captivum redimere, mortuos sepelire; & contra defectus animæ convenienter enumerentur docere ignorantem, dubitanti consulere, tristem consolari, corrigere peccantem, offensam remittere, portare onerosos, & orare pro omnibus. *Primum est*, quia corporales defectus vel sunt in vita, vel post: si in vita, vel communes, vel particulares. Communes, vel interiores, ut fames, unde pascere; & sitis, unde potare: vel exteriores; & hoc vel respectu tegumenti, ad quod ponitur vestire nudum, vel respectu habitaculi, ad quod ponitur suscipere hospitem. Si autem particulares, aut ex intrinseca causa, ut infirmitas, ad quod est visitare, ad quod quidem reducitur & cæcum dirigere, & claudum sustentare, &c. aut ex causa extrinseca, ad quod redemptio captivorum; ac tandem si post vitam, sepultura. Quamvis enim Dominus non connumeraverit sepulturam, quia narravit tantum opera, quæ sunt evidentioris necessitatis; pertinet tamen ad defunctum, quid

ART. 2.

de ejus agatur corpore, tum quantum ad hoc, quod vivit in memoriis hominum, cujus honor dehonestatur, si insepultus remaneat; tum etiam quantum ad affectum, quem adhuc vivens habebat de suo corpore. *Secundum est*, quia contra spirituales defectus subvenitur vel poscendo auxilium à Deo, & ad hoc ponitur orare; vel impendendo humanum auxilium, & hoc aut contra defectum intellectus speculativi, ad quod est docere ignorantem, non quidem à quacumque ignorantia, sed ab ea, quā nescit quā convenit cum scire, quā scilicet ea est, quā ad hominis pertinet defectum, & sic non quilibet debet docere quemlibet: aut contra defectum practici intellectus, ad quod consulere; aut contra defectum ex passione appetitus, ut est tristitia, ad quod ponitur consolari; aut ex parte inordinati actus, & hoc vel ex parte peccantis, ad quod ponitur correctio, non quidem quantum ad executionem actus, utpote pertinentem ad justitiam, sed quoad intentionem corrigentis, quā spectat ad misericordiam; vel ex parte ejus, in quem peccat, ad quod ponitur remittere offendentem; vel demum respectu eorum, quā ex actu sequuntur, ad quod similiter portare onerosos, maxime cum ex infirmitate peccatur.

ART. 3. *Utrum eleemosyna corporales sint potiores, quàm spirituales. R. Negative*, non quod non præferatur in casu aliquo quædam corporalis eleemosyna alicui spirituali, sed ita quod simpliciter loquendo præminet spirituales corporalibus. *Primum est*, tum quia donum spirituale præminet corpora-

Hi: tum quia spiritus, cui subvenitur, nobilior est corpore: tum quia spirituales actus sunt corporalibus nobiliores. Vnde interdum quidem magis est grata eleemosyna corporalis, quam spiritualis: sed quia meritum dantis attenditur secundum id in quo debet rationabiliter quiescere voluntas accipientis, ideo non propterea minuitur meritum eleemosynæ spiritualis; sicut nec per recompensationem, quæ semper est in bonis spiritualibus, si non sit intentata, sicuti nec humana gloria minuit rationem virtutis. *Secundum est*, quia cum magis sit pascendus qui fame moritur, quam docendus; ideo secundum particularem aliquem casum nihil obstat præferri eleemosynam corporalem: in quo etiam sensu verificatur, melius esse dare magis indigenti, cæteris tamen paribus, puta si minus indigens non sit melior, nec melioribus indigeat.

Utrum eleemosyna corporales habeant effectum spirituales. R. Affirmativè, non quidem consideratæ secundum substantiam, sed ex parte vel causæ, vel effectus. *Primum est*, quia cum ex parte causæ habeat eleemosyna dilectionem Dei & proximi, ideo & ex hac parte fructum habet spirituales, juxta illud: Perde pecuniam propter fratrem, &c. Vnde & vidua apud Luc. licet minus dederit secundum quantitatem, quia tamen plus dedit secundum proportionem, ex quo in ipsa pensatur major dilectionis affectus, magis etiam dedisse dicitur. Sed insuper & ex parte effectus fructum similiter habet, utpote cum hic, cui subvenitur, moveatur ad orandum pro

ART. 4.

Eccl. 29.

Ecc. 19. benefactore, ut etiam scriptum est; & quidem quanvis det ea intentione, cum non propterea intendat emere aliquid spirituale, sed tantum per spiritualem charitatis affectum promereri spiritualem fructum. *Secundum est*, quia cum effectus non sit prior causa; ideo nec habet corporalis elemosyna secundum substantiam, nisi corporalem effectum, supplere scilicet corporales defectus proximi.

ART. 5. Vtrum dare elemosynam sit in precepto.

R. Affirmative, ita scilicet, quod sit materia precepti, quanvis sub precepto non cadens, nisi supponatur & superfluum ex parte dantis, & extrema necessitas ex parte recipientis. *Primum est*, quia cum dilectio proximi sit materia precepti, proindeque & ea omnia, sine quibus dilectio proximi non conservatur; ideo cum ad proximi dilectionem spectet non solum ut ei velimus bonum, sed etiam operemur subveniendo, seu nedum verbo, sed opere, & veritate; est consequenter elemosyna materia precepti contenta sub precepto de honorandis parentibus, sub quo scilicet continetur omnis subventio proximi. Vnde illud: Consilium meum de elemosyna tibi placeat, &c. non nisi extra casum necessitatis intelligitur; & quidem quanvis temporalia bona videantur esse ejus tantum, qui ea possidet; id enim solum verificatur quantum ad proprietatem, non autem quantum ad usum. *Secundum est*, quia cum non cadat elemosyna sub precepto, nisi quatenus actus virtutis, & consequenter secundum quod requirit recta ratio; ideo & in ea præcipienda considerari debet secun-

x. Joan. 3.

Daniel.
4.

Quest. XXXII. Artic. VI. 163

dum rectam rationem unum ex parte dan-
tis, scilicet ut id quod erogandum est, sit
superfluum respectu sui, & illorum quo-
rum incumbit cura, juxta illud: Quod su-
perest, date eleemosynam; quisque enim Luc. II.
prius sibi, & suis provideve debet: alterum
autem ex parte recipientis, scilicet quod
habeat necessitatem, non quamlibet, sed
talem, ut sine eleemosyna sustentari non
possit: in quo quidem casu, & pro quo
tempore mortaliter peccat qui non dat
eleemosynam.

Vtrum quis debeat dare eleemosynam de ART. 6.
necessario. R. Affirmative, non quidem ubi
necessarium dicitur, sine quo aliquid esse
non potest, sed sine quo non potest aliquid
ita convenienter esse. *Primum est*; quia
quanvis nullus inconvenienter vivere de-
beat, & ita dare eleemosynam taliter, quod
homo non convenienter vivat secundum
statum suum, possit esse peccatum; quia
tamen hujusmodi necessarii terminus non
est in indivisibili constitutus, sed multis
subtractis adhuc remanet unde quis vitam
transigat secundum proprium statum; ideo
de hujusmodi dare eleemosynam bonum
est, adeo ut cadat sub consilio, nec sit illi-
citur, præsertim in tribus his casibus. Pri-
mò quando quis statum mutat, putà per
Religionis ingressum, cum tunc omnia sua
propter Christum largiens opus perfectio-
nis faciat, se in alio statu ponendo. Secundo
quando necessaria illa quæ tribuit, possunt
de facili refarciri, ut non sequatur maxi-
mum inconveniens. Tertiò quando esset
aliqua extrema necessitas privatæ alicujus
personæ, aut aliqua necessitas magna Rei-

publicæ, utpote cū tunc non prætermittet decentiam sui status, nisi ut majori necessitati subveniret. *Secundum est*, quia cū hoc sit sibi, & suis vitam subtrahere; quando de his sit eleemosyna, sine quibus qui dar, vel sui sustentari non possunt; ideo de tali necessario fieri non debet, nisi casu quò subtrahendo sibi, daret alicui personæ, per quam Ecclesia, vel Respublica sustentaretur, eo quòd tunc non nisi commune bonum proprio præferretur, quod est laudabile.

Art. 7. *Utrum possit fieri eleemosyna de injustè acquisitis. R. Affirmativè*, non quidem ubi debetur alteri quod est illicitè acquisitum; sed ubi vel non debetur ei, à quo acquiritur; vel ubi solū acquiritur illicitè, quia illicitum est ex quo acquiritur. *Primum est*, quia ubi non debetur ei, à quo illicitè acquiritur, sicut contingit in simonia, in qua dans, & accipiens contra justitiam, seu legem agit, cū hoc ipso nec fieri debeat restitutio ei, qui dedit; ideo debet in eleemosynas erogari: sicut & ubi solū acquiritur illicitè, quia illicitum est ex quo acquiritur, ut in acquisitis per meretricium, utpote cū sic illicitè acquisita, quavis per turpe exercitium, non tamen sint injustè accepta, possintque retineri; & ita de his eleemosynæ fieri, esto quòd de his fieri non debeat sacrificium, sive oblatio, propter sacrorum reverentiam. *Secundum est*, quia cū eorum quæ alteri debentur, à quo per rapinam, vel usuram quis acquisivit, reneatur ad restitutionem, ideo non potest de his facere eleemosynam, & quidem quavis consulatur amicos facere

de mammona iniquitatis; id enim intelligitur, nonde rebus alienis, sed propriis divitiis, quæ scilicet iniquitates dicuntur, quasi inæqualitates, quod non sint omnibus æqualiter distributæ. Vnde cum lucrari in ludo ab illis, qui alienare non possunt, vel à furiosis, vel ab eo, quem ad ludum aliquis traxit ut fraudulenter lucraretur, sit illicitum ex jure divino, obligetque ad restitutionem, nec potest de hujusmodi acquisitis facere eleemosynam, nisi fortè lucratus sit ab eo qui eum traxit ad ludum, in quo casu cum qui amisit non sit dignus recipere, nec possit acquirens illud retinere, durante jure positivo universaliter prohibente talia lucra, debet proinde de illo eleemosynam facere. Cum quibus tamen stat, quod quia in extrema necessitate omnia sunt communia, liceatque patienti accipere de alieno ad suam sustentationem, si non est qui det; ideo & in hoc casu liceat de alieno eleemosynam facere, esto quod quantum fieri potest, requiri debeat voluntas Domini.

ART. 2.

Vtrum ille, qui est in aliena potestate constitutus possit eleemosynam facere. R. Negative, non quod non possit facere, si quid habeat quod potestati superioris non subicit; sed ita quod in quibus superiori subicitur, non aliter debeat dispensare, quam secundum quod ei committitur. *Ratio utriusque partis est,* quia cum hic sit ordo naturalis, ut inferiora, quæ talia sunt, secundum superiora regulentur; ideo si quid habeat inferior, in quibus superiori non subicitur, potest quidem de his eleemosynam facere, non tamen in aliis, in quibus

subjicitur, nisi secundum quod ei à superiore committitur. Vnde monachus, cum nihil proprii habeat, si non habeat dispensationem à Prælato, aut licentiam Abbatis expressam, vel probabiliter præsumptam, non potest eleemosynam facere de rebus monasterii, nisi in casu necessitatis: nec ideo est peioris conditionis, quandoquidem melius est cum intentione sequendi Dominum simul omnia donasse, & sine sollicitudine egere cum Christo: sed nec uxor, nec filiusfamilias, nisi in articulo necessitatis, aut in aliquo modico, de quo potest præsumi, quod viro, aut patri placeat, possunt eleemosynam facere ultra dispensationem commissam; si tamen uxor non alia habeat præter dotem, vel ex proprio lucro, vel alio licito modo; in quo casu tunc posset, sed tamen moderatè, ne vir depauperetur.

- ART. 9. *Vtrum sit magis propinquioribus eleemosyna danda. R. Affirmative*, ita quod in hoc etiam eleemosyna sit magis meritoria, quod propinquioribus magis provideamus; si tamen non sit sanctior, & communi bono magis utilior, qui magis indigentiam patiatur. *Primum est*, quia cum in hoc fervetur ordo charitatis, quod magis, simpliciter loquendo, propinquioribus provideamus; melius est enim, inquit Ambros. *In 1. de officiis.* ut ipse subvenias tuis, quibus pudor est ab aliis sumptum deposcere; ideo quantum ad meritum, quod habet eleemosyna ex radice charitatis, in hoc etiam est magis meritoria vitæ æternæ, esto quod non semper magis meritoria sit, secundum quod valet ex merito ejus cui donatur, qui scilicet

ecet orat pro eo, qui eleemosynam dedit: in quo quidem sensu loquitur Aug. dum ait: Qui sunt, qui æterna habebunt habitacula, nisi sancti Dei? Et qui sunt qui ab eis recipiendi sunt in tabernacula, nisi qui eorum indigentiz serviant? Vnde & ait idemmet alibi, quod qui sunt nobis magis conjuncti, quasi quadam sorte nobis obveniunt, ut eis magis providere debeamus, non quidem ut in peccato foveantur, juxta illud: Peccatorem ne suscipias; sed ut natura hominis in propinquo sustentetur. Cum quo tamen stat, quod quia misericordia non est propriè ad seipsum, nec etiam eleemosyna, nisi fortè ex persona alterius, putà cum aliquis distributor ponitur eleemosynarum, in quo casu potest & ipse sibi accipere, si indigeat, eo tenore, quo aliis ministrat. *Secundum est*, quia cum commune bonum sit particulari præferendum, ideò in hoc adhibenda est discretionis ratio, ut si sit multò sanctior, & ad commune bonum magis utilior, qui magis indigeat, ei potius subveniatur, maxime si non sit alius multum conjunctus, de quo scilicet nobis non immineat specialis cura.

Lib. de
verbis
Domini.

In 1. de
doctr.
Christ.

Eccle. 132

ART.
10.

Luc. 11.

Vtrum eleemosyna sit abundanter facienda. R. Affirmativè, & quidem ex parte dantis, dando scilicet secundum proportionem propriæ facultatis; & ex parte recipientis, ipsius indigentiam sufficienter supplendo. *Ratio utriusque partis est*, quia cum laudaverit Dominus viduam, quæ dedit quod habuit, ideò & est laudabile ex parte dantis, quod det secundum proportionem propriæ facultatis; servatis

pro
servatis

In i. de
offic.

tamen, quæ dicta sunt servanda in eleemosyna de necessariis. Cumque dare sic abundanter, ut detur ad superfluitatem, & superexcedendo necessitatem recipientis, non sit laudabile, ut insinuat Ambros. imò & Apost. dum ait, Non ut aliis sit remissio, idest ut alii de nostris otiosè vivant; non enim detur ulli eleemosyna ut luxurietur, sed ut sustentetur; ideo ea laudabiliter servatur, & servanda abundantia ex parte recipientis, non usque ad superfluitatem, cum tunc melius esset pluribus indigentibus elargiri; sed ut ejus suppleatur sufficienter indigentia.

IN QVÆSTIONEM XXXIII.

De correctione fraterna.

ARTI-
CVLVS
PRI-
MVS.

Vtrum fraterna correctio sit actus charitatis. & Affirmativè, si tamen dicatur fraterna correctio, non quæ peccato medetur, in quantum est in malum aliorum, sed quæ remedium adhibet, sicut malo cuidam ipsius peccantis. *Primum est*, quia cum remove alicujus malum sit ejusdem rationis, ac illius procurare bonum; & bonum procurare pertineat ad charitatem, ideo & charitatis est peccato mederi, ut est malum peccantis, adeo ut cum Glossa dicit fratrem esse arguendum ex zelo justitiæ, vel loquatur de altera correctione, vel accipiat justitiam, ut est universalis virtus; neque sit admonitio actus prudentiæ, nisi secundariò, quasi exequentis & dirigentis actum; sed charitatis principaliter, quasi imperantis, & quidem quanvis etiam charitatis sit ex Apost. supportare infirmos, utpote cui non opponitur correctio hæc fraterna, sed magis ex eo consequitur, utpote

Ad Gal.
6.

utpote cum supportet benevolentiam servando, ex qua consequenter satagit emendare. *Secundum est*, quia cum conservare rectitudinem unius ad alterum sit actus iustitiae, ideo & ad eam spectat correctio, quae peccato medetur, secundum quod alteri nocivum est, & in nocumentum communis boni.

Utrum correctio fraterna sit in praecepto.

ART. 2.

Et. Affirmative, non ita tamen quod quolibet loco vel tempore corrigendus sit frater delinquens, sed secundum quod est ad finem emendationis necessaria correctio. *Ratio utriusque partis est*, quia cum correctio fraterna non nisi in praecepto affirmativo esse possit; ideo non quolibet modo fieri debet, sed debitis servatis circumstantiis, scilicet ubi debet, quando debet, & quomodo debet: & quia in circumstantiis attendi praecipue debet ratio finis, & finis correctionis fraternae sit fratris emendatio; ideo & cadit sub praecepto (sub spe tamen divini auxilii, cum nemo possit corrigere quem Deus despexerit,) & quidem reducendo ad praeceptum de honoratione parentum, ad quod omnia reducuntur, quae pertinent ad impendendum aliquod beneficium proximo; sed tantum quantum est ad finem emendationis necessaria. Vnde & potest correctio omitti, vel meritorie, quando ex charitate fit, ut si timeat quis, ne deterior efficiatur; vel cum peccato mortali, ut cum quis praesumit de aliquo delinquente probabiliter, quod posset eum a peccato retrahere, & tamen praetermittit; vel cum peccato veniali, ut cum timor, vel cupiditas facit hominem tardiores ad cor-

Eccles.

170 *Quest. XXXIII. Artic. III. & IV.*
rigendum fratris delictum, quibus tamen
in animo suo præponit charitatem frater-
nam, quo quidem modo viri sancti negli-
gunt quandoque corrigere. Cum quo ta-
men stat, quod quia correctio fraterna est
beneficium, quod non debetur certæ per-
sonæ, sed universaliter omnibus proximis,
ideo nec oporteat quærere eos quibus im-
pendamus; sed sufficit ut eis impendamus
qui occurrunt.

ART. 3. *Vtrum correctio fraterna pertineat tantum
ad Prælatos. R. Negativè*, si tamen de cor-
rectione sit sermo, non quâ intenditur bo-
num commune puniendo, sed quæ monen-
do tendit specialiter ad delinquentem emen-
dandum. *Primum est*, quia cum huiusmodi
monitiva & emendativa correctio sit actus
charitatis; ideo & ad quemlibet spectat
charitatem habentem; & quidem quanvis
sit munus superioris, utpote cum etiam
qui habet sanum rationis iudicium, quo
possit alterum corrigere, quantum ad hoc
sit superior habendus, quanvis simpliciter
superior non sit, ut est Prælati. Vnde di-
cit quidam Hieron. quod studeant Sacer-
dotes, sive Prælati hoc præceptum imple-
re, quasi ad eos specialiter pertinens, quod
etiam Aug. dixit; non tamen dixit, quod
soli Sacerdotes, &c. *Secundum est*, quia illa
altera correctio est actus iustitiæ, & ideo
ad solos spectat Prælatos, qui quidem
non solum debent admonere, sed etiam cor-
rigere puniendo.

ART. 4. *Vtrum quis teneatur corrigere Prælatum
suum. R. Affirmativè*, non quidem per coër-
citationem pœnæ, sed in occulto, & reveren-
ter. *Primum est*, quia cum actus ex aliqua

potentia, vel habitu procedens se ad omnia extendat, quæ continentur sub objecto illius potentia, vel habitus; & correctio hujusmodi cum mansuetudine & reverentia contineatur sub objecto charitatis, idcō & ad unumquemque pertinet respectu cujuslibet personæ, ad quam charitatem debet habere, si in ea aliquid corrigibile inveniatur, juxta illud Aug. Non solum vestri, sed etiam Prælati miseremini; sed cum modo debito reverentiæ, secundum illud, Seniore ne increpaveris, utpote cum actus virtuosus debeat esse vestitus debitis circumstantiis. Vnde publicè quidem admonere excedit modum fraternæ correctionis, nisi quando immineret periculum fidei, in quo casu etiam Prælati publicè arguendi essent, sicut & Paulus qui erat Petro subditus, cum reprehendit: at in occulto reverenter admonere potest etiam is, qui non est par, & quidem etiam sine præsumptionis culpa; quandoquidem qui sic charitativè monet, non propter hoc se meliorem esse existimat, sed auxilium impertitur; imò nec præsumptuosum esset, si se solum æstimaret meliorem quantum ad hoc, esto quod superbix sit se simpliciter meliorem Prælato æstimare. *Secundum est*, quia correctio per coercitionem pœnæ est actus justitiæ, qui quidem non competit subdito respectu Prælati, sicut nec ei irreverenter objurgare, aut detrahere, ut etiam significatur per contactum montis, & Arcæ damnatum à Deo.

1. Timot.

5.

Exod. 19.

2. Reg. 6.

Utrum peccator debeat corrigere delinquentem. R. Negativè, non quòd peccet peccator, si cum humilitate corripiat, aut

ART. 5.

272 *Quest. XXXIII. Artic. VI.*

omnino eximatur à præcepto correctionis ; sed ita quod per accidens impediatnr, quia peccator, quin dignè corrigere possit. *Primum est*, tum quia tunc habet locum, si nimirum majus peccatum commiserit, dictum illud : Vides festucam in oculo fratris, &c. tum propter scandalum, quod ex correctione sequitur, quasi tunc facta non ex charitate, sed ex ostentatione, si peccatum corripientis sit manifestum : tum denique propter superbiam corripientis, in quantum propria peccata parvipendit, & in corde suo seipsum præfert proximo. Vnde ait Aug. Si invenerimus nos in eodem vitio esse, non objurgemus, & non illum ad obtemperandum nobis, sed ad pariter cavendum invitemus. *Secundum est*, quia cum peccatum non omnino tollat judicium rationis, ratione cujus correctio ad aliquem pertinet ; ideo nec ex peccato omnino eximimur à peccato correctionis, nec de novo peccamus si cum humilitate corripiamus, esto quod per hoc vel in conscientia fratris, vel saltem nostra pro peccato præterito nos condemnabiles ostendamus.

ART. 6. *Virum quis debeat à correctione cessare propter timorem, ne ille fiat deterior. R. Affirmativè*, loquendo scilicet de correctione non quæ ordinatur ad bonum commune per coactionem, sed quæ ad emendationem ordinatur delinquentis per admonitionem. *Primum est*, quia cum regulari debeant quæ sunt ad finem, secundum quod exigit ratio finis, qui quidem in præsentia est bonum delinquentis ; ideo ubi probabiliter existimatur, quod peccator admo-

Quest. XXXIII. Artic. VII. 173

nitioem non recipiet, sed ad pejora labatur, est à correctione desistendum, & quidem quanvis sit fraterna correctio sub præcepto, utpote cum talis non sit, nisi ut est actus virtutis, sub qua ratione debet proportionari fini. Vnde nec pertinet tunc ad veritatem vitæ, quæ ex Hieron. nec propter scandalum est dimittenda: sed nec ex hoc prætermittitur bonum, ne eveniat malum, cum in quantum impeditiva finis, jam non habeat rationem boni. *Secundum est*, quia per correctionem coactivam, licet sit quis incorrigibilis, tamen providetur bono communi, dum servatur ordo justitiæ, & exemplo unius alii deterrentur; & ideo quæ sic ad bonum commune per coactionem ordinatur, non debet dimitti propter perturbationem ejus, qui corripitur; sicut & medicus, cur assimilatur correctio Prælatorum, quæ vim habet coactivam, coactione quadam uti solet in phrenetico.

Vtrum in correctione fraterna debeat ex ART. 7.
necessitate præcepti admonitio secreta præcedere denuntiationem. R2. Affirmative, non quod non sint peccata publica publicè arguenda, vel etiam occulta, quæ in aliorum nocumentum sunt, corporale, vel spirituale; sed ita quod ubi solum attenditur, ut fratri peccanti subveniatur, debeat tunc secreta admonitio publicam denuntiationem præcedere. *Primum est*, quia sicut medicus corporalis sanitatem ægroto confert, quantum potest, sine alicujus membri abscissione, nec nisi ut vita totius conservetur, abscindit minus necessarium membrum: sic & debet quilibet ita studere,

174 *Quest. XXXIII. Artic. VII.*

emendationi fratris per secreteam admonitionem, ut fama ejus quantum fieri potest, conservetur, utpote tanquam peccanti utilis & quoad corporalia, & quoad spiritualia; quandoquidem timore infamiae multi à peccato retrahuntur, & infamati irrefrenatè peccant, ut Hieron. & Aug. dicunt; esto quod in levibus, quæ famæ non derogant, possint fieri proclamationes, ut fieri solent in capitulis Religiosorum. Vnde nec Dominus peccatum Iudæ publicavit, sed obscuris verbis cum admonuit, sicut & creditur Ioseph prius fratres suos secreto admonuisse; nec Petrus peccatum Ananiæ, & Sapphiræ publicavit nisi ut exequutor Dei, ad cujus divinum iudicium se habent peccata occulta, sicut publica ad humanum; unde & interdum statim punit, quanvis plerumque peccatores etiam secreta adinonitione arguat, interius inspirando: sed nec quando Prælati præcipit, ut sibi dicatur, quod quis sciverit corrigendum, aliter intelligitur, quàm salvo ordine correctionis fraternæ, cum contra præceptum domini non sit Prælato obediendum; adeò ut non possit aliquid de occultis præcipere, nisi prout per indicia quædam manifestantur, in quo casu potest etiam juramentum de dicenda veritate exigere. *Secundum est*, quia ubi peccata sunt publica, cum tunc oporteat remedium adhibere, ne alii scandalizentur, dum vident peccata impunè committi; ideò & tunc publicè sunt arguenda, ut dicit Paul. sed insuper & ubi sic occulta sunt, ut tamen sint in nocumentum proximorum, vel corporale, ut si quis velit civitatem tra-

In Matt.
18.
Epist.
137.

1. Ti-
mot. 5.

Quaest. XXXIII. Artic. VIII. 175

dere hostibus; vel spirituale, ut si hæreticus privarim homines à fide averteret, quæ quidem sunt statim denuncianda, cum talis non solum in te peccat, sed etiam contra multitudinem, seu communitatem; nisi tamen quis firmiter existimaret, per simplicem admonitionem se posse huiusmodi mala impedire.

Utrum testium inductio debeat precedere denunciationem publicam. R. Affirmative, ART. 3.
ita quod quantumcunque sit peccatum occultum, debeant prius induci, ubi non valet secreta admonitio; si tamen probabiliter aestimetur, posse illud ad emendationem fratris proficere. *Primum est*, quia cum ab uno extremo convenienter transeat per medium; & principium correctionis fraternæ debeat esse occultum, inter te & ipsum solum, ait Dominus; finis autem publicus, juxta illud, dic Ecclesiæ: ideo convenienter in medio ponitur inductio duorum, aut trium, utpote quod potest esse necessarium ad emendationem peccati fratris, esto quod homo non indigeat testibus ad emendationem peccati sui; & quidem nedum ad testificandum quod illud sit peccatum, aut ad convincendum de actu; sed etiam ad ostendendum, quod frater admonens fecit quod in se fuit. Vnde quod dicit Aug. in regula, Prius Præposito debet ostendi, non ibi sumit Præpositum quasi Ecclesiam, sed ut est singularis quædam persona, quæ magis prodesse potest. *Secundum est*, quia ut jam dictum est, secundum finem correctionis, à qua regulari debet correctio, totaliter à correctione cessandum est, ubi probabiliter

176 *Quest. XXXIV. Artic. I. & II.*
æstimatur, quod corrigendus reddatur
exinde deterior.

IN QVÆSTIONEM XXXIV.

De odio.

ARTI-
CVLVS
PRI-
MVS.

V*trum quis possit Deum odio habere.*
Re. Affirmativè, non quidem prout
apprehensum secundum essentiam, sed ut
apprehensum per effectus quosdam, sive
ut peccatorum prohibitor, & pœnarum in-
flictor. *Primum est*, quia licet non possit
Deus odio haberi, ut est author quorum-
dam effectuum, qui nullo modo possunt
esse contrarii voluntati humanæ, ut esse,
vivere, & intelligere; bene tamen ut pec-
catorum prohibitor, & inflictor pœnarum,
utpote cum cohibitio peccatorum per le-
gem divinam, & inflictio pœnæ per le-
gem divinam voluntati repugnent per pec-
catum depravatæ. Vnde convertit quidem
Deus omnia ad seipsum, ut est essendi
principium; sed hoc non impedit, quia
possint alia ab ipso avertere sub alia ratio-
ne. *Secundum est*, quia cum ipsa Dei essen-
tia sit ipsa bonitas, de cujus ratione est, ut
ametur, sicut & ipsa veritas; ideo nec potest
Deus per essentiã apprehensus odio haberi.

ART. 2. *Vtrum odium Dei sit maximum peccato-
rum.* *Re. Affirmativè*, ita quod unde habet
aversio à Deo esse culpabilis, maximè in-
veniatur in odio Dei, & quidem etiam
magis, quàm in infidelitate. *Primum est*,
quia cum id, quod est per se, sit semper
potius eo, quod est per aliud; & aversio à
Deo, ut voluntaria, in qua consistit de-
fectus culpabilis peccati, sit secundum se
in odio Dei, quandoquidem voluntas sicut
per se inhæret ei quod amat, sic per se re-

fugit id quod odit; in aliis verò peccatis non nisi quasi participativè, & per aliud, in quantum scilicet in aliquo, quod per se quærunt, ut est inordinata delectatio, est annexa averfio à Deo; ideo & maxime invenitur in odio Dei, unde habet averfio à Deo, seu defectus peccati esse culpabilis. Vnde & est odium Dei maxime peccatum in Spiritum sanctum, secundum quod hoc nominat speciale peccatum, esto quod inter ea non computetur, quia invenitur in omnibus; ira tamen quod quicumque odit pœnas, non propterea dicatur Deum odisse pœnarum authorem, sed solum qui in odio habet ipsam Dei justitiam, utpote cum multi odiant pœnas, qui tamen eas patienter ferunt ex reverentia divinæ justitiæ. Vnde & ait Aug. quod mala pœnalia Deus tolerari jubet, non amari. *Secundum* In 10.
Confess. *est*, quia cum culpabilis sit infidelitas, quia voluntaria, quod quidem provenit ex hoc, quod odit aliquis veritatem Dei quæ proponitur, & circa quam est fides; ideo & est ratio culpæ in infidelitate causata ex odio Dei, quod propterea est gravius, sicut & potior est causa, quàm effectus.

Utrum omne odium proximi sit peccatum? ART. 3.
R. *Affirmativè*, non quòd non possit sine culpa odio haberi quantum ad aliquid, vel aliqua; sed ita quod simpliciter accipiendo odium fratris, sit semper cum peccato. *Ratio utriusque partis est*, quia cum non dicatur, simpliciter loquendo, odium fratris, nisi quando ipsum odimus secundum naturam & gratiam, quæ à Deo habet, utpote cum hoc ipsum quod in fratre odimus culpam, & defectum boni, seu quod à

178 *Quaest. XXXIV. Artic. IV. & V.*
seipso habet, vel à diabolo, potius pertineat ad fratris amorem; ideo possumus quidem aliqua odire in proximo, putà in parentibus, quod nobis impedimentum præstent accedendi ad perfectionem, in detractoribus culpam, & in inimicis, quod nobis inimici sint, & contrarii, utpote quod ad eorum culpam pertinet, non ad Deum; non tamen dici possumus simpliciter odire fratrem sine peccato.

ART. 4. *Utrum odium proximi sit gravissimum peccatorum, quia in proximum committuntur. R. Affirmativè*, non quidem ex parte nocimenti illati ei contra quem peccatur, sed ex parte deordinationis ejus, qui peccat. *Primum est*, quia cum per odium deordinetur voluntas hominis, quæ est potissimum in homine, & ex qua est peccati radix; & si quid culpæ est in exterioribus peccatis, quæ contra proximum committuntur, totum sit ex interiori odio; ideo & est odium proximi ex parte deordinationis culpabilis gravissimum in hoc genere peccatorum. *Secundum est*, quia cum plus aliquis noceat proximo per homicidium, per furtum, per adulterium, &c. quam per interius odium; ideo & quantum ad nocumentum pejora sunt exteriora, quæ in proximum committuntur.

ART. 5. *Utrum odium sit vitium capitale. R. Negativè*, ita scilicet, quod non habeat odium rationem primi in destructione virtutis, quæ sit per vitia, sed magis rationem ultimi. *Ratio utriusque partis est*, quia cum sint vitia contra naturam hominis, ut est rationalis, & taliter quod paulatim destruant naturam, proindeque recedant pri-

mo ab eo, quod est minus secundum naturam; & postea ab eo, quod est maximè secundum naturam; ideo cùm odium ab eo recedat, quod est maximum, utpote quod opponitur dilectioni Dei, & proximi, quæ maximè est secundum naturam, nec habet per consequens rationem primi in destructione virtutis, quæ sit per vitia, sicut habet vitium capitale, ex quo scilicet frequenter alia oriuntur vitia; sed magis habet rationem ultimi, & quidem quantum sit charitas prima & principalissima virtutum, utpote quod ideo est, quia primum & principale in virtutibus oportet ut sit id, quod est primum, & principale in ordine naturali, quâ ratione non potest odium esse primum in vitiis. Vnde potest quidem odium mali, quod contrariatur naturali bono, seu veri mali, esse primum inter passiones animæ, sicut & amor naturalis boni; minimè tamen odium boni vitiosum, seu mali apparentis, quod æstimatur bonum propter corruptionem naturæ, utpote quod cùm attestetur corruptioni naturæ jam factæ, habet inde rationem ultimi.

Vtrum odium oriatur ex invidia. R. Affirmativè, non quòd non causetur ex ira dispositivè, & quoad augmentum; sed ita quod formaliter, & secundum rationem objecti causetur ex invidia. Primum est, quia cùm omne animal naturaliter fugiat tristitiam, sicut & diligit naturaliter delectationem; & ita sicut ex delectatione nascitur amor, sic ex tristitia nascatur odium, in quantum scilicet non nisi sub ratione mali, quod est objectum odii, appre- **ART. 6.**

henduntur ea, quæ nos contristant; ideo cum invidia sit de bono alterius invidia, ab ea directius, & secundum rationem objecti oritur odium, sed tamen proximi prius quam Dei, quandoquidem non potest Deus secundum se odio haberi, sicuti diligi, sed tantum in suis effectibus, & consequenter mediante eorundem odio. Cum quo tamen stat, quod adhuc fieri possit, quod tristitia causetur ex odio, ut odium ex tristitia, utpote cum in motibus appetitivæ virtutis, quia reflectitur supra suos actus, detur circulatio quædam.

IN QVÆSTIONE M. XXXV.

De aecidia.

ARTI-
CVLVS
PRI-
MVS.

V*trum aecidia sit peccatum. R. Affirmative, & quidem tum secundum se, tum etiam secundum effectum. Ratio utriusque partis est, quia cum tristitia semper sit mala secundum se, quando est de eo, quod est apparens malum, & verè bonum, ut est amare Deum; sitque secundum effectum mala, si ita hominem aggravat, ut totaliter à bono opere retrahat; ideo cum aecidia sit huiusmodi, utpote quæ est de spirituali bono, quod semper est verè bonum, animamque deprimit, ut nihil ei agere libeat, ut definit Damasc. est consequenter aecidia ita dupliciter mala, & quidem quavis passiones ex se non sint peccata, quandoquidem sicut laudantur, si applicantur bono, quo modo tristitia de malo moderata est laudabilis; sic & vituperantur si applicantur malo, & ita vituperabilis est tristitia, sive sit de bono, sive immoderata de malo. Vnde quod quis bona à Deo accepta contemnat, ex quo oritur aecidia, id*

Lib. 2.
cap. 14.

ad humilitatem non pertinet, sed potius ad ingratitudinem; quandoquidem de his tristamur, quæ quasi mala & vilia reputamus: nec quod certis horis accidere soleat acedia, ut notat Cassian. tollit ab ea rationem peccati, cum possit contingere, quod secundum aliquas transmutationes corporales certis temporibus provenientes, nos aliqua peccata magis impugnent, & sic contingit in acedia, quæ propterea semper est fugienda, sicut & peccatum, quanvis non ita quod ejus vincenda sit impugnatio fugiendo, sed magis resistendo; utpote cujus continua cogitatio potius tollit incentivum peccati, ad differentiam luxuriæ, & aliorum, quorum cogitatio continua cum augeat peccati incentivum, ideo & eorum impugnatio vincenda potius est fugiendo.

Lib. 10. de
de insti-
tutis
monast.

Utrum acedia sit speciale vitium. R. Affirmative. non quod omnis tristitia de spiritali bono quomodocumque sumpto sit speciale vitium, sed ita quod tristari de bono, de quo charitas gaudet, pertineat ad speciale vitium, quod acedia vocatur. *Primum est*, quia cum ad charitatem pertineat specialiter illud gaudium spirituale, quo quis gaudet de bono divino; ideo & tristari de bono divino, de quo charitas gaudet, pertinet ad speciale vitium, quod quidem acedia vocatur, quæ tali opponitur gaudio, ad differentiam pigræ, quæ potius sollicitudini opponitur. *Secundum est*, quia nec tristitia de bono spiritali in communi, quod est in actu singularum virtutum, pertinet ad speciale vitium, sed ad omnia vitia; quandoquidem quodlibet

ART. 2.

vitium refugit spirituale bonum virtutis oppositæ : sed nec est vitium speciale , ut est de spirituali bono , prout laborioso , aut molesto corpori , vel delectationis ejus impeditivo ; quia sic non distingueretur accidia à vitiis carnalibus , quibus aliquis quietem , & delectationem corporis quærir.

ART. 3. *Vtrum accidia sit peccatum mortale.* *Re. Affirmativè* , ita scilicet quod secundum genus suum mortale sit , quanvis non ita , quod omnis acediae motus sit mortalis. *Primum est* , quia peccatum illud ex suo genere mortale est , quod charitati contrariatur , quæ vitam præbet , qualis quidem est accidia , utpote quæ tristitia est de bono spirituali , ut est divinum , quæque propterea contrariatur præcepto de sanctificatione Sabbathi , in quo , ut est morale , præcipitur quies mentis in Deum. Vnde nec est peccatum acediae , cum quis tristatur , quod aliquis cum cogat implere opera virtutis , quæ facere non tenetur ; sed solum quando contristatur in his , quæ ei imminet facienda propter Deum. *Secundum est* , quia cum peccatum humanum , quanvis mortale ex genere , non sit tamen mortale , nisi suum habeat complementum , scilicet rationis consensum ; ideo erit quidem accidia peccatum mortale , si sit cum consensu rationis , carne contra spiritum omnino prævalente ; non tamen si sit in sola sensualitate , propter repugnantiam carnis ad spiritum , ut quandoque contingit in viris sanctis ; in quibus propterea veniales tantum sunt tales motus.

ART. 4. *Vtrum accidia debeat poni vitium capi.*

Quaest. XXXV. Artic. IV. 183

tale. R. Affirmativè, ita quod promptum sit, ut ex eo alia orientur vitia secundum rationem causæ finalis, & quidem quæ assignat Gregor. malitia, rancor, pusillanimitas, desperatio, torpor circa præcepta, evagatio mentis circa illicita. *Primum est*, quia cum homines multa ob tristitiam operentur, vel ut eam evitent, vel ejus pondere in aliqua agenda prorumpentes; ideo & talis est acedia, quod ex ea, ut ex vitio capitali alia orientur vitia secundum rationem causæ finalis; tristitia namque, quanvis impediat ab operibus, quæ tristitiam causant, ad illa tamen inducit agenda, quæ sunt tristitiæ consona, vel per quæ tristitia vitatur. *Secundum est*, quia cum homo per acediā recedat à contristantibus, & transeat ad ea quæ delectant, proindeque primò fugiat contristantia, deinde impugnet quæ tristitiam ingerunt; & rursus spiritualia bona, de quibus tristatur, sint vel finis, vel ea, quæ sunt ad finem; ideo meritò ponitur inter acediæ filias tum desperatio, quæ sit fuga finis; tum pusillanimitas, quæ fugiuntur bona, quæ sunt ad finem, quantum ad ardua, quæ consiliis subsunt; tum quantum ad ea, quæ pertinent ad communem justitiam, torpor circa præcepta, ad quam etiam reducuntur otiositas & somnolentia, quas ponit ibidem. Cumque impugnatio contristantium aut sit circa homines inducentes ad spiritualia, & est rancor, cujus amaritudo est effectus; aut circa spiritualia bona, & est malitia, quæ propterea non accipitur hic, ut genus vitiorum, sicut nec rancor pro odio; & præter hæc omnia etiam ponenda sit eva-

Lib. 17.
moral.
cap. 31.

Lib. de
summo
bono.

gatio mentis circa illicita, prout scilicet homo se per acediam transfert à spiritalibus ad delectabilia exteriora, ad quam etiam reducuntur importunitas, inquietudo corporis, instabilitas, verboritas, & curiositas; ideò convenienter ponuntur acedie filie, quæ à Greg. assignantur.

IN QVÆSTIONEM XXXVI.

De invidia.

ARTI-
CVLVS
PRI-
MVS.

V*trum invidia sit tristitia. R. Affirmative, non quòd omnis tristitia de bono alieno invidia sit, sed ita quòd non sit invidia nisi tristetur invidus de alieno bono, ut apprehenso sub ratione diminutivi gloriæ, ut malo proprio. Ratio utriusque partis est, quia cum tristitiæ objectum sit malum proprium, & de bono alieno tanquam de malo proprio possit quis tritari, sicut de exaltatione inimici, in quantum ex hoc imminet nocumentum, vel in quantum est diminutivum propriæ gloriæ, aut excellentiæ; ideò cum tristitia priori modo sumpta non sit invidia, quam tamen ponit Damasc. tristitiæ speciem, sed magis timoris effectus, est consequenter invidia tristitia de alieno bono, sed prout apprehenso sub ratione diminutivi excellentiæ, ut malo proprio. Vnde & de similitudine, quanvis delectationem causet, prout concordat voluntati, potest esse tristitia, prout scilicet homo invidet his, qui sunt propinqui, quibus, ad differentiam aliorum multum distantium, se nititur æquare, vel præferre: imò & memoria præteritorum bonorum, licet in quantum fuisse habita, delectet; in quantum tamen amissa sunt, tristitiam causat, sicut & in quantum ab*

In 1.
Rhetor.
cap. 3.
lib. 1.

Quest. XXXVI. Artic. II. 185

aliis habentur, invidiam. Vnde senes in-
vident junioribus, ex Phil. sed alia de causa
ab amatoribus honoris, qui deo sunt ma-
gis invidi, quia frustrari vident conatus
suos propter excessum gloriæ alterius; si-
cut & pusillanimes, quatenus omnia repu-
tant magna, & in omnibus se superari exi-
stimant.

In 2.
Rhetor.
cap. 10.

Vtrum invidia sit peccatum. R. Affirma- ART. 2.

tivè, non quòd omnis tristitia alienorum
bonorum peccatum sit, sed ita quod pro-
ut invidiam propriè nominat, sit semper
mala. *Primum est*, quia tristitia illa pro-
priè est invidia, quæ scilicet quis tristatur
in quantum excedit proximus ipsum in bo-
nis, quod quidem semper est pravum, cum
doleat de eo, putà de bono proximi, de
quo est gaudendum; & quidem quavis
tristitia illa sit quædam pœna, utpote cum
nihil prohibeat, quod pravum aliquod
peccatum ratione alicujus adjuncti sit pœ-
nale. *Secundum est*, quia nec tristitia de bo-
no alicujus, prout ex eo timetur nocumen-
tum, vel sibi ipsi, vel aliis, est semper pec-
catum, ut dictum est, & ex Greg. patet;

Lib. 12.
mor. c. 12.

sed nec tristitia, quæ est de bono alterius,
non quòd ipse illud habeat, sed quia no-
bis deest, quæ quidem vocatur ab Arist.
zelus, vel æmulatio; sicut & nemesis, quan-
do tristatur quis de bono alterius, in quan-
tum qui illud habet est eo indignus: hujus-
modi namque zelus si sit circa bona hone-
sta, est potius laudabilis, ut patet ex Pau-
lo, unde & dari potest bonus zelus, non bo-
na invidia: cum quo tamen stat, quod
etiam tristitia nemesis, licet alia ab invi-
dia, prohibeatur secundum fidem, utpote

1. Chor.
14.

ex qua credituri sumus, quod bona illa temporanea etiam indignis ex iusta Dei ordinatione proveniunt, vel ad eorum correctionem, vel ad eorundem damnationem.

ART. 3. *Vtrum invidia sit peccatum mortale.* *R. Affirmativè*, non quod non inveniantur intra genus invidiæ motus aliqui veniales, sed ita quod ex suo genere, seu ratione objecti sit mortalis. *Primum est*, quia ex ratione objecti, unde sumitur genus peccati, contrariatur invidia charitati, à qua habetur vita; quandoquidem gaudet hæc de bono proximi, illa autem de eodem tristatur. Unde falsum est, contrariari solum nemesei, quæ est passio, cum etiam charitati, imò & misericordiæ directè opponatur, utpote cum misereatur misericors de malo proximi, & invidus de illius tristetur bono. *Secundum est*, quia etiam in viris perfectis inveniantur aliqui primi motus invidiæ, qui cum sint in sensualitate tantum, sive consensu rationis, sunt tantum veniales; imò & aliquando omnino sine peccato, testante Augustino se aliquando vidisse zelantem puerum, qui nondum loquebatur, & tamen intuebatur pallidus amaro aspectu collactaneum suum.

ART. 4. *Vtrum invidia sit vitium capitale.* *R. Affirmativè*, ita quod ex invidia æquè ac ex acedia alia de facili oriantur vitia; & quidem à D. Gregor. convenienter assignata. *Primum est*, quia cum invidia sit tristitia de bono proximi, sicut acedia de bono spiritali divino; ideo cum sit acedia ex eo vitium capitale, quatenus ex eo movet ad quædam alia facienda; sic similiter & invidia, quæ quidem etiam annumeratur

Lib. II.
Moral.
cap. II.

Quaest. XXXVII. Artic. I. 187

inter gravissima peccata, ut invidia fraternæ gratiæ, quæ est peccatum in Spiritum sanctum. Cum quo tamen stat, quod adhuc oriri possit ex inani gloria, utpote cum sufficiat ad vitium capitale, ut habeat aliquam principalem rationem producendi ex se multa genera peccatorum. *Secundum est*, quia cum in conatu invidiæ sit aliquid tanquam principium, & aliquid tanquam medium, & aliquid tanquam terminus: principium quidem, ut minuat gloriam alterius, vel in occulto, & sic susurratio; vel manifestè, & sic detractio: medium, quatenus vel potest diminuerè, & sic exultatio in adversis; aut non potest, & sic afflictio in prosperis, quæ propterea duo sunt non invidia, quæ potius est tristitia de bonis proximi, ut habent gloriam quandam, sed filiæ invidiæ: terminus denique, qui est in ipso odio; ideò convenienter assignantur hæc quinque pro filiabus invidiæ.

IN QVÆSTIONEM XXXVII.

*De peccatis quæ opponuntur paci: &
primò de discordia.*

V*trum discordia sit peccatum. R. Affirmativè; si tamen sit per se discordia, non autem solum per accidens. Primum est*, quia discordia est per se dicta, quâ scilicet quis scienter, & ex intentione dissentit à bono divino, & bono proximi, in quo debet consentire; quæ quidem cum sit contraria charitati, cujus est corda in unum unire, ideò & est ex suo genere peccatum mortale, licet non nisi venialia sint primi motus. Voluntas namque proximi licet ex se non sit regula voluntatis nostræ, bene tamen in quantum adhæret voluntati

ARTI-
CVLVS
PRI-
MVS.

atati 116.

divinæ; unde sic ei dissentire est peccatum. Ita tamen quod discordiam causare, per quam mala concordia tollitur in mala voluntate, sit potius laudabile, quomodo Paulus induxit ad dissensionem, & sic etiam intelligitur illud, Non veni pacem mittere, sed gladium. *Secundum est*, quia dicitur discordia per accidens, seu præter intentionem circa bonum divinum, & bonum proximi, eum quis existimat illud esse bonum, alius verò contrà: quod quidem peccatum non est, nec repugnans charitati, nisi sit cum errore, & pertinacia circa ea quæ sunt de necessitate fidei. Vnde & inter Paulum & Barnabam talis fuit discordia; quandoquidem uterque bonum intendebat, nec erat de his, quæ sunt de necessitate salutis; præterquam quod id factum fuit ex divina providentia, propter utilitatem inde consequentem.

*Ad Cor. 13.
Matth.
10.*

RAT. 2. Vtrum discordia sit filia inanis gloriæ. R. Affirmative, non quod non oriatur ab invidia ex parte termini, à quo recedit; sed ita quod ex parte termini ad quem attendit principaliter, sit ab inani gloria. *Primum est*, quia cum importet discordia quandam disgregationem voluntatis, in quantum quisque quæ sua sunt, præfert his quæ sunt aliorum; & hoc quod est sua præferre, quod principaliter intendit discordans, cum inordinate sit, pertineat ad superbiam, & inanem gloriam; ideo & ex parte ejus quod intendit est filia inanis gloriæ, & quidem quanvis rixa causeatur ex ira; nec enim est idem cum discordia, utpote cum consistat in exteriori opere, discordia autem in disjunctione mo-

Quest. XXXVIII. Artic. I. 189

tuum voluntatis, quam facit inanis gloria. Vnde nec est discordia capitale vitium, quanvis ex ea res maximè dilabantur, utpote quod ad proprium effectum discordiæ pertinet, quæ est divisio voluntatum; non autem ad originem diversorum vitiorum à discordia, per quod habeat rationem vitii capitalis. *Secundum est*, quia quod in discordia consideratur ut terminus à quo, est recessus à voluntate alterius, quod quidem causatur ab invidia, juxta illud Aug. Livor separat, charitas jungit.

*Traç. 11.
in Ioan.*

IN QVÆSTIONEM XXXVIII.

De contentione.

V*trum contentio sit peccatum mortale.*
R. Affirmativè, si tamen accipiatur contentio, non pro impugnatione falsitatis cum modo debito acrimoniæ, sed pro veritatis impugnatione cum confidentia clamoris, ut definit Ambrosius. *Primum est*, quia contentio, quæ contrarietatem importat in loquutione, & quidem vel quantum ad intentionem, vel quantum ad modum, cum contrarietur præcepto Apostoli qui eam prohibet, & inter opera carnis numerat, quando scilicet sumitur ut importat impugnationem veritatis modo inordinato, ideo & est tunc peccatum mortale, est quod non semper mortalis sit, quando solum sumitur pro acrimonia loquutionis, vel pro disputatione ad inquirendam veritatem, qualis fuit contentio Iob cum Deo. Vnde nec mortalis fuit contentio inter discipulos Domini, quippe quæ non erat cum intentione impugnandi veritatem, sicut nec talis est contentio Catholicorum contra hæreticos, licet esse

**ARTI-
CVLVS
PRIMI
MVS.**

inordinata, quatenus de eo esset, de quo non debeat, scilicet de primatu honoris. *Secundum est*, quia licet contentio, ut est impugnatio falsitatis, possit esse venialis, si fiat modo indebito, sicut & ut est oratio ad confirmandum & confutandum accomodata, si excedat convenientiam personarum, & negotiorum; imò & possit esse mortalis, si tanta fiat inordinatio, ut generet scandalum: est tamen laudabilis, si fiat modo debito, poniturque ut est oratio color Rhetoricus, si conveniat personis, & negotiis. Ita tamen, quod non propterea gauderet Apostolus de contentione prædicantium, sed de fructu, qui ex hoc proveniebat, ut ex malis occasionaliter sequuntur bona.

Tullius
in 1. Rhetor.
tor.

ART. 2. *Utrum contentio sit filia inanis gloria.*
R. *Affirmativè*, non quòd non habeat, sicut & discordia, affinitatem aliquam cum invidia; sed ita quòd quantum ad id, in quo principaliter sistit, oriatur non minus quàm discordia ab inani gloria. *Ratio utriusque partis est*, quia cum fiant, & dicantur contententes, non quidem ex clamore, qui non est principale in contentione, unde nec oportet, ut si clamor oriatur ex ira, quòd etiam contentio; sed ex hoc, quòd unusquisque id quòd sibi videtur, verbo defendit; sicut & aliqui sunt discordantes ex hoc quòd stant corde in propriis; ideo sicut discordia est filia inanis gloriæ, quantum ad principale in quo sistit, licet affinitatem habeat cum invidia, quantum ad recessum ejus à quo quis discordat, ita & contentio; ita tamen, quòd nihil obstat, quòd contentio sæpe oriatur ex defectu

Quæst. XXXIX. Artic. I. 191

Scientiæ, ex quo ortum habet inanis gloria, utpote cum nihil prohibeat, ut quæ ex superbia, vel inani gloria per se oriuntur, causentur ex contrariis eorum, ex quibus occasionaliter superbia oritur, ut cum quis de humilitate superbit.

IN QUESTIONEM XXXIX.

De schismate.

V*trum schisma sit peccatum speciale.* ARTI-
CULVS
P R I-
MVS.
Æ. Affirmativè, ita scilicet, quod id quod est per se in schismate, seu ex intentione, sit aliud quid ab eo, quod est in aliis peccatis communiter intentum; imò & aliud ab eo, quod principaliter intenditur in hæresi. *Primum est*, quia cum dicantur schismatici, qui propria sponte subesse renuunt summo Pontifici, & membris Ecclesiæ ei subjectis recusant communicare, utpote cum dicatur schisma ab unitatis scissura, quam facit charitas, quæ non solum alteram personam alteri unit, sed etiam totam Ecclesiam in unitate spiritus; quæ quidem Ecclesiæ unitas attenditur & in connexionem membrorum ad invicem, & in ordine omnium ad unum caput, quod est Christus, cujus vicem gerit summus Pontifex; ideo & habet schisma per se, & directè opponi unitati Ecclesiæ, quod non habent alia peccata, cum nec divisio hominis à Deo per peccatum sit per se intenta à peccante; nec omnis qui præceptis Ecclesiæ non obedit, id faciat cum pertinacia, recusans cum rebellionem ipsius subire iudicium, in quo solum casu schismaticus est qui inobedit. *Secundum est*, quia licet nullum sit schisma, quod ex fine operantis non sibi aliquam contingat hæresim,

192 *Quaest. XXXIX. Artic. II.*

ut sic schismaticus rectè ab Ecclesia recessisse videatur; nihilominus per se loquendo, & ex fine ipsius peccati, in hoc est hæresis, quod perversum dogma habet in fide, schisma autem quod ab Ecclesiæ communione & unitate separat: unde & aliud quid dicit ab hæresi, adeò ut omnis quidem hæreticus sit etiam schismaticus, non tamen omnis schismaticus est hæreticus.

ART. 2. *Vtrum schisma sit gravius peccatum infidelitate. R. Negativè*, non quòd non possit quidam schismaticus gravius peccare, quàm quidam infidelis; sed ita quod peccatum infidelitatis ex suo genere, sive ex objecto sit gravius schismate. *Primum est*, quia cùm peccatum, quod majori bono contrariatur, sit ex suo genere gravius, sive ex objecto; & infidelitatis contrarietas sit circa ipsum Deum, ut est in se veritas prima; schisma verò circa Ecclesiasticam unitatem, quæ est bonum participatum, & minùs quàm ipse Deus, adeò ut schisma, sicut & alia peccata, quæ fiunt in proximum, non opponantur charitati, nisi quantum ad secundarium bonum; ideò & est schisma minùs grave ex parte objecti, & simpliciter loquendo, quàm infidelitas; estò quod inter peccata, quæ fiunt in proximum, schisma, utpote oppositum bono spirituali multitudinis, sit etiam maximum. Vnde fuit quidem peccatum schismatis quandoque gravius punitum in populo Hebræo, sed quia erat ad schismata pronus, non quòd esset majus peccatum. Quia enim pœnæ sunt medicinæ, ideò ubi est major ad peccandum pronitas, debet ibi adhiberi severior pœna. *Secundum est*, quia

Quest. XXXIX. Art. III. & IV. 193

quia vel propter majorem contemptum, vel propter majus periculum, quod inducit, &c. potest contingere quod aliquis schismaticus gravius peccet, quam quidam infidelis.

Vtrum schismatici habeant aliquam potestatem. R. Habere quidem sacramentalem ART. 3.

potestatem, quantum ad essentiam, non tamen jurisdictionalem, vel etiam sacramentalem, quoad usum legitimum. *Primum est*, quia cum potestas dicatur sacramentalis, quæ per consecrationem confertur, & Ecclesiæ consecrationes id habeant, quod sint immobiles, manente re, quæ consecratur, quod etiam patet in Altari semel consecrato, quandiu manet; ideo & quandiu vivit homo, sive labatur in schisma, sive in hæresim, tandiu potestatem habet sacramentalem quoad essentiam, & valorem, adeo ut si schismatici sua utantur potestate, effectum validè producant in sacramentalibus, ubi non requiritur jurisdictio, utpote in quibus non operatur homo, nisi sicut instrumentum Dei. *Secundum est*, quia potestas jurisdictionalis, cum ex simplici hominis injunctione conferatur, non adhæret immobiliter, sicut altera; unde nec manet in schismaticis, & hæreticis, qui propterea nec excommunicare possunt, nec absolvere, nec indulgentias facere; proindeque nec etiam licitè uti sacramentali potestate, ut insinuat Cyprianus, utpote cum potestas inferior non debeat exire in actum, nisi secundum quod à superiori potestate movetur, ut etiam patet in rebus naturalibus.

Vtrum sit conveniens pœna schismaticorum ART. 4.

ut excommunicentur. R. Affirmativè, ita, scilicet, quod ea ex parte, quâ se à communione separant, conveniat quidem excommunicari, non tamen semper sufficiat. Ratio utriusque partis est, quia cum per quæ peccat quis, per ea debeat puniri; & schismatici peccent, tum quia separant se à communione membrorum Ecclesiæ, tum etiam quia subdi recusant capiti Ecclesiæ; ideo convenienter quidem excommunicantur, non ut magis segregentur, sed ut de sua separatione confusi, quandoque ad poenitentiam reducantur: unde nec licet à schismaticis recipere Baptismum, nisi in articulo necessitatis, quatenus melius est ex hac vita cum signo Christi exire, à quocumque detur; non tamen semper ex hoc puniuntur sufficienter, sed & quandoque potestate temporalis sunt coercendi, sicut & ipsi recusant se potestati subdere; & hoc maximè, quia pœnæ præsentis vitæ sunt medicinales; sicque quando una non sufficit, superaddi debet & altera.

IN QVÆSTIONEM XL.

*De bello.*ARTI-
CVLVS
PRI-
MVS.

V*trum bellare sit semper peccatum. R. Negativè, ita tamen quod ut iustum sit, tria requirantur, autoritas scilicet Principis, tum causa legitima, sed insuper intentio bellantium recta. Primum est, quia cum privatæ personæ debeant jus suum in iudicio superioris prosequi, & aliunde commissæ sit Principi cura reipublicæ, quam quidem etiam materiali gladio tueri debet contra interiores perturbaciones, juxta illud Apost. Non sine causa gladium portat; necnon & ab exterioribus*

Rom. 13.

hostibus, juxta illud Psalmi, Eripite pauperem, & de manu fortiorum liberate; ideo ut bella, quæ quidem, inquit Aug. christiana disciplina non omnino culpat, justa sint, adesse debet primò authoritas Principis, cujus mandato bellum geratur. Quod etiam confirmatur ex illo, Omnis qui acceperit gladium gladio perebit; utpote quod de illis intelligitur, qui nulla superiore, aut legitima potestate jubente, vel concedente, in sanguinem alicujus arman-
 tur, quique semper gladio percunt, quatenus pro peccato gladii æternaliter puniuntur, nisi eos poeniteat. Vnde nec sunt universaliter prohibita exercitia hominum ad res bellicas spectantia, sed tantum inordinata, & periculosa, ex quibus sequuntur occisiones, &c. *Secundum est*, quia etiam requiritur, ut justa sint bella, ut scilicet illi, qui impugnantur, propter aliquam culpam impugnationem mereantur, in quo est causa legitima. Iusta namque bella, inquit Aug. definiri solent, quæ injurias ulciscuntur, vel vindicando quod improbè factum est, vel reddendo quod per injuriam ablatum est; cui per consequens non contrariatur illud Christi, Non resistite malo; vel illud, Non vos defendentes, &c. utpote quæ in præparatione animi servanda sunt, non autem quando aliter agendum est propter commune bonum, vel etiam illorum cum quibus pugnatur. *Tertium est*, quia cum paci non contrarietur justum bellum, quandoquidem qui bella gerunt, pacem intendunt; bellum enim geritur, ut pax acquiratur: ideo & ulterius requiritur intentio bellan-

Psal. 81.

Matt. 16.

Lib. 8, q. 1

Match. 5

Rom. 12

Lib. de
verb.
Domini.
Lib. 22.
contra
Faustum.
ART. 2.

tium recta, scilicet ut bonum promoveatur, & malum viteretur, ut scribit Aug. non autem propter nocendi, & ulciscendi cupiditatem, in quo casu etiam si alia duo adessent, esset tamen bellum illicitum, ex eodem Augustino.

Vtrum Clericis, & Episcopis sit licitum bellare? *By. Negativè*, non quòd nò pertineat ad clericos disponere, & alios inducere ad bellandum; sed ita quòd bella gerere ad sanguinis effusionem omninò non congruat personæ, seu officio clericorum. *Primum est*, tum quia habent exercitia illa bellica maximam inquietudinem, unde multum impediunt animum à contemplatione divinorum, à Dei laude, & oratione pro populo: tum etiam, quia omnes clericorum Ordines ad altaris ministerium ordinantur, in quo quidem sub Sacramento repræsentatur passio Christi: unde proinde sit, eis non licere sanguinem fundere, sed magis paratos esse ad sui sanguinis effusionem pro Christo. Qua etiam de causa fuit institutum, ut effundentes sanguinem, quanvis sine culpa, sint tamen irregulares ad Altaris officia. Vnde possunt quidem Prælati, & clerici autoritate superioris interesse bellis, non tamen ut pugnent; & si qui faciunt, abusus est, quandoquidem sunt ad opera deputati magis meritoria, quàm sit quandoque meritorium bellum; sed ut justè pugnantibus spiritualiter subveniant: unde & olim Sacerdotes sacris buccinis in bello clangebant. Nec enim Prælati clerici aliter debent resistere, sive interficientibus gregem, sive etiam raptoribus, & tyrannis materialibus armis, sed

Quest. XL. Artic. III. & IV. 197

spiritualibus, ut ait Paulus. *Secundum est*, quia cum bella iusta referantur tanquam ad finem in bonum spirituale, cui clerici deputantur, ideo & ad ipsos pertinere potest alios ad ita bellandum disponere, quandoquidem omnis potentia, ars, vel virtus, ad quam pertinet finis, debeat de his disponere, quæ sunt ad finem.

2. Chor.
10.

Verum sit licitum in bellis nisi insidiis. ART. 3.

R. *Affirmativè*, non quod liceat hostibus falsa dicere, aut non servare promissa; sed ita quod occultare liceat quæ parantur ad impugnandum. *Primum est*, quia sicut in doctrina sacra multa sunt occultanda infidelibus, ne detur sanctum canibus: ita & multò magis ea sunt occultanda, quæ parantur ad impugnandos hostes; quod quidem pertinet ad rationem insidiarum. Vnde & inter cætera militaria documenta hoc ponitur, de occultandis insidiis: & mandavit Dominus Iosue, ut insidias mitteret habitatoribus civitatis. Neque enim huiusmodi insidiæ propriè vocantur fraudes, sine mendacia in factis, cum hoc sit solum eis propositum, aut intellectum nostrum non aperire; sed nec iustitiæ repugnant, aut ordinatæ voluntati, cum potius esset inordinata voluntas, si vellet aliquis nihil sibi ab inimicis occultari. *Secundum est*, quia ut dicit Ambrosius, sunt quædam bellorum jura, & fœdera, etiam inter ipsos hostes servanda, quæ quidem in hoc principaliter esse debent, quod eis non dicatur falsum, & servetur promissum.

Iosue 9.

Lib. 1. de
offic.
cap. 29.

Verum liceat diebus festis bellare. R. *Affirmativè*, ita quod pro tuitione reipublicæ fidelium id liceat, si tamen exposcat ne-

ART. 4.

cessitas. *Primum est*, quia cū observatio festorum non impediat ea, quæ ordinantur ad hominis salutem, etiam corporalem, & ideo Christus sanavit in Sabbatho; multo minus impediet ea, quæ pertinent ad salutem reipublicæ, qualia sunt præfata bella, quæ scilicet ad pacem, & bonum commune ordinantur. Imò hoc esset Deum tentare, si quis necessitate existente non bellaret; unde & Iudæi id laudabiliter fecerunt.

Lib. 1. *Secundum est*, quia cū festa sint ordinata
Machab. ad vacandum divinis, ut Scriptura docet,
cap. 2. ideo cessante necessitate bellare non licet.
Exod. 20. Vnde & ab Isaia reprehenduntur qui in die-
Cap. 58. bus festivis repetunt debita.

IN QUESTIONEM XLI.

De rixa.

ARTI- **V**trum rixa sit semper peccatum. *Re. Af-*
CVLVS *firmativè*, & quidem mortale in eo,
PRI- qui invadit injustè; non tamen semper
MVS. mortale in eo, qui se defendit, imò nec
semper veniale. *Primum est*, quia cū rixa
sit quoddam privatum bellum inter perso-
nas privatas, non ex publica auctoritate,
sed ex inordinata voluntate, importans
contradictionem in factis, quando ex ira
Ad Gal. 5. invicem se percutiunt, ut ait Glossa; &
inferre hoc modo nocumentum proximo
sit peccatum mortale ex parte invadentis,
ideo & rixa, ad quam quidem tria requi-
runtur: primum ut aliquis sit paratus ad im-
pugnandum, & promptus ad contradicen-
dum: secundum ut contentione delectetur:
tertium ut alios ad contentionem pro-
vocet; est in invadente mortalis, poniturque
Ad Gal. 5. ab Apost. inter opera carnis. Vnde quod
dicitur, servos Isaac rixatos fuisse pro-

puteo, non sic intelligendum est, quod ipsi servi rixati sint, sed potius quod incolæ terræ rixati fuerint contra eos; proindeque hi dūtaxat peccaverunt, non servi, quibus præerat Patriarcha sanctus. *Secundum est*, quia potest quis se defendere, vel solo animo repellendi injuriam illatam, & moderatè, ea solùm faciendo, sine quibus non se defenderet, in quo casu non adest peccatum; vel non multum excedendo moderatam defensionem, sed tamen cum aliquo levi motu odii, aut vindictæ, in quo casu veniale est; vel obfirmato animo in impugnantem insurgendo ad occidendum, aut graviter lædendum, & tunc est mortale.

Utrum rixa sit filia iræ. R. Affirmativè, ART. 2.
ita quod rixosè aliquem lædere sit proprius effectus iræ, quanvis non ita, quin quandoque oriatur ex odio, vel etiam occasionaliter ex superbia, imò & radicaliter ex concupiscentia. *Primum est*, quia cum rixa propriè sit cum aliquis intendit aliquem lædere, eo sciente, & repugnante; & hoc propriè pertineat ad iram, quæ est appetitus vindictæ, ideo & est proprius effectus iræ, adeò ut jactatio & dilatio sui tantum occasionaliter concitent rixas, prout scilicet iram concitant: & quidem licet ex rixa sequatur odium, & discordia in cordibus rixantium; cum enim possit peccatum quodlibet imperare actum alterius, ordinando illum in finem suum, ideo nec propterea sequitur, quod rixa propriè & directè oriatur ex inani gloria, unde discordia; vel ex invidia, unde odium; sicut nec ex stultitia, esto quod cum ea

habeat similitudinem, in quantum prout ex ira iudicium impedit rationis. *Secundum est*, quia cum omnes passiones irascibilis ex passionibus concupiscibilis oriatur, ideo licet rixa oriatur proximè ex ira, imò & quandoque ex odio, juxta illud: **PROV. 10.** Odium suscitatur rixas, quanvis non propriè, cum sit præter intentionem odientis lædere manifestè, est tamen adhuc radicaliter ex concupiscentia.

IN QUESTIONEM XLII.

*De seditione.*ARTI-
CULVS
P R I-
MVS.

Vtrum seditio sit speciale peccatum ab aliis distinctum. *Re. Affirmativè*, non quòd non contineatur sub discordia, sicut & schisma, & conveniat cum bello, & rixa quantum ad aliquid; sed ita quod speciale habeat bonum, cui opponatur, modumque specialem discordandi. *Ratio utriusque partis est*, quia cum dicat seditio, sicut & schisma discordiam partium multitudinis, ideo & continetur sub discordia, sicut & cum bello, & rixa convenit quantum ad hoc, quod importat contradictionem quandam; sed quia bellum & rixa important impugnationem in actu, at seditio etiam præparationem ad impugnandum; estque seditio inter partes unius multitudinis inter se dissentientes, unde & opponitur specialiter unitati, & paci multitudinis; cum tamen bellum sit multitudinis ad multitudinem, & rixa unius ad alterum, vel paucorum ad paucos; ideo & ab illis specialiter distinguitur sicut & à schismate, utpote quod opponitur unitati, non corporali, ut seditio, sed spiritali. Unde & est speciale peccatum, cum

sic habeat speciale objectum, cui opponitur, unitatem scilicet corporalem multitudinis.

Vtrum seditio sit semper peccatum mortale. R. *Affirmativè*, & quidem tanto gravius, quanto commune bonum est majus bono privato, quanvis non afficiens æqualiter omnes seditiosos. *Primum est*, quia cum unitas, cui opponitur seditio, sit unitas juris, & communis utilitatis, ex Aug. & sic opponatur justitiæ, & communi bono; nec sit seditio discordia à quocumque bono, sed ab eo, quod est manifestè bonum, scilicet à communi utilitate; ideo & est semper ex suo genere peccatum mortale, & tanto gravius quanto commune bonum est majus privato; & quidem quanvis importet pugnam, utpote cum non importet eam, quæ sit propter communem utilitatem, sed contra. Cum quo tamen stat, quod perturbatio regiminis tyranni non sit peccatum, sicut nec habet rationem seditionis, quandoquidem non ordinatur tale regimen ad bonum commune, nisi fortè quando sic inordinatè perturbaretur, ut multitudo majus pateretur detrimentum ex perturbatione sequenti, quàm ex tyranni regimine, in quo casu esset peccatum. *Secundum est*, quia primò quidem, & principaliter pertinet peccatum seditionis ad eos, qui seditionem procurant, qui etiam gravissimè peccant; nec nisi secundariò ad eos, qui sequuntur perturbantes bonum commune.

ART. 2.

202 *Quaest. XLIII. Artic. I.*
IN QVÆSTIONEM XLIII.

De vitiis, quæ beneficentia opponuntur.

ARTI-
CVLVS
PRI-
MVS.

Vtrum scandalum convenienter definiatur, quod est dictum, vel factum minus rectum, præbens occasionem ruinae. &c. *Affirmativè*, ita quod id quod alteri proponitur ut obex disponens ad spiritualem ruinam, sit dictum, vel factum minus rectum; sed per defectum rectitudinis, non per hoc quod in rectitudine superatur. *Primum est*, quia sicuti obex, qui ponitur alicui in via corporali, cui impingens disponitur ad ruinam, dicitur scandalum; ita & in processu viæ spiritualis dicitur Græcè scandalum, & Latine ruina, & impactio pedis, ubi contingit disponi aliquem ad ruinam per dictum, vel factum alterius, quod quidem non est nisi minus rectum, cum trahat ad peccandum alterius exemplo; & quidem dictum, vel factum, non concupitum, cum concupiscentia mali, quia laret in corde, non ponat alteri obicem. Vnde nihil prohibet, ut quod est per accidens, sicut est in præsentī occasio, ponatur in definitionibus, cum quod est uni per accidens, possit alteri convenire per se. Cum quo tamen stat, quod præter scandalum activum, in quo propriè, & per se datur occasio ruinae, dum scilicet aliquis dicto, vel facto intendit inducere alium ad peccandum, ut si publicè peccet, sit aliud passivum sine activo, ut cum præter intentionem operantis & conditionem operis inducitur aliquis malè dispositus ad peccandum: in quo casu non datur occasio ruinae, sed alius potius eam sumit. *Secundum est*, quia cum dictum illud, vel factum

Quest. XLIII. Artic. II. 203

scandali præbeat occasionem ruinæ, ideo non quia non est rectissimum, dicitur minus rectum, sed quia deficit in rectitudine, ut scilicet comprehendantur tam illa quæ sunt secundum se peccata, quam illa quæ habent speciem mali, ut similitudo venerationis idoli, quæ scilicet esse possunt occasio ruinæ, in cuius quidem impactione sita est ratio scandali, ad differentiationem infirmitatis, quæ potius nominatur promptitudinem ad scandalum; necnon & offensionis, quæ solum nominatur indignationem contra peccantem.

Verum scandalum sit peccatum. R. Aff. ART. 2.
firmativè, ita scilicet, quod passivum scandalum in eo qui scandalizatur, sit semper peccatum, & activum in eo qui scandalizat; quanvis non ita, quin possit esse passivum sine peccato ex parte ejus qui scandalizat, sicut & activum ex parte ejus qui scandalizatur. *Primum est*, quia qui per passivum scandalizatur, semper aliququaliter ruit spirituali ruina, quæ est peccatum; semperque saltem retardatur aliququaliter à processu in via Dei, qui spiritualiter impingit: sicque saltem venialiter semper peccat qui passivè scandalizatur, sed etiam qui activè scandalizat, cum tunc ipsa actio vel sit peccatum, vel habeat speciem peccati, proindeque dimittenda sit propter proximi charitatem. Vnde illud Christi, Scandalum es mihi, non nisi largè intelligitur pro quocumque impedimento, quatenus Petrus affectu quodam pietatis cupiebat impedire passionem Christi; neque illud, *Matt. 6.*
Necesse est ut eveniant scandala, intelligitur de necessitate absoluta, sed solum *Matt. 18.*

conditionalis, ut scilicet subsunt præscientiæ Dei; vel etiam necessitate finis, quatenus utilia sunt, ut qui probati sunt, manifesti fiant: vel certè secundum conditionem hominum, qui ut plurimum sibi à peccatis non cavent, & conversationem malam non mutant. *Secundum est*, quia fieri potest, ut quis scandalizetur ex his, quæ alius benefacit, ut si invidet aliorum bonis: necnon & quod inducat quis alium ad peccandum verbo, vel facto, & alius non consentiat.

ART 3. *Vtrum scandalum sit speciale peccatum.*
R. Affirmativè, non quidem passivum scandalum, sed activum per se sumptum. *Primum est*, quia cum finis det speciem in moralibus, & dicatur activum scandalum per se sumptum, quando quis alium intendit trahere ad peccandum ex intentione specialis finis, puta particularis alicujus proximi nocuenti; ideo & est tunc speciale peccatum, sicut & oppositum speciali virtuti, puta correctioni fraternæ, seu charitati. Vnde licet materialiter possit omne peccatum se habere ad scandalum activum, adhuc tamen potest scandalum specialem habere rationem peccati, non quidem ex eo præcisè, quod publicè peccatur, quod est solum aggravans circumstantia, sed ex intentione finis. Imò & potest scandalum activum inveniri separatim ab aliis, ut cum quis scandalizat facto, quod non est peccatum, sed habet solum speciem mali. *Secundum est*, quia non habet passivum scandalum specialem deformitatem speciali virtuti oppositam, unde nec est speciale peccatum; sicut nec scandalum activum.

Quaest. XLIII. Artic. IV. & V. 105

sumptum per accidens, utpote quod ita sumitur quando quis aliquo verbo suo aut facto non intendit aliis dare occasionem peccati, sed solum explere voluntatem suam.

Utrum scandalum sit peccatum mortale. ART. 4.

R. *Negativè*, non quod non possit sive activum, sive passivum scandalum esse mortale; sed ita quod unum, & alterum sit etiam quandoque veniale. *Ratio utriusque parris est*, quia & potest quis ex inordinato dicto, vel facto alterius passivè commoveri, tum motu venialis peccati, tum etiam usque ad mortale; & potest alium inducere tum ad peccandum mortaliter, vel etiam ad venialiter per mortale; tum etiam ad venialiter peccandum per actum venialis peccati, proindeque & potest activum scandalum per se sumptum esse & veniale, & mortale; necnon & activum per accidens, ut dum facit quis actum aliqualevi indiscretionem, qui vel sit peccatum veniale, vel saltem aliquam habeat speciem mali, in quo quidem casu est veniale; sicut & est mortale, cum quis committit actum peccati mortalis, vel contemnit salutem proximi.

Utrum scandalum passivum possit etiam ART. 5.

in perfectos cadere. R. *Negativè*, non quod non possit esse in perfectis quaedam ad scandalum appropinquatio, sed ita quod secundum propriam rationem scandali, ex aliorum dictis, vel factis non scandalizentur. *Ratio utriusque partis est*, quia cum scandalum passivum importet commotionem quandam animi à bono; & perfecti, cum Deo adhæreant per amorem, non sic com-

moveantur, utpote qui rei adhærent immobili; idè potest quidem esse in eis propter infirmitatem carnis, quâ in aliqua venialia incidunt, appropinquatio quædam ad scandalum, juxta illud, Mei penè moti sunt pedes; non tamen vera ratio scandali, ut scilicet à rectitudine sua recedant, juxta illud, Pax multa diligentibus legem tuam, &c. esto quod in exterioribus actibus possint & viri perfecti impediri. Vnde quod Dominus dixit Petro, Scandalum mihi es, non nisi largè, & pro quolibet impedimento intelligitur.

- ART. 6.** *Vtrum scandalum activum possit inveniri in viris perfectis. R. Negative*, non quod non aliqua committant peccata, etiam in exterioribus; sed ita quod talia sint, ut non sint nata alios inducere in ruinam. *Ratio utriusque partis est*, quia cùm scandalum activum non sit ubi nihil inordinate sit, vel dicitur; & perfecti ex Apostolo omnia ordinant secundum regulam rationis, & præcipuè caveant ne aliis offensionem parent, adeo ut quod deest in eorum dictis, vel factis ab hac moderatione, ex humana proveniat infirmitate, secundum quam à perfectione deficiunt, quanvis non ita ut multum à ratione recedant; idè possunt quidem perfecti aliquando peccata committere, non ita tamen, ut possint alii rationabiliter inde occasionem sumere peccandi. Vnde nec semper provenit passivum scandalum ex scandalo activo alterius, sed ejusdem aliquando, qui scandalizatur, qui scilicet, malè dispositus seipsum occasione alterius scandalizat, ut Pharisei. Neque factum Petri, de quo ad Galat. 2. fuit
- 1. Chor.**
14.
- Matt. 15.**

tam grave peccatum, ut merito possent alii scandalizari. Vnde patiebantur quidem gentiles passivum scandalum, non tamen erat in Petro scandalum activum.

Utrum bona spiritualia sint propter scandalum dimittenda. R. Negativè, non quòd non sint in pusillorum scandalis differenda & occultanda, si non sint necessaria ad salutem; sed ita quod nec ubi sunt de necessitate, sint simpliciter prætermittenda, nec etiam ubi de consilio, præsertim in Phariseorum scandalis. *Primum est*, quia cum in casu necessitatis talia dimittere sit peccatum mortale, quod quidem secundum ordinem charitatis nunquam homo debet committere, ut impediatur peccatum alterius, ideò ubi saluti sunt necessaria, non sunt propter passivum scandalum dimittenda simpliciter; imò nec ubi sunt de consilio, præsertim in Phariseorum scandalis, utpote ex eorundem malitia nascentibus, & quidem quanvis dicat Hieron. quod dimittendum sit ob scandalum omne quod prætermitti potest, salva triplici veritate, vitæ, doctrinæ, & justitiæ, quandoquidem hic etiam comprehenduntur consilia, quibus scilicet perfectiùs pervenitur ad salutem, juxta illud: *Æmulamini charismata meliora*. Vnde quando dimittitur correctio fraterna propter scandalum, non ideò dimittitur spirituale bonum, cum non habeat rationem boni, prout ex ea sequitur scandalum: neque propter ullum scandalum debet homo prætermissa veritate falsitatem docere, esto quod actus docendi, quia ponitur inter spirituales eleemosynas, debeat exerceri secundum congruen-

ART. 7.

1. Chor.
12.

Lib. 1.
contra
Epist.
Parme-
niani,
cap. 2.

tiam temporum, & personarum; sed nea fieri potest quod ad vitandum scandalū sit committendum veniale, quandoquidem si esset committendum, non amplius esset peccatum, cum peccatum non possit esse eligibile. Cum quo tamen stat, quod quando ob excommunicationem aliquorum imminet periculum schismatis, tunc sit à punitione cessandum, ut docet Aug. utpote cum tunc excommunicationem ferre non pertineat ad veritatem iustitiæ, quia pœnæ debent esse in medicinam. *Secundum est*, quia cum pusillorum scandalum procedat ex infirmitate, vel ignorantia, ideò & tunc spiritualia bona sunt occultanda, vel etiam differenda, quousque reddita ratione scandalum cesset, quod tamen si durer post rationem redditam, cum tunc videatur esse ex malitia, idem etiam videtur dicendum, quod supra de scandalis Pharisæorum.

ART. 8.

Vtrum propter scandalum sint temporalia dimittenda. R. Negativè, ita quod nec ubi nobis commissa sunt, nec ubi sunt nostra, dimitti debeant propter quodcumque scandalum, esto quod propter pusillorum scandalum sint aliquando dimittenda. *Primum est*, quia cum conservatio bonorum quæ committuntur sive Prælaris Ecclesiæ, sive Rectoribus Reipublicæ, illis imminet ex necessitate, & daretur malis rapiendi occasio, necnon noceret rapientibus, qui in peccato remanerent, si bona nostra dimitterentur propter scandalum ex malitia ortum; ideò licet magis debeamus diligere salutem proximi, quàm temporalia, non tamen propter quodcumque scandalum sunt ista bona dimittenda, utpote quod vergeret in detrimentum vitæ, veritatis,

& iustitiæ. Vnde nec intendit Apostolus, quod propter scandalum cibis simpliciter prætermittendus sit, eum sit de necessitate salutis, sed talis cibus, ut patet ex illo: Non manducabo carnes. Neque illud Matt. 1. Cor. 8. 5. Qui vult tecum in iudicio contendere, dimitte ei & pallium, aliter intelligitur ex Aug. quàm secundum præparationem animi, quando scilicet expedit: sicut & quod dicit Paulus de iudiciis. *Secundum est*, quia 1. Cor. 9. si scandalum sit propter ignorantiam, vel infirmitatem, ut in pusillis, tunc vel totaliter dimittenda sunt temporalia, vel aliter sedandum scandalum, ut Aug. docet; quod quidem patet ex facto Apostoli, cuius 1. Cor. 9. scandalum quod vitabat, cum procederet ex ignorantia Gentilium, qui id non consueverant; ideò & abstinuit ad tempus, ut priùs instruerentur. Qua etiam ratione abstinet Ecclesia à decimis exigendis, ubi non est consuetum.

IN QVÆSTIONEM XLIV.

De præceptis charitatis.

Vtrum de charitate debeat dari aliquod præceptum. R. *Affirmativè*, ita quod maximum præceptum esse debeat de charitate, non tamen inter Decalogi præcepta connumerandum: *Primum est*, quia cum id, quod habet in unoquoque rationem finis, debeat maximè præcipi, cum sit maximè debitum, supra quod cadit ratio præcepti; & finis spiritualis vitæ sit, ut homini uniatur Deo, quod sit per charitatem; ideò & de charitate debet maximè extare præceptum, & hoc præcipuè, quia omnes virtutes, de quarum quidem actibus dantur præcepta, ad charitatem ordinantur, utpote

ARTI-
CVLVS
PRI-
MVS.

cùm vel sint ad purificandum cor, ut quæ sunt circa passionēs, quia cor impiorum per passionēs trahitur ad terrena; vel ad habendam bonam conscientiam, ut quæ sunt circa operationēs, quia mala conscientia horret divinam iustitiam; vel ad habendam rectam fidem, ut quæ pertinent ad cultum divinum: quia fides ficta trahit affectum ad id, quod de Deo fingitur. Quæ quidem tria ordinantur, & requiruntur ad Deum diligendum. Vnde licet charitas modum imponat actibus virtutum omnium; non tamen cadit sub illarum præceptis, sed ex speciali ratione finis cadit sub præceptis specialibus: ita tamen, quod obligatio præcepti non opponatur libertati, quam habet qui diligit, cum non nisi ex propria voluntate impleatur præceptum dilectionis. *Secundum est*, quia cum ordinentur præcepta Decalogi ad præcepta dilectionis Dei, & proximi, velut ad finem; ideò nec fuerunt ista inter præcepta Decalogi enumeranda, sed potius includuntur in omnibus.

ART. 2. *Utrum de charitate fuerint danda duo præcepta. R. Affirmativè*, non quòd illud necesse fuerit per se loquendo, siue ad omnes; sed propter minùs capaces. *Ratio utriusque partis est*, quia quanvis in dilectione Dei, quæ est finis, contineatur dilectio proximi, sicut conclusiones in principiis; tamen quia non omnes, qui cognoscunt principia, cognoscunt ea quæ in principiis continentur, ideò debuit dari etiam præceptum de dilectione proximi, non quidem quoad omnes, sed propter minùs capaces, qui scilicet non considerant, unum horum præceptorum contineri sub

Quaest. XLIV. Art. III. & IV. 211

altero; & quidem quanvis charitas sit una virtus, utpote quæ duos habet actus, de quibus propterea dari possunt præcepta duo. Vnde diligitur quidem Deus in proximo, adeò ut à dilectione proximi non possimus recedere, nisi recedamus etiam à Dei dilectione; sed quia ibi diligitur sicut finis in eo quod est ad finem, per ordinem qui non ita explicite omnibus patet, ideò & de isto aliud dari debet præceptum.

Vtrum sufficiant duo præcepta charitatis. ART. 3.

Affirmativè, ita scilicet, quod sufficiant quibus inducimur & ad Deum diligendum, & diligendum proximum; esto quod etiam ex charitate debeamus nos ipsos, & corpus proprium diligere. *Ratio utriusque partis est*, quia cum dilectio, & amor sit boni; bonum autem sit vel finis, vel id quod est ad finem: ideò convenienter de charitate duo sufficiunt præcepta, alterum de dilectione Dei, ut de fine; alterum de dilectione proximi propter Deum, ut de eo quod est ad finem. Et quidem quanvis debeamus & nos ipsos, & corpus proprium diligere, utpote quæ dilectio semper remanet, quantumcunque quis excidat à charitate. Cum quo tamen stat, quod propter tardiores sint etiam de aliis actibus, seu effectibus charitatis, ut de pace, de gaudio, de beneficentia præcepta explicite tradita; necnon & contra vitia charitati opposita, ut contra odium, acediam, invidiam, &c. quanvis in præceptis affirmativis virtualiter includantur & negativa, quandoquidem plus est operari bonum, quam vitare malum.

Vtrum convenienter mandetur, quod Deus ART. 4.

diligatur ex toto corde. R. Affirmativè, ita quod in præcepto de Dei dilectione quædam fuerit designanda totalitas, sed quâ totum cor fertur habitualiter in Deum, non autem semper actualiter. Primum est, quia cum actus diligendi Deum sit sub præcepto, ut est actus virtutis, qui quidem requirit non solum debitam materiam, sed etiam omnes debitas circumstantias, quibus vestitur, ut sit proportionatus tali materiæ; ideo cum Deus sit diligendus ut finis ultimus, ad quem scilicet omnia referuntur, fuit etiam quædam apponenda totalitas circa ejus præceptum; & quidem quanvis sub præcepto alicujus virtutis non cadat modus ille, quem habet actus à superiori virtute, utpote cum adhuc cadat ille, qui pertinet ad propriam rationem virtutis; qualis quidem significatur modus cum dicitur ex toto corde. Secundum est, quia cum semper actualiter ferri in Deum spectet ad perfectionem patriæ, ideo non sic præcipitur ferri in Deum ex toto corde, immò nec cum ea perfectione, ut homo quantum possibile est, se abstrahat etiam à licitis, quæ occupando animum impediunt actualem motum cordis in Deum, utpote ad quam ordinantur consilia; sed habitualiter, ut scilicet nihil contra Dei dilectionem cor hominis recipiat: in quo quidem est perfectio & totalitas viæ, cui etiam non contrariatur peccatum veniale, utpote quod non tollit habitum charitatis, cum non tendat in oppositum objectum; sed solum impedit charitatis usum.

ART. 5. *Utrum super hoc, Diliges Dominum Deum*

Quaest. XLIV. Artic. VI. 213

tuum ex toto corde tuo, convenienter addatur, & ex tota anima tua, & tota fortitudine tua. R. Affirmativè, ita scilicet, quod aliud intelligatur ibi per totum cor, & aliud per totam animam, aut totam fortitudinem. Ratio utriusque partis est, quia cum voluntas ibi significetur per cor, quatenus sicut cor est principium omnium corporalium motuum, sic & voluntas motuum omnium spiritualium per intentionem finis; sintque tria motuum principia, quæ moventur à voluntate, scilicet intellectus, qui significatur per mentem; vis appetitiva inferior, quæ significatur per animam; & vis executiva exterior, quæ significatur per fortitudinem, seu virtutem & vires; ideo convenienter præcipitur ex toto corde, id est ut tota intentio feratur in Deum: tum ex tota mente, id est ut intellectus subdatur Deo: insuper ex tota anima, id est ut reguletur appetitus secundum Deum: ac denique ex tota fortitudine, virtute, vel viribus, id est, ut exterior actus obediat Deo; adeò ut aliud per horum quodlibet intelligatur, quanvis non ita quin possit unum omitti, sicut & omittitur, Matth. 22. Ex tota fortitudine, utpote quod potest ex aliis intelligi.

Virum hoc præceptum de Dei dilectione ART. 6. possit in via impleri. R. impleri posse, non quidem plena & perfecta impletionem, per attingentiam finis præcepti; sed ea, quæ non receditur ab ordine ad finem præcepti. Ratio utriusque partis est, quia quod homo totaliter Deo uniatur, quod quidem finis est Dei præcipientis; hoc perfecte adimplebitur in patria, ubi scilicet erit Deus

omnia in omnibus , & non nisi imperfectè in via , prout non receditur ab ordine ad finem : unde nec nisi imperfectè impleri potest præceptum de Dei dilectione in via. Ita tamen quod hoc sufficiat , ut scilicet possit aliquo modo adimpleri, ad hoc quod præceptum non sit impossibile; nec peccet qui præceptum hoc perfectè non implet, cum sufficiat, ut contra divinam dilectionem non agat : sicut nec culparur miles qui legitime pugnat, licet non vincat. Cum quo tamen stat, quod adhuc præcipi possit ista perfectio, quanvis non habeatur in via; quandoquidem non rectè curritur, ait Aug. si quò currendum est, nesciatur; & non sciretur, nisi esset præceptum.

Lib. de
perfect.
just.

ART. 7.

*Utrum convenienter detur præceptum de dilectione proximi. R. Affirmativè, ita scilicet, quod tangatur in eo, & diligendi ratio, & modus conveniens dilectionis. Ratio utriusque partis est, quia tangitur ratio diligendi, cum dicitur proximus, vel frater, utpote qui nobis est proximus, & secundum naturalem Dei imaginem, & secundum capacitatem gloriæ: tum etiam tangitur dilectionis modus, cum dicitur, *Ut seipsum*. Quod tamen non est intelligendum, ut proximum quis sibi æqualiter diligat, sed similiter sibi; & hoc quidem tripliciter, primò ex parte finis, ut diligat eum propter Deum, sicuti seipsum ita diligit; in quo casu dicitur dilectio sancta: secundò ex regula dilectionis, ut ei non condescendat in aliquo malo; & sic dilectio dicitur iusta: tertio denique, ut cum non diligat propter propriam utilitatem, sed quòd ei velit bonum, sicut*

Quest. XLIV. Artic. VIII. 215

sibi ipsi vult, & sic dicitur dilectio vera.

Vtrum ordo charitatis cadat sub præcepto. ART. 3.

R. Affirmative, ita scilicet quod & eodem præcepto, quo præcipitur charitatis actus, præcipiatur & modus; & sit in Scriptura sufficienter expressus. *Primum est*, quia cum modus, qui pertinet ad rationem virtuosi actus, cadat sub præcepto de illo actu; & ordo charitatis pertineat ad rationem hujus virtutis, utpote qui accipitur secundum proportionem dilectionis ad diligibile; ideo & cadere debet sub præcepto, adeo ut qui minus diligeret eum, quem plus deberet diligere, faceret ei injuriam. Vnde quanvis indistinctè dicatur, Diliges proximum; id tamen intelligitur, & inde intelligi datur, quod qui magis sunt proximi, magis etiam sint diligendi. *Secundum est*, quia ordo ille diligendorum ex charitate exprimitur in Scriptura, cum dicitur, Diliges Deum ex toto corde, ubi scilicet præfertur Deus omnibus: tum ubi dicitur, Et proximum sicut teipsum, in quo præfertur dilectio sui ipsius dilectioni proximi: tum etiam quando dicitur, quod debemus pro fratribus animam ponere, in quo quidem intelligitur, quod plus debeamus diligere proximum, quam corpus proprium; ac demum cum mandatur, quod maxime domesticorum curam habeamus, in quo etiam datur intelligi, quod inter proximos, meliores & propinquiores præferre debeamus.

ARTI-
CVLVS
PRI-
MVS.

Vtrum sapientia debeat inter dona Spiritus sancti computari. &c. Affirmativè, loquendo scilicet de sapientia, non in aliquo solùm genere, sed quæ simpliciter est sapientia. *Primum est*, quia cùm ad sapientem pertineat considerare causam altissimam, per quam certissimè judicat, & ordinat omnia, proindeque & dicatur sapiens simpliciter, qui cognoscit causam altissimam simpliciter, quæ Deus est, & potest omnia per regulas divinas ordinare, & judicare; idè cùm hoc judicium consequatur homo per Spiritum sanctum, qui quidem omnia scrutatur profunda Dei, ut dicitur, est consequenter sapientia simpliciter dicta donum Spiritus sancti, & quidem differens à fide, quatenus hæc assentit veritati divinæ secundum seipsam; cùm tamen ad sapientiæ donum pertineat judicare secundum veritatem divinam. Unde nec dicitur, timorem & pietatem esse sapientiam, nisi quia ista sapientiam ostendunt. Ex hoc enim cognoscitur, hominem habere judicium rectum de divinis, quod Deum timet, & colit. *Secundum est*, quia dicitur sapientia in certo quodam genere, quæ solùm causam cognoscit altissimam illius generis, quæ quidem cùm alia sit à Deo, est consequenter hujusmodi sapientia alia à sapientiæ dono, maximè cùm hoc infundatur, & virtus illa sapientiæ sit acquisita. Cum quibus tamen stat, quod sicuti in bonis dicitur homo ex cognitione summi boni verè sapiens, ita & in malis ex cognitione illius, ad quod cætera reducuntur

1. Chor.
2.

Iob 18.

Quaest. XLV. Artic. II. & III. 217

ducuntur, tanquam ad finem ultimum, dicatur sapiens ad malè agendum; & quidem vel sapientiâ terrenâ, si finis sint bona exteriora; vel animali, si bona corporalia; vel diabolicâ, si sit finis in aliqua vana excellentia.

Verum sapientia sit in intellectu sicut in **ART. 2.**
subjecto. R. Affirmativè, ita scilicet, quod causam quidem habeat in voluntate, sed essentiam habeat in intellectu. *Ratio utriusque partis est*, quia cum ad hanc sapientiam, quæ est donum, pertineat habere rectum iudicium de divinis, non quidem ex rationis inquisitione, quia id convenit sapientiæ, quæ virtus est intellectus, sed secundum quandam connaturalitatem; ideo cum huiusmodi connaturalitas fiat per charitatem, cujus est voluntatem unire Deo, habet quidem sapientia causam in voluntate; in quo etiam causali sensu dicit Aug. quod sapientia est charitas Dei, est tamen, sicut & iudicium essentialiter in intellectu, qui quidem non nisi secundum actum percipiendi perficitur sufficienter à dono intellectus, non autem secundum actum iudicandi, ad quod pertinet sapientiæ donum, quæ iudicat secundum rationes divinas; & donum scientiæ secundum rationes humanas. Vnde cum dicitur Eccles. 6. sapientia doctrinæ secundum nomen ejus, quasi sapida scientia, non accipitur ibi sapientia nisi pro ejus fama, quæ scilicet ab omnibus commendatur.

Lib. de
grat.
cap. 18.

Verum sapientia sit non solum speculativa, sed etiam practica. R. Affirmativè, ita tamen, quod per prius sit speculativa, & posteriùs practica. *Primum est*, quia cum

ART. 3.

lib. 11. de
Trinit.
cap. 14.

superior ratio, quæ sapientiæ deputatur, intendat ex Aug. rationibus supernis, scilicet divinis, & conspiciendis, & consulendis; illud, ut divina in seipsis contemplatur, hoc verò secundum quod per divinas regulas judicat de humanis actibus, & judicat eos, quatenus scilicet divina hæc, de quibus est sapientia, licet sint necessaria, & æterna, sunt tamen regulæ contingentium; ideo nedum speculativa est sapientia, quæ est donum, sed etiam practica, adeo ut ex hoc ipso, quod est, in quantum donum, excellentior sapientiâ, quæ est virtus, habeat dirigere & in contemplatione, & in actione, utpote cum tanto ad plura se extendat virtus, quanto est altior. *Secundum est*, quia cum prius sit considerare aliquid in seipso, quam in comparatione ad aliud, ideo & sapientiæ est prius contemplari divina, quæ est visio principii, & posterius dirigere humanos actus secundum rationes divinas; & quidem taliter quod amaritudo actuum propter sapientiam dirigentem vertatur in dulcedinem, & labor in requiem.

ART. 4. *Vtrum sapientia possit esse sine gratia, & cum peccato mortali. R. Negativè*, loquendo scilicet de sapientia, non in rebus mundanis, vel etiam divinis per rationes humanas; sed quæ facit iudicii rectitudinem ex quadam unione ad divina. *Primum est*, quia præsupponit huiusmodi sapientia charitatem, cum habeat iudicium rectum per regulas divinas de aliis ex quadam connaturalitate & unione ad divina, quæ sit per charitatem, ac proinde non potest esse, sicut nec charitas, cum peccato mortali,

quanvis ab ea differat. Vade cognitio divinatorum, quæ est cum peccato mortali, qualis fuit in Philosophis, est quæ per studium, & inquisitionem acquiritur; non autem sapientia, quæ est donum. *Secundum est*, quia de sapientia in rebus mundanis, sive etiam divinis per rationes humanas, non debent Sancti gloriari, juxta illud: Sapientia hominum non est mecum; cum tamen de his gloriari soleant, quæ cum peccato haberi non possunt, juxta illud: Gloria nostra hæc est, testimonium conscientiarum nostrarum.

Prov. 30.

2. Chor.

1. ART. 5.

Vtrum sapientia sit in omnibus habentibus gratiam. R. *Affirmative*, non quidem secundum omnem sapientiarum gradum, sed quantum rectè secundum divinas regulas judicare necessarium est ad salutem. *Primum est*, quia cum gratia multò minùs deficiat in necessariis, quàm natura; unctio enim docet de omnibus, ut dicitur; ideo nec sapientia quæ importat rectitudinem judicii circa divina conspicienda, & consulenda, saltem quantum est ad salutem necessarium, ulli deerit sine peccato mortali existenti; adeò ut ordinare alios homines, & de eis judicare, pertineat quidem ad solos Prælatos, sed dirigere proprios actus, & de eis judicare, ad unumquemque pertineat; ita tamen, quod pueri, sicut & amentes baptizati, non nisi habitum sapientiarum habeant, non autem actum. *Secundum est*, quia sapientiarum gradus, quo quis altiora quædam mysteria cognoscit, & aliis manifestare potest, necnon seipsum, & alios ordinare, non est communis omnibus habentibus gratiam gratum facientem, juxta

1. Ioan. 2.

1. Cor. 2. illud : Sapientiam loquimur inter perfectos ; sed potius pertinet ad gratias gratis datas , quas Spiritus sanctus dat prout vult.

12. ART. 6. *Vtrum sapientia dono respondeat septima beatitudo. R. Affirmative* , & quidem tum quantum ad meritum, tum etiam quantum ad præmium. *Primum est* , quia cum dicantur ibi beati pacifici , quantum ad meritum , quasi pacem facientes , vel in seipsis , vel in aliis , quod quidem fit ex constitutione debiti ordinis , ut ait Aug. esto quod charitatis sit habere pacem, ut inquit Psal. 118.

Lib. 19. de
civ. c. 13.
Psal. 118.

David ; ideò cum ordinare pertineat ad sapientiam , ipsi etiam congruè aptatur beatitudo illa quantum ad meritum ; adeò ut in ejus quidem directione primò occurrat remotio à malis, quæ sapientiæ contrarian-
tur , unde & timor dicitur initium sapientiæ, in quantum facit à malis recedere ; sed ultimus & finalis effectus , cui respondet beatitudo , sit non quidem charitas, cum potius sit sapientia infusa effectus charitatis , quatenus se nobis unit sapientia increata per charitatis donum, & ex hoc cognitionem infundit mysteriorum, sed quod omnia ad debitum ordinem redigantur, quod pertinet ad rationem pacis. *Secundum est* , quia quantum ad præmium , ad quod quidem pertinet hoc , filii Dei vocabuntur, cum dicantur aliqui filii Dei, in quantum participant similitudinem filii unigeniti , ut patet ex Paulo ; & hoc fiat participando sapientiam , quandoquidem Dei filius est sapientia genita ; nec dicatur Spiritus sanctus spiritus adoptionis , nisi in quantum per eum nobis datur similitudo.

Roman.
8.

Quaest. XLVI. Artic. I. XII

do filii naturalis ; ideò etiam quantum ad præmium respondet septima beatitudo sapientie dono.

IN QUESTIONEM XLVI.

De stultitia, qua opponitur sapientia.

Vtrum stultitia opponatur sapientia. **ARTI-
R2.** *Affirmativè*, non quidem ut pura **CVLVS
negatio, sed sicut contrarium. Ratio utrius-
que partis est, quia cum stultitia dicatur à **PRI-
stupore ex Isidoro, adeò ut stultus sit, qui
propter stuporem non movetur ; differat-
que à fatuitate, quia illa importat hebe-
tudinem cordis, & obtusionem sensuum,
fatuitas verò totalem privationem spiri-
tualis sensus ; ideò cum sapiens è contra
dicatur à sapore, quatenus aptus est ad
dignoscendam rerum, atque causarum,
opponetur stultitia sapientie ut contra-
rium, fatuitas autem ut pura negatio. Un-
de idem est insipientia, & stultitia, licet
illa dicatur esse circa divina, & hæc circa
humana ; cum stultus dicatur is, qui defi-
cit in iudicando circa causas altissimas. Ne-
que cum Apostolus ait, Vt sapiens stultus
fiat, de hac loquitur stultitia, sed de stul-
titia quadam bona, per quam aliquis ter-
rena contemnit, quæ quidem opponitur
sapientie malæ sæculi, & est via ad sapien-
tie donum ; sicut & sapientia sæculi est via
ad stultitiam, quâ stulti sumus apud Deum,
ut ait Paulus. Cum quo tamen stat, quod
non moveri injuriis, si contingat ex eo quod
homines non sapiant terrena, sed sola cœ-
lestia, non pertineat tunc ad stultitiam, sed
magis ad sapientiam Dei ; benè tamen si
contingat ex eo quod homo est circa om-
nia simpliciter stupidus.****

ART. 2. *Verum stultitia sit peccatum.* R. *Affirmativè*, non ea quidem, quâ ex naturali dispositione est quis in iudicando stupidus, sed quâ ex nimia ad terrena immersione ineptus redditur ad divina percipienda. *Ratio utriusque partis est*, quia huiusmodi stultitia, quæ quidem opponitur præceptis, quæ dantur de contemplatione veritatis, habet ad differentiam alterius, quæ à natura provenit, quod voluntaria sit, quatenus licet nemo velit stultitiam, vult tamen ea, ad quæ consequitur esse stultum, sicut luxuriosus, qui non vult peccatum, sed vult delectationem: ac proinde non illa, sed ista peccatum est.

ART. 3. *Verum stultitia sit filia luxuria.* R. *Affirmativè*, sed ea quæ provenit ex immersione mentis ad terrena, non ex corporali impedimento. *Primum est*, quia cum sit luxuria circa maximas delectationes, quibus anima maximè absorbetur; ideo & stultitia hæc, quâ ex immersione ad terrena fit homo culpabiliter ineptus ad spiritualia iudicanda, maximè oritur ex luxuria. Vnde Gregorius licet inter filias luxuriæ non enumeret stultitiam, numerat tamen duas luxuriæ filias, scilicet odium Dei, & desperationem futuri sæculi, quæ quidem ad stultitiam pertinent: neque illud Apostoli, quod sapientia huius mundi sit stultitia apud Deum, intelligitur causaliter, sed essentialiter; sicque non est necesse, ut quæ pertinent ad sapientiam mundi, sint causa huius stultitiæ. *Secundum est*, quia cum ira suâ acuitate maximè immutet corporis naturam, ut dictum est; ideo & maximè, & potius quàm luxuria hanc causat stulti-

31. Mo-
sal. c. 31.

1. 2. q. 48.
art. 2.
& 3.

Quaest. XLVII. Artic. I. & II. 223.
iam, quæ ex impedimento provenit cor-
porali.

N QVÆSTIONEM XLVII.

De prudentia secundum se.

Vtrum prudentia sit in vi cognoscitiva. ARTI-
Bz. Affirmativè, & quidem in vi co-
gnoscitiva per rationem, non autem co-
gnoscitiva per sensum. Ratio utriusque par-
is est, quia cum prudens dicatur quasi por-
o videns; perspicax enim est, & incerto-
um videt casus, ut ait Isid. & visio non sit
irtutis appetitivæ, sed cognoscitivæ; ideo
ad vim cognoscitivam pertinet pruden-
tia, sed per rationem cognoscitivam, non
ex sensum, cum ad prudentiam pertineat
cognoscere futura ex præteritis, & præ-
sentibus; & ea solum cognoscat sensus, quæ
præsto sunt. Cum quo tamen stat, quod
adhuc dici possit, ut dicitur ab Aug. pru-
dentia amor, non quidem essentialiter, sed
in quantum movet amor ad actum pruden-
tiæ: sicuti amor dicitur discernere, quia
novet rationem ad discernendum; necnon
& possit electio attribui prudentiæ, sed con-
equenter, in quantum electionem per con-
siliu dirigat, utpote quod electioni præ-
supponitur. Imò quia laus prudentiæ non
consistit in sola consideratione, sed etiam
in applicatione ad opus, quod est finis pra-
cticæ rationis, quod fit per voluntatem;
deò in arte quidem volens peccans eligibi-
lior est, ut ait Arist. sed circa prudentiam,
quemadmodum & circa virtutes morales,
minùs.

*Virum prudentia pertineat solum ad ra-
tionem practicam. Bz. Affirmativè, non quòd
non possit nomen prudentiæ sumi pro qua-*

CVLVS
PRI-
MVS.

Lib. 10.
Etyim.
cap. 15.

In 6.
Ethic.

ART. 2.

libet cognitione humana, si largiùs sumatur; sed ita quod propriè sumpta consistat in ratione practica. *Primum est*, quia cùm prudentis sit, ut ait Philos. bene posse consiliari, proindeque in his versari, quæ sunt per nos agenda in ordine ad finem aliquem; idcò cùm ratio eorum quæ sunt agenda propter finem, sit ratio practica, non potest prudentia propriè sumpta non consistere in ratione practica, adeò ut licet inveniatur ars aliqua speculativa, non tamen talis inveniatur prudentia, eo quòd scilicet speculativa ratio procedat secundum certas, & determinatas vias; cùm tamen prudentia, quæ est applicatio rationis ad ea, de quibus est consilium, non sic habeat determinatas, & omninò certas vias. Unde illud, *Sapientia est in viro prudentia*, non aliud significat, quàm quod prudentia sit sapientia in rebus humanis; non autem quod sit sapientia simpliciter dicta, quæ quidem est speculativa, utpote cùm non sit circa causam simpliciter altissimam. *Secundum est*, quia dicit Ambrosius, prudentiam in veri investigatione versari, in quo quidem dicto accipitur prudentia latè pro qualibet cognitione humana.

ART. 3. *Virum prudentia sit cognoscitiva singularium.* R. *Affirmativè*, ita scilicet, quod prudens & cognoscat universalia principia rationis, & insuper singularia cognoscat. *Ratio utriusque partis est*, quia cùm ad prudentiam pertineat non solum consideratio rationis, sed etiam applicatio ad opus, quod est finis practicæ rationis; & nullus possit convenienter alteri aliquid applicare, nisi cognoscat utrumque, scilicet uni-

Quaest. XLVII. Artic. IV. 215

versale quod est applicandum, & singulare cui applicandum est; quia in singularibus sunt operationes; ideo licet ratio primo, & principaliter sit universalium, quia tamen potest universales rationes ad particularia applicare, ut patet in syllogismis particulariter concludentibus, nihil obstat quin sit prudentia, quæ in ratione est cognoscitiva singularium; & quidem quavis singularia sint infinita, utpote cum per experientiam reducantur ad aliqua finita, quæ in pluribus accidunt, quorum quidem cognitio sufficit ad prudentiam humanam; imò & quavis cognoscantur singularia per sensum, quando quidem prudentia, quæ principaliter est in ratione, etiam per quandam applicationem pertingit ad sensum.

Utrum prudentia sit virtus. R. Affirmative, & quidem nedum inter intellectuales virtutes connumeranda, sed etiam inter morales. Ratio utriusque partis est, quia cum virtus sit, quæ bonum facit habentem, & opus ejus bonum reddit; bonum autem possit accipi vel materialiter sub ratione veri, vel formaliter sub ratione boni, quâ ratione est objectum appetitivæ virtutis; ideo fit, illos habitus, qui faciunt rectam considerationem rationis, habitorespectu ad rectitudinem appetitus, plus etiam habere de ratione virtutis, seu nedum intellectuales esse, sed & morales, cum sic ad bonum ordinent sub ratione boni; proindeque cum ad prudentiam pertineat applicatio rectæ rationis ad opus, quod non fit sine appetitu recto; consequenter fit quod prudentia sit nedum intellectualis, sed & moralis virtus, ad dis-

ferentiam artis, cujus dicitur esse virtutem, quia non dicit ars rectitudinem appetitus; quo fit ut homo ad hoc ut recte utatur arte, debeat habere virtutem. Vnde cum dicit Aug. prudentiam esse scientiam, non nisi large accipit ibi scientiam, seu pro quacumque recta ratione; neque cum dicitur, *Prudentia tua pone modum*, sic intelligitur, quasi prudentia sit moderanda, sed quod secundum eam sit aliis modus imponendus.

Lib. 1. de
lib. arb.
cap. 13.

Prov. 16.

ART. 5. *Vtrum prudentia sit virtus specialis.*
R. *Affirmative*, ita scilicet, quod & à virtutibus intellectualibus distinguatur, & à moralibus, sed alià, & alià ratione. *Ratio utriusque partis est*, quia cum habitus bonus, cui responderet speciale objectum sub ratione formali ab aliis distinctum, habeat unde ab aliis virtutibus specialiter distinguatur; ideo cum id habeat prudentia, sed respectu intellectualium, quæ sunt in ratione, quia scientia, sapientia, & intellectus sunt circa necessaria, at prudentia circa contingencia, & quidem agibilia, quæ in ipso operante consistunt, ad differentiam artis, quæ est circa factibilia, sive exteriorem materiam; & respectu moralium, quia est in diversa potentia, puta in intellectu, cum è contra morales sint in voluntate, est consequenter prudentia ab aliis omnibus specialiter distincta, sed alià, & alià ratione; & quidem quanvis prudentia sit eorum, quæ sunt ad finem, utpote ex quo solum colligitur, quod omnes adjuvet virtutes, ut Sol, qui influit in omnia corpora; non quod non sit specialis virtus; imò & quanvis agibilia, quæ habet

Quaest. XXVII. Artic. VI. 227

pro objecto, sint etiam materia moralium virtutum, quandoquidem à moralibus attenduntur sub ratione boni, & à prudentia sub ratione veri. Vnde definitio illa virtutis, quæ ait esse habitum electivum secundum prudentiam, &c. non est virtutis in communi, sed virtutis moralis; quæ ideo habet rationem virtutis, prout virtutem participat intellectualem, atque ita convenienter ponitur in tali definitione prudentia.

Lib. 2.
Ethic.
cap. 6.

Verum prudentia præstituat finem virtutibus moralibus. R. Negativè, non quòd non disponat prudentia de his quæ sunt ad finem, sed ita quòd ipsis virtutibus præstituat finem ratio naturalis, quæ dicitur synteresis. *Ratio utriusque partis est*, quia cum finis virtutum moralium sit bonum humanum, quod est esse secundum rationem, proindeque & oporteat, ut finis præexistat in ratione; ideo sicut in ratione speculativa sunt quædam naturaliter nota, quorum est intellectus; & quædam quæ per illa innotescunt, ut conclusiones, quarum est scientia: ita in ratione practica, cum se habeat finis in operabilibus, sicut principium in speculabilibus, debent quædam præexistere ut naturaliter nota, & huiusmodi sunt fines virtutum moralium, quos propterea præstituit naturalis ratio, quæ dicitur synteresis; quædam verò ut conclusiones, cuiusmodi sunt, quæ sunt ad finem, in quæ pervenimus ex ipsis finibus, quorum quidem est prudentia, quæ de illis disponit. Vnde non nisi ad finem naturaliter præstitutum tendunt morales virtutes: quod si ad hoc juvantur per pru-

ART. 6.

228 *Quaest. XLVII. Art. VII. & VIII.*
dientiam, quæ propterea est illis nobilior; &
eas movet; ita tamen, ut synteresis moveat
prudentiam, ut intellectus principiorum
scientiam.

ART. 7. *Vtrum ad prudentiam pertineat invenire
medium in virtutibus moralibus.* R. *Affir-*
mativè, non quòd faciat, quod conveniat
virtutibus quærere medium, sed ita quod
prudentiæ sit disponere, per quæ operan-
do medium attingatur rationis. *Primum*
est, quia cùm finis proprius virtutis mo-
ralis sit conformari rectæ rationi, utpote
quia unicuique dicitur naturalis ratio, ut
secundùm rationem operetur; & qualiter,
& per quæ homo in operando attingat me-
dium rationis, pertineat ad rationem pru-
dentiæ, quandoquidem id sit per rectam
dispositionem eorum, quæ sunt ad finem;
ideo licet medium attingere sit finis virtu-
tis moralis, est tamen prudentiæ medium
præfato modo invenire. Vnde quanvis sit
in natura inclinatio perveniendi ad me-
dium, quia tamen natura semper eodem
modo operatur, & medium non eodem
modo invenitur in omnibus, nec etiam suf-
ficit inclinatio naturæ, sed requiritur ra-
tio prudentiæ. *Secundum est*, quia cùm esse
in medio per se insit virtuti, ideò non fa-
cit prudentia, ut medium quærere sit vir-
tutis, sed tantum constituit medium pas-
sionibus, & operationibus.

ART. 8. *Vtrum precipere sit actus principalis pru-*
dentiæ. R. *Affirmativè*; & quidem taliter,
quod nedum probetur ratione, sed & si-
gno manifestetur. *Primum est*, quia cùm
prudentia sit recta ratio agibile, proin-
deque & ille sit ex tribus prudentiæ actibus.

Quest. XLVII. Artic. IX. 179

principalis, qui est præcipuus actus rationis agibilibus; ideo cum actus præcipiendi, qui consistit in applicatione consiliandorum, & judicandorum ad operandum sit huiusmodi, quia est propinquior fini rationis practicæ, quàm sit consiliari, qui est primus actus, & pertinet ad inventionem; & judicare de inventis, qui est secundus actus, & præcipere tertius; inde probatur, quod actus præceptivus, qui cum importet non motionem simpliciter, quæ pertinet ad voluntatem, sed motionem cum quadam ordinatione; & ideo est actus rationis, quod sit præcipuus prudentiæ actus. Vnde non ideo attribuit Aug. prudentiæ præcavere insidias, quasi sit actus principalis ipsius, sed quia iste actus non restat in patria. *Secundum est*, quia huius insuper signum est, quod in arte putatur melior artifex, qui volens peccat, quasi habens rectum iudicium; cum tamen in prudentia vocetur è contra imprudentior, qui volens peccat, quasi deficiens in principali actu prudentiæ, qui est præcipere.

Utrum sollicitudo pertineat ad prudentiam. ART. 9.

R. *Affirmativè*, ita scilicet, quod prudentis sit, ut sit solers citus in prosequendo ea, quæ sunt agenda; & quidem quanvis cum certitudine prosequatur. *Primum est*, quia cum oporteat, ut ait Philos. operari quidem citò & velociter consiliata, consiliari autem tardè; & præcipuus prudentiæ actus sit circa agenda præcipere de præconsiliatis, & iudicatis; ideo & esse debet prudens sollicitus, quasi solers citus in prosequendo ea quæ sunt agenda, motu scilicet non simpliciter dicto, qui spectat

In 6.
Ethic.
cap. 9.

ad vim appetitivam, sed secundum directionem, & præceptum rationis, in quo consistit ratio sollicitudinis. Vnde magnanimus, qui simul prudens est, non ideo dicitur esse piger, & otiosus, ex Philos. quasi de nullo sit sollicitus, sed quia non est superflue sollicitus de multis, sed confidit in his, de quibus confidendum est. *Secundum est*, quia cum certitudo sit in unaquaque materia secundum proprium modum, & materia prudentiæ sint singularia contingentia, circa quæ sunt operationes humanæ, ideo non potest certitudo prudentiæ tanta esse, quod omnino sollicitudo tollatur.

In 4.
Ethic.
cap. 3.

ART.
10.

Vtrum prudentia se extendat ad regimen multitudinis. R. Affirmative, ita scilicet quod & quærat nedum bonum proprium, sed etiam commune; & quærendo bonum commune, ex consequenti etiam quærat bonum proprium. *Primum est*, quia cum quærere tantum bonum proprium repugnet charitati, quam prudentia comitatur, quæ quidem non quærit quæ sua sunt, ut

1. Cor. 13.

ait Paulus; necnon repugnet rationi rectæ, quæ judicat bonum commune esse melius, quam bonum unius; ideo prudentiæ est non solum quærere bonum unius, sed etiam commune; imò etiam temperantia & fortitudo possunt ad bonum commune referri, propter quod dantur de eadem actibus præcepta legis; sed tamen magis prudentia & iustitia, quæ scilicet ad rationem spectant, ad quam directe pertinent communia. Ita tamen, quod sicut omnis virtus moralis relata ad bonum commune, dicitur legalis iustitia, ut insinuat

.D

Quest. XLVII. Artic. XI. 131

Philos. ita prudentia relata ad bonum commune vocetur prudentia politica. *Secundum est*, tum quia bonum proprium esse non potest sine bono communi, vel familiar, vel civitatis: tum quia cum sit homo pars multitudinis, partium autem dispositio accipiat secundum habitudinem ad totum, ut ait Aug. ideo qui quærit bonum commune multitudinis, ex consequenti quærit & bonum proprium,

In 6.
Ethic.
cap. 1.

Lib. 3.
Conf.
cap. 8.

Virum prudentia, qua est respectu boni proprii, sit eadem specie cum ea, qua se extendit ad bonum commune. R. Negativè,

ARG.
II.

ita quod alia sit formalis ratio in objecto prudentiæ simpliciter dictæ, & alia, & alia in objecto æconomice, & politice. Ratio utriusque partis est, quia cum ratio formalis eorum quæ sunt ad finem, attendatur ex parte finis, unde & oportet ut secundum relationem ad diversos fines diversificentur species habitus; ideo cum bonum unius, & bonum familiar, & bonum civitatis sint diversi fines, erunt per consequens diversæ species prudentiæ, alia scilicet prudentia simpliciter dicta, quæ est ad bonum proprium, alia æconomica, & alia politica; adeo ut dicens Aristoteles, quod politica, & prudentia sunt idem habitus, ibi solum loquatur de prudentia secundum quandam rationem communem, ut est recta ratio agibilium, quæ quidem dicitur politica secundum ordinem ad bonum commune. Vnde quod alibi dicit, eandem esse virtutem viri boni, & Principis, hoc ideo dicit, quia ad virum bonum pertinet bene posse principari, & bene subjici; non autem quod virtus Principis, & virtus sub-

Lib. 6.
Ethic.
cap. 3.

Lib. 3. Po.
lit. c. 3.

diti non differant specie; & quidem quavis bonum unum ordinetur ibi ad alterum, utpote ex quo solum sequitur, unum esse præstantius altero, non autem idem specie.

ART.

12.

Utrum prudentia sit etiam in subditis, & non tantum in Principibus. R. Affirmativè; non quidem in quantum subditi sunt, sed in quantum participant arbitrium rationis. *Ratio utriusque partis est,* quia cum quilibet homo secundum arbitrium rationis participet aliquid de regimine, in quo consistit ratio prudentiæ; ideò non est quidem prudentia virtus subditi, in quantum subditus est, nec servi, ut servus; quia hac ratione non est eorum regere, & gubernare, sed gubernari & regi; bene tamen in quantum rationis arbitrium participant, sic enim servus consiliativus est, licet non sit consiliativus prout sub potestate domini; & licet non præcipiat aliis, tamen ut rationalis potest sibi ipsi præcipere, quod sufficit.

ART.

13.

Utrum prudentia possit esse in peccatoribus. R. Negativè, loquendo scilicet de prudentia simpliciter dicta, non autem dicta per similitudinem, vel imperfecta. *Primum est,* quia cum prudentia simpliciter dicta sit ea, quæ ad bonum finem totius vitæ rectè consiliatur, judicat, & præcipit; & hæc esse non possit in peccatoribus: tum quia non consistit in sola cognitione, sicut fides, quæ propterea esse potest cum peccato; sed importat ordinem ad rectum appetitum, & rectam æstimationem, nec potest consequenter esse sine virtutibus moralibus: tum quia non possunt peccatores esse perfecte consiliativi ad finem bonum.

Quest. XLVII. Artic. XIV. 233

totius vitæ, quia consilium ad effectum non perducunt, esto quod esse possint consiliativi ad finem malum, vel ad particulare bonum; ideo nec potest in peccatoribus esse vera, & perfecta, seu simpliciter dicta prudentia. Vnde nec illud, Filii hujus seculi prudentiores sunt, &c. intelligitur de prudentia simpliciter dicta, sed de falsa, siue similitudinaria; & ideo subdit, In generatione suâ. *Secundum est*, quia prudentia dicitur falsa, seu per similitudinem, quâ quis disponit ad malum finem aliqua congruentia illi fini, quo modo potest dici prudens latro; quæ quidem est in peccatoribus, sed in illis tantum, ad differentiam prudentiæ veræ, sed imperfectæ, quæ convenire potest bonis, & malis, utpote quæ talis dicitur, vel quia illud bonum non est communis finis totius humanæ vitæ, sed alicujus specialis negotii; unde prudens negotiator, vel nauta dicitur: vel quia non efficaciter præcipit.

Luc. 16.

Vtrum prudentia sit in omnibus habentibus gratiam. &c. Affirmativè, si tamen sit sermo de prudentia gratuita, non de acquisita. *Primum est*, quia cum virtutes sint necessario connexæ, ita ut qui unam habet, habeat omnes, ut dictum est; & qui habet gratiam, habeat & charitatem, ideo & prudentiam habet simul cum aliis virtutibus gratuitis, & infusis, adeo ut nullus habens gratiam careat industria sufficienti ad ea quæ sunt de necessitate salutis, quod sufficit ad habendam prudentiam; & quidem quanvis aliorum indigeat consilio, cum saltem in hoc sibi prudenter consulere sciat, si gratiam habet, ut aliorum re-

ART.

14.

1.2. q. 68.

art. 1.

quirit consilium, & discernat bona à malis. *Secundum est*, quia cùm prudentia acquisita indigeat ad exercitium actuum experimento & tempore, ideò nec potest esse in juvenibus, quanvis gratiam habentibus, nec secundum habitum, nec secundum actum.

ART.
15.

Utrum prudentia insit nobis à natura.
R. *Negativè*, non quòd non possit unus ex naturali dispositione esse aptior ad discernendum quæ fini conveniunt, sed ita quod ex hoc quod est prudentia circa ea quæ sunt ad finem, esse non possit naturalis. *Primum est*, tum quia quantum ad universalem cognitionem prudentiæ licet prima, & universaliora principia sint naturaliter nota; alia tamen principia minùs universalia, & posteriora, sive sint rationis speculativæ, sive practicæ, habentur tantum vel per inventionem, vel per disciplinam: tum quia quantum ad particularem cognitionem eorum, circa quæ operatio consistit, licet ubi operatio consistit circa finem, quia fines recti humanæ vitæ sunt determinati, possit esse circa eos naturalis inclinatio per aliquam naturalem virtutem, & rectum iudicium, in quo quidem ordine ad fines intelligendus est Aristoteles, cùm dicit, naturalia esse ea, quæ ad prudentiam pertinent; quia tamen prudentia propriè eorum est, quæ sunt ad finem, & hæc respectu hominis, qui cognoscitivus est universalium, & consequenter ad infinita singularia se extendens, non sint determinata, sicut sunt determinata in brutis, quibus propterea sunt naturales prudentiæ, sed varientur pro diversitate

Quaest. XLVII. Artic. XVI. 239

negotiorum, &c. ideò ex hoc quod est prudentia circa ea, quæ sunt ad finem, esse non potest naturalis. *Secundum est*, quia sicut circa conclusiones speculativarum scientiarum unus ex naturali dispositione potest aptior esse ad discernendum, sic & ad media discernenda in ordine ad finem. Vnde & in senibus magis est prudentia, propter scilicet naturalem dispositionem quietantem motum passionum sensibilibium, quanvis non ea solum de causa, sed insuper propter experientiam longi temporis.

Vtrum prudentia possit amitti per oblivionem. *R. Negativè*, non quòd non possit oblivio aliquod asferre prudentiæ impedimentum, sed ita quod non directè tollatur per oblivionem. *Primum est*, quia cùm oblivio respiciat cognitionem tantum, & prudentia non consistat in cognitione solum, sed etiam in appetitu, & in applicatione ad opera, quam quidem non corrumpit oblivio universalium; ideò licet scientia, quia est in sola ratione, possit directè amitti oblivione, non tamen prudentia, sed magis corrumpitur per passiones, juxta illud Philosophi, quod delectabile, & triste subvertunt æstimationem prudentiæ. Et qui dem quanvis virtus ex eisdem generetur, & corrumpatur, quandoquidem prudentiæ experimentum non ex sola acquiritur memoria, sed exercitio rectè præcipiendi. *Secundum est*, quia cùm procedat prudentia ad præcipiendum ex aliqua cognitione universalium, quæ per oblivionem tolli potest, ideò & potest ex hac parte per oblivionem impediri.

ART.
16.

In 6.
Ethic.
cap. 5.

236 *Quaest. XLVIII. Artic. I.*
IN QVÆSTIONEM XLVIII.

De partibus prudentia.

ARTI-
CVLVS
PRI-
MVS.

Vtrum convenienter assignentur tres prudentia partes. R. *Affirmativè*, non quòd non plures enumerari possint, sed ita quòd omnes enumeratæ vel sint integrales, vel subjectivæ, vel potentiales. *Ratio utriusque partis est*, quia vel dicuntur prudentiæ partes illæ, quas necesse est concurrere ad perfectum actum illius, & hæ sunt integrales, quæ quidem sunt numero octo, quinque ad eam pertinentes, ut est cognoscitiva, scilicet memoria, si cognitio sit præteritorum; si præsentium, intellectus; si acquiratur per disciplinam, docilitas; si per inventionem, custochia, vel solertia; si consideretur in usu, ut à quibusdam cognitis procedit ad alia cognoscenda, dicitur ratio: tres autem aliæ, prout est præceptiva, quatenus ratio illa ut rectè præcipiat, debet primò ordinare aliquid commodum ad finem, unde providentia; deinde attendere circumstantias, unde circumspectio; postea vitare impedimenta, unde cautio. Si autem dicantur prudentiæ partes, quia sunt species ejus, tunc partes dicuntur subjectivæ, quæ sunt numero tres; alia prudentia, quâ quis regit seipsum; alia quâ regit multitudinem, quæ quidem si sit circa speciale negotium, ut circa exercitum, dicitur prudentia militaris, &c. si unius familiæ, æconomica; si civitatis vel regni, politica: ita tamen quòd æconomica, & politica hîc accipiantur, non ut scientiæ sunt, sed ut sunt prudentiæ quædam; nec etiâ ibi accipiantur species ejus largè pro habitu ratiocinativo ex uno ad aliud,

eum sic Rhetorica, Dialectica, & Physica dici possint prudentiae partes. Vel certe dicuntur prudentiae partes, quia sunt virtutes quaedam ipsi adjunctae, quae ordinantur ad aliquos secundarios actus; & haec dicuntur potentiales partes, quae sunt cubilia, quae est circa consilium; & synesis, quae est circa iudicium; sicque tres sunt prudentiae partes, ad quas singulae reducuntur; ita tamen quod & sollicitudo contineatur sub providentia, sub qua etiam includit Cicero cautionem, circumspeditionem, &c. nec ponantur memoria, intellectus, &c. partes prudentiae secundum eorum communitatem, sed prout pertinent ad ea, de quibus est prudentia.

IN QVÆSTIONEM XLIX.

De singulis prudentiae integralibus partibus.

Vtrum memoria sit pars prudentiae.

R. Affirmative, ita quod ad prudentiam requiratur plurimum habere memoriam, esto quod a natura sit memoria, sitque in parte sensitiva. *Primum est*, quia cum prudentia sit circa contingentia operabilia, in quibus homo potest tantum per ea dirigere, quae ut in pluribus accidunt, cum oporteat ut principia sint proportionata conclusionibus; ideo quia scire quid in pluribus sit verum, id contingit experimento, quod sit ex memoria, ut Arist. docet, requiritur per consequens ad prudentiam plurimum habere memoriam, quae proinde convenienter ponitur prudentiae pars integralis, & quidem quavis sit praeteritorum, utpote cum ex praeteritis oporteat argumentum sumere de futuris. *Secundum est*, quia quavis sit memoria in parte sensitiva,

ARTI-
CVLVS
PRI-
MVS,

Lib. 6.
Ethic. c. 2.

quia tamen applicat prudentia universalem cognitionem ad particularia, quorum est sensus, ideò & adhuc est memoria pars prudentiæ; sicut & quanvis sit à natura, utpote cùm adhuc multùm arte perficiatur, exercitio scilicet horum quatuor: 1. si quis eorum, quorum vult recordari, similitudines assumat, nec omninò consuetas, quandoquidem spirituales intentiones faciliùs ex anima elabuntur, nisi similitudinibus corporalibus quasi alligentur: 2. si sua consideratione ea ordinatè disponat, quatenus uno memorato faciliùs ad alterum proceditur: 3. si ad ea sollicitudinem apponat, & affectum adhibeat, quia quanto magis aliquid impressum fuerit, tanto minùs elabitur: 4. si frequenter meditemur quæ memorari volumus, juxta quod dicit Philosoph. quod meditationes memoriam salvant.

Lib. de
memor.
art. 3.

ART. 2. *Utrum intellectus sit pars prudentia. R. Affirmativè; si tamen sumatur intellectus, non pro virtute intellectiva, aut Spiritus sancti dono; sed pro recta æstimatione alicujus extremi principii, quod accipitur ut per se notum. Ratio utriusque partis est, quia cùm prudentia sit recta ratio agibilium, & omnis processus rationis sit ab aliquo intellectu, est etiam ad prudentiam requisitus intellectus; cùmque non sic requiri possit ut prudentiæ pars, secundùm quod est virtus intellectualis, utpote qui condiditur tunc contra prudentiam; sed neque ut est donum Spiritus sancti, utpote quod est solùm acuta quædam perspectio divinorum, restat ut ibi sumatur intellectus pro recta æstimatione alicujus extremi*

Quæst. XLIX. Artic. III. & IV. 239

principii, seu finis alicujus particularis, qui accipitur ut per se notus : quæ quidem æstimatio dicitur intellectus in quantum est alicujus principii, sicut & sensus, ut est de aliquo particulari.

Vtrum docilitas debeat poni pars prudentia. R. Affirmativè, non quòd non utilis ART. 3.

fit docilitas ad quamlibet virtutem intellectualem, sed ita quod præcipuè ad prudentiam pertineat. *Ratio utriusque partis est*, quia cum homo in particularibus operabilibus, quæ ad prudentiam pertinent, in quibus sunt infinitæ diversitates, quæ quidem non possunt ab uno sufficienter considerari, indigeat maximè ab alio erudiri, & maximè, ut Sapiens, & Arist. docent, à senibus; idèò cum hoc pertineat ad docilitatem, ad prudentiam præcipuè pertinebit docilitas, esto quod ad omnem requiratur virtutem intellectualem; & quidem quanvis docilitas sit à natura, utpote quæ adhuc studio perficitur, ac industriâ, dum sollicitè, frequenter, & reverenter applicat homo animum suum documentis majorum. Imò & quanvis docilitas sit discipuli, cujus quidem, in quantum talis, non est præcipere aliis, utpote cum adhuc præcipiat sibi ipsi, quod sufficit.

Prov. 2.
Lib. 11.
Ethic.
cap. 11.

Vtrum solertia sit pars prudentia. R. Affirmativè, non quòd omnis solertia sit pars ART. 4.

prudentiæ, sed ita quod pars prudentiæ sit, ut est prompta, & facilis conjecturatio circa inventionem medii. *Primum est*, quia solertia, quæ ad hoc pertinet, ut homo bonè se habeat ad rectam acquirendam æstimationem per seipsum, cum sic accepta pro facili, & prompta conjecturatione circa

inventionem medii, sub qua ratione idem est quod custochia, definiri soleat, *Habitus* qui provenit ex repentino, inveniens quod congruit; ideò cùm hoc pertineat ad prudentiam, nec solum se habeat in demonstrativis, sed etiam in operativis, est consequenter sub ea ratione pars prudentiæ, & quidem etiam valens ad bene consiliandum, licet oporteat consiliari tardè, & solertia sit conjectura velox, quando scilicet ex improvviso occurrit aliquid agendum. *Secundum est*, quia solertia se etiam habet ad facilè invenienda media in demonstrationibus, ex *Philos.* cùm tamen ratio prudentiæ non sit demonstrativa, sed contingentium.

Lib. 1.
poster.
cap. 5.

ART. 5. *Vtrum ratio debeat poni pars prudentia.*

R. Affirmativè, si tamen sumatur ibi ratio non pro potentia rationis, sed pro bono ipsius usu. *Ratio utriusque partis est*, quia cùm prudentis opus sit esse bene consiliativum, ex *Arist.* & consilium sit inquisitio quædam ex quibusdam ad alia procedens, quod est opus rationis; ideò & est ratio pars integralis prudentiæ, tanquam id quod exigitur ad perfectionem ipsius, adeo ut licet in aliis quibusdam virtutibus intellectualibus, & artibus sit certior ratio, quàm in prudentia; ad prudentiam tamen maxime requiratur, ut scilicet possit homo bene applicare universalia principia ad particularia, quæ sunt varia, & incerta. Si tamen sumatur ibi ratio, non pro potentia rationis, utpote quæ potius est prudentiæ subjectum; sed pro bono rationis usu, qui quidem alius est, & consequenter alia prudentiæ pars ab usu intellectus, cujus nomen sumitur

In 6.
Ethic.
cap. 5.

Quest. XLIX. Art. VI. & VII. 241

fumitur ab intima penetratione veritatis, cum tamen nomen, & usus rationis sumatur ab inquisitione, & discursu.

Vtrum providentia poni debeat pars prudentia. R. Affirmativè, ita scilicet quod & importentur in providentia, quæ ad prudentiam pertinent, & importentur ut in principaliori parte. *Primum est*, quia cum prudentia propriè sit circa contingentia futura operabilia, ut sunt per hominem in finem humanæ vitæ ordinabilia, præterita namque, & præsentia, ut præsentia sunt, necessitatem habent; idè cum providentia importet respectum quendam alicujus distantis, ad ea quæ in præsentia occurrunt & ordinanda sunt, quo fit ut non dicatur propriè in speculativis, eo quod universalialia, & necessaria non sint secundum se distantia, & procul; necnon & importetur in ratione providentiæ rectitudo consilii, judicii, & præcepti, quia sine his esse non potest recta ad finem ordinatio, importat per consequens providentia quæ ad prudentiam pertinent. *Secundum est*, quia cum omnes aliæ partes, quæ ad prudentiam requiruntur, ad hoc necessariae sint, ut aliquid rectè ordinetur in finem, quod per se spectat ad providentiam, idè & est providentiæ pars principalior, necnon denominans, adeo ut dicatur prudens, quasi procul videns, unde est providentiæ nomen.

ART. 6.

Vtrum circumspectio possit esse pars prudentia. R. Affirmativè, ita scilicet quod ad prudentiam necessaria sit circumspectio, sed aliter quàm ad alias virtutes morales. *Primum est*, quia cum ad prudentiam per-

ART. 7.

tineat ut rectè ordinet ad finem, & ut finis sit bonus, & id quod ordinatur ad finem sit bonum, & conveniens fini; ideo quia circa singularia operabilia contingit aliquid ex se consideratum esse bonum, & conveniens fini, quod tamen ex aliquibus concurrentibus redditur vel malum, vel non opportunum ad finem, inde fit, quod necessaria sit prudentiæ circumscriptio, ut scilicet homo quæ ordinantur in finem, conferat etiam cum his quæ finem actu circumstant, quæ quidem finita sunt, licet quæ possunt circumstare sint infinita. Ad providentiam namque pertinet quidem prospicere id, quod est per se conveniens fini; sed ad circumspeditionem pertinet an id sit conveniens fini secundum ea quæ circumstant. *Secundum est*, quia circumstantiæ ad prudentiam pertinent, sicut ad determinandum eam; cum tamen ad virtutes morales pertineant in quantum per circumstantiarum determinationem perficiuntur.

ART. 8. *Vtrum cautio debeat poni pars prudentia.*
R. Affirmative, non quod prudentia sit necessaria, ut quis sibi caveat à virtutibus; sed ut sibi caveat ab eis, per quæ impediri possunt actus virtutum. *Primum est*, quia ea circa quæ est prudentia, cum sint contingencia operabilia, in quibus sicut verum potest falso admisceri, ita malum bono, propter multiformitatem huiusmodi operabilium, in quibus habent mala multoties speciem boni; ideo & opus est cautione, ut sic accipiantur bona ut virentur mala, quæ possent actus impedire virtutum, quæque secundum quod in pluribus evenire solent,

ut à cautione attenduntur, finita sunt, esto quod mala, quæ casualiter accidunt, & ut in paucioribus, sint infinita. *Secundum est*, quia cùm nemo virtutibus malè utatur, ut dicit Aug. ideò nec ut quis sibi caveat à virtutibus, ponitur cautio, sed ut sibi caveat ab eis, per quæ impediri possunt actus virtutum. Licet enim cavere mala, & prosequi bona ejusdem rationis sint, tamen aliqua vitare impedimenta extrinseca ad aliam pertinet rationem, & sic cautio differt à providentia, quæ providet bona.

IN QVÆSTIONEM L.

De partibus subjectivis prudentia.

Vtrum regnativa debeat poni species prudentia. *Et Affirmativè*, ita scilicet quod regnanti, seu Regi prudentia competat secundum specialem, & perfectissimam sui rationem, imò & magis ponatur regnativa species prudentiæ, quàm justitiæ. *Primum est*, quia cùm ibi sit specialis ratio prudentiæ, ubi est specialis ratio regiminis, quandoquidem prudentiæ est regere, & præcipere; & in eo qui regnum vel civitatem regit, sit speciale regimen, cùm non solum se, sed etiam alios regat, & quidem tanto perfectiori regimine, quo ad plura se extendit; ideò & est regnativa species, & quidem perfectissima prudentiæ: ita tamen, quod sub regnativa, quanvis denominetur à regno, quia regnum est optimum regimen inter alias politicæ species, alia tamen contineantur regimina recta, quibus etiam non convenit leges condere, nisi ut participant de regimine Regis. *Secundum est*, quia cùm dirigere magis pertineat ad Regem, exequi autem

ARTI-
CVLVS
PRI-
MVS.

244 *Quæst. L. Artic. II. & III.*

ad subditos; ideo & regnativa magis poni debet species prudentiæ, quæ est directiva omnium, quæ pertinent ad alias virtutes, quàm justitiæ, quæ est exequutiva.

ART. 2. *Vtrum politica convenienter ponatur species prudentia. R. Affirmativè*, ita quod & alia sit species à regnativa, & alia etiam à prudentia communiter dicta. *Ratio utriusque partis est*, quia cum homines aliter moveantur à suis superioribus, quàm moveantur irrationalia & inanimata à suis motoribus, utpote quæ ab alio tantum aguntur, & non agunt se, adeo ut rectitudo regiminis ipsorum non sit in ipsis, sed solum in motoribus; cum tamen homines ita ab aliis agantur per præceptum, ut etiam agant seipsos per liberum arbitrium: ideo & in hominibus requiritur quædam rectitudo, & prudentia regiminis, per quam seipsos dirigant in obediendo principantibus, quæ dicitur politica, quæ proinde alia est species à regnativa, esto quod eadem sint quæ oportet regnantem præcipere, & subditum exequi, utpote cum adhuc sint diversæ rationes, altera præcipientis, altera obediens; sed & alia à prudentia communiter dicta, cum per hanc homo seipsum dirigat in ordine ad bonum proprium tantum, at per politicam in ordine ad bonum commune. Cum quo tamen stat, quod regnativa adhuc dicatur pars prudentiæ politicæ, non quod politica non sit pars, sed quia prudentia subditorum, quæ deficit à prudentia regnativa, retinet sibi nomen commune, ut politica dicatur.

ART. 3. *Vtrum æconomica debeat poni species prudentia. R. Affirmativè*, ita scilicet quod

Sicut prudentia communiter dicta, & regitiva unius distinguitur à politica prudentia sic & œconomica ab utraque. *Rationis utriusque partis est*, quia cum ratio objecti diversificata secundum universale, & particulare, vel secundum totum & partem, diversificet artes, & virtutes, unde una principalis est respectu ~~aliorum~~ ^{aliorum}, & domus media modo se habeat ad singularem personam, & ad civitatem, vel regnum, quia sicuti persona est pars domus, ita domus pars civitatis; ideo sicuti prudentia regitiva unius distinguitur à politica, ita œconomica ab utraque. Vnde cum ait Arist. esse ^{Lib. 7.} œconomicam ad divitias, id non intelligendum tanquam ad finem ultimum, sed ut ad instrumenta; sed nec œconomica est malorum, utpote cum peccatores licet possint providere aliqua disponere in domo, non tamen ipsum totum bene vivere domesticæ conversationis, ad quod quidem requiritur vita virtuosa: cum quo tamen stat, quod quia pater in domo non habet perfectam potestatem regiminis, sicut habet Rex, nec etiam ponatur paterna potestas separatim & specialiter species prudentiæ, sicut ponitur regnativa. ^{polit. 4. 5.}

Utrum militaris debeat poni species prudentiæ. ^{ART. 4.} *Affirmative*, non quod non possit dici ars, sed ita quod magis habeat rationem prudentiæ. *Primum est*, quia cum natura ad duo tendat, scilicet ad regendam unamquamque rem in se, & ad resistendum contrariis, propter quod & indidit unicuique vim concupiscibilem, & irascibilem; & ea quæ secundum rationem aguntur, conformari debeant naturæ, quæ secundum

rationem divinam fuit instituta; ideo præter politicam prudentiam, quâ disponuntur quæ pertinent ad bonum commune, dari debet & alia species, scilicet militaris, quâ repellantur hostium insultus; & quidem quanvis alia negotia civitatis non propterea constituent species prudentiæ, utpote quæ ordinantur foris. Ad particularem aliquam utilitatem, non publicam, ut militaris. *Secundum est*, quia quanvis militaris, cujus quidem directio ad prudentiam pertinet, esto quod exequutio pertineat ad fortitudinem, magis habeat rationem prudentiæ secundum quod ordinatur ad bonum commune; quia tamen quasdam etiam habet regulas rectè utendi quibusdam exterioribus rebus, putà armis, & equis, ideo nihil prohibet, ut etiam secundum hanc rationem dicatur ars.

IN QVÆSTIONEM LI.

De virtutibus adjunctis prudentiæ, seu potentialibus.

ARTI-
CVLVS
PRI-
MVS.

V*trum eubulia sit virtus. R. Affirmati-
vè*, ita quod ad bonum consilium, unde dicitur eubulia, detur virtus, quanvis non talis, quæ debeat à consilio omnem excludere imperfectionem. *Primum est*, quia cum virtus humana sit quod facit actum hominis bonum, utpote quod est de ratione virtutis; & eubulia sit talis, quia facit benè consiliari, unde dicitur ab *Eu*, quod est bonum, & *Bule*, quod est consilium; ideo & habet quâ talis rationem virtutis, adeò ut nec ullus eubuliâ malè utatur, quia mala consilia, & ad malos fines, ex Arist. sunt contra rationem eubuliæ; & in nullo peccatore inveniatur, quando qui-

Lib. 6.
Ethic.
cap. 9.

dem omne peccatum est contra bonam consiliatorem, ad quam quidem non solum requiritur inventio opportunorum ad finem, sed alia etiam circumstantia, ut tempus congruum, modus in consiliis, &c. quæ peccatores non observant. *Secundum est*, quia cum virtus humana sit perfectio secundum modum hominis, qui quidem non potest per certitudinem comprehendere veritatem rerum simplicium intuitu simplici, & præcipue in agibilibus, quæ sunt contingentia; ideo nec debet eubulia talis esse virtus, quæ excludat à consilio imperfectiorem dubitationis, & inquisitionis.

Vtrum eubulia sit virtus distincta à prudentia. *Et Affirmativè*, ita quod actus, ad quos principaliter ordinantur, & diversi sint, & diversæ sint bonitatis; quanvis non ita, quin sit eubulia ad prudentiam ordinata. *Primum est*, quia actus consiliativus, qui quidem est elicitive ab eubulia, & solum imperativè à prudentia, & actus præceptivus diversi sunt, necnon diversæ bonitatis, cum ex alio efficiatur homo benè consiliativus, & ex alio benè præceptivus, imò & unum quandoque invenitur separatim ab altero; proindeque & alia est virtus eubulia à prudentia, cujus est præcipere, & quidem quanvis habeant eundem finem ultimum, utpote quæ adhuc habent diversos fines proximos. Quin imò etiam in speculativis alia scientia est dialectica, cujus est invenire, & alia demonstrativa, cujus est determinare veritatem. *Secundum est*, quia sicut consiliari ordinatur ad præcipere, ut ad principalius, sic & eubulia ut ad principalem virtutem, sine

ART. 2.

qua non esset virtus, sicut nec aliz morales.

ART. 3. *Verum synesis sit virtus. R. Affirmativè,* ita scilicet quod & alia sit ab eubulia, quæ est ad benè consiliandum; & alia à prudentia, quæ ad benè præcipiendum. *Ratio utriusque partis est,* quia cum oporteat ut secundum diversitatem actuum, qui non reducuntur ad eandem causam, sit etiam diversitas virtutum; & bonitas iudicii non reducat ad causam bonitatis consilii, cum multi sint benè consiliativi, sed non eusæti, idest benè sensari, quasi rectè iudicantes post inquisitionem consilii; sed nec etiam reducat ad causam bene præcipiendi, cum contingat quandoque, quod bene iudicatum differatur, vel negligentè agatur, quia non benè præcipitur; idèò synesis, quæ rectum importat iudicium circa operabilia, quod quidem potest in malis esse rectum in universali, non autem in particulari, habet esse virtus, & quidem alia & ab eubulia, & à prudentia. Cum quo tamen stat, quod rectum hoc iudicium, quod in eo consistit, quod vis cognoscitiva rem apprehendat ut est in se, pertineat quidem ad synesim, ut est specialis virtus, quando hoc provenit directè, ex eo scilicet, quod cognoscitiva virtus non est imbuta falsis conceptibus, sed veris & rectis; sed etiam indirectè ad virtutes morales, quando hoc indirectè provenit ex bona dispositione appetitivæ virtutis, quæ quidem consequitur habitum virtutum moralium.

ART. 4. *Verum gnome sit specialis virtus. R. Affirmativè,* non quod non sit synesis verè

judicativa de omnibus, quæ secundum communes regulas fiunt, sed quia præter communes regulas sunt quædam alia dijudicanda per *gnome*. *Ratio utriusque partis est*, quia cum contingat aliquando aliquid facere præter communes regulas; de quibus est *synesis*, in quibus per consequens judicandum est secundum altiora principia, putà cum impugnatori patriæ non est depositum reddendum; & ut habitus cognoscitivi distinguuntur secundum altiora, vel inferiora principia, ut sapientia, & scientia, ita & habitus activi; ideo & altior requiritur virtus, quàm *synesis* ad judicandum, quæ quidem vocatur *gnome*, quæ importat perspicacitatem quandam judicii; non quòd non sufficiat *synesis* ad verè judicandum de omnibus quæ secundum communes regulas fiunt, utpote cum secundum *synesim* dicatur aliquis benè judicativus; sed quia præter communes regulas sunt quædam alia dijudicanda. Vnde est quidem eubulia una virtus, quia inquisitio consilii est una de omnibus; & similiter prudentia una, quia præceptum in omnibus requirit unam rationem boni, non ita tamen de *synesi*, quæ est judicativa, cum debeat judicium sumi ex propriis principiis rei, & ita debeat per aliam sumi virtutem, quando sumitur per altiora & communiora principia; & quidem quavis quæ per ea judicantur, nobis casualia sint, & spectantia ad Dei providentiam, utpote cum inter homines qui magis perspicax est, ad quod ponitur *gnome*, possit plura horum sua ratione dijudicare.

ARTI-
CVLVS
PRI-
MVS.

Vtrum consilium debeat poni inter dona Spiritus sancti. *Re. Affirmativè*, non quòd non sit homo bene consilians per prudentiam, vel eubuliam; sed ita quòd etiam per modum consilii eum oporteat moveri à Spiritu sancto. *Ratio utriusque partis est*, quia cum dona Spiritus sancti sint dispositiones, quibus anima redditur benè mobilis ab ipso, & Deus moveat unumquodque ad modum ejus, quòd movetur; ideò cum proprium sit homini ut moveatur per rationis inquisitionem, quæ consilium dicitur, debet Spiritus sanctus eum etiam per modum consilii movere, adeò ut agantur filii Dei à Spirito sancto, sed salvo libero arbitrio, sicque per consilii donum: & quidem quanvis dicatur homo benè consiliativus per prudentiam, & eubuliam, utpote quòd non ita dicitur, nisi secundum ea quæ humana ratio potest comprehendere, quæ quidem cum omnia comprehendat, quæ occurrere possunt, juxta illud, Cogitationes mortalium timidæ, & incertæ providentiæ nostræ; ideò & adhuc egemus à Deo per donum consilii dirigi. Vnde quòd à Deo consilium habeamus de his, quæ sunt ad salutem necessaria, est commune omnium Sanctorum donum, esto quòd quantum ad hoc, quòd quis rectè aliis consilium præbeat, possit esse gratia gratis data, nec esse commune omnibus gratiam habentibus sanctificantem.

ART. 2. *Vtrum donum consilii respondeat virtuti prudentiæ. Re. Affirmativè*, non quòd ei non

respondeat scientiæ donum per extensionem, sed ita quod directè ei respondeat donum consilii. *Primum est*, quia cum principium motivum inferius juvetur, & perficiatur ex hoc, quod movetur à principio superiori, & rectitudo humanæ rationis sit quid inferius respectu rationis divini, quæ est suprema regula; ideo prudentia quæ importat rationis rectitudinem, perficitur prout movetur à Spiritu sancto, quod pertinet ad donum, & quidem consilii, non iudicii, vel præcepti, esto quod ista duo etiam ad prudentiam spectent, utpote cum in donis Spiritus sancti se habeat mens humana ut mota, non ut movens: præcipere autem, & judicare non sit moti, sed moventis. Ita tamen quod quia humanæ mens ex hoc ipso quod dirigitur à Spiritu sancto, sit potens dirigere se, & alios, nec etiam tollatur, quin adhuc prudentia dirigat. *Secundum est*, quia cum scientiæ donum auxilium præbeat prudentiæ, ideo & ei aliquammodo respondet, non quidem directè, quasi circa eandem existens, ut donum consilii, cum sit in speculativis, sed per quandam extensionem.

Utrum donum consilii maneat in patria?

ART. 3.

R. Affirmativè, non quod maneat in Beatis secundum omnia, quæ ad ipsum pertinent in præsentis statu; sed in quantum in eis à Deo continuatur circa agenda cognitio eorum, quæ sciunt, & illuminatio eorum quæ nesciunt. *Primum est*, quia licet alia sit dispositio ejus, quod movetur, dum movetur, & alia dum est in termino; nihilominus quando movens non tantum est principium motus, quia tunc cessante motu,

cessaret actio ; sed etiam causa formæ ad quam est motus , non cessat actio moventis , etiam adeptâ formâ , ac proinde cum hoc modo cauſet Deus in nobis virtutem , & cognitionem , cauſabit per consequens & in Beatis , non quidem tanquam ignorantibus , sed quasi continuando in eis cognitionem , & illuminationem , utpote cum quædam sint , quæ pertinet pertinent ad gubernationem rerum , quæ Beati non cognoscunt. Vnde etiam in Beatis sunt aliqui actus ordinati ad finem , ut sunt illi quibus Deum laudant , vel alios trahunt ad finem ; & sic eis competit consilium , quod quidem cum non sit in Deo , ut in recipiente , sed ut in danſe , in hoc etiam conformantur Sancti Deo , tanquam recipiens influenti. *Secundum est* , quia ad consilium secundum statum præsentis vitæ pertinet dubitatio , quæ quidem non reperitur in patria. Vnde & aliter movetur mens à Deo in viatoribus , & aliter in Beatis , quandoquidem movetur in illis circa agenda , prout sedatur anxietas dubitationis in eis præcedens , cum tamen in Beatis moveatur solum ad ea , quæ non cognoscunt ex simplici nescientia , à qua etiam purgantur Angeli , ut ait Dionysius. & hoc est Angelos Deum consulere , ex Augustino.

Cap. 7. de
div. nom.
Lib. 5. super
Genesim.

ART. 4.

Verum quinta beatitudo , quæ est misericordia , respondeat dono consilii. R. Affirmative , non quod aliæ ei non respondeant , sed ita quod specialiter respondeat misericordia. *Ratio utriusque partis est* , quia cum consilium sit propriè de his , quæ sunt utilia ad finem , proindeque & ea quæ sunt maxime utilia , maxime debeant correspon-

dere dono consilii; ideo cum ex Apost. misericordia, seu pietas ad omnia utilis sit, debet per consequens specialiter respondere dono consilii, non quidem sicut elicienti, sed sicut dirigenti, adeo ut dirigat quidem in aliis beatitudinibus, cum sint de actibus virtutum, sicut & in omnibus, quæ sunt ad finem, sive sint de necessitate salutis, sive non; sed tamen specialiter in operibus misericordiarum. Cum quo tamen stat, quod nil ponatur inter fructus, quod respondeat dono consilii, quod dirigit in cognoscendo, utpote cum fructus importet ultimum, quod quidem in practicis est operatio, non autem cognitio.

IN QVÆSTIONEM LIII.

De vitiis prudentia oppositis.

Vtrum imprudentia sit peccatum. *R. Affirmativè*, & quidem sive sumatur privativè, sive contrariè. *Primum est*, quia cum imprudentia privativè sumpta supponat non pro ea, quæ à natura est, quæque negativè dicitur, sed pro carentia prudentiæ, quam quis natus est habere, & debet habere; ideo & hæc peccatum est ratione negligentia, quia non adhibet studium ad prudentiam habendam; & quidem quavis nemo deformitatem imprudentiæ velit, utpote cum temerarius adhuc ejus actum velit, dum vult præcipitanter agere. *Secundum est*, quia accipitur imprudentia contrariè, prout ratio movetur, vel agit modo contrario prudentiæ, quod quidem peccatum est secundum propriam rationem prudentiæ, quando quidem esse non potest, ut quis contra prudentiam agat, nisi divergendo à regulis, quibus prudentiæ ratio

1. ad Tim.
4.

ARTICULVS
PRIMVS.

rectificatur. Vnde est peccatum mortale, si id fiat per averfionem à regulis divinis, ut si quis contemnens divina documenta precipitanter agat, quia ut ait Sapiens, imprudens dissipat thesaurum gratiæ, quem proinde non nisi per pœnitentiam restituit Deus, restituendo scilicet cum gratia prudentiam infusam, & tollendo habitum contrarium prudentiæ acquisitæ.

ART. 2. *Vtrum imprudentia sit speciale peccatum.*
R. *Affirmative*, non quod non generale sit generalitate generis ad plures species, sed ita quod generale non sit absolute, & essentialiter respectu omnium peccatorum. *Primum est*, quia quanvis imprudentia per participationem sit ita generale peccatum, ut in omnibus inveniatur vitiis, & peccatis, cum vitium esse non possit sine aliquo defectu in actu rationis dirigentis; quia tamen non prædicatur de omnibus peccatis, sicut nec prudentia de omnibus virtutibus, ideo nec est generale peccatum per essentiam, & quidem quanvis ponatur ignorantia inter generales causas peccati, nec sit speciale vitium, utpote cum hoc ideo sit, quia scientia est magis remota à moralibus, quàm prudentia: cum quo tamen stat, quod defectus eorum, quæ requiruntur ad prudentiam, scilicet corruptio circumstantiarum, si habeat idem motivum, non diversificet speciem peccati, ut si quis acciperet non sua, ubi non deberet, & quando non deberet; secus si habeat diversa motiva, ut si unus acciperet ubi non deberet, ut injuriam faceret loco sacro. *Secundum est*, quia sub se continet imprudentia multas species, tum per oppositum

ad diversas species subjectivas prudentiæ, tum etiam ad partes ejus potentiales, juxta quod ad defectum consilii est præcipitatio, sive temeritas; ad defectum judicii, inconsideratio; quantum ad ipsum præceptum est inconstantia, & negligentia: ad quas quidem species reducuntur quæ accipiuntur per oppositum ad partes integrales, ut incautela, & incircumspectio ad inconsiderationem: defectus docilitatis, & memoriæ ad præcipationem: defectus intelligentiæ, & solertiæ ad negligentiam, & inconstantiam.

*Vtrum præcipitatio sit peccatum sub imprudentia contentum. R. Affirmative, non quod nõ opponatur præcipitatio dono consilii, sed ita quod etiam prudentiæ contrarietur. Ratio utriusque partis est, quia cùm dicatur præcipitatio metaphoricè in actibus animæ per similitudinem ad præcipationem corporalem, dum scilicet à superiori, quod est in anima ratio, ad imum, quod est operatio per corpus exercita, fertur per impetum voluntatis, prætermis-
ART. 3.*
 gradibus mediis, qui quidem ad rectè consiliandum sunt memoria præteritorum, intelligentia præsentium, solertia in futuris, ratiocinatio & docilitas; ideo cùm hæc inordinatio consilii ad prudentiam pertineat, sub ea etiam continetur præcipitatio, & sub præcipatione temeritas, utpote potens provenire vel ex impetu voluntatis, aut passionis, vel ex contemptu regulæ dirigentis, quod quidem utrumque respicit præcipitatio, licet magis primum. Ita tamen quod præcipitatio, quæ quidem directius opponitur rectitudini consilii,

quàm tarditas superflua, quia oportet consiliari tardè, cùm hoc quod prudentiæ opponitur, opponatur & dono consilii, quandoquidem ad utrumque pertinet rectitudo consilii, cui contrariatur.

ART. 4. *Verum inconsideratio sit speciale peccatum sub imprudentia contentum. R. Affirmative,* ita scilicet quod rectitudini iudicii specialiter opponatur, si tamen accipiat in materia agibilia humanorum. *Primum est,* quia cùm consideratio propriè pertineat ad iudicium, utpote quia est actus intellectus veritatem rei intuentis; ideo & erit inconsideratio non minùs quàm præcipitatio defectus iudicii recti, ex eo scilicet quod homo negligit, aut contemnit attendere ea, ex quibus procedit iudicium rectum; proindeque & erit speciale peccatum intra imprudentiæ genus. Vnde cùm ait Dominus, nolite cogitare quomodo, aut quid loquamini, non propterea prohibet considerare quæ sunt agenda, vel dicenda, quando scilicet habet homo opportunitatem; sed dat fiduciam, ut opportunitate deficiente, in divino confidat auxilio; aliàs si prætermittat facere quod potest, solum divinum auxilium expectans, videtur tunc Deum tentare. *Secundum est,* quia cùm accepta consideratio ut est circa speculabilia, præcedat omnes istos actus prudentiæ, qui sunt consiliare, iudicare, & præcipere; ideo nec est speciale peccatum imprudentiæ, nisi prout accipitur secundum agibilia humana, circa quæ, quia in singularibus versantur, plura etiam occurrunt consideranda quàm in speculativis.

ART. 5. *Verum inconstancia sit vitium sub impru-*

Quaest. LIII. Artic. VI. 257

dentia contentum. R. Affirmativè, ita scilicet quod secundum sui consummationem ad imprudentiam pertineat, non tamen ex parte sui principii. *Ratio utriusque partis est*, quia cum omnis defectus rationis practicae pertineat ad imprudentiam, sicut omnis ejus rectitudo pertinet aliququaliter ad prudentiam; & inconstantia principium quidem habeat in vi appetitiva, juxta quod dicitur, quod zelus & contentio faciunt *Iacobi* inconstantiam, propterea quod nemo recedit à priori bono proposito, quod ad inconstantiam pertinet, nisi propter aliquid, quod sibi inordinatè placet; tamen quantum ad sui consummationem pertineat ad defectum rationis, quæ scilicet fallitur dum repudiat id, quod rectè acceperat; ideo & ad imprudentiam pertinet consummativè, adeo ut quanvis contrarietur etiam fortitudini, prout bonum prudentiæ participatur in omnibus virtutibus moralibus, opponatur tamen directè prudentiæ, & quidem circa actum præcepti, sicut inconsideratio circa actum judicii, & præcipitatio circa actum consilii. Vnde & continentia, & perseverantia, quæ sunt species constantiæ, sunt similiter in ratione, non autem in vi appetitiva, esto quod continens patiatur perversas concupiscentias, & perseverans graves tristitias, utpote quia ratio firmiter in utroque persistit.

Utrum prædicta vitia oriuntur ex luxuria. ART. 6.

R. Affirmativè, non quòd non causentur per alia, tanquam pertrahentia rationem ad aliud; sed ita quod ea maximè causet luxuria, tanquam totaliter extinguens rationis judicium. *Primum est*, quia cum de-

fectus prudentiæ, & cujuslibet intellectus-
 lis virtutis proveniat ex sensibili delecta-
 tione, quia delectatio corrumpit maximè
 æstimationem prudentiæ, cujus quidem
 perfectio consistit in abstractione à sensibi-
 libus; ideo cum delectatio sit maximè in
 venereis, quæ totam animam absorbent,
 ab ea proinde oriuntur maximè prædicta
 vitia pertinentia ad defectum prudentiæ;
 & quidem quanvis vitia spiritualia sint ra-
 tioni propinquiora, quàm carnalia, utpote
 cum carnalia tanto magis extinguant judi-
 cium rationis, quanto longius abducunt à
 ratione; imò & quanvis dicatur inconstan-
 tia sequi ex duplicitate, quippe quæ licet
 per se ad dolositatem pertineat, ut tamen
 importat vertibilitatem animi ad diversa,
 est quoddam consequens ad luxuriam. *Se-
 cundum est*, quia & invidia, & ira, ut dictum
 est, inconstantiam causant, sed pertrahendo
 rationem ad aliud, non autem extin-
 guendo, cum dicat Philos. quod inconti-
 nens iræ audit quidem rationem, sed non
 perfectè, ad differentiam incontinentis con-
 cupiscentiæ, qui totaliter eam non audit.

IN QVÆSTIONEM LIV.

De negligentia.

ARTI-
 CULVS
 PRI-
 MVS.

Vtrum negligentia sit peccatum speciale.
Re. Affirmativè, non quidem propter
 specialem, seu determinatam materiam;
 sed propter specialitatem actus. *Ratio*
utriusque partis est, quia cum negligentia
 importet defectum debiti sollicitudinis, &
 omnis defectus debiti actus peccatum sit,
 & quidem speciale, ubi est circa specialem
 actum, & cum oppositione ad specialem
 virtutem; ideo quanvis diligentia & solici-

Iacobi 1.

Art.
 præc.

In 7.
 Ethic.
 cap 6.

tudo requirantur ad quamlibet virtutem, in quantum in unaquaque requiruntur debiti actus rationis; proindeque & inveniantur negligentia aliquantulum in omnibus peccatis, adhuc tamen erit speciale peccatum, non quidem ob specialem materiam, quæ respectu negligentiae sunt omnia bona, quæ quis agere debet, non quod sint bona dum negligenter aguntur, sed quia in eis per negligentiam accidit defectus bonitatis, sed propter specialitatem actus se extendentis ad omnem materiam moralem, ut de facto se extendit actus quilibet rationis.

Vtrum negligentia opponatur prudentia.

ART. 2.

R. Affirmative, non quidem ex ratione omissionis, vel pigritiae, & torporis; sed ex oppositione, quam habet ad sollicitudinem. *Primum est*, tum quia rectitudo sollicitudinis ad prudentiam pertinet, sicque ex hoc quod directe opponitur negligentia sollicitudini, opponitur & prudentiae; tum quia negligens ex Isidoro, cum dicitur quasi non eligens, & recta electio pertineat ad prudentiam, est etiam negligentia circa prudentiam, & quidem circa actum præcipiendi, sed aliter quam inconstans, cum deficiat inconstans tanquam ab alio impeditus, & negligens ex propria voluntate. Cum quo tamen stat, quod timor Domini faciat negligentiam vitare, ut dicitur; non quod ei directe negligentia opponatur, sed prout excitat homines ad actus rationis. *Secundum est*, quia & pertinet ommissio ad exteriorem actum, sicut & pigritia, & torpor, quæ magis pertinent ad executionem actus; cum tamen consistat negligentia in defectu interioris

Lib. 10.

Etym.

cap. 13.

Eccles. 7.

actus, ad quem pertinet etiam electio.

ART. 3. *Utrum negligentia possit esse peccatum mortale. R. Affirmative, & quidem tum ex parte ejus, quod praetermittitur, tum etiam ex parte causae. Ratio utriusque partis est, quia quanvis venialis solum sit, si solum sit praetermissio actus, vel circumstantiae, quae non sint de necessitate salutis, nec fiat ex contemptu; si tamen praetermittitur aliquid, quod est de necessitate salutis, sive sit actus, sive circumstantia; vel ita sit remissa voluntas circa ea, quae Dei sunt, ut totaliter à charitate deficiat, tunc mortalis est negligentia, praesertim si adsit contemptus, juxta illud:*

Prov. 19. *Qui negligit vitam suam mortificabitur. Et quidem quanvis dicatur parva oblatio purgare negligentias, si nimirum humili mente, & pura dilectione fiat, utpote quae sic facta purgat etiam peccata mortalia; imò & quanvis ex Greg. minor amor Dei negligentiam exaggeret, cum possit accipi minor ille amor, non solum per defectum fervoris charitatis, quo modo causatur venialis negligentia; sed etiam per defectum charitatis, ut cum diligitur Deus solum amore naturali, in quo sensu mortalem facit negligentiam. Cum quo tamen stat, non fuisse, nec fieri debuisse sacrificium in lege pro hoc peccato, utpote quia sacrificiorum oblatio in lege erat quaedam publica protestatio peccati, quae non est facienda de peccato occulto, ut est negligentia.*

**Lib. 9.
Mor.
cap. 26.**

Quaest. LV. Artic. I. & II. 261
IN QVÆSTIONEM LV.

De vitiis prudentia oppositis secundum
similitudinem.

Vtrum prudentia carnis sit peccatum. ARTI-
B. Affirmativè, ita scilicet quod pos- CULVS
sit prudentia in malo accipi, & in malo PRI-
accipiatur prudentia carnis; quanvis non MVS.
ita de iustitia, vel temperantia. *Primum*
est, quia cum dicatur prudentia carnis, non
quidem quando licitè amatur caro, & or-
dinatè, putà cum ordine ad bonum ani-
mæ, sed secundum quod aliquis bona car-
nis habet ut finem ultimum; ideo cum
hoc peccatum sit, quia per hoc deordina-
tur homo ad ultimo finem, est etiam pru-
dentia carnis peccatum: & similiter pru-
dentia mundi, quæ quidem potest etiam
sic nominari, quia etiam mundus tentat
per modum appetibilis; quanvis non pro-
priè dicatur prudentia dæmonis, utpote
qui non tentat per modum appetibilis, ad
quem tamen finem habet prudentia ordi-
nem; sed per modum suggestionis. *Secun-*
dum est, quia iustitia, & temperantia im-
portant in sui ratione id, unde laudatur
virtus, scilicet æqualitatem, & concu-
pisceniarum refrenationem; cum è contra
prudentiæ nomen sumatur à providendo,
quod etiam ad mala extendi potest, & con-
sequenter in malum accipi.

Vtrum prudentia carnis sit peccatum mor- ART. 2.
tale. B. Negativè, si tamen accipiatur non
secundum absolutam prudentiæ rationem,
sed secundum rationem prudentiæ parti-
cularis. *Ratio utriusque partis est*, quia cum
prudencia carnis dicatur accipi secundum
rationem particularis prudentiæ, quando

accipitur in ordine ad aliquem finem particularem, putà ad negotiationem; non autem in ordine ad finem totius vitæ, in ordine ad quem dicitur absolutè prudentia; ideò cùm contingat quandoque, ut aliquis inordinatè afficiatur ad aliquod delectabile carnis, sine hoc quod averratur à Deo, non autem si in eo finem constituat totius vitæ, erit quidem prudentia carnis mortale peccatum, si ita dicatur secundum absolutam prudentiæ rationem; hæc enim est quæ non est subjecta legi, ex Apost. utpote quæ finem totius vitæ constituit in carne; non tamen si dicatur secundum rationem prudentiæ particularis. Vnde nec importat talis prudentia peccatum in Spiritum sanctum, quasi is, qui eam habet, non possit subjici Spiritui sancto; sed ipsa solum prudentia est, quæ non potest Deo subjici, sicut nec quodvis veniale peccatum: sed nec oportet, ut id quod prudentiæ opponitur, sit gravissimum, cùm participetur prudentia ab omni virtute; sed solum cùm opponitur in aliquo maximo.

ART. 3. *Vtrum astutia sit speciale peccatum. R. Affirmativè, ita scilicet quod sit & peccatum quoddam prudentiæ oppositum, & à prudentia carnis distinctum. Ratio utriusque partis est, quia sicut dupliciter erratur in speculativis, vel quia inducitur ratio ad conclusionem falsam, quæ apparet vera, vel quia procedit ratio ex falsis; sic & contra prudentiam peccatur, vel quia studium rationis ordinatur ad finem non verè bonum, sed apparentem, quod pertinet ad prudentiam carnis; vel quia ad finem non utitur veris viis, sed apparentibus, quod*

spectat ad peccatum astutiæ, quæ proinde & est peccatum quoddam; esto quod aliquando accipitur in bono, sicut & quandoque accipitur prudentia in malo; & quidem etiam si sit astutia ad bonum finem, cum ad bonum finem non sit perveniendum falsis viis; & est à prudentia carnis distinctum, quanvis non ita quin possit comprehendere sub prudentia carnis, vel mundi, si sub hoc accipiantur omnia, quæ possunt ad falsam prudentiam pertinere, quo modo accepit Greg. describens prudentiam mundi.

Lib. 10.
mor.
cap. 27.
ART. 4.

Utrum dolus sit peccatum ad astutiam pertinens. R. Affirmative, ita scilicet quod quandam importet executionem astutiæ, & quidem sive per verba fiat, sive per facta. Ratio utriusque partis est, quia cum ad astutiam pertineat assumere vias simulatas ad aliquem finem, & hæc assumptio sicut propriè pertinet ad astutiam, si consideretur in excogitatione talium viarum, sic & propriè pertineat ad dolum, si spectetur secundum executionem operis; ideo dolus, qui tamen aliquando accipitur in bono, sicut & astutia, & sic datur in viris perfectis, quandam importat executionem astutiæ; & quidem sive per verba fiat, ut principaliter fieri solet, utpote quæ præcipuum tenent locum inter signa humana; sive etiam fiat per facta, juxta illud: Et dolum facerent in servos ejus; imò sive etiam fiat in corde, prout quis dolos excogitat. Licet enim interdum sine dolo quis malum inferat per violentiam, adhuc tamen pertinet dolus in corde ad astutiam, prout qui cogitat malum facere,

Psal. 105.

excogitat aliquas vias, ut suum impleat propositum.

ART. 5. *Vtrum fraus ad astutiam pertineat.* *Re. Affirmativè, & quidem per modum executionis astutiæ, sed per facta, non per verba. Ratio utriusque partis est, quia ad idem ordinatur fraus, sed per modum executionis, ad quod astutia, putà ad deceptionem, juxta illud: Numquid decipietur ut*

Iob 13.

2 Cor. 6.

Proverb.

homo fraudulentis vestris? Sed tamen per facta, potiùs quàm per verba, utpote in quo propriè consistit dolus. Vnde illud: Quare non magis fraudem patimini? non sic intelligitur, quod debeant fideles velle decipi in cognoscendo, sed quod injurias sustineant fraudulenter illatas. Sed neque huic obstat, quod quidam moliantur fraudes contra animas suas, ut dicitur, utpote quod non intelligitur, quasi ex intentione ipsorum, sed solùm ex justo Dei judicio, ex quo quidem provenit, ut quod aliqui contra alios moliantur, contra eos retorqueatur. Cum quo tamen stat, nihil prohibere, quod etiam pertineat defraudatio ad avaritiam, & illiberalitatem, cum executio astutiæ possit per multa fieri vitia.

ART. 6. *Vtrum licitum sit sollicitudinem habere de temporalibus rebus.* *Re. Negativè, ita quod illicita sit & ex parte ejus quod quæritur, si quærat ut finis; & ex parte studii adhibiti, si sit superfluum; & ex parte timoris, si nimius sit; esto quod possit esse licita, si moderata sit. Primum est, quia ex parte ejus quod quæritur, ideò Dominus dicit ex Aug. Nolite solliciti esse, &c. ut non ista intueamur, & propter ista faciamus quæ jubemur facere in Evangelii prædicatione;*

dicatione ; per studium verò , quod adhibetur , si sit superfluum , retrahitur homo à spiritualibus : timorem denique illum nimium , & superfluum , quando scilicet quis timet ne faciendo quod debet , sibi necessaria deficient , excludit , & damnat Dominus primò propter majora beneficia homini divinitus præstita ; tum propter subventionem , qua Deus animalibus , & plantis subvenit ; tum denique ex divina providentia , propter cujus ignorantiam gentiles solliciti erant. Vnde concludit nostram sollicitudinem debere esse de spiritualibus bonis , sperando scilicet , quod etiam temporalia nobis proveniant ad necessitatem , si fecerimus quod debemus. *Secundum est* , quia cum temporalia bona sint homini subiecta , non quidem ut superflue circa ea sollicitetur , sed ut eis ad necessitatem utatur ; ideo ubi sollicitudo esset moderata , ut esse potest in eo qui corporali labore panem acquirit , sicut & in operibus misericordiae , ubi scilicet ordinatur temporarium sollicitudo ad finem charitatis , potest tunc esse licita , juxta illud Apost. Si quis

Matt. 19.

1. Theſſ.

3.

ART. 7.

Utrum quis debeat esse sollicitus futurorum. R. *Negative* , si nimirum sit talis sollicitudo , quæ fiat non congruo , & opportuno tempore , aliisque debitis circumstantiis ; sed vel ultra præsentis vitæ necessitatem , vel sollicitudinis tempus præveniendo , vel ea quærendo tanquam finem. *Ratio utriusque partis est* , quia cum omni negotio tempus sit , & opportunitas , utpote cum debitum tempus sit circumstantia virtuosius actus , quod quidem non solum in

Eccles. 8.

exterioribus operibus, sed etiam in interiori solitudine locum habet; ideo sicut qui tempore ætatis de vindemia esset sollicitus, malè & superflue occuparet sollicitudinem futuri temporis, quia ut dicitur, sufficit diei malitia sua, id est afflictio sollicitudinis; non autem si congruo & opportuno tempore id faciat, juxta illud, Vade ad formicam, utpote cum ad prudentiam pertineat providentia non superflua, sed opportuna futurorum, proinde sit, quod non debeat quis aliter quam congruo & opportuno tempore, seu cum debitis circumstantiis esse futurorum sollicitus; qualiter quidem sollicitus est de crastino, qui propter imminensem famem sibi providet necessaria, quandoquidem & Dominus, & Apostoli hoc fecerunt. Vade nec prohibetur, si quis humano modo ista procuret, sed si propter ista non militet Deo, ut ait Augustinus.

Ioan. 12.
Lib. de
serm.
Dom.
cap. 26.

ART. 8.

Vtrum huiusmodi vitia oriuntur ex avaritia, &c. Affirmativè, ita quod maxime oriuntur ex avaritia, tanquam ex vitio maxime iustitiæ opposito, & quidem magis quam ex luxuria, ira, & superbia. *Primum est*, quia cum habeant prædicta vitia similitudinem quandam cum prudentia in aliquali usu rationis; & usus rationis maxime in iustitia consistat, quæ est in appetitu rationali; ideo & maxime apparet usus rationis indebitus, qui est in huiusmodi vitiis, & in vitiis oppositis iustitiæ, proindeque in avaritiâ, quæ maxime iustitiæ opponitur. *Secundum est*, quia cum in prædictis vitiis sit aliquis rationis usus, licet inordinatus; ideo non directè ad luxuriam

pertinet, quæ quidem propter vehementiam delectationis totaliter rationem absorbet, adeo ut quod Arist. viderem doloſam appellet, hoc ſit intelligendum ſecundum quandam ſimilitudinem, in quantum hominem ſubitò ſurripit; ſed nec pertinent directè ad ſuperbiam, ſicut nec ad iram: non ad iram, utpote cum prædicta vitia non ſint abſque conſilio, licet inordinato; ira autem ſit ſubitus motus: ſed nec ad ſuperbiam, quæ quidem cum quandam ſimilitudinem magnanimitatis præſeferat, vult in omnibus manifeſta eſſe, cum tamen fraus, dolus, &c. ex inſidiis agant, & quandam potiùs puſillanimitatem præſeferant.

IN QVÆSTIONEM LVI.

De præceptis pertinentibus ad prudentiam.

Vtrum de prudentia fuerit dandum præceptum aliquod inter præcepta Decalogi. R. Negativè, non quòd non pertineant aliququaliter ad prudentiam omnia præcepta Decalogi, ſed ita quod congruum non fuerit, poni in Decalogo præceptum directè pertinens ad prudentiam. Ratio utriuſque partis eſt, quia licet præcepta Decalogi cadant in æſtimatione omnium, quaſi ad naturalem rationem pertinentia; quia tamen præcipuè ſunt de dictamine rationis naturalis fines humanæ vitæ, qui quidem ſe habent in agendis ſicut principia naturaliter cognita in ſpeculativis; & prudentia non ſit circa finem, ſed circa ea quæ ſunt ad finem; ideo ſit quod quanvis ad prudentiam aliququaliter pertineant omnia præcepta Decalogi, nimirum ſecundum quod eſt ipſa directiva actuum omnium

ARTICULVS
PRIMVS.

virtutum; imò & in doctrina Evangelica oportuerit de prudentia praecepta dari; quia est doctrina perfectionis, ut scilicet homo perfectè intrueretur de omnibus; non propterea congruum fuit, poni inter prima praecepta, seu in Decalogo praeceptum directè perrinens ad prudentiam. Ita tamen quod convenienter præcipiatur de actu prudentiæ, utpote circa ea, quæ sunt ad finem, in veteri Testamento, quandoquidem ordinatur doctrina illa ad praecepta Decalogi, sicut ad finem.

Prov. 3.
& 4.

ART. 2. *Vtrum in veteri lege fuerint convenienter praecepta prohibitiva proposita de vitiis oppositis prudentia. & Affirmative, ita quod & conveniens fuerit dari specialiter in lege praecepta prohibitiva de dolo, & fraude, & sufficienter de illis fuerint data. Primum est, quia cum iustitia, utpote reddens unicuique quod suum est, maximè respiciat rationem debiti, quod requiritur ad praeceptum; & astutia quantum ad executionem maximè committatur in his, circa quæ est iustitia; ideò convenienter data sunt praecepta prohibitiva de executione astutiæ, ut cum quis fraude, & dolo alicui calumniam ingerit; & quidem magis quàm de aliis vitiis, quæ opponuntur directè prudentiæ manifesta contrarietate, ut imprudentia, & partes ejus, utpote quæ non ita pertinent ad injustitiam, sicut executio astutiæ per fraudem, vel dolum. Secundum est, quia cum fraus præcipue exerceri soleat circa emptionem, & venditionem; ideò quanvis non nisi circa emptionem, & venditionem prohibeatur, adhuc tamen sufficienter prohibetur; sicut*

Quest. LVII. Artic. I. 269

& sufficienter præcipitur in lege de actibus prudentiæ, quatenus scilicet præcepta in lege de actibus justitiæ pertinent ad executionem prudentiæ.

IN QVÆSTIONEM LVII.

De jure.

V*trum jus sit objectum iustitiæ.* *Re. Aff.* **ARTI-**
firmative, si tamen sumatur jus secun- **CVLVS**
dum id à quo primò fuit impositum no- **PRI-**
men, non secundum id ad quod deinde si- **MVS,**
gnificandum tractum fuit. *Primum est,* quia
cum justitiæ proprium sit, ut ordinet ho-
minem in his quæ sunt ad alterum, proin-
deque & justum, quod est in ejus opere,
non constituatur solum per comparatio-
nem ad agentem, ut in aliis virtutibus, quæ
perficiunt hominem secundum seipsum, sed
etiam per comparisonem ad alterum; ju-
stum enim, seu justari dicitur à prima no-
minis impositione, quod respondet secun-
dum aliquam æqualitatem alteri; idè
cum justum sit rectitudo justitiæ, ad quam
ejus terminatur actio, & hoc sit ejus ob-
jectum, est consequenter jus objectum ju-
stitiæ secundum id, à quo fuit nomen im-
positum; & quidem quanvis lex sit potius
prudentiæ objectum, utpote quæ non est
ipsum jus, propriè loquendo, sed aliqualis
ratio juris, seu constitutio scripta, & re-
licta quasi regula ex opere justo: cum
quo tamen stat, quod respectu Dei, quan-
vis justitia in hoc tendat, ut homo quan-
tum potest Deo recompenset, totaliter
animam ei subjiendo, non tamen atten-
dat ad legem divinam tanquam ad jus, cum
Deo non possimus æquivalens reddere; sed
fas, quia sufficit Deo, ut impleamus quod

possumus. *Secundum est*, quia nomen illud, *jus*, tractum deinde fuit & ad significandum artem qua cognoscitur, quid sit justum; & deinde locum ubi jus redditur, sub qua quidem ratione non est justitiæ objectum.

ART. 2. *Virum jus convenienter dividatur in jus naturale, & jus positivum. R.* *Affirmativè*, ita scilicet quod opus dicatur justari, seu adæquari alteri secundum aliquem æqualitatis modum, vel ex ipsa rei natura, & ita per jus naturale; vel ex condicto publico, sive Principis, & ita per jus positivum. *Ratio utriusque partis est*, quia quod aliquis tantum det, ut tantumdem recipiat; sicut & quod deponenti depositum reddatur, est quidam æqualitatis, & commensurationis modus ex ipsa rei natura, quanvis non propterea immutabilis, cum nec immutabilis sit natura humana moraliter, seu semper recta, sed possit iis abusi: quod autem aliquis reputet se contentum, si tantum accipiat, est etiam quidam adæquationis, & commensurationis modus; sed ex condicto, sive ex communi placito, purè cum totus populus, vel Princeps populi curam habens consentit, & ordinat, quod id habeatur ut adæquatum, & commensuratum alteri; potest namque voluntas humana aliquid facere justum & secundum æqualitatem, in his quæ secundum se non habent aliquam repugnantiam ad naturalem justitiam: & hoc dicitur jus positivum, quod proinde cum naturali convenienter dividit jus humanum; imò & jus divinum, quod ita dicitur, quia divini-
tatis promulgatum, utpote cum illud sit

Quaest. LVII. Artic. III. & IV. 271

partim de his , quæ sunt naturaliter iusta , sed tamen eorum iustitia homines latet , & ideo oportet promulgari ; partim autem de his , quæ sunt iusta ex institutione divina.

Vtrum ius gentium sit idem cum iure naturali. *Æ. Negativè*, non quòd naturale non sit , si dicatur ius naturale comparativè ad aliquid , quod naturaliter sequitur ; sed ita quod non idem sit cum naturali iure , sumpto naturali secundum absolutam sui considerationem. *Primum est* , quia cum ius ita absolute naturale , ut est quod paterens filium nutriat , commune sit omnibus animalibus , ius autem gentium solum hominibus , ideo non est ius gentium idem cum naturali secundum absolutam istius considerationem. *Secundum est* , quia cum vocetur ius gentium quod naturalis ratio inter homines constituit , & apud omnes gentes custoditur ; & considerare aliquid comparativè ad id , quod ex ipso sequitur , sit proprium rationis : ideo si sumatur ius naturale secundum aliquid , sive utilitatem aliquam , quæ ex ipso sequitur , ejusmodi est possessionum proprietates per comparisonem ad opportunitatem colendi , & ad pacificum usum ; vel etiam servitus hominum , quæ quidem rationem habet naturalem , sed secundum aliquam utilitatem consequentem , quatenus utile est huic , ut regatur à sapientiori , est ius gentium in hoc sensu idem cum naturali ; unde nec indiget aliqua speciali institutione , cum ea dicat naturalis ratio , quæ sunt hujus juris.

Vtrum debeat specialiter distingui ius *ART. 4.*

paternum, & dominativum. R. Affirmativè,
 ita scilicet quod inter patrem & filium, &
 servum ac dominum, sit non quidem sim-
 pliciter justum, sed quoddam justum, pa-
 ternum scilicet, & dominativum. *Ratio*
utriusque partis est, quia cum jus, sive ju-
 stum dicatur per commensurationem ad
 alterum; & filius non sit simpliciter altes-
 à patre, ut sunt duo homines non sibi sub-
 diti, sed potius aliquid alterius, velut pars
 ejus; sicut & servus aliquid domini, quasi
 ejus instrumentum, ut ait Arist. ideo licet
 si filius, & servus considerentur ut quidam
 homines, sit ad eos aliquo modo simplici-
 ter justitia, quæ quidem non dicitur jus
 suum unicuique reddere, nisi suppositâ di-
 versitate unius ad alterum; prout tamen
 uterque est aliquid alterius, deficit ibi per-
 fecta ratio juris, vel justî, & quidem mi-
 nus quàm inter uxorem, & virum, ut di-
 cit Philof. cum assumatur uxor in vitam
 socialem, & consequenter in sociam, &
 alteram; quanvis quia unus & alter rela-
 tionem dicunt immediatam ad domesti-
 cam conversationem, ideo nec sit inter eos
 simpliciter jus politicum, ut ait Arist. sed
 magis æconomicum. Cum quo tamen stat,
 quod possit etiam dici jus militare, jus
 Magistratum, aut Sacerdotum, non qui-
 dem propter defectum à simpliciter ju-
 sto, ut contingit in paterno, & domi-
 nativo; sed quia unicuique secundum pro-
 prium officium aliquid etiam proprium
 debetur.

Lib. 1.
 Polit. c. 3.

De iustitia.

Vtrum convenienter definiatur iustitia, quod est perpetua, & constans voluntas ius suum unicuique tribuens. *Re. Affirmative*, ita scilicet, quod prædicta definitio sit completa definitio iustitiæ; si tamen rectè intelligatur, & actus ponatur pro habitu. Ratio utriusque partis est, quia cum iustitia sit virtus circa ea, quæ sunt ad alterum, tanquam circa propriam materiam, oportet ut definiatur per actum bonum circa ea quæ sunt ad alterum, quod quidem tangitur, cum dicitur: Ius suum unicuique tribuens. Cumque ut actus circa aliquam materiam virtuosus sit, requiratur, ex his, ut sit voluntarius, ubi includitur scientia, tum quod sit stabilis & firmus, ex Arist. ideo & ponitur voluntas, non quidem pro potentia, sed pro actu, quo solet definiri, sicut & specificari habitus, adeo ut sensus definitionis sit, quod iustitia est habitus secundum quem aliquis ius suum unicuique voluntariè tribuit, ad quod quidem rectificat causaliter voluntatem, unde & dicitur iustitia voluntas, causaliter scilicet, non essentialiter, sicut nec essentialiter est rectitudo, sed causaliter; additurque ad designandam actus firmitatem, *Constans, & perpetua*; non quidem ex parte actus, ex parte cuius sola Dei voluntas perpetua est, sed ex parte objecti, ex parte cuius homo potest perpetuò velle aliquid facere: dicitur namque perpetua ad ostendendum propositum conservandi perpetuò iustitiam; sicut & constans, ut in proposito firmiter perseveret. Unde & est prædicta

ARTI-
CULVS
PRI-
MVS.

Lib. 10.
Ethic.

definitio, si rectè intelligatur, & actus ponatur pro habitu, completa definitio; & quidem competens, sicut & definitum, nedum Principibus, & Iudicibus, qui reddunt unicuique suum per modum imperantis, & dirigentis; sed & subditis, qui per modum executionis reddunt: imò & in hoc ipso, quod homo Deo servit, includitur quod reddat unicuique quod suum est: propter quod dixit Aug. iustitiam esse amorem, qui tantum Deo servit.

*Lib. de
morib.
Eccles.
cap. 18.*

ART. 2.

Vtrum iustitia semper sit ad alterum.

R. Affirmative, ita scilicet quod requirat iustitia propriè dicta diversitatem suppositorum, esto quod metaphoricè dicatur esse in uno, & eodem homine. *Primum est*, tum quia iustitiæ nomen, ut dictum est, importat æqualitatem, cum tamen nihil sit sibi æquale, sed alteri: tum quia cum rectitudo iustitiæ sit circa actus humanos, qui sunt suppositorum, necesse etiam est, ut æqualitas ista, quam requirit iustitia, sit diversorum suppositorum agere potentium, siue non nisi unius hominis ad alium. Quod etiam locum habet in iustitia Dei æterna, quæ quidem quanvis ab æterno non sit secundum effectum; quia Deo nihil cœternum est, tamen est ab æterno secundum voluntatem, & propositum æternum. *Secundum est*, quia in hoc quod ratio imperat irascibili, & concupiscibili, & hæ potentie obediunt rationi, & universaliter secundum quod cuique parti hominis attribuitur, quod ei convenit, dicitur esse iustitia, proindeque & in uno, & eodem homine; sed metaphoricè, & secundum

similitudinem; ad quam quidem sic metaphorice dictam reducitur etiam iustitia, quâ justificatur impius, quippe quæ, ut dictum est, inveniri potest etiam in aliquo solitariè vitam agentium quo tamen stat, quod actiones, quæ ita sunt ad seipsum, sufficienter rectificentur rectificatis passionibus per alias virtutes morales, ad differentiam actionum, quæ sunt ad alterum, quæ quidem indigentes rectificari etiam in ordine ad eum, ad quem sunt, virtute etiam indigente speciali, scilicet iustitia.

Utrum iustitia sit virtus. R. Affirmative, ART. 3.

ita quod bonum reddat actum humanum, & ipsum hominem bonum faciat, esto quod in reddendo cuilibet suum, faciat quod est necessitatis. *Primum est*, quia actus hominis bonus redditur, sicut & homo, ex hoc quod regulam rationis attingit, secundum quam humani actus rectificantur: quod quidem facit iustitia, quæ ponitur ut operationes humanas rectificet; esto quod etiâ sit circa exteriora, & factibilia, non quidem ut ea faciat, quod est artis, sed quia eis utitur ad alterum. Vnde nec illud, Cum feceritis omnia, quæ sunt præcepta, &c. Luc. 17. sic intelligitur, quasi nihil sibi faciat qui sic virtuosè agit; sed solum quod qui facit quod debet, non affert utilitatem lucri ei, cui debet. *Secundum est*, quia non est necessitatis reddere cuilibet quod suum est necessitate coactionis, quæ cum repugnet voluntati, tollit rationem meriti; sed necessitate præcepti, & finis, quæ quidem non excludit virtutis meritum.

Utrum iustitia sit in voluntate sicut in ART. 4. subiecto. R. Affirmative, ita quod ejus

subjectum non sit intellectus, vel ratio, sed appetitus; & hic non concupiscibilis, vel irascibilis, sed intellectivus, seu volitivus. *Primum est*, quia cum illa potentia sit subjectum virtutis, ad cuius actum rectificandum ordinatur virtus; & iustitia non sit ordinata ad actum intellectus rectificandum, quandoquidem boni non dicimur ex eo quod aliquid rectè intelligimus, sed quia rectè operamur, cuius quidem operationis principium proximum est ipse appetitus; ideo non intellectus, sed appetitus debet esse voluntatis subjectum. Vnde vocatur quidem iustitia veritas, sed quia rectitudo rationis voluntati impressa propter propinquitatem ad rationem vocatur veritas. *Secundum est*, quia cum appetitus huiusmodi sensitivus non valeat percipere proportionem unius ad alium, sed sola ratio; ideo non in illo, sed in appetitu rationali, seu voluntate esse debet iustitia, ad quam quidem pertinet reddere unicuique quod suum est, ut ordinare ad alterum sit quidem rationis, sed hoc posito, possit voluntas aliquid velle ad alterum. Vnde & potest etiam voluntas subjectum esse virtutis moralis, cum rationale per participationem conveniat etiam voluntati, utpote quia omnis appetitus rationi obedit.

ART. 5. *Vtrum iustitia sit virtus generalis.* R. *Affirmative*, ita scilicet quod possint actus omnium virtutum ad iustitiam pertinere, sed secundum quod est legalis. *Ratio utriusque partis est*, quia cum iustitia, quae quidem secundum suam rationem ad alium ordinat, vel singulariter consideratum, vel

universaliter, prout qui servit communitati, servit omnibus qui in illa sunt velut partes ad totum; cum sub ea ratione quâ legalis est, ordinet hominem ad bonum commune, utpote cum legalis dicatur, quia per eam homo concordat legi, cujus est ordinare in bonum commune; ideo fit, quod quia sub hac eadem ratione actus ordinat cujuscumque virtutis, sive ordinantis hominem ad seipsum, sive ad alias personas, sicut & lex, unde legalis dicitur, utpote quarum bonum, veluti bonum partium est ordinabile in bonum commune, quandoquidem pars id quod est, totius est; ideo, inquam, fit quod quamvis justitia connumeretur aliis virtutibus, ut est specialis virtus ad aliud singulariter consideratum, ad eam tamen ut est legalis, possint actus omnium virtutum pertinere, sicut & injustitia, ut ordinatur ad commune malum, est peccatum commune, juxta illud, Omne peccatum est iniquitas; & quidem potius quàm temperantia, & fortitudo, quæ scilicet sunt non in parte intellectiva, sicut justitia, sed in appetitu sensitivo circa particularia bona.

Ioan. 3.

Virum justitia secundum quod est generalis virtus, sit idem per essentiam cum omni virtute. R. *Negativè*, non quòd non possit virtus quælibet dici quodam modo justitia legalis; sed ita quod legalis justitia absolute loquendo specialis sit secundum essentiam, nec nisi secundum virtutem generalem. *Primum est*, quia cum non dicatur legalis justitia virtus generalis, nisi in quantum actus ordinat aliarum virtutum in suum finem, quod est movere per impe-

ART. 6.

rium omnes virtutes ; ideo sicut charitas, quæ generalis dicitur , ut ordinat ad bonum divinū quasi ad objectum suum actus virtutum, adhuc est specialis virtus secundum essentiam, adeo ut generalis non sit per prædicationem, ut animal de homine, & bruto, sed secundum virtutem, ut causa universalis ad suos effectus, sic etiam legalis iustitia. Etenim cum virtus quælibet actum ordinet ad proprium finem, ideo si ordinetur ad ulteriorem finem, hoc debet esse à superiori virtute, proindeque dari debet ista superior virtus ab aliis distincta, quæ quidem est legalis iustitia. *Secundum est*, quia dicit Philosoph. quod virtus, & iustitia legalis est eadem omni virtuti : quod quidem cum sic intelligatur, quatenus virtus quælibet rationem induit legalis iustitiæ, ut ab ea ordinatur in bonum commune, & ut est ab eâ imperata; ideo & est legalis iustitia in hoc sensu idem in essentia cum omni virtute, sed differens ratione.

ART. 7. *Vtrum sit aliqua iustitia particularis præter iustitiam generalem. R. Affirmativè*, non quòd legalis iustitia non respiciat etiam singulare bonum; sed ita quod præter eam alia sit, quæ non nisi ad bonum ordinet singulare. *Ratio utriusque partis est*, quia cum virtus legalis non sit essentialiter omnis virtus, adeo ut oporteat, ut præter eam, quæ ordinat immediatè ad bonum commune, sint aliæ virtutes, quæ hominem ordinant ad particularia bona; ideo sicut ex eo dantur particulares virtutes, quæ hominem ordinant in seipso, scilicet temperantia, fortitudo, &c. sic & præter legalem

Justitiam dari debet & justitia quædam particularis, quæ cum ordinet circa particularem personam; & hoc maximè, tum quia bonum commune civitatis, & bonum singulare unius personæ, non solum differunt ut multum, & paucum, sed & secundum formalem differentiam, unde & requirunt diversas virtutes: tum quia legalis justitia, quanvis ordinando immediatè ad bonum commune, ordinet ad particularem personam, utpote quæ pars est, & membrum communitatis; non nisi tamen mediatè ad hanc ordinat, sicque debet esse justitia quædam particularis, quæ ad hoc hominem dirigat immediatè, esto quod non alia sit circa familiam domesticam, utpote respectu cujus non est simpliciter justitia, ut dictum est, sed ejus solum species, scilicet œconomica.

Vtrum justitia particularis habeat materiam specialem. R. Affirmativè, ita scilicet, quod in quantum virtus, non sit circa totam materiam virtutis, esto quod secundum quosdam generales modos in omnes diffundatur virtutes. Primum est, quia cum omnia quæ possunt per rationem rectificari, sint materia virtutis; & hæc sint tam interiores animæ passionēs, secundum quas consideratur rectitudo hominis ad seipsum, quam exteriores actiones, & res, secundum quas attenditur ordinatio unius hominis ad alterum; ideo cum justitiæ virtus non ordinet nisi ad alterum, nec etiam est circa totam materiam virtutis moralis, esto quod indirectè, & per redundantiam quandam ad omnes pertineat animæ partes: unde & falsum est, quod per omnia, quæ

ART. 8.

sunt hujus vitæ, possit homo ordinari ad alterum, cum passionibus interiores ad alterum non ordinentur secundum se. *Secundum est*, quia dicit Aug. loquendo de virtutibus cardinalibus, quod justitia est quæ per cæteras diffunditur: quod quidem intelligitur secundum quod significant quatuor illarum virtutes generales quosdam virtutis modos, sub qua ratione de illis ibi loquitur; non autem ut sunt speciales quædam virtutes circa determinatam materiam.

ART. 9. *Virum justitia sit circa passionibus. R. Negativè, & quidem sive consideretur justitia ex parte subjecti, in quo est, sive ex parte materiæ circa quam est. Ratio utriusque partis est*, quia cum ex parte subjecti sit in voluntate, cujus actus vel motus non sunt passionibus, ut motus appetitus sensitivi; & ex parte materiæ sit circa ea quæ sunt ad alterum, quales non sunt passionum motus immediatè, ideò ex nulla parte est circa passionibus, adeò ut rectificatio quidem operationum, secundum quod ad exteriora terminantur, pertineat ad justitiam; sed rectificatio earum, ut à passionibus oriuntur, ad alias pertineat virtutes, quæ sunt circa passionibus. Vnde nec illud Philos. quod virtutes sunt circa voluptates, & tristitias, sic intelligitur, quasi quælibet moralis virtus sit circa ista, ut circa materiam, sed ut ad quosdam fines consequentes; quod etiam pertinet ad justitiam, quæ de istis operibus gaudet. Cum quo tamen stat, quod legalis justitia possit se ad passionibus interiores extendere, cum ordinetur ad bonum commune, & ad

In 1.
Ethic.
cap. 3.

Quæst. LVIII. Artic. X. & XI. 281

alias extendatur virtutes, non sic tamen
iustitia particularis.

Utrum medium iustitiæ sit medium rei. ART.

R. Affirmativè, ita scilicet quod ejus me- 10.

diu sit in quadam proportionis æqualita-
tate rei exterioris ad personam exterior-
rem, esto quod non accipiat in aliis vir-
tutibus secundum proportionem rei ad
rem. *Ratio utriusque partis est*, quia cum
materia iustitiæ sit exterior operatio, se-
cundum quod ipsa, vel res cujus est usus
debitam habet proportionem ad aliam per-
sonam, ad differentiam aliarum moralium
virtutum, quæ quidem sunt circa passio-
nes, quarum rectificatio attenditur secun-
dum comparisonem ad ipsum hominem,
cujus sunt passionibus; ideo licet in istis sit
proinde medium dumtaxat rationis quoad
nos, est tamen medium iustitiæ consistens
in quadam proportionis æqualitate rei ex-
terioris ad personam exteriorem, proinde
& est medium rei, cum æquale hu-
jusmodi sit realiter medium inter majus, &
minus, ut ait Arist. & quidem etiam ubi
æquari debet injuria Principi, & personæ
privatæ illata per vindictam; id enim ne-
dum ad diversitatem rationis pertinet, sed
etiam rei. Vnde quanvis in bonis simplici-
ter, quæ sunt omni ex parte bona, ut vir-
tutes, non sit accipere medium aut extre-
ma; in illis tamen, quæ sunt bona suâ na-
turâ, & ex abusu possunt esse mala, ut di-
vitiæ, &c. est dare medium, & extrema, &
de his est iustitia, in cujus tamen medio,
quanvis sit rei, salvatur ratio virtutis mo-
ralis, cum sit etiam medium rationis.

In 10.
Metaph.
text. 18.

Utrum actus iustitiæ sit reddere unicuique ART. III.

132 *Quaest. LVIII. Artic. XII.*

quod suum est. R. Affirmativè, non quod ad eam non pertineat & subvenire miseris, & liberaliter benefacere; sed ita quod non nisi per reductionem ista convenient, aliud autem ut proprius actus. *Ratio utriusque partis est*, quia cum materia justitiæ sit operatio exterior, prout ipsa, vel res proportionatur alteri personæ, ad quam justitia ordinatur; & hoc dicatur esse suum uniuscujusque personæ, quod ei debetur secundum proportionis æqualitatem; ideo subvenire miseris, aut liberaliter benefacere potest quidem justitiæ competere per reductionem, in quantum quia est virtus cardinalis, aliquæ secundariæ virtutes ei adjunguntur, ut misericordia, liberalitas, &c. sed proprius ejus actus est unicuique reddere quod suum est. Ita tamen quod cum justitia principaliter exerceatur in voluntariis commutationibus, ideo omne superfluum in his, circa quæ versatur, vocetur extenso nomine lucrum, & omne minus vocetur damnum: quæ quidem nomina derivantur ad omnia, circa quæ potest esse justitia, sicut & ly Reddere unicuique suum.

ART.

12.

Utrum justitia præmineat inter virtutes morales. R. Affirmativè, & quidem sive sit sermo de legali justitiâ, sive etiam de justitiâ particulari. *Ratio utriusque partis est*, quia legalis justitia est circa bonum commune, quod quidem præminet bono unius personæ, ad quod attendunt aliæ virtutes: justitia autem particularis & est in voluntate, cum tamen aliæ morales sint in appetitu solum sensitivo; & laudantur solum aliæ virtutes secundum bonum ipsius vir-

tuosi, cum tamen laudetur justitia etiam prout virtuosus bene ad alium se habet; adeo ut justitia sit quodammodo bonum alterius, proindeque & maxima virtus, ut docet Arist. in Rhetor. cum sit benefactiva. Vnde dat quidem liberalis de suo; sed quia ibi considerat propriæ virtutis bonum, ad differentiam justitiæ, quæ dando quod suum est, intendit bonum commune, & insuper observatur ad omnes, ideo non propterea est præstantior, sicut nec magnanimitas, quanvis superveniendo justitiæ augeat ejus bonitatem, utpote quæ nec virtutis rationem haberet sine justitiæ sed neque fortitudo, quæ quidem consistit circa difficiliora, at non circa meliora, cum in bello tantum sit utilis, justitia autem & in bello, & in pace.

IN QUESTIONEM LIX.

De injustitia.

V*trum injustitia sit vitium speciale.* ART.
82. *Affirmative*, & quidem sive sup- CULVS
ponat pro legali, sive pro inæqualitate PRI-
quodam ad alterum. *Primum est*, quia quanvis MVS.
illegalis injustitia quantum ad intentionem sit generale vitium, tum quia potest homo ab illa ad omnia peccata descendere, tum quia omnia vitia, ut repugnant communi bono, rationem habent injustitiæ; habet tamen quod respiciat speciale objectum, scilicet bonum commune, quod contemnit, proindeque & adhuc est speciale vitium secundum essentiam. *Secundum est*, quia cum dicatur injustitia secundum inæqualitatem ad alterum, dum quis vult plus habere de bonis, ideo & habet sic sumpta specialem materiam, proindeque & est

vitium speciale, adeo ut indirectè quidem particularis hæc injustitia opponatur omnibus virtutibus, ut scilicet exteriores actus pertinent ad justitiam, & ad alias virtutes, sed diversimodè, nec nisi solùm quantum ad operationes, quæ sunt ad alterum, afficiat voluntatem. Cum quo tamen stat,

1. Ioan. 3. quod omne peccatum adhuc dicatur iniquitas, sed prout opponitur bono divino.

ART. 2. *Utrum aliquis dicatur injustus ex hoc quod facit injustum. R. Negative*, ita scilicet, quod possit quis injustum facere præter intentionem, vel ex passione, absque injustitiæ habitu, esto quod injustus dicatur, si faciat ex intentione, & electione. *Primum est*, quia cum operatio speciem recipiat ab objecto per se, non ab objecto per accidens, cujusmodi in moralibus est id, quod fit præter intentionem; ideo qui inæquale inducit præter intentionem, facit quidem injustum, non tamen est injustus, quasi actus ejus sit injustificatio, defectu scilicet comparisonis ipsius operationis ad objectum proprium; sed neque qui inæquale inducit ex aliqua passione, puta ira, cum sit ibi defectus comparisonis operationis ad habitum. Ita tamen, quod in his casibus dici possit injustus materialiter, & per accidens, esto quod quia objectum temperantiæ non est quid extrinsecus constitutum, nec etiam dici possit quis intemperatus per accidens, aut materialiter, sed dicatur intemperans quicumque aliquid facit intemperatum. *Secundum est*, quia cum faciat injustum ex intentione, & electione qui facit quasi quid per se placens, quod quidem est proprium ha-

Quaest. LIX. Artic. III. 285

gentis habitum, ideo & facere ita injustum proprium est injusti, prout injustus dicitur qui habet injustitiæ habitum.

Utrum aliquis pati possit injustum volens. ART. 3.

R. Negative, non quod repugnet in sensu materiali, & quasi per accidens; sed loquendo formaliter, & per se. *Primum est*, quia cum idem secundum idem non possit esse agens, & patiens, quia actio est ab agente, passio autem secundum suam rationem est ab alio; & homo tunc propriè agens sit, cum volens facit, quandoquidem principium faciendi est voluntas; & è converso tunc propriè patiatur, cum præter voluntatem patitur, quia ut volens habet principium in seipso, & est agens; ideo nec potest quis per se, & formaliter loquendo pati injustum, & pati volens, adeò ut persona singularis secundum se considerata, si sibi inferat nocumentum, peccet quidem vel contra temperantiam, vel prudentiam, &c. non tamen contra justitiam, esto quod ut est aliquid civitatis, vel Dei, injuriam faciat, non quidem sibi, sed civitati, vel Deo; sed nec qui sua voluntate dat alicui id, quod non debet, facit propterea injustitiam, aut inæqualitatem, cum res per voluntatem possideat. Vnde aliquem facere injustum, & alium pati materialiter, semper quidem se concomitantur; sed tamen formaliter potest quis facere injustum, quia ex intentione facit; & alius formaliter non pati, quia scilicet volens patitur. *Secundum est*, quia sicut per accidens, & quasi materialiter loquendo potest aliquis id, quod est ex se injustum, facere nolens; ut cum præter

intentionem operatur; sic etiam & pati volens, ut cum aliquis alteri plus dat sua voluntate, quam debeat.

ART. 4. *Utrum quicumque facit iniustum, peccet mortaliter. R. Affirmativè*, ita scilicet, quod iniustitiam facere ex genere iniustitiae mortale sit, esto quod non peccet mortaliter qui in parvis iniustitiam facit. *Primum est*, quia cum quod ex se contrariatur charitati sit peccatum mortale; & tale sit iniustitiae genus, utpote quae ad differentiam peccatorum, quae sunt contra alias à justitia virtutes, est semper cum nocumento alterius, quod quidem per se charitati repugnat; ideo & est iniustitia ex genere suo mortalis. Vnde cum ait Arist. esse dignum veniâ, qui ignoranter iniusta facit, non nisi de ignorantia facti intelligitur, quae veniam meretur; non de ignorantia juris, quae non excusat. *Secundum est*, quia cum deficiat à perfecta ratione iniustitiae qui in parvis iniustitiam facit, in quantum reputari potest non esse omnino contra voluntatem ejus, qui hoc patitur, ut si pomum auferat; ideo nec peccat tunc mortaliter secundum iniustitiae genus.

IN QVÆSTIONEM LX.

De iudicio.

**ARTICVLVS
PRI-
MVS.**

V*trum iudicium sit actus iustitiae. R. Affirmativè*, non quod non possit per ampliationem ad alias pertinere virtutes, sed ita quod secundum primam impositionem nominis rectam significet determinationem justorum. *Primum est*; quia cum nomet iudicium actum iudicis, qui est quasi jus dicens, quod est obiectum iusti-

tia, idè & importat ex prima impositione nominis definitionem, vel determinationem iusti, proindeque & est actus iustitiæ; cùm quod quis rectè definiat in actibus virtuosis, pertineat ad habitum virtutis, & quidem specialius perrinentem ad iustitiam, quàm ad aliam virtutem; cùm sit homo dominus eorum quæ ad ipsum, non eorum, quæ ad alium spectant, de quibus est iustitia, sicque requiratur iudicium superioris, qui utrumque valeat arguere ius dicendo; sed ad iustitiam non simpliciter, sed ut est principaliori modo in præidente. Cum quo tamen stat dictum Apostoli, quod spiritualis iudicat omnia, utpote quod intelligitur de iudicio secundum regulas divinas, de quo ibi non loquimur. *Secundum est*, quia cùm ampliatur sit iudicii nomen ad rectam significandam determinationem in quibuscumque rebus; idè & ad alias potest per ampliationem pertinere virtutes, non quidem per modum proferentis iudicium, sic enim est actus prudentiæ; sed per modum dispositionis, seu idoneitatis ad rectè iudicandum; ita quod sicut in his, quæ ad iustitiam pertinent, iudicium procedit ex iustitia; sic & ex fortitudine in his, quæ pertinent ad fortitudinem.

Utrum sit licitum iudicare. R. *Affirmative*, si tamen & procedat iudicium ex inclinatione iustitiæ, & ex autoritate præidentis, tum etiam proferatur secundum rectam rationem prudentiæ. *Ratio utriusque partis est*, quia cùm iudicium in tantum sit licitum, in quantum est actus iustitiæ, & ad hoc requiratur primò ut procedat

ART. 2.

ex inclinatione justitiæ, utpote defectu cuius perversum dicitur, vel injustum; tum ex autoritate præsentis, quia aliter esset usurpatum; tum denique ut proferatur secundum rationem prudentiæ, quo quidem deficiente, ut cum quis iudicat de dubiis, vel occultis propter leves conjecturas, dicitur iudicium temerarium, vel suspiciosum, quod prohibet Dominus, dum ait,

Matt. 7. *Nolite iudicare*; ideo est quidem licitum iudicare, etiam quanvis sit Deus omnium Dominus, quandoquidem in hoc constituitur iudex, ut Dei minister; modò tamen tres adsint præfatæ conditiones. Cum quo tamen stat, quod qui sunt in gravibus peccatis publicis, non debeant iudicare eos,

Hom. 14. qui in eisdem sunt, vel minoribus, ex
in Matt. Chrysost. quanvis si peccata occulta sint,
Lib. 1. de & necessitas iudicandi imminet ex officio,
serm. possint tunc cum humilitate, & timore vel
Dom. arguere, vel iudicare, ut ait Aug.
cap. 28.

ART. 3. *Utrum iudicium ex suspitione procedens sit licitum.* R. *Negative*, ita scilicet quod suspicio vitium quoddam importet, & quidem tanto majus, quanto magis procedit suspicio. *Primum est*, quia importat suspicio opinionem mali ex levibus indiciis, quæ quidem cum oriatur vel ex malitia suspicantis, qui cum sit malus, omnes malos esse existimat; vel ex mala affectione ad alterum, ut ex odio, &c. quatenus quisque facile credit quod appetit, adeo ut non sit propriè suspicio propter certitudinem, quando ex longa oritur experientia, ut sit in senibus; ideo & est illicita, imò & injuriosa; cum qui sic habet ex suspitione opinionem malam de aliquo, indebitè contemnat ipsum, proindeque

proindeque injuriatur ei; ita tamen quod
judicium suspiciosum tunc solum directe
ad justitiam pertineat, quando ad actum
procedit exteriorem; & tunc est peccatum
mortale, non autem quandiu manet inte-
rius: sed nec propterea incertum sit & sus-
piciosum omne judicium circa humanos
actus, quantumvis contingentes, & sin-
gulares, utpote cum possit in eis inveniri
certitudo, non quidem ut in demonstra-
tivis, sed conveniens tali materiae, scilicet
per idoneos testes. *Secundum est*, quia tres
sunt suspicionis gradus, secundum quos
etiam tripliciter aggravatur peccatum. Pri-
mus dum homo ex levibus indiciis de bo-
nitate alterius incipit dubitare; & hoc est
veniale, & leve peccatum, cum pertineat
ad temptationem humanam, sine qua haec
vita non ducitur. Secundus cum quis pro-
certo malitiam alterius aestimat ex levibus
indiciis; quod quidem si sit de gravi, est
peccatum mortale, ut Glos. docet. Tertius
cum judex ex suspitione procedit ad ali-
quem condemnandum; quod directe ad
injustitiam pertinet, & est peccatum mor-
tale.

Super r.
ad Cor.
cap. 4.

*Utrum dubia sint in meliorem partem in-
terpretanda.* R. Affirmative, si tamen sit
sermo de judicio non in quo judicatur de
rebus, sed in quo judicatur de personis.
Ratio utriusque partis est, quia cum qui ma-
lam habet opinionem de homine sine suffi-
cienti causa, hoc ipso injuriatur ei, ipsum-
que contemnat, ad differentiam judicii, si-
ve opinionis de rebus, in quo quidem non
attenditur malum ex parte rei judicatae,
sed bonum judicantis, ut vere judicet.

ART. 4.

urpote cū verum sit bonum intellectus, & falsum malum ipsius; idē cū nullus debeat alium sine sufficienti causa contēnere, seu contemptibilem reddere, inde fit quod ubi non apparent manifesta indicia de malitia alicujus, debeamus in judicando de homine eum ut bonum habere; & quidem licet possit contingere, ut qui in meliorem partem interpretatur, frequentius fallatur, quandoquidem hoc adhuc melius est, quā rariū falli habendo malam opinionem de aliquo; eo quod ex hoc fiat injuria, non ex illo, ex quo quidem nec malum sequitur in intellectu judicantis, sicut nec ad ejus perfectionem pertinet secundū se cognoscere veritatem singularium contingentium, sed magis pertinet ad bonū affectum. Cum quo tamen stat, quod si contingat interpretari non definiendo, sive determinando, in quo casu debemus, ut dictum est, res interpretari sicuti sunt; in judicio verō personarum in melius, sed per quandam suppositionem, ut cū debemus aliquibus malis remedium adhibere, sive nostris, sive alienis; tunc expedit ut supponatur id quod est deterius, ad hoc scilicet ut securius apponatur remedium.

ART. 5. *Verum sit semper secundū leges scriptas judicandum. R. Affirmativē, ita scilicet, quod alioquin deficeret judicium, vel à justo naturali, vel positivo; si tamen non contrarietur scriptura in aliquo naturali juri. Primum est, quia cū judicium nihil aliud sit, quā determinatio ejus, quod justum est, quod quidem contingit vel ex ipsa rei natura, & dicitur jus naturale; vel*

ex quodam condicto inter homines, & dicitur jus positivum: ideo cum scribantur leges ad utriusque juris declarationem, licet diversimode, quandoquidem legis scriptura jus continet naturale, sed non instituit; non enim habet robur ex lege, sed ex natura: positivum verò continetur, & instituitur, & inde habet robur; propterea fit, quod si aliter quam secundum hujusmodi scripturam judicaretur, esset defectus vel à justo naturali, vel à positivo. *Secundum est*, quia cum lex scripta, sicut non dat robur juri naturali, ita nec potest ejus robur minuere, vel auferre, quia nec voluntas hominis potest immutare naturam; ideo ubi contrariaretur naturali juri, non haberet vim obligandi: unde nec quando leges rectè positæ in aliquibus casibus deficiunt propter circumstantias facti, tunc est secundum litteram legis judicandum, sed recurrendum est ad æquitatem, quam legislator intendit, ut in Digestis habetur.

Vtrum judicium per usurpationem reddatur perversum. R. Affirmativè, non quòd non possit judicii veritas pronunciari à quocumque; sed ita quod non possit quis ex ea compelli in judicio, nisi per habentem publicam auctoritatem. *Ratio utriusque partis est*, quia cum qui fert judicium, tunc legis dictum quodammodo interpretetur, applicando illud ad particulare negotium; & hoc sit tantum illius, qui publicam auctoritatem habet, quandoquidem ejusdem est auctoritatis legem interpretari, & legem condere, quæ condi non potest, nisi publica auctoritate; ideo quavis possit judicii veritas, ut veritas est,

ART. 6.

pronunciati à quolibet, utpote quia non cogit ut suscipiatur; non tamen potest, nisi injustè proferri in judicio ad compellendum, nisi ab habente auctoritatem publicam; adeò ut quanvis non dicatur perversum, & usurpatum judicium ex defectu justitiæ & scientiæ, quæ sunt perfectiones singularis personæ; bene tamen ex defectu auctoritatis publicæ. Vnde quod occidit Moyses Ægyptium, id fuit vel inspiratione divina, vel defendendo eum, qui injuriam patiebatur cum moderamine inculpatæ tutelæ, ut inquit Ambros. sicut & ex inspiratione divina simile fecit Phinees, vel tanquam summi Sacerdotis filius. Cum quo tamen stat, quod non sit usurpatum judicium, si spiritalis Prælati se intromittat de quibusdam temporalibus, propterea quod temporalis potestas spiritali subditur, ut corpus animæ.

IN QVÆSTIONEM LXI.

De partibus justitiæ.

ARTI-
CVLVS
PRI-
MVS.

Vtrum convenienter ponantur duæ species justitiæ, scilicet commutativa, & distributiva. *R. Affirmativè*, non quòd non possit esse distributiva in habente commutativam, sed ita quod duos respiciant ordines sufficièter distinctos, ut sint duæ distinctæ species. *Primum est*, quia cum justitiæ particularis, de qua est sermo, ordinetur ad particularem personam, quæ quidem comparatur ad communitatem ut pars ad totum; & in hoc duplex possit ordo attendi, vel partis ad partem, scilicet unius personæ ad aliam, quem ordinem dirigit justitiæ commutativa; vel totius ad partes, scilicet illius quod est commune, ad sin-

gulas personas, & hunc dirigit iustitia distributiva, ad differentiant legalis iustitiae, cuius potius est ordinare quae sunt privatarum personarum ad bonum commune; proinde fit, quod ex duplici illo ordine, ad quem attendunt, debeant esse & duae distinctae species, adeo ut non distinguantur commutativa, & distributiva solum ut unum, & multa, sed secundum debiti rationem; quia alia ratione debetur alicui commune, & alia id quod est proprium: Unde nec nocet multitudini distributio illa, ut inde impediatur ne sit iustitia in distribuendo, cum etiam in distributione bonorum communium sit moderatio servanda, in quo dirigit iustitia distributiva: neque cum ita distribuitur bonum commune ad singulos, impeditur quin recipiat quilibet quod suum est, quandoquidem quod est totius, quodammodo est etiam partis; *Secundum est*, quia licet actus distributionis communium pertineat solum ad praesidentem illis bonis; quia tamen possunt subditi, quibus distribuitur, contenti esse iusta distributione, ideo & potest esse in illis iustitia distributiva, & consequenter simul in eodem cum commutativa.

Utrum medium eodem modo accipitur in iustitia distributiva, & commutativa. R. Negativè, ita scilicet quod in commutativa accipitur medium secundum aequalitatem rei ad rem; at in distributiva, secundum proportionem rerum ad personas. *Ratio utriusque partis est*, quia aequalitas secundum quam attenditur medium, in hoc est in iustitia distributiva, ut sicut una persona excedit aliam, ita res quae datur uni,

ART. 2.

excedat rem quæ datur alii, eo quòd scilicet bonum totius tanto magis debetur alicui parti, quanto pars maiorem habet principalitatem in toto; cum tamen servetur æqualitas in commutativa, quando singulari personæ redditur aliquid propter rem ab eo acceptam, ut si quinque esset æquale medium inter sex, & quatuor, acciperetur tunc unum ab eo, qui habet sex, & daretur ei qui habet quatuor, ut sic fieret æqualitas, & quidem rei ad rem, secundum arithmetica, si uterque à principio habeat quinque. Vnde habent quidem distributiva, & commutativa unicam formam genericam, quæ est æqualitas; sed tamen in una est secundum proportionem arithmetica, ut dictum est, & in alia secundum geometricam: in quo quidem differunt ab aliis virtutibus, in quibus cum accipiat medium secundum rationem, non secundum rem, ideò nec habent diversa media, ut habet iustitia propter diversitatem rerum. Cum quod tamen stat, quo possit in commutativa attendi conditio personæ, ut in actionibus, & passionibus, juxta quod major est injuria si percutiatur Princeps, quam si subditus; sed aliter quam in distributiva, in qua quidem attenditur secundum se, cum tamen attendatur in commutativa ut facit quantitatem rei, sive secundum quod per eam diversificatur res.

ART. 3. *Virum materia utriusque iustitia sit diversa. R. Affirmative; si tamen accipiat materia, non quidem pro iis, quorum operationes sunt usus, sed pro actionibus ipsius principalibus, quibus utimur. Ratio utriusque partis est, quia cum res distribui*

possint à communi in singulos, necnon commutari de uno in alium, ideò & eadem est utriusque materia, sumpta pro rebus, quarum operationes sunt usus; non tamen sumpta pro actibus ipsis principalibus, quibus utimur, cum una sit directiva distributionem, altera autem commutationum quæ attenduntur inter duas personas, quæque aliæ involuntariæ sunt, quando scilicet quis utitur vel re alterius, vel personâ, vel opere, & hoc vel occultè, vel manifestè, eo invico: opere, ut per furtum, & rapinam: re, per occisionem: personâ, ut per detractionem, & accusationem; quantum ad personam conjunctam, per adulterium, vel per subductionem in servo: aliæ verò voluntariæ, ut cum quis voluntariè transfert rem suam in alium; quod quidem si fiat absolute, erit actus liberalitatis; si cum aliquo debito, erit actus justitiæ, qui vel fiet per recuperationem alterius rei, ut in emptione, & venditione; vel cedendo usum rei, cum debito recuperandi rem; & tunc si usus cedatur gratis, erit usufructus in rebus, quæ fructificant; aut mutuum, vel commodatum in aliis: si non cedatur gratis, vocabitur locatio, & conductio; sicut & vocatur depositum, si quis tradat rem ut recuperandam ratione conservationis; & pigaus, si ratione obligationis.

Verum iustum sit simpliciter idem, quod contrapassum. R. Negativè, non quòd in commutationibus non sit adæquanda passio actioni secundum proportionatam commensurationem, sed ita quòd locum non habeat in justitia distributiva. Primum est,

ART. 4.

Matt. 7.

quia cum contrapassum importet æqualem recompensationem passionis ad actionem præcedentem; & in iustitia distributiva non attendatur æqualitas secundum proportionem rei ad rem, vel passionis ad actionem; ideo nec in eo locum habet contrapassum, adeo ut illud, *In quo iudicio iudicaveritis, &c.* non nisi secundum iustitiam commutativam intelligatur, sicut nec esset iustitiæ distributivæ, sed commutativæ, si alicui, qui communitati servisset, retribueretur aliquid pro servitio, utpote cum in illa non attendatur æqualitas ejus quod accipitur, ad id quod impenditur, sed secundum modum utriusque personæ. *Secundum est*, quia cum in commutativis oporteat secundum proportionatam commensurationem adæquare passionem actioni, ad quod inventa sunt numismata; & tunc passio recompensata sit æqualis actioni, cum qui lædit personam majorem, majori poena punitur, quam intulit: & quando qui aliquid altero invito rem abstulit, non solum punitur in eo quod ablatum restituit, sed quia multiplicius reddere cogitur; ideo cum hoc importetur in contrapasso, est consequenter commutativum iustum idem quod contrapassum; adeo ut licet primo dicatur de passionibus injuriis, secundo de rebus, transferatur tamen etiam ad voluntarias commutationes, in quibus est actio & passio, esto quod voluntarium diminuat de ratione passionis. Imò & actio injuriosa quando est voluntaria, accipitur commutative, utpote quæ accipitur tunc ut major res, & ideo magis punitur, non secundum differentiam quoad nos, sed secundum differentiam rei.

Quaest. LXII. Artic. I. & II. 297
I-N QVÆSTIONEM LXII.

De restitutione.

V*trum restitutio sit actus commutativæ* **ARTI-**
justitiæ. R. *Affirmativè*, ita quod **CVLVS**
 attendatur in restitutione æqualitas justi- **PRI-**
 tiæ secundum recompensationem rei ad **MAVS.**
 rem, & quidem in ea etiam, quam distri-
 buens facit ei, cui dedit minus, quam de-
 buit. *Primum est*, quia cum restituere sit
 iteratò statuere aliquem in possessione,
 vel dominio rei suæ, quæ quidem vel ha-
 betur per ejus voluntatem, ut in mutuo,
 & deposito; vel contrà, ut in furto, & ra-
 pina: ideo cum hoc pertineat ad justitiæ
 commutativam, est consequenter restitucio
 actus commutativæ justitiæ, & quidem
 quanvis nomen restitutionis, prout impor-
 tat iterationem quandam, supponat rei
 identitatem, utpote quæ licet realiter
 transeat, adhuc manet in effectu, vel cor-
 porali, ut cum quis percussione læditur;
 vel in opinione hominum, ut cum quis
 verbo remanet infamatus. Vnde quando
 quis reddit alteri quod ei non debetur, non
 est restitutio, licet aliquam ejus habeat si-
 militudinem, sed nova donatio. *Secun-*
dum est, quia recompensatio, quam fa-
 cit distribuens ei, cui minus dedit, quam
 debuit, est per comparisonem rei ad rem,
 & ideo pertinet ad commutativam.

Utrum sit necessarium ad salutem, ut fiat **ART. XI.**
restitutio ejus, quod est ablatum. R. *Affirmativè*, ita scilicet quod non dimieratur
 peccatum, ut ait Aug. nisi restituantur abla- **Epist. 14 ad Marc.**
 tum; eo tamen modo, quo possibile est resti-
 tuti. *Primum est*, quia cum conservare justi-
 tiam sit de necessitate salutis, & per resti-

situtionem, quæ importat redditionem rei injustè ablatæ conservetur justitia, utpote quia æqualitas reparatur, idè & est restitutio salutis necessaria. Ita tamen quod qui abstulit famam verum dicendo, & justè, scilicet debito ordine, non teneatur restituere; sicut nec qui impedit præbendam justè, intendens scilicet honorem Dei, & utilitatem Ecclesiæ; benè tamen si famam abstulit falsum dicendo, & injustè, in quo casu confiteri debet se falsum dixisse: vel etiam si verum dicendo, sed injustè contra debitum ordinem, in quo etiam casu tenetur ad restitutionem famæ, quantum potest, sine mendacio tamen, dicendo scilicet, se malum dixisse, & injustè diffamasse: sicut etiam si injustè consulens impedit ne præbenda detur digno, in qua quidem hypothesis tenetur ad aliquam recompensationem pro arbitrio boni viri, si consuluit priusquam sit firmatum quod ei detur; sed ad recompensationem æqualis secundum suam facultatem, si illud jam statutum erat. *Secundum est*, quia quando non potest recompensari æquivalens, sufficit ut recompensetur quod possibile est: ut qui membrum abstulit, recompenset consideratâ utriusque personâ, vel in pecunia, vel in honore; quo etiam modo quanvis actio contumeliæ non possit non fuisse, potest per exhibitionem honoris, & reverentiæ reparari dignitas personæ.

ART. 3. *Verum sufficiat restituere simpliciter, quod injustè ablatum est. R. Affirmative*, non quod pro culpa puniendi non teneatur plus restituere, quàm accepit, post condemnationem, sed ita quod sufficiat simpliciter red-

dere, ut reducatur ad æqualitatem ex parte rei. *Primum est*, quia cùm restitutionis sit reducere ad æqualitatem, quod inæqualiter ablatum est, & quisque reddendo simplum, quod accepit, ita ad æqualitatem reducat, quia sufficit ut tantum restituat quantum accepit de alieno; ideò & sufficit quantum ad inæqualitatem ex parte rei restituere simplum, adeò ut quod Zachæus dixit, se reddere quadruplum, sit quasi supererogationis, nec possit iudex ante condemnationem aliquid amplius exigere, esto quod justè condemnando possit postea loco emendæ quid amplius exigere, ut statim dicetur. *Secundum est*, quia cùm culpæ satisfiat per pœnam; & pœnarum inflictio pertineat ad iudicem, ideò quantum ad culpam iniustitiæ, quæ etiam potest esse cum æqualitate rei, ut cùm quis intendit inferre violentiam, sed non prævalet, licet reus priusquam per iudicem sit condemnatus, non teneatur plus restituere quàm accepit; bene tamen post condemnationem ad solutionem pœnæ, & sic intelligitur illud: Si quis furatus fuerit, &c. Luc. 17. Exod. 22.

Utrum aliquis debeat restituere quod non abstulit. R. *Negativè*, non quòd non teneatur ad aliqualem recompensationem, quomodocumque alium damnificet; sed ita quod non teneatur ad recompensationem æqualis, nisi ubi damnificat auferendo ab eo, quod actu habet. *Ratio utriusque partis est*, quia cùm damnum possit alicui inferri vel quia auferatur ei quod actu habebat, vel impediendo ne adipiscatur quod erat in via, & potentia habendi, debet ART. 4.

quidem in primo casu ut æqualitatem justitiæ inducat, recompensare secundum æquale, imò. & tenetur in secundo casu aliquam facere recompensationem secundum conditionem personarum & negotiorum, non tamen ex æquo recompensare: tum quia minus est habere aliquid in via, & virtute, ut habetur frumentum in sparso semine, & lucrum in pecunia habita, cum possit illud multipliciter impediri, quam habere actu: tum quia alias non restitueretur simplex, quod ablatum est, sed multiplicatum. Vnde illud: Sciebas, quod meto ubi non semino, &c. vel intelligitur secundum pravam æstimationem servi pigri, vel quantum ad hoc, quod Deus requirit à nobis fructus donorum, qui sunt & à Deo & à nobis, quanvis ipsa dona sint à Deo sine nobis.

ART. 5. *Utrum oporteat semper restitutionem facere ei, à quo acceptum est aliquid. R. Affirmative, ita scilicet quod non aliter fiat reductio ad æqualitatem justitiæ, quam eodem restituendo, à quo est acceptum; si tamen ei non noceat restitutio, nec sit acceptum ex datione illicita. Primum est, quia debet restitutio æqualitatem inducere justitiæ commutativæ, quæ quidem cum consistat in rerum adæquatione, ita quod ei qui minus habet quod suum est, suppleatur quod deest, & plus habenti quam suum, auferatur, in quo est æqualitas; ideo & ad hoc debet ei ablatum restitui, à quo est acceptum, & quidem potius quam parentibus, vel his à quibus maxime beneficia accepimus, utpote quibus de propriis quidem debemus magis succurrere.*

Quest. LXII. Artic. VI. 307

sed non de alieno, nisi in extrema necessitate. Ita tamen quod si is, cui facienda est restitutio, sit omnino ignotus, tunc facta diligenti inquisitione, restitutio fiat ut potest, dando in elemosynas pro salute illius, aut heredibus, si sit mortuus; aut si sit multum distans, nec possit commodè transmitti, in tuto loco deponatur, & interim ei significetur. Cum quo tamen stat, quod quia Prelatus tripliciter potest rem Ecclesie furripere, vel usurpando rem alteri deputatam, vel rem sibi deputatam in alterius dominium transferendo, vel solo animo, si eam possideat ut suam; debeat in primo casu restituere illis, ad quos de jure pertinet; in secundo Ecclesie, & in tertio sufficiat animum deponere. *Secundum est*, quia cum restitutio ordinatur ad utilitatem ejus cui fit, debet propterea res conservari, ut congruo tempore restituatur, si esset restitutio graviter nociva; sed neque fieri debet ei à quo est accepta, quando accipitur ex datione illicita, ut in simonia, in quo casu debet in pios usus converti, utpote cum ita dans illicite mereatur ex culpa amittere; & recipiens, cum injustè recipiat, non possit retinere, esto quod ubi datio est solum propter rem illicita, ut cum datur meretrici ob fornicationem, tunc debeat mulieri restitui, nisi superflue ex fraude, vel dolo extorserit.

Vtrum semper teneatur restituere ille qui accepit. R. Affirmative, non quidem semper ex ratione rei acceptæ, sed vel rei acceptæ, vel acceptionis, ubi scilicet est acceptio injuriosa, aut in utilitatem accipientis. *Ratio utriusque partis est*, quia licet

AAT. 63

qui abstulit non habeat id quod accepit, sed alius; & ideo qui rem accepit alienam, non teneatur tunc ex ratione rei, sed alius qui eam habet, quatenus quod est ultra id quod suum est, debet subtrahi, & dari ei, cui deest: tamen quia alter privatur re sua, tenetur adhuc qui accepit ratione acceptionis, vel quia fuit injuriosa actio, ob quam per consequens debet puniri; vel quia fuit in utilitatem recipientis cum voluntate domini, ut in mutuo; & quidem etiam si rem amittat, ad differentiam illius quæ non est ita in utilitatem recipientis, ut in deposito, in quo quidem in nullo tenemur ratione acceptionis; unde nec tenemur ad restitutionem, si rem absque culpa notabili amittamus. Cum quo tamen stat, quod quando multi alicui quod suum est abstulerunt, si unus eorum satisfaciat illi vel per seipsum, aut per sacerdotem, cui tenetur detegere crimen suum in confessione, quanvis non audeat hominibus detegere, alii tunc teneantur satisfactori refundere, non alteri.

ART. 7. *Verum illi qui non acceperunt teneantur restituere. R. Affirmativè;* non quidem semper consiliator, vel adulator in furando; sed qui vel jubendo, vel consentiendo, reuelando, participando, non obstando causa sunt efficax furti, aut rapinæ. *Ratio utriusque partis est,* quia cum non solum teneatur aliquis ad restitutionem ratione rei acceptæ, sed etiam ratione injuriosæ acceptionis, ut dictum est, ideo cum sit utriusque causa efficax injustæ acceptionis, non quidem semper consiliator, vel adulator, nisi quando probabiliter existimatur,

quod ex hujusmodi causis injusta acceptio fuerit sequuta; sed qui directè causat jubendo, consentiendo, participando; vel indirectè, recelando, & non obstando, esto quod non exequantur, consequenter fit, quod isti tunc teneantur restituere; ita tamen quod principaliter teneatur restituere principalis in facto, qui est præcipiens, & secundariò exequens; nec tamen semper qui non manifestat latronem, vel non obstat, vel non reprehendit, teneatur restituere, sed solùm quando id ei incumbit ex officio, nec multum imminet periculi ob-
sistenti.

Vtrum quis teneatur statim restituere.

ART. 8.

R. Affirmativè, ita scilicet, quod si potest, teneatur vel statim restituere, vel petere dilationem ab eo, qui potest usum rei concedere. *Ratio utriusque partis est*, quia cum detinere rem alienam peccatum sit contra justiciam, sicut & accipere, quandoquidem impeditur inde dominus, ne utatur re sua, & sic fit ei injuria; & non liceat modicum tempus in peccato morari: ideo tenetur quilibet statim restituere, adeò ut non liberetur à statim, & à totaliter restituendo, nisi aut quia est omninò impotens, aut quia dilationem perit, vel remissionem ab eo, cui debet; præceptum namque restitutionis, quanvis affirmativum sit secundùm formam, in se tamen implicat negativum, quo prohibemur rem alterius detinere; sicque necesse est, tempus esse determinatum, ut statim restitutio fiat, cum per dilationem committatur peccatum injuste detentionis.

*De acceptione personarum.*ARTI-
CVLVS
PRI-
MVS.

Verum personarum acceptio sit peccatum.
& Affirmativè, non quòd non liceat da-
re propter conditionem personæ; sed ita
quod ubi conditio, propter quam datur,
facit acceptionem personæ, peccatum sit.
Ratio utriusque partis est, quia cum ac-
ceptio personæ sit cum aliquis considerat in
eo cui aliquid confert, non eam quidem
conditionem propter quam quod confertur
esset proportionatum, ut sufficientia scien-
tiæ ad magisterium, utpote quod est ac-
ceptio causæ, & consequenter licita, non
personæ; sed eam quæ nihil facit ad cau-
sam propter quam ille esset dignus: idè-
cum hoc sit contra iustitiam distributivam,
eius æqualitas consistit in hoc, quòd di-
versis personis diversa tribuuntur. secun-
dum proportionem ad dignitates persona-
rum, non potest non esse peccatum, non
quando datur propter personæ conditio-
nem, sed quando conditio propter quam
datur, facit acceptionem personæ, non
causæ; & quidem quanvis acceptio rerum
non sit peccatum, utpote cum personæ
reddantur dignæ in aliquibus propter ali-
quas condiciones, quæ propterea sunt at-
tendendæ, tanquam propriæ causæ; non
sic in rebus. Cum quo tamen stat, quòd
acceptio personarum locum tantum habeat
in datione, quæ spectat ad iustitiam; non
autem in ea, quæ est liberalitatis, ut sunt
collationes munerum gratia, per quam pec-
catores assumuntur à Deo: unde nec est in
Deo acceptio personarum.

ART. 2. *Verum in distributione spiritualium locum*

habeat personarum acceptio. & Affirmativè,
 non quòd sit obligatio ad dandum simpli-
 citer digniori in spiritualibus, sed ita quod
 sine acceptionis vitio, & quidem graviori,
 dari non possit, nisi saltem digniori, quan-
 tum ad hoc. *Ratio utriusque partis est,* quia
 eum tanto gravius aliquis peccet, quanto
 in maioribus justitiam transgreditur, &
 spiritualia sint potiora temporalibus; idèò
 & in illis gravior est acceptio personarum,
 non ea quidem, quâ minùs boni simpliciter
 loquendo melioribus præferuntur, utpote
 eum dispensationes spiritualium principa-
 liùs ordinentur ad utilitatem communem,
 & contingat quandoque, quod minùs san-
 ctus, & minùs sciens possit magis confer-
 re ad bonum commune, propter poten-
 tiam, vel industriam secularem, &c. sed ea
 in qua accipiuntur qui nec simpliciter, nec
 quantum ad hoc digniores sunt, aut æquè
 digni, esto quod aliunde sint consanguinei
 ipsi Prælati; nec enim est Prælati horum
 bonorum dominus, sed dispensator, cujus
 est dispensare fideliter, non ad libitum. Un-
 de præferuntur quidem divites, & poten-
 tiores in dispensatione matrimonii paupe-
 ribus; sed quia id fit propter firmamentum
 pacis, quod magis necessarium est publicæ
 utilitati circa personas excellentes: sicut
 & eligitur magis ille, qui est de gremio Ec-
 clesiæ, quia ut in pluribus consuevit esse
 utilior quantum ad bonum commune, eo
 quod magis diligatur Ecclesia, in qua quis-
 que est nutritus. Cum quo tamen stat,
 quod ut electio non possit impugnari, suffi-
 ciat eligere bonum, esto quod quantum ad
 conscientiam eligentis necesse sit eligere

366 *Quaest. LXIII. Art. III. & IV.*
meliozem, vel simpliciter, vel in comparatione ad bonum commune.

ART. 3. *Vtrum in exhibitione honoris, & reverentia locum habeat peccatum acceptionis personarum. R. Affirmativè, ita scilicet quod non nisi propter virtutem honorare liceat, sed vel propriam, vel ejus, cujus vicem gerit. Ratio utriusque partis est, quia cum honor sit testimonium virtutis, idè & sola virtus habet esse debita honoris causâ; ita tamen, quod possint aliqui honorari, non solum propter virtutem propriam, sed etiâ propter alterius virtutem. Quod patet in Prælati & Principibus, qui quidem etiâ si sint mali, in quantum tamen gerunt personam Dei, & communitatis, sunt in honore apud omnes, sicut & parentes, & domini, propter participationem divinæ dignitatis; imò & divites, & senes: isti quidem, quia senectus est signum virtutis, licet hoc signum quandoque deficiat: divites autem, non propter divitias, sed quia majorem locum obtinent in communitatibus.*

ART. 4. *Vtrum in iudiciis locum habeat peccatum acceptionis personarum. R. Affirmativè, ita quod in iustitia corrumpatur iudicium personarum acceptionem, sed in distributiva etiâ quoad formam iudicii. Primum est, quia iudicium est actus iustitiæ, prout iudex æqualitatem inducit; cum tamen acceptio personarum attribuens alicui præter proportionem suam, quandam inducat inæqualitatem. Cum quo tamen stat, quod quando quis punitur gravius propter injuriam in maiorem personam, non sit acceptio personarum, sicut nec quando pau-*

Quaest. LXIV. Artic. I. & II. 307

peri in iudicio subvenitur, sed sine lésione iustitiæ. *Secundum est*, quia licet iudicium quantum ad rem iudicatam sit commune ad distributivam & commutativam; quantum tamen ad formam iudicii, prout iudex etiam in commutationibus ab uno accipit, & alteri dat, in quo cadere potest acceptio personarum, pertinet ad distributivam.

IN QVÆSTIONEM LXIV.

De vitiis oppositis commutativa iustitia:

& primò de homicidio.

Vtrum occidere quacumque viventia sit illicitum. *Re. Negativè*, non quòd non possit peccare qui occidit animal, sed ita quod non cadat sub peccato homicidii. *Ratio utriusque partis est*, quia cùm nemo peccet ex hoc, quod utitur re aliqua ad id ad quod est; & plantæ sint communiter propter animalia, & animalia propter hominem; quia, ut in generatione patet, imperfectiora sunt propter perfectiora, adeò ut ex ordinatione divina conservetur quidem vita animalium, & plantarum, sed non propter seipsam, sed propter hominem: cuius etiam signum est, quod cùm vitam non habeant rationalem, semper quasi ab alio aguntur, unde colligitur, esse aliorum usibus accommodata; ideò nec est illicitum plantas mortificare in usum animalium, & animalia in usum hominum, ex ipsa etiam ordinatione divina: non ita tamen, quod non peccet qui bovem alterius occidit; sed furto, vel rapinà, quia damnificat hominem in re sua; non autem homicidio.

Utrum sit licitum occidere peccatores. **ART. 2.**

ART.
CVLVS
PRI-
MVS

308 *Quest. LXIV. Artic. III.*

℞. Affirmativè, ita quod ad conservandum commune bonum liceat hominem communitati perniciosum occidere; si tamen occidi possit, quin simul occidantur & boni. *Primum est*, quia cum quælibet persona singularis comparata ad communitatem sit sicuti pars ad totum, & membrum ad corpus; & si salutis totius corporis humani expediat præcisio alicujus membri, ut cum est putridum, vel corruptivum aliorum, laudabiliter, & salubriter abscindatur; ideo & licet hominem in communitatem peccantem occidere, sicut occidere bestiam; quia peior est malus homo, quam bestia, ut scripsit Arist. esto quod hominem occidere in sua hominis dignitate manentem sit ex se malum. Vnde & ipse etiam Deus aliquando statim peccatores occidit ad liberationem bonorum, quanvis etiam aliquando servet ad poenitentiam, quod etiam iustitia humana imitatur, dum qui peccant, aliis graviter non nocentes, ad poenitentiam reservat. *Secundum est*, quia ideo prohibetur eradicari zizaniam, ut intelligatur tolerari debere malos, cum propter sequaces quos habent multos, occidi non possunt, quin periculum immincat bonis.

In 7.
Iohic.

Art. 15.

Art. 31.

Utrum occidere hominem peccatorem liceat privata persona. ℞. Negativè, ita quod propriâ authoritate occidere illis solum liceat, quibus committitur bonum commune, esto quod aliis liceat ex authoritate alterius. *Primum est*, quia cum occidere malefactores sit licitum, in quantum ordinatur ad salutem communitatis, ad illos propterea dumtaxat pertinet, quibus cura committitur communitatis servandæ, cu-

huiusmodi sunt habentes publicam auctoritatem; quanvis enim aliquid facere ad utilitatem communem, quod nulli nocet, sit licitum privatæ personæ; non tamen usque ad occisionem peccatoris, qui quidem cum non sit naturaliter distinctus ab hominibus, ad differentiam bestię silvestris, quam propterea licet cuique occidere, iudicio indiget publico, ut discernatur an sit occidendus ad salutem communem. *Secundum est*, quia mandatur, Exodi 32. unicuique amicos & proximos occidere pro peccato vituli constatilis; quia tunc non tam videntur ipsi fecisse, quam Deus, seu Moyse, cujus mandato, & auctoritate fecerunt; quo etiam modo minister latronem occidit auctoritate iudicis.

Utrum occidere malefactores liceat Clericis. ART. 4.
Re. Negativè, & quidē sive ex ratione ministerii altaris, sive ratione ministerii novæ legis. *Ratio utriusque partis est*, quia & in ministerio altaris, ad quod electi sunt Clerici, repræsentatur passio Christi, qui cum percuteretur, non reperiēiebatur, & in ministerio novæ legis, quod eis committitur, nec pœna occisionis determinatur, nec mutilationis, ad differentiā veteris legis, in qua pœnæ infligebantur corporales, propter quod etiam veteribus Sacerdotibus id licebat. Vnde licet Deus corporaliter malefactores occidat; non tamen est necesse, ut omnes in hoc eum imitentur, sed solum in eo quod sibi principaliter congruit, qualis quidem non est corporalis occisio respectu Clericorum, utpote quorum ministerium est in melioribus, in his quæ spectant ad salutem; sicque eis non congruit, ut minoribus

se ingerant ; & quidem quanvis Prælati Ecclesiarum accipiant officia Principum terræ ; nec enim ea accipiunt ut iudicium sanguinis exerceant per seipsos, sed sua auctoritate per alios.

ART. 5. *Vtrum liceat alicui occidere seipsum.*
R. Negativè, ita quod & hoc sit agere contra charitatem, quam nobis debemus, & injuriam communitati facere, & Dei iudicium usurpare. *Ratio cuiusvis partis est*, quia ex charitate, quam nobis debemus, sicut & ex inclinatione naturali, quâ corruptentibus resistimus quantum possumus, debet quisque seipsum diligere, cui contrariatur occisio sui ipsius ; & cum pars id quod est, sit totius, facit per consequens injuriam communitati qui se occidit, & peccat ex hoc contra iustitiam, sicut ex alio contra charitatem ; estque vita quoddam Dei donum, sicque ad solum Deum pertinet iudicium mortis, & vitæ. Vnde qui publicam habet potestatem potest quidem malefactorem occidere, quia potest de illo iudicare ; non tamen seipsum, cum nemo sit iudex sui ipsius, eito quod possit se committere iudicio aliorum : sed neque licet seipsum interficere, vel ut fiat transitus ad meliorem vitam, quia hoc est tantum in potestate divina ; vel ut miseriæ huius vitæ vitentur, quia esset assumere majus malum, cum mors sit maximum terribilium ; vel propter peccatum commissum, cum hoc sit publicæ auctoritatis, & quia adimitur penitentiae tempus ; vel etiam muliori, ne ab alio corrumpatur, quandoquidem violenta violatio non est peccatum, nisi ad hæc consensus : & quia minus est peccatum

Quaest. LXIV. Artic. VI. 312

fornicatio, quàm homicidium; imò neque ob timorem consentiendi in peccatum, quia non sunt facienda mala, ut eveniant bona. Licet enim non refugere pati mortem ab alio propter bonum virtutis, & ad vitandum peccatum pertineat ad fortitudinem, nihilominus inferre sibi mortem ad vitandum poenalia mala, potius pertinet ad moliticiem animi, quod fecit Razias: si tamen id non fiat jussu interiori Spiritus sancti, ut fecere Samson, & quaedam sanctæ mulieres, quæ tempore persecutionis seipsas occiderunt.

Utrum liceat in aliquo casu interficere innocentem. *Ar. 6.*

Re. Negativè, ita quod nec secundum quod homo est, occidere liceat, nec secundum quod justus est. *Ratio utriusque partis est,* quia cum mors peccatoris sit tantum licita propter bonum commune, quod per peccatum corrumpitur, utpote cum aliunde debeamus in quolibet amare naturam, quam Deus fecit; & vita justorum hominum sit conservativa, & promotiva boni communis; ideò licet qui ex mandato Dei occidit innocentem non peccet, quia habet Deus dominium vitæ, & mortis, bene tamen qui absque tali mandato interficit; & quidem graviori peccato, cum magis agat contra charitatem, & privet contra justitiam communitatem majori bono, ac magis Deum contempnat, nec nisi per accidens se habeat ad occisionem, quod justus occisus ad gloriam perveniat. Unde iudex, qui scit aliquem falsis testibus convictum, esse innocentem, debet diligentius examinare testes, ut inveniat occasionem liberandi eum; aut si hoc non potest, debet

312 *Quæst. LXIV. Artic. VII.*

superiori relinquere judicandum : ita tamen, quod si nec istud possit, non peccet tunc secundum allegata judicando, quandoquidem non ipse tunc, sed potius testes cum occidunt : sicut nec peccat minister judicis innocentem condemnantis, dum obedit, nisi contineat sententia intolerabilem errorem, seu manifestam injustitiam.

ART. 7. *Vtrum liceat alicui occidere aliquem se defendendo. R. Affirmativè*, non quidem ea intentione ; ut occidat ; sed eo fine, ut vitam conservet. *Ratio utriusque partis est*, quia cum actus moralis speciem recipiat ab intentione, & conservatio propriæ vitæ, quam intendit defensor, habeat rationem liciti, cum sit quid naturale, non autem occisio ; ideo illicitum quidem est quod homo intendat hominem occidere, imò etiam ut seipsum defendat, nisi publicam habeat auctoritatem, utpote, qui tunc intendens occidere ad sui defensionem, id refert ad commune bonum, ut patet in milite contra hostes, & in ministro judicis contra furem, qui etiam peccant, si moveantur propriâ libidine, unde & hoc damnat Aug. in eo casu ; non tamen est peccatum si fiat intentione non occidendi, sed conservandi vitam, ad differentiam fornicationis, & adulterii, quæ quidem nunquam licet committere, eo quod non ordinentur hi actus ad vitæ conservationem ex necessitate, ut actus ex quo sequitur quandoque homicidium. Ynde cum ait **Rom. 12.** Paulus, Non vos defendentes, &c. non nisi defensionem prohibet, quæ est cum livore vindictæ : nec ideo Clericus defendendo se si interficiat aliquem, est irregularis, quasi

Quaest. L XIV. Artic. VIII. 313

ex eo peccet; sed quia irregularitas homicidium consequitur, etiam si sit sine peccato. Cum quo tamen stat, quod debeat illud fieri cum moderamine inculpatae tutelae, utpote cum uti majori violentia, quam oporteat, sit illicitum; quanvis non ita, quod praetermitti debeat ad evitandam occisionem alterius, quandoquidem plus tenetur homo vitae suae providere, quam alienae.

Utrum quis casualiter occidens hominem incurrat homicidii reatum. R. Negativè, si ita tamè casualis sit occisio, ut nec sit per se intenta, nec etiam intenta per accidens. Ratio utriusque partis est, quia cum omne peccatum sit voluntarium, & casualia non sint simpliciter loquendo voluntaria, praesertim cum nec sunt intenta per accidens, quod est quando ex insufficienti diligentia non removetur causa; casus enim ex Arist. ART. 8.
est causa agens praeter intentionem: ideo licet non evadat homicidii reatum, si quis non adhibet sufficientem diligentiam ad homicidium vitandum, ut contingit in Lamech; necnon si sequatur homicidium 2 Physic. text. 4.
quando dat operam rei illicitae, ut dum quis mulierem percutit praegnantem, unde abortivum sequitur, quia tunc est intentum & volitum per accidens; non tamen si sequatur quando aliquis dant operam rei licitae debitam adhibet diligentiam. Vnde nec imponunt Canones poenam casualiter occidentibus, nisi quando vel dant operam rei illicitae, vel non adhibent diligentiam debitam. Gen. 4.

314 *Quaest. LXV. Artic. I.*
IN QVÆSTIONEM LXV.

De mutilatione membrorum.

ARTI-
CVLVS
PRI-
MVS.

Vtrum mutilare aliquem membro suo possit in aliquo casu esse licitum. *Re. Affirmative*, non quod liceat privatæ personæ, nisi sit ex putredine corruptivum; sed ita quod habenti publicam potestatem possit esse licitum. *Primum est*, quia cum disponendum sit de membro humani corporis prout expedit toti, utpote cum sit propter totum, sicut imperfectum propter perfectum, cui ut per se est utile, ita per accidens potest esse nocivum; ideò cum abscissio membri, etiamsi vergat in detrimentum corporis, quando est sanum; tamen ordinata ad bonum communis, cuius est totus homo veluti pars, est utilis ad cohibitionem peccatorum, potest proinde quis per publicam potestatem privari membro ob aliquas minores culpas, sicut & vitæ ob majores; & quidem licet mutilare aliquem membro suo sit contra naturam particularem illius, utpote quod adhuc est secundum naturalem rationem in comparatione ad bonum commune. *Secundum est*, quia cum per hoc quod privata persona alium privat membro, fiat injuria civitati, cuius homo est pars, etiam volente illo cuius est membrum; ideò licitum non est privatæ personæ; esto quod quia unicuique commissæ est cura propriæ salutis, & præcisio membri potest ordinari ad propriam salutem, ad differentiam totius vitæ, putà dum membrum est putridum; ideò & possit esse licitum illud abscindere, vel ex voluntate ejus, cuius est membrum, vel alterius, cuius est cura

Quaest. LXV. Artic. II. 315

de illo : ita tamen quod hoc fiat ad corporalem salutem , non autem ad spiritua-
lem , utpote cui potest semper aliter sub-
veniri. Vnde nec intelligitur illud , Sunt
Eunuchi , qui seiplos castraverunt , &c. de
membrorum abscissione , ut notat Chry-
sost. sed per malarum cogitationum inter-
emptionem.

Hom. 65.
super
Matth.

ART. 2.

*Vtrum liceat patribus verberare filios, aut
dominis servos. R. Affirmative*, non qui-
dem immoderate eos affligendo, sed quan-
tum expedit correctioni, & disciplinæ.
Primum est, quia cum nullus iuste alium
puniat, nisi sit ejus jurisdictioni subjectus,
proindeque nec possit aliquem verberare,
nisi habeat potestatem aliquam super illum,
quia verberare est nocumentum inferre,
quod quidem non licet, nisi per modum
pœnæ propter justitiam; ideo cum filius
subditus sit potestati patris, & servus po-
testati domini, potest licite pater filium
verberare, & servum dominus, causâ cor-
rectionis, & disciplinæ; exhibere namque
disciplinam volenti licet quidem cuilibet,
sed nolenti, est tantum illius, cui alte-
rius cura committitur. Vnde quod dicit
Arist. quod sermo paternus non habet co-
actionem, hoc non dicitur nisi respectu
potestatis perfectæ, quæ est in Principe,
scilicet coercendi, & infligendi pœnas ir-
reparabiles. *Secundum est*, quia ideo dicit
Apost. Nolite patres ad iracundiam provo-
care filios. Et præcipit Dominis minas re-
mittere, non quod non verberent ob cau-
sas dictas, sed ne immoderate eos affligant
verberibus, vel etiam quod per remissionis
misericordiam non semper impleant quod
comminati sunt.

In 10.
Ethic.
cap. ult.

ART. 3. *Vtrum liceat aliquem hominem incarcerare. R. Affirmativè*, non quòd cuilibet liceat, nisi fortè ad horam pro malo aliquo opere vitando; sed ita quod in pœnam, vel cautelam possit in perpetuum incarcerare qui habet disponere de actibus, & vita alterius. *Ratio utriusque partis est*, quia quanvis aliàs vel incarcerare, vel qualitercumque aliquem detinere omnino illicitum sit, quandoquidem impeditur unum ex tribus bonis corporis, quæ sunt substantia & integritas vitæ, delectatio & quies, motus & usus membrorum, quæ quidem bona tolluntur occisione, mutilatione, verberatione, & carcere; nihilominus quia qui abutitur potestate sibi data, meretur eam amittere; idèò convenienter incarceratur in pœnam per publicam potestatem, qui libero usu membrorum abusus est, vel ad cautelam, ne abutatur: in quo etiam humana justitia Deum imitatur, qui quidem aliquando peccatores impedit, ne possint peccata implere.

ART. 4. *Vtrum peccatum aggravetur ex hoc, quod prædicta injuria inferantur in personas aliis conjunctas. R. Affirmativè*, non quòd peccatum in nulli conjunctam non possit esse gravius ex aliquibus circumstantiis, sed ita quod cæteris paribus sit gravius in conjunctam. *Primum est*, quia cùm tanto gravius sit peccatum, cæteris paribus, quanto injuria in plures redundat, ut patet de injuria in Principem, quæ scilicet redundat in totam multitudinem; & tale sit peccatum in personam aliis conjunctam, quandoquidem qui lædit personam aliis conjunctam, etiam conjunctam secundum se

Quæst. LXVI. Artic. I. 317

lædit, quod superadditur peccato; ideo & ex hoc aggravatur peccatum, cæteris paribus. Vnde per hoc quod uxor consentit in adulterium, minoratur quidem injuria ex parte mulieris; non tamen minoratur ex parte viri. *Secundum est*, quia propter circumstantiam dignitatis personæ, vel magnitudinis nocumenti fieri potest, quod gravius sit peccatum contra personam nulli conjunctam; unde & magis exaggerari solent injuriæ in viduas, & pupillos, quia nocumentum eorum est gravius, cum non habeat relevantem.

I N Q U Æ S T I O N E M L X V I.

*De peccatis iustitia oppositis; &
primo de furto.*

Vtrum naturalis sit homini possessio exteriorum rerum. *R. Affirmativè*, non quidem per dominium in rerum naturam, sed per usum ipsarum rerum. *Primum est*, tum quia imperfectiora, ut docet Arist. sunt naturaliter propter perfectiora: tum quia juxta illud, Faciamus hominem ad imaginem, & similitudinem nostram, ut prælit, &c. est hoc dominium hominis secundum rationem, in qua imago Dei consistit. Vnde nec illud, Domini est terra, &c. excludit naturale dominium hominis quantum ad usum rerum; nec reprehenditur dives qui volebat congregare, nisi quia exteriora bona putabat esse principaliter sua, quasi non accepisset à Deo. *Secundum est*, quia quantum ad naturam res exteriores non nisi divinæ voluntati subjacent, nec ad eas immutandas habet homo potestatem, nec consequenter Domini nomen, quod quidem ex Ambros. nomen est potestatis.

ARTI-
CVLVS
P R I-
MVS.

Genes. 1.

Psal. 24.
Luc. 12.

In lib. de
Trinit.

ART. 2. *Vtrum liceat alicui rem aliquam, quasi propriam possidere. R. Affirmativè, non quidem proprietate quantum ad usum, sed quantum ad potestatem procurandi, & dispensandi. Primum est, quia quantum ad potestatem procurandi, & dispensandi necessaria est talis proprietas ad humanam vitam: tum quia quisque est magis sollicitus ad propria, quàm ad communia: tum quia ordinatius inde tractantur res humanæ, aliàs esset confusio: tum etiam, quia status hominum magis inde conservatur pacificus, utpote cùm ex eo quod indivisum quid possidetur, frequentius jurgia oriuntur. Vnde proprietas possessionum non est contra jus naturale, sed ei potius addita; nec enim attribuitur rerum communitas naturali juri, quasi hoc doceat naturalis ratio; sed quia secundùm jus naturale non est distinctio possessionum. Neque peccat dives occupando possessionem rei communis, sed solum si alios ab illius usu indiscretè prohibeat. Secundum est, quia non de facili communicaret homo, ut debet, res exteriores in necessitates aliorum, si eas haberet ut proprias quantum ad usum, propter quod etiam ait Ambr. Nemo dicat proprium, quod est commune; loquendo scilicet de proprietate quantum ad usum.*

ART. 3. *Vtrum sit de ratione furti accipere occultè rem alienam. R. Affirmativè, sumpta scilicet occultatione, non ut est simplex peccati circumstantia, sed prout est causa peccandi. Ratio utriusque partis est, quia tria requiruntur ad furtum: primum ut usurpetur alienum, & quidem vel simpli-*

Quaest. L. XVI. Artic. IV. 319

citer alienum, vel secundum quid, sicut dum quis rem suam, quam apud alium deposuit, furtim accipit, & sic contrariatur iustitiæ: secundum, ut sit circa rem possessam, & sic distinguitur ab homicidio, & adulterio, quæ sunt circa personas: sed insuper ut occultè usurpetur alienum, sive accipiendo, sive injustè detinendo, utpote cum in utroque sit eadem ratio nocimenti, adeò ut in usurpatione ita occulta sit propria ratio furti, cum fur, ut ait Isidorus, à furvo dictus sit; id est à fusco, quatenus noctis utitur tempore; si tamen furtum ibi occultatio, non ut est simplex circumstantia, utpote quæ peccatum minuit, cum sit verecundiæ signum, ut tollat scandalum, sed potius ut est peccati causa, sicut contingit in dolo, & fraude; sic enim sumpta speciem constituit peccati.

Verum furtum & rapina sint peccata differencia specie. R. Affirmativè, ita scilicet quod ex occulto, & manifesto aliam peccati rationem habeat furtum, & aliam rapina; quanvis non ita quod in aliis peccatorum generibus inde diversificentur peccata. *Primum est*, quia cum furtum & rapina ex hoc habeant rationem peccati, quia acceptio est involuntaria ex parte ejus, cui aliquid subtrahitur; & involuntarium sit duplex, aut per ignorantiam, & sic furtum; aut per violentiam, unde rapina; ideò & inde habent diversas rationes peccati, proindeque & specie differunt, & quidem quanvis eundem habeant finem remotum, scilicet habere aliena, utpote cum adhuc diversificentur in fine proximo, qui est in rapitore per propriam potestatem ob-

A. P. T. 4.

tinere, & in fure per astutiam. Vnde licet mulieris raptus sit occultus ex parte aliorum, quibus rapitur; tamen quia non est occultus ex parte mulieris, cui violentia infertur, ideo semper remanet ratio rapinæ, non autem furti. *Secundum est*, quia cum in aliis peccatorum generibus non attendatur ratio involuntarii, quod ibi diversificatur, & diversificat; nec etiam faciunt in illis differentiam specificam occultum, & manifestum.

ART. 5. *Vtrum furtum semper sit peccatum. R. Affirmativè*, non quod semper peccatum sit accipere rem alienam, sed ita quod non possit furtivè accipi, nisi peccando. *Primum est*, quia & opponitur iustitiæ, in quantum est acceptio rei alienæ; & importat rationem doli, & fraudis, quia ex insidiis rem usurpat alienam. Vnde qui furtim rem suam depositam rapit, peccat gravando scilicet depositarium, & tenetur revelare gravamen: imò & qui furtim ab eo accipit, qui injustè eam derinebat, prætermittendo ordinem juris, & sic peccando contra communem iustitiam, quanvis non ita, quod teneatur restituere, sed tantum ad sedandum scandalum, si sit ortum. *Secundum est*, quia non peccaverunt Iudæi Ægyptios spoliantes, sicut nec furtum commiserunt, quia id fecerunt ex Dei præcepto; sed neque in retinendo res inventas peccamus, non solum si nunquam fuerunt in bonis alicujus, ut lapilli, & quæ in littore maris inveniuntur, quæ quidem sunt occupantis, sicut & thesaurus in agro inventus, nisi obstant leges civiles; sed etiam si fuerint in bonis alicujus, dummodo habeantur pro derelictis.

Quæst. LXVI. Art. VI. & VII. 321

Virum furtum sit peccatum mortale. R. Affirmativè, ita scilicet quod ex genere suo

ART. 6.

contrarietur charitati, quæ est vita animæ; quanvis non ita quod mereatur in humano iudicio pœnā mortis. *Primum est*, quia cum ad charitatem pertineat, ut proximo bonum velimus, & per furtum inferatur proximo nocumentum; ideo contrariatur ex suo genere charitati, estque per consequens peccatum mortale ex genere: imò & potest esse quandoque mortale in minimis, sicut & in solo cogitatu per consensum, si nimirum furtivè accipiantur minima cum animo furandi, & inferendi proximo nocumentum. Cum quo tamen stat, quod adhuc rectè dicat Scriptura, non esse grandis PROV. 4. culpæ, quod quis furatus fuerit, scilicet vel propter necessitatem inducentem ad furandum, quæ vel minuit, vel totaliter tollit culpam; vel per comparisonem ad reatum adulterii, quod punitur morte. *Secundum est*, quia cum pœnæ per humanum iudicium sint magis medicinales, quàm retributivæ, ideo fit quod secundum iudicium præsentis vitæ non pro quolibet mortali peccato infligatur pœna mortis, sed pro illis solum, quæ inferunt irreparabile nocumentum, vel quæ aliquam habent horribilem deformitatem; quale quidem non est furtum, nisi aggravetur per gravem circumstantiam, ut est furtum rei sacræ, aut furtum rei communis, seu peculatus.

Verum liceat alicui furari propter necessitatem. R. Affirmativè, ita scilicet quod acceptio rei alienæ congrua sit naturali juri in extrema necessitate, sed nec sit humano jure prohibita; imò nec habeat propriè lo-

ART. 7.

322 *Quest. L XVI. Artic. VIII.*

quando rationem furti. *Primum est*, quia cum quæ sunt juris humani non possint derogare juri naturali, & divino; & secundum naturalem ordinem à divina providentia institutum res inferiores sint ordinatæ ad subveniendum hominum necessitati; ideò nec tollitur per rerum divisionem talis ordo, proindeque licetè potest aliquis ex rebus alienis suæ necessitati subvenire, cum aliter non potest; & quidem ex jure naturali, ex quo etiam quæ alii superabundanter habent, debentur pauperum sustentationi, adeò ut etiam aliis liceat occultè rem alienam accipere, ut subveniat proximo sic indigenti; esurientium namque panis est, quem detines, ait Ambros. unde etiam fit, quod omnibus committitur dispensatio propriarum rerum, ut ex eis subveniant necessitatem patientibus. *Secundum est*, quia cum in necessitate sint omnia communia, ideò uti re aliena occultè accepta in casu necessitatis non habet propriè rationem furti, sed nec est jure humano prohibitum, cum decretalis illa præcipiens quod pœniteat per tres hebdomadas, qui causam famis, aut nuditatis furatus fuerit, intelligatur cum non est urgens necessitas.

Cap Si
quis.

ART. 8. *Utrum rapina possit fieri sine peccato. R. Affirmative*, non quod non possit sine peccato auferri alteri per violentiam, sed ita quod non sit violenta ablatio rapina, nisi peccando. *Primum est*, quia rapina importat violentiam, & coactionem, per quam contra justitiam alicui auferitur quod suum est; quod quidem cum non liceat nec privatæ, nec publicæ personæ, quæ est justitiæ custos; ideo nec licitum est, sed pecca-

tum per rapinam accipere, adeò ut quanvis liceat Principibus violentiâ, & coactione uti contra hostes, & contra malefactores; si tamen auferant per rapinam, quia tunc auferunt contra iustitiam, peccant, & tenentur restituere. *Secundum est*, quia & in bello iusto licitum est acquirere per violentiam, nec tenentur ad restitutionem, sicut tenentur in bello injusto, esto quod ex prava intentione peccare possint; & ab infidelibus possunt res violenter subtrahi, non quidem privatâ, sed publicâ auctoritate; quia injustè possident, cum secundum leges terrenorum Principum eas amittere iussi sint.

Virum furtum sit gravius peccatum, quàm rapina. R. *Negativè*, ita quod & ex parte rationem habent peccati, præponderet rapina furto, & ex parte nocimenti quod inferunt. *Primum est*, quia habent furtum, & rapina rationem peccati, quia efficiunt involuntarium, quod quidem magis efficitur in rapina, utpote cum violentia magis, & directiùs opponatur voluntari, quàm ignorantia in furto. Vnde minùs quidem verecundantur homines de rapina, quàm de furto, non quia minùs gravi, sed quia magis gloriari solent de virtute exteriori, quæ ostenditur per rapinam, quàm de virtute interiori, quæ tollitur peccato. *Secundum est*, quia per rapinam non solum infertur damnum, sed etiam ignominia quædam, & injuria personæ; quod quidem præponderat dolo, & fraudi in furto: & quanvis per furtum possit noceri pluribus, tamen per rapinam graviora possunt inferri nocimenta, & ideo est detestabilior.

ART. 9.

324 *Quest. LXVII. Artic. I. & II.*
IN QVÆSTIONEM LXVII.

*De vitiis oppositis commutativa iustitia :
& primò de iniustitia iudicis.*

ARTI-
CVLVS
PRI-
MVS.

Vtrum quis possit iustè iudicare eum, qui non est sibi subiectus. R. *Negative*, ita scilicet, quod potestatem habere debeat qui iudicat, vel ordinariam, vel per commissionem. *Ratio utriusque partis est*, quia cum sententia iudicis habere debeat vim coactivam, ut quælibet pars eam cogatur servare; & hanc vim non habeant licitè in rebus humanis, nisi qui funguntur publica potestate, vel ordinaria, vel per commissionem, qui quidem vocantur superiores respectu eorum, in quos, ut in subditos, talem recipiunt potestatem; ideo non potest quis iustè iudicare, nisi qui sibi aliquomodo est subditus, saltem ex commissione, quo modo Daniel accepit potestatem ad iudicandum, quasi commissam instinctu divino, juxta illud, *Suscitavit Dominus spiritum junioris*; aut quia quis se voluntariè subjicit humano iudicio, ut fecit Christus Dominus, & Leo Papa iudicio Imperatoris. Vnde si quis exemptus in Diccelsi committat grave crimen, potest per Episcopum condemnari, qui quidem sit superior illius ratione delicti, nisi fortè delinquat in re aliqua exempta, putà in administratione bonorum alicujus monasterii exempti.

Daniel.
23.

ART. 2.

Verum iudici liceat iudicare contra veritatem, quam novit, propter ea, quæ proponuntur. R. Affirmative, non quòd ex his quæ novit non possit adjuvari ad investigandum probationum defectum, sed ita quòd si non possit de jure eas repellere, debeat eas in iudicando sequi. *Ratio utriusque*

partis est, quia cum judicare pertineat ad judicem secundum quod habet publicam potestatem, proindeque & judicare debeat secundum id quod scit ut persona publica, ad differentiam eorum, quæ ad propriam personam pertinent, in quibus potius propria scientiâ debet conscientiam informare; ideo cum ut persona publica aliquid cognoscat dupliciter, vel in communi per publicas leges, aut divinas, aut humanas, & contra has nullas debeat probationes admittere; vel in particulari negotio per instrumenta, testes, &c. quæ quidem, factâ prius diligenti discussione ut possit probationum defectum investigare, debet sequi in judicando, magis quam quod novit ut privata persona, utpote cum non judicet sicuti Deus, & Christus secundum propriam potestatem, nec consequenter secundum suam cognitionem, proinde fit, quod quanvis debeant judices veritatem judicare, ut scriptum est, non tamen nisi secundum ea, quæ fuerunt sibi proposita, adeo ut ea, quæ norunt, solum ad melius investigandum deserviant. Vnde quod in notoriis non sit necessarius judicialis ordo, ut dicitur, id solum intelligitur quando aliquid non solum est manifestum judici, sed etiam aliis, quia reus ex ipsa evidentia facti convincitur; quod non accidit cum iudex solus novit.

Deut. 12.

Vtrum iudex possit aliquem condemnare, etiamsi non sit alius accusator. Bz. Negativè, **ART. 3.** ita quod in iudicio de crimine debeat præter reum, & judicem vel esse actor, vel qui gerat vicem actoris. *Ratio utriusque partis est*, quia cum iudex debeat inter aliquos

duos dijudicare, utpote cum justitia sit ad alterum, & hoc fiat quando unus est actor, & alter reus; idè licet in denunciatione non requiratur accusatio, quia tunc non intenditur punitio, sed emendatio peccantis, bene tamen ubi quis damnari debet de crimine, adeò ut ex eo quod ipse judex videt, procedere non possit ad ferendam sententiam, nisi secundum ordinem publici judicii, quod teneat locum accusatoris, utpote cum non procedat in suo judicio ex propria notitia veritatis, sicut procedit Deus: propter quod ipse Daniel quasi divini judicii exequutor fuit etiam accusator, simul & judex. Cum quo tamen stat, adhuc suppleri posse accusatorem, sed per aliquid vicem illius gerens, cum publica infamia locum habeat accusatoris, ut ait Glossa. Quo etiam modo utitur Deus in suo judicio accusatore, qui est conscientia peccantis.

In Gen.
cap. 4.

ART. 4. *Utrum judex licitè possit pœnam relaxare.*
R. *Negativè*, ita scilicet quod ab hoc impediatur & ex parte accusatoris, & ex parte reipublicæ, cujus fungitur potestate. *Ratio utriusque partis est*, quia cum ad jus accusatoris pertineat quandoque, ut reus puniatur, & judex teneatur reddere jus suum unicuique; idè ex ratione accusatoris non habet judex inferior potestatem absolvendi à pœna contra leges à superiore sibi impositas, esto quod Princeps, qui plenariam habet potestatem, si qui passus est injuriam, velit eam remittere, possit reum licitè absolvere, si publicæ utilitati non sit nocumento; sed nec etiam potest judex inferior ex parte reipublicæ, cujus

Quaest. LXVIII. Artic. I. 327

potestate fungitur, utpote ad cuius bonum pertinet, ut malefactores puniantur. Vnde potest quidem Deus, qui est supremæ potestatis, remittere quidquid contra aliquem peccatur: at misericordiam facere in his, quæ sunt determinata secundum leges divinas, vel humanas, non est iudicis inferioris, sed in his solum, quæ ejus arbitrio relinquuntur. Remittere namque inordinatæ pœnam nocet communitati, ut dictum est; necnon personæ injuriâ affectæ, quæ recompensationem quandam honoris accipit in pœna injuriantis.

IN QVÆSTIONEM LXVIII.

De pertinentibus ad injustam accusationem.

Vtrum homo teneatur ad accusandum.

R. Affirmative, ita quod ubi vergit crimen in Reipublicæ damnum, teneatur tunc ad accusandum, si tamen sufficienter probare possit. *Primum est*, quia cum quies Reipublicæ, quam omnes debent procurare, procuretur per punitionem peccantium; & accusatio intendat peccantium punitionem, sicuti denunciatio eorundem emendationem; ideo licet revelare secretum in malum personæ sit contra fidelitatem, si tamen id vergat in reipublicæ commodum, & contrarium in detrimentum, tunc teneatur homo ad accusationem; & quidem quanvis aliqui ex peccato reddantur inhabiles ad alios accusandos, utpote cum nihil prohibeat reddi aliquem per peccatum impotentem ad ea, quæ homines tenentur facere, ut ad assumenda Ecclesiastica Sacramenta; sitque in hoc pœna gravissima. Cum quo tamen stat, prohiberi subditos accusare Prælatos suos, quando scilicet 1. q. 1.

ARTICULVS
PRIMVS

328 *Quaest. LXVIII. Art. II. & III.*

non ex charitate, sed magis ex pravitare vitam eorum diffamare, aut reprehendere quærent. *Secundum est*, quia cum nemo teneatur ad id quod non potest debito modo perficere, nec etiam tenebitur ad accusandum quando sufficienter probare nequit.

ART. 2. *Vtrum sit necessarium accusationem fieri in scriptis. R. Affirmativè*, ita quod ad iudicii certitudinem id expediat, quanvis non ita quod etiam in iudicio per denunciationem sit necessarium. *Primum est*, quia cum iudex in accusatione constituatur medius inter accusatorem, & cum qui accusatur ad examen iustitiæ, in quo quantum possibile est, oportet procedere secundum certitudinem; & quæ solo verbo dicuntur, facile labantur, nec esset aliàs certum quid, aut qualiter dictum sit; ideo etiam si post modicum tempus debeat sententia promulgari, adhuc expedit ad certitudinem iudicii, ut accusatio redigatur in scriptis. Vnde illud: Nullius accusatio suscipiatur per scripta, &c. non nisi de absente intelligitur, qui peremptam accusationem mittat; nec excluditur, quin cum præsens fuerit, necessaria sit scriptura. *Secundum est*, quia cum denunciator non se obliget ad probandum, ideo nec in denunciatione necessaria est scriptura, sed sufficit quod Ecclesiæ denunciet, ut ex officio suo procedat ad fratris emendationem.

ART. 3. *Vtrum accusatio reddatur iniusta propter calumniam, pravaricationem, & tergiversationem. R. Affirmativè*, ita quod contingat in accusatione peccatum, & quia falsum imponitur crimen, quod est calumpniari, &

2. q. 8. c.
Per scri-
pta.

quia fraus in accusatione adhibetur, quod est prævaricari, vel quia per tergiversationem ab accusatione desistitur. *Ratio cuiusvis partis est*, quia cum accusatio ordinetur in bonum commune, ad quod quidem promovendum nemo debet alicui nocere; & hoc possit contingere, primò cum quis injustè agit contra eum, qui accusatur falsum imponendo, quod est calumniari; deinde ex parte reipublicæ, cum quis malitiosè impedit punitionem peccati, & hoc vel adhibendo fraudem in accusatione, quod ad prævaricatorem pertinet, qui talis dicitur quando adversam partem juyat, proditâ causâ suâ; vel totaliter ab accusatione desistendo, quod est tergiversari: ideo & propter hæc tria redditur accusatio injusta; ita tamen quod calumniari dicatur, non quicumque ex levitate animi, aut ex justo errore (in quo tamen non habet locum ignorantia facti) movetur ad accusandum; sed solum cum ex malitia in falsam accusationem prorumpit: sed nec dicatur prævaricari, nisi qui abscondit fraudulentè vera crimina, de quibus est accusatio, & colludit cum reo proprias probationes dissimulando, & falsas excusationes admittendo: sicut neque tergiversari dicitur, nisi qui inordinatè deponit animum accusandi, non autem si cognoverit vel falsum id esse, de quo accusavit, vel quod Princeps aboleverit.

Verum accusator, qui in probatione defecerit, teneatur ad pœnam talionis. Bz. Affirmativè, ita quod justum sit, ut pœnam similem patiatur, qui alium accusando in periculum pœnæ inducit; si tamen animo

ART. 4.

nocendi accusaverit, non ex errore. *Primum est*, quia cum ad iudicem pertineat, ut inter accusatorem, qui in causa accusationis constituitur pars, & accusatum iustitiae aequalitatem constituat; & iustitiae aequalitas requirat, ut nocementum, quod quis alteri intendit, ipse patiatur; ideo licet innocenter accusatus possit injuriam remittere, & ipse Princeps poenam, & quidem etiam infamiae, quae debetur propter malitiam, esto quod infamia facti aboleri non possit, ut dicit Gelas. ipse tamen accusator poenam talionis meretur in quantum peccat contra personam accusati; sicut & infamiae poenam, cum etiam peccet contra Rempublicam. *Secundum est*, quia cum involuntario non debeat poena, ideo nec debet iudex poenam talionis imponere, cum cognoverit aliquem de falso accusasse, non voluntate nocendi, sed propter ignorantiam, ex justo errore.

IN QVÆSTIONEM LXIX.

De peccatis contra iustitiam ex parte rei.

ARTI-
CVLVS
PRI-
MVS.

Vtrum absque mortali peccato possit accusatus veritatem negare, per quam condemnaretur. *Re. Negativè*, ita quod veritatem negando faciat contra iustitiae debitum; si tamen exquirat iudex secundum ordinem juris. *Primum est*, quia cum debitum iustitiae sit, ut quis suo obediat superiori, ut est iudex respectu ejus, qui iudicatur; ideo facit reus contra iustitiam, necnon contra dilectionem Dei, cujus est iudicium, & contra iudicem cui debitum negat, & contra accusatorem, qui inde punitur si in probatione deficiat; proindeque & mortaliter peccat, qui legitime in-

interrogatus veritatem negat; nec enim mentiri ad liberandum aliquem à morte cum injuria alterius, vel ad sui excusationem, est simpliciter mendacium officiosum, ut inter venialia numeretur: cum quo tamen stat, quod non ipse reus se prodatur, sed ab alio prodatur, dum ei necessitas respondendi imponitur per eum, cui obedire tenetur. *Secundum est*, quia quanvis mendacium dicere non liceat, quando non secundum ordinem juris interrogatur reus, potest tamen vel per appellationem, vel aliter subterfugere, sicque non tenetur ita interrogatus de veritate respondere.

Utrum accusato liceat calumniosè se defendere. R. *Negativè*, ita quod peccet si veritatem, quam confiteri tenetur, dolosè taceat, vel falsitatem dicat; quanvis non ita, quod ex eo secundum humanas leges puniatur. *Primum est*, quia licet accusatus non teneatur omnem veritatem confiteri, sed solùm illam, quam secundum ordinem juris potest judex ab eo requirere, ut cum præcessit vel infamia, vel manifesta indicia, vel semiplena probatio, & aliàs possit se tueri veritatem occultando; tamen sicut falsitatem proponere in nullo casu licet, sic etiam id quod ei licitum est, non debet per vias illicitas tentare, ut per fraudem, & dolum, quod est calumniosè se defendere; quia pertinet ad astutiam, & vitiosum est: sed sicut sapiens timere dicitur, & declinare à malo, prudenter scilicet, & per convenientes modos, ut non respondendo ad ea, ad quæ non tenetur. *Secundum est*, quia licet peccet reus in causa sanguinis corrumpendo adversarium, &

ART. 2.

ideo in divino iudicio sit puniendus; quia tamen lex civilis non exigit ab homine omnimodam virtutem, utpote quæ paucorum est, nec potest in tanta populi multitudine inveniri, quantum lex humana habet necesse sustinere; ideo nec huic peccato pœnam adhibet lex civilis, præsertim cum sic colludeus reus id faciat ad vitandam mortem, quæ est omnium terribilissimum, & pro tanto ei licitum esse dicitur, quia impunitum.

ART. 3. *Vtrum reo liceat iudicium per appellationem declinare.* R. *Negative*, non quod non liceat appellare ex confidentia iustæ causæ, sed ita quod causâ afferendæ moræ non debeat aliquis appellare. *Primum est*, quia cum appellare causâ differendæ moræ, ne contra se iusta sententia proferatur, hoc sit calumniosè se defendere, & facere injuriam iudici, utpote cujus officium impeditur, necnon & adversario, cujus iustitia perturbatur; ideo illicitum est sic appellare, & puniendus est, qui sic appellat. *Secundum est*, quia cum iudex inferior aliquem gravans relinquat potestatis superioris ordinem, ob quem illi subicitur; ideo & licet gravato ex confidentia iustæ causæ appellare ad superiorem, ut fecit Paulus vel ante sententiam, vel post, modò non sit superior infidelis, utpote quia præsumitur, quod ubi non est fides, nec etiam est rectitudo. Ita tamen quod negetur subsidium appellationis à iudicibus arbitrariis, qui non nisi ex consensu partium potestatem habent, quandoquidem ex proprio defectu procedit, ut quis se sua sponte subiciat iudicio illius, de cujus iustitia

Actor.
25.

Quest. LXIX. Artic. IV. 333

non confidit : imò nec ad ullum appellare licet post decimum diem , ne scilicet certitudo iudicii remaneat suspensa , & ne ita subveniatur , ut gravetur alter ; sicut nec licet tertio appellare sub eodem , eo quòd non sit probabile , toties iudicem à recto iudicio declinare.

Vtrum liceat condemnato ad mortem se defendere , si possit. R. Negativè , ita quod ubi iusta est condemnatio , non liceat se defendere , quanvis non ita quod etiam teneatur in loco manere , unde ad mortem ducatur. *Primum est*, quia cùm ideò injustè condemnato liceat resistere malis Principibus , nisi fortè propter vitandum scandalum , quia huiusmodi iudicium est simile violentiæ latronum ; & tale non sit in iusta condemnatione , quin imò licitum est iudici eum resistentem impugnare , proinde fit , quod injustum sit bellum ex parte illius , atque ita quod peccet se defendendo. Nec enim quælibet defensio sui est licita , sed quæ fit cum debito moderamine , utpote cùm ea , ad quæ natura inclinat , secundùm rationis ordinem sint exequenda ; neque qui ducuntur ad mortem ita sunt eruen di , ex Scriptura , ut etiam contra iustitiæ ordinem erui debeant. *Secundum est* , quia quanvis nunquam liceat resistere agenti , quin patiatur quis , quod iustum est pati ; quia tamen nemo tenetur facere id unde mors sequatur , ut est in præsentī manere in carcere ; ideò & licet unicuique per fugam à morte se liberare , sicut condemnato ut fame moriatur , licet cibum sumere sibi ministratum.

ART. 4.

Prov. 14.

IN QVÆSTIONEM LXX.

*De iustitia pertinente ad personam testis.*ARTI-
CVLVS
PRI-
MVS.

Vtrum teneatur homo ad testimonium ferendum. *Bl. Affirmativè*, ita quod & teneatur, ubi à superiore requiritur secundum ordinem juris; & ubi agitur de liberatione ab iniustitia, teneatur, quanvis non requiratur. *Ratio utriusque partis est*, quia cum ex hoc quod non fertur testimonium in condemnatione alicujus, nisi requiratur ad liberandum aliquem ab iniusta morte, vel à pœna, vel à falsa infamia, nulli ex hoc speciale innascatur damnum, utpote cum de accusatore, si ei imminet periculum, cum non potest probare, non sit curandum, quia sua sponte in periculum se ingessit; ideo non nisi in duobus præfatis casibus tenetur quis testimonium ferre, puta vel dum à superiore requiritur, aut ubi agitur de liberatione alicujus ab iniustitia; aliàs namque occultatio veritatis est licita, & sic Abraham occultavit veritatem, quando scilicet quis non compellitur autoritate superioris, & quando nulli specialiter est damnosa. Ita tamen quod clerici cogi non possint ad ferendum testimonium in causa sanguinis, quandoquidem non decet ministros Altaris cooperari ad occisionem hominis; sed nec quæ in secreto per confessionem sciuntur sunt ullo modo per testimonium manifestanda, quia scit ista homo ut minister Dei, & majus est vinculum Sacramenti, quàm hominis præceptum, esto quod quæ aliter committuntur sub secreto, si pertineant ad corruptionem multitudinis, vel spiritualem, vel corporalem, vel ad grave damnum alicujus

personæ, debeant tunc manifestari; quia aliàs homo frangeret fidem, quam alteri debet; & ita per secretum commissum non potest quis obligari ad contrarium.

Utrum sufficiat duorum vel trium testimonium. R. *Affirmativè*; non quòd ex duobus, aut tribus habeatur certitudo omnino infallibilis, sed ita ut habeatur exinde sufficienter probabilis. *Primum est*, quia cum de actibus humanis, super quibus constituuntur judicia, & exiguntur testimonia, non requiratur certitudo demonstrationis, cum sint circa contingentia, sed sufficiat probabilis, & hæc sufficienter habeatur ex duorum, vel trium testimonio, utpote cum probabile sit, quod magis contineat veritatem dictum multorum, quàm dictum unius; & omnis multitudo in tribus comprehendatur, scilicet principio, medio & fine; ideò & ex duorum, vel trium testimonio sufficiens habetur certitudo, esto quod specialiter contra Episcopos, Presbyteros, Diaconos, & Clericos Romanæ Ecclesiæ plures requirantur testes: tum quia tales esse debent, ut eorum sanctitati plus credatur, quàm multis testibus: tum ne derogetur dignitati Ecclesiæ, si condemnentur: tum etiam, quia cum alios judicent, plures etiam adversarios habent. *Secundum est*, quia cum fuerit Naboth duorum testimonio falso condemnatus, evidenter colligitur, quod non possit in talibus haberi infallibilis veritas, ita tamen quod non proinde negligi debeat certitudo, quæ probabiliter haberi potest per duos, vel tres testes, quorum quidem discordia, quavis ubi non est nisi in circumstantiis, non

ART. I.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25

336 *Quest. LXX. Artic. III.*

pertinentibus ad substantiam facti, non præjudicet testimonio, immò aliquando faciat illud probabilius; si tamen est in his, quæ variant substantiam facti, ut in tempore, loco, &c. infirmat testimonium, esto quod non infirmet, si unus solum dicat, se non recordari, & alius circumstantias assignet; & quanvis si testes actoris, & rei discordes sint, & æquales numero, & dignitate, stari debeat pro reo; quia facilius esse debet iudex ad absolvendum, quàm ad condemnandum, præterquam in causis favorabilibus: non ita tamen de testibus ejusdem partis dissidentibus, utpote circa quos advertere debet iudex cui parti standum sit, vel ex numero testium, vel ex dignitate, vel ex conditione negotii, aut causæ, an aliquis sibi contradicat; sed in his, quæ visu, vel scientiâ scit, quia de auditu, & fama non refert.

- ART. 3.** *Vtrum alicuius testimonium sit absque ejus culpa repellendum. R. Affirmativè, non quòd non sit repellendum ob culpam, sed ita quod etiam absque culpa repelli possit. Ratio utriusque partis est, quia cùm testimonium non habeat nisi probabilem veritatem, proindeque quando probabiliter asseritur aliquid in contrarium, reddatur testimonium inefficax; ideo cùm hoc fiat vel propter culpam, quâ ratione repelluntur à testimonio infames, infideles, & qui sunt rei publico crimine, qui nec etiam accusare possunt, vel etiam præter culpam, & hoc vel ex defectu rationis, ut pueri, imbecillantes, mulieres, &c. vel ex affectu, ut inimici personæ conjunctæ, & domestici, vel ob exteriorem conditionem, ut sunt pauperes,*

pauperes, servi, &c. de quibus probabile est, quod possint seduci, proinde fit, repelli posse testimonium & propter, & præter culpam, præsertim cum repellere aliquem à testimonio potius pertineat ad cautelam falsi vitandi testimonii, quàm ad prænam. Vnde de quolibet quidem præsumendum est bonum, modò tamen non appareat contrarium, nec vergat in periculum alterius, quia tunc cautè est procedendum, ne de facili cuique credatur; sicut nec dicitur testificari veritatem de necessitate salutis, nisi supposità testis idoneitate.

Verum falsum testimonium semper sit peccatum mortale. R. *Affirmativè*, non quidem semper ex falsitate, sed & ex perjurio, & ex violatione iustitiæ. *Primum est*, quia cum non admittantur testes, nisi jurati, ideò & habet falsum testimonium ex perjurio, seu juramento violato rationem peccati mortalis, esto quod nò habeat in injusto iudicio ad injustitiam impediendam, ex vi iudicii; sed habet insuper ex violatione iustitiæ, sicut quælibet injustitia, quandoquidem sub hac ratione interdicitur in præcepto Decalogi. Vnde in testimonio debet quisque dubium pro dubio, & certum pro certo asserere, esto quod si assermet falsum post inquisitionem, putans ita esse, non peccet, cum sit præter intentionem. *Secundum est*, quia cum non quodlibet mendacium sit mortale, ideò nec ex ipsa mendacii falsitate habet testimonium falsum, quod semper mortale sit; ita tamen, quod quanvis ex se mortale esset, adhuc requireretur juramentum testis, utpote cum magis abhorreat homo peccare contra Deum ex

ART. 4.

violatione juramenti, quàm contra hominem ex injustitia, aut falsitate.

IN QVÆSTIONEM LXXI

De injustitia, qua fit in iudicio ex parte Advocatorum.

ARTI-
CVLVS
PRI-
MVS.

Vtrum advocatus teneatur prestare patrocini-
um causa pauperum. *R. Negati-*
vè, non quòd non teneatur, si quis tan-
tam patiatur necessitatem, quòd non in
promptu appareat, quòd ei aliter possit
subveniri; sed ita quòd extra hunc casum
non teneatur. *Ratio utriusque partis est*, quia
cùm huiusmodi patrocini-
um ad opus mi-
sericordiæ pertineat, sicut & curatio quan-
tum ad medicum, aliàs deberet homo om-
nia alia negotia prætermittere ad istud
peragendum; ideo & idem dicendum est,
quòd suprà, cùm de operibus misericor-
diæ; adeò ut quando esset aliquis in tanta
necessitate, ut non esset in promptu, quo-
modo aliter ei subveniendum esset, tunc
teneatur ad præstandum patrocini-
um: si-
cut & ex Scriptura a sino jacenti sub onere
tenetur aliquis juvare, quia non potest ali-
ter subveniri: at extra hunc casum non
aliter tenetur, nisi secundùm Aug. dictum,
scilicet quòd cùm omnibus prodesse non
potes, hiis potissimùm consulendum sit,
quibus pro locorum, temporum, vel qua-
rumlibet rerum opportunitatibus constri-
ctus, tibi quasi quadam sorte conjungan-
tur, ita quòd non teneatur homo indigen-
tes quærere, sed sufficiat ut iis, qui occur-
runt, pro præsentì necessitate succurrat, &
magis conjuncto, quàm aliis, juxta illud
Scripturæ, Si occurreris bovi inimici tui,
reduc ad eum. Licet enim homo talentum

Exod. 23.

Quæst. LXXI. Artic. II. 339

sibi traditum teneatur utiliter dispensare, non nisi tamen servatis circumstantiis dictis: sicut nec quolibet necessitas debitum causat subveniendi, sed solum illa quam diximus.

Vtrum convenienter aliqui secundum iura arceantur ab officio advocandi. R. Affirmative, & quidem tum ex impotentia, tum etiam ex indecentia. Ratio utriusque partis est, quia ex impotentia, quæ quidem simpliciter excludit ab actu, arcentur furiosi, & impuberes, surdi, & muti, utpote quia advocato necessaria est peritia, ut justitiam causæ ostendat; & loquela cum auditu, ut possit pronunciare, & audire quod ei dicitur: ex indecentia autem, quæ tamen non omnino excludit, quia necessitas indecentiam tollit, arceatur, vel quia aliquis est rebus majoribus obligatus, quanvis alia sint misericordiæ opera, ut monachi, presbyteri, & clerici respectu alicujus causæ, & judicii sæcularis, esto quod possint Clerici pro Ecclesiis suis, & Monachi pro Monasterii causa, si præcipiat Abbas: vel propter defectum personæ, sive corporalem, ut cæci; sive spirituales, ut infames, infideles, & damnati gravioribus criminibus, utpote quia non debet alterius justitiæ patronus existere, qui in seipso justitiæ contempsit. Vnde quanvis hæc duo personarum genera, majores, & minores, sint inter se contraria, cum hoc adhuc compatitur, ut alii arceantur, quia majores tali officio, & alii, quia minores; ita tamen, quod aliqui possint sibi, & non aliis patrocinari, cum non ita imminet necessitas in alienis causis, ut in suis.

ART. 2.

- ART. 3.** *Vtrum advocatus peccet, si injustam causam defendat. R. Affirmative, non quidem si pateat esse justam, sed si scienter defendat injustam. Primum est, quia cum illicitum sit cooperari ad malum faciendum, si-ve consulendo, si-ve adjuvando, aut qualitercumque consentiendo, ex Apost. & advocatus auxilium, & consilium præstet ei, cujus causæ patrociniatur; ideo si scienter injustam defendat causam, graviter peccat, & ad restitutionem tenetur damni, quod contra justitiam per ejus auxilium altera pars incurrit: in quo quidem differt à medico cum desperatam curat infirmitatem, utpote qui nulli facit injuriam, sicuti advocatus in defendendo injustam causam, in qua quidem licet ostendat peritiam artis, peccat nihilominus, quia abutitur arte. Cum quo tamen stat, quod advocato defendenti causam justam, liceat prudenter occultare ea, quibus impediri posset processus ejus; quanvis nunquam liceat ei aliqua uti falsitate. Secundum est, quia si ignoranter injustam defendat causam, putans esse justam, excusatur ea ratione, quâ ratione ignorantia excusare potest; ita tamen, quod si in principio credidit causam justam esse, & in progressu contra appareat, non debeat tunc eam prodere, ut alteram partem juvet; sed debet tunc inducere eum, cujus ægebat causam, ad componendum sine adversarii damno.*

- ART. 4.** *Vtrum advocato liceat pro suo patrocinio pecuniam accipere. R. Affirmative, ita quod non semper teneatur gratis patrocinium impendere, esto quod peccet, si immoderate accipiat. Ratio utriusque partis est, quia*

Quest. LXXII. Artic. I. 347

cum quisque justè possit recompensationem accipere pro eorum exhibitione, quæ facere non tenetur; & advocatus (& idem dicendum de medicis, & aliis hujusmodi personis) non semper teneatur patrocinium præstare, ut dictum est; ideo peccat quidem advocatus, si vendens suum patrocinium immoderatè accipiat, quia facit contra justitiam, ut ait Aug. non tamen si simpliciter vendat. Licet enim spiritualis sit scientia juris, tamen usus ejus sit opere corporali, proindeque & vendi potest, & quidem quanvis annumerari possit inter opera misericordiarum, cum non semper quæ homo potest misericorditer facere, teneatur facere gratis; esto quod quando misericorditer impendit, non humanam, sed divinam remunerationem quærere debeat. Cum quo tamen stat, quod quia advocatus alteram tantum defendit partem, ad differentiam testis, & judicis, qui sunt communes utrique parti; ideo judices habere debeant stipendia laboris de publico, & testes expensas accipere, sed non aliud, quia tenentur verum testimonium dicere; at advocatus licitè possit stipendium à parte accipere.

*Epist. ad
Macrob.*

IN QVÆSTIONEM LXXII.

*De injuriis verborum, quæ inferuntur
extra judicium.*

Vtrum contumelia consistat in verbis. **ARTICULVS**
1. *Affirmativè, non quod non dicatur etiam in factis per extensionem nominis; sed ita quod in verbis consistat propriè loquendo. Ratio utriusque partis est, quia cum ad contumeliam propriè pertineat, ut quod est contra honorem alicuius.*

**ARTICULVS
PRIMVS**

lib. 1. de
doctr.
Christ.
cap. 3.

jus, deducat aliquis in notitiam ejus, & aliorum, quod quidem fit per aliqua signa; ideo cum verba inter homines obtrineant principatum inter signa, ex Aug. poterit quidem contumelia extensione nominis etiam in factis dici, non quidem prout faciendo dehonōrant, quia sic pertinent ad alias species injustitiæ, sed prout etiam per facta aliquid significatur: at propriè loquendo non nisi in verbis consistit, non ut sunt soni, sed ut sunt signa repræsentativa, sub qua scilicet ratione possunt multa inferre damna, ut detrimentum honoris, & reverentiæ. Ita tamen quod etiam convitium, & improprium in verbis consistant, quandoquidem per omnia hæc repræsentatur defectus alicujus in detrimentum honoris ipsius, esto quod aliquando unum pro altero sumatur; sed taliter, quod ad contumeliam pertineant defectus culpæ, ad convitium autem generales defectus culpæ, & pœnæ, quia convitium dicitur respectu defectus corporis, & animæ; at ad improprium pertineant defectus indigentiae, dum scilicet aliquis injuriosè reducit alteri ad memoriam auxilium, quod ei contulit in necessitate existenti.

ART. 2. *Utrum contumelia, siue convitium sit peccatum mortale. R. Affirmativè; si tamen dicatur non ad correctionem, vel aliud quid hujusmodi, sed animo dehonōrandi. Primum est, quia cum homo non minùs amet honorem suum, quàm rem possessam; ideo proferre verba cum intentione, ut alterius honorem auferant, quod est propriè convitium dicere, & facere contumeliam, est peccatum mortale, non minùs*

Quest. LXXII. Artic. III. 343

quàm furtum, & rapina; ita tamen, quod quia convitium, aut contumelia ex animo dicentis dependet, quanvis ex genere suo mortalia sint, fieri possit, ut sint venialia; si nimirum dicantur per jocum, intendendo tantùm leviter contristare, sine intentione dehonorandi. Vnde & ad virtutem eutrapeliæ pertinet dicere leve aliquod convitium causâ solùm delectationis, & joci, quod potest esse sine peccato, esto quod contristare aliquem, ut aliis risus excite-
 tur, vitiosum sit, ut ait Arist. *Secundum* Lib. 4.
est, quia causâ correctionis, & disciplinæ Ethic.
 potest aliquis ei, quem debet corrigere, cap. 2.
 verbum aliquod convitiosum dicere; quo modo Dominus dixit, O stulti, &c. & Apostolus, O insensati Galatz; sed tamen rarò hoc fieri debet.

Vtrum aliquis debeat injurias sibi illatas ART. 3.
sustinere. R. Affirmativè, non quòd non oporteat quandoque, ut contumelias repellamus, sed ita quod teneamur habere ad eas sustinendas paratum animum. *Primum est*, quia cùm eadem ratio sit de his, quæ contra nos dicuntur, & de his quæ contra nos fiunt, quia patientia est necessaria circa utrumque; & præcepta patientiæ in his, quæ contra nos fiunt, sint non quidem in actu, sed in præparatione animi habenda, quando scilicet expediens fuerit, ut notat Aug. ideò & quilibet habere debet paratum animum ad contumelias sustinendas, si expediens fuerit. Vnde quanvis qui tacet ut contumeliantem ad iracundiam provocet, faciat id quod pertinet ad vindictam; nihilominus laudabile est, si taceat, ut detur locus iræ. *Secundum est*,
 Lib. 2. de
 ferm.
 Dom.
 cap. 34.

344 *Quest. LXXII. Artic. IV.*

quia injurias repellere (si tamen moderatè fiat propter charitatem, juxta illud: Ne **Prov. 26.** respondeas stulto, &c.) est quandoque utile, & ut injuriantis audacia reprimatur, ac de cætero talia non attentet; unde & scriptum est: Responde stulto, &c. tum propter bonum illorum, quorum profectus impeditur propter contumelias nobis illatas: unde Greg. Hi quorum vita in exemplo imitationis est posita, debent, si possunt, detrahentium sibi verba compescere. Ita tamen quod magis alienas, quàm proprias reprimere expediat, utpote quod videtur magis ex charitate provenire.

ART. 4. *Utrum contumelia oriatur ex ira. R. Aff-*
mativè, non quòd non disponat superbia ad
contumeliam, sed ira quod majorem habeat
affinitatem cum ira. Primum est, quia cùm
peccatum dicatur principalius habere ori-
ginem ex eo, ex quo frequentius procede-
re consuevit, propter propinquitatem ad
finem ipsius; & contumelia magnam ha-
beat propinquitatem cum fine iræ, qui est
vindicta, quandoquidem nulla vindicta est
irato magis in promptu, quàm inferre con-
sumelias; ideo ex ira maximè oritur con-
tumelia, quæ proinde etiam ex stultitia
oriri dicitur, propter affinitatem quam ha-
bet cum ira, utpote quia ira non audit per-
fectè rationem: quinimmò ad iram spectat
contumelia magis quàm ad odium, propte-
rea quod iratus intendit manifestam offen-
sam, quam non curat odiens. Secundum est,
quia illi, qui se ex superbia superiores æsti-
mant, faciliùs alios contemnunt, sicut &
faciliùs irascuntur, utpote reputantes in-
dignum quidquid contra eorum volunta-

tem agitur; sicque disponit superbia ad contumeliam, quanvis non ad finem superbiæ ordineretur, qui est celsitudo, sed ad vindictam, ut dictum est.

IN QVÆSTIONEM LXXIII.

De detractiōe.

Vtrum detractio convenienter definia-
tur, Denigratio aliena fama per occult-
ta verba. *Et Affirmativè*, ita quod differat
detractio à contumelia, & quoad modum
proponendi verba occultè, & quantum ad
finem, famæ scilicet derogando, non ho-
nori. *Ratio utriusque partis est*, quia sicuti
facto quis nocet, aut nocere potest dupli-
citer, manifestè scilicet, & occultè; ita &
verbo: & cum qui primo modo verbo no-
cet, parvipendat, & dehonoret, quod qui-
dem ad contumeliam pertinet; qui autem
occultè verba contra aliquem profert; po-
tius videatur eum vereri, quàm parvipen-
dere, sicque non inferat detrimentum ho-
nori, sed famæ, prout facit habere malam
opinionem de eo quod est, ad quod cona-
tur detrahens; ideo fit, quod detractio suf-
ficienter, proindeque & convenienter di-
stinguatur, & quoad modum proponendi
verba occultè; in occulto namque, & ma-
nifesto sufficienter diversificatur ratio pec-
cati, cum alia sit ratio involuntarii per
violentiam, alia per ignorantiam: tum quo-
ad finem, famæ scilicet derogando. Ita ta-
men, quod detractiōis verba, quæ qui-
dem dicuntur occulta, non simpliciter, sed
respectu illius contra quem dicuntur, quia
eo absente, vel ignorante proferuntur, di-
cantur ita detrahentia, non quòd de veri-
tate detrahant, sed quia diminuant de fa-

346 *Quest. LXXIII. Artic. II.*

ma, & hoc vel directè, imponendo falsum, augendo peccatum, revelando occultum, & dicendo bonum mala intentione fuisse factum; vel indirectè, negando bonum alterius, malitiosè reticendo, aut minuendo.

ART. 2. *Utrum detractio sit peccatum mortale.*

R. Affirmativè, si tamen sumatur detractio per se, & formaliter; non autem solum materialiter, & per accidens. *Primum est*, quia cum detractio ex sua formali ratione ordinetur ad denigrandam alicujus formam, de aliquo, eo absente, obloquendo; & auferre famam grave sit, utpote quia pretiosior est inter res temporales, & ob ejus defectum impeditur homo à multis bene agendis; ideò per se, & formaliter loquendo mortalis est detractio, esto quod dicat Glossa, quod detractio penè in toto

Prov. 24

humano genere inveniatur: addit namque, *penè*, quia stultorum penè infinitus est numerus; & quia rari sunt, qui non offendant verbo. Ita tamen quod sub detractio-
ne non comprehendatur revelatio peccati occulti alicujus, propter ejus emendationem denuntiando, vel propter bonum justitiæ publicæ accusando: sicut nec de ea loquitur Aug. dum inter minuta peccata ponit maledicere, quippe qui loquitur de verbis non dictis animo nocendi, sed ex animi levitate, vel lapsu linguæ. *Secundum est*, quia dicitur quis per accidens, & materialiter detrahere, quando verba profert denigrantia, non ex intentione minuendi famam, sed propter aliquid, quod ne quidem est peccatum si fiat propter aliquod bonum necessarium cum circumstantiis; vel non nisi veniale, si non propter causam ne-

Quest. LXXIII. Artic. III. 347

cessariam : si tamen verbum non sit grave, nec notabiliter famam lædat in his quæ pertinent ad honestatem vitæ.

Vtrum detractio sit gravior omnibus peccatis, quæ in proximum committuntur. R. *Negative,* ita quod detractio sit quidem majus quàm furtum ; sed minus quàm adulterium, & homicidium. *Primum est,* quia cùm illud peccatum in proximum gravius sit, quod majus inducit nocumentum, & tanto majus inducat, quanto majus bonum diminuit ; ideo cùm bonum corporis præmi-
neat bono exteriorum rerum, gravius proinde est homicidium, quod tollit vitam, deinde adulterium, quod est contra debitum humanæ generationis ordinem, quàm detractio, quæ solum tollit exteriorem famam, quæque etiam quantum ad circumstantias ex eo minuitur, quod peccata loquutionis quandam important levitatem, in quantum de facili ex lapsu linguæ provenire solent absque magna præmeditatione. Imò detractores, qui quidem dicuntur homicidæ solum occasionaliter, sicut etiam intelligitur illud, *Qui odit fratrem suum homicida est,* minus peccant quàm contumeliosi, upote qui ex manifesta contumelia magis contemnunt proximum ; & quidem quanvis detractio, quia in occulto, oriatur ex invidia, quæ est majus peccatum iræ, à qua est contumelia, utpote cùm ex minore vitio possit oriri majus peccatum, eo quod origo peccatorum ex parte conversionis sit, gravitas autem ex parte aversionis. Cum quo tamen stat quod inducat detractio in gravissimum defectum, qui est execratio mentis, quatenus quia lætatur

ART. 3.

homo in sententia oris sui, inde est quod qui detrahit, incipiat magis amare & credere quod dicit, & consequenter magis odisse proximum, & recedere à cognitione veritatis, quod tamen sequi potest ex aliis etiam peccatis, quæ pertinent ad odium proximi. *Secundum est*, quia cùm privet detractio majore bono, unde sumitur ratio culpæ peccatorum in proximum, quàm furtum, quandoquidem melius est nomen bonum, quàm divitiæ multæ, ut ait Scriptura, ideo & gravior est detractio furto.

Prov. 12.

ART. 4.

Vtrum audiens, qui tolerat detrahentem, graviter peccet. R. Affirmativè, si tamen non ex timore, aut negligentia, vel vèrecundia solum toleret; sed ut ei placeat detractio ex odio. *Primum est*, quia qui ita detrahentem tolerat, sicut & qui inducit ad detrahendum, ita quod ei placeat detractio ex odio illius cui detrahitur, non minus peccat, quàm detrahens, & quandoque magis: propter quod dicit Bernardus, *Detrahere, vel detrahentem audire, quorum damnabilius sit, non facile dixerim*. Quavis enim in arbitrio sit cujuslibet detrimentum pati suæ famæ, nisi vergat in periculum aliorum, in quo sensu potest commendari sustinentia detractionum; non tamen est sui arbitrii ut patiaturs detrimentum famæ alterius, & quidem quanvis proveniat ex detractioe aliquando utilitas, utpote quæ non est ex detrahentis intentione, sed ex Dei ordinatione. Unde licet qui scit verum esse, quod dicitur, non debeat tunc arguere detrahentem de falsitate; bene tamen de hoc, quod peccat fratri de-

Quaest. LXXIV. Artic. I. 349

trahendo, aut ostendendo sibi detractiōnem displicere. *Secundum est*, quia quanvis peccet qui detractiōnes audit absque resistētia, utpote qui videtur detractori consensire, unde fit particeps peccati illius, quod est peccatum, ex Paulo; qui tamen sic tolerat, non quod ei placeat peccatum, sed ex timore, negligentia, aut verecundia, multo minus peccat, quam detrahens, & plerumque venialiter, esto quod possit aliquando esse mortale, vel quia debet ex officio corrigere, vel propter periculum, quod inde novit consequuturum, vel etiam quia mundanus timor est quandoque peccatum mortale.

Rom. 1.

IN QVÆSTIONEM LXXIV.

De susurratiōe.

Vtrum susurratio sit peccatum distinctum à detractiōe. *By. Affirmativè*, non quod non convenient in materia, imò & in forma; sed ita quod cum hoc adhuc in fine differant. *Ratio utriusque partis est*, quia cum utraque malum occultè de proximo dicat, unde aliquando una pro alia ponitur, juxta illud, Non appellaberis susurro, id est, ut exponit Glossa, detractor; idè in materia conveniunt, atque in forma, seu modo loquendi; sed quia intendit detractor denigrare famam proximi, susurro verò amicitiam separare, ut dicit Glossa, adè ut non intendat simpliciter dicere malum, sed illud, quidquid sit, quod possit discordiam gignere; idè adhuc in fine differt à detractore, sicut & à criminatore; qui quidem ita dicitur, quia publicè aliis crimina imponit. Vnde & propriè *Bilinguis*, susurro dicitur, quatenus volens

ARTI-

CVLVS

PR I-

MVS.

Ecclesi.

In caput

1. ad

Rom.

amicitiam rumpere inter duos, duabus linguis utitur, uni scilicet dicens malum de altero.

ART. 2. *Utrum susurratio sit majus peccatum quam detractio.* *Re. Affirmative,* ita scilicet quod majus inferat nocumentum, quam detractio, immò & quam contumelia. *Ratio utriusque partis est,* quia cum peccatum illud gravius sit, quod aufert majus bonum; & amicus, quem tollit susurratio directè, non autem solum dispositivè, ut detractio tollendo famam, præemineat inter cætera exteriora bona, quia sine eo nemo vivere potest, ut ait Aristot. sitque melior quàm fama, quæ scilicet deservit ad amicitiā comparandam; nec est melior, quàm honor, quem tollit contumelia, sicut & melius est amari, quàm honorari, ut idem docet: ideò licet detractor, & contumeliosus quandoque peiora dicant, est tamen susurratio gravior ratione finis. Et quidem quanvis qui detrahit fratri, videatur detrahere legi, prout scilicet præceptum contemnit de dilectione fraterna, utpote contra quod directius agit qui amicitiā dirumpere nititur, ut susurro, qui propterea maximè peccat contra Deum, qui etiam ex Scriptura seminantes discordias detestatur.

Eib. 8.
Ethic.
cap. 1.

IN QVÆSTIONEM LXXV.

De derisione.

ARTI-
CVLVS
PRI-
MVS.

V*trum derisio sit speciale peccatum ab aliis pramissis distinctum.* *Re. Affirmative,* ita quod & differat à convitio, detractio, & susuratione in fine, & à subfannatione in modo. *Primum est,* quia cum peccata verborum sint pensanda secundum

Quaest. LXXV. Artic. I. & II. 357

intentionem proferentis, & secundum diversa, quæ intenduntur, diversificentur; per convitium autem intendamus honorem deprimere, per detractionem famam minuere, per susurrationem amicitiam tollere, & per derisionem ut qui irridetur erubescat; ideo quavis communicet derisio cum prædictis vitiis in materia, quia dicit turpia, adhuc tamen differt in fine, cum dicat tantum, ut generet confusionem, & erubescantiam in eo quem irridet. Vnde & inducit derisio speciale nocumentum, quando quidem inquietat irrisi conscientiam, cujus securitas est maximum bonum. *Secundum est*, quia cum derisio solum differat à subfannatione, quia fit ore, id est verbis, & cachinnis; subfannatio autem naso rugato, sed utrumque ad eundem finem erubescantiae, ideo non nisi in modo differunt, non autem in specie.

Utrum derisio possit esse peccatum mortale. **ART. II.** *R. Affirmativè*, non quidem quando quis malum alterius in risum ponit, quia parvum secundum se; sed quando in risum vertit, quasi parvum ratione personæ. *Primum est*, quia cum aliquem irridere, ejus accipiendo malum, quasi parvum ratione personæ, sicuti defectus puerorum, & stultorum parum ponderare solemus, sit eum parvipendere, ut ejus malum sit quasi ludus habendum; ideo & est hujusmodi derisio peccatum mortale, quando quidem Deus hujusmodi illusores deridet, & deridere Dei, est æternaliter punire pro peccato mortali: imò & est hoc modo gravius peccatum, quàm contumelia, quæ quidem malum alterius recipit seriose, & ideo

cum minori contemptu, quàm derisio, quod propterea tanto gravior est, quanto magis debetur reverentia personæ irrisæ. Unde potest ludus aliquid importare contrarium charitati, si non respectu ejus, cum qui luditur, saltem respectu ejus, de quo dicitur, propter contemptum. *Secundum* quia cum derisio, quæ malum alterius risum ponit, quia parvum secundum non tam dicat contemptum, quàm ludus ad differentiam detractionis, & contumelie; ideo est ex se, seu ex genere suo leve seu veniale peccatum: ita tamen, qui venialiter peccando non propterea dicatur quis recidivare, vel simulare, nisi dispositivè; nec consequenter Deum irridere, nisi interpretativè, ad modum scilicet deridentis se habendo.

IN QVÆSTIONEM LXXVI

De maledictione.

ARTICULVS
PRIMVS.

Vtrum liceat maledicere aliquem. *Re. Affirmativè*, non quidem per se loquendo de maledictione, scilicet cum intentione mali; sed loquendo per accidens, scilicet cum intentione boni. *Primum est*, quia cum maledictione, quâ quis vel imperat, vel optat alterius malum sub ratione boni, firmitur principaliter intentio in bonum, hoc vel ratione boni iusti, quo modo iudex licitè maledicit illum, cui præcipit iustitiam inferri pœnam, & Ecclesia anathematizando, & sic Prophetæ imprecantur peccatoribus mala; vel ratione boni utilis, cum quis optat peccatorem pati aliqui, ut vel ipse melior efficiatur, aut ab aliorum nocumento cesset; ideo ita sumpta maledictio, quæ quidem talis non est, nisi per

Quaest. LXXVI. Artic. II. 353

accidens, est licita; optare namque malum sub ratione boni non contrariatur, sed potius conformitatem habet cum affectu, quo simpliciter desideratur bonum. Ita tamen, quod in diabolo non sit maledicenda natura, & sic intelligitur illud Eccles. 21. sed ejus culpa; quod cum facit peccator, etiam judicat se esse maledictione dignum; immò & quanvis sciri non possit, quem Deus maledicat secundum finalem reprobationem, utpote cum adhuc sciri possit, quis sit maledictus à Deo secundum reatum praesentis culpæ. *Secundum est*, quia maledicere, quod quidem proprie loquendo est, cum quis optat, vel imperat malum alterius, ut malum est, & contrariatur affectui virtutis desideranti bonum, & prohibetur per illud Apost. Benedicite, & Rom. 12. nolite maledicere.

Vtrum liceat creaturam irrationalem maledicere. **ART. 2.** *R. Affirmativè*, non quidem in quantum est creatura Dei, aut secundum se considerata; sed secundum quod ordinatur ad rationalem creaturam. *Primum est*, quia potest esse ad nos ordinata, vel per modum subventionis, prout ex ea subvenitur humanæ necessitati; & sic Dominus maledixit terram: vel per modum significationis, & sic Christus maledixit ficleam in significationem Iudææ; vel per modum continentis, scilicet temporis, vel loci; & sic Iob maledixit diei suæ, propter originalem culpam, quam contraxit nascendo; & David montibus Gelboë, propter cædem populi ibi factam. *Secundum est*, quia maledicere creaturis irrationalibus, ut sunt creaturæ Dei, est peccatum blas-

354 *Quaest. LXXVI. Art. III. & IV.*
phemia; & ut in se consideratum, est otio-
sum & vanum, & consequenter illicitum.

ART. 3. *Vtrum maledicere sit peccatum mortale.*
R. Affirmativè, ita quod ex genere suo sit
mortale, quanvis non ita, quin propter
parvitatem mali, vel etiam ex parte affe-
ctus possit esse veniale. *Primum est*, quia
maledictio, de qua loquimur, est per quam
pronunciatur malum contra aliquem, vel
imperando, vel optando, quod quidem
est contra charitatem, quâ diligimus pro-
ximum volentes ei bonum. *Secundum est*
quia cum peccata verborum maximè ex af-
fectu pensanda sint, ideo non nisi venialis
erit maledictio, si vel ex levi animi motu,
vel ludo, aut surreptione proferatur; sed
& propter parvitatem mali, quod quis im-
precatur, ob quam scilicet, etiam quæ in
aliis generibus mortalia sunt, fiunt plerum-
que venialia.

ART. 4. *Vtrum maledicere sit gravius peccatum*
quàm detractio. *R. Negativè*, non quod
maledictio facta ad modum imperii non
possit esse gravior; sed ita quod secundum
communem rationem gravior sit detractio
maledictione desiderium simplex expri-
mente. *Primum est*, tum quia ad detractio-
nem, contumeliosum, susurrionem, & de-
risorem pertinet dicere malum culpæ, quo
quidem peius, & gravius est, quàm solum
dicere malum pœnæ, aut culpæ sub ratio-
ne pœnæ, ut facit maledictio: tum quia
ista sunt peccata, prout inferunt proximis
nocumentum, quod etiam gravius est quan-
do infertur, quàm quando solum deside-
ratur, ut sit per maledictionem desiderium
simplex exprimentem. Modò tamen ne

Quest. LXXVII. Artic. I. 359

fiat de creatura, ut creatura est, quia sic redundat in Deum, & est maledictio blasphemia, sed propter culpam; nec desiderium quod exprimit, sit de occisione alterius, quandoquidem non differt tunc ab homicidio, esto quod exterior actus adjiciat aliquid voluntati. *Secundum est*, quia maledictio, quæ sit per modum imperii, cum habeat rationem causæ, potest tunc esse detractione gravior, si nimirum majus inferat nocumentum, quàm denigratio famæ.

IN QVÆSTIONEM LXXVII.

De fraudulentia in emptionibus, & venditionibus contingente.

Vtrum licitè possit aliquis vendere rem plus quàm valeat. *R. Negativè*; si tamen considerentur emptio, & venditio, non secundum quod cedunt per accidens in utilitatem unius, & detrimentum alterius; sed prout introductæ secundum se in utriusque utilitatem. *Primum est*, quia cum inter ementes, & vendentes debeat secundum æqualitatem rei contractus institui, utpote cum quod est pro communi utilitate inductum, non debeat esse magis in gravamen unius, quàm alterius, & quantitas rei commensuretur secundum pretium datum; ideo si pretium excedat quantitatem valoris rei, vel è converso, tollitur justitiæ æqualitas, proindeque peccatum est, si fiat hoc fraudulenter, quia tunc decipitur proximus in damnum ipsius, si fiat sine fraude. Vnde non ideo vilius emere, & carius vendere est commune multis, ut dicit August. quasi sit naturale; sed potius quia quamplurimi per latam vitiorum viam in-

ARTI-
CVLVS
PRI-
MVS.

Lib. 11. de
Trin. c. 3.

356 *Quest. LXXVII. Artic. I I.*

cedunt : & quanvis lex humana , quæ quidem solum intendit auferre quæ corrumpunt commercium , non puniat vendentes plus æquo , nisi nimius sit excessus , ut si sit deceptio ultra dimidium iusti pretii ; quia tunc cogit ad restitutionem , seu recompensationem , quæ fieri debet non secundum utilitatem perceptam , ut in amicitia , sed secundum æqualitatem rei ; nihilominus secundum legem Dei , quæ nihil impunitum relinquit , quod sit virtuti contrarium , reputatur illicitum , quoties ex notabili additione , vel minutione pretii tollitur æqualitas iustitiæ. *Secundum est* , quia considerata emptione ut cedit in utilitatem emptoris , & damnum venditoris , qui læditur , si eâ careat , cum tunc haberi possit respectus non solum ad rem , sed & ad damnum quod incurritur , potest etiam tunc plus vendi , non quam valeat habenti , sed plus quam ex se valeat ; quanvis non ita , si nihil patiatur venditor , & emptor multum juvetur , utpote cum hæc utilitas non sit ex venditione , sed ex conditione ementis ; & nemo possit vendere quod non est suum.

- ART. 2.** *Vtrum venditio reddatur illicita propter defectum rei vendita. R. Affirmative* , & quidem siue sit defectus in specie , siue in quantitate , aut qualitate ; si tamen scienter , non ignoranter cum tali vendatur defectu. *Primum est* , quia contra defectum secundum speciem rei afferri potest illud Scripturæ , *Argentum tuum versum est in scoriam* , & *vinum tuum mixtum est aqua* ; quandoquidem defectum patitur in specie , quod est permixtum : & contra defectum

Mat. 1.

Quest. LXXVII. Artic. III. 359

in quantitate, qui committitur dum quis mensura utitur deficiente, offertur illud Deuteron. Non habebis in sacco diversa pondera; non quod non sint mensuræ diversæ in diversis locis, sed quia mensuras publicâ authoritate, vel consuetudine institutas non licet præterire; & contra defectum in qualitate afferri potest, quod vendere non licet infirmum animal, quasi sanum. Cum quo tamen stat, quantum ad defectum in specie, quod si per alchimiam fieret verum aurum, esset quidem licitum pro vero vendere; sed aliter esset fraudulenta, & injusta venditio, quia aliquæ sunt utilitates, & proprietates veri auri, quas non habet aurum per alchimiam sophisticatum, ut proprietatem latificandi, & contra quasdam infirmitates juvandi. *Secundum est*, quia si quis inscienter vendat cum his defectibus (quos tamen de facili potest quisque cognoscere, cum ad hoc non oporteat occultas rei qualitates cognoscere, sed illas per quas redditur humanis usibus apta) excusatur, quantum potest ignorantia excusare; ita tamen quod teneatur damnum emptori recompenfare, sicut & quando scienter facit, cum ad ejus notitiam pervenerit.

Utrum venditor teneatur dicere vitium rei venditæ. Bz. Affirmativè. non quidem ubi manifestum est vitium, subtrahiturque de pretio, quod oportet; sed ubi tale est vitium, quod ex eo damnum incurri possit, vel periculum. *Ratio utriusque partis est*, quia cum semper illicitum sit dare alicui occasionem damni, vel periculi; & venditor qui rem cum vitio occulto emptori of-

Deut. 25.

ART. 3.

358 *Quaest. LXXVII. Artic. IV.*

fert, nihil de pretio subtrahendo, det ei occasionem vel damni, si propter vitium sit minoris pretii; vel periculi, si usus rei reddatur impeditus, vel noxius; ideo quavis non teneatur vitium manifestare, ubi manifestum est vitium, & propter illud de pretio detrahit quantum oportet; bene tamen ubi ita occultum est vitium, quod ex eo aliquid damni incurri possit: nec enim tunc venditor sufficienter supponit rem emptoris iudicio; cum iudicium non fiat, nisi de manifesto. Vnde quavis nemo teneatur per præconem vitium rei venditæ cuique manifestare, bene tamen ei singulariter qui accedit ad emendum (præferim cum nec propter hoc impediatur venditio, quandoquidem potest res aliàs esse utilis,) sicut & quavis simpliciter loquendo nemo teneatur veritatem dicere circa ea, quæ spectant ad virtutes; tenetur tamen cum ex ejus facto alteri periculum immineret in detrimentum virtutis, nisi diceret veritatem. Cum quo tamen stat, quod adhuc possit quis de præsentis re vendere, non manifestando futurum eventum, in quo vilius venderetur; cum non propterea fiat res de præsentis minoris valoris, sicut fit per vitium rei.

ART. 4. *Vtrum liceat negotiando aliquid carius vendere, quàm emere. R. Affirmativè, ita quod nihil prohibeat ad aliquem honestum, & necessarium finem ordinari; quavis non ita quod etiam liceat clericis. Primum est, quia licet commutatio denariorum, vel quorumcunque ad denarios propter lucrum, quæ quidem propriè ad negotiatores pertinet, justè vituperetur, ut-*

Quest. LXXVIII. Artic. I. 359

pote deserviens cupiditati lucri, quæ terminum nescit, ad differentiam commutationis rei ad rem, vel rerum & denariorum propter necessitatem vitæ, quæ quia deserviens naturali necessitati, propterea laudabilis est; quia tamen huiusmodi lucrum, quanvis non importet ex se quid honestum, sicut nec aliquid vitiosum, & virtuti contrarium, ordinari potest in aliquem necessarium, & honestum finem, puta ad sustentationem domus, vel indigentium, vel in publicam utilitatem, & taliter quod non exspectatur ut finis, quod damnat Christus, sed ut stipendium laboris; ideo & potest negotiatio fieri honesta. Neque enim rationi repugnat, quod pluris vendatur res, quam empta sit, cum quis eam melioraverit, vel quando pretium ejus secundum diversitatem loci, vel temporis immutatum est, aut propter periculum, cui se exponit transferendo de loco in locum, vel propter laborem. *Secundum est*, quia quanvis negotiatio mala non sit, quia tamen speciem habet mali, tum propter lucrum terrenum, & peccata labiorum, tum etiam quia à spiritualibus retrahit; ideo & clericis debet esse prohibita.

IN QVÆSTIONEM LXXVIII.

De peccato usura, quod committitur in mutuis.

Vtrum accipere usuram pro pecunia mutuata sit peccatum. *Et. Affirmativè*, non quod non possit mutuans recompensationem accipere ejus, quod fecit; sed ita quod secundum se illicitum sit pro usu pecuniæ mutuatae pretium accipere. *Primum est*, quia cum in rebus, quarum usus est ipsa.

ARTI-
CVLVS
PRI-
MVS.

360 *Quaest. LXXVIII. Artic. I.*

Lib. 5.
Ethic.
cap. 5.

rum rerum consumptio, qualis quidem est pecunia, ex Arist. utpote quæ ad hoc inventa est, ut in commutatione expendatur, cum non possit usus seorsum computari à re ipsa, seu ex eo quod conceditur res, concedatur & usus, ad differentiam aliarum rerum, quæ usu non consumuntur, putà in mutatione domus, & equi; consequenter fit quod pretium accipere pro usu pecuniæ, præter id quod redditur pro ipsa mutuata pecunia, sit idem bis vendere, aut vendere quod non est, seu petere duas recompensationes pro eodem; quod quidem manifestè injustum est, & quidem quanvis qui dat usuram videatur voluntariè dare, quippe qui non simpliciter voluntariè, sed potius cum quadam dat necessitate, in quantum indiget accipere pecuniam mutuo, quæ qui habet, non vult sine usura mutuare. Vnde illud: *Ego veniens cum usuris, &c.* non nisi de usura metaphoricè sumpta intelligitur pro excrecentia bonorum spiritualium, quam Dominus exigit ad utilitatem nostram: sicut nec nisi pro mutuo fœnus accipitur, cum dicitur: *Fœneraberis gentibus multis.* Neque quia Iudæis permissum fuit à Gentibus usuras accipere, sequitur esse licitum, cum solum ad majus vitandum malum, ne scilicet à confratribus acciperent, permissum fuerit: sicut nec concessit lex humana quasi justas, sed ne impedirentur utilitates multorum. Quia immò quia prohibitum fuit Iudæis usuras accipere à fratribus, colligitur esse simpliciter malum; cum omnem hominem debeamus habere veluti fratrem. *Secundum est*, quia cum ille, qui mutuatur, non semper mutuare teneatur,

Luc. 19.

Deut. 18.

Deut. 15.

teneatur,

Quest. LXXVIII. Artic. II. 361

teneatur, unde & inter alia consilia ponitur illud, *Mutuum date*; ideo fit quod possit mutuans licitè accipere recompensationem ejus quod fecit, sed taliter, quod quia recompensatur secundum æqualitatem justitiæ, si tantum ei reddatur, quantum mutuavit, non amplius debeat exigere, adeo ut quod lucrum de mutuo non quærat, hoc cadat sub præcepto.

Vtrum liceat pro pecunia mutuata aliquam. ART. 2.

aliam commoditatem expetere. R. Negativè, non quod non possit sicut gratuitum donum accipere, aut etiam in his recõpensari, quæ pecuniâ non mensurantur; sed ita quod peccatum usuræ incurrat quicumque inde ex pacto exigit aliquid pecuniâ mensurabile.

Primum est, quia cum pro pecunia habeatur quidquid pecuniâ mensurari potest, ut notat Arist. ideo & idem tunc peccatum incurrit, ac si pecuniam acciperet. Vnde quia munus ab obsequio, vel lingua ex benevolentia non cadit sub æstimatione pecuniæ, licet accipere, & exigere: sed ex obligatione rei nequaquam, utpote tunc pecuniâ æstimabile; sicut nec obligare licet ad mutuum in posterum faciendum, cum hoc pecuniâ æstimari possit, esto quod mutuanti liceat aliud mutuum spontaneè ab eo qui mutuatur accipere: & idem dicendum quando usus pignoris pro mutuo accepti potest pretio æstimari, qui quidem tunc computari debet in restitutionem mutui, nisi sit usus rei, qui gratis concedi soleat inter amicos. Cum quo tamen stat, quod quanvis qui pecuniam mutuatur, quia transfert dominium in eum, cui mutuatur, qui quidem tenetur integrè restituere, non possit ultra summam aliud exi-

362 *Quest. LXXVIII. Artic. III.*

gere, possit tamen qui dat mercatori per modum societatis, partem lucri expetere, cum ei non transferat dominium suæ pecuniæ, sed si pereat, sibi ipsi ut domino pereat. *Secundum est*, quia cum posset antequam mutuaret, licite aliquid accipere ut gratuitum donum, præsertim in his, quæ pecuniâ non mensurantur, ut est amor, benevolentia, &c. ideo & idem similiter potest post mutuum factum, cum nõ sit factus deterioris conditionis. Imò potest qui mutuat de damno pacisci, cum tunc usum non vendat, sed damnum evitet, esto quod recompensationem damni, ex eo quod de pecunia non lucratur, non possit in pactum ducere, utpote cum debeat id vendere, quod nondum habetur, & potest impediri multipliciter ab habendo: sicut nec carius vendere, quàm sit justû pretium, ut de pecunia solvenda emptorẽ expectet; vel vilius emere ratione anticipatæ solutionis, esto quod illud possit sine usura, si scilicet velit de pgerio diminuerẽ, ut pecuniâ prius habeat.

ART. 3

Vtrum quidquid de pecunia usuraria quis lucratus fuerit, reddere teneatur. R. *Negati- vè*, si tamen quæ fuerunt per usuram lucrata, extorta non sint de his, quæ habent usû- fructum, sed potius quorum usus est ipsa- rum rerum consumptio. *Ratio utriusque partis est*, quia quando id quod per usuram acquiritur, est de his quæ usu consumun- tur, ut pecunia, vinum, &c. cum tunc quod ex tali affertur, non sit fructus rei, sed po- tius industriæ humanæ, ad differentiam re- rum, quæ usu non consumuntur, ut est ager, vel domus; proinde fit quod quanvis qui per usuram habet domum, vel agrum, &c.

Quaest. LXXVIII. Artic. IV. 363

teneatur restituere non solum domum, sed etiam fructus inde perceptos, quia sunt fructus rerum, quarum alius est dominus, non tamen ubi res usurâ acquisitæ sunt de his, quæ usu consumuntur, nisi fortè per talis rei detentionem sit alter damnificatus aliquid amittendo de bonis suis, in quo casu tunc teneretur ad recompensationem. Unde quanvis si radix mala, ita & rami, ut dicitur, quia scilicet radix non solum habet rationem materiæ, ut pecunia usuraria, sed etiam causæ effectivæ; non tamen si usura mala, etiam quidquid ex illis proficiscitur, utpote cum acquirenti ex pecunia usuraria debeat aliquid propter suam industriam, sicuti propter principalem causam; sicque possessiones emptæ ex usuris sunt ementium, obligatæ tamen illis, à quibus fuerunt usuræ acceptæ, quibus quidem dandæ non sunt, sed vendendæ, ut pretia restituantur secundum quantitatem usuræ.

Vtrum liceat pecuniam accipere mutuo sub usura. B. Affirmativè, non quòd ullo modo liceat inducere ad mutuandum sub usuris, sed ita quod ab eo, qui paratus est facere, liceat mutuum accipere. Ratio utriusque partis est, quia sicut nullo modo licet aliquem inducere ad peccandum, sic nec inducere aliquem ad mutuandum sub usuris; sed quia uti peccato alterius ad bonum, licitum est, quia hoc etiam facit Deus, ut ait Aug. sicuti etiam licet ei, qui in latrones incidit, manifestare thesaurum, quem habet, ne occidatur. Neque qui sic ad usuram accipit, dat occasionem usurario accipiendi usuras, sed mutuandi, unde deinde sumit ipse occasionem peccandi ex sua ma-

ART. 4.
In Ench.
cap. 13.

364 *Quest. LXXIX. Artic. I.*

litia, adeò ut sit scandalum passivum ex parte dantis, non autem activum ex parte petentis; ideo fit, quod liceat ab eo, qui paratus est usuras facere, & usuras exercet, mutuum accipere sub usuris, propter aliquod bonum, quale est subventio suæ necessitatis, vel alterius; nec enim qui sic accipit, consentit peccato, sed eo utitur ad bonum, ut dictum est.

IN QVÆSTIONEM LXXIX.

De partibus integralibus iustitiæ,

ARTI-
CVLVS
PRI-
MVS.

Vtrum declinare à malo, & facere bonum sint partes iustitiæ. *R. Affirmativè*, non quidem loquendo de bono, & malo in communi; sed de bono, & malo in ordine ad alium, seu proximum. *Primum est*, quia cum ad iustitiam pertineat constituere æqualitatem in his, quæ sunt ad alterum, quod fit faciendo bonum, id est reddendo cuique, quod ei debetur; & insuper ejusdem sit conservare bonum constitutum, *cujus est* constituere, quod quidem fit in præsentī declinando à malo, id est à nocumento; ideo loquendo de bono, & malo in ordine ad proximum, facere bonum, & malum vitare sunt partes quasi integrales specialis iustitiæ, quæ scilicet bonum respicit sub ratione debiti, & malum sub ratione nocivi: immò & dici etiam possunt partes generalis iustitiæ, utpote quæ ista duo respicit in ordine ad communitatem, vel ad Deum, Vnde & ponuntur hæc duo partes iustitiæ secundum aliquam propriam rationem boni, & mali, ad differentiam aliarum virtutum moralium, in quibus bonum facere, est attingere medium, & facere malum, recedere ab illo. Ita tamen quod ex his duobus fa-

Quest. LXXIX. Artic. II. 363

edere bonum sit actus completivus iustitiæ, & pars principalis; declinare autem à malo, quod quidem ibi sumitur non purè negativè, sed pro motu voluntatis à malo, quod est meritorium; sit solum actus imperfectior, & minùs principalis. *Secundum est*, quia facere bonum, & malum vitare, si accipiantur in communi, pertinent ad omnem virtutem, siquæ non sunt ita acceptæ partes iustitiæ, nisi in quantum hæc quandoque accipitur pro omni virtute.

Utrum transgressio sit speciale peccatum. ART. 2.

Re. Affirmativè, non quidem si sumatur materialiter, sed sumptæ formaliter, secundum quod est facere specialiter contra præceptum negativum. *Primum est*, quia sumptæ transgressio propriè, & formaliter, quo modo sumitur, ut est contra præceptum negativum, utpote cum transgressio sit, quæ quis terminum transgreditur, ut patet in moribus corporalibus, qui quidem terminus in moralibus præfigitur homini per præceptum negativum, habet ita sumptæ esse speciale peccatum dupliciter, & quia opponitur ad genera peccatorum opposita aliis virtutibus; ut enim ad iustitiam legalem, quæ est specialis virtus, pertinet attendere debitum præcepti, ita ad transgressionem, præcepti contemptum, & quia distinguitur ab omissione, quæ contrariatur præcepto affirmativo: licet enim extendatur transgressio ad omnia, non tamen ad omissionem, quæ omninò ab illa distinguitur. Cum quo tamen stat, quod peccatum definiatur per transgressionem, quavis peccati speciem, quia iniustitia legalis est materialiter omne peccatum; necnon &

quod possit transgressio esse contra inclinationem naturæ, utpote pertinentem ad præcepta legis naturalis; & contra consuetudinem honestam, quæ quidem habet ex Aug. vim præcepti. *Secundum est*, quia transgressio materialiter sumpta est communis speciebus omnibus peccatorum, cum per quamlibet peccati mortalis speciem aliquod transgrediamur præceptum divinum.

ART. 3. *Vtrum omissio sit speciale peccatum. R. Affirmative*, ita quod distinguatur & à peccatis, quæ aliis à justitia virtutibus opponuntur, & à peccato transgressionis, quod justitiæ opponitur. *Primum est*, quia cum omissio importet prætermissionem boni, non cujuscumque, sed debiti; & bonum sub ratione debiti pertineat ad justitiam, vel legalem, si sit in ordine ad leges; vel specialem, si sit in ordine ad proximum: ideo eo modo, quo justitia est specialis virtus, omissio est speciale peccatum distinctum à peccatis, quæ aliis opponuntur virtutibus, & quidem actuale, non quod dicat aliquem actum, qui etiam non requiritur, esto quod requiratur ad meritum justitiæ, cum plus requiratur ad meritum, quam ad demeritum; sed prout negatio actus reducitur ad genus actus. Ita tamen quod nemo peccet per omissionem, si non faciat quod non potest, quia nemo ad impossibile tenetur; & omissio non est nisi ejus, quod quis facere potest, & debet: nec incipiat peccatum omissionis, nisi pro eo tempore, in quo per præceptum affirmativum est aliquis obligatus ad operandum; sed tamen etiam quando esset impotens propter culpam præcedentem, utpote cum omissio sequens sit.

Quaest. LXXIX. Artic. IV. 367

tunc voluntaria propter causam quæ voluntariè præcessit. *Secundum est*, quia ut facere bonum, cui opponitur omissio, est specialis pars iustitiæ distincta à declinatione mali, cui opponitur transgressio, ita & omissio à transgressione distinguitur.

Vtrum peccatum omissionis sit gravius, quàm peccatum transgressionis. R. Negativè, ART. 4.

nō quod aliqua omissio non possit esse gravior aliqua transgressione, sed ita quod transgressio simpliciter loquendo sit gravior. *Ratio utriusque partis est*, quia cū quod est contrarium virtuti, magis distat ab illa, quàm simplex ejus negatio, & per consequens sit gravius peccatum, utpote quod ideò est grave, quia distat à virtute; ideo cū transgressio sit contraria actui virtutis, sive ei, quod est facere bonum, & omissio solū negationem ejus importet, poterit quidem omissio aliqua gravior esse aliqua transgressione, ex aliqua circumstantia aggravante, non tamen ex ratione omissionis, sed ex hac ratione, proindeque & simpliciter habet transgressio esse gravior; & quidem quanvis delictum, ad quod reducitur omissio, quasi derelictum, olim haberet gravitatem quandam, unde majori expiatione indigebat, utpote quod tunc solū dicebatur delictum, quando scieret, & cum contemptu omittebat homo facere quod debebat. Cum quo tamen stat, quod ut transgressioni debetur poena damni & sensus, ita & omissioni, & hoc propter radicem, ex qua procedit, licet non habeat necessariò actualem conversionem; ita tamen, quod quanvis & transgressio, & omissio, si propriè accipiantur, habeant

Levitic. 24

utraq; rationem peccati mortalis, cū transgressio negativis præceptis contrarietur, & omissio affirmativis; nihilominus si largè accipiantur, pro eo scilicet quod sit præter præcepta, ad oppositum ipsorum disponens, possint esse tātummodò veniale:
IN QVÆSTIONEM LXXX.

De partibus potentialibus iustitia.

ARTI-
CVLVS
PRI-
MVS.

Vtrum convenienter assignentur virtutes iustitia annexa. *Re. Affirmativè*, ita scilicet, quod in aliquo cum iustitia conveniant religio, pietas, observantia, veritas, gratia, vindictio, liberalitas, & affabilitas; & in aliquo ab ejus ratione deficient; sed aliæ per defectum à ratione æqualis, & aliæ à ratione debiti. *Ratio utrinque partis est*, quia cū virtutes alicui principali virtuti annexas oporteat ut in aliquo cum ea conveniant, & in aliquo à perfecta ejus ratione deficient; & à iustitiâ, quæ in quadam æqualitate in ordine ad alium consistit, possit aliqua virtus, quæ sit ad alterum, dupliciter deficere, vel ratione æqualis, vel ratione debiti; ideò ratione æqualis meritò iustitiæ adjungitur religio erga Deum, quia quod Deo reddimus, debitum est, sed non æquale: tum pietas erga parentes, quibus secundum æqualitatem recompensare non possumus; & observantia propter virtutem, quia etiam virtus non potest secundum æquale præmium ab homine recompensari: ratione autem debiti, quia aliud est legale, quod per leges determinatur, & hoc iustitia directè concernit; aliud morale, & hoc aut quasi necessarium, sine quo conservari non potest morum honestas, aut solum conferens ad majorem honestatem; ideò si

primum, & hoc attendatur ex parte debentis, sic annectitur justitiæ veritas, per quam homo talem se alteri exhibet in verbis, & in factis, qualis est: si autem attendatur ex parte ejus, cui debetur, quando scilicet redditur alicui prout fecit, sic si reddatur in bonis, adjungitur justitiæ gratia, in qua amicitiarum, & officiorum alterius memoria, & remunerandi voluntas continetur; si verò in malis reddatur, sic adjungitur vindictio, in qua quidem jus, aut injuria, & omnino quidquid obscurum est, defendendo, aut ulciscendo propulsatur; licet enim vindicta, quæ fit per sententiam judicis, pertineat ad justitiam commutativam; ea tamen, quam quis facit proprio more, non tamen contra leges, pertinet ad virtutem justitiæ adjunctam. Denique si debitum illud non nisi ex honestate sit, ad hoc ponuntur liberalitas, affabilitas, sive amicitia, & alia hujusmodi, quæ quidem à Tullio non enumerantur, quia parum habent de ratione debiti, atque ita convenienter assignantur annexæ justitiæ partes, sed & sufficienter, cum quæ afferuntur ab aliis, in his contineantur, ut obedientia in observantia, fides in veritate, æquitas sub amicitia, disciplina sub humanitate; eusebia, quasi bonus cultus, quam ponit Andronicus sub religione, ad quam etiam reducitur sanctitas; eucharistia, quæ idem est ac bona gratia, sub ipsa gratia; benignitas sub affectu, liberalitas sub humanitate. Quibus omnibus addit idem Andronicus, tum legispositivam, tanquam pertinentem ad legalem justitiam in communi; tum quantum ad ea, quæ occurrunt agenda præter communes

370 *Quæst. LXXXI. Artic. I. & II.*
leges, eugnomosynam, quæ est talium bene
directiva, & ad quam reducitur epicheia.
IN QVÆSTIONEM LXXXI.

De Religione.

ARTI-
CVLVS
PRI-
MVS.

Lib. 10.
de civit.
cap. 1.

ART. 2.

Vtrum Religio hominẽ ordinet in Deum.
Re. Affirmativè, & quidem siue dicatur
religio à frequenti relectione, siue ex reele-
ctione iterata ejus quod negligenter amif-
sum est, siue etiam à religatione dicatur, ut
vult Aug. *Ratio cuiusvis partis est*, quia &
per religionem quasi relegimus ea, quæ sunt
divini cultus, & Deum quasi iterum reeli-
gimus, quem negligentes amiseramus; & ut
ait Aug. Deo religari principaliter debe-
mus, tanquam indeficienti principio, quò
omnis nostra electio dirigi debet; sicque
undequaque dicatur religio, solùm ad Deũ
ordinat, esto quod extenso nomine reli-
gionis, dici etiam possit ad propinquos, ut
insinuat Aug. Vnde quantum ad actus pro-
prios, ut sunt adorare, sacrificare, &c. non
nisi Deum respicit, quanvis quoad secun-
darios, qui fiunt à virtutibus, quibus ipsa
tanquam principalior imperat, ut visitare
pupillos, &c. ad aliud tendat: neque latrìa
interpretatur quæcumque servitus, sed se-
cundum specialem rationem, quæ tantùm
Deo convenit: sicut nec cultus qui ad reli-
gionem pertinet, est erga alios, sed solùm
erga Deum. Ita tamen, quod quanvis om-
nes, qui Deum colunt, possint dici religio-
si, specialiter tamen dicantur tantùm illi,
qui totam vitã suam divino cultui dedicant.
Re. Affirmativè,
ita scilicet, quod ejus sit bonum facere ha-
bentem, & opus ejus bonum reddere, esto
quod ejus sit servum facere per latrìam.

Quaest. LXXXI. Artic. III. 371

Primum est, quia Deo reddere honorem debitum, quod spectat ad religionē, est actus bonus, utpote cū per hoc convenienter ordinemur ad Deum, & ordo ad rationem boni pertineat, ex Aug. Vnde non est religio donum timoris, cujus actus est reverentia, sed ad illud ordinatur tanquam ad principalius; estque tanquam virtus de dictamine rationis naturalis, in quantum naturaliter dictatur, quod homo aliqua faciat ad Dei reverentiam; quanvis quod deinde hæc aut illa faciat, sit de institutione juris divini, vel humani. *Secundum est*, quia sicut potest servus voluntariē exhibere domino suo quod debet, & sic facere de necessitate virtutem; ita & Deo debitam exhibere servitutē potest esse actus virtutis, secundū quod homo voluntariē hoc facit.

Lib. de
nat. bo-
ni, c. 57

Vtrum religio sit una virtus. R. Affirmative, ita quod non diversificetur per hoc, quod Deum colit, in quo sunt tres personæ, & plura attributa; sed neque per hoc cultum exhibet imaginibus. *Primum est*, quia cū habitus distinguantur secundū rationem diversam objecti, & ad religionem pertineat reverentiam exhibere unī Deo secundū unam rationem, quanvis sint in eo plures personæ, & plura attributa, scilicet ut est primum principium creationis, & gubernationis rerum, quia tanquam pater, cui debetur honor, ex Scriptura, omnia gubernat; ideo fit quod adhuc una sit virtus, & tribus personis, tanquam unī principio creationis, & gubernationis, una religione serviatur. Vnde & eodem actu homo servit Deo, & colit ipsum, quandoquidem respicit cultus excellentiam Dei,

ART. 3.

Malachi

1.

servitus verò subjectionem hominis, ad quæ quidem duo pertinent actus omnes, qui religioni attribuuntur, utpote per quos vel Dei excellentiam protestamur, vel subjectionem nostri ad Deum. *Secundum est*, quia cum cultus religionis non exhibeatur imaginibus consideratis in seipsis, sed ut sunt imagines ad Deum ducentes incarnatum, ideo nec ex hoc diversificatur virtus religionis.

ART. 4. *Vtrum religio sit specialis virtus ab aliâ distincta. R. Affirmativè*, non quod non se extendat imperativè ad alias virtutes, sed quia elicitive respicit speciale bonum. *Primum est*, quia cum in Deo sit singularis excellentia, ratione cuius ei exhibemus honorem debitum, qui quidem debetur alicui ratione excellentiæ, unde & diversis personarum excellentiis diversos tribuimus honores; ideo & est in religione ratio boni sufficienter specialis, ut sit specialis virtus, & eliciat specialia bona, ea scilicet, quæ secundum rationem suæ speciei spectant ad reverentiam Dei. Vnde est quidem eadem charitas, quâ Deum diligimus, & proximum, quia bonitas Dei comunicatur creaturis; non tamen eadem religio, cum non ita comunicetur excellentia bonitatis ejus. *Secundum est*, quia ex eo quod omne opus virtutis dicitur sacrificium, ut ordinatur ad Dei reverentiam, quanvis non sequatur quod sit religio generalis virtus; bene tamen quod impetret aliis omnibus virtutibus, sicut & ex eo quod ad religionem pertinent omnia, quæ sunt in gloriam Dei.

ART. 5. *Vtrum religio sit virtus theologica. R. Negativè*, ita scilicet quod non habeat religio

Quaest. LXXXI. Artic. VI. 373

Deum, seu finem ultimum pro objecto, sicut virtus theologica; sed circa ea sit, quæ sunt ad finem, sicut morales. *Primum est*, quia cum duo considerentur in religione, scilicet id quod Deo offert, quod quidem se habet ad illam ut materia, & objectum; & id cui cultus exhibetur, scilicet Deus, quanvis non ita, quod actus Deum attingant, ut actus fidei, quo Deo credimus; ideo cum ita Deo cultum afferat, ut tamen versetur circa actus quibus colitur Deus, non circa Deum ut est materia & objectum, esto quod hunc respiciat ut finem cui, proinde quod non habeat, sicut habet theologica, finem ultimum tanquam objectum. Unde colitur quidem Deus fide, spe, & charitate, ex Aug. sed prout istæ virtutes suo imperio actum causant religionis, utpote quia virtutes circa finem movent alias, quæ sunt ad finem. *Secundum est*, quia religio & est circa Dei cultum, puta sacrificia, oblationes, &c. quæ quidem sunt ad finem; & in religione, in qua etiam potest esse superfluum, prout secundum aliquas circumstantias exhibetur cultus aliter quam debet, potest sicut in moralibus, accipi medium secundum quandam æqualitatem inter operationes, quæ sunt ad Deum, non quidem absolutè, cum Deo reddi non possit quantum debetur; sed secundum quandam considerationem humanæ facultatis, & divinæ acceptionis.

In En-
chir. c. 3.

Utrum religio sit præferenda aliis virtutibus moralibus. R. Affirmativè, non quidem in gloria supererogationis, sed in hoc unde sortiuntur morales bonitatem. *Primum est*, quia sunt virtutes morales eo meliores.

ART. 6.

374 *Quaest. LXXXI. Artic. VII.*
sint, quo sunt fini propinquiore; & religio
magis de propinquo accedat ad Deum, ut-
pote quia operatur ea, quæ directè, & im-
mediatè ordinantur in honorem divinum;
ideò & habet quod præmineat, unde for-
tiuntur morales bonitatem, & quidem quā-
vis deficiat in attingendo medium iustitiæ,
quod est æquale reddere, utpote cū de-
fectus ille sit non ex defectu voluntatis, in
qua consistit laus virtutis, sed ex defectu
potestatis; vel etiam quanvis sit exhibitio
eo laudabilior, quo sit magis indigenti, ut-
pote quod locum non habet, nisi ubi alteri
exhibetur propter ejus utilitatem; cū ta-
men Deo non exhibeatur aliquid propter
ipsius utilitatem, sed propter ejus gloriam
ad nostram utilitatem. *Secundum est*, quia
ubi est necessitas, sicut est in eo, quod Deo
ex religione exhibemus, utpote maximè
debitum, tollitur gloria supererogationis,
quanvis quia adest voluntas, non propterea
tollatur meritum virtutis.

*ART. 7. Vtrum religio habeat aliquem exteriorem
actum. R. Affirmativè*, non quidem tan-
quam principalem, sed quasi secundarium,
& ad exteriores actus ordinatum. *Ratio
utriusque partis est*, quia cū Deo hono-
rem exhibeamus, non propter seipsam, cū
sit ex se gloriâ plenus, sed propter nostram
utilitatem, quia ex hoc mens nostra ei sub-
jicitur, in quo quidem ejus consistit perfe-
ctio, quandoquidem perficitur unumquod-
que ex hoc quod suo superiori subjicitur,
ut videre est in corpore respectu animæ
vivificantis, & in aëre respectu solis illu-
minantis; ideò cū mens humana, ut Deo
conjungatur, indigeat sensibilibus manudu-

Quæst. LXXXI. Artic. VIII. 373.

ctione, opus etiam est in divino cultu, quod aliquibus corporalibus utatur homo, quibus excitetur ad spirituales actus, non quidem tanquam principale, & primò intentum, juxta illud, *Deus spiritus est, & in spiritu, & veritate oportet adorare*; vel etiam quasi Deus his ita inferioribus indigeat, sed tanquam signa quædam interiorum, & spiritualium operum, quæ per se Deus acceptat, ut ait Aug. unde & deridentur idololatræ, quia non exhibebant exteriora tanquam signa excitantia, sed tanquam per se idolis accepta, sicut & quia erant vana, & turpia.

Verum religio sit idem sanctitati. R. Affirmativè, & quidem sive dicatur sanctum à munditia, sive dicatur à firmitate, quasi sancitum, & lege firmatum. *Ratio utriusque parvis est*, quia cum & munditia, & firmitas requirantur ut mens Deo conjungatur, tanquam primo principio, & ultimo fini, juxta illud, *Pacem sequimini cum omnibus, & sanctimoniam, sine qua nemo videbit Deum*; necnon & illud, *Certus sum, quod neque mors, neque vita separabit me à charitate Dei*; ideo fit quod sive importet sanctitas munditiam, unde Græcè *agios* dicitur, id est sine terra; & Latine sanctus, quasi sanguine tinctus, eo quod antiquitus qui mundari volebant, sanguine hostiæ tingebantur; sive importet firmitatem, non differat à religione quoad essentiam, & quidem quanvis & temperantia, & virginitas munditiam maxime operentur, utpote quæ nedum rationem habent sanctitatis, nisi referantur in Deum. Cum quo tamen stat, quod sanctitas, quæ etiam habet generali-

ART. 8.

376 *Quæst. LXXXII. Art. I. & II.*
 tatem quandam, ut scilicet omnes virtutum actus per imperium ordinat ad bonum divinum, adhuc ratione differat à religione, sub qua etiam ratione ei cōdividitur, utpote cū dicatur religio, prout specialiter Deo debitum exhibet famulatum in sacrificiis, &c. sanctitas verò; ut homo hæc, & aliarum virtutum opera refert in Deum, & per ea se disponit ad cultum divinum.
 IN QVÆSTIONEM LXXXII

De Devotione.

ARTI-
 CVLVS
 PRI-
 MVS.

Vtrum devotio sit specialis actus. *R. Affirmativè*, non quòd non inveniatur devotio in diversis actuum generibus, non tamen sicut species illorum generum, sed sicut motio in motibus mobilium. *Ratio utriusque partis est*, quia cū devotio nihil aliud sit, quàm voluntas quædam promptè tradendi se ad ea, quæ pertinent ad Dei famulatum, unde dicitur quod filii Israël obtulerunt mente promptissima, & devota primitias Domino; & hic sit specialis actus appetitivæ partis animæ, consequenter sit quod sit devotio specialis actus, non quidem taliter, quod nec etiam in diversis actuum generibus inveniatur, utpote cū sit devotio actus voluntatis hominis offerentis seipsum Deo ad eī serviendum, ex quo, utpote sine ultimo, habet consequenter modam imponere aliis actibus, sive sint voluntatis, sive aliarum potentiarum; sed ita quod in his inveniatur, non sicut species horum generum, quod tolleret specialitatem actus, sed sicut motio moventis invenitur virtute in motibus mobilium.

Art. 2. *Verum devotio sit actus religionis. R. Affirmativè*, ita quod immediate pertineat ad

Quaest. LXXXII. Artic. III. 377

religionem, esto quod mediatè causetur à charitate. *Primum est*, quia cùm ad eandem virtutem pertineat velle facere aliquid, & promptam voluntatem habere ad illud, ex Arist. & facere quæ pertinent ad divinum cultum, spectet propriè ad religionem, ideò & ad eam etiam pertinet promptam habere voluntatem ad huiusmodi exequenda: quod præstat devotio, & quidem quanvis etiam habeatur devotio in Sanctos, utpote quæ in Deum transit, quem scilicet in suis Ministris veneramur, esto quod devotio quæ habetur ad Dominos temporales, sit alterius rationis. *Secundum est*, quia sicut calor generat pinguedinem, eaque nutritur, sic & charitas devotionem generat, & per devotionem nutritur: ita tamen quod tradere seipsum Deo, ei adhærendo spirituali unione, pertineat quidem ad charitatem; sed tradere seipsum ad opera divini cultus, in quo est devotio, immediatè pertineat ad religionem.

Lib. 4.
Ethic.
cap. 1.

Utrum contemplatio, seu meditatio sit devotionis causa. R. Affirmativè, si tamen sermo sit, non de causa extrinseca, & principali; sed intrinseca; & ex parte nostra. *Primum est*, quia cùm devotio sit actus voluntatis, quâ homo promptè se tradit ad cultum Dei; & omnis actus voluntatis, quantum est ex parte nostra, ex aliqua consideratione procedat, quandoquidem voluntatis objectum est bonum intellectum, & ut ait Aug. voluntas oritur ex intelligentia; ideò & est meditatio causa intrinseca ex parte nostra devotionis, prout scilicet homo per meditationem concipit, quod se tradat divino obsequio, adeò ut ad hoc in-

ART. 3.

ducat duplex consideratio, altera quæ est ex parte divinæ bonitatis, & beneficiorum Dei; & hæc excitat dilectionem, quæ est causa proxima devotionis: altera ex parte hominis considerantis suos defectus, ex quibus indiget, ut Deo innitatur; quæ quidem impedit præsumptionem, per quam homo impeditur, ne se Deo subjiciat, esto quod aliquando scientia occasio sit, ut homo confidat de seipso, & non totaliter se Deo subjiciat, & sic occasionaliter devotionem impediat: in quo quidem occasionali sensu admitti debet, simpliciores, & mulieres majorem habere devotionem. Unde ea solum contemplatio devotionem impedit per se loquendo, quæ est earum rerum quæ ad dilectionem Dei non pertinent; & quanvis ea quæ pertinent ad Christi humanitatem per modum cujusdam manuductionis maxime devotionem causent, licet non tam altæ sint contemplationis, ac Deus ipse: ea tamen quæ sunt divinitatis, sunt secundum se maxime excitantia dilectionem, & per consequens devotionem, cum sit Deus super omnia diligendus. *Secundum est*, quia causa devotionis extrinseca, & principalis est Deus ipse, de quo quidem dicit Ambr. super Luc. quod Deus quos dignatur, vocat; & quem vult, religiosum facit; & si voluisset, Samaritanos ex indevotis devotos fecisset.

ART. 4. *Vtrum lætitiæ sit devotionis effectus. B. Affirmativè*, ita scilicet, quod per se quidem, & principaliter lætitiæ causet mentis; sed etiam ex consequenti, & per accidens causet tristitiam. *Ratio utriusque partis est*, quia cum devotio ex duplici consideratione

Quæst. LXXXIII. Artic. I. 379

oriatur, ut dictum est; & ex prima per se sequatur delectatio, juxta illud, Memor fui Dei, & delectatus sum; necnon per accidens in viatoribus tristitia quædam, juxta illud, Sitivit anima, &c. & postea, Fuerunt mihi lacrymæ: ex secunda autem consideratione, scilicet defectuum nostrorum, per se sequatur tristitia, per accidens verò lætitia propter spem divinæ subventionis, adeò ut idem spiritus, qui ex una parte contribulatur propter defectus præsentis vitæ, ex alia delectetur ex spe divini auxilii, & bonitatis; sicut & in passione Christi est aliquid, quod contristet, & aliquid quod lætificet, scilicet defectus humani, & bonitas Dei, ac benignitas; consequenter fit, quod devotio per se & principaliter spiritualem lætitiâ mentis causet, & ex consequenti, ac per accidens tristitiâ, quæ est secundum Deum; & quidem quanvis ex devotione aliqui prorumpant in lacrymas, utpote quæ non solum ex tristitia oriuntur, sed etiam ex affectus teneritudine, cum consideratur aliquid delectabile, & sic lacrymæ ex devotione oriuntur.

IN QVÆSTIONEM LXXXIII.

De oratione.

Vtrum oratio sit actus appetitivæ virtutis. *R. Negativè*, non quòd non possit tendere in finem charitatis, qui est Deo uniri; sed ita quod cum hoc sit rationis actus, ut est petitio quædam. *Primum est*, quia cum ad rationem pertineat imperare non solum inferioribus potentiis corporis, sicut necessitatem imponendo, utpote sibi perfecte subditis, sed etiam hominibus subiectis imperando, vel inducendo, & depre-

Artic. 3.
Psal. 76.
Psal. 42.

ARTICULVS
PRIMVS.

380 *Quest. LXXXIII. Artic. I.*

cando respectu eorum, qui non sunt sub-
jecti, sive sint superiores, sive æquales; idē
eum utrumque horum, scilicet imperare,
& petere, seu deprecari, ordinationem im-
portet, prout scilicet homo disponit ali-
quid faciendum per aliud, quod quidem
pertinet ad rationem, cuius est ordinare,
non quidem speculativam, ad quam perti-
nent simplicium apprehensio, compositio,
& discursus, sed practicam, quæ simul ap-
prehendit & causat; propterea fit quod
oratio, ut est petitio quædam, seu petitio
decentium à Deo, ut definit Damasc. sit
actus rationis. Vnde illud, *Desiderium pau-*
perum exaudivit Dominus, vel dicitur, quia
desiderium est causa petendi, vel propter
velocitatem exauditionis, quatenus Deus
quandoque exaudit antequam aliquis ora-
tionem proponat. *Secundum est*, quia cum
voluntas moveat rationem in finem suum,
ideò nihil prohibet, movente voluntate,
quod actus rationis tendat in finem chari-
tatis: quod quidem in oratione accidit, vel
eum petimus ut Deo uniamur; vel ex
parte petentis, quem oportet accedere ad
eum, à quo petit.

ART. 2. Virum sit conveniens orare. R. Affirmative,
non quidem ut divinam dispositionem im-
mutemus orando, sed ut impetremus, quod
disposuit Deus per orationem implendum.
Ratio utriusque partis est, quia cum ex di-
vina providentia non solum disponatur qui
effectus fiant, sed etiam à quibus causis, &
quo ordine, & inter huiusmodi causas sint
actus humani; ideò & oportet homines
aliqua agere, ut orando & deprecando, non
quidem ut per actus, divinam dispositionem

Phil. 9.

Quest. LXXXIII. Artic. III. 381

immutent, utpote quæ quia ex causâ universalissima, & efficacissima, est invariabilis; sed potius ut impleant, & impetrent, quod disposuit Deus per orationes Sanctorum esse implendum. Deus namque, etiam multa det ex sua liberalitate antequam rogetur, vult tamen propter nostram utilitatem, ut orando aliqua impetremus, quia per hoc fiducia ad eum in nobis augetur. Vnde nec ad hunc finem est oratio necessaria, ut aliquid Deo aperiamus, sed ut consideremus ad divinum recurrendum esse auxilium.

ART. I.

Vtrum oratio sit actus religionis. R. Affirmative, ita quod & proprius sit actus religionis, & aliis religionis actibus præminens. *Primum est*, quia cum omnia illa, per quæ Deo reverentia exhibetur, propriè pertineant ad religionem; & per orationem homo Deo reverentiam exhibeat, prout ei subijcitur, & proficitur orando se eo indigere; ideo & est oratio propriè religionis actus, adeo ut & petere quæ desideramus, & rectè desiderare cadant sub præcepto; sed istud charitatis, illud religionis, quod præceptum habetur apud Matth. 7. quando scilicet dicitur: Petite, & accipietis. Cum quo tamen stat, quod adhuc oratio sit in ratione, & religio ut pars iustitiæ in voluntate, utpote cum voluntas cæteras moveat potentias, & maxime intellectum, cui est propinquior, nimirum ordinando per religionem actus omnium ad Dei reverentiam. *Secundum est*, quia quod per orationem traditur Deo, scilicet mens, quæ ei subijcitur, cum præmineat exterioribus rebus, etiam præminet oratio aliis actibus exterioribus religionis.

382 *Quest. LXXXIII. Art. IV. & V.*

ART. 4. *Vtrum solus Deus debeat orari. R. Negativè,* ita scilicet, quod ad solum quidem Deum porrigatur oratio, quasi per ipsum implenda; sed etiam porrigatur ad Sanctos, sicut per ipsos impetranda. *Ratio utriusque partis est,* quia cum dicatur Apocal. 8. quod ascendit fumus incensorum de orationibus Sanctorum de manu Angeli coram Deo; & Iob 5. Voca si est qui tibi respondeat, & ad aliquem Sanctorum convertere; evidens est & ad Sanctos porrigendas esse orationes, non quidem per ipsos implendas, cum impleantur per consequutionem gloriæ, & gratiæ, pro quo oramus; & gratiam & gloriâ det Dominus, ut ait Scriptura; sed ut eorum precibus & meritis orationes nostræ effectum impetrent. Licet enim mortui ex se non cognoscant cogitationes nostras, unde nec eorum suffragia imploramus; Beatis tamen manifestatur in Verbo, quod decet eos cognoscere; & ad eos, seu beatificum eorum statum pertinet, ut cognoscant orationes ad eos vel voce factas, quo modo à vivis petimus colloquendo, sive solo corde. Cum quo tamen stat, quod non propterea Sanctis impendamus orando religionis cultum, sed soli Deo, utpote à quo solum quærimus obtinere quod oramus, proindeque est quem solum protestamur in hoc bonorum nostrorum Authorè.

ART. 5. *Vtrum in oratione debeamus aliquid determinatè à Deo petere. R. Affirmativè,* non quidem quantum ad ea, quæ possunt malum habere eventum, sed quantum ad illa, quibus malè uti nō possumus. *Ratio utriusque partis est,* quia cum docuerit Dominus discipulos petere ea, quæ continentur in

Quest. LXXXIII. Artic. VI. 383

Oratione Dominica, quæ scilicet sunt ea Matt. 6.
quibus beatificamur, & beatitudinem mere-
remur; tum peteret David, *Ostende faciem,*
& *deduc me*, &c. ideo quanvis divitias,
honores, &c. quia possunt malum habere
eventum, non liceat petere, quia aliquando
non impetrasse melius foret; benè tamen
bona gratiæ & gloriæ, quibus malè uti non
possumus, præsertim cum in hoc confor-
memus voluntatem nostram voluntati di-
vinæ, quæ vult omnes homines salvos fie-
ri; & quidem licet ex nobis non sciamus
quid petendum sit, ex Apost. vel etiam quā-
vis ad bona nos invitet Deus, utpote cum Rom. 8.
spiritus in illo adjuvet infirmitatem no-
stram, nos rectè faciens postulare; nec in-
vitet nos Deus ad bona, nisi ut ad ea piis
desideriis, & devotis orationibus acceda-
mus, sicque non frustra eum rogemus.

*Vtrum homo debeat temporalia à Deo pe-
tere orando.* ART. 6.
R. Affirmativè, non quidem
tanquam bonum nostrum, seu principaliter;
sed tanquam necessarium nostrum, seu
secundariò. *Ratio utriusque partis est*, quia
cum id ex Aug. liceat orare, quod licet de-
siderare; & liceat desiderare ea, quibus vi-
ta sustentatur, cujusmodi sunt ista bona,
quæ necessaria sunt ad salutem corporis,
& congruentem habitum personæ, non qui-
dem cum sollicitudine superflua, & inor-
dinata, juxta illud, *Nolite solliciti esse*; vel
etiam sicut finem nostrum, sed tanquam in-
strumenta virtutis, & necessaria adminicu-
la ad beatitudinem desideranda: ideo & Matt. 6.
hoc modo debet homo temporalia petere,
non principaliter, juxta illud, *Primum qua-
rite Regnum Dei*; sed secundariò, ut no-

§84 Qu. LXXXIII. Art. VII. & VIII.

his expediunt ad salutem: nec enim mens nostra, quando intendit temporalibus in ordine ad beatitudinem, ab eis propterea deprimitur, sed magis elevatur.

- Art. 7.** *Utrum debeamus pro aliis orare.* R. *Affirmative*, ita quod hoc requirat charitas, & quidem tum pro peccatoribus, tum etiam pro iustis. *Primum est*, quia cum illud debeamus orare, quod debemus desiderare; & bonum non solum debeamus desiderare nobis, quod necessitatis est, ex Chrysoft. sed etiam aliis ex charitatis fraternitate; ideo & debemus similiter pro his orare: unde & dicimus in Oratione Dominica, *Pater noster*; & *Da nobis*, ut inde discamus, ait Cyprianus, orationes non esse tantum privarim faciendas, sed pro omnibus: ita tamen, quod adhuc ponatur, ut conditio orationis, pro se orare, non quidem tanquam necessaria ad effectum merendi, sed ad indeficientiam impetrandi, utpote cum contingat, ut oratio pro alio facta non impetret ob defectum illius, pro quo oratur, quanvis oranti sit meritoria. *Secundum est*, quia pro peccatoribus orandum est, ut convertantur; pro iustis autem, ut perseverent, & proficiant, necnon & ut à multis gratia agatur Deo de beneficiis collatis, vel etiam ut facilius exaudiantur multorum preces; ut enim dicit Glossa, minimi dum congregantur unanimes ad orandum, sunt magni, & multorum preces impossibile est, quod non impetrent, scilicet quod est impetrabile.

Gloss.
Ambr.
ad 1. e.
ad Rom.

- Art. 8.** *Utrum debeamus pro inimicis orare.* R. *Affirmative*, ita tamen, quod sit quidem necessitatis inimicos non excludere in communibus

Quest. LXXXIII. Artic. IX. 385

munibus orationibus; at pro eis specialiter orare, non nisi perfectionis. *Ratio utriusque partis est*, quia cum pro aliis orare charitatis sit, & inimicos diligere in generali sit in præcepto, ut scilicet in eis diligamus naturam, quæ à Deo est, non culpam; in speciali autem eos diligere non nisi perfectionis sit, adeò ut non sit hoc modo in præcepto, nisi secundum præparationem animi, & in aliquo speciali, ut in necessitatis articulo, vel si veniam peterent; ideo in speciali quidem orare est perfectionis, sed tamen necessitatis est eos in generali à communibus orationibus non excludere. Unde imprecationes contra inimicos in Scriptura, vel dicuntur per modum prophetiæ, vel in correctionem, vel contra peccatum, vel conformando se voluntati divinæ: neque postulant sancti Martyres, se vindicari voce, sed ratione, sicut nec gaudent de vindicta propter seipsam, sed propter divinam iustitiam. Cum quo tamen stat, quod ut licet impugnare inimicos, ut compescantur à peccato; sic etiam licet orando petere aliqua temporalia mala inimicorum, ut corrigantur.

Psal.

Apoc.

Vtrum convenienter septem petitiones Orationis Dominica assignentur. R. Affirmative, ita quod & in ea petantur omnia, quæ rectè desiderare possumus; & etiam eo ordine, quo sunt desideranda. *Ratio utriusque partis est*, quia cum primò in desiderio nostro cadat finis, deinde ea quæ sunt ad finem; ad finem autem, qui Deus est, affectus noster tendat, vel ut volumus gloriam Dei, quod pertinet ad ejus dilectionem in seipso, unde prima petitio, *Sanctificetur nomen tuum*,

ART. 9.

86 *Quaest. LXXXIII, Artic. IX.*
 id est, sanctum habeatur, non quòd non
 sit; vel ut volumus frui gloria ejus, quod
 quidem pertinet ad dilectionem, quâ dili-
 gimus nos in Deo, unde secunda, *Adveniat*
Regnum tuum, id est, ut nos in eo regnemus,
 non quòd Deus modò non regnet; insuper
 cum ad hunc finem aliquid nos ordinet, vel
 per se, ut bonum utile ad finem, quod qui-
 dem contingit primò directè, & principaliter
 secundum meritum, quod consistit in
 obediendo Deo, unde ponitur, *Fiat volun-*
tas tua, &c. id est, obediatur ab hominibus
 ut sit ab Angelis, quæ petitiones in vita fu-
 tura perficientur; secundò instrumentali-
 ter, & quasi coadjuvans ad meritum, unde
 ponitur, *Panem nostrum, &c.* sive intelli-
 gatur de pane sacramentali, & aliis Sacra-
 mentis, sive de pane corporali, scilicet de
 omni sufficientia victus; vel denique per
 accidens per remotionem prohibētis, quod
 quidem primò est peccatum, *Dimitte nobis*
debita nostra; secundò tentatio, ad quod
 est illud, *Ne nos inducas in tentationem*, id
 est ne à tentatione vincamur; tertio præ-
 sens pœnalitas, unde dicitur, *Libera nos à*
malo: ideò fit quod & in ea Oratione pe-
 tantur omnia, quæ rectè desiderare possu-
 mus, & eo ordine quo sunt desideranda;
 non enim respondet oratio ordini exequu-
 tionis, in quo prius est recedere à malo;
 sed ordini desiderii, in quo prior est finis,
 unde consequutio boni; ita tamen quod
 non ideò in ea dicamus, *Pater noster*, quasi
 ad Deum flectendum, sed ut in nobis ipsis
 fiduciam excitemus ejus considerando cha-
 ritatem; &, *Qui es in cœlis*, considerando
 excellentiam.

Quaest. LXXXIII. Art. X. & XI. 387

Vtrum orare sit proprium rationalis creaturae. *R. Affirmativè*, non quòd non comprehendantur & Angeli, sed ita quòd excludantur divinæ personæ, & bruta. *Primum est*, quia cùm illi propriè competat orare, cui competit & rationem habere, & superiorem, quia per orationem superiorem deprecamur; ideo cùm hoc non competat divinis personis, quæ non habent superiorem, sed neque brutis, quæ rationem non habent, est consequenter orare proprium rationalis creaturæ per exclusionem divinarum personarum, atque brutorum. Vnde quòd dicatur Filius orare, non nisi secundùm naturam humanam intelligitur; nec aliter dicitur postulare, nisi quia postulantes nos facit: sed neque pulli corvorum dicuntur invocare Deum, nisi propter naturale desiderium, quo omnia suo modo desiderant consequi bonitatem divinam. *Secundum est*, quia cùm intellectus, & ratio non sint in nobis diversæ potentix, ideo & sub rationali creatura comprehendi possunt intellectuales, quales sunt Angeli; & de facto in præsentì comprehenduntur, cùm de illis dicatur: Adorent eum omnes Angeli ejus. ART. 10. Psal. 96.

Vtrum Sancti, qui sunt in patria, orent pro nobis. *R. Affirmativè*, & quidem magis, quàm in via, & oratione ad impetrandum efficaciori. *Ratio utriusque partis est*, quia cùm oratio pro aliis facta ex charitate proveniat, ideo quanto Sancti perfectioris sunt charitatis, tanto etiam magis pro viatoribus orant, qui eorum orationibus juvari possunt, juxta illud Hieron. contra Vigilant. Si Martyres & Apostoli, quando ad-

huc pro seipſis ſoliciti, in hac vita pro nobis orabant, quanto magis poſt coronas ! ſed & oratione ad impetrandum efficaciori, utpote cū ordo divinus ſit, ut ex ſuperiorum excellentia in inferiora refundatur, proindeque & quanto ſunt Sancti Deo conjunctiores, tanto efficaciores ſint eorundem orationes, cū aliunde ea ſolum petant quæ vult Deus fieri per eorum orationes, eſto quod quandoque efficacius ſit orare, non quidem eos qui ſunt in purgatorio, utpote qui inferiores ſunt nobis quoad pœnas, unde nec ſunt in ſtatu orandi, ſed magis ut oretur pro eis ; ſed quandoque inferiores Sanctos, & hoc vel quia devotiùs implorantur, vel quia vult Deus eorum inde ſanctitatem declarare. Cum quo tamen ſtat, quod & inferiores, & ſuperiores, quanvis non niſi quoad animam adhuc beatos, invocemus tamē nominibus, quibus hic ſecundū ſe totos nominabantur : tum quia viventes meruerunt, ut pro nobis orarent, unde & habent eorum orationes efficaciam impetrandi ex præcedentibus eorum meritis, ſicut & ex divina acceptatione : tum etiam ad fidem reſurrectionis inſinuandam, juxta illud : Ego ſum Deus Abraham, &c.

Exod. 3.

ART.

12.

Utrum oratio debeat eſſe vocalis. R. Affirmative, & quidem in communi oratione de neceſſitate, in ſingulari autem rationabiliter, & congruenter. Primum eſt, quia cū huiusmodi communis oratio, quæ per miniſtros Eccleſiæ in perſona totius populi fidelis Deo offertur, debeat innotefcere populo, pro quo profertur ; ideo & debet de neceſſitate eſſe vocalis, non quidem ut

Quest. LXXXIII. Artic. XIII. 389

Deo ignotum manifestemus, sed ut mens orantis excitetur in Deum, utpotè cum verba significantia aliquid ad devotionem pertinens, non distrahant, sed excitent mentes, præcipuè minus devotas. Vnde cum dixit Dominus: Tu autem cum oraveris, *Matt. 6.* &c. non propterea prohibuit in conventu orare, sed ne quis oret, ut à conventu videatur; non enim videri ab hominibus nefas est, sed ideò hoc agere, ut ab hominibus videaris, ait Aug. *Secundum est*, quod orationi singularis personæ, sive pro se, sive pro aliis adjungatur oratio, congruum est, & ad excitandam interiorem devotionem, ut ait Aug. & ad redditionem debiti, ut scilicet homo serviat Deo, non solum mente, sed etiam corpore; necnon & ex quadam redundantia ab anima in corpus.

*Lib. de
serm.
Dom.
cap. 6.*

Vtrum de necessitate orationis sit quod sit *ART.*
attenta. R. Necessarium quidem esse ad ter- *13.*

eium orationis fructum, qui est spiritualis quædam resectio mentis, non ita tamen, quod tollat evagatio mentis involuntaria duos alios fructus, qui sunt mereri, & impetrare. *Primum est*, quia resectio illa spiritualis est fructus ille, quem oratio præsentialem efficit, & quidem per actualem attentionem; unde & de illo intelligitur dictum Apost. Si orom linguâ, mens mea sine fructu est. Ita tamen quod triplex sit attentio, quæ potest orationi vocali adhiberi: una ad verba, ne quis in eis: erret: secunda ad sensum verborum: tertia, quâ attenditur ad orationis finem, scilicet Deum, & ad rem pro qua oratur, quæ quidem est maximè necessaria, & quam etiam idiotæ habere possunt. *Secundum est*, quia cum in

*1. Chor.
14.*

390 *Quest. LXXXIII. Artic. XIV.*
 spiritu, & veritate oret, qui ex instinctu & intentione spiritus ad orandum accedit, licet postea ex infirmitate evagetur mens, & in illo ascensu ad Deum propter infirmitatem diu stare non possit; ideo & sat est ad primum illum orationis effectum, atque communem actibus charitate informatis, scilicet mereri, prima illa intentio, quam quis accedit ad orandum, nec requiritur ut adsit attentio per totum, sicut nec ad secundum seu proprium effectum, qui est impetrare, ad quem sufficit prima intentio, quam quidem Deus respicit, modò evagatio quæ sequitur, non sit voluntaria; quia aliàs peccatum esset, & tolleret meritum.

ART.
 14.

Utrum oratio debeat esse diuturna. R. Affirmative, non quidem per sermonem multum, quod est oratio in seipsa considerata; sed per diuturnum affectum, quod est oratio considerata in sua causa. *Primum est,* quia cum desiderium charitatis debeat esse in nobis continuum, vel actu, vel virtute, quod accidit, cum aliquid facimus in gloriam Dei, ad quod quidem ex Paulo, & Aug. semper tenemur; ideo oratio secundum suam causam considerata, quæ est desiderium charitatis, ex quo debet procedere, debet esse continua. Vnde non in hoc consistit prolixitas orationis, quod multa petantur, sed quod affectus continueretur ad unum desiderandum, adeò ut aliquis continuè oret propter continuum desiderii affectum, sicut & quando non intermittit, quin temporibus statutis oret; vel etiam propter effectum, quia post orationem remanet magis devotus. *Secundum est,* quia cum cuiuscumque rei quantitas debeat esse

Quaest. LXXXIII. Artic. XV. 397

proportionata fini,conueniens est,ut oratio quantum ad sermonem, seu in seipsa tantum duret,quantum est utile ad excitandum interioris desiderii feruorem, & non amplius, secundum Aug.adeo ut cum sine radio durare non potest, cessandum sit. Nec enim oportet orantem diu multum loqui, cum plerumque hoc negotium plus gemitibus, quam sermonibus agi debeat; quanvis non propterea Dominus instituerit Orationem Dominicam,quasi ut his tantum verbis oremus, sed ut doceret quæ essent petenda.

Epist. 127.
cap. 9.

Vtrum oratio sit meritoria. R. Affirmative, ART.
ita quod efficaciam habeat merendi, sicut 15.

& quilibet actus virtutis; quanvis non ita, quod semper mereatur quilibet quod pro se petit, aut semper audiat unus pro alio. *Primum est*, quia habet oratio, sicut & quilibet actus virtutis, procedere ex radice charitatis, ex qua quidem habetur efficacia merendi: sicut & ex gratia Dei, quem oramus, qui etiam nos ad orandum inducit, habet oratio efficaciam impetrandi, ut Aug. & Chrysost. docent. Ita tamen quod per orationem (quæ quidem etiam ex gratia aliqua, quasi gratuito dono procedit, quando gratiam gratum facientem impetrat,) possit quis mereri vitam æternam, & tamen non mereri illud obtinere, quod petit; puta cum aliquid necessarium non est ad salutem, nec manifestè saluti contrarium. Qua quidem de causa non fuit Paulus exauditus, petens sibi amoveri stimulum carnis. *Secundum est*, quia quanvis qui petit quod est saluti suæ utile, illud mereatur, & quidem non solum orando, sed etiam alia bona opera faciendo; non tamen

392 *Quest. LXXXIII. Art. XVI.*
indubitanter accipit, nisi ubi adsunt hæ
quatuor conditiones: ut pro se petat, ne
scilicet alius; pro quo peteret, impediret:
ut necessaria petat ad salutem: ut piè pe-
tat: & ut perseveranter.

- ART. 16. *Verum peccatores orando impetrent ali-
quid à Deo. R. Affirmativè, non quidem
quando orant ut peccatores, sed quando ex
bono naturæ desiderio procedit oratio. Pri-
mum est, quia cum oratio peccatoris ex
bono naturæ desiderio procedens sit pia,
non quidem ex habitu virtutis, sed quia
petit quæ ad pietatem pertinent; ideo quæ-
vis non sit meritoria, quia non ex habitu
charitatis, potest tamen esse impetrativa,
cum impetratio innitatur gratiæ, adeò ut
audiat Deus peccatorem, servatis tamen
quatuor conditionibus suprà positis, nō qui-
dem quasi ex iustitia, sed ex misericordia,
ut Aug. & Chrysost. docent, aliàs frustra
orasset Publicanus. Neque propterea men-
titur, unde fiat exauditione indignus, quan-
do non vult debita proximo dimittere, upo-
tè cum Oratio Dominica proferatur, seu
proferri possit ex persona communi totius
Ecclesiæ. Secundum est, quia quod dicitur
Ioan. 9. *Scimus quia peccatores Deus non
exaudit*, hoc quidem intelligitur quando
peccator petit aliquid ut peccator, id est
secundum desiderium carnis peccati; esto
quod qui in hoc non exauditur à Deo ex
misericordia, exaudiatur quandoque ad
vindictam; quia Deus quædam negat pro-
pitius, quæ concedit iratus.*

- ART. 17. *Verum convenienter dicantur hæc esse ora-
tionis partes, obsecrationes, orationes, postu-
lationes, & gratiarum actiones. R. Affirma-*

Quaest. LXXXIII. Art. XVII. 393

ritè, non quòd non includantur hæc omnia in oratione communiter sumpta, sed ita quòd hæc quatuor distingui possint secundum ea, quæ ad orationem requiruntur. *Primum est*, quia ad orationem tria requirantur: primò quòd orans accedat ad Deum, & sic ponitur oratio, quæ est ascensus mentis in Deum: secundò quòd petat, unde postulatio, cum determinatè quid poscit; vel supplicatio, si solùm indeterminatè quid petat, ut quòd juvetur à Deo: tertio demùm requiritur ratio impetrandi, & hoc vel ex parte Dei, & est ejus sanctitas, per quam petimus exaudiri, unde obsecratio; vel ex parte petentis, unde gratiarum actio, per quam meremur accipere potiora. Unde non sumitur ibi obsecratio ut adjuratio ad compellendum, sed ad misericordiam implorandam; poniturque gratiarum actio in fine, licet sit de præteritis, quia in uno & eodem prius est futurum, quàm præteritum; proindeque & prius postulatur idem beneficium, & cum acceptum fuerit, gratiæ aguntur. *Secundum est*, quia cum oratio communiter sumpta sit petitio decentium à Deo, ideò & includit hoc modo omnia, quæ hîc dicuntur, adeò ut non nisi ut propriè importat ascensum in Deum contra alia dividatur.

IN QVÆSTIONEM LXXXIV.

De exterioribus actibus latria.

Vtrum adoratio sit actus latria, seu religionis. *R. Affirmativè*, loquendo scilicet de adoratione, non secundum reverentiam, quæ debetur creaturæ, sed secundum eam, quæ debetur Deo. *Primum est*, quia cum adoratio ordinetur ad reverentiam, ejus

ARTI-

CVLVS

PR

MS.

qui adoratur, & reverentiam exhibere Deo fit proprium religionis; ideo & est adoratio, quâ adoratur Deus, religionis actus. Ita tamen quod quia sub maiestâ divinâ intelligitur omnis Dei excellentia, ideo nec tollitur quin adoratio, quæ ejus debetur maiestati, sit actus religionis, quæ debetur Deo, ut est Beatitudo nostra: immò & quia una est excellentia trium personarum, ideo & unus honor, una reverentia, & una adoratio eis debetur. *Secundum est*, quia cum Deo debeamus reverentiam propter ejus excellentiam, quæ quidem in creaturis non est, nisi per participationem; ideo aliâ veneratione veneramur Deum, quod pertinet ad latriam, & aliâ excellentes creaturas, quod pertinet ad duliâ; unde quod legitur, aliquos adorasse Angelos, non intelligitur de latria; aut dicitur quia adorarunt Deum in illis.

ART. 2. *Verum adoratio importet actum corporalem. &c. Affirmativè*, ita tamen quod principaliter quidem in interiori Dei reverentia consistat, sed secundariò in quibusdam corporalibus humilitatis signis. *Ratio utriusque partis est*, quia cum ex duplici natura sumus compositi, scilicet intellectuâli, & sensibili, debemus etiam duplicem adorationem Deo offerre, mentalem scilicet, & corporalem, quæ quidem etiam in spiritu fit, quatenus & ex spiritali devotione procedit, & ad eam ordinatur. Ita tamen, quod hæc exterior adoratio fiat propter interiorem, ut scilicet per signa humilitatis corporaliter exhibita excitetur mens, & affectus ad se Deo subjiciendum; quandoquidem in actibus latriæ, sicut & in oratione,

Quest. LXXXIV. Artic. III. 395

quod exterius est, refertur ad id quod est interius. Vnde & genu flectimus, ad ostendendam infirmitatem nostram; & prosternimus nos, quasi profitentes nos nihil esse ex nobis. Licet enim per sensum Deum attingere non possimus, tamen per sensibilia signa provocatur mens nostra, ut tendat in Deum.

Verum adoratio requirat determinatum locum. R. Affirmative, non quidem principaliter, quasi sit de necessitate ipsius; sed secundum quandam decentiam. *Ratio utriusque partis est*, quia quanvis mens apprehendat Deum quasi non comprehensum aliquo loco, quo fit ut determinatio loci non requiratur ad adorationem principaliter; quia tamen corporalia signa, quæ secundario requiruntur ad adorationem, necesse est quod in determinato loco & situ sint, proinde fit quod decenter eligatur determinatus locus orandi, non quidem propter Deum, quasi loco claudatur, sed propter ipsos adorantes; & hoc propter loci consecrationem, propter sacra mysteria, & propter concursum orantium, ex quo oratio fit magis exaudibilis. Vnde cum Dominus dixit: *Venit hora, in qua veri adorato-* *res, &c.* solum inde prænunciat cessationem adorationis secundum ritum Iudæorum, & Samaritanorum; non autem propterea locum excludit adorationis, qui quidem decenter est versus orientem: tum quia divinitas manifestatur ex motu cæli, qui est ab oriente; tum propter paradisum ibi constitutum, tum etiam propter Christum, qui oriens nominatur, qui ascendit ad orientem, & inde expectatur venturus.

ART. 3.

Ioan. 4.

Gen. 2.

Zach. 6.

Matt. 24.

396 *Quest. LXXXV. Artic. 1. & 11.*
IN QUESTIONEM LXXXV.

De his, qua Deo à fidelibus dantur.

ARTI-
CVLVS
PRI-
MVS.

Vtrum offerre sacrificium Deo sit de lege natura. *R. Affirmativè*; si tamen sermo sit de oblatione sacrificii in communi, non de determinatione sacrificiorum. *Primum est*; quia cum naturalis ratio dicter homini secundum naturalem inclinationem, ut ei qui est supra se, cujus auxilio eget, subjectionem, & honorem exhibeat secundum modum suum; & modus conveniens homini sit; ut sensibilibus signis utatur ad aliquid exprimendum; ideo & naturaliter utitur homo sensibilibus rebus, in offerendo eas Deo in signum subjectionis, & honoris; quod quidem pertinet ad rationem sacrificii. Vnde & Adam, & Isaac, & alii olim sacrificia Deo obtulerunt, licet non legatur in Scriptura, utpote quæ tantum mentionem de illis facit, in quibus aliquid speciale accidit. *Secundum est*, quia licet oblatio sacrificii in communi sit de lege naturali, unde & in hoc omnes conveniunt; determinatio tamen sacrificiorum non nisi de lege humana est, vel divina: sicut & quantvis significare conceptus suos sit naturale; determinatio tamen signorum est solum ad placitum.

ART. 2. *Vtrum soli Deo sit sacrificium offerendum.*
R. Affirmativè, non quidem ex ratione premii ejus, quod sacrificatur exterius; sed ratione ejus, quod interius significatur. *Primum est*, quia cum illi debeat exterior sacrificium, cui debetur spirituale interius, quod significat; & spirituale debeat soli Deo, quia anima se. offert Deo in sacrificium, sicut principio suæ creationis, &

Quaest. LXXXV. Artic. III. 397

fini suæ beatificationis, quod quidem soli Deo convenit; ideo propter id quod per sacrificium significatur, soli Deo est offerendum: in omni namque republica summus Rector aliquo privato signo honoratur, quo nefas esset alios honorare; & hoc maxime in presenti, cum aliis à Deo non comunicetur nomen divinitatis per æqualitatem, sed per participationem. Vnde nec construimus, inquit Aug. Sanctis, & Martyribus: templa sacerdotalia, quoniam non ipsi, sed Deus eorum nobis est Deus. *Secundum est*, quia ex ratione pretii occisi pecoris multo majora munera offerunt subditi terrenis Principibus, quibus tamen Principibus Sancti & Angeli sunt multo majores.

8. de civ.
vit. Dei
c. ult.

Utrum oblatio sacrificii sit specialis actus virtutis. R. Affirmative, non quod actus aliarum virtutum non possint dici aliqualiter sacrificia; sed ita quod quæ proprie dicuntur sacrificia, non nisi ad virtutem spectent religionis. *Ratio utriusque partis est*, quia cum actus unius virtutis ordinatus ad finem alterius sumat quandam rationem illius, ut patet in facto propter fornicationem facto, quod si alias non esset peccatum, fieret; & sacrificium sit specialis actus in reverentiam Dei, unde laudem habet, quod quidem est finis virtutis religionis: ideo actus quidem aliarum virtutum possunt etiam dici sacrificia, quando ordinantur ad divinam reverentiam, ut dare elemosynam propter Deum, vel etiam quia hoc ipsum, quod Deo quadam spiritali societate volumus adherere per virtutum actus, ad divinam reverentiam pertinet. *verum.*

ART. 3.

398 *Quaest. LXXXV. Artic. IV.*

proprie sacrificia dicuntur illi actus, qui non habent aliunde laudem, nisi quod fiunt propter divinam reverentiam, quod quidem solius est religionis. Cum quo tamen stat, quod sacrificia adhuc dicantur magis proprie, quando scilicet circa res oblatas aliquid fit, ut cum animal occiditur, panis frangitur, &c. ad differentiam oblationis, quæ est cum aliquid simpliciter Deo offertur: unde & primitiæ oblationes sunt, quia Deo offerebantur; non sic decimæ. Tum insuper, quod principale sacrificium illud sit, quo offertur Deo interiori sacrificio per devotionem bonum animæ, ad quod sequitur illud quo offertur bonum corporis per martyrium, & abstinenciam. Tertium denique sit illud quo offeruntur bona exteriora, vel quando immediatè Deo offeruntur, vel quando communiceantur proximo propter Deum.

ART. 4. *Utrum omnes teneantur ad sacrificia offerenda. R. Affirmativè,* loquendo scilicet de sacrificiis, non quidem in lege præceptis, si-
ve determinatis; sed vel interioribus, vel exterioribus in protestationem divinæ subjectionis. *Primum est,* quia cum omnes teneantur devotam Deo mentem offerre, teneantur consequenter & ad interius sacrificium; cumque exterius sacrificium, quod quidem est vel quando offertur aliquid in protestationem divinæ subjectionis, quod ex hoc solum laudem habet, vel quando exteriores actus aliarum virtutum, de quibus aliqui sunt qui cadunt sub præcepto, in divinam reverentiam assumuntur, sit de dictamine rationis naturalis, dictantis scilicet, ut ei quod est supra se subjectionem &

Quest. LXXXVI. Artic. I. 399

honorem exhibeat homo secundum modum suum, & consequenter sensibilibus signis; ideo & ad exterius tenentur similiter omnes, & quidem licet non omnes sciant explicitè virtutem sacrificiorum, aut non omnes sint Sacerdotes, cum ex præfato dictamine, quod superioribus inferiora subdebent, adhuc implicitè sciant, sicut & implicitè fidem habent; nec Sacerdotum sit specialiter offerre sacrificia, nisi ea quæ specialiter ordinantur ad cultum divinum. *Secundum est*, quia cum ex Apostolo quæcumque lex loquitur, his qui sunt in lege loquatur, ideo qui olim erant sub lege veteri tenebantur ad determinata sacrificia juxta legis præcepta, non autem alii, qui proinde solum tenebantur ad quid exterius faciendum in honorem divinum, secundum condecensiam ad eos, inter quos habitabant.

IN QVÆSTIONEM LXXXVI.

De oblationibus & primitiis.

Vtrum homines teneantur ad oblationes ex necessitate præcepti. *R. Affirmativè*, non quòd oblationes, quæ sacrificia non sunt, petant de se cadere sub præcepto; sed ita quod possit ex quibusdam causis contingere, quod ad eas ex præcepto teneantur. *Ratio utriusque partis est*, quia etsi de ratione hujusmodi oblationis sit, quod voluntariè offeratur, juxta illud, Ab homine qui offert ultroneus accipietis eam; & ideo de se non cadat sub præcepto, quadruplici nihilominus ratione potest cōtingere, quod aliquis teneatur ad oblationes. 1. ex præcedenti conventionem, ut cum datur fundus, ut certo tempore offerat aliquid. 2. propter præcedentem deputationem, seu promissio-

Rom. 7.

ARTI-
CVLVS
PRI-
MVS.

Exod. 35.

nem, ut ex donatione, vel testamento, in quo casu currit obligatio, & antequam fiant, & postquam factæ sunt. 3. propter Ecclesiæ necessitatem. 4. propter consuetudinem, ut ait Greg. unde & qui non reddunt in lege nova oblationes debitas, non quidem causâ solennitatum legalium, sed præfatis de causis, puniri possunt per subtractionem Sacramentorum; non tamen per ipsum Sacerdotem, sed per superiorem aliquem.

De consec. dist. 1.
c. omnis
Christia-
nus, &c.

ART. 2. *Vtrum solis Sacerdotibus debeantur oblationes. R. Affirmative*, non quod non possint & religiosi, & pauperes oblationes recipere; sed ita quod propriè dictas oblationes non recipiant ex debito, nisi vel Sacerdotes, vel Sacerdotum vicem gerentes. *Primum est*, quia cum Sacerdos, seu vicem gerens Sacerdotis, constitutus sit quodammodo sequester & medius inter populum, adeo ut dogmata & Sacramenta debeat populo exhibere ex parte Dei; sic & quæ sunt populi, scilicet preces, sacrificia, & oblationes, per eum debent Domino exhiberi; ita quod quæ à quolibet dantur pauperibus, non sint oblationes propriè dictæ, utpote quæ in usum pauperum cedunt, non per offerentium dispensationem, sed Sacerdotum, ex quorû etiam dispensatione possunt in usum laïcorum cedere oblationes, non quidem consecratæ, sicut vasa & vestimenta sacra, quod prohibet Damasus Papa; sed quæ consecratæ non sunt, & hæc vel per modum donationis, vel venditionis, &c. *Secundum est*, quia debentur Sacerdotibus oblationes, non solum ut in proprium usum convertant, sed ut fideliter dispensent, & quidem nedum ad ea quæ pertinent ad cultum divi-

10. q. 1. c.
hanc co-
suetudi-
nem,

Quaest. LXXXVI. Artic. III. 403

num, aut proprium victum, sed partim etiā in usus pauperum, in quorum quidem usum Dominus loculos habebat, ut ait Hieron. In Matt. cap. 7. unde & eas ut pauperes possunt religiosi ex dispensatione Sacerdotum recipere, sed insuper si sint ministri Altaris, vel etiam ut Ecclesiæ Rectores, si parochiæ sint eorum.

Utrum homo possit oblationes facere de omnibus rebus licitè possessis. R. Affirmativè, in hoc scilicet sensu, quod de quolibet licitè possessio, quantum est de se, possit oblatio fieri, sed tamen de aliquo per accidens fieri non possit. *Primum est,* quia etsi in lege veteri, in qua figuræ serviebatur, quædam propter significationem reputarentur immunda, quæ offerre non licebat; at in lege nova omnis creatura Dei reputatur munda, ex Scriptura: & ideò quantum est de se, de quovis licitè possessio potest oblatio fieri, ad differentiam iniquè possessi, ejus oblatio est maculata, ex Scriptura, propterea quod tanta vis est justitiæ, ait Aug. ut & tibi displiceret, si pro te judicaret iudex, cui de s, oliis ejus dares, quem deprædareris invalidum. *Secundum est,* quia potest per accidens contingere, quod oblatio quæ fieret de licitè possessio, vergat in detrimentum alterius, ut si filius Deo offerat id unde debet patrem nutrire, quod Dominus improbat; vel propter scandalum, qua de causa etiam in lege nova prohibetur oblatio de mercede prostibuli, ne videatur Ecclesia peccato favere; vel etiam propter contemptum, ex quo quidem illicita erat oblatio animalis cæci, & claudi, sicut & ratione ejus ad quod offerebatur, necnon & ex voto præcedenti, ex quo obligabatur homo ad in-

ART. 3.

Ad Titum 1.

Ecclesi. 10.
Serm. 35.

Matth.

tegrum : quæ quidem causæ manent etiam in nova lege, quibus propterea cessantibus, non est huiusmodi oblatio illicita; & ita de omnibus offerre licebit, etiam de animalibus immundis, ut erat canis, ob significationem rapacitatis, utpote quorum prohibio cessat in nova lege, ut dictum est.

ART. 4. *Vtrum ad primitias solvendas homines teneantur. R. Affirmative, & quidem ex jure naturali, quantum ad hoc quod ex rebus à Deo datis aliquid ad ejus honorem exhibeamus; sed ex jure solum divino, vel ex determinatione Ecclesiæ, quantum ad primitias, vel quantitatem. Primum est, quia ad jus pertinet naturale, ut homo aliquid Deo ad ejus honorem exhibeat de bonis sibi à Deo concessis, cum ex hac causa olim in recognitionem beneficii offerretur, quasi homo profiteretur, se fructus terræ à Deo accepisse, propter quod & offerebantur cum quadam professione, & erant quoddam oblationis genus. Vnde cessarunt quidem ceremonialia, quia erant in signum futuri; non tamen oblatio primitiarum, saltem in communi, utpote quæ fuit in signum præteriti beneficii, quæ quidem recompensatio est secundum dictamen naturalis rationis; nec solum oblatae fuere propter beneficium fructuum terræ Promissionis, sed simpliciter propter beneficium terræ fructuum à Deo datorum. Secundum est, quia etsi Deo debeamus exhibere id quod est præcipuum, ejusmodi sunt primitiæ; quia tamen dantur per modum oblationis, de cujus ratione est quod sit voluntaria, ideò determinatio quantitatis, & quod de primis fructibus fiant, non nisi de jure divino erant statuta*

Quaest. LXXXVII. Artic. I. 403

in veteri Testamento, sicut & in novo ex determinatione Ecclesiae, ex qua quidem homines tenentur primitias solvere secundum consuetudinem patriae, & indigentiam ministrorum Ecclesiae.

IN QVÆSTIONEM LXXXVII.

De decimis.

Vtrum homines teneantur dare decimas ART.
ex necessitate precepti. *R.* Affirmativè, CULVS
& quidem quantum ad aliquid de jure naturali; non nisi tamen ex institutione Ec- P R
clesiae quantum ad aliud quid. *Primum est,* M V S
quia dicitur naturalis ratio, ut iis, qui divino cultui ad salutem totius populi ministrant, victus necessarius debeat a populo, juxta illud Apost. Quis militat suis stipendiis? & illud Christi, Dignus est operarius mercede sua: quod quidem etiam patet in militibus & Principibus. Vnde & ante tempus veteris legis, etsi non esset determinatum quid daretur, eo quod nondum determinati erant ministri divini cultus; ubi tamen aliquis occurrebat, unusquisque dabat ei quod sibi videbatur, quo modo Abraham & Jacob dederunt decimas. Cum quo tamen stat, non habere locum in nova lege decimas illas, quæ conservabantur ad sacrificia offerenda; benè tamen illas, quas cum pauperibus comedere debebant, quæ quidem etiam augentur, cum Dominus non solum partem decimam, sed etiam omnia superflua jubeat pauperibus exhiberi: esto quod rationabiliter decimas non requirant ministri Ecclesiae, ubi sine scandalo requiri non possunt, ut propter dissuetudinem, vel aliam causam; nec peccent in hoc casu qui non solvunt, nisi fortè propter obstinatio-

1. Chor. 9.
Matt. 10.

nem animi, si nimirum parati essent non solvere, etiam dū peterentur. *Secundum est*, quia quantum ad hoc quod dari debeat pars decima potius quàm alia, sicut in lege veteri non nisi ex institutione divina judicialiter præceptum erat, (esto quod etiam ceremoniale fuerit, non quidem per se primò, aliàs non posset nunc observari, sed ex consequenti, eo quòd omnia illis in figura contingerent,) utpote quatenus ad æqualitatem servandam conveniens fuit, ut tribus Levitica, quæ erat mancipata cultui divino, & possessiones non habebat, ita reciperet ab aliis tribubus necessaria ad victum, ut honorabilius viveret: sic & in lege nova, quavis debeat populus superare Iudæorum iustitiam, & majoris sint dignitatis Ministri novi Testamenti; tamen Ecclesia quasi humanitate quadam instruit, ut non minus fidelis populus daret suis Ministris: ita tamen, quod pensatis & temporibus, & personis posset aliam partem solvendam determinare.

- ART. 2.** *Utrum de omnibus teneantur homines decimas dare. R. Affirmativè*, ita quod etiam ad personales decimas teneantur in nova lege, non tamen in veteri, sicut neque in nova de minutis, seu minutoribus rebus. *Primum est*, quia cum radix solutionis decimarum sit debitum, quo spiritualia seminantibus debentur carnalia, ut Paulus docet; & omnia quæ homo possidet, sub carnalibus contineantur; ideo & de omnibus possessis, nisi fortè per rapinam præter culpam ablata sint, sunt decimæ solvendæ, ut etiam dicitur Gen. 28. adeò ut & de malè acquisitis, non quidem quando acquisitio est injusta, sed

Quest. LXXXVII. Art. III. 405

quando est ex causa turpi, ut accidit in meretricibus, debeantur decimæ; quanvis non debeat Ecclesia eas recipere quandiu personæ, quæ sic lucrantur, sunt in peccato: & quando venditur triticum non decimatum, possit Ecclesia exigere vel ab emptore, qui habet rem Ecclesiæ obligatam, vel ab ipso venditore, qui sic Ecclesiam defraudavit: & debeant decimæ solvi ex integris fructibus ante omnia, seu antequam solvantur tributa, &c. cum debeantur de illis decimæ, in quantum ex divino proveniunt munere; & ideo cadere non debeant sub tributo, nec esse mercedi operariorum obnoxia. *Secundum est*, quia cum modò multi non vivant ex possessionibus terræ, benè quidem in lege veteri; & Ministris novæ legis interdicitur ne se ingerant negotiis lucrativis, ideo nunc tenentur homines ad decimas personales, seu de negotiis & artificiiis persolvendas secundum consuetudinem patriæ, & indigentiam Ministrorum; non autem in lege veteri, quæ etiam nec determinavit ut de minutis rebus darentur decimæ, sed reliquit hoc arbitrio, eo quòd minima pro nihilo reputentur, nec honestati Ministrorum Ecclesiæ conveniens sit, ut minima requirant.

Utrum decima sint Clericis danda. R. Affirmativè, in hoc scilicet sensu, quod soli Clerici jus habeant decimas accipiendi, sed tamè res acceptæ possint etiam in usum cedere laïcorum. *Primum est*, quia cum huiusmodi jus spirituale sit, & consequatur debitum, quo ministris Altaris debeantur sumptus de ministerio, & seminantibus spiritualia debeantur carnalia; ideo & hoc est

ART. 3.

406 *Quest. LXXXVII. Artic. IV.*

Clericorum curam animarum habentium, etiam aliunde habentium unde vivant, cum non propterea superflua sint, sicut nec oblationes, nec primitiæ, eo quod non tantum propter sustentationem dentur, sed etiam ut ex eis subveniatur pauperibus. Ita tamen quod decimæ prædiales potius debeantur Ecclesiæ in cuius territorio sunt prædia; personales verò illi, in cuius Parochia aliquis est: Pastor autem, qui in duabus Parochiis diversis temporibus oves pascit, utrique proportionaliter debeat, sed magis illi in cuius territorio pascit, quam in cuius territorio ovile locatur. *Secundum est*, quia cum res quæ nomine decimæ dantur, corporales sint, ideo & potest Ecclesia concedere laïco, ut dandas decimas recipiat (jure tamen sibi reservato) sive pro necessitate Ecclesiæ, sicuti quibusdam militibus dantur in feudum; sive in subventionem pauperum.

ART. 4. *Verum etiam Clerici teneantur decimas dare.* *By. Negativè*, si tamen sermo sit de Clericis, non quidem ut propria possident prædia, sed prout Clerici sunt, seu Ecclesiasticas habentes possessiones. *Primum est*, quia cum idem non possit esse causa dandi & recipiendi, nisi respectu diversorum, & Clericis ut ministris Altaris debeantur decimæ à fidelibus, ad differentiam pauperum, in quorum quidem subventionem cedunt decimæ, sed per dispensationem Clericorum; non possunt consequenter in quantum Clerici, seu quantum ad prædia Ecclesiæ ad decimas teneri, etiamsi sint intra alterius Parochiæ terminos; si tamen curam habeant animarum, ad differentiam Religiosorum,

Quest. LXXXVIII. Artic. I. 407

qui quidem ubi talem non habent curam, tenentur de jure communi decimas dare, esto quod habeant aliunde à Sede Apostolicas immunitates quasdam. Cum quo tamen stat, quod sicut olim Levitæ Sacerdotibus, sic & Clerici teneantur ad decimas Summo Pontifici, si exigeret, utpote cui cum curam habeat de communi multitudinis statu, naturale est provideri de communibus bonis, ut possit ipse communi providere salutis. *Secundum est*, quia cum aliud sit habere aliquid ut proprium, & aliud ut commune, ideo Clerici de propriis prædiis, quæ scilicet possident ex successione parentum, vel quocumque hujusmodi modo, tenentur solvere decimas Parochiali Ecclesiæ, sicut & alii, etiam si ipsi sint ejusdem Ecclesiæ Clerici.

IN QVÆSTIONEM LXXXVIII.

De voto, per quod aliquid Deo promittitur.

V*trum votum consistat in proposito voluntatis. R. Negativè, non quod non præ-* **ARTI-
CVLVS
PRI-
MVS.**
exigatur voluntatis propositum, sed ita quod in promissione perficiatur ratio voti. Ratio utriusque partis est, quia cum votum quandam importet obligationem ad aliquid faciendum vel dimittendum, & obliget se homo ad aliquid per modum promissionis, quæ quidem est rationis actus, ad quam pertinet ordinare, utpote qui promittendo ordinat quid ipse pro alio facere debeat, sicut & imperando aut deprecando, quid sibi ab aliis fieri debeat; ideo movet quidem voluntas rationem ad promittendum aliquid circa ea quæ ejus voluntati subduntur, & pro tanto votum à voluntate accipit, quasi à primo movente; adeò ut ad

votum præexigatur & propositum, & prævia aliqua deliberatio, cum sit actus voluntatis deliberatæ: non nisi tamen in promissione rationis perficitur ratio voti, sicut nec firmatur conceptio boni propositi ex animi deliberatione, nisi sequatur promissio. Vnde nec dicitur manum mittere ad aratrum ex solo proposito, cum ille jam faciat aliquid; sed qui solum proponit, nondum aliquid faciat.

ART. 2. *Vtrum votum debeat semper fieri de meliori bono. R. Affirmativè, non quòd non possit de omni actu virtutis, quantumvis saluti necessario fieri votum, sed ita quod melius bonum, sive supererogationis, propriissimè cadat sub voto. Ratio utriusque partis est, quia cum votum sit promissio Deo facta, & consequenter voluntaria, cum quidem Deo nihil sit acceptum, nisi sit virtuosum; ideo non debet esse de re illicita, nec indifferenti, sicut nec de impossibili, vel absolutè necessaria. Quia tamen necessaria solum ex fine, sine quibus salus haberi nequit, habent aliquid de voluntario in volitione finis, sicut & aliquid de necessario ex suppositione finis; ideo & ex ea parte quæ voluntaria sunt, possunt sub voto cadere, & hac ratione sub voto Baptizatorum cadit abrenuntiare pompis, &c. sicut & in voto Iacob habere Dominum in Deum; non tamen totaliter, & prout necessaria sunt: ex quo proinde fit, quod illud solum cadat totaliter, & propriissimè sub voto, quod nec sub necessitate absoluta cadit, nec sub necessitate finis, quod quidem non aliud est, quàm majus bonum in comparatione ad bonum, quod communiter est de necessitate salutis.*

Quest. LXXXVIII. Artic. III. 409

salutis. Vnde nec maceratio proprii corporis habet sub voto cadere, nisi quando est actus virtutis, & cum discretione fit, ut scilicet concupiscentia refrenetur, nec corpus nimis gravetur, ita quod in hoc superiores sint consulendi, & simpliciter servari non debeat, ubi manifestum sentitur gravamen. Nec nisi stultus fuit Iephthae in vovendo, ut ait Hieron. quia discretione caruit; & in reddendo impius, quando quidem quæ ex se bona sunt, quanvis ut sic possint sub voto cadere, ut tamen possunt malum habere eventum, non sunt observanda. Cum quo tamen stat, adhuc poni in catalogo Sanctorum, propter scilicet victoriam quam obtinuit, vel etiam quia probabile est, cum poenituisse.

Judic. 11.

Ad Hebr. 11.

Vtrum omne votum obliget ad sui observationem. R. Affirmative, ita quod maxime obligatorium sit hoc ipso quod Deo factum; sed tamen juxta propriam voluntatem, seu intentionem voventis. *Primum est*, quia cum ad fidelitatem hominis pertineat ut id solvat quod promissit, adeo ut secundum honestatem juris, seu rationis naturalis homo homini obligetur, esto quod ad obligationem civilem alia insuper requirantur; ideo cum maxime debeat homo Deo fidelitatem, tum ratione dominii, tum ratione suscepti beneficii, ei etiam maxime obligatur per simplicem voti promissionem, ita quod quando votum ex quacumque causa redditur impossibile, teneatur vovens voluntatem habere promptam faciendi quod potest; & ita tum qui vovit monasterium ingredi debet operam dare quantum potest, ut ibi recipiatur, quanvis si vovit Re-

ART. 3.

410 *Quaest. LXXXVIII. Artic. IV.*
ligionem, non simpliciter, sed unam princi-
paliter in particulari, si ibi recipiatur, non
propterea teneatur ad aliam. Tum etiam
puella quæ vovit virginitatem, & postea
corrumpitur, non solum debet servare quod
potest, perpetuam scilicet continentiam, sed
etiam pœnitere de eo, quod peccando ami-
sit. *Secundum est*, quia cum ligatio voti ex
propria causetur voluntate; ideo si vovens
intendit se obligare ad statim solvendum,
statim quidem tenetur; secus si retro tem-
pore, aut certa conditione.

- ART. 4.** *Verum expediat aliquid vovere. R. Affir-
mative*, ita quod votum ad nostram con-
ducatur, & expediat utilitatem, nec ex immi-
nente periculo propterea ruinosum sit. *Pri-
mum est*, quia cum aliter homini promitta-
mus, adeo ut homini promittatur in ejus
utilitatem, ut scilicet aliquid ei exhibea-
mus, & cum de futura exhibitione certifi-
cemus; Deo autem, qui ut ait Aug. beni-
gnus exactor est, non crescens ex redditis,
sed in se crescere faciens redditores, ne-
quaquam in ejus utilitatem promittamus,
nec indigeat certificari à nobis; ideo sit
quod sicut id quod Deo damus, non sit ei
utile, sed nobis quatenus additur reddenti
quod ei redditur; sic & in nostram refunda-
tur utilitatem quod ei voveamus, utpote
quod non vovemus ad Deum certificandum,
sed ad nostram potius firmandam volunta-
tem ad illud quod expedit facere. Vnde &
Apostoli intelliguntur vovisse, pertinentia
scilicet ad statum perfectionis, quando re-
lictis omnibus Christum sunt sequuti, esto
quod Christus ipse propter firmatam vo-
luntatem in bono non voverit: nec necessi-

Quæst. LXXXVIII. Artic. V. 411

tas voti, seu firmatæ voluntatis in bono minuit propterea libertatem, sicut nec minuit in Deo libertatem non posse peccare. *Secundum est*, quia licet ruinosum potius sit quàm expediens, quando imminens periculum ex ipso facto nascitur, putà quod quis per pontem ruinosum transeat fluvium; non tamen quando ex eo imminet quod deficit homo ab illo facto, quo modo imminet voventi, dum scilicet ex culpa sua voluntatem mutat transgrediendo; aliàs ab omnibus oporteret cessare bonis, quæ etiam per accidens possunt esse periculosa.

Vtrum votum sit actus latria, sive religionis. R. Affirmativè, ita quidem, quod ratione promissionis Deo factæ, quæ est essentia voti, ad religionem pertineat; non tamen semper ratione rei promissæ, quæ est voti materia. *Ratio utriusque partis est*, quia cùm votum sit ordinatio quædam eorum, quæ quis vovit in divinum cultum, & obsequiũ, cùm sit promissio facta Deo, quæ quidem ordinatio quædam est, ut diximus; & ordinare aliquid ad divinam reverentiam, seu cultum ad religionem pertineat, sive latriam, per modum scilicet imperii; ideò materia quæ cadit sub voto est quidem quandoque actus alterius virtutis, ut jejunare, sicut & quandoque religionis, ut orare; utrorumque tamen promissio ad ipsam spectat religionem, ex qua quidem qui promittit, in quantum se obligat ad dandum, jam quodam modo dat, & religiosè offert, cùm effectus virtute contineatur in causa. Vnde non nisi materialiter cadit sub voto promissio quæ fit hominibus, in quantum scilicet homo Deo vovet, se impletu-

Art. 5.

**Art. 1.
& 2.**

rum quod Sanctis, vel Prælati promittit.

- ART. 6.** *Vtrum magis sit laudabile & meritorium facere aliquid ex voto, quàm sine voto.*
Re. Affirmative, & quidem nedum, quia tunc facit actum latriæ, quæ inter virtutes morales est præcipua; sed & quia se magis tunc Deo subicit, & magis firmatur in bono. *Primum est*, quia cum actus inferioris virtutis melior sit ex hoc, quod à superiori imperatur virtute, cujus quidem actus sit per imperium, sicut & melior est actus fidei & spei, si à charitate imperetur; ideo & actus aliarum virtutum moralium, si fiant ex voto, seu latria, in quo casu jam pertinent ad divinum cultum, quasi quædam Dei sacrificia, magis etiam sunt meritorii. *Secundum est*, quia cum vovens se Deo subiciat, non solum quantum ad actum, sed etiam quantum ad potestatem quæ ligatur; & insuper per votum firmetur voluntas immobiliter in bono, etiam in futurum, ad differentiam illius, qui facit sine voto, qui quidem non habet immobilem voluntatem, nisi quando actu facit; ideo & insuper ex hoc duplici capite fiunt actus ex voto meliores. Vnde & illud Prosperi, quod non debemus nos necessitati subdere jejunandi; & illud Philof. quod scilicet necessitas contristans est, non de alia intelliguntur necessitate, quàm coactionis, quæ involuntarium causat, atque devotionem excludit, non autem de necessitate voti, quæ potius & devotionem auget, cum sit per voluntatis immobilitatem, seu firmitatem, quæ quidem est de perfectione virtutis, ut dicitur, sicut & peccare mente obstinata, peccatum facit gravius; & insuper gaudium causat in bene

lib. 2. de
vita cō
templ. c.
24.
In 5. Me-
taph.
text. 6.

5. Ethic.

Quaest. LXXXVIII. Art. VII. 4^{ta}
dispositis, juxta illud Aug. Non te vovisse
pœniteat; imò jam gaude, tibi non licere,
quod cum detrimento licuisset; felix ne-
cessitas, quæ te ad meliora compellit.

Utrum votum solennizetur per susceptionem sacri Ordinis, & per professionem ad certam regulam. R. Affirmative, non quòd non possint alia vota quandam habere solennitatem; sed ita quòd solennitatem non habeant spiritualement & divinam, nisi quæ sunt præfato modo. *Primum est,* tum quia solennitas, quæ rei unicuique adhibetur, secundum rei conditionem attenditur in voto, quòd est promissio Deo facta secundum aliquid spirituale ad Deum pertinens, idest secundum aliquam spiritualem benedictionem, vel consecrationem, quæ quidem non nisi in professione certæ regulæ secundo gradu post Ordinis susceptionem adhibetur ex institutione Apostolorum, ut ait Dionys. tum quia non consuevit adhiberi solennitas pro aliquo particulari opere, sed solum quando totaliter quis mancipatur alicui statui; sicut nec nuptialis solennitas adhibetur nisi in ipsa celebratione Matrimonii: quæ quidem mancipatio non fit nisi vel per susceptionem sacri Ordinis, vel in professione certæ regulæ, cum per abrenuntiationem sæculi, & propriæ voluntatis assumit aliquis statum perfectionis. *Secundum est,* quia quanvis aliud sit votum esse publicum, & aliud solenne, si nimirum deficiat in publico præfata spiritualis solennitas; ex hoc tamen quòd fiunt in publico, possunt quandam habere solennitatem humanam; ita tamen quòd non tantam habeant apud Deum vim obligandi, quam so-

ART. 7.

2. cap.
Ecclesi.
Hier.

414 *Quest. LXXXVIII. Art. VIII.*

lenne, non quòd non peccet mortaliter utrorumque transgressor, in quo quidem conveniunt in obligando; sed quia solennitas non solum pertinet ad hominem, sed etiam ad Deum, ut habet aliquam spiritua- lem benedictionem, seu consecrationem, cujus quidem Deus est author, quantumvis homo sit minister.

ART. 8. *Verum illi, qui sunt alterius potestati sub-
jecti impediuntur à votendo. R. Affirmativè,*
ita quod in his, in quibus subjiciuntur, non
possint absque consensu superioris se voto
obligare, quanvis non propterea peccent
votendo. *Primum est,* tum quia nemo po-
test per promissionem se firmiter obligare
ad id quod est in potestate alterius, sed ad
id tantum, quod est omninò in sua potesta-
te, nec consequenter subjectus alteri, quan-
tum ad id in quo subjectus, in quo quidem
non potest facere quod vult, sed dependet
ex voluntate alterius; tum quia ratio vo-
ti, quæ scilicet est ut sit de aliquo virtuo-
so, non potest servari quando quis vovet
quod est in potestate alterius, cum sit con-
tra virtutē. Vnde licet Religiosus possit ad
horam aliquid facere, cum non occupatur
à Prælato; nihilominus quia nullum est
tempus exceptum, in quo non possit à Præ-
lato occupari, nullum propterea illius vo-
tum firmum est, nisi de consensu Prælati,
sicuti nec puellæ sine consensu patris, &
mulieris sine consensu viri: ita tamen quod
cum filius venerit ad annos pubertatis, si
sit liberæ conditionis, quia est suæ potesta-
tis, ad differentiam servi, quantum ad ea,
quæ pertinent ad suam personam; ideò de
ea possit votare, esto quod non possit sine

Quæst. LXXXVIII. Art. IX. & X. 419.

consensu patris, quantum ad ea quæ spectant ad dispensationem domesticam. *Secundum est*, quia cum in huiusmodi subditorum votis semper intelligatur conditio, si superioribus placuerit, ideo fit quod quanvis non sint firma, non tamen peccent voventes.

Utrum pueri possint voto se obligare ad religionis ingressum. R. Affirmativè, in hoc tamen sensu, quod si tunc rationis usum attigerit, possit quidem quantum in ipso est, & voto simplici, non solenni se obligare; sed tamen irritabili per parentes. *Ratio utriusque partis est*, quia cum deliberatio animi, ex qua quidem votum simplex obligationem habet, impediri possit vel propter defectum rationis, ut in amentibus, vel quia qui vovet est sub alterius potestate; ideo fit, quod si in pueris acceleretur quandoque rationis usus, ut fit quando reperiuntur doli capaces, non possint quidem se astringere voto non irritabili, cum non propterea eximantur à cura parentum, quæ subiacet legi humanæ respicienti id quod frequentius accidit; bene tamen quantum est ex parte illorum licito & obligatorio, si adsit præfata deliberatio, utpote cum vota eorum, qui sunt in potestate aliorum, hanc habeant conditionem implicitam, scilicet si non revocentur, adeò ut si conditio extet, valida reddantur & licita: cum quo tamen stat se voto solenni obligare posse, etiam quanvis sint doli capaces, propter scilicet statutum Ecclesiæ, sub cuius dispensatione cadit solennizatio voti.

Utrum possit in voto dispensari. R. Affirmativè, non quidem per hoc quod dispensetur in præcepto iuris, sive naturalis, sive divini

ART. 9.

ART.
10.

416 *Quaest. LXXXVIII. Artic. XI.*
 de voto servando; sed per hoc, quod deter-
 minetur, non amplius contineri sub mate-
 ria voti, quod antea continebatur. *Ratio*
utriusque partis est, quia licet votum obli-
 get secundum se, quia tamen in casu legiti-
 mo accedit ipsum non esse observandum, si-
 cut & in legibus quandoque accedit, vel
 quia est simpliciter malum in tali casu, aut
 certè inutile, aut majoris boni impeditivum,
 in quo quidem casu non amplius cadit sub
 materia voti; idè fit, quod cum dicatur
 dispensatio, si tunc determinetur non esse
 servandum, sicut & commutatio, si aliud
 imponatur servandum, quod fiat consequen-
 ter dispensatio, non quidem dispensando in
 jure humano, vel divino, sed solum deter-
 minando talem materiam in hoc casu non
 cadere sub voto, adeo ut id quod erat lex,
 aut votum, non amplius tale sit in hoc ca-
 su. Vnde non propterea facit dispensatio
 contra fidelitatem Deo debitam, utpote ad
 quam non pertinet, ut id faciat homo, quod
 ad vovendum est malum, vel inutile: cum
 quo tamen stat, quod ubi consecratio in-
 tervenit, nec etiam commutatio fieri possit
 in voto; & ideo nec olim commutari po-
 terat animal, quod poterat immolari, ut
 Lev. 17. scriptum est, utpote reputatum sanctum ex
 hoc ipso, quod vovebatur; sicut & modò
 accedit in vovente rem consecratam, ut
 Calicem.

ART. 11. *Vtrum in voto solenni continentia possit
 fieri dispensatio. R. Negativè*, si nimirum
 solennizatum sit, non quidem solum per
 susceptionem Ordinis sacri, sed per profes-
 sionem Religionis. *Ratio utriusque partis est*,
 quia cum per votum religionis homo Deo

Quest. LXXXVIII. Art. XI. 417

consecratur, & quod semel est Deo consecratum, non possit in alios commutari usus, ut etiam scriptum est, sicuti non potest facere Pontifex, ut Calix consecratus non sit consecratus, si maneat integer; ideo multò minùs fieri potest etiam autoritate Pontificis, ut homo Deo consecratus, qualis quidem est ex voto solenni Religionis, consecratus non sit quandiu vivit, sive Religiosus; proindeque cum continentia debitum sit annexum statui Religionis, non quidem solùm ex statuto Ecclesiæ, sicut annexum est Ordini sacro, sed etiam essentialiter, utpote cum per hunc statum totaliter renunciaret homo sæculo, & Dei servitio mancipetur, quod non potest simul stare cum Matrimonio, in quo scilicet incumbit necessitas procurandæ uxoris, proli & familiæ, consequenter sit, posse quidem per Ecclesiæ Pontificem dispensari in voto solennizato susceptione Ordinis sacri, non tamen solennizato professione Religionis; adeò ut non sint Religiosi revocandi ad vitam humanam occasione cujuscunque eventus: nec enim periculis rerum humanarum est aliter obviandum quàm per humana, non autem per hoc quod res divinæ in usum convertantur humanum. Vnde nec Religiosus, qui sit Episcopus, absolvitur propterea à voto paupertatis, cum nihil debeat habere quasi proprium; sicuti nec à voto obedientia, licet per accidens, ex defectu scilicet Superioris, obedire non teneatur. Cum quo tamen stat, quod votum abstinentiæ cibi possit recipere dispensationem, hac scilicet ratione, quia potest directè vergere in periculum personæ, ad

Levit.
ult.

418 *Quaest. LXXXVIII. Art. XII.*

differentiam abstinētiæ coitus , quæ non nisi per accidens contra personam vergere potest , & cui insuper potest aliter subveniri, putà per abstinētiā , vel alia corporalia remedia.

ART.
12.

Vtrum ad commutationem , vel dispensationem voti requiratur Prælati auctoritas.
R. *Affirmativè* , non ex eo quidem , quod in voto quolibet includatur auctoritas Prælati ; sed quia ad Prælatum spectat adjudicare , quid sit magis Deo acceptum. *Primum est*, quia quod aliquid sit acceptum in aliqua promissione, cum pendeat ex arbitrio illius cui promittitur ; & votum sit promissio Deo facta , geratque Prælati Ecclesiæ vicem Dei ; ideò & requiritur in commutatione, aut dispensatione voti auctoritas Prælati, qui in persona Dei determinet quid sit Deo acceptum , juxta illud Apostoli: Nam & ego quod donavi , si quid donavi, propter vos in persona Christi. Vnde quia summus Pontifex gerit plenariè vicem Christi in tota Ecclesia, habet etiam plenitudinem dispensandi in omnibus dispensabilibus votis , non autem Prælati inferiores, quibus propterea solum committitur dispensatio votorum, quæ frequenter fiunt , & frequenti indigent dispensatione. Cum quo tamen stat , quod in manifestis dispensatio Prælati sine causa non excusaret à culpa, ut si dispensaret cum aliquo super voto de ingressu religionis, nulla apparente causa , esto quod ubi apparens esset causa, per quam in dubium verteretur, posset tunc stare iudicio Prælati commutantis, vel dispensantis ; non autem iudicio proprio , cum ipse non gerat vicem Dei. Se-

Quest. LXXXIX. Artic. I. 419

cundum est, quia cum potestas Prælati spiritalis, qui quidem non est Dominus, sed dispensator, in ædificationem sit data, & non in destructionem, ut scriptum est; ideo sicut non potest imperare quæ secundum se Deo displicent, scilicet peccata; ita nec potest prohibere quæ secundum se Deo placent, putà virtutis opera, proindeque & potest homo absolute ea vovere, etiam introitum religionis, quo absolvitur ab aliis votis, utpote quæ sunt quorundam particularium operum, quæ quidem includuntur in universali religionis voto, quo scilicet homo totam vitam suam Dei obsequio deputat.

1. ad
Cor. 10.

IN QVÆSTIONEM LXXXIX.

De iuramento.

V*trum iurare sit testem Deum invocare.* **ARTI-**
R. *Affirmativè*, non quidem testimo- **CVLVS**
nio Dei utendo, prout jam dato, sed testi- **PRI-**
monium Dei implorando ut exhibendum. **MVS.**
Primum est, quia cum iuramentum, ut ait Paulus, ordinetur ad veritatis confirmatio- **Hebr. 6.**
nem, & hæc in scibilibus quidem ratione fiat, quatenus procedente ex naturaliter notis; sed cum facta humana contingentia & singularia, utpote non habentia rationem necessariam, soleant probari per testes, nec sufficiens sit humanum testimonium, tum quia plurimi labuntur in mendacium, tum propter defectum cognitionis, quandoquidem nec cognoscit homo futura, nec cordium abscondita; ideo necessarium fuit testimonium Dei implorare exhibendum, quæ scilicet mentiri non potest, & omnia cognoscit: in quo quidem reddit quis iuramenta Deo, ut dicitur, quatenus Deum te- **Matth.**

stem vocans, recognoscit eum habere omnium cognitionem, & infallibilem veritatem. Vnde quia dupliciter aliquid Deus manifestat, tum revelando, inspirando, vel manifestando occulta; tum etiam puniendo mendacem, & sic etiam est iudex; ideo & duplex est modus iurandi, & per simplicem Dei contestationem, qui iterum duplex est, vel assertorius, si de presenti; vel promissorius, si de futuro; & per execrationem, cum iudex ad poenam se obligat. *Secundum est*, quia testimonio Dei utimur prout jam dato, quoties autoritatē sacre Scripturæ inducimus, in quo tamē non est iuramentū.

ART. 2. *Vtrum sit licitum iurare. R. Affirmativè;* non quòd non possit iuramentum alicui per accidens cedere in malum; sed ita quod secundum se sit honestum, & licitum. *Primum est*, quia cum introductum sit ex fide, qua scilicet homines credunt Deum habere infallibilem veritatem, & omnium cognitionem; & finis ejus sit ad homines justificandos, & terminandas controversias; ideo & ex origine, & ex fine est licitum secundum se. Vnde nec malum facit qui benè utitur iuratione, ut scilicet persuadeat quod utiliter persuadet; sed à malo est illius, cujus infirmitate quis cogitur iurare, ut ait Aug. neque tentat Deum qui jurat, cum non sic imploret divinum testimonium absque utilitate, & necessitate. Vnde illud, *Non iurare omnino*, de quo Matth. 5. ideo solum dicitur, ne iurando ad facilitatem iurandi perveniatur, & ex facilitate ad consuetudinem, & à consuetudine in perjurium deveniatur. *Secundum est*, quia cum sit contra reverentiam Dei, si in eo levi vocetur testis, tum

Lib. 7. de
serm.
Dom.
cap. 30.

Aug. lib.
de mendacio,
cap. 15.

Quæst. LXXXIX. Art. III. & IV. 421

etiam propter periculum perjurii ; ideo & cedere potest juramentum in malum alicui, si malè eo utatur , putà sine necessitate , & debita cautela ; unde & scriptum est ; *Iuratori non assuescat os tuum.* Eccl. 13.

Vtrum convenienter ponantur tres comites juramenti, videlicet iustitia, iudicium, & veritas. R. Affirmativè ; si tamen sumatur iustitia non pro executione iustitiæ , sed pro iudicio discretionis ; sicut nec veritas prout pars est iustitiæ , sed pro conditione loquutionis. *Ratio utriusque partis est ;* quia cum juramentum non sit bonum nisi ei, qui benè utitur juramento ; & ad hoc requiratur primò, ut ex necessaria causa, & discretè juret, & sic ponitur iudicium discretionis ex parte jurantis ; in quo quidem subintelliguntur devotio , fides , & huiusmodi, quæ exiguntur ad debitum modum iurandi : deinde ut id quod confirmatur , falsum non sit, neque illicitum , & sic requiritur veritas, & iustitia ; ideo & hæc tria convenienter ponuntur comites juramenti, non quòd non requirantur ad alios humanos actus, sed quia maximè requiruntur in juramento, propter ejus periculum, ratione scilicet magnitudinis divini testimonii ex una parte, & labilitatis humanæ linguæ ex altera. Ita tamen quod hîc non sumitur iudicium pro executione iustitiæ , nec veritas ut pars est iustitiæ, cum sic sumpta non connumerentur tanquam diversa ; sed pro iudicio discretionis, & veritas, ut est quædam loquutionis conditio.

Vtrum iurare sit actus religionis, si vè laici. R. Affirmativè ; non quidem ratione illius, super quo inducitur juramenti testi-

ART. 3.

ART. 4.

422 *Quaest. LXXXIX. Artic. V.*
 monium ; sed ratione testimonii , quod inducitur. *Ratio utriusque partis est*, quia cum in hoc ipso , quod homo per Deum jurat , profiteatur Deum potio- rem, etiam quanvis ex hoc ipso intendat solum hominem certifi- care, cum nihil confirmetur, nisi per ali- quid certius & potius ; sicque Deo aliquo modo reverentiam exhibeat, offeratque ex hoc aliquid Deo , scilicet reverentiam & honorem, profitendo scilicet Deum melio- rem ; nec enim qui jurat , aliter quam per majorem jurat, ut ait Paulus, quem vel ve- neratur, vel diligit, ut Hieronymus scribit, ideo cum ad religionem pertineat Deo ex- hibere reverentiam, ejus etiam est jurame- tum ; non quidem ratione ejus quod facit necessitatem testimonium inducendi, quod est humanum quid ; sed ratione ipsius te- stimonii, quod est divinum.

Hebr. 6.
 In Matt.
 cap. 5.

ART. 5. *Vtrum juramentum sit appetendum & fre-
 quentandum tanquam utile & bonum. R. Ne-
 gative*, ita quod non sit habendum inter ea,
 quæ per se appetenda sunt, sed inter ea so-
 lum quæ intra terminos necessitatis appe-
 tuntur. *Ratio utriusque partis est*, quia cum
 id quod non queritur nisi ad subveniendū
 alicui defectui, non numeretur inter ea, quæ
 per se appetuntur, sed inter solum appeti-
 bilia , quantum necessitas exposcit , ut pa-
 ret de medicina ; & juramentum asseramus
 ad huic subveniendum defectui , quo unus
 homo discredet alteri, ideo nec frequenta-
 ri, nec appeti debet nisi juxta necessitatem,
 adeo ut licet aliquid præstare ex voto sit
 laudabilius, quam facere sine voto, non ea-
 dem tamen sit ratio de juramento ; & qui-
 dem etiam qui jurat , utatur veneratione

ejus per quem jurat, utpote cum per votum aliquid in Dei reverentiam ordinemus; & in juramento è contra reverentia divini nominis assumatur ad promissi confirmationem, nec ordinetur juramentum ad eum, per quem jurat, venerandum, in quo casu per se expeteretur, sed ad aliud confirmandum; imò quanto magis est juramentum venerandum, tanto est magis periculosum, nisi debite inducatur; quòd quidem si per simulationem falsum juraverit, dupliciter delinquit, ex Scriptura, quatenus scilicet simulata æquitas est duplex iniquitas; nec justificabitur si juraverit in vacuum, id est sine necessitate.

Ecd. 15.

Utrum liceat per creaturas jurare. R. Affirmative, non tamen principaliter, & secundum se sumptas, sed in quantum in eis divina relucet veritas in judicio. contestationis, vel ut in quibus divinum exercetur judicium in judicio execrationis. Ratio utriusque partis est, quia cum juramentum, præsertim contestationis divinæ innitatur veritati, sicut fides, & fides per se & principaliter sit de Deo, secundario autem de creaturis, in quibus veritas Dei relucet; ideo ubi juratur per simplicem contestationem, assumi possunt non principaliter, & secundum se, sed secundario aliquæ creaturæ in quantum in eis divina manifestatur veritas, quo quidem modo juratur per Evangelium, id est per Deum, cujus veritas est in Evangelio; & per Reliquias, & per Sanctos, qui scilicet hanc veritatem crediderunt; aut certe in juramento per execrationem, in quantum inducitur creatura, ut in quod divinum exercetur judicium, juxta illud

ART. 6.

1. Cor. 1. Pauli: Testem Deum invoco, &c. quo etiam modo solet homo jurare per animam, per caput, & filium suum, vel aliam rem, quam similiter diligit. Vnde nec alio modo prohibuit Dominus jurare per creaturas, nisi eo quo adhiberetur cultus latriæ, sive divina reverentia, sub qua quidem ratione
23. q. 1. c. jurans Clericus per creaturas, punitur si quis. cundum Canones.

ART. 7. *Verum juramentum habeat vim obligandi.*
R. Affirmativè, ad id scilicet, quod ut veritas impleatur, fieri debet; si tamen alii duo adsint comites, judicium scilicet, & justitia. *Primum est*, quia cum teneatur aliquis, ut faciat verum esse id quod juravit, alioquin deest veritas juramento; nec eadem sit ratio de juramento, utpote quod propter divinam reverentiam non debet adhiberi, nisi in re de qua quis certus est; ac de simplici verbo, ad cujus scilicet veritatem sufficit, ut quis id dicat, quod proponit se facturum; ideo ubi obligatio refertur ad aliquid faciendum vel dimittendum, ut refertur in juramento, non quidem assertorio, quod est de præterito, vel præsentis; sed in juramento de futuro, seu faciundo per eundemmet qui jurat, obligatur qui jurat, ad id quod, ut veritas impleatur, fieri debet; aliter tamen quam in juramento assertorio, in quo quidem obligatio est respectu actus jurandi, id est ut juretur verum, quod est, vel fuit; non super rem juramento firmatam, ut est in juramento de futuro. Vnde tollitur quidem per coactionem in juramento quod quis coactus facit, obligatio quæ obligatur homini; non tamen ea quæ obligatur Deo, sicut nec ab his absolverunt ju-

Quaest. LXXXIX. Artic. VIII. 425

ramentis Romani Pontifices, quasi decer-
nentes non esse obligatoria, utpote cum
quilibet magis debeat temporale damnum
sustinere, quam iuramentum Deo factum
violare; sed quasi huiusmodi obligationes
ex justa causa relaxantes. Ex quo etiam fit,
quod si jurans dolum adhibeat, debeat ju-
ramentum servari secundum sanum intelle-
ctum non jurantis, qui tunc dupliciter fit
reus, & quia Dei nomen in vanum sumit, &
quia proximum dolo capit; sed ejus cui ju-
ramentum praestatur, esto quod si dolum
non adhibeat, obligetur solum secundum
intentionem jurantis, ut Greg. ait. *Secundum*
est, quia excusatur ab obligatione & ubi
deest iudicium discretionis, puta si res in
ejus non esset potestate, dummodo faciat
quod in se est, ut impleat; & ubi deest ju-
stitia, quia scilicet res est per se mala, in
quo casu peccaret etiam adimplendo; aut
quia est impeditiva majoris boni, utpote
quod Spiritui sancto obicem poneret, si
impleretur.

De jure-
jur. cap.
verum,
&c.

lib. 17.
mor. c. 7.

Utrum major sit obligatio iuramenti; quam ART. 8.
voti. R. Negativè, ita quod habeat votum
majorem firmitatis causam, sed ex parte
Dei, non ex parte voventis. *Primum est*, quia
cum obligatio voti causetur ex fidelitate,
quam Deo debemus, obligatio autem iura-
menti ex reverentia; & omnis infidelitas
irreverentiam contineat, sed non omnis ir-
reverentia infidelitatem, immò infidelitas
sit maxima irreverentia; ideò votum, quod
est quidem simplex promissio, sed facta
Deo, cui infidelem esse gravissimum est, est
ex sua natura magis obligatorium, quam
iuramentum. Vnde nec additur voto jura-

426 *Quaest. LXXXIX. Art. IX.*

mentum, quasi quid firmitus, sed ut per duas res immobiles major firmitas habeatur. *Secundum est*, quia votum non aliunde habet firmitatem ex parte voventis, quam ex deliberatione animi, quæ quidem minor est eâ quæ est ex parte Dei.

ART. 9. *Vtrum aliquis possit in iuramento dispensare. R. Affirmative*, non quidem ad hoc, ut contra iuramentum aliquid fiat, sed ad hoc ut quod sub iuramento cadebat, amplius non cadat. *Ratio utriusque partis est*, quia cum possit contingere, ut quod in se, & universaliter est honestum & utile, possit secundum aliquem particularem eventum esse inhonestum & nocivum; & quod est huiusmodi, repugnet his quæ debent attendi in iuramento, quandoquidem inhonestum iustitiæ repugnat, & nocivum iudicio; ideo & potest in iuramento fieri dispensatio, non quidem ad hoc se extendens, ut contra iuramentum aliquid fiat; aliàs divino contrariaretur præcepto de iuramenti observatione, sed respiciens materiam, & declarans ut id non amplius sit debita materia iuramenti, quod antea erat. Ita tamen quod si quis sub iuramento promiserit aliquid alicui in utilitatem illius, possit absolvi à tali promissione ab eo, cui facta est promissio; secus si promiserit quod spectat vel ad honorem Dei, vel ad aliorum utilitatem, utpote cum tunc promissio non sit ei principaliter facta, sed Deo. Vnde solus Episcopus potest tunc dispensare, casu scilicet quod sit de re, de qua dubium est an sit licita & utilis; vel solus Summus Pontifex, si res sit manifestè licita, & quidem vel commutando, si occurrat quid melius; vel absolute

Quæst. LXXXIX. Artic. X. 427

relaxando, in rebus scilicet Ecclesiasticis, utpote supra quas plenitudinem habet potestatis erga suos subditos.

Utrum iuramentum impediatur per aliquam conditionem personæ. R. Affirmativè, ART. 10.

ita quod nec pueris, neque personis magnæ dignitatis conveniat jurare; sed in pueris ex defectu ad dictum iuramento confirmandum; & in aliis, quia confirmatione non egent. *Ratio utriusque partis est*, quia cum iuramento debeat maxima reverentia ex parte Dei, cujus scilicet testimonium inducitur, ideo jure excluduntur pueri ante annos pubertatis, seu perfectum rationis usum, quandoquidem ex retroactis præsumi potest quod iuramento reverentiam non exhibebunt debitam: cumque non adhibeatur, nisi in confirmationem eorum, de quorum fide dubitatur, ideo & dignitati derogat personæ jurantis, proindeque & ab eo merito excluduntur Clerici, seu Sacerdotes, non quidem per modum defectus, sicut pueri, & perjuri; sed magis per modum abundantix, quatenus scilicet majoris sunt authoritatis, quam quod eos jurare deceat. Unde nec iuramentum Angeli inducitur, Apocal. 10. propter ipsius defectum, sed ad ostendendum, ex infallibili Dei dispositione procedere illud quod dicitur, quo etiam modo Deus aliquando jurans inducitur, ad ejus scilicet ostendendam immobilitatem. Cum quo tamen stat, quod etiam Sacerdotibus in aliqua necessitate, aut magna utilitate jurare liceat; & præcipue pro spiritualibus negotiis, pro quibus etiam solennibus diebus licet jurare; esto quod id non liceat pro temporalibus, nisi ex maxima necessitate. Hebr. 6.

428 *Quest. XC. Artic. I. & II.*
IN QUESTIONEM XC.

*De assumptione divini nominis per
modum adjurationis.*

ARTI-
CVLVS
PRI-
MVS.

Vtrum liceat adjurare. R. *Affirmativè*, & quidem sive ad seipsum adstringendum, sive ad alios; quànvis non pari necessitate ad alios, nisi inferiores sint, quàm ad seipsum. *Ratio utriusque partis est*, quia sicut homo potest seipsum ordinare ad aliquid agendum, ita etiam alios, superiores quidem deprecando, inferiores autem impetrando. Vnde cum utraque ordinatio per aliquid divinum confirmata sit adjuratio, adjurare namque non est aliquem in juramentum inducere, sed per quandam similitudinem juramenti à se inducti, putà per reverentiam divini nominis, vel rei alicujus sacræ alium ad aliquid agendum provocare; idèò & licita est adjuratio, & quidem respectu quorumlibet, si sit absque necessitatis impositione, juxta quod Apostolus obsecrare solet fideles per misericordiam Dei; vel etiam cum impositione necessitatis respectu sui ipsius, aut sibi subditorum; non tamen respectu aliorum, quo modo Princeps Sacerdotum præsumpsit Dominum nostrum adjurare; cum hoc sit usurpare potestatem in alium, quam non habet; unde & hunc adjurationis modum damnat Origenes.

ART. 2.

Vtrum liceat daemones adjurare. R. *Affirmativè*, non quidem per modum deprecationis, vel inductionis, sed per modum compulsionis. *Primum est*, quia cum daemones in cursu hujus vitæ nobis adversarii constituentur, & eos adjurando repellere, hoc sit ab eorum societate recedere; idèò & possumus, non quidem propria potestate;

quia ut ait Aug. spiritus desertor solum per spiritum justum regitur; sed per virtutem divini nominis eosdem adjurando, tanquam inimicos repellere, ne nobis noceant corporaliter, vel spiritualiter, juxta illud: Ecce dedi vobis potestatem supra omnem virtutem inimici. *Secundum est*, quia cum adjurare dæmones per modum deprecationis, vel inductionis ad aliquid, scilicet ad discendum, vel obtinendum, quo modo solent nectromantici adjurare, id videatur ad aliquam cum ipsis societatem pertinere, qua quidem non licet uti, idcirco nec licitum est hoc modo dæmones adjurare, sed hoc potius est Iudaicum, ut ait Orig. cum quo tamen stat, quod speciali instinctu, aut revelatione divina possimus ad aliquos effectus uti operatione dæmonum, sicut legitur de B. Iacobo, quod per dæmones fecit Heremogenem ad se adduci.

In 2. de
Trin.
cap. 4.

Luc 10.

Utrum liceat irrationalem creaturam adjurare. R. Affirmative, non quidem ut referatur adjuratio ad ipsam creaturam secundum se, sed ad eum à quo irrationalis creatura agitur, & movetur. *Ratio utriusque partis est*, quia cum creaturæ irrationales, quæ quidem non sunt dominæ sui actus, agantur & moveantur ab alio, sive ab intelligentia ad operandum; proindeque earum operationes non solum ipsis, sed principaliter Deo tribuantur, necnon ex permissione divina etiam dæmonibus, qui movent creaturas ut hominibus noceant; idcirco & possumus irrationalia adjurare, non quidem ad ipsa referendo adjurationem, utpote quam non intelligunt, sed referendo ad eum, à quo moventur, & quidem deprecative,

ART. 3.

si referatur ad Deum directè , quo modo adjurare solent, qui divina invocatione miracula faciunt; vel per modum compulsio- nis, si ad diabolum, quo quidem modo uti solet Ecclesia in exorcismis. Vnde & legi- tur, Simonem, & Iudam, hoc scilicet pos- sremo modo dracones adjurasse.

IN QVÆSTIONEM XCI.

*De assumptione divini nominis ad invo-
candum per orationem, vel laudem.*

ARTI-
CVLVS
PRI-
MVS.

Vtrum Deus sit ore laudandus. *Re. Affir-
mative*, non tamen propter Deum, sive
ipsius utilitatem, sed propter ipsum laudā-
tem. *Primum est*, tum quia excitatur & af-
fectus noster in Deum per oris laudem, jux-
ta illud, Sacrificium laudis honorificabit
me, & illic iter, quò ostendam illi sa-
lutare Dei; & etiam affectus aliorum, se-
cundum illud, Semper laus ejus in ore meo:
audiant mansueti, & lætentur. Tum quia in
quantum per divinam laudem ascendit af-
fectus in Deum, in tantum ab his quæ sunt
contra Deum per hoc retrahitur. *Secundum
est*, quia etsi Deo debeat laus, non quidem
quantum ad essentiam, sub qua ratione est
est ineffabilis, & major omni laude, nec ei
debetur nisi reverentia & patriæ honos, jux-
ta illud: Te decet hymnus Deus in Sion, &
tibi reddetur votum, &c. quod exponit Hie-
ron. Tibi silet laus, ratione primi; & tibi
reddetur votum, ratione secundi: sed de-
beat quantum ad effectus, qui quidem
in nostram ordinantur utilitatem, juxta
illud, Et laudem Deo super omnibus quæ
reddidit nobis Dominus; ideò nec propter
semetipsum, sed propter nos est ore lau-
dandus, sicut etiam nec ad Deum sermo-

Psal. 49.

Psal. 64.

Isai. 63.

ne urimur , ut ei aliquid manifestemus.

Verum in Divinis laudibus sint cantus as- ART. 2.

sumendi. R. Affirmativè, non quidem more theatro, sed propter devotionem excitandam. Primum est, quia cum convenienter assumantur in divinas laudes quæcumque ad hoc utilia esse possunt , ut affectus hominis provocetur in Deum, ut supra dictum est; & secundum diversas melodias sonorum animi hominum diversimodè disponantur, ut Arist. & Boët. docent, nec-

non & Aug. qui se his commotum fuisse

testatur: neque qui cantat propter devotionem, abstrahat propterea animum à consideratione eorum quæ cantat, sed magis ea consideret; auditores autem, licet non intelligant quid cantatur, nihilominus sciant propter quid caneretur, quod sufficit ad devotionem excitandam: ideò & ad hunc finem excitandæ devotionis convenienter assumuntur cantus, unde & dicuntur cantica spiritualia, non solum quæ interiùs canuntur spiritu, sed etiam quæ exteriùs ore cantantur, prout per ea spiritualis devotio provocatur. Cum quo tamen stat, quod quia nobilior est modus provocandi homines ad devotionem per doctrinam, & prædicationem, quod pertinet ad Diaconos, & Prælatos, quàm per cantus; ideò non debeant illi cantibus insistere, ne à majoribus retrahantur, ut ait Greg.

Secundum est, quia cantatur more theatro, quando scilicet fit ad ostentationem, aut ob delectationem provocandam, quod quidem reprehendit Hieron. necnon & Aug. qui ait: Cum

mihî accidit ut me amplius cantus, quàm res quæ canitur, moveat, personaliter me

Ait.

præc.

Lib. 4.

Reg.

cap. 88.

In 10.

Conf.

peccare confiteor, & mallet non audire
cantantem.

IN QVÆSTIONEM XCII.

*De vitiis religioni oppositis: & primò
de superstitione.*

ARTI-
CVLVS
PRI-
MVS.

Vtrum superstîtio sit vitium religioni
contrarium. *Re. Affirmativè,* & quidem
oppositione secundum excessum, quanvis
nò plus exhibeat in divinum cultum, quàm
vera religio. *Ratio utriusque parvis est,* quia
cùm religio sit virtus moralis, quæ in me-
dio consistit, cui quidem opponitur aliquid
vel secundum defectum, vel secundum ex-
cessum; & hoc non solum secundum cir-
cumstantiam, quæ dicitur *Quantum*, sed
etiam secundum alias; transcendit enim
virtus non solum secundum multum & par-
vum, sed etiam cùm facit aliquid cui non
debet, vel quando non debet; idcò & po-
test esse superstîtio vitium religioni oppo-
situm secundum excessum, non quia plus
exhibeat in cultu divino, quàm vera reli-
gio, sed quia exhibet cui non debet, vel co-
modo, quo non debet; in quo quidem ha-
betur excessus non secundum quantitatem
absolutam, in qua non potest religio exce-
dere; sed secundum quantitatem propor-
tionis, prout scilicet in cultu divino sit ali-
quid, quod fieri non debet. Vnde non nisi
metaphoricè dicitur superstîtio esse religio,
sicut prudentia in Scriptura quandoque
ponitur pro suo contrario, seu pro astutia;
nèque propterea desinit opponi virtuti re-
ligionis, etsi nomen superstitionis ab illis
dicatur, qui tota die etiam religiosè de-
precabantur, ut eorum liberi fierent super-
stitēs, utpote cùm non oporteat, ut idem

In Glos.
ad Co-
loss. 3.
Luc. 16.

aurc

nunc significet, quia aliud est etymologia nominis, sive à quo imponitur, & aliud ad quod significandum imponitur.

Vtrum sint diverse superstitionis species.

ART. 2.

R. Affirmative, & quidem primò ex parte objecti, tum etiam propter diversos fines. *Ratio utriusque partis est*, quia cum possit divinus cultus exhiberi vel cui exhibendus est, scilicet Deo vero, modo tamen indubito, in quo consistit simulata religio; vel ei cui non debet exhiberi, nempe cuicumque creaturæ; ideo & primò diversificatur superstitionis genus ex parte objecti, sicut & alii morales actus; cumque diversi sint fines divini cultus, puta vel ad reverentiam Deo exhibendam, vel ad hoc quod instruat homo à Deo quem colit, vel ad quandam directionem humanorum actuum secundum instituta Dei qui colitur; ideo & secundum varios illos fines in varias dividitur species secundum superstitionis genus, quod scilicet exhibet creaturæ: primò quidem in idololatriam, quæ ad hoc ordinatur, ut divinam reverentiam exhibeat creaturæ: tum in superstitionem divinativam, quæ dæmones consulit per aliqua pacta cum eis iuncta, vel tacita, vel expressa: tum denique superstitionem observationum, quæ quidem observationes & divinationes, in quantum ex aliquibus pendent operationibus dæmonum, dicuntur pertinere ad superstitionem; unde est quidem religio una: cum hoc tamen stat, quod plures adhuc sint superstitionis species, cum uni virtuti plura opponantur vitia, nec locum habeat dictum illud Aristotelis, *Si unum oppositum dicitur multipliciter, etiam &*

aliud, nisi in oppositis, in quibus est eadem multiplicationis ratio.

IN QVÆSTIONEM XCIII.

De speciebus superstitionis.

ARTI-
CVLVS
PRI-
MVS.

Lib. 1. de
mend.
cap. 14.

Epist. ad
Hieron.

In 1. ad
Cor. 11.

V*trum in cultu veri Dei possit esse aliquid perniciosum. R. Affirmativè, & quidem tum ex parte rei significatæ, quando ab ea discordat significatio cultus; tum etiam ex parte colentis. Ratio utriusque partis est, quia cum mendacium sit maximè perniciosum in his quæ spectant ad divinam religionem, ex August. & mendacium sit quando factò, in quo cultus religionis ponitur, aliquid significatur, quod veritati religionis contrariatur; ideò cum hoc contingat dupliciter: primò ex parte rei significatæ, à qua scilicet discordat significatio cultus, qua ratione peractis jam Christi mysteriis mendacium esset, & consequenter perniciosum uti ceremoniis veteris legis, quibus Christi mysteria præfigurabantur futura, ut dicit August. tum etiam ex parte colentis, & præcipuè in cultu communi, qui per Ministros in persona totius Ecclesiæ exhibetur; quo modo mendacium est si aliquis ex parte Ecclesiæ cultum Deo exhibeat contra modum divina autoritate ab Ecclesia constitutum, & in ea consuetum, ut ait Ambros. propterea sit quod in cultu veri Dei possit esse aliquid perniciosum, nec pertineat tunc cultus ad Dei invocationem, quæ salvat, utpote cum Deus sit veritas, & hujusmodi cultus contineat falsitatem. Vnde nec qualitercumque eis placebat, colebant justi ante tempus legis, sed de modo Deum colendi instruebantur per interiorem instinctum; sicut & nunc de*

Quæst. XCIII. Artic. II. 435

hoc extant præcepta, quæ quidem prætere-
rire illicitum est. Cum quo tamen stat, quod
adhuc licitè sustineat Ecclesia diversas in
cultu divino consuetudines, utpote quæ in
nullo veritati repugnant.

*Verum in cultu Dei possit esse aliquid su-
perfluum. R. Affirmativè*, non quidem se-
cundum quantitatem absolutam, sed secun-
dum quãtitatem proportionis. *Ratio utrius-
que partis est*, quia cum id omne reputan-
dum sit superfluum, quod in exterioribus
solum consistens ad interiorem Dei cultum
non pertinet, ut ait August. juxta illud
Christi, Regnum Dei intra vos est; & hujus-
modi sit quid quid ad finem gloriæ Dei non
pertinet, neque ad hoc quod mens hominis
feratur in Deum, & caro dometur modera-
tè; vel si est contra Dei, atque Ecclesiæ in-
stitutionem, seu communem consuetudi-
nem, quæ pro lege habetur: ideò licet in
his quæ pertinent ad Dei gloriam, non de-
tur superfluum, juxta illud, Glorificantes
Deum quantum poteritis; sicut nec in his,
quæ pertinent ad fidem, spem, & charita-
tem, utpote quibus Deum interiori cultu
colimus; bene tamen in exterioribus acti-
bus, non quidem secundum quantitatem
absolutam, cum nihil possit homo facere,
quod non sit minus eo, quod Deo deber,
qui omnia bona sua à Deo accepit; sed se-
cundum quantitatem proportionis, quia
scilicet non est fini cultus proportionatum.

IN QUÆSTIONEM XCIV.

*De altera superstitionis specie, scilicet
de idololatria.*

*V*trum idololatria rectè ponatur species
superstitionis. *R. Affirmativè*, si tamen

ART. 2.

In lib. de
vera Re-
lig. c. 3.

Ecc. 45.

ARTI-
CVLVS
PRI-
MVS.

sumatur latria, non prout significat humanum actum ad Dei cultum pertinentem, sed prout est idem religioni. *Ratio utriusque partis est*, quia cum excedere debitum modum divini cultus pertineat ad superstitionem, & hoc maximè fiat per idololatriam, utpote quâ exhibetur divinus cultus cui non debetur, scilicet creaturæ; & quidè si exhibeatur imaginibus, ut olim fieri solebat ab aliquibus, qui contra Apostoli dictum dicentis, idolum nihil esse in mundo, seu nullam habere virtutem spiritus & divinitatis, imagines adorabant, eo quòd habebant effectus quosdam virtute dæmonum; si exhibeatur cum alijs, non imaginibus, sed creaturis, quas repræsentabant; & hoc vel quia existimarunt aliquos homines, Jovem, Mercurium, &c. Deos esse; vel totum mundum esse unum Deum, propter animam quam in eo colebant, tanquam motu & ratione omnia gubernantem; vel cum Platonici ponentes unum summum Deum, deinde substantias quasdam spirituales ab eo creatas, quas Deos participativè appellabant, sub quibus ponebant animas cœlestium corporum; deinde dæmones, quos animalia aërea vocabant; & sub his animas hominum, quas per virtutis meritum ad supradictorum societatem assumi credebant, hæc omnia colentes divino cultu consequenter fit, quod quoquo modo fiat idololatria, cujus quidem nomen est impositum ad significandum quemcunque cultû creaturæ, etiamsi sine imaginibus fieret, quòd species sit non infidelitatis, quando quidem religio cui adversatur, non est fides, sed quædam fidei protestatio per exteriora

Quaest. XCIV. Artic. II. 437

signa, sed species superstitionis; si tamen accipiatur latria, non ut significat humanum actum ad Dei cultum pertinentem, cum sic univocè dicatur & secundum quod pertinet ad veram religionem, & secundum quod pertinet ad idololatriam; sed prout est idem religioni, quæ virtus est exhibens cultum cui debet exhiberi, sub qua quidem ratione non nisi æquivocè dicitur latria de latria veræ religionis, & de idololatria.

Utrum idololatria sit peccatum. R. Affirmativè, ita quod aliis à summo Deo offerre sacrificium, & alia ad latriam pertinentia, nec debitum sit, & per se bonum, nec licitum, tanquam vulgari consuetudini consonum. Primum est, quia etsi superiores revereri debeamus; quia tamen non eadem reverentia debetur omnibus, sed aliquid debetur speciale summo Deo, qui singulari ratione omnes excellit, quod quidem speciale vocamus latriæ cultum; ideò non nisi erroneè olim asseruere quidam, debitum esse & per se bonum offerre aliis à Deo pertinentia ad cultum latriæ. Vnde nec in Ecclesia imagines instituuntur, ut eis exhibeatur cultus latriæ, sed ad quandam significationem, ut scilicet per eas mentibus hominum imprimatur, & confirmetur fides de excellentia Angelorum & Sactorum; secus tamen de Christi Domini imagine, cui quidè ratione divinitatis debetur latria. Secundum est, quia si sic liceret tanquam consuetudini consonum offerre aliis à Deo latriæ cultum, ut existimavit Seneca, ei consequenter liceret, qui esset persecutionis tempore deprehensus, idola colere, modò fidem in mente servaret, ut erroneè putarunt qui-

ART. 2.

dam hæretici: quod tamen falsum, & erroneum est; quandoquidem sicut est perniciosum mendacium, si quis verbis asserat contrarium ejus, quod per veram fidem tenet in cordibus, ita & perniciosa falsitas, si quis exteriorem cultum exhibeat alicui contra

Lib. 6. de id quod sentit in mente. Vnde & ait Aug.
civ. c. 10. contra Senecam, quod eo damnabilius idola colebat, quo illa quæ mendaciter agebat, sic ageret, ut cum populus veraciter agere existimaret.

ART. 3. *Utrum idololatria sit gravissimum peccatum. R. Affirmativè*, si tamen subintelligatur ex parte ipsius peccati, non autem semper ex parte peccantis. *Primum est*, quia cum idololatria quantum est in se constituat ex ratione sui peccati alium Deum, minuens principatum divinum, in quo quidem includitur & magna blasphemia, per hoc quod Deo subtrahitur dominii singularitas; tum præsuppositivè & interior infidelitas, cui tunc additur indebitus cultus; vel si sit tantum infidelitas exterior, additur culpa falsitatis: consequenter sit gravissimum esse quod quis divinum honorem ita impendat creaturæ, sicut & in communitate gravissimum esset aliis regium honorem impendere. Vnde & minus est peccatum contra naturam, quam idololatria, esto quod quia est manifestius, ponatur in Scriptura quasi conveniens poena peccati idololatriæ, ut sicuti per idololatriam homo pervertit ordinem honoris divini, ita per hoc peccatum patiatur confusibilem propriæ naturæ perversitatem. Neque observatio veteris legis tempore gratiæ æqualis est idololatriæ secundum genus peccati, sed in

Rem. 8.

Quæst. XCIV. Artic. IV. 439

hoc solum, quod utrumque est pestiferæ superstitionis species. *Secundum est*, quia consideratâ peccati enormitate ex parte peccantis, sic peccatum hæretici scienter fidem corrumpentis gravius est quàm peccatum ejus, qui ignoranter idololatrat, sicut & possunt alia peccata ratione majoris contemptus esse majora.

Vtrum causa idololatriæ fuerit ex parte hominis. R. Affirmativè, loquendo scilicet de causa non consummativa idololatriæ, sed dispositiva. *Primum est*, tum quia disposuit ad idololatriam inordinatio affectus, prout aliqui nimium alios amantes divinû eis honorem impederunt, ut ex Sapiente colligitur: tum quia ex eo quod homo naturaliter repræsentatione delectetur, ut ait Arist. idè videntes à principio per diligentiam artificum imagines hominum expressivè factas, eos divino cultu coluerunt, ut ait Sapiens: tum denique, quia ad hoc dispositivè duxit & ignorantia veri Dei, & pulchritudo creaturarum, ut idem Sapiens docet. Vnde fuit causa idololatriæ dispositiva ex parte hominis naturæ defectus, vel per ignorantiam intellectus, vel per inordinationem affectus, quod etiam ad culpâ pertinet. Neque dicitur idololatria esse causa, initium, & finis omnis peccati, nisi quia non est aliquod peccati genus, quod interdû idololatria non causet aliquo modo; quanvis ab aliis, ut dictum est, præcedi debeat ad eam disponentibus. Cum quo tamen stat, non fuisse in prima ætate idololatriam, propter scilicet recentem memoriam creationis mundi; sed neque in tertiâ, utpote in qua exclusa est per virtutem &

ART. 4.

Sap. 14.

In poetiâ sua, cap. 2.

Sap. 13.

doctrinam Christi, qui de diabolo triumphavit. *Secundum est*, quia causa idololatriæ consummativa fuit ex parte dæmonū, dum scilicet se colendos hominibus errantibus exhibuerunt, in idolis responsa dando, & aliqua quæ videbantur hominibus mirabilia faciendo. Vnde & in psal. dicitur: Omnes dii gentium dæmonia.

IN QUESTIONEM XCV.

De superstitione divinatoria.

ARTI-
CVLVS
PRI-
MVS.

Vtrum divinatio sit peccatum. *R. Affirmative*, non quod peccatum sit ordinatè participare aliquod divinum; sed quia non nisi ab indebita divinorum usurpatione dicitur divinatio. *Primum est*, quia cum divinationis nomine intelligatur prænuntiatio futurorum, non quorumcunque, cum artes ad præcognoscendos futuros eventus, qui ex necessitate, vel frequenter, & ut in pluribus eveniunt à suis causis, ut sunt eclipses, aut siccitates, pluviz, morbi, &c. non pertineant ad divinationem; sed futurorum effectuum, qui non in suis causis, utpote ad eos indeterminatis, sed in seipsis cognoscuntur ab hominibus quidem, ut sunt actu præsentis, à Deo autem antequam fiant, quatenus scilicet in sua æternitate futura videt quasi præsentia; idèò cum huiusmodi ex divina revelatione prædicere non sit divinatio, quandoquidem qui sic prædicat, non ipse est qui quod divinum est facit, sed potius quod divinum est suscipit; consequenter fit, quod tunc solùm dicantur aliqui divinare quando indebito modo per vanas & fallaces artes ex deceptione dæmonum introductas prænuntiationem futurorum, quæ ex Scriptura Dei propria est,

Trai.
cap. 41.

sibi usurpant, proindeque & quod semper peccaminosa sit divinatio, & semper in malam partem accipiat, ut ait Hier. propter quod & in Scriptura, & in Decretis interdicitur; neque sit inclinatio naturalis in homine ad futura, nisi secundum humanum modum, non autem secundum indebitam divinationis rationem. *Secundum est*, quia ea quæ divina sunt, & consequenter ordinata divinorum participatio, magis ad sanctitatem pertinent, quam ad peccatum.

Utrum divinatio sit species superstitionis. ART. 2.

R. *Affirmative*, non quidem quantum ad finem in divinatione intentum, sed quantum ad operationis modum. *Primum est*, quia cum ad superstitionem, quæ importat indebitum divinitatis cultum, non solum pertineat, quod sacrificium dæmonibus offeratur per idololatriam, sed etiā quod aliquis assumat in modo operandi auxilium dæmonum ad aliquid faciendum vel cognoscendum, quod quidem pertinet ad quendam cultum, atque societatem dæmonum; ideo cum omnis divinatio ex operatione dæmonum proveniat, vel quia ad hoc expressè invocantur, vel quia se tunc ingerunt, ut mentes hominum implicent vanitate, qualis est inquisitio futurorum, unde prænosci non possunt, de qua quidem dicitur in Scriptura, Non respexit in vanitates, & insanias falsas; propterea fit quod divinatio ex modo operandi sit species superstitionis. Vnde & est in vera religione aliquid per contrarium divinationi respondens, quatenus & in veteri lege erant consultationes de futuris ad religionem pertinentibus, utpote quæ promittebat terrena; & in nova fuerunt

Psalm. 39.

Isai. 8.

principio, qui futura prædicerent. *Secundum est*, quia quantum ad finem in divinatione intentum, qui quidem est præcognitio futurorum, potius pertinet ad curiositatem, quæ est alterius generis à superstitione.

ART. 3. *Vtrum sit determinare plures divinationis species. &c. Affirmativè*, non quòd non sit in omnibus una generalis ratio peccandi, sed quia reperitur unde multiplicetur, & distinguatur specialis. *Primum est*, quia eùm triplex sit divinationis genus, & quidè taliter, quod in iis diversificentur objecta, sive materiæ, utpote cùm primum sit per manifestam dæmonum invocationem, quod pertinet ad negromanticos, & sit vel præstigijs quibusdam apparitionibus dæmonum aspectui, & auditui hominum, & vocatur præstigium, quia oculi præstringuntur; vel per somnia, & vocatur divinatio somniorum; vel per mortuorum apparitionem, aut loquutionem, & vocatur necromantia; vel per homines vivos, ut pater in arreptitiis, & vocatur divinatio per Pythones; vel per aliquas figuras, vel signa, quæ in rebus inanimatis apparent, & tunc si in corpore terrestri, vocatur geomantia; si in aqua, hydromantia; si in aëre, aëromantia; si in igne, pyromantia; & aruspicium, si in visceribus animalium immolatorum in aris dæmonum: secundum autem divinationis genus sit per solam considerationem dispositionis, vel motus alterius rei, quod pertinet ad augures; & quidem ad astrologos, si præcognoscantur futura ex consideratione motus & situs syderum; ad augurium, si per motus & voces avium, vel aliorum animalium, ac etiam hominum; ad omen, si per

verba hominis absque intentione dicta ; ad spatulamâtiâ, si ex signis in spatula alicujus animalis ; & ad chiromantiâ, si ex lineamentis manus, aut per dispositiones figurarû in aliquibus corporibus : tertiâ denique divinationis genus sit quando aliquid facimus seriò , ut nobis aliquid manifestetur occultum , sine expressa dæmonis invocatione, quod quidem pertinet ad sortes ; & hoc vel per protractionem punctorum , & pertinet ad geomantiam ; vel per considerationem figurarum, quæ ex plumbo provenit liquefacto, & in aquam projecto ; vel ex festucis inæqualibus propositis, dū scilicet consideratur quis majorem vel minorem accipiat ; vel taxillorum projectione, quis plura puncta projiciat, & aliis similibus modis, quæ omnia sortium nomen habent: cum, inquam, in hoc triplici divinationis genere objecta, seu materiæ diversæ sint, ex quo quidem specierum distinctio ; ideo & oportet ponere plures divinationis species , maxime cum res illæ quas attendunt divinantes , non considerentur ab eis ut signa, sed magis ut principia cognoscendi, ex quorum diversitate desumitur & specierum diversitas. *Secundum est*, tum quia cognitio futurorum vel occultorum est ubique finis ultimus , unde sumitur generalis ratio divinationis : tum quia in omni divinatione utitur aliquis dæmonum pacto , magis tamen , vel minus culpabiliter ; cum multò gravius sit dæmones invocare, quàm aliqua facere, quibus dignum sit ut se dæmones ingerant.

Verum omnis divinatio per invocationes dæmonum sit illicita. R. Affirmativè, & qui ART. 4.

dem tum ex parte principii divinationis, tum etiam ex parte finis, seu futuri eventus. *Ratio utriusque partis est*, quia ex parte principii est pactum expresse cum dæmone initum per ipsam dæmonis invocationem, quod quidem est omnino illicitum, esto quod aliquando liceat aliquid inquirere à dæmone sponte occurrente, propter scilicet aliorum utilitatem, maxime quando potest divina virtute compelli ad vera dicenda, ut narrat Scriptura de Christo dæmonem interrogante; sed est similiter illicitum ex parte finis, seu futuri eventus, utpote cum hinc intendat dæmon perditionem hominum, etiamsi aliquando vera dicat, utpote qui intendit homines assuefacere ad hoc quod ei credatur, & sic locum habere perducendi in aliquid saluti nocivum. Vnde quod Pythonissæ operâ apparuerit Samuel, & futurum bellum indixerit, possumus credere, cum Aug. non arte magica, sed dispensatione quadam occulta hoc factum fuisse; nec enim etiam ob temporalem aliquam utilitatem licet ad huiusmodi invocationes confugere, cum nullas talis utilitas comparari possit detrimento spirituali salutis, quod imminet, ut dictum est, ex inquisitione occultorum per dæmonum invocationem.

ART. 5. *Vtrum divinatio, quæ fit per astra, sit illicita. R. Affirmative*, si scilicet velimus ex iis præcognoscere non futura, quæ celestibus causantur corporibus, sed vel casuales & fortuitos eventus, vel futura hominum opera. *Primum est*, quia cum illicitum, & superstitiosum sit velle ex stellarum consideratione ea futura præcognoscere, quæ

per ea præcognosci non possunt, utpote quod procedit ex vana & falsa opinione, cui propterea se immiscet operatio dæmonis, unde redditur illicita & superstitiosa; consequenter fit, quod cum casuales & fortuiti eventus, vel futura hominum opera ex huiusmodi astrorum consideratione præcognosci non possint, ad modum scilicet effectus, quo solunimodò possent ex iis præcognosci, utpote cum ens casuale, & per accidens ex una parte non habeat causam naturalem, ex Arist. eo quod nec sit ens propriè, neque unum, & operatio naturæ semper terminetur ad unum quid; & ex altera, seu quantum ad futura opera liberi arbitrii intellectus nec sit actus, nec actus organi corporei, neque consequenter voluntas, & nullum corpus possit imprimere in rem incorpoream, nisi fortè dispositivè inclinando per impressionem in vires sensitivas, contra quàm tamen inclinationem potest homo per rationem operari; ideò & illicita est, & superstitiosa divinatio, quæ fit per astra, si velimus præfata opera, & casualia ex iis præcognoscere: unde pronuntiant quidè Astrologi in multis vera, & præcipuè in communibus eventibus, qui dependent ex multitudine; sed hoc ideò, quia plures hominum passionum corporales sequuntur, & ideò actus eorum disponuntur ut plurimum secundum inclinationem cælestium corporum; sed insuper etiam propter dæmones se immiscuentes, ut Aug. scribit: unde etiam concludit, quod bono Christiano, sive Mathematici, sive quilibet impiè divinantium, & maxime dicentes vera, cavendi sunt, ne con-

In 6.
Met.
text. 4.

Lib. 1. sup.
per Gen.
ad litt.
cap. 37.

sortio dæmoniorum animam deceptam pacto quodam societatis irretiant. *Secundum est*, quia quæ ex cœlestibus causantur corporibus, putà siccitates, pluviz, eclipses, & alia hujusuodi, cùm ex nêcessitate eveniant, sicque naturaliter prægnoſci poſſint, ideò nec erit circa ea illicita, & superſtitioſa divinatio.

- ART. 6.** *Vtrum divinatio, qua fit per ſomnia, ſit illicita. R. Affirmativè*, ſi nimirum utamur ſomniis non quidem ſecundùm quod procedunt ex revelatione divina, vel ex cauſa naturali intrinſeca, ſive extrinſeca, quantum poteſt ſe virtus talis cauſæ extendere; ſed ſecundùm quod ibi intervenit revelatio dæmonum per pacta expreſſa, aut tacita. *Ratio utriuſque partis eſt*, quia cùm divinatio, quæ falſæ innititur opinioni, ſit ſuperſtitioſa & illicita, ut dictum eſt; & talis ſit quæ fit ex ſomniis, mediâ revelatione dæmonum, vel per pacta expreſſa, ut accidit cùm invocantur; vel tacita, cùm divinatio ſe extendit ad quod non poteſt ſe extendere; non autem ſecundùm quod procedunt ſomnia ex revelatione divina, vel ex cauſa naturali intrinſeca, vel extrinſeca, quantum ſcilicet poteſt ſe virtus talis cauſæ extendere; conſequenter ſit, quod ubi ſic intervenit revelatio dæmonum, ſit illi-
Art. 1.
& 5.
Deut. 18. cita divinatio, juxta illud Scripturæ, Nō inveniat in te qui obſervet ſomnia; non autem quando intervenit divina revelatio, vel quando, ut pluries accidit, ſunt ſomnia ſigna futurorum, eo quòd reducantur in cauſam quæ communis eſt ſomniis, & futuris eventibus. Pro quo notandum eſt, quod cauſa ſomniorum eſt duplex, interior

scilicet, & exterior: interior autem similiter duplex; altera animalis, prout phantasia dormientis occurrunt ea, circa quæ ejus cogitatio & affectus tempore vigiliæ erant intenta, quæ quidem causa somniorum non est futurorum eventuum causa, adeò ut per accidens se habeant hujusmodi somnia ad futuros eventus; altera verò causa est corporalis, quatenus scilicet ex interiori dispositione corporis formatur aliquis motus in phantasia tali conveniens dispositioni, quo modo frigido videtur frequenter in somniis esse in qua, &c. & hæc observant Medici ad cognitionem complexionis. Similiter exterior somniorum causa est duplex; altera corporalis, ut cum phantasia dormientis immutatur ab aëre, vel impressione corporum cœlestium, unde consequenter apparent phantasiæ cœlesti dispositioni conformes; altera verò spiritualis, quæ quidem quandoque est à Deo aliquid per Angelum dormienti revelante, ut constat ex Scriptura; quandoque autem ex operatione diaboli.

Iob 37.
Gen. 40.
& 41.
Dan. 2.
& 4.

Verum divinatio, qua fit per auguria, & omina, & alias hujusmodi observationes exteriorum rerum, sit illicita. R. Affirmativè, non quòd omnis hujusmodi divinatio illicita sit, sed ita quòd sit illicita quoties ultra illud extenditur, ad quod potest secundum ordinem naturæ, vel divinæ providentiæ pertingere. Ratio utriusque partis est, quia cum ex augurio, seu motu & garritu avium, & aliis hujusmodi observationibus non possint futura cognosci, nisi ut sunt effectus aliquarum causarum, quæ sint causantes, vel præcognoscentes futuros effe-

ART. 7.

448 *Quaest. XCV. Artic. VII.*

ctus ; causa autem motuum & operationum
brutorum sit instinctus naturalis, qui qui-
dem causatur uno modo ex causa corpora-
li, & sic principaliter à corpore cœlestis, alio
modo ex causa spiritali, & tunc vel à Deo ;
ut patet in colūba descendente super Chri-
stum, & in corvo qui pavit Eliam ; vel ex
dæmonibus, qui utuntur hujusmodi anima-
lium operationibus ad homines decipien-
dos ; ideo nihil quidem prohibet aliquas
eorum operationes esse futurorum signa, ex
quibus propterea divinare licet, ut scilicet
conformantur dispositionibus cœlestium
corporum, & aëris continentis, qualia sunt
ea quæ causari possunt per corpora cœle-
stia, & quæ ad talia animalia possunt perti-
nere, & ad eorum vitam sunt necessaria, ut
immutationes per pluvias, &c. juxta quod
dicitur in Scriptura, quod milvus cogno-
vit tempus suum : & insuper, quod per di-
vinam providentiam possint ordinari ad
aliquid significandum, quomodo Gedeon
observavit recitationem & expositionem
somnia, accipiens ea pro omine, quasi or-
dinata à divina providentia ad sui instru-
ctionem ; ita tamen quod omnis alia divi-
natio per hujusmodi observationes, quæ
ultra illud extenditur, ad quod potest se-
cundum ordinem naturæ, vel divinæ provi-
dentix pertingere, superstitiosa sit, illicita,
& secundum dæmonum operationem, jux-
ta illud : Non inveniatur in te, qui obser-
vet auguria. Vnde quod dixit Joseph, quod
non esset ei similis in scientia augurandi,
non serio, sed joco id dixit, ex Aug. hoc
fortè ad illud referens, quod vulgus de eo
opinabatur.

Deut. 18.

Gen. 44.

Quaest. XCV. Artic. VIII. 449

Utrum divinatio sortium sit illicita. R. Affirmative, si nimirum sortialium hujusmodi actuum expectetur eventus ex stellarum dispositione, vel etiam ex fortuna, aut dæmone; esto quod secundum se malum non sit, si à Deo expectetur eventus. *Primum est,* quia cum sortes propriè dicantur, quando aliquid fit, ut ex ejus eventu aliquid innotescat occultum, & quidem sive sit fors divisoria, quâ quæritur quid cuique sit adhibendum; sive consultoria, quâ quæritur quid agere oporteat; sive divinatoria, quâ investigatur quid sit futurum: ideo cum actus humani qui ad sortem requiruntur, non subdantur dispositioni stellarum, sicut nec eorum eventus; & similiter vitium sit vanitatis eventum expectare ex fortuna, consequenter sit, quod uti sortibus ea intentione, quasi actus humani sortiales sortiantur secundum dispositionem stellarum, aut secundum fortunam effectum, vana sit & falsa opinio, & per cōsequens quod non careat dæmonum ingestione: ex quo quidem fit, quod talis divinatio sit superstitiosa, & illicita, quanvis in temporaneis ubi abundaret aliquid, quod non habenti dandum esset, nec tamen duobus dari posset, nihil justius tunc faceres, ait Aug. quàm ut sorte eligeres cui duorum dari deberet. *Secundum est,* quia ut dicit glossa Aug. super illud, In manibus tuis sortes meæ; fors, in qua scilicet expectatur eventus à Deo, non est aliquid mali, nimirum quantum est ex se, sed res in humana dubitatione divinam indicans voluntatem: cum quo tamen stat, quod adhuc esse possit peccatum. i. si fiat sine necessitate, quia videtur tunc ad

ART. 8.

In Ps. 30.

450 *Quaest. XCVI. Artic. I.*

Super
actus
Apost.
cap. 1.

Dei tentationem pertinere. 2. si in necessitate absque reverentia Dei, ut ait Beda. 3. si divina oracula ad terrena negotia convertantur, ex Aug. 4. si in electionibus Ecclesiasticis, quæ Spiritus sancti inspiratione fieri debent, aliquis sortibus utatur. Vnde Beda: Mathias sorte quæritur, quia nondum in Ecclesia plenitudo Spiritus sancti erat effusa. Ad quæ quidem quatuor addi potest & illicitum esse iudicium ferri candentis, & aquæ ferventis, & similiter duellorum, quod scilicet ordinatur ad alicujus peccati manifestationem per aliquid quod ab homine fit, in quo quidem communem habet rationem sortium: tum quia non est divina autoritate sancitum: tum quia ordinatur ad indicandum occulta, quæ divino iudicio reservantur; spontanea namque confessione, vel testium approbatione delicta quidem publica concessa sunt nostro regimini iudicari; at occulta & incognita illi sunt relinquenda, qui solus novit corda filiorum hominum.

IN QVÆSTIONEM XCVI.

De superstitionibus observantiarum.

ARTI-
CVLVS
PRI-
MVS.

Vtrum uti observantiis artis notoria sit illicitum. *R. Affirmative*, ita quod ars notoria sit penitus fugienda Christiano, sicut & aliæ artes superstitionis noxiæ; sed insuper & quia inefficax est ad scientiam acquirendam. *Primum est*, quia cum utatur ars illa rebus quibusdam ad scientiam comparandam, quæ vim non habent causandi scientiam, inspectione scilicet quarundam figurarum, & prolatione verborum ignotorum; ideo fit, quod his utatur, non ut causis, sed ut signis, quæ quidem cum non sint

Quest. XCVI. Artic. II. 451

divinitus instituta, ut sunt sacramentalia, sequitur quod sint supervacua signa pertinentia ad pacta quædam significationum cum dæmonibus placita & fœderata, proindeque quod tali indebito modo scientiam acquirere non est bonum, sicut nec à dæmonibus futura exquirere, propter scilicet societatem cum eis initam, esto quod aliunde scientiam acquirere bonum sit. Neque Cap. 1. pueri apud Danielem abstinebant secundum vanam observantiam artis notoriæ, sed secundum auctoritatem legis divinæ, nolentes coinquinari cibis gentilium; unde & consequuti sunt scientiam à Deo. *Secundum est*, quia cum per huiusmodi artem non intendatur acquisitio scientiæ per modum homini connaturalem, scilicet adinventiendo, vel addiscendo; & aliunde frustra expectetur à Deo, quandoquidem scientia, quæ à Deo infunditur, est donum quod non datur cum certa observatione, sed secundum arbitrium Spiritus sancti, ex Scriptura 1. Cor. 12.; & similiter frustra à dæmone, utpote cum acquisitio scientiæ fiat per illuminationem intellectus, quod quidem non spectat ad dæmones, ut etiam probat August. ex Porphyrio, esto quod possint dæmones hominibus verbis colloquentes aliqua exprimere scientiarum documenta, sed hoc non quærit ars notoria, propterea fit, quod etiam inefficax sit ars notoria.

Utrum observationes ad corporum immutationem ordinata, puta ad sanitatem, vel ad aliquid huiusmodi, sint illicitæ. R. Affirmative, si nimirum in his adhibeantur, non quidem res naturales ad aliquos effectus producendos, ad quos putantur naturalem ART. 2.

452 *Quaest. XCVI. Artic. III.*

habere virtutem; sed vel characteres aliqui, vel aliqua nomina, vel alia quaecunque variae observationes. *Ratio utriusque partis est*, quia cum liceat causas naturales adhibere ad proprios effectus, ideo & ubi huiusmodi observationes videntur posse naturaliter illos effectus producere, pro quibus adhibentur, erunt licitae; sed quia ubi adhibentur characteres, nomina & alia huiusmodi vana, non adhibentur tanquam causae virtutem habentes naturalem ad agendum, utpote cum virtutes naturales corporum naturalium consequantur eorum formas, quas sortiuntur ex impressione caelestium corporum, ex quorum quidem impressione sortiuntur quasdam virtutes activas; at non sic artificiatas, utpote quorum formae procedunt ex conceptione artificis, quae proinde habere non possunt naturalem virtutem ad agendum, propterea fit quod adhibeantur huiusmodi tanquam signa, & sic pertineant ad pacta significationum cum daemonibus imita, ut ait Aug. seu quibus se daemones ingerant, quod superstitiosum est, atque illicitum; & quidem etiam si virtus daemonum sit à Deo, cum homini non sit potestas super daemones commissa, ut eis licite possit uti ad quodcumque voluerit; sed potius sit ei contra daemones bellum indictum.

21. de
civ. c. 8.

ART. 3. *Vtrum observationes, quae ordinantur ad praecognoscendum aliqua fortuna, vel infortunia, sint illicitae. R. Affirmative, non quod illicitum sit, si quis praesagium futurorum eventuum observet ex sua causa, sed quia huiusmodi observationes attendat, non ut causas, sed ut signa futurorum even-*

Quæst. XCVI. Artic. IV. 453

euum. *Primum est*, quia ubi attenduntur ut signa futurorum eventuum bonorum, vel malorum, cum non sint à Deo tradita, utpote cum non sint divinitus introducta, nec omnia quæ aguntur per divinam providentiam, sic ordinentur ut sint futurorum signa, attenduntur per consequens ex vanitate humana, & consequenter cooperante, atque se ingerente dæmonum malitia, quæ nixitur animos hominum huiusmodi vanitatibus implicare, unde & superstitiosa sunt, atque illicita; & quidem quanvis experienciâ appareat aliqua tempora, vel loca, vel verba audita, occursum hominum, &c. esse præsagia boni, vel mali fortunii, utpote quod in principio accidit casu, postea operatione dæmonum. Cum quo tamen stat, quod quia in populo Iudæorum, in quo Christus erat nasciturus, non solum dicta, sed etiam facta fuerunt prophetica, ideo & possumus illa assumere ad nostram instructionem, tanquam signa divinitus data. *Secundum est*, quia cum infirmitatum causæ præcedant in nobis, ex quibus aliqua procedunt signa futurorum morborum, quæ licitè à medicis observantur; ideo & si quis præsagium futurorum eventuum confidat ex sua causa, non erit illicitum.

Utrum suspendere divina verba ad collum sit illicitum. **ART. 4.** *R. Affirmativè*, si nimirum habeatur respectus, non quidem solum ad verba sacra, seu Dei reverentiam, à qua expectetur effectus; sed ad aliud quid vanè observatum. *Ratio utriusque partis est*, quia cum divina verba non minoris sint efficaciz cum scribuntur, quàm cum proferuntur; nec minoris sanctitatis quàm reliquæ San-

Marc.
ult.

ctorum, nec minùs operativæ in corporibus hominum, quàm serpentum & aliorum animalium; ideò sicut licitum est divina proferre verba, iisque uti in incantationibus serpentum, ex Scriptura, necnon reliquias Sanctorum qualitercumque portare ad sui protectionem, si nimirum in iis respectus habeatur, non ad aliquid vanè observatum, quod non pertineat ad reverentiam Dei, & Sanctorum, in quo casu superstitiosum esset, atque illicitum; sed ad ipsam Dei reverentiam, virtutem, atque fiduciam; idem consequenter dicendum videtur de suspensione divinorum verborum ad collum. Unde & duo in hujusmodi cavenda sunt. Primum ne contineant aliquid ad invocationem dæmonum pertinens; tum ne sub ignotis verbis aliquid lateat illicitum, & ne quid falsitatis contineant, utpote quia tunc à Deo non expectaretur effectus, cum non sit Deus testis falsitatis. Alterum verò ne cum verbis sacris contineantur aliqua vana, ut aliqui characteres præter signum crucis; & ne spes habeatur in modo scribendi, vel ligandi, aut in aliqua simili vanitate, quæ ad Dei reverentiam non pertinet, ut dicitur in Decretis.

26. qu. 1.
c. Non
liceat.

IN QVÆSTIONEM XCVII.

De tentatione Dei.

ARTI-
CVLVS
P R I -
M V S.

Vtrum Dei tentatio consistat in aliquibus factis, in quibus solius divina potestatis expectatur effectus. R. Affirmativè; si tamen illa fiant sine ratione, non autem propter aliquam necessitatem, vel utilitatem. Ratio utriusque partis est, quia cum tentare propriè sit experimentum sumere de eo qui tentatur, vel verbis, ut experiamur an sciat

Quest. XCVII. Art. I. & II. 455

quod quærimus, aut possit, & velit implere; vel factis, ut exploremus alterius prudentiam, vel voluntatem, aut potestatem, quo quidem modo etiam homo factis tentatur, an scilicet sciat, vel velit auxilium, vel impedimentum præstare: & quidem utrumque vel aperte, ut Samson qui proposuit Iud. 15. Philistæis problema ad eos tentandum; vel insidiosè, quo modo Pharisei tentarunt Christum: consequenter quod dicatur homo Deum tentare, quandoque expressè per verba, quando ea intentione aliquid ab eo postulat, ut exploret Dei scientiam, potestatem, vel voluntatem; sed etiam quandoque factis, & quidem expressè, quando per ea quæ facit, intendit experimentum sumere divinæ potestatis, sive pietatis, aut scientiæ; vel solùm interpretativè, quando aliquid petit, vel facit, quod ad nihil est utile, nisi ad explorandam Dei scientiam, aut potestatem: si tamen talia faciat, non propter aliquam necessitatem, vel utilitatem, unde nec Sancti suis precibus miracula facientes propterea Deum tentant petentes divinæ potestatis effectum, utpote ad id moti ex aliqua utilitate, vel ex divina benevolentia, quam sensibilibiter experti sunt, ut B. Agatha, quæ propterea noluit corpori suo medicinam adhibere; nec etiam Prædicatores, si soli Deo innitantur, quandoquidem ex magna necessitate & utilitate subsidia temporalia prætermittunt, ut verbo Dei vacent; sed faciat sine alia ratione, quæ moveat, sicut & si quis equum currere faciat absque utilitate aliqua, ex eo dicitur experimentum sumere de equi velocitate.

Vtrum tentare Deum sit peccatum. R. Aff- ART. 2.

firmativè, non quòd non possit quis signum à Deo petere absque peccato, sed ita quod signum petere ad explorandam divinā potestatem, aut veritatem dicti ejus, in quo quidem est tentatio, peccatū sit. *Primū est*, quia cū tentare sit experimentum sumere, ideo & oportet quod omnis tentatio ex aliqua ignorantia, vel dubitatione procedat, vel ejus qui tentat, vel aliorum; proindeque cū ignorare, vel dubitare de his, quæ ad Dei perfectionem pertinent, peccatum sit, est cōsequenter tentatio Dei, in qua scilicet sic exploratur Dei perfectio, peccaminosa.

Malach.
3.

Vnde quod dicitur in Scriptura, *Probate me*, non nisi consequitivè intelligitur, adeò ut ex hoc experimento probaturi essent divina beneficia; non autem causaliter, quasi ad hoc deberent decimas solvere, ut probarent, si Deus aperiret cataractas cœli. Cum quo tamen stat, quod cū cognitio divinæ voluntatis, vel bonitatis sit aut speculativa, aut affectiva, sive experimentalis, dum scilicet quis experitur in se gustum divinæ dulcedinis, & complacentiam divinæ voluntatis; de prima quidem dubitare non liceat, vel probare an sit bona, & suavis; benè tamen liceat probare, sive experiri secundam, juxta illud: Gustate & videte, &c. *Secundum est*, quia nec est peccatum quando sumitur experimentum eorum, quæ ad Dei perfectionem pertinent, non ad suam cognitionem, sed ut quis aliis demonstret, ubi scilicet justa necessitas, utilitas, & alia adsunt, quæ ad hoc concurrere debent; sic enim Apostoli perierunt, ut in nomine Iesu Christi fierent signa, ut virtus Christi infidelibus manifestaretur: sed neque peccatum est,

Quaest. XCVII. Artic. III. 457

est, nec tentatio, ubi signū à Deo petitur, ut instruamur quid sit circa aliquod placitum Deo. Vnde & reprehenditur Rex Achaz, quasi impeditor communis boni, quòd signum petere volebat: quod quidem non fuisset tentare Deum, eo quòd Deus vellet ipsi signum dare, non pro ipso solū, sed pro totius populi instructione. Sed neque excusatur Gedeon in petitione signi, utpote qui ex fidei debilitate petiisse videatur; bene tamen Abraham, utpote qui non nisi ex divino instinctu signum petiit.

Vtrum tentatio Dei opponatur virtuti Religionis. R. Affirmativè, ita quod omnis Dei tentatio sit re ipsa irreligiositatis species, esto quod interpretativa tentatio videatur ex præsumptione, seu indiscretionem provenire. Primum est, quia cū omnia quæ directè pertinent ad irreverentiam Dei opponantur religioni, cujus scilicet finis est Dei reverentia; & tentatio Dei sit huiusmodi, utpote cū nemo eum tentet, de cujus excellentia est certus; ideò fit, quod Dei tentatio, etiam ex incertitudine fidei sit irreligiositatis species, prout scilicet ad religionem pertinet protestari fidem per signa aliqua ad divinam reverentiam pertinentia. Vnde non nisi per accidens se habet dolus ad tentationem Dei, quæ proinde nec nisi indirectè opponitur veritati; quandoquidem dolosè postulare non dicitur respectu Dei, qui novit cordis abscondita; sed respectu hominum. Secundum est, quia quasi interpretativè Deum tentat, qui ante orationem animam suam non præparat, dimittendo si quid adversum aliquem habet, vel ad devotionem se non disponen-

ART. 3.

458 *Quest. XCVII. Artic. IV.*

do, utpote qui non facit quod in se est, ut exaudiatur à Deo : quod quidem videtur ex præsumptione, & indiscretionem provenire; quanvis non ita quin & ad irreverentiam Dei pertineat, utpote habens se sine debita diligentia in his, quæ sunt ad Deum.

ART. 4. *Vtrum tentatio Dei sit gravius peccatum, quàm superstitio. R. Negative, non quòd non habeat superstitio quantum ad materiale actum majorem cum religione similitudinem; sed ita quod quantum ad finem plus contrarietur religioni, quàm Dei tentatio. Primum est, quia cum in peccatis, quæ religioni adversantur, tanto aliquid gravius sit, quanto magis divinæ reverentiæ adversatur, ex qua quidem velut ex fine specificatur religio; & magis contra Dei reverentiam agat, qui suo facto protestatur errorem contra divinam excellentiam, ut superstitiosus, quàm qui solum protestatur dubitationem, ut qui Deum tentat; ideo & gravius peccat, seu plus contrariatur religioni ex parte finis. Vnde non idè peccatū idololatriæ fuit minùs punitū in veteri lege, quàm peccatum tentationis Dei, quasi esset minus; quandoquidem cum divina excellentia sit singularis, est maximè contra Dei reverentiam eam alteri communicare, esto quod possit communicari alteri honor parentum; sed quia pro illo gravior in posterum reservabatur pœna. Secundum est, quia cum aliquid exhibeat superstitio in Dei cultum, sicut religio, idè & quantum ad materiale actum aliquam habet cum ea similitudinem.*

Quest. XCVIII. Art. I. & II. 459
IN QVÆSTIONEM XCVIII.

De perjurio.

Vtrum falsitas eius quod in iuramento ARTI-
confirmatur, requiratur ad perjurium. CVLVS
R. Affirmativè, non quòd non sit perjurium, PRI-
ubi deest iudicium, aut iustitia; sed ita MVS.
quod primò & principaliter sit, quando de-
ficit veritas. *Primum est*, quia cum falsitas
directè evacuet iuramenti finem, qui qui-
dem est confirmatio veritatis, cui opponi-
tur falsitas; ideò à falsitate primò & præ-
cipuè specificatur perversitas iuramenti,
quæ perjurium dicitur, cum ex fine for-
tiantur morales actus suam speciem; adeò
ut quanvis sit perversum iuramentum, cum
quis verum jurat per falsos Deos; tamen
ab illa falsitate iuramenti nominetur per-
jurium, quod tollit iuramenti finem, fal-
sum dicendo. Vnde nec est ita perjurus, qui
falsū jurat, quod putat esse verum, sicut qui
verum jurat, quod putat esse falsum, utpote
cum ibi sit falsitas materialiter solum, hinc
autem formaliter. *Secundum est*, quia & ex
hoc quod deest iustitia, jurando scilicet
quid illicitum, jam incurritur falsitas, cum
obligatus sit ad hoc quod contrarium fa-
ciat; & ex hoc quod sine iudicio jurat, seu
indiscretè, exponit se periculo dicendi fal-
sitate, & consequentur perjurandi.

Verum omne perjurium sit peccatum. R. Af- ART. 2.
firmativè, non quòd peccatum semper sit
ex eo quod non impletur quod juratur;
sed ita quod in eo, ex quo perjurium in-
curritur, peccatum sit. *Primum est*, quia cum
jurare sit Deum testem invocare; & ad Dei
irreverentiam pertineat, quod quis Deum
testem invocet falsitatis, quasi veritatem

460 *Quæst. XCVIII. Art. III.*

non cognoscat, aut quasi velit falsitatem testificari; ideò & est perjurium in eo, ex quo perjurium est peccatum religioni contrarium, adeò ut obligemur ex juramento sub peccato; ita tamen quod quia juramentum est actio personalis, ideò qui fit de novo civis alicujus civitatis, non obligatur juramento* ad observanda illa quæ civitas se servaturam juravit, nisi ex quadam fidelitate; sicut nec Canonicus, qui jurat se servaturum statuta edita in aliquo collegio, tenetur propterea ad servandum futura, nisi intenderit se obligare ad præterita, & futura. *Secundum est*, quia potest quis jurare, se aliquid facturum illicitum; aut non ingressurum Religionem, vel nõ daturum eleemosynam: in quo casu peccat quidem, & incurrit perjurium jurando, defectu scilicet justitiæ, vel judicii, ad differentiam juramenti, in quo jurat se facturum voluntatem alterius, quam postea non potest exequi, utpote in quo subintelligitur debita conditio, si mandatum sit portabile, & licitum; non tamen peccat quando non implet, cum illud non sit tale quid, quod sub juramento cadere posset.

ART. 3. *Utrum omne perjurium sit peccatum mortale. R. Affirmativè*, non quidem ex eo præcisè, quod in perjurio juratur falsum; sed ex eo quod ratio perjurii dicit contemptum. *Primum est*, quia cum ea, quæ ex se sunt venialia, vel etiam bona ex genere, si in contemptum Dei fiant, tunc sint mortalia; ideò & multò magis mortale erit omne, quod ex se pertinet ad Dei contemptum, ut est perjurium, quod quidem ex hoc habet rationem culpæ, ut dictum est, quia ad

Quæst. XCVIII. Artic. IV. 461

irreverentiam Dei pertinet. Vnde & qui non implet quod coactus juravit, quanvis possit ab obligatione absolui per Pontificem, peccat tamen interim mortaliter, cum non auferat coactio juramento promissorio vim obligandi respectu ejus, quod licitè fieri potest. Neque quod dicitur, non esse tales puniendos tanquam pro mortali crimine, intelligendum est, quasi mortaliter non peccent, sed quòd minor pœna eis infligatur, esto quod qui falsum juravit in juramento assertorio, non propterea fiat infamis ipso jure, sicut fit in juramento promissorio solenni, in cujus quidem potestate remanet, postquam juravit, ut det suo juramento veritatem, utpote cum nec propter quodlibet peccatũ mortale efficiatur quilibet infamis ipso jure. *Secundum est*, quia licet non excusetur à mortali qui jocosè perjurat, quippe qui non evitat divinam irreverentiam, sed aliquo modo magis auget; sicut nec qui ex lapsu linguæ falsum jurat, si advertat se jurare, & falsum esse quod jurat; bene tamen si hoc non advertat, sicut & excusatur tunc, etiamsi falsum juret, à Dei contemptu.

In Decr.
lib. 4. tit.
24. c. 13.

Vtrum peccet ille, qui injungit juramentum ei, qui perjurat. R. *Negativè*, si nimirum injungat non quidem propria sponte, sed ut persona publica, & secundum quod exigit ordo juris. *Primum est*, quia qui juramentum exigit tanquam persona publica, sive secundum ordinem juris ad petitionem alterius, cum tunc non videatur ipse exigere, sed ille, ad cujus instantiam exigit; ideo nec peccat tunc, sive sciat jurare falsum, sive verum; & quidem quanvis no-

ART. 4.

Epist. 54.

bis dictum sit in Scriptura, ne juremus, utpote in qua dictum non est, ne jurationem accipiamus, ut notat Aug. Vnde nec expressit Moyses Levit. 5. cui sit indicandum perjurium alterius, sicut nec quo ordine debeat manifestari; sed hoc intelligendum est, quod debeat indicari talibus, qui magis possunt prodesse perjuro, quàm obesse; & similiter quod servandus sit ordo evangelicus, si nimirum sit peccatum perjurii occultum, & tale, quod non vergat in detrimentum alterius. *Secundum est*, quia quavis ille qui pro seipso & propria sponte juramentum exigit, si nesciat cum juraturum falsum, non peccet, esto quod ibi sit humana quædam tentatio, utpote quod ex quadam procedit infirmitate, quâ quis dubitat, alium esse verum dicturum, quodque ex Aug. est illud malum, de quo Dominus ait, *Quod amplius est, à malo est*, Matth. 5. quia tamen ubi scit eum fecisse contrarium ejus, quod jurat, & cogit eum jurare, sicut ille de suo perjurio se interimit, sic iste manum interficientis impressit, ideò & peccat tunc, & homicida est.

Serm. 28.
de verbis
his Ap.

IN QVÆSTIONEM XCIX.

*De sacrilegio.*ARTI-
CVLVS
PRI-
MVS.

Vtrum sacrilegium sit violatio rei sacre. *R. Affirmativè*, non quòd res illa facra in se violetur, sed ita quod sacrilegus, quantum in ipso est, illam violet. *Ratio utriusque partis est*, quia cùm omne illud quod ad irreverentiã rerum sacrarum pertinet, ad injuriam Dei pertineat, & sic habeat sacrilegii rationem, utpote cùm sacrum dicatur aliquid ex eò quod ad Dei deputatur cultum, ex quo quidem efficitur

quoddam divinum, cui quædam deberur
reverentia, quæ refertur in Deum; ideò &
omnis violatio rei sacræ rationem habet
sacrilegij, adeò ut & quod sit in injuriam
populi Christiani, utpote per fidem & Sa-
cramenta sanctificati, ut faciunt qui per-
mittunt Iudæos officia publica exercere,
dicatur sacrilegium, necnon sacrilegium
committant secundum quandam similitu-
dinem, qui de judicio Principis disputant,
ut dicitur, quatenus scilicet bonum com-
mune, cui Princeps præest, est quoddam di-
vinum, ex Arist. Ita tamen quod quia irre-
verentia est in eo, qui irreverenter se habet,
quanvis nihil noceat ei, cui irreverentiam
exhibet, propterea sacrilegium committat
qui quantum in se est rem sacram violat,
seu inhonorat, licet illa in se non violetur.

17. qu. 4.
c. consti-
tuit.

14. qu. 4.
c. si quis.

1. Ethic.
c. 2.

Vtrum sacrilegium sit speciale peccatum. ART. 2.

Re. Affirmativè, non quòd non possit in di-
versis peccatorum generibus inveniri, sed
ita quod specialem induant peccata defor-
mitatem ex hoc quod sacrilegia fiunt. *Pri-
mum est*, quia cum violet sacrilegus rem
sacram per aliquam irreverentiam, ideò &
est in sacrilegio specialis ratio deformita-
tis; proindeque quia ubicumque invenitur
specialis ratio deformitatis, ibi necesse est,
quod sit speciale peccatum, cum species rei
cujuslibet attendatur præcipuè secundum
rationem formalem ipsius, est consequen-
ter sacrilegium ex eo speciale peccatum:
ita tamen, quod illi tantum contra divinæ
legis sanctitatem committere dicantur, qui
eam impugnant, ut hæretici, & blasphemæ,
qui quidem prout non credunt, infideles
dicuntur; ut autem divinæ legis verba per-

vertunt, sunt sacrilegi. *Secundum est*, quia etsi quandoque inveniatur sacrilegium separatum ab aliis peccatis, cum scilicet actus nullam aliam habet deformitatem, nisi quia res sacra violatur, ut dum capitur aliquis de loco sacro, qui alibi licite capi posset; quia tamen nihil prohibet, unam specialem rationem peccati in pluribus peccatorum generibus inveniri, idem consequenter dicendum de sacrilegio, adeò ut quocumque genere peccati aliquis faciat contra reverentiam sacris debitam, formaliter sacrilegium committat, & tamen sint ibi materialiter diversa genera peccatorum.

ART. 3. *Utrum species sacrilegii distinguantur secundum res sacras. R. Affirmative*, ita quod & ex personis, locis, & rebus sacris tres distinguantur sacrilegii species, & secundum differentiam sanctitatis diversi distinguantur in eadem specie sacrilegii gradus: *Primum est*, quia cum peccatum sacrilegii consistat in hoc, quod aliquis irreverenter se habet ad rem sacram, propter scilicet ipsius sanctitatem, cui debetur reverentia, adeò ut omne quidem peccatum, quod committit persona sacra, sit quidem materialiter, & per accidens sacrilegium, juxta illud Hieron. Nugæ in ore Sacerdotis sacrilegium sunt, vel blasphemia; non tamen formaliter & propriè sacrilegium sit, nisi quod agitur contra sanctitatem: ideo cum sanctitas attribuitur personis, locis, & rebus, tres propterea exinde distingui possunt sacrilegii species, & quidè differentià nò solum materiali, sed etiam formali, quandoquidem nò est in omnibus eadem ratio sanctitatis, ut dicitur. *Secundum est*, quia

in Epitaphio ad Eustoch.

cum tanto sacrilegium sit gravius, quanto res sacra, in quam peccatur, majorem obtinet sanctitatem, ideo & secundum diversam rationem sanctitatis diversus erit sacrilegii gradus, adeo ut quia sanctitas, quæ attribuitur personis sacris, est major illâ, quæ attribuitur locis, quandoquidem sanctitas loci ad sanctitatem hominis ordinatur; sit etiam contra personam sacram peccatum gravius, quam contra locum sacrum; sed insuper & in utraque specie varii sint gradus pro diversitate rerum sacrarum, licet & personarum, & locorum, ita quod quia inter res sacras primum locum obtinent Sacramenta, deinde vasa consecrata ad Sacramentorum susceptionem, & ipsæ imagines sacrae, & reliquiae Sanctorum, tum quæ pertinent ad ornatum Ecclesiæ, & Ministrorum, postmodum quæ sunt deputata ad ministrorum sustentationem, siue sint mobilia bona, siue immobilia; ideo & quicumque contra quodcumque prædictorum peccat, crimen sacrilegii incurrat magis vel minus grave; sed gravius si sit contra Sacramenta, & gravissimum si contra Eucharistiam.

Vtrum pœna sacrilegii debeat esse pecuniaria. *Æ. Affirmativè,* non quidem ad æqualitatem pœnæ, quæ imponitur, sed ad utilitatem ejus, qui punitur. *Ratio utriusque partis est,* quia cum in pœnis infligendis in hoc primò consideretur æqualitas, ut scilicet in quo quis peccat, per hæc torqueatur; tum secundò utilitas, ut scilicet homines pœnis territi à peccato desistant, utpote quæ etiam ut medicinæ quædam infliguntur; ideo pro servanda æqualitate conveniens pœna sacrilegi est excommunicatio, per

ART. 4.

quam à sacris, quæ inhonoravit, arceretur; & quam Ecclesia loco adhibet mortis corporalis, quam quidem etiam pro culpa criminali non infligit: sed quia à peccato non sufficienter arceretur sacrilegus per hoc, quod ei sacra interdicerentur, utpote de quibus non curat; ideo secundum leges puniatur insuper capitali pœna, & secundum statuta Ecclesiæ pœnâ pecuniariâ; nihil enim prohibet, duas adhiberi pœnas, quando per unam non sufficienter revocatur aliquis à peccando: neque tunc pertinet pecunia, quæ sic exigitur ad hominum correctionem, ad occasionem avaritiæ, cum habeas tunc manifestam utilitatem.

IN QVÆSTIONEM C.

De simonia.

ARTI-
CVLVS
PRI-
MVS.

Vtrum simonia sit studiosa voluntas emendi vel vendendi aliquid spirituale, vel spirituali annexum. *R.* Affirmativè, ita quod emptione, vel venditione rei ita spiritualis peccetur simoniacè peccato irreligiositatis; si tamen non largè accipiatur emptionis nomen, nec etiam ita strictè, quin comprehendatur omnis contractus non gratuitus. *Primum est*, quia cum actus qui cadit super materiam indebitam, sit hoc ipso malus ex genere; & res spiritualis sit materia indebita emptionis, & venditionis: tum quia non potest aliquo terreno pretio compensari: tum quod venditor non est dominus, etiam si esset Papa, sed dispensator: ac demùm quoniam venditio repugnat spiritualium origini, quæ est gratuita Dei voluntas, unde Dominus dicit, *Gratis accepistis, gratis date*; consequenter fit, quod quicumque emit vel vendit spirituale quid, siue spirituale sit

Matth.
10.

secundùm se, ut Sacramenta ; sive quia iis
adhæret , hoc ipso irreverentiã exhibet
Deo, & rebus divinis, proindeque simoniace
peccat peccato irreligiositatis, quæ quidem
simonia dicitur studiosa voluntas , non ex
malitia , seu contemptu , quã peccatur in
Spiritus sanctum, sed propter electionem,
quæ principaliter pertinet ad virtutem , &
vitium ; & hæc voluntas etiam vendendi si-
monia dicitur, propterea quod Simon Ma-
gus emere voluit potestatem spiritualem,
ut postea venderet. Cum quo tamen stat,
quod adhuc simoniaca illa voluntas dicatur
etiam hæresis secundùm exteriorem pro-
testationem, utpote cum ex hoc, quod quis
vendit donum Spiritus Sancti, protestetur
quodammodo , se esse dominum Spiritus
sancti, quod est hæreticum. *Secundum est*,
quia cum largè sumpto nomine emptionis,
prout scilicet accipitur pro merito, regnum
cælorum dicatur emi, ex Greg. & quidem
licite , ideò non est in tali emptione simo-
nia; cumque nec permutatio præbendarum,
vel Beneficiorum fieri possit autoritate
partium absque simonia , sicuti nec trans-
actio, esto quod possit Prælatus ex officio
permutationes facere pro causa utili , vel
necessaria, propterea fit, quod nomine em-
ptionis vel venditionis intelligatur ibi om-
nis contractus non gratuitus.

1. qu. 2.
cap. Eos
qui per
pecu-
nias.

Hom. 1.
in Evæg.

Utrum semper sit illicitum pro Sacramento pecuniam dare. R. Affirmative, si nimirum
detur pecunia veluti pretium sacramentalis
gratiæ, non autem tantum in subsidium, seu
sustentationem administrantium. *Primum
est*, quia cum gratiæ, quam causant Sacra-
menta novæ legis, repugnet, quod non gra-

ART. 2.

tuitò detur, ideò accipere pecuniam, sive quidquid pecuniâ æstimari potest, veluti pretium sacramentalis gratiæ, est simoniacum, adeò ut quod exigitur ex consuetudine, si exigatur tanquam pretium rei spiritualis cum intentione emendi vel vendendi, simonia sit, cum non præjudicet consuetudo naturali, vel divino juri, quo simonia prohibetur; esto quod ubi exigitur ut stipendium quoddam, & refertur intentio ad solam consuetudinis observantiam, tunc fieri possit sine simonia. Vnde & antequam alicui acquiratur jus in Episcopatu, vel alia dignitate per electionem, simoniacum esset adversantium obstacula pecuniâ redimere, esto quod ubi jus jam acquisitum est, liceat tunc per pecuniam justa impedimenta removere: & ubi nolle Sacerdos absque pecunia morientem puerum baptizare, tunc potius esset à quovis alio baptizandus, adeo ut tunc pro eodem habendus sit, ac si non esset Sacerdos, quanvis posset quis licitè aquam à Sacerdote emere, quæ quidem purum est corporale elementum. Cum quibus tamen stat, quod quia matrimonium non solum est Ecclesiæ Sacramentum, sed etiam naturæ officium, ideò licitum sit in eo pecuniam dare. *Secundum est*, quia cum dispensatores Sacramentorum debeant à populo sustentari, ut ait Apost. & quod ad eorundem sustentationem accipitur, juxta scilicet ordinationem Ecclesiæ, & consuetudines approbatas, accipiat non tanquam pretium mercedis, sed velut stipendium necessitatis, ut ait Aug. ideò nec est ibi simonia, nec peccatum. Vnde & in hoc sensu licet Sacerdotibus pecuniam pro

1. Cor. 9.

Lib. de
Past. c. 1.

Missis accipere : neque quæ jure exigitur pecunia ab eo, qui absoluitur, exigitur quasi pretium absolutionis, sed quasi pœna præcedentis culpæ, pro qua scilicet fuit excommunicatus.

Vtrum liceat dare & accipere pecuniam ART. 3.
pro spiritualibus actibus. R. Negativè, non quod non liceat dare & accipere pro sustentatione ministrantium, sed ita quod simoniacum sit in iis vendere quod spirituale est. *Ratio utriusque partis est,* quia hujusmodi spiritualia & dicuntur talia, quia ex spiritali gratia procedunt, & ad eam disponunt, & taliter, quod per hominum ministerium exhibeantur, quos quidem oportet ex Apost. à populo sustentari; & ideò in iis vendere quod spirituale est, est quidem simoniacum : unde & simoniacus esset qui commissam habens spirituales potestatem ex officio cum Ecclesiæ redditibus ad sustentationem, aliquid tamen acciperet pro usu spiritualis potestatis, utpote qui videretur tunc non quidem locare operas, quas ex debito debet impendere, sed vendere gratiæ usum, ad differentiam illius, qui scientiam habens, nec obligatus esset ex officio ad docendum, pretium acciperet, utpote qui non videretur tunc veritatem, seu scientiam vendere, sed operas suas locare : non tamen illicitum est aliquid dare vel accipere pro sustentatione ministrantium juxta Ecclesiæ ritum, dummodo desit intentio emptionis & venditionis, nec ab invitis exigatur per spiritualium subtractionem. Vnde & pro ingressu Monasterii, quanvis non liceat aliquid exigere quasi pretium, si tamen Monasterium

fit tenue, nec sufficiat ad tot personas nutriendas, liceret tunc, gratis concessio ingressu, aliquid accipere pro victu personæ; & hoc etiam modo dabantur quædam olim Prophetis, non ad emendum prophetiæ usum, sed ad sustentationem; sicut & nunc dantes prædicantibus, vel eleemosynas pauperibus, ut orationum suffragia ab eis impetrent, non propterea intendunt orationes emere, aut verbum Dei, sed per gratuitam beneficentiam pauperes provocare, ut ex charitate pro ipsis orent.

ART. 4.

Vtrum sit licitum accipere pecuniam pro his, quæ sunt spiritualibus annexa. R. Negativè, ita quod nec quæ ex spiritualibus dependent, vendere liceat; nec quæ ad spiritualia ordinantur, quantum ad ordinem; sed solum res ipsas, quæ ordinem important. *Primum est,* quia quæ ex spiritualibus dependent, ut habere beneficia Ecclesiastica, quod quidem non competit nisi habenti officium clericale, cum nullo modo possint esse sine spiritualibus; sicut nec ordo ad spiritualia; eis propterea venditis, etiam spiritualia subintelligerentur vendita. Unde circa collationem beneficiorum, quanvis non sit illicitum si Episcopus antequam beneficium conferat, ex causa ordinaverit aliquid subtrahi de fructibus in pios usus expendendum; si tamen ab eo, cui beneficium confert, aliquid requirat ex fructibus, idem est ac si aliquod munus ab eo exigeret, proindeque nec caret vitio simoniæ. *Secundum est,* quia quæ sic ad spiritualia ordinantur, ut jus patronatus, vasa sacra, &c. cum spiritualia non præsupponant, sed magis ea præcedant, etiam prioritate tem-

poris; ideò & aliquo modo vendi possunt, quanvis non prout sunt spiritualibus annexa. Vnde & omnia temporalia, licèt annexa spiritualibus sicut fini, sunt vendibilia, quanvis non quoad ordinem; sicut & vasa consecrata quoad materiam pro necessitate Ecclesiæ & pauperum, modò præmissa oratione prius confringantur, utpote quæ post eam confractionem non amplius sunt vasa sacra, sed purum metallum. Neque peccavit Iacob jus primogenituræ emendo, utpote qui non nisi vexationem redemit, cùm Gen. 15. ei deberetur ex divina electione: sed neque peccavit Abraham speluncam emendo ab Ephron in sepulturam, quia non intendebar emere nisi terram communem, esto quod quia apud Gentiles loca sepulturæ deputata religiosa reputabantur, ideò peccaverit Ephron vendendo, si pro eo intendit pretium accipere.

Verum liceat spiritualia dare pro munere, ART. 5. quod est ab obsequio, vel à lingua. R. Negativè, non quòd nō possit quis ex ipsa devotione obsequii dignus reddi aliquo spirituali, seu Ecclesiastico beneficio; sed ita quod simoniacum sit talia conferre propter obsequium ad carnalia ordinatum. Primum est, quia cùm nomine pecuniæ intelligatur cujuscumque rei pretium, quæ pecuniâ æstimari potest, quale quidem est hominis obsequium ad carnalem aliquam utilitatem ordinatum; ideò & idem est, nec minùs simoniacum, quod det quis rem spiritualem pro aliquo ita exhibito, vel exhibendo, ac si pro data, vel promissa pecunia daret. Vnde & qui dat alicui beneficium hoc pacto, vel intentione, ut inde suis

consanguineis provideat, est manifesta simonia, esto quod non sit simoniaca, sed illicita solum collatio, si gratis conferat alicui ob consanguinitatem, vel aliam affectionem; & simoniam similiter committit, qui per laudes & preces intendit principaliter favorem humanum, ut spirituale conferatur: quod præcipue accidit, non quidem ubi preces porriguntur pro digno, & attenditur personæ dignitas, non favor humanus; sed ubi fiunt preces pro indigno. Cum quo tamen stat, quod quia hypocrita non aliquid dat spirituale propter laudem, sed solum demonstrat, & simulando surripit humanam laudem, ideo nec pertinet hypocritis ad simoniam. *Secundum est*, quia impendens Clericus Prælato obsequium honestum ad spiritualia ordinatum, id est ad Ecclesiæ utilitatem, efficitur hoc ipso dignus ecclesiastica remuneratione, juxta illud Greg. Ecclesiasticis utilitatibus deservientes, ecclesiastica dignum est remuneratione gaudere. Unde nec tunc committitur simonia, sicut nec intelligitur esse tunc munus ab obsequio.

In Regi-
stro, lib.
2. cap. 57.

ART. 6. *Vtrum sit conveniens simoniaci pœna, ut privetur eo, quod per simoniam acquisivit. R. Affirmativè*, ita quod qui muneris interventu spiritualia quæcumque assequitur, ea licite retinere non possit; quanvis non ita, quin & aliis puniendus sit pœnis. *Primum est*, quia cum nullus possit id licite retinere, quod contra voluntatem Domini acquisivit; & Dominus, cujus quidem Ecclesiarum Prælati dispensatores sunt, ordinaverit ut spiritualia gratis darentur; ideo qui muneris interventu spiritualia quæcumque

Matth.
20.

assequitur, talia licitè retinere non potest. Unde & qui simoniacè recipit sacrum Ordinem, recipit quidem characterem, non tamen gratiâ, & ordinis exequutionem, ad eò ut ipso facto suspensus sit & quoad se, & quoad alios, ut nullus ei communicet, sive peccatum sit publicum, sive occultum; & qui scienter & sponte accipit simoniacè Ecclesiasticum Beneficium, debet id resignare, tum notatur infamiâ, & tenetur fructus perceptos, necnon qui potuerunt percipi à possessore diligenti (deductis tamen expensis factis causâ fructuum, & in utilitatem Ecclesiæ) restituere, & quidem Ecclesiæ, in cuius injuriam fuere accepti, nisi fortè Prælatus, vel totum Collegium essent in culpa; in quo casu, ne de peccato commodum reportarent, dari deberent de licentia Superioris vel pauperibus, vel alii Ecclesiæ: & si qui sunt in Monasterio simoniacè recepti, tenentur abrenunciare; atque si eis scientibus commissa est simonia, post Concilium Generale, tunc sine restitutionis spe de Monasterio suo sunt expellendi, & ad agendam pœnitentiam in arctiore Regula sunt ponendi, vel in aliquo loco ejusdem Ordinis, si strictior Ordo non inveniretur: si autè ante Concilium, debeant in aliis locis ejusdem Ordinis collocari, aut si fieri non potest, debeant dispensativè in eisdem monasteriis recipi, sed mutatis prioribus locis, & inferioribus assignatis: sicut & si ipsis ignorantibus simoniacè intrusi sunt, poterunt, postquam renunciaverint, de novo recipi, locis mutatis. *Secundum est*, quia ut habetur l. q. i. can. *Si quis Episcopus*, puniuntur insuper simoniaci, tam vendentes, quàm emen-

tes, aut etiam mediatores poenā infamiae, & depositionis, si sint Clerici; & excommunicationis, si laici: & quidem taliter, quod dispensare cum eo, qui est beneficiatus simoniace scienter, solus Papa possit, esto quod in aliis casibus possit etiam Episcopus: ita tamen, quod prius abrenunciet quod simoniace acquisivit, & postmodum dispensationem consequatur, vel parvam, vel magnam, ut scilicet majores Ordines exequatur, non tamen praelationem accipiat. Vnde neque propter praeceptum, nec propter excommunicationem debet aliquis recipere ordinationem ab Episcopo, quam scit simoniace promotum; nec recipit, si ordinetur, executionem Ordinis, etiamsi ignoraret esse simoniacum, sed indiget dispensatione; esto quod si simoniacus sit aliquo alio modo, quam per promotionem suam, possit tunc Ordinem ab eo recipere, si sit occultus, utpote qui non est suspensus, nisi quoad se.

IN QVÆSTIONEM CI.

De pietate.

ARTI-
CVLVS
PRI-
MVS.

Vtrum pietas se extendat ad determinatas personas aliquorum hominum. *Re. Affirmativè*, ita quod pietas ad parētes, & patriam principaliter se extendat, quanvis non ita, quin etiam ad divinum cultum referatur pietatis nomen. *Primum est*, quia cum diversimodè efficiatur homo aliorum debitor secundum eorum diversam excellentiam, & diversa beneficia ab eis accepta; ideo cum Deus sit excellentissimus, nobisque primum essendi, & gubernationis principium; secundariò autem parentes & patria, à quibus scilicet, & in qua nati & nu-

triti sumus, propterea fit, ut post Deum sit homo maximè debitor parentibus, & patriæ (esto quod more vulgi, latè sumpto vocabulo, utamur nomine pietatis etiam in operibus misericordiæ ad omnes;) adeò ut quemadmodum ad religionem pertinet cultum Deo exhibere, ita secundariò ad pietatem spectet exhibere cultum parentibus, & patriæ; ita tamen quod in cultu parentum includatur & cultus omnium consanguineorum, ex Arist. & in cultu patriæ, omnium concivium, & patriæ amicorum: ad principia namque nostri esse magis referuntur communicationes concivium & consanguineorum, quàm aliæ communicationes. *Secundum est*, quia cùm majus includat minus, proindeque & cultus qui Deo debetur, includat cultum parentibus debitum, qui aliquid particulare est, ideò & nomen pietatis etiam ad divinum cultum refertur.

Vtrum pietas exhibeat parentibus sustentationem. *R. Affirmative*, non quidem per se loquendo, sed secundùm quod occurrit per accidens. *Ratio utriusque partis est*, quia pater per se loquendo, ut pater est, cùm sit major, & quasi principium filij existens, nonnisi reverentia ei debetur, & obsequium; sed quia ex hoc debetur, quod decet eum accipere secundùm quod ei accidit; ut si infirmus sit, quod visitetur, & ejus curationi intendatur; si pauper, quod sustentetur: ideò per accidens debet pietas & sustentationem parentibus, adeò ut in honoratione parentum intelligatur omnis subventio, ut etiam Christus interpretatur, & ex Aug. colligitur dicente, quod dicimur colere homines, quos honorificatione, vel

ART. 2.

Matth.
15.
Lib. 10.
de Civ.
Dei, c. 1.

recordatione, vel praesentiâ, seu officio frequentamus. Cum quo tamen stat, quod non teneatur filius thesaurizare patri, quasi in longinquum, quia naturaliter non parentes filiorum, sed filij parentum sunt successores; neque æqualiter omnibus debeat, quibus debet ex pietate, sed præcipue parentibus.

- ART. 3. *Utrum pietas sit specialis virtus ab aliis distincta. R. Affirmative*, ita quod etiâ à charitate distinguatur, & à religione, & legali justitia; quanvis non ita, quin & protestatio sit charitatis, & per excellentiam dicatur Religio. *Primum est*, quia cùm ad rationem justitiæ pertineat, ut debitum alii reddat, proindeque & ubi invenitur specialis ratio debiti alicui personæ, sit ibi specialis pars justitiæ, & consequenter specialis virtus, utpote cùm illa sit specialis virtus, quæ respicit objectum aliquod secundum specialem rationem; ideò cùm debeat aliquid alicui specialiter, quia est connaturale principium producens in esse, atque gubernans, & hoc respiciat pietas; est consequenter pietas specialis virtus, & quidem nedum à charitate, propter rationem debiti quam respicit, sed & alia à Religione, cùm Deus longè excellentiori modo sit principium essendi, & gubernationis, quàm pater, vel patria: tum minùs generalis, quàm legalis justitia, quæ quidem bonum respicit patriæ, ut est bonum commune; cùm tamen pietas patriam respiciat, ut est nobis quoddam essendi principium. *Secundum est*, quia sicuti Deus, in quem quidem per quandam super-excellentiam & causalitatem transferuntur,

ex Dion. quæ sunt creaturarum, dicitur excellenter Pater noster, sic & per excellentiam dicitur pietas cultus Dei, seu religio: & sicut religio est quædam protestatio Fidei, Spei & Charitatis, quibus primordially ordinamur in Deum: ita & pietas quædam est protestatio charitatis, quam quis ad parentes, & patriam habet.

Lib. de
Div. c. 1.

Vtrum occasione religionis sint prætermittenda pietatis officia in parentes. **ART. 4.** *Bl. Negativè,* non quòd non liceat, ut amplius vacemus religioni, talia prætermittere, quando talibus non egent parentes officiis; sed ita quod quando non abstrahunt à Dei cultu, non sint prætermittenda. *Primum est,* quia cum virtus virtuti non contrarietur, sicut nec bonum bono, ut ait Arist. ideo nec pietas & religio se mutuò impediunt, quasi actus unius excludat actum alterius, utpote qui non esset tunc actus virtutis, sed vitii, quandoquidem virtutis actus certis limitatur circumstantiis, quas si prætereat, jam erit vitiosus actus. Vnde tunc quidem dimittenda sunt officia pietatis in parentes propter religionem, quando parentum cultus nos abstraheret à cultu Dei, eo quòd excederetur tunc debitus modus, si plus homo intenderet ad colendum parentes, quàm Deum: in quo etiam sensu dicit Hieron. Percalcatum perge patrem, percalcatam perge matrem, & ad vexillum Crucis advola. Et in hoc etiam sensu exponit Greg. illud: Si quis venit ad me, & non odit patrem suum; adeò ut, inquit, parentes quos adversarios in via Dei patimur, odiendo & fugiendo nescire debeamus: sicut & Exod. 33. dicuntur Levitæ suos ignorasse

Luc. 14.
Homil.
37. in
Evang.

478 *Quaest. CII. Artic. I.*

consanguineos, quia idololatriis secundum
mandatum Domini non pepercerunt; secus
tamen si à religionis cultu per talia non
abstrahamur, cum tunc pertineat ad piete-
tem, ut pietas, & virtus est, ea non dimit-
tere. Et hoc maximè, quia hoc ipsum quod
parentibus exhibemus, sicut & alia miseri-
cordiæ opera, in Deum referimus, juxta il-
lud: Quod uni ex minimis meis fecistis,
&c. *Secundum est*, quia cum filii non te-
neantur ad sustentationem parentum, nisi
causâ necessitatis, ut dictum est; ideo ubi
absque nostro obsequio vivere possunt, li-
citur est, ut amplius Religioni vacemus,
taliam prætermittere, juxta illud, Sinite
mortuos sepelire mortuos suos; seu ut ex-
ponit Cyrillus, viventem patrem in sene-
ctute per alios sustentari, usquequò sepe-
liatur, utpote quia erant alii, qui ejus cu-
ram habere poterant, lineâ parentelæ astri-
cti. Cum quo tamen stat, quod licet qui
parentes habet, qui ex se sustentari non
possunt, non debeat, eis relictis, Religionem
intrare, quia transgrederetur præceptum
de honoratione parentum; si tamen sit in
Religione professus, cum jam reputetur
mortuus mundo, non debeat occasione
subventionis parentum exire è clauistro,
esto quod teneatur cum licentia Prælati
pium adhibere studium ad hoc ut eis sub-
veniatur.

IN QVÆSTIONEM CII.

De observantia, & illius partibus.

ARTI-
CVLVS
PRI-
MVS.

Vtrum observantia sit specialis virtus
ab aliis distincta. R. Affirmativè, non
quod non possit pietas per quandam excel-
lentiam dici observantia, sed ita quod pro-

priè dicta etiam à pietate, & à justitia distinguatur. *Primum est*, quia ut carnalis pater participat particulariter rationem principii, quæ universaliter invenitur in Deo; sic etiam personæ, quæ quantum ad aliquid providentiam circa nos gerunt, ut Princeps, Dux, Magister, &c. particulariter participant proprietatem patris, & patres appellantur propter similitudinem curæ, utpote cum Pater sit principium, non solum generationis, sed educationis, & omnium, quæ ad humanæ vitæ perfectionem pertinent; proindeque cum oporteat ut eodem modo per quendam ordinatum descensum distinguantur virtutes, sicuti excellentia personarum, quibus est aliquid reddendum; idè sicut sub religione, qua cultus exhibetur Deo, invenitur quodammodo pietas, quâ coluntur parentes: ita sub pietate invenitur & observantia, per quam cultus & honor exhibentur personis in dignitate constitutis, & quidem condistincta nedum à pietate ex præfato ordinato descensu, sed & à justitia, ad quam quidem cum pertineat reddere æquale, si propriè sumatur; & id fieri non possit ad virtuosos, & ad eos qui bene statu utuntur dignitatis, opus est propterea aliâ adjunctâ virtute, quæ est observantia. Ita tamen quod reverentia, quæ propter quamcunque excellentiam, etiam scientiæ, aliquibus exhibetur, ad eandem pertineat virtutem observantiæ; quandoquidem etsi quis per scientiam & virtutem non fortiatur rationem principii quantum ad alios, efficitur tamen idoneus ad dignitatis statum. *Secundum est*, quia sicut religio per quendam supereminentiam pietas

Quæst.
præc.
art. 3.

480 *Quaest. C I I. Artic. II. & III.*

dicitur, ut dictum est; ita & pietas per quandam excellentiam potest dici observantia.

ART. 2. *Vtrum ad observantiam pertineat exhibere cultum, & honorem his qui sunt in dignitate constituti. R. Affirmative;* ita tamen quod exhibeatur honor intuitu excellentiae, cultus autem intuitu officii. *Ratio utriusque partis est,* quia cum ad eos, qui sunt in dignitate constituti, pertineat gubernare subditos; & gubernare sit movere aliquos in debitum finem; ideo & oportet, ut in eo qui est in dignitate constitutus, primum consideretur excellentia status cum quadam potestate in subditos, deinde ipsum gubernationis officium, proindeque & quod ratione excellentiae ei exhibeatur honor, qui quidem est quaedam recognitio excellentiae; & ratione officii debeatur & exhibeatur cultus, qui in quodam consistit obsequio, seu in quo non solum intelligitur honor, sed etiam quaecumque alia, quae spectant ad decentes actus, quibus scilicet homo ad alium ordinatur. Vnde excellentiae eorum, qui sunt in dignitate, debetur & honor ratione sublimioris gradus, & timor ratione potestatis: tum obedientia ratione officii gubernationis: tum etiam tributa, quae sunt quasi stipendia laboris ipsorum. Et quidem taliter, quod eis debeamus honorem & cultum, etiamsi non simus eis subiecti, non quidem ex debito legali, sed morali, quod scilicet ex quadam honestate debetur.

ART. 3. *Vtrum observantia erga virtuosos sit potior virtus, quam pietas erga parentes. R. Negative,* non quod virtuosus secundum se consideratus non sit magis dignus honore, quam

quàm personæ parentum ; sed ita quod sub
habitudine quâ à pietate , & observantia
respiciuntur, præmineat pietas observan-
tiæ. *Ratio utriusque partis est* , quia cùm
comparatio hæc observantiæ ad pietatem
debeat attendi non secundùm quod exhi-
bet observantia præfatis personis in ordine
ad bonum commune, utpote quod ad pie-
tatem spectat, quæ cultum exhibet non so-
lùm patri, sed etiam patriæ ; sed in ordine
ad propriam eorum utilitatem , & conse-
quenter secundùm diversas habitudines di-
versarum personarum ad nos, quas respicit
utraq; virtus ; ideo cùm personæ paren-
tum substantialiùs nobis conjungantur,
quàm quæ sunt in dignitate constitutæ ;
quandoquidem magis ad substantiam per-
tinet generatio & educatio , cujus princi-
pium est pater, quàm exterior gubernatio,
cujus principium sunt personæ in dignita-
te constitutæ : nec comparetur Princeps ad
patrem ut virtus universalis ad particula-
rem , nisi quantum ad exteriorem guber-
nationem, non autem prout est pater prin-
cipium generationis, cōsequenter fit, quod
licet virtuosi secundùm se considerati sint
magis digni honore quàm personæ paren-
tum , utpote quibus post Deum debetur
maximè reverentia ; nihilominus sub habi-
tudine quâ à pietate & observantia respi-
ciuntur, sive comparative ad nos , seu cul-
tum exhibentes , in ordine ad quos debet
etiam proportionari honor & cultus, præ-
mineat pietas observantiæ, ita quod filii
magis obligentur propter beneficia susce-
pta ad cultum exhibendum parentibus
quàm extraneis virtuosis.

ARTI-
CVLVS
PRI-
MVS.

Vtrum honor importet aliquid corporale.
R. Affirmativè; si tamen sermo sit de honore quoad homines, non quoad Deum. *Primum est*, quia cum honor testificationem quandam importet de excellentia alicujus; & quoad homines nemo possit testimonium ferre, nisi signis exterioribus, scilicet verbis, in quo convenit honor cum laude; vel factis, aut exterioribus rebus, ut sunt munera, & imagines; ideò & apud homines consistit honor in signis exterioribus & corporalibus. Vnde & dicitur præmium virtutis, licet non sit sufficiens, quia nihil potest esse majus honore in corporalibus rebus, prout scilicet signa sunt manifestativa excellentiæ virtutis. Cum quo tamen stat, quod reverentia, quæ quidem non est idem quod honor, sed ex una parte est primum motivum ad honorandum, & ex alia est honoris finis, dum quis honoratur ut ab aliis in reverentia habeatur, consistat potius in actu spirituali timoris. *Secundum est*, quia cum coram Deo, qui quidem inspector est cordium, testimonium conscientiæ sufficiat, ideò & honor quoad Deum potest consistere in solo interiori motu cordis, dum scilicet recogitat aliquis, vel Dei excellentiam, vel etiam alterius hominis coram Deo.

ART. 2. *Vtrum honor propriè debeatur superioribus.*
R. Affirmativè, non quod oporteat quod honorandus sit semper simpliciter excellentior honorante, sed vel excellentior quibusdam aliis, vel ipso honorante quantum ad aliquid. *Ratio utriusque partis est*, quia

Quest. CIII. Artic. III. 483

cùm honor nihil aliud sit , quàm preestatio de excellentia bonitatis alicujus ; & excellentia possit considerari non solum per comparisonem ad honorantem , sed etiam secundum se , vel per comparisonem ad aliquos alios ; idcò & secundum hoc semper debetur honor propter aliquam excellentiam , vel superioritatem , nò quòd oporteat , ut qui honoratur , sit excellentior honorante , esto quod in quolibet inveniatur aliquid ex quo possit aliquis ex humilitate eum superiorem reputare , ut dicit Apost. Ad Philipp. 2. juxta quod omnes se invicem debent honore prævenire ; sed ita quod excellentior sit vel aliis , vel ipso honorante quantum ad aliquid. In quo quidem sensu & Prælati mali honorari solent , non propter excellentiam propriæ virtutis , sed propter excellentiam dignitatis , secundum quam sunt Dei ministri : & etiam privaræ personæ interdum honorantur à Regibus , quo modo fuerunt honorati Tobias , & Mardocheus , non quòd sint superiores , sed propter aliquam excellentiam virtutis ipsarum. Unde nec prohibuit Angelus Ioannem à quacumque honoratione , sed ab honoratione adorationis latriæ , vel etiam fortasse dulix , ut Ioannis dignitatem Angelis per Christum adæquati ostenderet. Apost. ult.

Vtrum dulia sit specialis virtus à latria distincta. ART. 3. *R. Affirmative* , non quòd latria non possit per excellentiam quandam dici dulia ; sed ita quod propriè sumpta dulia specialem respiciat rationem , unde distinguatur à latria. *Primum est* , quia cùm necesse sit quod ubi est alia ratio debiti , sit etiam alia virtus , quæ debitum reddat ; &

484 *Quest. CIII. Artic. IV.*

alia ratione debeat servitus Deo, & homini, sicut alia ratione competit eisdem dominium, utpote cum Deus habeat plenarium, & principale dominium respectu totius creaturæ, homo autem tantum particularem potestatem ex participatione similitudinis divini domini; ideo dulia quæ debitam servitutem exhibet homini dominanti, sicut & Latine servitus dicitur, quæque propterea est quædam species observantiæ, est alia virtus à latria, quæ divino dominio debitam exhibet servitutem. Vnde est quidem eadem charitas, quâ diligimus Deum & proximum, quia scilicet Deus est ratio diligendi & proximum; non tamen latria, & dulia sunt eadem virtus, cum alia sit ratio serviendi Deo, & alia serviendi homini; & quidem quavis motus qui est in imaginem, sit quodammodo in rem, utpote cum non propterea motus qui est in rem, sit etiam in imaginem; & ita licet reverentia quæ sit alicui, ut est imago Dei, redundet quodammodo in Deum; alia tamen sit reverentia, quæ ipsi Deo exhibetur. *Secundum est*, quia sicut Religio per excellentiam dicitur pietas, in quantum Deus est per excellentiam pater, ut dictum est: ita etiam latria per excellentiam dicitur dulia, in quantum Deus per excellentiam est dominus.

ART. 4. *Utrum dulia habeat diversas species. R. Negative;* si tamen sumatur dulia, non communiter secundum quod exhibet cultum ratione cujuscunque excellentiæ, sed strictè secundum comparisonem servi ad dominum. *Primum est*, quia cum alia speciali ratione revereatur servus Dominum, ab ea,

quâ miles ducem, discipulus Magistrum, &c. ideò strictè sumpta dulia prout secundum eam servus reverentiam exhibet domino, non in diversas dividitur species, sed est una specierum observantiæ. Vnde quod crux Christi honoretur, non inde arguitur alia species duliæ, cum creaturæ irrationali in se considerata non debeat ab homine aliquis honor subjectionis, sed illud fit eadem honoris specie, quâ Christus ipse honoratur, sicut purpura Regis, &c. *Secundum est*, quia sumptâ duliâ communiter, ut scilicet exhibet homini cuicumque reverentiam ratione cujuscumque excellentiæ, cum contineat sub se pietatem, observantiam, & omnem virtutem, quæ homini reverentiam exhibet; ideò & habet sub se plures species, quarum quidem potissima est hyperdulia, quandoquidem maxima debetur homini reverentia ex affinitate, quam habet ad Deum.

IN QVÆSTIONEM CIV.

De obedientia.

Vtrum unus homo teneatur alteri obedire. R. *Affirmativè*, & quidem ex ordine juris, & naturalis, & divini; quanvis non ita quod secludatur in obediendo proprium consilium. *Primum est*, quia cum operationes humanæ procedant ex humana voluntate, sicut procedunt actiones naturales ex potentiis naturalibus; & in rebus naturalibus oporteat ut superiora moveant inferiora ad suas actiones per excellentiam naturalis virtutis divinitus collatæ; ideò & oportet ex eodem rerum ordine à Deo stabilito, ut in humanis superiores moveant inferiores per suam voluntatem, quod qui-

ARTI-
CVLVS
PRI-
MVS.

dem movere per rationem & voluntatem, est ad obediendum præcipere. Vnde est quidem divina voluntas prima regula humanæ actionis : cum hoc tamen stat, ut possit & voluntas unius hominis præcipientis esse quasi secunda regula voluntatis alterius obediens ; ita tamen quod licet obedire sit debitum , si tamen propria voluntate quis obediat, non ob hoc minuat meritorium, maxime apud Deum ; quandoquidem redditur opus laudabile, & meritorium, præcipue prout ex voluntate procedit. *Secundum est*, quia ideo Deus reliquit hominem in manu consilii sui, non quod liceat ei facere quidquid velit, sed quia ad id, quod faciendum est, non cogitur necessitate naturæ, sed libera electione ex proprio consilio procedente; quod etiam requiritur ad hoc, ut obediat suis superioribus.

ART. 2. *Verum obedientia sit specialis virtus. Et affirmativè ;* si tamen accipiatur obedientia non largè pro cujuscunque executione, quod potest cadere sub præcepto ; sed propriè, in quantum scilicet ad rationem præcepti attendit. *Primum est*, quia cum ad omnia opera bona, quæ specialem habent rationem laudis, etiam specialis virtus determinetur, cujus quidem proprium est reddere opus bonum ; & obedire superioribus, cum sit debitum secundum ordinem divinum, sit bonum quid, habeatque specialem rationem laudis ex speciali objecto, quia specialiter tenentur inferiores præceptis superiorum obedire. Vnde & est superioris præceptum tacitum, vel expressum ejus speciale objectum, quod respicit, non autem diversa ratio excellentiæ, ad diffe-

rentiam reverentiæ; ideò & est obedientia, si propriè accipiatur, in quantum respicit per intentionem formalem rationem præcepti, specialis virtus, & inobedientia speciale peccatum; quandoquidem secundum hoc ad obedientiam pertinet, ut impleat actum justitiæ, vel alterius virtutis, intendens implere præceptum; & ad inobedientiam, ut actualiter contemnat speciale præceptum. Et hinc etiam fit, quod obedientia, quæ habet aliquid de suo, ut in prosperis, est vel nulla, vel minor, eo quod tunc propria voluntas videatur principaliter tendere, non ad implendum præceptum, sicut videtur tendere in difficilibus & adversis, saltem secundum id quod exterius apparet, sed potius ad exequendum proprium volitum. Cum quo tamen stat, quod non sit obedientia virtus theologica, sed moralis, utpote quia pars est justitiæ, cujus quidem superfluum non attenditur secundum quantum, sed secundum alias circumstantias, ut cum quis obedit cui non debet, vel in quibus non debet, &c. *Secundum est*, quia si ita largè accipiatur obedientia pro executione cujuscunque, quod potest cadere sub præcepto ex quacunque intentione, sic erit generalis virtus, sicut & cōcurrit ratio præcepti cum actibus omnium virtutum, esto quod non concurrat cum omnibus virtutū actibus, cum omnes nō cadāt sub præcepto.

Utrum obedientia sit maxima virtutum. ART. 3.

R. Negativè, non quod non sit suprema inter virtutes morales, sed ita quod inferior sit virtutibus theologicis. *Primum est*, quia cum meritum virtuosæ actus in hoc consistat, quod homo contemptis bonis creatis

Deo inhæret sicut fini; sicut in hoc peccatum est, quod homo contempto Deo, commutabilibus bonis inhæret; & ubi bona creata propter hoc contemnuntur, ut Deo inhæreatur, major sit laus virtutis ex hoc quod Deo inhæret, quàm ex hoc, quod bona terrena contemnit, utpote quia finis potior est his, quæ sunt ad finem; ideò sit, quod virtutes theologicæ, quibus Deo secundum se inhæretur, sint potiores moralibus, & consequenter quàm obedientia, quibus scilicet terrenum quid contemnitur, ut Deo inhæreatur. Vnde quando dicit Greg. quod propter obedientiam debet interdum prætermitti aliquod bonum, non de iis loquitur bonis, ad quæ scilicet homo tenetur ex necessitate; sed de aliis, quæ quidem licet prætermittere propter obedientiam, ad quam ex necessitate tenetur. *Secundum est*, quia cum inter has virtutes tanto aliqua potior sit, quanto aliquis majus contemnit, ut Deo inhæreat; & hujusmodi sit obedientia, quæ quidem propter Deum contemnit propriam voluntatem, quæ est potior non solum bonis externis & corporis, sed etiam animi, utpote quàm omnibus aliis utimur bonis, unde & laudabilius dicitur obedire Deo, quàm sacrificium offerre, etsi utrumque contineatur sub religione, & pertineat ad devotionem, quando quidem in sacrificio solum aliena caro immolatur, & in obedientia propria voluntas; ideò & est obedientia inter virtutes morales suprema, propter quod etiam opera aliarum virtutum ideò sunt meritoria, quia fiunt ut divinæ obediatur voluntati, juxta illud Scripturæ: Qui dicit se nosse

lib. vii.
Moral.
cap. 21.

Deum, & mandata ejus contemnit, mendax est. Cum quo tamen stat, quod non ideò sit obediētia omnibus prior, & quidem etiam si ex Greg. omnes virtutes inserat menti, atque custodiat, quatenus scilicet ad eam pertinent actus omnium virtutum, prout sunt in præcepto; quandoquidem potest adhuc implere aliquis actum virtutis, non attendens ad rationem præcepti; & potest insuper infusio gratiæ, & virtutum præcedere etiam tempore omnem actū virtuosū.

In ult.
Moral.
cap. 12.

Vtrum in omnibus sit Deo obediendum. ART. 4.
R. *Affirmativè*, non quòd teneamur semper velle quod Deus vult; sed ita quod teneamur semper velle quod præcipit, sive quod vult nos velle. *Primum est*, quia cum obediens moveatur per imperium ejus cui obedit, sicut res naturales moventur per suos motores; & sicut Deus est primus motor omnium quæ naturaliter moventur, ita & primus sit motor omnium voluntatum: ideò sicuti naturali necessitate omnia naturalia subduntur divinæ motioni, sic quædam necessitate justitiæ tenentur omnes voluntates obedire imperio Dei, qui quidem nihil potest præcipere contra virtutem, sicut nec movere contra naturam, sed solum contra consuetum cursum, & consuetum virtutis modum; & sic præcepit Abraham ut filium occideret, & Iudæis ut res acciperent Ægyptiorum, tum Osæ ut mulierem adulteram acciperet, quæ quidem non fuerat contra justitiam, cum & sit Deus author mortis & vitæ, & ejus sint omnia bona; & ille sit debitus modus utendi mulieribus, quem Deus instituit. Vnde non obediere quidem cæci, dicente Domino, quod mi-

Mate. 9.

racula occultarent; sed nec etiam ipse quasi intendit eos obligare, sed potius ut exemplum sequentibus se daret, ut scilicet ipsi virtutes suas occultare desiderent; & tamen ut alii eorum exemplo proficiant, prodantur inviti. *Secundum est*, quia non semper quantum ad omnia tenemur conformare voluntatem nostram voluntati divinæ involito, ut supra habitum est.

1. 1. q. 29.

2. 1. 10.

ART. 5.

Vtrum subditi teneantur suis superioribus obedire in omnibus. R. Negative, ita quod in his quidem, quæ pertinent ad dispositionem actuum, & rerum humanarum teneantur obedire; sed non his quæ pertinent vel ad interiorem motum, vel ad naturam corporum. *Ratio utriusque partis est*, quia cum obediens moveatur imperio præcipientis ex quadam necessitate iustitiæ, ut res naturales virtute motoris, necessitate naturalij, & naturalium motus impediatur non solum ob virtutem majorem alterius motoris, ut calefactio ligni ob vim aquæ, sed & propter defectum ordinis, seu subjectionis mobilis ad motorem, ut si humor subjiciatur actioni ignis quantum ad calefieri, sed non quantum ad exsicari: ideo similiter & ex duobus potest quis impediri ne suo superiori teneatur obedire, puta vel ob præceptum majoris, juxta illud: Obedire oportet Deo magis quam hominibus; sed insuper quia aliquid præcipitur, in quo præcipienti non subduntur tanquam medio inter Deum, & subditos; sed immediate Deo subduntur, à quo scilicet per legem, sive naturalem, sive scriptam instruuntur, qualia sunt non quidem quæ exterius agenda sunt per corpus, quæ scilicet pertinent

Ad 1. 5.

ad dispositionem actuum, & rerum humanarum, ut erga militem, quæ pertinent ad bellum; erga servum, quæ spectant ad servilia; ad filium, quæ spectant ad disciplinam, & ad Religiosos, quæ pertinent ad regularem conversationem, secundum quam, & non secundum alia obedientiam profitentur, esto quod in aliis licitis obedire perfectionis sit, utpote ad quæ omnia extenditur patria, sive dominativa potestas; unde & de his dicit Apost. Obedite parentibus per omnia; sed vel quæ pertinent ad interiorum motum voluntatis, quæ soli subditur Deo, unde & dicit Seneca, Errat si quis existimat servitutem in totum hominem descendere; pars enim melior, mens scilicet, quæ est sui juris, excepta est: vel quæ ad naturam corporis pertinent, puta quantum ad corporis sustentationem, aut proles generationem, in qua quidem natura pares sunt homines, non sibi subditi: unde nec sibi obedire tenentur de matrimonio contrahendo, vel virginitate servanda, aut aliquo alio hujusmodi.

Coloss.
3.
In 3. de
benefi-
ciis, c. 10

Verum Christiani teneantur secularibus potestatibus obedire. R. Affirmative, ita quod liberi non sint per gratiam Christi à servitute corporali, quæ temporalibus Dominis tenentur astricti; si tamen isti justum habeant principatum, nec injusta præcipiant. *Primum est*, quia cum per fidem Christi non tollatur ordo justitiæ, sed magis firmetur, utpote quæ ex Apost. est ejus principium, & causa; & requirat ordo justitiæ, ut inferiores suis obediant superioribus, quia alias humanarum rerum status conservari non posset; ideo licet per Christum cesset

ART. 6.

1. Cor. 3.

verit lex vetus, utpote quia figura fuit novi Testamenti, non tamen lex humana, quâ homini subjicitur, adeoque qui jam fiunt filii Dei, liberi quidem sunt à spirituali servitute peccati, non tamen à servitute corporali, quâ temporalibus Dominis tenentur astricti. Neque enim in statu hujus vitæ liberamur per Christi gratiam à defectibus corporis, sed solum animæ, ut dicit Apost. *Secundum est*, quia cum Principibus secularibus in tantum homo obedire teneatur, in quantum justitiæ ordo requirit; ideo si non habeant justum principatum, vel si injusta præcipiant, non tenemur obedire, nisi forte per accidens, ob vitandum scandalum, & periculum.

Ad Rom.

7.

IN QVÆSTIONEM CV.

De inobedientia.

ARTI-
CVLVS
PRI-
MVS.2.2.q.24.
art.12.

Rom.13.

Vtrum inobedientia sit peccatum mortale. *R. Affirmativè*, ita quod sit inobedientia, sive erga Deum, sive erga superiores. spirituali vitæ seu charitati contraria, est quod ex parte principii ortum habeat ex veniali. *Primum est*, quia cum charitas Dei, cui quidem solum contrariatur mortale, id exigit, ut mandatis ejus obediat, ut dictum est; ideo esse divinis præceptis inobedientem mortale est: cumque in divinis præceptis sit, quod superioribus obediat, ut dicit Apost. propterea fit, quod etiam contrarietur charitati proximi, quod ei subtrahitur obedientia. Vnde quod dicit Ambr. quod omne peccatum est inobedientia, de mortalibus loquitur, non de venialibus, quæ quidem non sunt contra, sed præter præceptum. Cum quo tamen stat, quod si Prælati tot ingerat præcepta,

ut ea subditus implere non possit, tunc excusetur à peccato, utpote quia nullus obligatur ad impossibile. *Secundum est*, quia cum videatur ad quandam excellentiam pertinere, quod homo præceptis alterius non subdatur, inde est quod inobedientia ex inani gloria oriatur, quæ quidem veniale est peccatum; ex quo tamen nihil prohibet, oriri mortale, cum veniale sit dispositio ad mortale.

Vtrum inobedientia sit gravissimum peccatum. R. *Negative*, ita quod gravior sit blasphemia, & cætera directè pertinentia ad Dei contemptum; tum etiam gravior sit una inobedientia, quàm altera. *Primum est*, quia cum gravius sit contemnere præcipientem, quàm præceptum, utpote cum ex reverentia præcipientis procedere debeat reverentia præcepti; ideo & graviora sunt peccata directè pertinentia ad Dei contemptum, ut blasphemia, & aliquid huiusmodi, etiam semotà per intellectum inobedientiâ, quàm esset peccatum, in quo solum contemnitur per inobedientiam Dei præceptum. Vnde non omnis inobedientia est peccatum in Spiritum sanctum, sed illa solum cui obstinatio adhibetur, utpote quia non constituit peccatum in Spiritum sanctum contemptus cujuslibet, quod peccatum impedit; sed tantum illorum, quæ directè ducunt ad poenitentiam: neque accipit Apostolus inobedientiam illam unius, Rom. 9. per quam, inquit, peccatores constituti sunt multi, ut est speciale peccatum, cum illud potius fuerit superbiæ; sed secundum quod generaliter se habet ad omne peccatum: sed neque comparatio illa Samuelis dicentis, 1. Reg. 15.

quod quasi scelus idololatrię nolle acquiescere, est comparatio æqualitatis, sed similitudinis, quatenus scilicet redundat inobedientia in Dei contemptum, sicut idololatria. *Secundum est*, quia cum magis debitum sit obedire superiori potestati, quàm inferiori, quandoquidem & prætermittitur præceptum inferioris, si sit præcepto superioris contrarium; ideò ex parte præcipientis potest una inobedientia esse gravior alterâ; sed & ex parte præceptorum, utpote cum præcipiens non velit æqualiter impleri omnia quæ mandat, sed magis velit finem, & id quod est fini propinquius, præsertim respectu Dei, cuius quidem voluntas vult semper magis impleri, quod melius est; ad differentiam humanæ voluntatis, quæ non semper fertur in melius. Unde nec est majus peccatum, cum ex solo hominis præcepto obligamur, quando majus præteritur bonum, sed quando præteritur illud quod est magis de ipsius præcipientis intentione.

IN QVÆSTIONEM CVI.

De gratia, siue gratitudine.

ARTI-
CVLVS
PRI-
MVS.

Vtrum gratitudo sit specialis virtus ab aliâ distincta. *R.* Affirmative, ita quod & à religione, & pietate, & observantia, &c. distinguatur; sed sicut quodlibet posteriorum à priori, siue non per exclusionem, sed quasi ab eis deficiens. *Primum est*, quia cum secundum diversas causas, ex quibus aliquid debetur, necesse sit diversificari debiti reddendi rationem, & consequenter virtutes, quarum est reddere; & post Deum, parentes, & personas in dignitate constitutas, quas respiciunt religio, pietas, & ob-

servantia, particulariter obligemur benefactoribus, à quibus aliqua beneficia particularia percipimus, nec quidquid iis debemus, debeamus benefactori; ideò & habet gratitudo, quæ benefactoribus gratiam recompensat, unde ab iis distinguatur, sicut & à justitia commutativa, ad quam quidem non pertinet retributio proportionalis, nisi quando attenditur secundum debitum legale, non autem quando fit ex solo debito honestatis, quo modo pertinet ad gratitudinem. *Secundum est*, quia cum in materia debiti semper quod minus est in majori contineatur, proindeque & debitum ex gratitudine in debito ex religione, pietate, & observantia; ideò non per exclusionem, sed sicut posterius à priori, & quasi ab eis deficiens condistinguitur gratitudo, adeò ut religio sit quædam supereminens gratitudo, sicut & pietas.

Vtrum magis teneatur ad gratias reddendas Deo innocens, quàm pœnitens. **ART. 2.** *Negativè*, non quòd illud quod innocenti datur, non sit absolutè consideratum majus; sed quia quod datur pœnitenti est majus quid in comparatione ad ipsum. *Ratio utriusque partis est*, quia cum gratiarum actio respiciat gratiam dantis, proindeque & ubi major est gratia, quæ quidem sic dicitur, quia gratis datur, ibi major requiratur gratiarum actio ex parte recipientis; ideò quoniam majus datur à Deo donum innocenti, absolutè loquendo, cæteris paribus, utpote magis continuatum, juxta illud Aug. Gratia-
Lib. 1.
Confess.
cap. 2.
 rum deputo & quæcumque non feci mala; ideò in quantum gratia dicitur major ex quantitate dati, sic tenetur innocens ad

496 *Quaest. CVI. Artic. III.*

maiores gratiarum actiones: sed quia quod poenitenti datur, magis gratis datur, utpote quia dignus erat etiam poena, proindeque & est quid majus hinc & nunc, & in compactione ad ipsum, sicut patrum donum pauperi datum est hinc & nunc majus quid, quam diviti magnum; ideo quia in his, quae agenda sunt, magis consideratur quod est hinc vel nunc tale, utpote circa singularia peragenda, quam quod est absolutè, & simpliciter tale, ut dicit Phil. de voluntario & involuntario, quasi majus censetur quod poenitenti datur, & ad majores tenetur gratias.

3. Ethic.
cap. 1.

ART. 3. *Vtrum homo teneatur ad gratiarum actiones omni homini beneficienti. R. Affirmative*, ita quod benefactori in quantum tali debeat honor & reverentia, sed per accidens debeat & subventio, vel sustentatio. *Ratio utriusque partis est*, quia cum omnis effectus ad suam causam naturaliter convertatur, ut ait Dion. & ad finem agentis ordinetur; ideo cum benefactor in quantum talis sit causa beneficiati, requirit naturalis ordo, ut qui beneficium suscepit, per gratiarum recompensationem convertatur ad benefactorem; & quidem per se loquendo per honorem & reverentiam, eo quod habeat benefactor rationem principii; tum etiam per accidens per subventionem secundum modum utriusque, si nimirum accadat, quod indigeat. Vnde licet quis beneficium dederit, non cum gratia, sed magis cum contumelia, tarditate, & tristitia; non ideo debet recipiens à gratiarum actione cessare, minus tamen, quam si modo debito praestitisset, quia etiam be-

beneficium minus est ; sed neque cessare debet gratiarum actio ex eo , quod quis beneficium fecerit ad suam utilitatem , cum etiam servis reddantur gratiæ ultra debitum facientibus ; summa namque malignitatis esset , ait Seneca , beneficium non vocare , nisi quod dantem aliquo afficit incommodo. Cum quo tamen stat , quod si qui beneficium dedit , in pejus mutatus est , debeat ei fieri recompensatio secundum statum ipsius , ut ad virtutem reducat , sicut & in felicitate existenti , per exhibitionem non lucri , sed honoris ; si autem insanabilis sit , tunc salvâ , quantum fieri potest , honestate , memoria saltem habeatur præstiti beneficii. Recompensatio enim cum maxime pendeat ex affectu , eo propterea modo fieri debet , quo magis est utilis ; ita tamen , quod quia , ut ait Seneca , reddendum mihi est , non servandum cum reddidero , ac tuendum , nec etiam imputetur recompensanti , si postea per incuriam vertatur recompensatio in damnum.

Lib 6. de
benef.
cap. 19.

Vtrum homo debeat statim beneficium recompensare. R. Negativè, adeò ut affectus quidem ad recompensandum debeat esse ab initio , sed donum opportuno tempore. *Ratio est* , quia cum qui nimis citò cupit solvere , invitus debeat , proindeque si non convenienti tempore , sed statim velit aliquis munus pro munere reddere , non videatur esse virtuosa recompensatio , sed invita ; ideò sicut etiam beneficia sunt opportuno tempore danda , nec amplius tardandum , cum opportunum tempus advenierit ; ita & expectari debet quantum ad donum tempus , quo recompensatio sit be-

ART. 4.

benefactori opportuna, adeò ut qui ex fervore animi præoccupat tempus, hic laudandus non sit, utpote cum fervor voluntatis, nisi sit ratione ordinatus, non sit virtuosus. Unde est quidem statim solvendum legale debitum; non ita tamen morale, quod cum dependeat ex honestate debentis, debet reddi tempore congruo, ut requirit rectitudo virtutis.

ART. 5. *Vtrum gratiarum actio sit attendenda secundum affectum benefactoris, potius quam secundum effectum. R. Affirmative, nõ quòd in omni recompensatione magis semper oporteat attendere affectum, quàm effectum; sed ita quod in quantum est recompensatio ex gratitudine, magis attendi debeat affectus dantis, quàm effectus. Primum est, quia cum respiciat gratitudo beneficium secundum quod est gratis impensum, quod quidem pertinet ad affectum; necnon & formaliter, ac principaliter consistat beneficium in voluntate, à qua scilicet pendet omnis actus moralis, ut est laudabile, & ut ei gratiæ recompensatio debetur, nec nisi materialiter consistat in effectu; ideò & in recompensatione, prout ex gratitudine est, præcipuè attendendum ad benefactoris affectum, qui quidem, licet per se loquendo à solo Deo cognoscatur; per signa tamen manifestatus etiam ab homine cognoscitur. Unde est quidem gratitudo pars iustitiæ, sed per quandam reductionem ad iustitiæ genus, non autem ut species generis, sicque non eadem ratio debiti debet attendi in utraque. Secundum est, quia & quando pertinet recompensatio beneficii ad iustitiam, ut cum rationem habet debiti legalis, sicut*

in mutuo, debet attendi tunc secundum quantitatem dati; & quando pertinet ad amicitiam, ubi rationem induit moralis debiti, sicut in amicitia honesti debet respectus haberi ad affectum dantis, quia hoc praecipue requiritur ad virtutem; sic & in amicitia utilis debet recompensatio fieri secundum utilitatem, quam quis ex beneficio consequutus est, & consequenter secundum effectum.

Vtrum oporteat aliquem plus exhibere in recompensatione, quam suscepit in beneficio. **Art. 6.** *Affirmativè*, non quod in effectum plus semper exhibere oporteat, sed ita quod huc semper tendat ex affectu, ut pro suo posse aliquid majus retribuatur. *Ratio utriusque partis est*, quia cum recompensatio respiciat beneficium secundum voluntatem beneficientis, in quo praecipue commendatur, quod beneficium gratis contulit; ideo & ad hoc obligatur qui beneficium accepit, ut similiter aliquid gratis impendat, si non quantum ad effectum, quo modo filius nec etiam aequale reddere potest, saltem quantum ad affectum & voluntatem retribuendi: quod tamen locum non habet, nisi excedat in affectu quantitatem accepti beneficii, quandoquidem ubi non nisi minus, vel aequale reddit, videtur solum reddere quod accepit. Vnde sicut in justitia attenditur aequalitas rerum, ita in gratitudine attendi debet aequalitas voluntatum, ut sicuti ex promptitudine voluntatis quis beneficium contulit, ad quod non tenebatur; ita qui accipit, etiam aliquid supra debitum recompenset. Neque inconveniens est, quod ex hoc fiat gratitudinis obligatio intermi-

nabilis, dum scilicet ad beneficium in recompensando de novo datum tenetur alter gratiam similiter recompensare, utpote quæ obligatio ex charitate derivatur, quæ quanto plus solvitur, tanto magis debetur.

IN QVÆSTIONEM CVII.

De ingratitude.

ARTICULVS PRIMVS. **V**trum ingratitude sit semper peccatum.

R. Affirmativè, & quidem taliter, quod nec ullus excusetur ab ingratitude ex impotentia reddendi, nec à debito gratitudinis debeat ullus velle absolvi. *Ratio utriusque partis est*, quia cùm debitum gratitudinis sit quoddam debitum honestatis, quam quidem virtus requirit; & ex hoc aliquid peccatum sit, quod repugnat virtuti, ideò & omnis ingratitude peccatum est, & quidem taliter, quod nec propter impotentiam reddendi quis excusetur ab ingratitude, quando quidem ad hoc reddendum debitum sola voluntas sufficit, etiam ubi adesset oblivio, modò ex naturali infirmitate proveniat, non ex negligentia; sed nec debeat ullus velle absolvi à gratitudinis debito, utpote quod ex debito amoris derivatur. Cum quo tamen stat, quod ei, qui auxilium tulit ad peccandum, non debeat gratiarum actio, quæ soli debetur beneficio, non nocumento, nisi fortè propter voluntatem bonam, dum credidit adjuvare ad bonum, & juvit ad malum.

ART. 2. *Vtrum ingratitude sit speciale peccatum.*

R. Affirmativè, ita quod non minùs sit unù speciale peccatum, quàm gratitudo una specialis virtus, quanvis non ita speciale, quin in eo distinguantur diversi gradus. *Primum est*, quia cùm virtus gratitudinis

Quaest. CVII. Artic. III. 501

in aliquid amplius tendat, ut dictum est, proindeque & propriè nominetur ingratitude ex gratitudinis defectu, sicut & omne vitium ex defectu virtutis, qui magis virtuti opponitur; ideò cum omnis defectus, seu privatio speciem sortiatur secundum habitum oppositum, erit ingratitude speciale peccatum, cum sic opponatur gratitudini, quæ est specialis virtus, & quidem. quanvis in quolibet peccato sit materialis ingratitude in Deum, utpote cum formaliter ingratitude sit, quando beneficium contemnitur, quod est speciale peccatum. Nec enim aliquid prohibet, formalem rationem alicujus peccati, ut accidit in hoc peccato, in pluribus peccatorum generibus materialiter inveniri. *Secundum est*, quia cum secundum ea, quæ ad gratitudinem requiruntur, primum sit, quod homo acceptum beneficium recognoscat; deinde quod laudet, & gratias agat; postremò quod retribuat pro loco & tempore secundum suam facultatem: ita & secundum eorundem ordinem habet ingratitude diversos gradus, taliter tamen, quod quia quod est ultimum in generatione est primum in intentione; ideò primus ingritudinis gradus sit, ut homo beneficium non retribuat; secundus, ut dissimulet: tertius, & gravissimus, quod non recognoscat, sive per oblivionem, &c. Et quia in affirmatione opposita intelligitur negatio, ideò ad primum gradum pertinet, quod retribuat mala pro bonis; ad secundum, quod beneficium vituperet; ad tertium, quod illud quasi maleficium reputet.

Utrum ingratitude semper sit peccatum ART. 3.

502 *Quest. CVII. Artic. IV.*

mortale. R. Negativè, non quòd non sit mortalis, quæ perfectam habet ingratitudinis rationem, sed ita quod ingratus dici possit, & ex sola omissione, & etiam contrarium agendo, peccando solùm venialiter. *Primū est*, quia cùm de debito gratitudinis sit, ut homo aliquid liberaliter tribuat, ut suprà dictum est, ad quod propterea non tenetur; ideò nec est ingratitudo quā talis, peccatum mortale, esto quod venialis sit, quando id provenit ex quadam negligentia & indispositione ad virtutem, vel etiam mortalis, sive propter interiorem contemptum, sive propter conditionem ejus, quod subtrahitur, quando ex aliqua necessitate ipsi debetur benefico. Et quidem nedum de ea loquendo ingratitudine, quā quis solùm omittit debitum gratitudinis, sed etiam quā contrarium agit, utpote quæ secundum conditionē ejus quod agitur est mortalis aliquando, & quandoque solùm venialis; unde etiam per peccatum veniale aliquis est ingratus Deo, prout scilicet aliquem tollit virtutis actum, per quem Deo obsequitur; quod quidem non est contra, sed præter charitatem, cùm actum solum excludat, non autem habitum. *Secundum est*, quia cùm per peccatum veniale non sit aliquis ingratus secundum perfectam ingratitudinis rationem, aliòquin omnes homines denominarentur ingrati; ideò quæ perfectam habet ingratitudinis rationem non nisi ex mortali peccato provenit.

ART. 4. *Verum ingratissint beneficia subtrahenda. R. Negativè*, non quòd ingratus non sit dignus id pati, sed quia non oportet beneficium id facere, *Primum est*, tum quia non

debet quis tam citò judicare, alium esse ingratum, quia ut ait Seneca, interdum qui non reddit, gratus est; & forsitan non reddit, quia ei non occurrit opportunitas, &c. tum etiam, quia debet beneficis laborare, ut de ingrato faciat gratum; quod quidem si primo beneficio non fecit, fortè faciet secundo. Vnde esto quod à beneficiorum exhibitione cessandum sit, quando ex beneficiis multiplicatis peior sit qui recipit; prius tamen est beneficiis novis sanandus, quàm beneficiorum subtractione puniendus; & hoc maximè, quia qui exhibet ingrato beneficium, dat ei occasionem gratitudinis & amoris, esto quod accipiens ex malitia sua occasionem quandoque sumat ingratitude, sed illud dāti nō imputatur.

IN QUÆSTIONEM CVIII.

De vindicatione.

Vtrum vindicatio sit licita. *R. Affirmative;* si tamen feratur intentio vindicantis, non quidem principaliter in malum illius, de quo vindicta sumitur; sed principaliter ad bonum aliquod, ad quod per pœnam peccantis pervenitur. *Primum est,* quia cū vindicta, utpote quæ expectatur etiam à Deo, non sit per se mala; ideò sit quod ubi debitæ servantur circumstantiæ, quarum præcipua est, quod feratur intentio vindicantis principaliter ad bonum aliquod, ad quod per pœnam peccantis perveniat, ut ad ejus emendationem, vel cohibitionem, ad quietem aliorum, ad justitiæ conservationem, & Dei honorem, tunc sit licita vindicatio, quæ quidem sit per aliquid pœnale ipsi inflictum peccanti. Vnde nec usurpat sibi quod Dei est, qui secun-

ARTI-
CVLVS
PRI-
MVS.

Luc. 18.

dum gradum sui ordinis vindictam exercet in malos, sed magis utitur potestate sibi di-

Rom. 13. vinitus concessa, ut dicit Apost. neque propterea desinit lex Evāgelii esse lex amoris, cum adhuc illis solum incutiatur timor per pœnas, qui ex amore non moventur ad bonum; sed nec tunc habet locum dictum

Hom. 18. in Evāg. illud Greg. Non fuit bonus, qui malos tollerare non potuit; cum in hoc mali tolerentur à bonis, quod ab eis proprias injurias patienter sustinent; non autem tolerari debeant usque ad injurias Dei & proximi, juxta illud Chrysost. quod in propriis injuriis esse quempiam patientem, laudabile est; injurias autem Dei dissimulare nimis est impium. Cum quo tamen stat, quod ubi tota multitudo peccavit, licet quandoque tota puniri debeat, sicut Aegyptii subversi sunt in mari rubro; si tamen speretur multorum correctio, tum sufficiat exerceri in paucos principaliores, unde terreantur cæteri: imò & parcendum est multitudini, & omnino detrahendum severitati, si non possint mali puniri sine aliorum scandalo. Quod quidem locum etiam habet in Principe, quem sequitur multitudo; adeò ut tolerandum sit ejus peccatum, si sine graviore multitudinis scandalo puniri non posset. *Secundum est*, quia cum delectari in malo alterius pertineat ad odium, quod repugnat charitati, quâ scilicet omnes diligere debemus; nec ullus excusetur si malum intendat illius, qui injustè ipsi intulit malum, sicut nec excusatur qui odit se odientem, utpote cum nemo debeat in alium peccare propter hoc quod alius prius peccavit in ipsum, quia

Rom. 13. malum vincendum est in bono, ex Apost. ideo

ideo & est omnino illicitum quando intentio vindicantis principaliter fertur in ejus malum, de quo scilicet vindictam sumit.

Utrum vindicatio sit specialis virtus. ART. 2.

R. *Affirmative*, non quod omnis peccatorum punitio spectet ad specialem virtutem, sed ita quod specialis sit virtutis, distinctæ & à justitia commutativa, & zelo, & fortitudine, ut pertinet ad virtutem vindicationis. *Primum est*, quia cum virtutes, ad quas quidem aptitudo inest nobis à natura, perficiant nos ad prosequendum debito modo inclinationes pertinentes ad jus naturale, proindeque & ad quamlibet inclinationem naturalem determinatam ordinari debeat aliqua specialis virtus; ideo cum vindicatio sit specialis inclinatio naturæ ad removenda impedimenta, seu nocumenta, utpote quæ repelluntur vel defendendo ne injuriæ inferantur, vel illatas ulciscendo, non quidem animo nocendi, sed magis nocumenta removendi; debet consequenter & specialis assignari virtus, scilicet vindicatio, cui quidem duo opponuntur vicia: alterum per excessum, scilicet peccatum crudelitatis, vel sevitiæ; alterum per defectum, ut cum quis est nimis remissus in puniendo. Vnde disponit quidem fortitudo ad actum vindictæ, removendo prohibens, scilicet timorem periculi: similiter & importat zelus primam radicem vindicationis, prout dicit fervorem amoris, ex quo quis injurias alterius, quem amat, reputat quasi suas; sed quia hæc non sufficiunt, ut homo secundum omnes circumstantias debitam conservet mensuram in vindicando, ideo ultrò requiritur specialis vindicationis vir-

506 *Quaest. CVIII. Artic. III.*

tus. *Secundum est*, quia etsi punitio peccatorum, prout pertinet ad immunitatem personæ singularis, à qua injuria propulsatur, ad specialem spectet virtutem vindicationis; ut tamen pertinet ad publicam justitiam est actus commutativæ virtutis.

ART. 3. *Vtrum vindicatio debeat fieri per pœnas apud homines consuetas. R. Affirmativè*, non quòd ita fieri debeat, ubi scilicet timetur pro bonis; sed quia sic fieri potest etiam cum magna utilitate bonorū. *Ratio utriusque partis est*, quia cum vindicatio in tantum licita sit, in quantum tendit ad cohibitionem malorum; & mali cohibeantur per hoc quod timent amittere quæ plus amant, quàm quæ peccando adipiscuntur, aliàs timor peccatum non compesceret; proindeque sumenda sit vindicta de peccatis per subtractionem omnium, quæ homo maxime diligit: ideò cum hoc fiat per pœnas apud homines consuetas, putà per mortem, quâ amittitur vita; per verbera & talionem, quibus amittitur incolumitas corporis; per servitutem & vincula, quibus amittitur libertas; per exilium, quo amittitur patria; per damnum, per quod amittuntur divitiæ; per ignominiam, quâ amittitur gloria: propterea & fieri debet vindicatio per pœnas apud homines consuetas, non quidem ubi timetur pro bonis, cum Dominus prohibeat eradicari zizaniam, quando timetur ne simul eradicetur triticum; sed quia possunt eradicari mali per mortem sine periculo, & cum utilitate bonorum; & hoc maxime, quia cum plus terreat pœna, quàm alliciat exemplum culpæ, ideò etiam quando simul cum pœna innotescit & culpa, non

propterea est vindicatio nociva multitudi-
ni. Cum quo tamen stat, quod quanvis om-
nes mortaliter peccantes sint digni morte
æterna, quantum scilicet ad futuram retri-
butionem; quia tamen pœnæ hujus vitæ me-
dicinales sunt, non nisi illis peccatis mor-
tis pœna infligatur, quæ in gravem alio-
rum perniciem cedunt.

*Vtrum vindicta sit exercenda in eos qui involuntariè peccaverunt. R. Negativè, in hoc scilicet sensu, quod nulli nisi voluntariè peccanti infligi debet pœna sub ratione pœnæ, esto quod ut medicativa est, & pro præterito, & pro futuro, interdum puniatur aliquis sine culpa, quanvis non sine causa. Primum est, quia cum pœna sub ratione pœnæ non debeat nisi peccato, utpote cum per eam reparetur æqualitas justitiæ, ut qui peccando nimis sequutus est suam voluntatem, aliquid contra suam volunta-tem patiatur; ideo quia omne peccatum est voluntarium, nulli etiam nisi voluntariè peccanti infligi debet pœna sub ratione pœnæ. Vnde illud, Visitans peccata paren-
tum in filios in tertiam & quartam genera-
tionem, magis videtur ad misericordiam pertinere, quàm ad severitatem, dum sci-
licet non statim vindicat, sed expectat, ut saltem posterius corrigantur. Neque punitur aliquis pro peccato alterius, pœna scilicet temporali, nisi vel quia unus temporaliter est res alterius, ut filii, & servi, & bruta ani-
malia; vel quia peccatum unius derivatur in alterum, sive per imitationem, sive per modum meriti; qua ratione peccata subdi-
torum merentur peccatorem Prælatum; sive per æqualem consensum, seu dissimulatio-*

ART. 4.

Exod.
20.

nem, aut etiam tantum ad commendandam unitatem humanæ societatis, ex qua quidem debet unus sollicitus esse pro alio, ne peccet. *Secundum est*, quia cum medicina inferat aliquando nocumentum in minoribus, ut melioribus auxilium præstet; & bona temporalia sint minima, spiritualia autem sint maxima; ideo licet in spiritualibus bonis nemo puniatur sine propria culpa, nec in præsentī, nec in futuro, utpote cum spiritualis pœna pertineat ad animam, secundum quam quilibet est liber sui; si tamen consideretur pœna ut medicina, non solum sanativa, sed & præservativa, vel etiam promotiva ad aliquod bonum, aut solum damnificativa, interdum puniri potest aliquis in temporalibus bonis sine culpa, ut sunt plures pœnæ præsentis vitæ divinitus inflictæ ad humiliationem, & probationem; sicut & pœnâ damni punitur aliquis secundum humanum iudicium, etiam sine culpa, licet non sine causa, ut cum quis sine culpa est ineptus ad aliquod bonum habendum, vel consequendum, quo modo propter lepram removetur aliquis ab administratione Ecclesiæ, vel propter bigamiam, aut iudicium sanguinis à sacris Ordinibus; vel etiam quia bonum in quo damnificatur, non est proprium, sed commune, ut cum Clerici privantur Episcopo, qui quidem pertinet ad bonum civitatis.

IN QVÆSTIONEM CIX.

De veritate.

ARTICVLVS PRIMVS. **V**trum veritas sit virtus. R. *Affirmativè*, sumpta scilicet non secundum quod aliquid dicitur verum, sed quod aliquis verum dicit, seu verax est. *Primum est*, quia

cum virtus sit, quæ bonum facit habentem, & opus ejus reddit bonum; & hoc ipsum quod est verum dicere, seu verax esse, sit actus bonus, adeò ut etiam laudare seipsum de vero, in quantum est confessio veri, sit bonum ex genere, sicut & publicatio peccati, esto quod vitiosum sit, si fiat sine debita causa, seu cum defectu circumstantiarum; ideò veritas hæc, quâ quis verax dicitur, virtus est, & quidem moralis, medium tenens inter superfluum & diminutū, tum ex parte objecti, quando quidem verum ex sui ratione quandam importat æqualitatem, quod quidem æquale medium est inter majus & minus; tum etiam ex parte actus, dicendo scilicet verum quando oportet, & secundum quod oportet: unde & mediat inter superfluum, cum quis importunè sua manifestat; & defectum, seu diminutum, quod committitur, cum occultantur quando non oportet. *Secundum est*, quia veritas secundum quod veritate denominatur aliquid verum, non est habitus, qui tamen est genus virtutis; sed est æqualitas quædam intellectus, vel signi ad rem intellectam, vel signatam, vel etiam rei ad suam regulam; proindeque non virtus, sed objectum est, & finis virtutis.

Vtrum veritas sit specialis virtus. R. Affirmativè; si tamen supponat, non pro ea, quâ vita, vel quælibet alia res dicitur vera; sed pro veracitate, quâ verum dicimus. *Primum est*, quia cum ad rationem virtutis humanæ pertineat, ut opus hominis bonum reddat, sicque necesse sit ut ubi in actu hominis invenitur specialis ratio bonitatis, ad hoc disponatur homo per specialem vir-

ART. 2.

lib. de
natura
boni, c. 3.

510 *Quest. CIX. Artic. III.*

tutem; ideò cum ratio boni ex August.
consistat in ordine, sitque quidam specialis
ordo, secundum quod exteriora nostra vel
verba, vel facta debite ordinantur ad ali-
quid, sicut signum ad signatum, ad quod
perficitur homo per veritatem, quâ verum
dicimus; propterea fit, quod veritas hæc,
ad quam reducitur simplicitas, quippe quæ
dicitur per oppositum ad duplicitem, quâ
aliquis aliud habet in corde, & aliud osten-
dit exterius, sit specialis virtus; & qui-
dem quanvis manifestatio ejus, quod ad
ipsum hominem pertinet, fiat per quamli-
bet virtutem, quatenus quilibet habitus
manifestatur per proprium actum, utpote
cum ad alias virtutes pertineat hæc mani-
festatio solum ex consequenti, non autem
ex principali intento, ex quo sortiuntur
habitus speciem, sicut pertinet ad virtutem
veritatis. Vnde convertuntur quidem ve-
rum & bonum subjecto: at cum secundum
rationem se invicem excedant, adeò ut ve-
rum secundum rationem propriam, quæ
est perfectio intellectus, sit quoddam par-
ticulare bonum, ut appetibile quoddam est;
ideò quanvis includat virtus rationem bo-
nitatis, adhuc potest veritas esse specialis
virtus, sicut verum est speciale bonum. *Se-
cundum est*, quia dicitur vita vera, sicut &
quælibet alia res, ex hoc quod attingit suam
regulam & mensuram, scilicet divinam le-
gem, per cujus conformitatem rectitudinẽ
habet; quæ quidem veritas seu rectitudo
communis est ad quamlibet virtutem.

ART. 3. *Vtrum veritas sit pars iustitiæ. R. Affirma-
tivè, ita quod iustitiæ annectatur, sicut vir-
tus secundaria principali; si tamen pro ea*

Quest. CIX. Artic. III. 511

supponat veritate, quâ aliquis & vita, & sermone talem, qualis est, se demonstrat. *Ratio utriusque partis est*, quia cum ex hoc virtus aliqua justitiæ annectatur, sicut secundaria principali, quod partim cum justitia convenit, partim ab ejus perfecta ratione deficit; & virtus veritatis ita conveniat cum justitia, tum prout est ad alterum, in quantum quæ circa ipsum sunt, unus alteri manifestat: tum in quantum justitia æqualitatem quandam constituit in rebus, quod etiam facit veritas, quia adæquat signa rebus existentibus circa ipsum qui verax est: sed & deficiat veritas à perfecta ratione justitiæ, quantum ad debitum, quod legale est in justitia, & in veritate solum morale, quatenus unus homo debet rationabiliter alteri id, siue quo humana societas servari non posset, ut est veritatis manifestatio, sine qua non esset fides; ideo & est veritas justitiæ annexa, sicut virtus secundaria principali; estque ejus manifestatio per exteriora signa actus voluntatis, sicut justitia, quanvis in quantum cognita pertineat ad intellectum; si tamen pro ea supponat veritate, quâ aliquis & vita, & sermone talem, qualis est, se demonstrat; non autem vel pro veritate justitiæ, secundum quam aliquis servat rectitudinem legis in judiciis, quæ sunt ad alterum, quâ quidem principaliter intendit homo jus suum alteri reddere, & ideo quidam est particularis actus justitiæ; vel pro veritate vitæ, secundum quam quis rectè vivit in semetipso; vel etiam pro veritate doctrinæ, utpote quæ consistens in manifestatione verborum, de quibus est scientia, non est di-

rectè pertinens ad præfatam veritatem.

ART. 4. *Verum virtus veritatis magis declinet in minus. R. Affirmativè*, non quidem modo negativo, ut scilicet neget sibi inesse quod inest; sed modo affirmativo, totum scilicet quod in ipso est bonum non manifestando. *Primum est*, quia & hoc fit sine præjudicio veritatis, cum etiam in majori, quod quis non manifestat de seipso, sit id quod manifestat minus; & fit etiam prudentius, ut ait Arist. quandoquidem onerosi sunt aliis, quasi excellere volentes, qui majora de se dicunt, quam sint; & è contra gratiosi illi qui dicunt minora, quasi aliis per quandam moderationem condescendentes. *Secundum est*, quia cum incurratur falsum per hoc quod negat quis sibi inesse quod inest, idè veritatis non est ita declinare in minus, negando; quanvis id etiam minus adhuc repugnet veritati, non quidem secundum propriam rationem veritatis, sed secundum rationem prudentiæ, quam oportet salvare in omnibus virtutibus, utpote cum magis repugnet prudentiæ, quod quis se jactet habere quod non habet, quam quod non existimet, vel dicat se non habere quod habet.

IN QVÆSTIONEM CX.

De vitiis oppositis veritati.

**ARTI-
CVLVS
P R I-
MVS.** *Verum mendacium semper opponatur vir-
tuti veritatis. R. Affirmativè*, ita quod directè, sive ex specifica differentia ei opponatur; si tamen sit formaliter tale, sive cum voluntate enuntiandi falsum, non autem solum materialiter. *Primum est*, quia cum mendacium nominetur ex eo, quod contra mentem dicitur, proindeque & ratio mendacii sumatur à formali falsitate,

Lib. 4.
Ethic.
cap. 7.

quæ quidem tunc est, cum quis habet fallendi voluntatem & intentionem, etiam si verum fortasse dicat, propterea quod in moralibus, quæ scilicet dependent ex intentione voluntatis, cum se habeat obiectum proximum voluntarii actus ad finem sicut materiale ad formale, non est tunc verum, nisi materialiter, ubi est intentio dicendi falsum; consequenter fit, quod sit mendacium ita formaliter sumptum, sive ex ea parte, ex qua speciem & denominationem sortitur, semper oppositum virtuti veritatis. Et quidem sive verbis, sive nutibus falsum significare intendat, utpote cum voces præcipuum teneant locum inter alia signa; & ita cum dicitur mendacium falsa vocis significatio, ibi nomine vocis intelligatur omne signum. *Secundum est*, quia ubi est solum falsum materialiter, puta si quis falsum enuntiet credens esse verum, cum tunc falsitas sit præter intentionem dicentis, & quod præter intentionem dicentis est, per accidens est, ex quo quidem non potest esse specifica differentia; ideo nec tunc directè, nec specificè opponitur virtuti veritatis, sicut nec habet perfectam rationem mendacii; ita tamen quod nec cupiditas fallendi, seu falsitatem imprimendi pertineat ad speciem mendacii, sicut nec aliquis effectus pertinet ad speciem suæ causæ, esto quod pertineat ad perfectionem ipsius.

Verum mendacium sufficienter dividatur ART. 2.
per mendacium officiosum, iocosum, & perniciosum. R. *Affirmativè*, ita tamen quod non sit hæc propria & per se mendacii divisio; sed in quantum habet mendacium rationem culpæ. *Primum est*, quia cum divisum men-

514 *Quest. CX. Artic. III.*

dacium sub ratione culpæ, secundum ea dividi debeat, quæ ipsum aggravant, vel diminuunt; idè rectè in officiosum dividitur, quod cum fiat ob bonum utile, minuit rationem culpæ; in jocosum, quod fit ob bonum delectabile; & in perniciosum, quod cum fiat causâ nocuenti, maximè aggravat. *Secundum est*, quia sumptum mendacium secundum propriam rationem prout opponitur veritati, in jactantiam potius dividitur, quæ scilicet excedit verum in dicendo; & in ironiam, quæ deficit à veritate in minus, sicut & sumptum secundum comparisonem ad finem, in octo partes ultrò dividitur. Primum scilicet, quod est in doctrina religionis, quod est directè contra Deum. Secundum quod alicui obest, & nulli prodest. Tertium quod sic uni prodest, ut alteri obfit: quæ quidem ad mendacium spectant perniciosum. Quartum, quod fit sola mentiendi, & fallendi libidine, quod propriè oritur ex habitu vitioso. Quintum, quod fit cupiditate placendi. Sextum, quod alicui prodest ad obtinendam pecuniam, & nulli obest. Septimum, quod nulli obest, & prodest alicui ad mortem vitandam. Octavum, quod nulli obest, & ad vitandam corporis pollutionem alicui prodest. In quibus omnibus quanto melius est bonum intentum, tanto culpa mendacii est minor.

ART. 3. *Utrum omne mendacium sit peccatum.*
R. Affirmativè, ita quod nullo modo honestari possit, seu fieri licitum; & quidem etiamsi aliquando ex intentione dicentis non dicatur ad fallendum. *Primum est*, quia cum nullo modo possit esse bonum & licitum, quod est secundum se malum ex ge-

nere; & mendacium sit huiusmodi, utpote.
 quod est semper actus cadens super mate-
 riam indebitam, propterea quod cum vo-
 ces naturaliter sint signa intellectuum, in-
 naturale est, atque indebitum, quod homo
 aliquid voce significet, ut facit in menda-
 cio, quod non habet in mente; ideò fit, quod
 ex nullo capite honestari possit mendaciũ,
 sed per se pravam sit, & fugiendum, ut di-
 cit Arist. Vnde nec in ulla scriptura cano-
 nica est mendacium, quandoquidem periret
 tunc fidei certitudo, quæ authoritati Scri-
 pturæ innitur, adeò ut quod in eis aliquã-
 do Evangelistarum verba diversimodè re-
 citentur, non propterea, inquit Aug. arbi-
 trari debeamus mentiri quemquam, si plu-
 ribus reminiscētibus rem quam audierunt,
 vel viderunt, non eodem modo atque eis-
 dem verbis eadem res fuerit indicata: nec
 obstetrices in Ægypto fuere à Deo remun-
 neratæ propter mendacium, sed ob timo-
 rem Dei, & benevolentiam, ex qua proces-
 sit mendacium: neque mentiri cuiquam li-
 cet, ut aliquem à quocumque periculo li-
 beret, esto quod liceat veritatem prudenter
 occultare sub aliqua dissimulatione, sicut
 fecit Abraham dicendo Saram esse sororem
 suam, qui quidem celavit veritatem, sed
 non dixit mendacium, quia verè erat etiam
 soror ex parte patris, ut dicitur Gen. 20. Sed
 nec quæ in Scriptura videntur mendacia, in
 dictis Sanctorum talia sunt, sed sunt intel-
 ligenda secundum Aug. mysticè, figuraliter,
 & propheticè, sicut mysticè dixit Iacob, se
 esse Esau primogenitum, quia scilicet pri-
 mogenitura ei de jure debebatur: & in hoc
 etiam sensu dici potest, verba Iudith. ad

Lib. 4.

Ethic.

cap. 7.

Lib. 4 de

consensu

Evangel.

cap. 22.

Exod. 2.

Holofernem veritatem habere secundum aliquem mysticum intellectum ; aut certe si mentita est, non ex eo laudatur, sed propter affectum quem habuit ad salutem populi. *Secundum est*, quia quanvis ex intentione dicentis non dicatur mendacium aliquod ad fallendum, ut in mendacio jocosum ; quia tamen ex ipso genere operis habet rationem fallendi , & ita est, quantum est ex se, deceptionis causa ; ideo nec etiam tunc honestari potest mendacium, nisi fortè, ut ait Aug. honestum se aliquis arbitretur deceptorem. Cum quo tamen stat, non idem dicendum esse de hyperbolicis, aut quibuscumque figurativis loquutionibus , quæ etiam in Scriptura inveniuntur, utpote cum omne figurativè aut dictum, aut factum hoc enuntiet , non quod significat quomodo-cumque , sed quod significat eis , quibus intelligendum prolatum est , ut notat Aug. in qua quidem acceptione non est mendacium.

Lib. contra mendacium, cap. 3.

ART. 4. *Utrum omne mendacium sit peccatum mortale. R. Negative*, ita quod possit quidem mendacium contrariari charitati, & secundum se , & secundum finem intentum , & etiam per accidens ; non tamen semper contrarietur , etiam in viris perfectis. *Ratio utriusque partis est*, quia cum possit mendacium contrariari charitati ex ipsa falsa significatione, quæ quidem si sit circa res divinas , contrariatur charitati Dei, & virtuti fidei ac religionis , unde & est gravissimum peccatum ; si autem sit circa aliquid, cujus manifestatio spectat ad hominis bonum, opponitur charitati fraternæ ; ideo & potest secundum se contrariari charitati,

sicut & per accidens, ratione scilicet scandali, vel cujuscumque damni consequentis, quod etiam est mortale, dum quis ob scandalum non veretur publicè mentiri, necnon & propter finem intentum, ut si mendacium dicat ad injuriam Dei, vel damnum ac infamiam proximi; quod etiam est mortale, utpote cum quis ex sola intentione peccati mortalis peccat mortaliter; sed quia finis intentus non est semper contra charitatem, ut in mendacio officioso, aut jocosso; ideo nec etiam semper ex fine intento mortale est, sicut neque secundum se, seu ex falsa significatione, si nimirum falsa opinio ex mendacio generata sit circa aliquid, de quo non referat, utrum sic, vel sic cognoscatur. Vnde non nisi de mendacio pernicioso intelligitur dictum illud Scripturæ, & aliarum similes sententiæ: Perdes omnes qui loquuntur mendacium. Nec est mendacium contra præceptum Decalogi, nisi in quantum est contra dilectionem Dei & proximi, ut suprà dictum est; & quidem etiam in viris perfectis, nisi fortè per accidens ratione scandali, utpote cum nulla circumstantia aggravet in infinitum, sive usque ad mortale, nisi quæ transfert in aliam speciem; & circumstantia personæ non transferat in aliam speciem, nisi fortè ratione alicujus annexi, putà si sit contra votum ipsius.

IN QVÆSTIONEM CXI.

De simulatione, & hypocrisi.

Vtrum omnis simulatio sit peccatū. *R. Affirmative*, ita quod qua ratione mendacium semper peccatum est, pari ratione & simulatio; si tamen non largè sumatur simulationis nomen pro quacumque fictio- ARTICULVS PRI-MVS

ne, sed propriè. *Primum est*, quia cùm nihil referat ad mendacium, an quis mentiatur verbis, vel alio facto; ideo sicut veritati opponitur, & quidem culpabiliter, quod quis per verba exteriora aliud significet, quàm quod habeat apud se, quod ad mendacium pertinet; ita & opponitur veritati, & consequenter peccatum est, quod aliquis per signa factorum, vel rerum aliquid significet contrarium ejus, quod in eo est, sive sit de bono, sive de malo; quod quidem propriè est simulatio, quæ est mendaciũ quoddam in signis exteriorum factorum consistens. Vnde non simulavit Christus, quando

Inc. ult. se finxit longius ire, utpote qui ita composuit motum suum, quasi volentis longius ire, ad figurativè significandum quod longe erat ab eorum fide; ut enim notat Aug.

Lib. 2. de quæst. Evang. cap. 51. tunc solùm quod fingimus, mendacium est, quando nihil significat, non autem quando ad aliquam refertur significationem, quomodo finxit & Abraham, cùm dixit ser-

Gen. 22. 1. Reg. 21. vis: Ego & puer, cùm adoraverimus, revertemur ad vos; & David dum immutavit faciem suam coram Achis Rege Geth, utpote cùm tunc fictio sit aliqua figura veritatis; bene tamen simulavit Iehu Rex Israël,

4. Reg. 20. dum interfecit Sacerdotes Baal, fingens se idola colere velle; sed nec eũ excusare à peccato necesse est, cùm malus fuerit, sicut nec pro simulatione fuit remuneratus à Deo, sed pro zelo quo destruxit cultum Baal. *Secundum est*, quia loquendo de simulatione largè pro quacumque fictione, utilem dicit Hieron. simulationem, & in tempore assumendam, cùm tamen nullum peccatum sit utile.

Quest. CXI. Artic. II. & III. 519

Vtrum hypocrisis sit idem quod simulatio. ART. 2.

R. Affirmativè, non quòd sit omnis simulatio, sed ita quod sit idem cum simulatione, quâ simulat personam alterius. *Ratio utriusque partis est*, quia cum tractum sit nomen hypocritæ à specie eorum, qui in spectaculis contexta facie incedunt, distinguentes vultum vario colore, ut ad personæ quam simulat, colorem perveniat; proindeque qui in Ecclesiis, & in omni vita humana se vult videri quod non est, hypocrita sit, quippe qui se justum, vel talem simulat, sed non se talem exhibet; ideo & est idem hypocrisis cum simulatione (etiam quavis consistat hæc in exteriori signo, & in hypocrisi attendatur mala intentio, utpote quæ solum attenditur ut signatum, quod non responderet signo;) si tamen pro ea simulatione, quâ simulat personam alterius. Vnde & qui per bona opera quæ facit, ex suo genere ad Dei servitium pertinentia, non quærit Deo placere, sed hominibus, est simulator, sicut hypocrita; non quòd simulet rectum opus quod facit, sed quia simulat intentionem rectam, quam non habet. Cum quo tamen stat, quod quia habitus sanctitatis, putà religionis, significat statum, quo quis obligatur ad opera perfectionis; ideo esset quidem hypocrita, qui talem assumeret habitum, ut se justum ostenderet; non tamen si intenderet se ad statum perfectionis transferre, & per infirmitatem deficiat, quippe qui non tenetur peccatum suum manifestare sanctitatis habitum deponendo.

Vtrum hypocrisis opponatur virtuti veritatis. *R. Affirmativè*, non quòd non opponatur & alteri virtuti indirectè, sed ita ART. 3.

quod ad virtutem veritatis habeat oppositionem directam. *Primum est*, quia cum directa oppositio hypocrisis ad aliquam virtutem sit attendenda secundum speciem actus, quæ quidem accipitur secundum proprium objectum, & finem proximum; ideo cum sit hypocrisis simulatio quædam, quâ quis se simulat habere personam, quam non habet, adeo ut se alium ostendere quàm sit, sit finis proximus, nec sit lucrum, vel gloria finis simulatoris, nisi remotus; ideo & directè opponitur veritati, quâ scilicet nos vita & sermone exhibemus, quales sumus, non autem alteri virtuti, quantumvis eam simulet; nec enim eam assumit, ut finem, nisi secundum apparentiam, quasi volens videri eam habere, proindeque non illi virtuti, sed veritati directè opponitur, in quantum scilicet vult homines decipere circa illam virtutem. Cum quo tamen stat, quod etiam directè opponatur simplicitati, utpote quæ est eadem cum veritate, seu sola ratione differens, quatenus dicitur veritas secundum quod concordant signa signatis; simplicitas autem, secundum quod non tendit ad diversa. *Secundum est*, quia attendi potest indirecta oppositio hypocrisis secundum quodcumque accidens, putà secundum aliquem finem remotum lucri, vel gloriæ, vel etiam secundum aliquod instrumentum actus, dum nunc per orationem, nunc per jejunium virtutem simulat, in quibus omnibus oppositionem habet ad alias virtutes.

ART. 4. *Utrum hypocrisis semper sit peccatum mortale. Et. Negativè*, ita quod sit quidem hypocrisis in peccato mortali, ex quo priyatur

sanctitate; non tamen semper sit ei simulatio sanctitatis peccatum mortale, sed quandoque veniale. *Ratio utriusque partis est*, quia cum intentio hypocritæ, quæ talis, sit ut videatur bonus, quod quidem non est contra charitatem; & nascatur hypocrisis ex inani gloria, quæ non est semper peccatum mortale; nec quælibet perfectio sanctitatis, quam quis simulat, sit de perfectione salutis; ideo est quidem hypocrisis peccatum mortale, prout includit & defectum sanctitatis, & simulationem ipsius, ut scilicet hypocrita dicatur, qui non curat sanctitatem habere, sed solum sanctus apparere, ut consuevit accipi in Scriptura: est, inquam, tunc peccatum mortale, cum nullus totaliter privetur sanctitate, nisi per peccatum mortale; non ita tamen quod semper ipsa simulatio mortalis sit, sicut nec semper est mendacium mortale, sed esse potest quandoque venialis; quod quidem discernendum erit ex fine, qui si sit contra charitatem Dei, vel proximi, erit mortalis, secus autem venialis.

IN QVÆSTIONEM CXII.

De iactantia.

Vtrum iactantia opponatur virtuti veritatis. *R. Affirmativè*; si tamen sermo sit de iactantia, non secundum quod solum excedit opinionem, vel etiam secundum suam causam, sed magis propriè dicta. *Ratio utriusque partis est*, quia licet etiam iactantia sit, cum aliquis verbis se extollit, non supra id quod in se est, sed supra id, quod de eo homines opinantur, quam fugebat Apost. dicens: Parco ne quis me existimet, &c. tamen magis propriè iactantia

ARTI-
CVLVS
PRI-
MVS.

dicatur, quando aliquis se verbis extollit supra id quod in ipso est secundum rei veritatem; proindeque licet jactantia priori modo sumpta in ordine ad opinionem non semper opponatur veritati, sicut cum aliquis excellentiam suam ostentat, ut refert

Hester 1. Scriptura de Assuero; quia tamen magis judicandum est aliquid secundum id quod est in se, quam secundum quod est in opinione, ideo adhuc veritati opponitur jactantia secundum excessum, si nimirum consideretur proprie & secundum speciem actus, esto quod secundum suam causam possit alteri quam veritati opponi; quandoquidem etsi non semper, tamen ut plurimum ex superbia procedit, sicut à causa interiori motiva, & impellente, unde & ponitur à Greg. species superbiæ: necnon & causatur ex divitiis, vel occasionaliter prout aliquis de divitiis superbit, vel etiam per modum finis, prout scilicet aliqui seipsos jactant, non solum propter gloriam, sed etiam propter lucrum, ea scilicet de seipsis fingendo, ut quod sint Medici, aut Divini, ex quibus lucrari possant.

Lib. 31.
Mor.
cap. 31.

ART. 2. *Vtrum jactantia sit peccatum mortale.*
R. *Negative*, non quod quandoque non sit mortale, sed ita quod sive secundum se, sive secundum causam suam consideretur, possit esse veniale. *Ratio utriusque partis est*, quia si consideretur jactantia secundum se, ut est mendacium quoddam, sicut mortale est quando quis jactanter de se profert, quod est contra gloriam Dei, vel contra charitatem proximi, ut Phariseus apud Lucam, quo quidem modo est mendacium perniciosum; sic & est solum veniale, quando

Luc. 18.

quis de se talia jactat, quæ nec Dei, nec proximi charitati contrariantur; sic enim pertinet ad mendacium officiosum, ut si jactet se ad hoc ut gloriam, vel lucrum acquirat, dummodo sit sine alterius damno: sicut autem si secundum suam causam consideretur, puta secundum superbiam, vel appetitum lucri, aut inanis gloriæ, mortale est peccatum, si causa sit mortalis, in quo sensu intelligenda venit Glossa Eccles. 6. puta cum ex superbia oritur; vel etiam quando quis se jactat eo fine, ut jurgia concitet, adeo ut sit jactantia jurgiorum causa, nedum per accidens, sed etiam per se: sic etiam solum venialis erit, si causa sit solum venialis.

IN QVÆSTIONEM CXIII.

De ironia.

Vtrum ironia, per quam aliquis de se fingit minora, sit peccatum. *R. Affirmative*, non quod non possit quis de se minora dicere sine peccato, sed ita quod peccatum sit, in quantum ex ironia minora dicit. *Primum est*, quia à veritate declinat qui ex ironia minora dicit, ut cum quis asserit de se aliquid vile, quod in se non recognoscit, aut cum negat de se aliquid magnum, quod tamen percipit in seipso esse, quod quidem semper est peccatum, etiam si fieret ut superbia vitaretur; quia, ut ait Aug. cum humilitatis causâ mentiris, si non eras peccator antequam mentiaris, mentiendo efficeris; nec enim faciendum est unum peccatum, ut vitetur aliud; sed ita in hoc casu caveri debet arrogantia, ut veritas non relinquatur. Vnde quod dicit Greg. quod bonarum mentium est suas ibi agnoscere cul-

ARTI-
CVLVS
PRI-
MVS,

Lib. de
verbis
Apostoli
serm. 29.

In epi-
stola ad
Aug. An-
glo-
rum
Episco-
pum.

Amos
cap. 7.

Prov. 30.

pas, ubi nulla est culpa, non aliter intelligi debet, nisi quod homo, qui ad justitiæ perfectionem tendit, in culpam reputare debet, non solum si deficiat à communi justitia, quod verè culpa est, sed etiam si deficiat à perfectione justitiæ, quod quandoque culpa non est. Neque negavit Amos, se esse Prophetam, nisi ex origine; quia scilicet de genere Prophetarum non erat ut postea subdit: sicut nec qui à Deo erat confortatus, dixit Proverb. 30. Stultissimus sum virorum, nisi secundum reputationem humanam, propterea quod humana contemnit, quæ hominum sapientia quærit. *Secundum est*, quia potest quis de se minora dicere, etiam salva veritate, & consequenter sine peccato, putà dum vel majora quæ in ipso sunt, reticet, vel quædam minora de se profert, quæ nihilominus in se recognoscit. Ita tamen quod id ad ironiam non pertineat, sicut nec est peccatum secundum genus suum, nisi fortè per alicujus circumstantiæ corruptionem.

ART. 2.

Vtrum ironia sit majus peccatum, quàm jactantia. R. Negativè, non quòd non sit in aliquo æqualis, imò & aliquando peior jactantiâ; sed ita quod ut plurimum jactantia gravior sit. *Ratio utriusque partis est*, quia licet ironia, & jactantia in hoc æqualia sint, quod circa conditionem personæ vel verbis, vel quibuscumque exterioribus signis mentiuntur; quia tamen ut plurimum jactantia ex turpiori procedit motivo, scilicet ex appetitu lucri, vel honoris; ironia verò ex hoc quod fugit (licet inordinatè,) per elationem aliis gravis esse; ideo potest quidem ironia in aliquo æqualis esse, ex parte

scilicet materiae, in quantum utraque declinat à veritate; imò & aliquando esse gravior, quando scilicet ex dolosa humilitate nequiter vocē suam submittit, juxta illud, Quando submiserit vocem suam, ne credideris ei, quoniam septem nequitiae sunt in corde illius; est tamen ut plurimum jactantia gravior, & quidem quanvis vitium ironiae, & jactantia simul aliquando concurrant, dum scilicet aliquis per verba, vel signa prætendit quidem defectum in exterioribus rebus, sed per hoc ipsum intendit aliquam ostendere spirituales excellentiam; nec enim tunc ironia est idem cum jactantia, quando quidē sunt ibi secundū diversa.

IN QVÆSTIONEM CXIV.

De amicitia, qua affabilitas dicitur.

Vtrum amicitia sit specialis virtus. ARTICULVS PRIMVS.
R. Affirmativè, loquendo scilicet de amicitia, non quæ consistit principaliter in affectu, sed quā quis habet se decenter ad eos, cum quibus conversatur. *Primum est*, quia cū virtus ordinetur ad bonum, proindeque & ubi occurrit specialis ratio boni, quod quidem in ordine consistit, oporteat esse specialem virtutem; ideo cū oporteat convenienter ad alios ordinari in communi cōversatione, tam in factis, quàm in dictis, adeò ut ad sapientem pertineat, ut condelectationem honestam afferat his cū quibus versatur, juxta illud: Ecce quā bonum, & quā jucundum, &c. esto quod etiam aliquando contristet sapiens, propter scilicet bonum aliquod consequendum, vel malum fugiendum, ut Paulus fecit, & Arist. docet, debet propterea esse quædam specialis virtus, quæ hanc observet con-

Prov. 26.

Psal. 132.

2. Cor. 7.
4. Ethic.
cap. 6.

nientiam ordinis, quæ quidem vocatur amicitia, sive affabilitas. Vnde non ideò dicitur *Eccles. 7.* cor sapientum esse ubi est tristitia, quasi ipsi proximo tristitiam inferant, sed magis ut contristantibus consolationem conferant ex affabilitate; sicut nec cor stultorum ubi lætitia, quasi ipsi alios lætificent, sed ut aliorum potiùs lætitiâ perfruantur. *Secundum est*, quia amicitia quæ in affectu consistit principaliter, ad omnem generaliter consequitur virtutem, utpote cum bonum omnibus sit amabile, ut ait Dion. proindeque & virtus quælibet sit amicitiae causa.

ART. 2. *Vtrum huiusmodi amicitia sit pars iustitia.*
R. Affirmativè, ita quod habeat unde cum iustitia conveniat, sed etiam unde ab ea deficiat, velut secundaria à principali. *Ratio utriusque partis est*, quia cum sit hæc amicitia ad alterum, utpote cum teneatur homo ex quodam naturali debito honestatis, ut aliis delectabiliter convivat, nisi propter aliquam causam necesse sit aliquando eos utiliter contristare; ideò & habet ex hoc cum iustitia convenire, & ei adjungi tanquam pars, & quidem potiùs quàm temperantiæ, ad quam non pertinet refrenare nisi delectationes sensibiles; cum tamen hæc virtus consistat circa delectationes in convictu, quæ ex ratione proveniunt; sed quia non habet perfectam debiti rationem, ex quo scilicet aliquis alteri obligatur, vel debito legali, ad cuius solutionem lex cogit; vel alio debito ex suscepto beneficio proveniente, utpote quæ solum attendit quoddam debitum honestatis ad omnibus decenter convivendum, in quo quidem

Quaest. CXV. Artic. I. & II. 527

sensu dicit Arist. quod similiter ad notos & ignotos operatur, non ita quod eodem modo colloqui debeat & convivere notis, & ignotis, sed quia ad omnes oportet facere, quod decens est; ideò & à justitia deficit, velut secundaria virtus à principali.

IN QVÆSTIONEM CXV.

De adulatione.

V*trum adulatio sit peccatum. R. Affirmativè,* non quòd non possit quis aliù laudare sine peccato, sed ita quod peccatum sit quoties ex adulatione laudat. *Ratio utriusque partis est,* quia cùm amicitiae virtus, sive affabilitas, licèt intendat principaliter delectare; tamen ubi necesse est propter aliquod exequendum bonum, vel malum fugiendum, etiam contristat: ideo possumus quidem ad delectationem laudare sine peccato, si nimirum serventur debitæ circumstantiæ, utpote quod pertinet tunc ad virtutem amicitiae; si tamen quis velit in omnibus ad delectationem loqui, sive hoc fiat sola intentione delectandi, in quo casu dicitur ex adulatione placidus, sive intentione lucri consequendi, ex quo simpliciter dicitur adulator, cùm tunc excedat modum in delectando; ideò & tunc peccatum est, & vitiosum: sicut & vituperare malum, si debitæ prætermittantur circumstantiæ, est etiam malum; & quidem licèt contrarietur adulatio detractionis vitio; nihil enim prohibet duo vitia habere aliquid unde sibi contrarientur.

Vtrum adulatio sit peccatum mortale. ART. 2.

R. Negativè, ita quod veniale tantum sit, si ex sola aviditate alios delectandi, vel ad aliquod vitandum malum iis aduleatur, esto

4. Ethic.
cap. 6.

ARTI-
CVLVS
PRI-
MVS.

528 *Quaest. CXVI. Artic. I.*Serm. 4.
de purg.

quod sit mortale, ubi vel laudatur peccatum, vel cum intentione nocendi, vel etiam cum occasione peccandi. *Ratio utriusque partis est*, quia cum peccatum mortale sit, quod charitati opponitur; & in priori casu charitatem non extinguat, unde & Aug. inter peccata minuta hoc numerat; bene tamen in aliis casibus, ut cum laudatur peccatum, quod quidem est contra dilectionem Dei, quia contra ejus justitiam loquitur; & contra dilectionem proximi, quem scilicet in peccato suo fovet; ideo & in his solum casibus, de quibus intelligi debent, quæ in contrarium afferuntur auctoritates, est adulatio peccatum mortale; ita tamen, quod in postremo casu ubi sit laus adulatoris occasio alteri ad peccandum, considerandum sit, an sit occasio data, vel accepta, sicut & qualis inde consequatur ruina.

IN QUESTIONEM CXVI.

*De litigio.*ARTI-
CVLVS
PRI-
MVS.

V*trum litigium opponatur virtuti amicitia, seu affabilitatis. R. Affirmative,* ita quod contradictio, ut spectat ad litigium, seu facta intentione contristandi, opponatur amicitia, esto quod ea quæ sit propter personam dicentis, potius pertineat ad discordiam. *Primum est*, quia cum amicitia sit aliis delectabiliter convivere, ideo & ei opponitur contradictio illa in verbis, quæ oritur ratione personæ, quam scilicet quis contristare non veretur; adeo ut licet litigium oriatur quandoque ex ira, non tamen sit necesse, quod opponatur mäsuetudini, utpote cum unum vitium ex diversis causis oriri possit, sicque directa oppositio

oppositio vitiorum ad virtutes non attendatur secundum causas, sed magis secundum speciem actus, ex quo quidem opponitur contradictio præfata ad contristandum ipsi amicitia, ut docet Arist. qui propterea eos qui contristant, litigiosos, & discolos vocat. Vnde & illud, Vnde bella, & lites in vobis? Nonne ex concupiscentiis vestris? non nisi de concupiscentia intelligitur, secundum quod est generale peccatum, ex quo omnia oriuntur vitia, non autem ut specialiter opponitur temperantiæ. *Secundum est*, quia ubi contingit contradictio propter personam dicentis, cui scilicet contradicens recusat consentire ob defectum amoris, potius pertinet ad discordiam charitati contrariā, sicut & contentio.

4. Ethic. cap. 6.

Iacob. 4.

ART. 2.

Utrum litigium sit gravius peccatum, quàm adulatio. R. Affirmativè, non quod secundum aliqua exteriora motiva non possit adulatio esse gravior, sed ita quod secundum speciem utriusque gravius sit litigium. *Primum est*, quia cum tanto aliquod vitium sit gravius, secundum speciem, quāto magis repugnat oppositæ virtuti, & huiusmodi sit litigium, quando quidem amicitia virtus principaliter tendit ad delectandum, quàm ad contristandum; ideò & est secundum speciem adulatione gravior, & hoc maxime, quia sicut potest adulator nocere occultè decipiendo; ita & litigiosus potest interdum nocere, manifestè impugnando: quod quidem gravius est propter violentiam, sicuti & hac de causâ gravior est rapina, quàm furtum. Vnde potest quidem adulatio, quia est cum dolo, esse turpior, non tamen est propterea gravior;

quanvis etiam de ipsa magis verecundetur homo, utpote cum verecundia sequatur turpitudinem, cum qua tamen non semper commensuratur gravitas: quod patet in peccatis carnalibus, & spiritualibus, quorum illa turpiora sunt, quanvis ista graviora. *Secundum est*, quia secundum exteriora motiva potest quis intendere adulando indebitum honorem, vel etiam lucrum acquirere per deceptionem, in quo casu gravior est adlatio; sicut è contra gravius est litigium, quando intendit homo vel veritatem impugnare, vel dicentem in contemptum adducere.

IN QVÆSTIONEM CXVII.

De liberalitate.

ARTI-
CVLVS
P R I -
M V S.

Lib. de
lib. arb.
cap. 19.

Serm. ad
divites.

V*trum liberalitas sit virtus. R. Affirmative*, non quod virtus sit ex hoc precise, quod multa consumuntur, & expenduntur, etiam in bonos usus; sed ita quod ex hoc, quod liberalitatis est bene uti his rebus, debeat liberalitas esse virtus. *Primum est*, quia cum bene uti his, quibus malè uti possumus, pertineat ex Aug. ad virtutem; & possimus bene, vel malè uti non solum his quæ intra nos sunt, ut passionibus, sed etiam his, quæ sunt extra, scilicet rebus ad sustentationem vitæ concessis; ideo ex hoc quod liberalitatis est bene uti his rebus, habet esse virtus: superabundantia namque divitiarum, ut ait Basiliius, datur aliquibus à Deo, ut meritum bonæ dispensationis acquirant, ac proinde cum pauca uni sufficiant, plura in alios laudabiliter expendit liberalis quam in seipsum; ita tamen, ut sic in alios intendat, quod omnino se, & suos non despi-

ciat, quod non esset liberalitatis, utpote ad quam pertinet ita divitias emittere, ut tamen remaneat unde emittens sustentetur, aut unde virtutis opera exequatur, ut ajunt Arist. & Ambros. quibus ad beatitudinem pervenitur; nisi fortè quis, ut Elisasus, omnia sua pauperibus daret, ut nullâ curâ domesticâ teneretur, quod quidem pertinet ad perfectionem. *Secundum est*, quia ut ait Ambros. si adjuves eum, qui possessiones aliorum eripere conatur, non probatur largitas: sicut nec illa perfecta est liberalitas, si jactantiæ causâ, magis quàm misericordiæ largiaris: imò sicut & aliarum virtutum opera faciunt homines antequam habeant virtutis habitum, licet non eodem modo, quo virtuosus, ut jam dictum est; nihil etiam prohibet aliquos multa in bonos usus expendere, & habitum liberalitatis non habere: sicut è contra quia consistit liberalitas non in datorum multitudine, sed in habitu dantis, nec etiam prohibet virtuosos aliquos, quanvis pauperes, nihilominus liberales esse.

1. Ethic.

cap. 1.

Lib. 1.

off. c. 20.

1. 2. q. 65.

art. 1.

Utrum liberalitas sit circa pecunias. *Re. Affirmativè*, non quidem tanquam circa materiam immediatam, sed tanquam circa objectum passionum, quæ sunt immediata materia. *Ratio utriusque partis est*, quia cum ad liberalem pertineat esse emissivum, quod etiam ex ipso patet nomine, utpote cum aliquis aliquid à se emittens, illud quodammodo à sua custodia, & dominio liberet, & animum suum ab ejus affectu ostendat liberum, unde etiam largitas nominatur; ideo quia ea quæ emittenda sunt ab uno homine in alium, sunt bona possessa.

ART. 2.

532 *Quaest. CXVII. Artic. III.*

quæ quidem omnia nomine pecuniæ significantur, eo quod antiqui bona omnia sic habita habebant in pecoribus, est consequenter liberalitas circa pecunias, non tamen velut circa immediatam materiam, quæ potius sunt ipsæ interiores passionēs, utpote cum non attendatur liberalitas in quantitate dati, sed in ipso dantis affectu, qui quidem disponitur secundum passionēs amoris, & concupiscentiæ, & per consequens delectationis, & tristiciæ; sed tanquam circa huiusmodi passionum objectum. Cum quo tamen stat, adhuc esse pecuniam materiam iustitiæ, sed sub alia ratione, ut scilicet æqualitatem constituat in his rebus.

ART. 3. *Vtrum uti pecunia, seu divitiis, sit actus liberalitatis. R. Affirmative;* non tamen sub quacumque ratione, sed in quantum divitiæ sunt. *Ratio utriusque partis est,* quia cum virtus quælibet convenienter se habeat ad suum objectum, ex quo quidem sumitur species actus, proindeque & liberalitatis actus sit proportionatus pecuniæ; idcirco cum cadat hæc sub ratione bonorum utilium, utpote quia omnia exteriora bona ad usum hominis sunt ordinata, debet bonus divitiarum usus esse proprius liberalitatis actus, non quidem secundum rationem debiti, cum sic pertineat usus ad iustitiam; sicut nec sub ea ratione, quâ assumuntur ad alicujus operis magni expletionem; sic enim spectat ad magnificentiam, sed in quantum sunt consumptibiles divitiæ. Vnde quia usus pecuniæ, sive divitiarum est duplex, alter ad seipsum, qui videtur ad sumptus & expensas pertinere; alter ad

Quæst. CXVII. Artic. IV. 533

alios, qui pertinet ad dationes ; ideò & liberalitatis est, cuius quidem propinqua materia sunt interiores passionēs , efficere ne quis propter immoderatum pecuniæ amorem impediatur à convenientibus expensis, sicut nec à convenientibus dationibus. Cum quo tamen stat, quod quia ad virtuosum pertinet , non solum convenienter uti suâ materiâ, vel instrumento, sed etiam præparare opportunitates ad benè utendum, ideò & liberalis sit non solum dare , sed etiam præparare, conservare, & accipere ad idoneos usus.

Vtrum ad liberalitatem maximè pertineat dare. R. Affirmativè , ita quod laudetur maximè liberalis ex datione, modò tamen fiat datio convenienter. *Primum est* , quia cum proprium sit liberalis uti pecunia, usu scilicet non acquisitionis , vel custodiæ, utpote quæ magis assimilantur generationi , & habitui , sed emissionis ; ideò cum emissio quanto sit ad aliquid distantius, tanto à maiori virtute procedat , ut patet in his, quæ projiciuntur ; & virtutis proprium sit , ut præcisè tendat in id , quod perfectius est, cum sit perfectio quædam, maximè etiam ad liberalitatem pertinet dare, quandoquidem ex maiori virtute procedit, quod aliquis emittat pecuniam aliis dando, quàm expendendo eam circa seipsum ; & hoc maximè cum in seipsum inclinetur à natura, & non nisi ex virtute in alios. Unde liberalis non est esse ad recipiendum promptus , & multò minùs ad petendum, cum liberalitas sit ita principium dationis, nec sit idem principium agendi, & patiendi. *Secundum est* , quia cum ad liberalitatem

ART. 4.

Art.
p^{er}ac.

pertineat convenienter uti pecunia, ut dictum est, ad quod quidem major etiam requiritur prudentia, quam ad utiliter conservandum, quandoquidem plura sunt attendenda in usu, qui motui assimilatur, quam in conservatione, quæ assimilatur quieti; consequens est, ut & ad eam pertineat convenienter dare, quod est quidam pecuniæ usus; taliter tamen, quod quia ei opponitur, & non dare quod convenienter est dandum, & dare aliquid inconvenienter; sed primum magis, quia scilicet plus opponitur proprio actui: hinc de utroque tristatur quidem liberalis, sed de primo magis, unde nec etiam omnibus solet dare.

Art. 5. *Vtrum liberalitas sit pars iustitiæ. R. Affirmative*, non quod sit iustitiæ species, sed ita quod ex convenientia cum iustitia, ei annectatur, sicut secundaria principali. *Primum est*, quia cum iustitia convenit & in hoc quod principaliter est ad alterum, & quia est circa res exteriores, licet secundum aliam rationem, ut dictum est, sicque ad iustitiam reduci debet; & quidem potius quam ad temperantiam, quippe quæ est circa concupiscentias, non animales, ut est concupiscentia pecuniæ, sed corporaliū delectationum; necnon & potius quam ad misericordiam, seu charitatem, utpote cum datio misericordiæ, & charitatis procedat ex eo quod homo est aliququaliter affectus circa eum cui dat; cum tamen liberalitatis datio ex eo proveniat, quod dans est aliququaliter affectus circa pecunias, dum eas non concupiscit, neque amat. *Secundum est*, quia alteri exhibet iustitiæ species, quod est ejus, attendens propter

rea legale debitum; cum tamen liberalitas exhibeat id quod suum est, nec nisi morale quoddam attendat debitum, quod est ex quadam ipsius decentia, absque obligatione.

Vtrum liberalitas sit maxima virtutum. ART. 6.

R. Negativè, non quod non habeat ex consequenti quandam excellentiam super virtutes, sed ita quod maxima non sit secundum id, quod primò & per se ei competit. *Primum est*, quia cum virtus quælibet tendat in aliquod bonum, proindeque & illa per se potior sit, quæ per se tendit in majus bonum; ideò cum alia respectu liberalitatis sint hujusmodi, utpote cum non nisi ad ordinandum affectiones circa exteriora bona per se tendat liberalitas, quæ quidem bona longè inferiora sunt ad bonum corporis, circa quod versatur temperantia, & magis adhuc ad bonum publicum & commune, circa quod ordinant justitia & fortitudo, una scilicet tempore pacis, & altera tempore belli; propterea fit, quod etiam liberalitati præemineant, omnibus autem præferantur virtutes, quæ ad bonum ordinantur divinum. Vnde nec propter liberalitatem fit aliquis maximè similis Deo, quando quidem datio divina magis videtur pertinere ad charitatem, quam ad liberalitatem, utpote proveniens ex eo quod amat quibus dat, non ex affectu ad ea quæ dat: neque solum liberalitas, sed & quælibet virtus participat rationem boni quantum ad emissionem proprii actus, & quidem taliter, quod actus quarundam meliores sint pecuniâ, quam emittit liberalis. Cum quo tamen stat, quod adhuc maximè amentur liberales, non quidem amicitia honesti,

quasi meliores, sed amicitia utilis. *Secundum est*, quia ad omnia praefata bona, sive publicum, sive privatum corporis, vel etiam Dei ordinatur ex consequenti liberalitas, quatenus scilicet ex hoc, quod homo non est pecuniae amativus, sequitur ut de facili utatur ea & ad seipsum, & ad utilitatem aliorum, & ad Dei honorem: unde & habet secundum hoc excellentiam quandam.

IN QUESTIONEM CXVIII.

De vitio liberalitati oppositis.

ARTI-
CVLVS
PRI-
MVS.

V*trum avaritia sit peccatum. R. Affirmative*, & quidem taliter, quod secundum quod varie accipitur, sit directe peccatum, & in proximum, & in seipsum; non nisi tamen ex consequenti peccatum in Deum. *Primum est*, quia cum in his, in quibus bonum consistit in mensura, necesse sit ut per excessum, vel diminutionem illius mensurae malum proveniat; & bonum hominis circa bona exteriora, quae quidem habent rationem utilium ad finem, non possit non consistere in quadam mensura, quia quae sunt ad finem, debent fini commensurari; ideo & in excessu huius mensurae, dum scilicet quis supra modum vult ea acquirere vel retinere, quod pertinet ad avaritiam, peccatum est; & quidem directe in proximum, si haec accipiatur avaritia pro immoderantia circa ipsas res exteriores, quantum ad acceptionem & conservationem; peccatum vero in seipsum, si immoderantiam importet circa interiores affectiones, quas quis ad divitias habet, utpote quae ejus deordinatur affectus. Vnde licet senex ob naturae defectum avidius ex-

teriorum rerum subsidia requirat ; non tamen propterea à peccato excusatur, si debitam rationis mensuram excedat ; appetitus namque exteriorum rerum est quidem homini naturalis, sed ut eorum quæ sunt propter finem. Vnde in tantum vitio caret, in quantum continetur sub regula sumpta ex ratione finis, quam quidem regulam avaritia excedit. *Secundum est*, quia in tantum est peccatum contra Deum, in quantum propter bonum temporale contemnit ex consequenti æternum.

Utrum avaritia sit speciale peccatum. ART. 2.

R. *Affirmativè*, non quidem sumpta secundum id omne ad quod ampliatum est avaritiæ nomen, sed pro immoderato amore possessiones habendi pecuniæ nomine designatas. *Primum est*, quia cum peccata speciem sumant ab objecto, quod est illud bonum in quod tendit inordinatus appetitus, proindeque & ubi est specialis ratio boni, quod inordinatè appetitur, sit ibi specialis ratio peccati ; ideò quia in divitiis est particularis ratio boni utilis, quod avaritia inordinatè appetit, est etiam avaritia speciale peccatum, adeò ut licet quis honores & voluptates possit pecuniâ consequi ; tamen quia aliam habent rationem appetibilitatis, non dicitur eorum appetitus avaritia, sumpta scilicet ut est speciale peccatum. *Secundum est*, quia avaritia secundum ampliationem nominis designat omnem inordinatum appetitum habendi quæcumque rem, ut scientiam, altitudinem, sicque non est in hac acceptione speciale malum, sed potius generale, juxta Glossam dicentem ; concupiscentiam avaritiæ esse omne malum.

ART. 3. *Vtrum avaritia opponatur liberalitati.*
R. Affirmativè; si tamen accipiatur immoderantia avaritiæ, non circa acceptionem & conservationem divitiarum immediatè, sed circa affectiones earundem interiores.

Quæst. præc.

In 1. & 4. Ethic.

Primum est, quia cum ponatur liberalitas ad moderandum huiusmodi affectiones, ut dictum est; ideo & ei opponitur avaritia, ut præfatam importat immoderantiam. Unde quia est liberalitas virtus media inter duo vitia contraria, ex Philos. habet etiam avaritia sub hac ratione vitium oppositum, scilicet prodigalitatem, quanvis illud non habeat prout iustitiæ opponitur, utpote cum minùs habere, quod ei tunc opponitur, non habeat rationem culpæ, sed pœnæ. Secundum est, quia sumpta avaritia prout alteram dicit immoderantiam, in quantum aliquis acquirit pecuniam ultra debitum, aliena surripiendo, & retinendo, ipsi potius iustitiæ opponitur, utpote cuius est statuere mēsuram in acceptionibus, & conservationibus divitiarum secundum rationem legalis debiti; ad differentiam liberalitatis; quæ quidem mēsuram constituit rationis, sed principaliter in interioribus affectionibus.

ut dicit Chrys. homil. 6. in Matt.

ART. 4. *Vtrum avaritia sit peccatum mortale.*
R. Esse quidem semper ex genere suo peccatum mortale, secundum quod iustitiæ opponitur; non tamen semper secundum quod opponitur liberalitati. Primum est, quia ad avaritiam peiori modo sumptam pertinet, quod aliquis injustè accipiat, & retineat; quod quidem spectat ad rapinam, vel furtum, quæ sunt mortalia peccata ex genere; licet quandoque possit esse pecca-

tum veniale, non quidem casu quo teneatur aliquis ex debito legali bona sua pauperibus erogare, vel ubi adesset periculum necessitatis, de quo casu loquitur Basiliius; sed propter imperfectionem actus, sicut de furto dictum est. *Secundum est*, quia avaritia, ut opponitur liberalitati, est inordinatus amor divitiarum, qui si in tantum crescat, ut præferatur charitati, erit quidem tunc peccatum mortale; in quo etiam sensu tenebra animæ ex Chrysost. est pecuniarum cupido, exclusione scilicet luminis charitatis; non nisi tamen veniale erit, si non præferatur, ut accidit, dum scilicet propter divitias non vellet aliquid facere contra Deum, aut contra proximum.

In serm. ad divites.

Qu. 66. art. 6.

Hom. 15. in Matt.

Vtrum avaritia sit maximum peccatorum. ART. 5.
R. *Negative*, non quod ex parte boni, ad quod sit inordinata conversio, non sit turpius; sed ita quod ex parte boni quo privat, nec proinde simpliciter, non sit majus. *Primum est*, quia cum corruptio, seu privatio boni formaliter se habeat in peccato, & conversio ad bonum non nisi materialiter, proindeque magis pensanda sit peccati gravitas ex parte boni quod corrumpitur; ideo cum in peccato contra Deum sit bonum quod corrumpitur & deseritur multò majus, tum postea majus sit in peccato quod est contra personam hominis; sit etiam peccatum contra Deum gravissimum, postea peccatum contra personam hominis, sub quo proinde est illud, quod est contra res exteriores, quæ pertinent ad avaritiam. Unde quod dicit Aug. venenum charitatis esse cupiditatem, non nisi de cupiditate generaliter cujuscumque boni intelligendum.

Lib. 8. quæst.

- venit, non autem specialiter de avaritia; sicut nec nisi propter aliqualem similitudinem dicitur avaritia idolorum servitus, quatenus tam avarus, quam idololatra se subijcit creaturæ exteriori; verum diverso modo, unde & oritur diversa gravitas, cum iste se subijciat ei exhibendo cultum divinum, quod est gravissimum; avarus autem immoderate concupiscendo ad usum. Cum quo tamen stat, quod quia avaritia dicitur insanabilis, non quidem ex parte contemptus, sicut est peccatum in spiritum Sanctum, quod Dei contemnit misericordiam, aut justitiam, quodque propterea est etiam gravius; sed insanabilis ex parte defectus humani, ex quo scilicet egemus adminiculo exteriorum rerum: ideo si non gravius, sit saltem quodammodo periculosius. *Secundum est*, quia cum bonum exteriorum rerum sit infinitum inter humana bona, ideo & ex parte boni, cui per avaritiam subditur humanus appetitus, deformius est peccatum avaritiæ: in quo quidem sensu intelligitur illud, Avaro nihil est scelestius; & aliarum hujusmodi auctoritates.

ART. 6. *Verum avaritia sit peccatum spirituale.*
Re. Affirmativa., ita quod ex parte termini ad quem, sive specificantis, spirituale sit, esto quod ratione objecti medium teneat inter purè spiritualia, & purè carnalia. *Primum est*, quia illa sunt peccata spiritualia ex parte termini specificantis, quæ scilicet perficiuntur in spiritualibus delectationibus, absque carnali, utpote cum peccatum præcipue consistat in affectu, & animæ affectiones terminentur ad delectationes & tristitias; quod quidem convenit & avari-

Quest. C XVIII. Artic. VII. 547

tiæ, quandoquidem delectatur avarus in hoc quod considerat se possessorem divitiarum. Vnde procedit quidem ex aliquo defectu carnis, quod patet in senibus; non tamen ideò est carnale, cum motus recipiat speciem à termino ad quem, non à quo: sicut nec comparatur avarus dæmoniaco, ex Chrysost. quasi vexetur in carne, sed potius per oppositum, ut sicut ille, de quo Hom. 27. in Matth. legitur Matth. 5. se denudabat; ita avarus se divitiis onerat. *Secundum est*, quia vitia purè spiritualia sunt, quæ quærunt delectationem spirituales circa purè spiritualia, ut superbia circa excellentiam; & purè carnalia delectationem corporalem circa corporalia; cum tamen avaritia delectationem quærat, animales quidem, non corporalem, sed circa corporalia.

Vtrum avaritia sit vitium capitale. R. Affirmativè, non quòd non possit ab aliis oriri vitiis, sed ita quòd alia vitia secundum rationem finis ex ea plerumque oriri soleant. *Primum est*, quia cum avaritia sit appetitus divitiarum, & divitiæ per se promittant sufficientiam; omnia enim, ex Scriptura, obediunt pecuniæ; sufficientia autem sit una de conditionibus felicitatis, quæ est finis; & maxime appetibilis: ideò sit, quòd cum sit avaritiæ finis tam multum appetibilis, pecunia enim etsi ordinetur ad alium finem, habet tamen quandam similitudinem felicitatis, cum contineat quodammodo omnia virtute, ut est utilis ad omnia sensibilia bona acquirenda; ideò, inquam, sit quòd propter ejus appetitum procedat homo ad multa facienda, proindeque quòd ex avaritia secundum ratio-

ART. 7.

Eccl. 10.

nem finis plerumque oriri soleant alia vitia, tanquam ex capitali vitio; & quidem quavis non opponatur principali virtutis liberalitas namque ideo non est principalis virtus, quia non respicit ad principale bonum rationis; cum tamen respiciat avaritia ad pecuniam, quæ quandam habet principalitatem inter bona sensibilia, ut dictum est, sicque sit adhuc principale vitium.

Qu. 16. *Secundum est*, quia nihil prohibet, vitium
art. 4. & capitale interdum à quibusdam aliis oriri
1.1. q. 84. vitiis, ut dictum est.

Art. 8. *Utrum proditio, fraus, fallacia, perjurium, inquietudo, violentia, & contra misericordiam obduratio, sint avaritiæ filia. R. Affirmativè*, ita quod & habeant illa septem, quod oriantur ex avaritia, & undè ab invicem distinguantur, & quod ad illa reducantur, quæ aliàs enumerari possent; quavis non ita, quod ad idem pertineant vitii genus. *Primum est*, quia cum avaritia, utpote superfluous amor habendi divitias, in duobus excedat: primum in retinendo, & sic oriatur obduratio contra misericordiam, quia non vult miseris subvenire; tum deinde in accipiendo, & hoc vel in affectu, & sic oriatur inquietudo, quia ingerit homini sollicitudines; vel in effectu, in acquirendo scilicet aliena, & sic oriatur tum violentia, si ad illud utatur vi; tum fallacia, si dolo utatur in simplici verbo; tum perjurium, si addatur iuramentum; tum fraus, si committatur dolus in opere quantum ad res; tum denique proditio, si quantum ad personas: ideo & sunt præfata vitia avaritiæ filia, tanquam ab ea provenientia, præcipue secundum appetitum finis, &

quidem taliter, quod & ab invicem sufficienter distinguantur, etiam loquendo de prodicione; fraude, & fallacia; & ad talia reducantur, quæ aliàs enumerari possent, seu quæ ab Isidoro enumerantur; cum mendacium, & falsum testimonium contineantur sub fallaciis; furtum sub fraude; appetitus turpis lucri sub inquietudine; rapacitas sub violentia; & inhumanitas sit idem quod obduratio. Cum quo tamen stat, quod alia possint enumerari vitiorum genera, sintque de facto enumerata ab Arist. pertinentia ad avaritiam, ut parcus, tenax, &c. sed quæ sunt magis illiberalitatis, sive avaritiæ species, quàm filia. *Secundum est*, quia: oùm ad finem unius vitii possint ordinari etiam peccata alterius generis; aliud est enim peccatum habere filias, & peccatum habere species: ideo nec oportet avaritiæ filias ad idem pertinere vitii genus, sed possunt diversis opponi virtutibus, ut violentia iustitiæ, perjurium religioni, &c.

IN QVÆSTIONEM CXIX.

De prodigalitate.

Vtrum prodigalitas opponatur avaritiæ. **ARTICULVS PRIMVS.**
Re. Affirmativè, ita tamen, quod in affectione divitiarum superabundet avaritia, & deficiat prodigalitas; circa verò exteriora excedat prodigalitas, & deficiat avaritia. *Ratio utriusque partis est*, quia in moralibus attribuitur oppositio vitiorum ad invicem, & ad virtutem secundum abundantiam & defectum, quo quidem modo, juxta scilicet sensus expositos, differunt prodigalitas, & avaritia, adeo ut tã prodigalitas, quàm avaritia, quia oppositæ sint circa idem, scilicet: circa passiones animæ, sed diversa hac. *re-*

tionē abundantiae & defectus. Vnde licet prodigus frequenter ad intemperantias declinet, non ideo prodigalitas magis opponitur temperantiae, cum aliquando abundet prodigus in dando, non propter voluptates, circa quas est temperantia, sed eo quod taliter disponitur, ut divitias non curet. Cum quo tamen stat, adhuc posse aliquem esse avarum simul, & prodigum utpote cum nihil prohibeat, eidem inesse opposita secundum diversa, puta cum quis excedit in dando, ex quo est prodigus; & simul excedit in accipiendo, vel ex necessitate, vel ex animi inordinatione, quod pertinet ad avaritiam.

- ART. 2.** *Vtrum prodigalitas sit peccatum. R. Affirmative,* non quidem principaliter ex quantitate dati, sed in quantum excedit quod fieri oportet. *Primum est*, quia cum illud vitiosum sit, & peccatum, quod corrumpit bonum virtutis; & huiusmodi sit prodigalitas, utpote quia opponitur avaritiae secundum superabundantiam & defectum, ut dictum est, quorum utrumque corrumpit virtutis medium; ideo ex quo excedit quod dari oporteat, est principaliter peccatum, & quidem quanvis hortetur Paulus divites, ut facile tribuant, & communicent sua, utpote quod intelligitur secundum quod oportet; quod non faciunt prodigi. Cum quo tamen stat, adhuc verificari, quod radix omnium malorum est cupiditas, cum sic dicatur avaritia radix omnium malorum, non quia omnia mala semper ex avaritia oriantur, sed quia nullum malum est, quod non interdum oriatur ex avaritia. Vnde & prodigalitas quandoque ex avari-

1. Tim.
cap. ult.

2. Tim.
ult.

Quaest. CIX. Artic. III. 545

tia nascitur, sicut cum aliquis multa consumit prodigè intentione captandi favorem aliquorum, à quibus divitias accipiat. *Secundum est*, quia quandoque liberalis majora dat secundum quantitatem, quam prodigus, si necessarium sit. Vnde & qui intentione sequendi Christum omnia sua dant, & omnem temporalium sollicitudinem remonent, non sunt prodigi, sed magis perfectè liberales.

Verum prodigalitas sit peccatum minùs grave, quàm avaritia. R. Affirmativè, & quidem ex triplici ratione, non tamen desumpta secundum hoc, quod est peccare in alium, & in seipsum. *Primum est*, quia & magis differt avaritia à virtute opposita, scilicet liberalitate; & est prodigus multis utilis, quibus dat: avarus autem nulli, nec sibi ipsi, ut dicit Arist. tum denique, quia prodigalitas, ad differentiam avaritiæ est facilè sanabilis, eo quòd scilicet homo & declinet ad senectutem, quæ est prodigalitati contraria, & facilè perveniat ad egestatem; & etiam quia de facili ad virtutem liberalitatis perducitur, propter scilicet conformitatem, quam habet cum ipsa. Vnde quanvis prodigi, qui propter intemperantiam superflue consumunt, sint peiores quàm avari, quia hoc jam nominat simul peccata multa, est tamen prodigalitas secundum se considerata minus peccatum quàm avaritia; & quidem quanvis abstineat avarus ab accipiendis alienis, utpote cum ex causa propter quam facit, quia scilicet non vult ab aliis accipere, ne cogatur aliis dare, id magis sit vituperabile, quàm laudabile; imò & quanvis prodigalitas magis opponatur pru-

ART. 3.

In 4.
Ethic.
cap. 5.

dentiae, utpote cum omnia vitia opponantur prudentiae, prout ab ea omnes diriguntur virtutes; & ideo ex eo quod vitium soli prudentiae opponitur, levius putetur. *Secundum est*, quia tam prodigus, quam avarus peccant & in seipsum, & in alios, quanvis diversa ratione; ita tamen quod prodigus in hoc minus peccet, quod sic sibi, & quibusdam nocet (sua consumendo: unde & ipse vivere, & aliis providere debet,) ut tamen aliquibus profit; cum è contra avarus, deficientis & in sumptibus, & in dationibus, nec sibi, nec aliis profit.

IN QUESTIONEM CXX.

De Epiikia, seu equitate.

ARTI-
CVLVS
PRI-
MVS.

V*trum epiikia sit virtus. Bl. Affirmativè,* ita quod virtuosum sit, non quidem de lege judicare, sed verba legis praetermittere in certis casibus, ad sequendum per epiikiam, quod poscit iustitiae ratio, & communis utilitas. *Ratio utriusque partis est*, quia cum leges ab hominibus institutae, quandoque patiantur instantiam, nec potuerit dari lex, quae in omnibus simpliciter observanda esset, propter scilicet diversitatem circa actus humanos contingentem; ideo necessaria est virtus, quae iudicetur non quidem de lege, quasi dicat eam non esse rectè positam; ut enim dicit Aug. quanquam de iis legibus homines iudicent, cum eas instituunt; tamen cum fuerint institutae, & firmatae, non licebit iudici de ipsis judicare, sed secundum ipsas; sed in quo casu à communi lege recedendum sit, ita ut potius intentio legislatoris attendatur, quam verba legis posita: in quo quidem casu non de lege iudicat, sed potius de aliquo particu-

Lib. de
vera Re-
lig. c. 32.

Iari negotio, quod occurrit. Neque desinit tunc epiikia iustum simpliciter, sed tantummodò iustum quod est lege determinatum, quod quidem vitiosum esset sequi, sicut & verba legis, in casu in quo non oportet, juxta illud commune dictum: Non dubium est, in legem committere eum, qui verba legis amplexus, contra Legislatoris nititur voluntatem. Vnde nec in casibus ita manifestis opus est interpretatione intentionis, quæ quidem, ut dicitur, ad solum pertinet Principem; sed opus potius executione.

In Codice de legibus, & const. Princ.

Vtrum epiikia sit pars iustitiæ. B. Affirmativè, & quidem pars subjectiva iustitiæ communiter dictæ, sed quæ prius prædicetur de epiikia, quàm de legali iustitia. Primum est, quia illa est pars subjectiva, de qua essentialiter prædicatur totum, & est quid minus; quod quidem verificatur in epiikia, quæ est iustitia quædam, ut ait Arist. nec tamen melior omni iustitiâ, cum sit ipsa quædam iustitia; sed melior solum legali, quæ scilicet observat verba legis, quæ ipsa epiikia moderatur: ita tamen quod non propterea reduci debeat ad modestiam, quæ ponitur pars temperantiæ, utpote cuius est moderari non observantiam verborum, sed exteriorem hominis vitam, esto quod apud Græcos transferatur epiikiæ nomen per quandam similitudinem ad omnes moderationes. Secundum est, quia cum legalis iustitia dirigatur secundum epiikiam, ex quo quidem sequitur, quod epiikia sit quasi superior regula humanorum actuum; ideò prius de epiikia prædicatur iustitia communiter dicta, quàm de

ART. 2.

legali. Cum quo tamen stat, quod si dicatur legalis iustitia, quæ obtemperat legi, nedum quantum ad verba legis, sed etiam quantum ad intentionem legislatoris, quæ potior est, tunc sit epiixia pars etiam, & quidem potior, legalis iustitiæ.

IN QUESTIONEM CXXI.

De pietate.

ARTI-
CVLVS
PRI-
MVS.

Rom. 8.

1. 2. q. 68.
art. 8.

Vtrum pietas sit donum. *Re. Affirmative.*
non ea quidem, quæ exhibet patri carnali officium, & cultum; sed ea, quæ per instinctum Spiritus sancti talia exhibet Deo, ut patri. *Primum est*, quia dona Spiritus sancti sunt quædam habituales animæ dispositiones, quibus scilicet est promptè mobilis à Spiritu sancto, à quo quidem inter cætera movetur homo ad hoc ut affectum quendam filialem habeat ad Deum, seu ad quem clamet *Abba Pater*, ut ait Apost. quod quidem ad pietatem pertinet. Ita tamen quod sicut per virtutem pietatis exhibetur officium etiam omnibus sanguine junctis, sic & pietas ut donum etiam omnibus hominibus cultum exhibeat, ut pertinentibus ad Deum, & ex consequenti etiam in miseria constitutis subveniat. Et quanvis iste actus non habeat locum in patria, præcipuè post diem iudicii, habebit tamen locum præcipuus actus ejus, scilicet Deum revereri filiali affectu. *Secundum est*, quia pietas exhibens patri carnali cultum, virtus est, & ita non est donum, quod quidem est excellentius virtute, ut dictum est, etiam Religione, sicut & excellentius est Deum ut patrem colere, quàm dominum; esto quod religio sit potior pietate, prout est virtus.

Vtrum dono pietatis respondeat secunda ART. 2.

*Beatitudo, scilicet: Beati mites. R. Affirmativè; si tamen in adaptatione beatitudinum ad dona, attendatur convenientia, non secundum propriam rationem doni, & beatitudinis, sed secundum rationem ordinis. Ratio utriusque partis est, quia si attendatur convenientia secundum rationem ordinis, quam sequutus est Aug. sicut prima beatitudo ex eodem attribuitur ultimo dono, scilicet timori, sic & secunda pietati: sed si convenientia attendatur secundum propriam rationem doni & beatitudinis, cum tunc oporteat quod adaptatio fiat secundum objecta & actus; ideò sic pietati magis respondent quarta, & quinta beatitudo, scilicet: *Beati qui esuriunt & sitiunt iustitiam*; tum: *Beati misericordes*, potius quàm secunda; ita tamen quod in hoc etiam sensu habeat aliquam cum pietate convenientiam, in quantum per mansuetudinem tolluntur impedimenta actuum pietatis. Vnde & in hoc eodem sensu, juxta scilicet proprietatem beatitudinum & donorum, oportet quod eadem beatitudo respondeat scientiæ & pietati, sicut & bonitas, & benignitas in fructibus possunt ita attribui directè pietati; mansuetudo autem, ob præfatam convenientiam, indirectè.*

IN QUESTIONEM CXXII.

De præceptis Iustitiæ.

V*trum præcepta Decalogi sint præcepta* ART. 1.
iustitiæ. R. Affirmativè, non quòd non CULVS
pertineant ad charitatem sicut ad finem, P R I
sed ita quod sint immediatè de actibus M V S.
iustitiæ. Primum est, quia cum præcepta
Decalogi sint prima principia legis, qui

bus statim ratio naturalis assentit, sicut manifestissimis principii s; & ratio debiti, quæ requiritur ad præceptum, manifestissimè appareat in iustitia, quæ est ad alterum, quia quisque est obligatus alteri reddere quod debet; ideò oportuit præcepta Decalogi ad iustitiam pertinere, adeò ut tria prima sint de actibus religionis, quæ est pars potissima iustitiæ; quartum de actibus pietatis, quæ est secunda; & reliqua de actibus iustitiæ communiter dictæ inter æquales. Neque enim intendit lex omnes homines facere virtuosos, nisi ordine quodam, scilicet ut priùs tradat præcepta in his, in quibus est manifestior ratio debiti. Vnde nec quæ pertinent ad bonum commune, fuerunt ponenda inter Decalogi præcepta, sed inter judicialia, cum oporteat diversimodè dispensari secundum hominum diversitatem; sed neque judicialia, quæ quidem sunt determinationes moralium præceptorum, ut ordinantur ad proximum, sicut cæremonialia sunt determinationes moralium, prout ordinantur ad Deum, debent in Decalogo contineri; sed sunt determinationes Decalogi, & sic ad iustitiam pertinent. *Secundum est*, quia cum finis præcepti sit charitas, ex Apost. ideò & pertinent præcepta Decalogi ad charitatem, sicut ad finem.

1. ad
Tim. 1.

ART. 2.

Utrum primum præceptum Decalogi convenienter tradatur. R. Affirmativè, ita quod & oportuerit quasi in eo jacere fundamentum quoddam religionis, per quam homo debite ordinatur in Deum; & oportuerit cultum falsorum Deorum in eo excludere. *Ratio utriusque partis est*, quia cum ad legem pertineat facere homines bonos, proin-

Quest. CXXII. Artic. II. 551

deque oporteat, ut ordinentur præcepta legis secundum ordinem generationis, quâ homo fit bonus; ideò cum in ordine generationis duo attendantur: primum, ut prima pars, scilicet cor, primò constitutur, & hæc in bonitate animæ sit bonitas voluntatis, quæ quidem bonitas attenditur ad objectum suum, quod est finis; ideò, inquam, fit quod in eo, qui erat per legem instituendus ad virtutem, primò oportuerit quasi jacere fundamentum quoddam religionis, per quam scilicet homo debite ordinaretur ad Deum, qui est ultimus finis voluntatis humanæ. Sed quia secundò attenditur in eodem generationis ordine, quod primò tollantur contraria, & impedimenta, ut patet in agricola primò purgante agrum, postea projiciente semina; ideò circa religionem sic erat homo primò instituendus, ut impedimenta veræ religionis excluderet, & consequenter, quod in primo præcepto excluderetur cultus falsorum Deorum, utpote cum præcipuum veræ religionis impedimentum sit, quod homo falso adhæreat Deo: unde & negativum est primum præceptum, quanvis affirmatio naturaliter sit prior, eo quòd in via generationis negatio, quâ removentur impedimenta, sit prior: ita tamen, quod quando dicitur, *Non habebis Deos alienos* (sub quo quidem intelliguntur omnes aliæ superstitiones prohibitæ, quatenus scilicet omnes procedunt ex pacto aliquo cum dæmonibus tacite, vel expresse inito,) id dicatur ratione illorum, qui quasdam creaturas pro Diis colebant sine institutione imaginum: dicatur autem, *Nec facies tibi sculptile,*

552 *Quæst. CXXII. Artic. III.*

ad prohibendum cultum falſorum Deorum
ſub imaginibus: unde ſubditur, *Non coles ea.*

ART. 3. *Vtrum ſecundum præceptum Decalogi con-*
venienter tradatur. R. Affirmativè, ita quod
& convenienter præmittatur præceptum,
quo prohibetur ſuperſtitio, huic ſecundo
præcepto, quo perjurium prohibetur; &
in hoc ſecundo præcepto convenienter pro-
hibeatur perjurium potiùs quàm blaſphe-
mia; & convenienter exprimatur per no-
men Dei in ſingulari. Primum eſt, quia ubi
aliquis inſtituitur ad virtutem, cum priùs
oporteat impedimenta vera religionis ex-
cludere, quàm eum in vera religione fun-
dare; & religioni aliquid opponatur, pri-
mò & priùs per exceſſum, dum ſcilicet id,
quod eſt religionis, alteri indebitè exhi-
betur, quod pertinet ad ſuperſtitionem,
quæ quidem applicando animum cultui in-
debito impedit, ne ſuſcipiatur Deus ad
colendum: tum deinde opponatur aliquid,
quaſi per defectum reverentiæ, cum Deus
contemnitur, quod pertinet ad irreligioſi-
tatem, quæ facit ne Deus poſtquam ſuſce-
ptus eſt, honoretur; ideo cum priùs ſit
Deum ſuſcipere ad colendum, quàm eum
ſuſceptum honorare, prius etiam, & pri-
mo præcepto prohiberi debuit ſuperſtitio
primum impediens; & ſolùm in ſecundo
prohiberi perjurium, ſeu aſſumptio nomi-
nis Dei in vanum, quod quidem ad irreli-
gioſitatem pertinet, quæ facit, ne Deus
poſtquam ſuſceptus fuit, honoretur. Ita
tamen quod per hoc præceptum (cujus qui-
dem literalis ſenſus eſt, non jurare pro re,
quæ non eſt, adeò ut aliæ quæ afferri ſo-
lent expoſitiones, ſunt ſolùm myſticæ,)

non

Quest. CXXII. Artic. IV. 553

non prohibeatur quævis assumptio divini nominis, sed propriè illa, quæ & inordinatè assumitur divinum nomen ad confirmationem humani verbi, utpote quæ frequentior est apud homines; & in qua intervenit perjurium. Expositio namque, quæ habetur Exodi 20. *Non assumes*, jurando scilicet pro nihilo, nedum de vana juratione intelligitur, sed etiam de falsa, quæ est perjurium; quandoquidem qui pro nihilo jurat, tunc juret pro eo quod non est, quod pertinet ad falsitatem. *Secundum est*, quia cum lex in præceptis Decalogi, quæ sunt prima, debuerit ea ponere quæ communius solent accidere; ideo & inter præcepta Decalogi convenienter prohibetur perjurium, quia frequentius accidit, & potius quàm blasphemia, in quam homo rarius prolabitur. *Tertium est*, quia licet multa sint Dei nomina; quia tamen nominibus ejus debetur reverentia ratione rei significatæ, quæ est una; ideo convenienter exprimitur hæc prohibitio per nomen Dei in singulari.

Vtrum tertium Decalogi præceptum convenienter tradatur, scilicet de sanctificatione Sabbati. R. Affirmativè, ita quod insignum operis creationis convenienter præcipiatur sanctificari diem septimam, seu deputari ad vacandum Deo; quanvis non ita, quod ab omni omnino opere cessandum sit. *Primum est*, quia remotis impedimentis veræ religionis per primum, & secundum præceptum, consequens fuit, ut tertium poneretur præceptum, per quod homines in vera religione fundarentur: quod cum convenienter fiat per hoc præceptum, quod est de exteriori cultu religionis secundum ali-

ART. 4.

quod sensibile signum, utpote cùm ad interiorem cultum, qui consistit in oratione, & devotione, magis homo inducatur ex interiore instinctu Spiritus sancti; ideò cùm præcepta Decalogi sint quædam prima, & communia legis principia, convenienter in tertio præcepto præcipitur exterior Dei cultus sub signo communis beneficii, scilicet ad repræsentandum opus creationis mundi, à quo requievisse dicitur Deus die septima, in cujus propterea signum mandatur sanctificanda, seu deputanda ad Deo vacandum. Ita tamen, quod hoc præceptum quidem partim morale est, quantum ad hoc quod homo deputet aliquod tempus ad vacandum divinis; imò & morale generale, prout significat cessationem ab omni actu peccati, & quietem mentis in Deum: tum etiam partim cæremoniale, in quantum scilicet in hoc determinatur speciale tempus in signum non quorundam particularium effectuum Dei, sicut sunt alix-cæremoniæ legis, quæ propterea non ponuntur inter generalia præcepta Decalogi, sed in signum generalis beneficii creationis ponatur hujusmodi præceptum in Decalogo, in quantum morale est, non in quantum cæremoniale. *Secundum est*, quia cùm opus servile, quod solùm prohibetur per hoc præceptum, ut exponitur Levit. 23. dicatur tale à servitute, quæ quidem triplex est: prima, quâ homo servit peccato: alia, quâ homo servit homini; & quidem secundùm corpus, juxta quod opera servilia dicuntur opera corporalia: tertia autem servitus Dei, secundùm quam opus patriæ dici potest opus servile; ideò cùm hoc ul-

num non sit prohibitum die Sabbati, cum contrarium non sit, sed conveniens fini observationis Sabbati, qui est ut homo vacet rebus divinis, sicut nec contrarium est ullius spiritualis actus exercitium, ut docere verbo, vel scripto; nec etiam per hoc præceptum cessandum est ab omni opere, etiam servili, sed solum à servili primo, & secundo modo, utpote impediente applicationem hominis ad divina: ita tamen, quod quia corporalia in tantum dicuntur servilia, in quantum sunt propria servitutis, adeò ut quæ communia sunt servis, & liberis, non dicantur servilia; & quilibet, tam servus, quam liber teneatur in necessariis providere non tantum sibi, sed etiam proximo, ut docet Scriptura; ideo nec Sabbatum violat corporale opus, quod ordinatur ad salutem, sive proprii, sive alterius corporis, vel etiam quod ordinatur ad imminens damnum rei exterioris vitandum, ut etiam docet Scriptura; imò & in die Dominica, quanvis succedat Sabbato, non quidem ex vi præcepti legis, aliàs ceremonialis, & figuralis esset; sed ex Ecclesiæ constitutione, & consuetudine quædam opera conceduntur, quæ in die Sabbati prohibebantur; & hoc ideo, quia figura pertinet ad protestationem veritatis, quam nec in modico præterire oportet; cum tamen opera secundum se considerata immutari possint pro loco, & tempore.

Prov. 24.
Deut. 22.

Matt. 12.

Vtrum convenienter tradatur quantum præceptum de honoratione parentum. R. Affirmativè, ita quod ex quadam affinitate ad præcepta primæ tabulæ sequi debet immediatè præceptum de honore reddendo pa-

ART. 5.

rentibus, & quidem potius quàm de debito reddendo ex gratia, aut observantia, vel etiam reddendo ex pietate consanguineis, & patriæ; imò & potius quàm de sustentatione parentum. *Ratio prima partis est*, quia cum præcepta Decalogi ordinentur ad dilectionem Dei & proximi, & inter proximos maximè obligemur parentibus; ideo & immediatè post præcepta ordinantia ad Deum, qui est principium nostri universale, convenienter ponitur ex quadam affinitate præceptum ordinans nos ex pietate ad parentes honorandos, qui quidem sunt principium particulare nostri esse; ita tamè quod longævitas, quæ hîc promittitur honorantibus parentes, quanvis non solum sit quantum ad futuram vitam, sed etiam ad præsentem, utpote cum mereatur secundum quandam congruentiam, ut sibi beneficium conservetur, qui gratus est benefico; quia tamen præsentia bona, vel mala non cadunt sub merito, nisi in ordine ad futuram remunerationem, ut dictum est; ideo & aliquando secundum occultam rationem divinorum judiciorum, quæ maximè futuram remunerationem respiciunt, aliqui qui in parentes pii sunt, citius vitæ privantur, & qui sunt impii, diutius vivunt. *Ratio secunda partis est*, quia respicit pietas aliquid omnibus commune, debitum scilicet erga parentes; & ideo inter præcepta Decalogi, quæ quidem communia sunt, poni potius debet, quàm aliæ justitiæ partes, quæ respiciunt debitum speciale; cumque per prius debeatur parentibus, quàm patriæ, & consanguineis, propterea & magis ordinant Decalogi præcepta, utpote prima.

2.2.q.114.
ait.10.

legis præcepta, ad parentés, quàm ad alios; & quidem ut honorandos potiùs quàm sustentandos (esto quod istud in illo subintelligatur, sicut & patria & consanguinei in parentibus,) utpote cùm sustentatio, & alia hujusmodi non debeantur parentibus per se loquendo, sicut honor, sed ratione alicujus accidentis, & indigentiae.

Vtrum alia sex præcepta Decalogi convenienter tradantur. R. Affirmativè, ita quod post præceptum quartum, quod est pietatis, sequi debeant sex alia ad justitiam propriè dictam pertinentia, & quidem nedum convenienter, sed & sufficienter. *Primum est*, quia cùm per justitiam propriè dictam reddat quis debitum communiter omnibus, sicut per justitiae partes debitum reddit determinatis personis, quibus aliqua speciali ratione obligatur; ideò & post tria præcepta, quæ spectant ad religionem, quâ redditur debitum Deo; & quartum, quod est pietatis erga parentes, necesse fuit ut ponerentur præcepta aliqua ad justitiam propriè dictam pertinentia, quæ scilicet indifferenter debitum omnibus reddit; & quidem prohibitiva, seu negativa de non nocendo; non verò affirmativa de exhibendo, utpote cùm communiter homo ad hoc obligetur, ut nulli inferat nocumentum; cùm tamen ea quæ sunt proximis exhibenda, diversimodè debeantur diversis. Ita tamen, quod per præcepta prohibitiva concupiscentiae, non quidem homicidii, utpote quod de se non est concupiscibile, sed adulterii, aut furti, seu boni delectabilis, vel utilis, non intelligatur prohibitus primus concupiscentiae motus, qui quidem consistit intra

ART. 6.

558 *Quest. CXXIII. Artic. 1.*

limites sensualitatis; sed consensus ipse voluntatis, qui est in opus, vel delectationem. *Secundum est*, quia & in homicidio, tanquam in principaliori intelliguntur prohiberi omnia alia nocumenta, quæ scilicet in personam proximi inferuntur; & in adulterio, quæ inferuntur in personam conjunctam, maximè per modum libidinis; & in furto, quæ pertinent ad damna rerum; & in falso testimonio, quæ pertinent ad loquutiones.

IN QVÆSTIONEM CXXIII.

De fortitudine.

ARTI-
CVLVS
PRI-
MVS.

V*trum fortitudo sit virtus. R. Affirmati-
vè, ita quod faciat fortitudo & homi-
nem, & opus ejus bonum esse, siue secun-
dum rationem; si tamen supponat pro for-
titudine, non corporis, sed animæ. Primum
est, quia quod virtus humana bonum faciat
habentem, & opus ejus bonum reddat, si-
ve secundum rationem, ex quo quidem
virtus dicitur, cum hoc fiat tripliciter: pri-
mò prout ipsa ratio rectificatur, quod fit
per virtutes intellectuales: secundò prout
ipsa rationis rectitudo in rebus humanis
instituitur, quod pertinet ad justitiam: ter-
tiò prout tolluntur impedimenta hujus re-
ctitudinis in rebus humanis ponendæ; idè
quia voluntas impeditur, nedum ex hoc
quod attrahitur ab aliquo delectabili ad
aliquid aliud, quod rationis rectitudo non
requirit, quod quidem impedimentum per
temperantiam tollitur; sed etiam quando-
que ex hoc, quod deterrètur ab eo, quod
est secundum rationem, propter scilicet
aliquod difficile, idè & ad hoc tollendum
impedimentum requiritur fortitudo men-*

Quaest. CXXIII. Artic. II. 559

tis, ad quam quidem pertinet, ut infirmitatem animæ fortiter ferat. Vnde non in infirmitate animæ, sed carnis perficitur animæ virtus, de qua Apost. loquitur. Cum quo tamen stat, non esse inconueniens, aliquos haberi actus fortitudinis aliunde, quam ex fortitudine, ut qui feruntur in id quod est difficile, ac si non esset difficile, quod ut inquit Arist. accidit vel ex ignorantia, vel propter spem, quia aliàs pericula aliquis evasit; vel propter scientiam & artem, quâ ratione milites non timent pericula belli; vel etiam propter impulsu passionis, scilicet tristitiæ, aut iræ; vel propter electionem finis non debiti. *Secundum est*, quia licet non sit contra rationem virtutis, & consequenter fortitudinis, quæ quidem est bona qualitas mentis, quod ex naturali complexione habeat aliquis naturalem inclinationem ad virtutem, ut dictum est; bene tamen quod consistat in corpore, esto quod ad similitudinem corporalis fortitudinis dicatur fortitudo animæ.

3. Ethic.
cap. 8.

1. 2. q. 63.
art. 4.

Virum fortitudo sit virtus specialis. R. *Afirmativè*, si tamen sumatur secundum quod importat animi firmitatem, non quidem absolute, sed in periculis gravibus sustinendis, & repellendis. *Primum est*, quia considerata in periculis gravibus sustinendis, sic habet materiam determinatam: unde Tullius sic eam describit, Est considerata periculorum susceptio, & laborum perpessio; proindeque & est specialis virtus, maxime cum sic sumpta non solum sit principium agendi, quod est commune omni virtuti; sed etiam referatur ad ultimum potentia, secundum quod potest aliquis re-

ART. 2.

sistere corrumpentibus, qui quidem est modus magis specialis. *Secundum est*, quia cum ad virtutem requiratur firmiter & immobiliter operari; ideo si accipiatur fortitudo, ut absolute importat quandam animi firmitatem respectu quorumcunque impugnantium, in quo quidem sensu dixit Ambr. quod fortitudo sola defendit ornamenta virtutum omnium, sic potius est conditio generalis cujuslibet virtutis.

Lib. 1.

offic.

cap. 39.

ART. 3.

Vtrum fortitudo sit circa timores & audacias. R. Affirmative, non quod non sit mediate circa pericula, & labores, vel etiam secundario circa spem; sed ita quod immediate sit circa timores & audacias. *Ratio utriusque partis est*, quia cum ad virtutem fortitudinis pertineat remove impedimentum, quo retrahitur voluntas à sequela rationis; & quod aliquis retrahatur ab aliquo difficili pertineat ad timorem; ideo & est immediate fortitudo, ad modum cohibentis, circa timores difficultium rerum, quæ possunt à sequela rationis voluntatem retrahere: sed quia oportet huiusmodi difficultium impulsus non solum firmiter tolerare, cohibendo timorem, sed etiam moderate aggredi quando oportet, ac etiam exterminare ad securitatem in posterum habendam, quod videtur pertinere ad rationem audaciæ; propterea fit, quod & immediate sit fortitudo circa audacias, tanquam moderativa, adeo ut cum ait Greg. quod iustorum fortitudo est carnem vincere, & propriis voluptatibus contrahere, loquatur de fortitudine, ut se habet ad omnes virtutes, non proprie ut est specialis virtus. Ita tamen quod mediate sit circa peri-

Quest. CXXXIII. Artic. IV. 561

cula & labores, utpote quæ objecta sunt prædictarum passionum, circa quas est immediatè; necnon & circa spem, non quidem propriè sicut circa audaciam, cum spes sit de bono, & fortitudo propriè respiciat mala retrahentia à virtute; sed secundariò, in quantum connectitur audaciæ.

Vtrum fortitudo sit solum circa pericula ART. 4.

mortis. R. Affirmativè, non quòd in aliis non dicatur homo fortis secundum quid; sed ita quod ex hoc solum, quod benè tolerat etiam maxima mala, dicatur simpliciter fortis. *Ratio utriusque partis est*, quia cum nullum bonum corporale æquivalet bono rationis, proindeque & oporteat ut illa sit propriè & simpliciter dicta fortitudo animi, quæ firmiter tenet voluntatem hominis in bono rationis contra quæcumque, & consequenter maxima corporalia mala, maximè quia ad rationem virtutis pertinet, ut respiciat ultimum; ideò quia maximè terribile inter omnia corporalia mala est mors, quæ quidem omnia tollit corporalia bona, ut ait Aug. est quidem Lib. 21.
homo fortis secundum quid in aliis, sicut de mor.
& in omnibus adversis tolerandis benè se Eccl.
habet fortitudo; non nisi tamen ex toleratione mortis reputatur simpliciter fortis: & hoc maximè, quia cum amor propriæ vitæ sit non ex passione, sicut in aliis bonis, quorum propterea amor, & consequenter timor ad moderationem reducitur per alias virtutes; sed sit ex natura, oportuit etiam esse specialem virtutem, quæ timores mortis moderaretur, & quidem quavis versetur tunc circa extrema; extremum namque in virtutibus non nisi secundum

excessum rationis rectæ attenditur : unde nec est virtuti contrarium , si quis maxima, sive extrema pericula subeat secundum rationem.

ART. 5. *Vtrum fortitudo propriè consistat circa pericula mortis, quæ sunt in bello. R. Affirmative ; si tamen sumatur bellum ; non solum pro generali, sive pro decertantibus in acie, sed & pro particulari, etiam in domesticis, & urbanis, impugnatione. Ratio utriusque partis est, quia cum fortitudo confirmet animum hominis contra maxima pericula, quæ sunt pericula mortis, & quidem propter aliquod bonum, utpote quæ est virtus, de cujus ratione est, ut semper tendat in bonum ; ideò cum hoc directè sit circa pericula mortis, quæ sunt in bello iusto, & quidem sive sit generale, sive particulare ex particulari & domestica impugnatione, utpote cum pericula mortis, quæ sunt ex ægritudine, vel tempestate maris, &c. non videantur alicui directè imminere propter aliquod bonum, consequenter fit quod circa præfata belli pericula sit præcipuè fortitudo, & consequenter circa cuiuscunque alterius mortis pericula, quæ potest homo subire propter virtutem : ut si quis non refugiat amico infirmanti obsequi propter timorem mortiferæ infectionis. Unde & fortitudinis est propter pacem reipublicæ se periculo mortis exponere, utpote quæ secundum se est bona, nec ex eo quod multi ea abutuntur, redditur mala ; & præcipuè commendatur Martyrum fortitudo, quatenus sustentium personales impugnationes propter summum bonum, quod est Deus.*

Quaest. CXXIII. Art. VI. & VII. 563

Vtrum sustinere sit principalis actus fortitudinis. R. Affirmativè, ita quod difficilius sit immobiliter sistere in periculis, quàm aggredi; & quidem multiplici ratione. *Ratio est*, quia cùm ipsum periculum, quod est objectum audaciæ, & timoris, de se conferat aliquid ad repressionem audaciæ, & è contra operetur ad augmentum timoris; ideò cùm aggredi pertineat ad fortitudinem, prout moderatur audaciam, & sustinere sequatur repressionem timoris, difficilius etiam est, & consequenter principalius in fortitudine immobiliter sustinere in periculis, quàm aggredi circa audacias temperandas; sed insuper quia sustinere videtur aliquis à fortiori invadente, & difficilius est pugnare cum fortiori: tum qui sustinet, jam sentit pericula imminentia, adeò ut non timeat præsentem jam causam timoris, quam tamen solum ut futuram habet qui aggreditur: tum denique, quia cùm difficilius sit diu manere immobilem, & sustinere importet diuturnitatem temporis, aggredi autem possit esse ex subito motu; ideò & difficilius, & virtuosius est sustinere, & quidem quanvis importet passionem corporis, utpote quod simul importat actum animæ immobiliter adhærentis bono, & quidem principalius, cùm virtus magis circa animam attendatur.

ART. 6.

Vtrum fortis operetur propter bonum proprii habitus. R. Affirmativè, non quidem tanquam propter finem ultimum, & remotum; sed ita quod finis ejus proximus sit, ut exprimat in actu similitudinem sui habitus. *Primum est*, quia cùm finis proximus cujusvis agentis sit ut similitudinem suam

ART. 7.

formæ in alium inducat, ut patet in igne dum calefacit, sicut & in ædificatore, qui quidem intendit inducere in materia similitudinem suæ artis; idem consequenter est dicendum de forti, utpote qui agere intendit secundum convenientiam sui habitus, ut scilicet intendat pro fine proximo non quidem essentiam habitus, utpote quæ prior est actu, sed ipsam similitudinem sui exprimere in actu. *Secundum est*, quia finis remotus, idest quodcumque bonum, quod ex priori fine sequitur ut intentum, est in fortitudine ipsa beatitudo, vel Deus. Vnde & dicit Aug. quod fortitudo est amor omnia propter Deum facile perferens.

ART. 8. *Vtrum fortis delectetur in suo actu.* *R. Negativè*, non quod non habeat fortis unde delectetur ex una parte, scilicet de ipso actu virtutis, & de fine ejus; sed ita quod à magnitudine corporalis doloris evanescat spiritualis hæc delectatio. *Ratio utriusque partis est*, quia cum duplex sit delectatio, altera corporalis, quæ tactum corporalem consequitur; altera animalis, quæ consequitur apprehensionem animæ, & propriè consequitur actus virtutum; ideo quia principalis actus fortitudinis est virtuosè sustinere aliqua tristitia secundum apprehensionem animæ, ut amissionem vitæ, vulnera, &c. habet proinde fortis ex una parte unde delectetur, scilicet secundum delectationem animalem de actu virtutis, & de fine suo; sicut & ex altera unde doleat animaliter, dum considerat amissionem vitæ, &c. Sed quia sensibilis dolor corporis facit non sentiri animalem delectationem virtutis, adeò ut tristitia quidem animalis

Quaest. CXXIII. Artic. I X. 565
vincatur à fortiore delectatione virtutis;
non tamen dolor corporalis, qui est sensibi-
lior, & propterea apprehensio sensitiva ho-
mini manifestior: ideo fit quod quanvis
habeat fortis, unde possit delectari spiri-
tualiter, evanescat tamen spiritualis hæc
delectatio, ex vehementia scilicet actus vel
passionis potentia sensitivæ, quæ scilicet
impeditur actus alterius potentia, scilicet
apprehensivæ, nisi fortè superabundet gra-
tia Dei. Vnde requiritur quidem à forti,
quod non absorbeatur ratio à corporali-
bus doloribus, quod quidem facit virtus;
non tamen, inquit Arist. ut delectetur, quasi
delectationem sentiens, sed sufficit ut non
tristetur; & hoc maximè, quia virtutis
opera, etsi possint esse delectabilia, præci-
puè propter finem; possunt tamen aliunde
esse tristitia, quod præcipuè contingit in
fortitudine.

*Vtrum fortitudo maximè consistat in re- ART. 2.
pentinis. R. Affirmativè, si nimirum consi-
deretur in operatione fortitudinis, non
quidem electio ipsius, sed ipsa manifesta-
tio virtuosi habitus. Primum est, quia cum
agat habitus ad modum naturæ, ideo quod
aliquis absque præmeditatione faciat ea
quæ sunt virtutis, cum necessitas imminet
propter repentina pericula, hoc maximè
manifestat, quod sit fortitudo habitualis
in anima confirmata. Secundum est, quia
cum jacula quæ prævidetur, minùs feriant,
ut ait Greg. ideo & eligit fortis præmedi- Hom. 34.
tari pericula, quæ possunt imminere, ut in Evag.
eis resistere possit, aut faciliùs ea ferre; si-
cut & potest aliquis, etiam qui habitu for-
titudinis caret, ex diuturna præmedita-*

566 *Quest. CXXIII. Artic. X.*

tionem animum suum contra pericula præparare.

ART.
IO.

Vtrum fortis utatur ira in actu suo. R. Affirmativè; si tamen subintelligatur de moderata ira, non de immoderata. Ratio utriusque partis est, quia cum motus appetitus sensitivi, quos quidem passiones animæ vocant Peripatetici, moveantur per imperium rationis ad hoc, ut cooperentur ad promptius agendum; ideò jure ponitur, ut ponebant illi, iram & alias passiones assumendas esse virtuosas, non quidem ut sunt immoderati quidam affectus appetitus sensitivi, quos scilicet ægritudines, vel morbos animæ nominabant Stoïci, & ideò à virtute passiones separabant; passione namque, putà irâ ita immoderate sumptâ, non potest homo uti pro suo arbitrio; sed prout sunt affectiones quædam moderatæ, utpote quæ moderatæ non sunt, nisi in quantum rationi subjiciuntur. Cum quo tamen stat, quod sit adhuc ira ratione infirmior, utpote quia ratio non eam assumit ad actum suum, quasi auxilium ab ea accipiens, sed quia utitur appetitu sensitivo, ut instrumento: tum etiam, quod fortitudo non ad actum sustinendi, ad quem quidem sola ratio sufficit, sed ad actum aggrediendi assumat iram, & quidem magis quàm tristitiam, & alias passiones; quandoquidem ad iram pertinet insilire in rem contristantem: unde directè cooperatur fortitudini, cum tamen tristitia secundum propriam rationem succumbat nocivo, & per accidens solum coadjuvet ad aggrediendum, in quantum scilicet est causa iræ, vel ut quis se exponat periculo, ut tristitiam fugiat.

Quæst. CXXIII. Artic. XI. & XII. 567

Vtrum fortitudo sit virtus cardinalis. ART. 11.
R. Affirmativè, ita quod, sicut aliæ cardinales, principaliter sibi vindicet quod communiter pertinet ad virtutes; imò & principalius, quàm temperantia. *Ratio utriusque partis est*, quia cùm inter alias communes virtutis conditiones sit firmiter operari, ex Arist. & hanc firmitatis laudem potissimè sibi vendicat fortitudo, & quidem magis quàm temperantia, utpote quæ est circa dolores & pericula mortis, quæ quidem magis fugimus, quàm voluptatem sequamur, ut notat Aug. quin imò & videmus immanissimas bestias à maximis voluptatibus exterreri dolorum metu; ideò & id sibi vendicat fortitudo, & principalius quàm temperantia, quod communiter perinet ad virtutes, proindeque & est cardinalis virtus, & quidem licèt ad mala corporalia ordinetur tanquam ad contraria, cùm adhuc ad bonum rationis, sicut aliæ virtutes, ordinetur tanquam ad finem: tum etiam licèt ira, quæ ei cooperatur, non sit passio principalis; & ipsa pericula mortis, circa quæ est, raro immineant, utpote cùm non cooperetur ira fortitudini ad principalem actum, qui est sustinere; & illorum periculorum occasiones frequenter occurrant, & ita adhuc sit fortitudo, sicut & aliæ cardinales virtutes, de his quæ maximè occurrunt in vita humana.

Vtrum fortitudo præcellat inter omnes alias virtutes. ART. 12.
R. Negativè, non quòd non sit potior temperantiâ, imò & præcellat omnibus secundum quandam generalitatem utilitatis; sed ita quod absolutè potior omnibus sit prudentia, & post prudentiam iustitia.

Primum est, quia cum in his, quæ non mole magna sunt, idem sit esse majus, quod melius, ex Aug. proindeque & oporteat quod tanto aliqua virtus sit major, quanto est melior; ideò cum bonum hominis sit bonum rationis, ex Dionys. & hoc essentialiter habeat prudentia, quippe quæ est rationis perfectio; justitia autem sit hujus boni factiva, prout scilicet ponit ordinem rationis in rebus; cum tamen aliæ virtutes sint solum ejusdem boni conservativæ secundum remotionem impediendi, in quantum scilicet passionibus moderantur: ideò, inquam, sit quod præ cæteris præcellat prudentia, sicut quod dicitur essentialiter, potius est eo quod dicitur & effectivè, & conservativè: tum post prudentiam justitia, & quidem quanvis sit fortitudo de difficiliore, & circa mortis pericula, utpote cum magnitudo virtutis magis sit mensuranda secundum rationem boni, quam secundum rationem difficultatis; & insuper non exponat homo personam suam mortis periculis, nisi propter justitiam conservandam, sicque fortitudinis laus dependeat quodammodo ex justitia. *Secundum est*; quia cum inter ea, quæ abducunt hominem à bono rationis, timor periculorum mortis sit maximè efficax, & magis quam delectationes tactus, propterea sit, quod potior sit fortitudo ad conservandum, quam temperantia; sed præterea & potior omnibus secundum quandam generalitatem utilitatis, ut insinuat Ambrosius, prout scilicet & in rebus bellicis, & in cilibus, sive domesticis utilis est, ad differentiam liberalitatis, quæ solum utilis est in quibusdam particularibus beneficiis.

In 6. de
Trinit.
cap. 8.
Cap. 4.
de div.
nom.

In 1. de
offic.
cap. 35.

Quest. CXXIV. Artic. I. 569
IN QVÆSTIONEM CXXIV.

De Martyrio.

Vtrum Martyrium sit actus virtutis. ARTI-
CVVS
PRI-
MVS.
R. Affirmativè, ita quod de ratione martyrii sit, quod ad rationem virtutis pertineat, non tamen absolutè, sed secundum præparationem animi. *Primum est*, quia ad virtutem pertinet, ut aliquis in bono rationis conservetur, quod quidem cum consistat in veritate sicut in proprio objecto, & in iustitia ut in proprio effectui; ideo & est de ratione martyrii, utpote cujus est, ut aliquis firmiter stet in veritate, & iustitia, contra persequentium impetum. Cum quo tamen stat, quod martyrii gloriam, quam sic in aliis meretur propria voluntas ex virtute, adhuc innocentes pro Christo occisi assequuti sint per Dei gratiam, quatenus scilicet sicut in pueris baptizatis per gratiam baptismalem meritum Christi operatur ad gloriam obtinendam, ita & in occisis propter Christum meritum martyrii Christi operatur ad palmam martyrii consequendam. *Secundum est*, quia cum consistat martyrium in debita sustinentia passionum injustè inflictarum, ideo & sufficit ut homo sit paratus, quod si alius injustè egerit, moderatè sufferat usque ad mortem; non autem debet se martyrio ingerere, ne detur alteri occasio injustè agendi: ita tamen, quod adhuc honorentur sanctæ aliquæ fœminæ quæ seipsas pro servanda pudicitia interfecerunt; id enim, ut ait Aug. divina dispositione factum est, quatenus aliquibus fide dignis testificationibus divina persuasit autoritas Ecclesiæ, ut dictarum mulierum memoriam honoraret.

ART. 2. *Vtrum martyrrium sit actus fortitudinis.*
R. *Affirmativè*, non quòd non comparetur ad fidem velut ad finem, & ad charitatem ut ad virtutem imperantem; sed ita quod fortitudinis sit tanquam virtutis elicientis. *Ratio utriusque partis est*, quia cùm propriè spectet ad fortitudinem, ut hominem confirmet in bono virtutis, maximè contra pericula mortis, & præcipuè ejus, quæ est in bello; & in martyrio ita firmetur homo in bono virtutis, dum fidem & justitiam non deserit propter imminencia pericula mortis, quæ etiam in quodam particulari certamine à persecutoribus imminet; ideo ad fidem quidem comparatur martyrrium sicut ad finem, in quo aliquis confirmatur, & sic mater martyrii dicitur fides: imò & est actus charitatis tanquam inclinantis & imperantis, ad modum primi, & principalis motivi, quo fit ut illam pariter manifestet: cum hoc tamen stat, quod sit fortitudinis tanquam virtutis elicientis ad modum proprii motivi, juxta illud: Fortes facti sunt in bello. Ita tamen, quod concomitanter commendetur in Martyribus patientia, quandoquidem deservit fortitudini ex parte actus principalis, qui est sustinere.

ART. 3. *Vtrum martyrrium sit actus maxima perfectionis.* *R.* *Affirmativè*, non quidem secundum speciem ipsius actus, seu ex parte virtutis proximè elicientis; sed secundum quod comparatur ad primum sui motivum, sive secundum genus suum. *Primum est*, quia cùm primum motivum actus virtutis, secundum quod pertinet ad perfectionem vitæ, sit amor charitatis, quæ est vinculum perfectionis, ex Apost. & marty-

Ad Col.
108, 3.

rium inter omnes actus virtuosos demonstrat maximè perfectionem charitatis, utpote cùm tanto magis aliquis ostendat se aliquam rem amare, quanto pro ea rem magis amatam contemnit, remque eligit magis odiosam; & homo inter omnia bona hujus vitæ maximè amet vitam, & odiat mortem; ideo & est actus martyrii in ordine ad primum sui motivum perfectior secundùm suum genus inter humanos actus, quasi maximæ charitatis signum, & specialiter perfectior obedientiâ, cùm complectatur id, quod est summum in ea, ut scilicet fit quis obediens usque ad mortem; & quidem quanvis in aliquo casu sit martyrium de necessitate salutis, & cadat sub præcepto; nec enim, ut notat Aug. ullus est actus perfectionis sub consilio cadens, qui in aliquo eventu non cadat sub præcepto, ut patet de eo qui incidit in necessitatem continentiae servandæ propter infirmitatem, vel absentiam uxoris. *Secundum est*, quia cùm tolerare mortem non sit laudabile secundùm se, sed solùm secundùm quod ordinatur ad aliquod bonum, quod consistit in actu virtutis, putà ad fidem, & dilectionem Dei; ideo cùm iste actus melior sit, utpote habens rationem finis, non potest martyrii actus esse secundùm se, aut secundùm speciem quam habet ex parte virtutis proximè elicientis omnium perfectissimus.

Utrum mors sit de ratione martyrii. R. Affirmativè; si tamen sermo sit de martyrio secundùm perfectam martyrii rationem, non secundùm quandam similitudinem. *Primum est*, quia cùm dicatur martyr, quasi testis Fidei Christianæ, per quam nobis

ART. 4.

Job 2.

visibilia pro invisibilibus contēnenda proponuntur, proindeque ad martyrium pertineat, ut homo testificetur fidem, ostendens opere se omnia præsētia contemnere, ut ad invisibilia bona perveniat; ideo quia quamdiu homini remanet vita corporalis, nondum opere ostendit se temporalia cuncta despiciere, secundum illud, Cuncta quæ habet homo, dabit pro anima sua; ideo fit, quod ad perfectam martyrii rationem debeatur aliquis etiam mortem sustinere pro Christo, adeo ut martyrium non propriè dicatur de tolerantia carceris, vel exilii, vel rapinæ divitiarum, &c. nisi secundum quod ex his sequitur mors, sitque martyrii meritum non quidem post mortem, sed in ipsa voluntaria sustentia mortis. Vnde quod mulier aliqua pro fide Christi integritatem carnis perdat, non propterea propriè habet rationem martyrii, cum apud homines non reddatur propter hoc testimonium sufficiens fidei, esto quod apud Deum, qui corda scrutatur, possit hoc ad præmium deputari, ut B. Lucia dixit. *Secundum est*, quia loquendo de martyrio secundum quandam similitudinem, rectè dixerim cum Hieron. quod Dei genitrix virgo & martyr fuit, quanvis in pace vitam finiverit; necnon & cum Greg. quod quanvis occasio persecutionis desit, habet tamen & pax nostra martyrium suum; quia etsi colla ferro non subjicimus, spiritali tamen gladio carnalia desideria mente trucidamus.

In sermone de
Assumpt.
Homil. 3.
in Evāg.

ART. 5.

Utrum sola fides sit causa martyrii. Bz. *Negative*, non quod aliud quàm fidei veritas possit esse causa martyrii, sed quia fidei veritatem protestatur etiam quicumque

patitur pro quocumque bono opere faciendo, vel pro quocumque peccato propter Christum vitando. *Ratio utriusque partis est*, quia cum Martyres ideò dicantur quasi testes, quia corporalibus passionibus usque ad mortem testimonium perhibent veritati fidei, ideò sola quidem fidei veritas est martyrii causa; sed quia ad veritatem fidei non solum pertinet ipsa cordis credulitas, verum etiam ipsa exterior protestatio, quæ quidem non solum fit per verba, sed etiam per facta, quibus se aliquis fidem habere ostendit, juxta illud Scripturæ, Ego ostendam tibi ex operibus fidem; propterea non sola fides, sed & omnium virtutum opera, & quodcumque bonum humanum, prout in Deum referuntur, possunt esse martyrii causa, adeò ut ipsa etiam vitatio mendacii, ut est divinæ legi contrarium, possit esse martyrii causa, esto quod id non habeat veritas aliarum scientiarum, utpote quia non pertinet ad divinitatis cultum. Est enim aliquis Christi, & Christianus, non solum quia ejus fidem habet, sed etiam quia spiritu Christi ad opera virtuosæ procedit; & ideo patitur Christianus non solum propter fidei confessionem, quæ fit per verba, sed etiam pro quocumque bono opere faciendo, vel malo vitando propter Christum. Vnde & Ioannis Baptistæ martyrium in Ecclesia celebratur, qui tamen non pro fidei confessione, sed pro reprehensione adulterii morte fuit coronatus.

Iacob. 2.

IN QUÆSTIONEM CXXV. ARTI-

De timore.

CVLVS

Vtrum timor sit peccatum. R. Affirmati- PRI-
vè, non quidem prout communiter di- MY S.

etus, aut secundum quod refugit quod est secundum rationem fugiendum; sed quando fugimus ex timore ea, quæ ratio dicitur esse sustinenda. *Ratio utriusque partis est*, quia cum ille timor peccatum sit, qui est inordinatus, utpote cum bonum rationis consistat in ordine, qui quidem requirit, ut appetitus subdatur regimini rationis; & talis sit timor, non quidem communiter dictus, ut dicit simpliciter fugam; sic enim nec importat rationem boni, nec mali, sicuti nec aliæ passionēs; sed nec ille, quo fugimus quod est secundum rationem fugiendum, qualis quidem est timor ille ad quem inducit Apost. scilicet ut timeat servus, ne deficiat in obsequiis Domini; nec non & timor malorum, quibus homo resistere non potest, & ex quorum sustinentia nihil nobis provenit boni, utpote cum uterque sit ordinatus & secundum rationem; sed timor quo fugit appetitus quæ ratio dicitur esse sustinenda, ne scilicet ab aliis desistat, quæ magis debet prosequi, quando quidem dicitur ordinata ratio, quædam bona esse magis prosequenda, quam quædam mala fugienda, & in his quædam magis, & quædam minus; ideo & est præfatus ille timor peccaminosus.

ART. 2. *Vtrum peccatum timoris opponatur fortitudini. R.* *Affirmativè*, non quod non includatur inordinatus timor in quolibet peccato, sed ita quod opponatur antonomastice inordinatus timor virtuti fortitudinis. *Primum est*, quia cum præcipuus timor sit periculorum mortis, ex Aristotele; ideo & opponitur antonomastice talis timoris inordinatio virtuti fortitudinis, quæ est circa

pericula mortis ; & quidem etiam in illo, qui se periculis mortis exponit, ut fugiat aliquid laboriosum, utpote qui à timore tunc vincitur; quod est fortitudini contrarium, ad quam scilicet pertinet, ut se exponat fortis periculis mortis propter bonum. Cum quo tamen stat, quod timor ut opponitur spei, cum sit causa desperationis, referatur ad aliud genus, scilicet ad res divinas, nec sit ejusdem rationis cum timore, qui opponitur fortitudini, utpote pertinente ad pericula mortis. *Secundum est*, quia cum timor ex amore procedat, utpote cum nullus timeat nisi contrarium ejus, quod amat ; & amor ordinatus includatur in qualibet virtute, quandoquidem quilibet virtuosus amat proprium bonum virtutis ; ideo & includitur inordinatus timor communiter sumptus in quolibet peccato, proindeque & diversis opponitur virtutibus.

Utrum timor sit peccatum mortale. *Re. Affirmative*, non quod mortalis sit secundum quod consistit in sensualitate, sed ita quod prout pertingit usque ad appetitum rationalem, possit esse mortalis. *Ratio utriusque partis est*, quia cum timor sit peccatum secundum quod inordinatus, in quantum refugit quod secundum rationem non est fugiendum ; & hæc inordinatio quandoque consistat in solo appetitu sensitivo, non superveniente consensu voluntatis, in quo quidem appetitu est tunc solum veniale peccatum, ut dictum fuit ; ideo & est tunc timor solummodo venialis, sicut & quando revocat à bono, quod non est de necessitate præcepti, sed de perfectione ; sed quia

ART. 3.

1.2. q. 74.

art. 4.

adeſt aliquando conſenſus voluntatis, quæ ex libero arbitrio refugit bonum aliquod, non ſecundum rationem; ideò & erit tunc timor mortalis, ſi nimirum quis ob timorem mali ſit diſpoſitus ad aliquid faciendum prohibi- tum, vel prætermittendum quod eſt in lege divina præceptum. Vnde erit timidus pars in ſtagno ignis, ut dicitur Apocal. 21. ita tamen, quod adhuc dicatur homo timidus reparabilis, ut dicit quædam Gloſſa; quandoquidem etiamſi timor ſit peccatum mortale, non tamen aliquis ita obſtinatè tæretur, quin perſuaſionibus revocari poſſit.

ART. 4. *Vtrum timor excuſet à peccato. R. Affirmative*, non quòd ſemper excuſet totaliter, vel ex ea parte quâ eſt peccatum; ſed ita quod ex ea parte quâ eſt involuntarius, ſemper minuat, & excuſet, dum facit mala fugere, quæ ſecundum rationem ſunt magis fugienda. *Primum eſt*, quia cum dicitur ratio, quædam mala eſſe magis aliis fugienda; & aliunde minus voluntarium ſit quod ex timore agitur, utpote ex quo quædam imponitur neceſſitas; ideò & ex ea parte, quâ eſt involuntarius, ſemper minuit, & excuſat in caſu, quo facit mala fugere, quæ ſecundum rationem ſunt magis fugienda, putà ſi quis propter timorem mortis latronibus aliquid promitteret, aut daret, utpote quia magis eſt fugienda mors corporalis, quàm amiſſio temporalium rerum. Vnde & habet locum timor ille ita excuſans, tum reſpectu mortis, quanvis imminet omnibus ex neceſſitate, cum ſit diminutio vitæ temporalis quoddam malum, & per conſequens timendum; tum etiam reſpectu

respectu mali temporalis, utpote cum sint temporalia minima saltem bona, ut dicit Aug. & ut Peripatetici senserunt contra Stoicos; & ita contraria eorum sint timenda, quanvis non multum, ut scilicet pro eis recedatur ab eo, quod est bonum secundum virtutem. *Secundum est*, quia cum timor ille sit inordinatus, quo mala fugimus, quæ secundum rationem sunt minus fugienda, & mala incurrimus, quæ magis fugienda sunt, ut si quis peccata, seu mala animæ incurreret, ut fugiat mala corporis; ideo non semper excusat timor à peccato, esto quod etiam tunc aliquantulum diminuat, non quidem ex ea parte, quæ est peccatum, cum potius peccatum peccato aggravetur, sed quia est minus voluntarium.

Lib. 2. de
lib. arb.
cap. 18.

IN QVÆSTIONEM CXXVI.

De vitio intimiditatis.

Vtrum intimiditas sit peccatum. *R. Affirmative*, ita quod & licitum sit mortem & alia temporalia timere modo debito; & nihil horum timere sit vitiosum. *Primum est*, quia cum timor, quo temporalia mala timentur, de quo hic agitur, oriatur ex amore temporalium, proindeque idem sit utriusque iudicium; ideo cum amor ille temporalium sit licitus quando debito modo amantur, iis scilicet solum utendo propter ultimum finem, utpote cum huiusmodi amore & vita; & quæ ad eam necessaria sunt, naturali inclinatione amentur, etiam licitus erit eorundem timor. Unde non propterea commendatur iustus in Scriptura velut leo sine terrore, quasi sine omni timore sit, quandoquidem ex eadem Scriptura, qui sine timore est, justificari non potest;

ARTI-
CULVS
P R I-
MVS.

Prov. 28.

Eccles. 1.

578 *Quaest. CXXVI. Artic. II.*

sed quia timorem non habet à bono retrahentem. *Secundum est*, quia cum id omne vitiosum sit, quod est contra naturalem inclinationem, utpote à Deo authore naturæ convenienter inditam; & nihil horum timere, quæ nobis in temporalibus imminere possunt, sit huiusmodi, utpote quia amor debitus in vita, eique necessariis, etiam sibi ipsi est naturaliter impendendus, ut dictum est; ideò & est huiusmodi intimiditas vitiosa, & quidem siue causetur ex defectu amoris, siue causetur ex elatione animi de se præsumptis, & alios contemnentis, siue etiam causetur ex stoliditate, non tamen invincibili, quæ quidem excusat à peccato. Vnde debeat quidem temporalia bona contemni, ut impediunt nos ab amore, & timore Dei, non tamen ut nos ad ea instrumentaliter juvant; sed possunt sub hac ratione timeri, sicut & mors, & quidquid ab homine potest inferri, in quantum scilicet his impeditur homo in operibus virtuosis, esto quod timenda non sint eâ ratione, ut à iustitia recedatur, juxta illud Scripturæ, Nolite timere eos qui occidunt corpus.

ART. 2. *Vtrum esse impavidum opponatur fortitudini. R. Affirmativè*, non quidem secundum excessum, sed secundum defectum. *Ratio utriusque partis est*, quia cum fortitudo sit circa timores, & audacias; & omnis virtus moralis constituat modum rationis in materia circa quam est, ideò fit, quod ad fortitudinem pertineat timor moderatus secundum rationem, ut scilicet homo timeat quod, & quando oportet; qui quidem modus rationis per impaviditatem corrumpitur, non quidem per excessum; sic enim

Quest. CXXVII. Artic. I. & II. 579

corrumpitur per audaciam, quæ propterea fortitudini opponitur secundum excessum; sed secundum defectum timoris, & quidem quavis actus fortitudinis sit timores sustinere, & aggredi, utpote quod non facit qualitercumque, sed secundum rationem, quod non facit impavidus. Cum quo tamen stat, quod impaviditas secundum suas causas possit aliis opponi virtutibus, quavis quia secundum speciem suam corrumpit medium fortitudinis, ideò & directè ei opponatur.

IN QUESTIONEM CXXVII.

De audacia.

V*trum audacia sit peccatum. R. Affirmativè, non quidem secundum quod ratione moderata, sed prout per superabundantiam dicta. Ratio utriusque partis est, quia audacia ut ratione moderata potius pertinet ad virtutem fortitudinis, ut insinuat Greg. ut autem per superabundantiam dicitur, excessum dicit, aut defectum, quod quidem in moralibus, quæ medium exposcunt, est semper vitiosum. Vnde in tantum laudabilis est audacia, quæ facit ad velocitatem operandi post consilium, in quantum à ratione ordinatur. Quin imò quia quando sive vitia, sive virtutes innominata sunt, utimur nominibus passionum ad illa significanda; ideò & ponitur audacia vitium, & è contra spes quæ habet bonum pro objecto, ponitur virtus, licet ambo sint passionēs.*

Vtrum audacia opponatur fortitudini. ART. 2.

R. Affirmativè, non quidem secundum causam vitii, seu vitiosi, quod est in audacia; sed secundum ipsam vitii speciem. Primum

ARTI-
CVLVS
PRI-
MVS.
Lib. II.
Mor.
cap. 18.

est, quia cum omne vitium, quod importat immoderantiam circa materiam alicujus virtutis moralis, opponatur illi virtuti, ut immoderatum moderato; & audacia, ut sonat in vitium, & secundum vitii speciem importet excessum passionis circa materiam fortitudinis, qui audacia nominatur; ideo & opponitur ita sumpta virtuti fortitudinis, & quidem quavis excessus timoris, siue timiditas habeat aliud vitium sibi oppositum secundum defectum timoris; cum enim consistat motus audaciae in invadendo id quod est homini contrarium, ad quod quidem natura inclinat, nisi in quantum impeditur talis inclinatio per timorem patiendi nocumentum ab alio; ideo nec habet audaciae excessus contrarium defectum, nisi timiditatem tantum. *Secundum est*, quia cum oriatur audacia ex presumptione, tanquam ex causa; ideo & oporteret eidem opponi, cui praesumptio, si attenderet oppositio vitii ad virtutem secundum causam; necnon & opponi iustitiae, si attenderet oppositio secundum effectum, utpote cum nocumentum, quod ex audacia provenit, sit ejus effectus.

IN QUESTIONEM CXXVIII.

De partibus fortitudinis.

ARTI-
CVLV8
VNI-
CVS.

Vtrum partes fortitudinis convenienter numerentur. *R.* Affirmative, ita quod omnes fortitudinis partes ad quatuor illas principales reducantur, quas Tullius ponit, magnificentiam, fiduciam, patientiam, & perseverantiam; taliter tamen, quod si coarctentur ad propriam materiam fortitudinis, sint quasi partes integrales ipsius; si autem ad quascumque materias difficiles

Quest. CXXVIII. Artic. I. § 31

referantur, sint partes solùm potentiales, seu ei adjunctæ, tanquam secundariæ principali. *Ratio utriusque partis est*, quia cùm fortitudini (utpote quæ est tam specialis virtus, siue circa tam specialem materiam) non possint assignari partes subiectivæ, sed solùm vel potentiales, secundùm quod ea, quæ fortitudo observat circa difficilia, aliquæ virtutes observant circa aliquas materias minùs difficiles ; vel integrales, secundùm ea, quæ oportet ut concurrant ad actum fortitudinis, cuius actus sunt aggredi, & sustinere ; ideò cùm ad actum aggrediendi duo requirantur : primum quoad animi præparationem, ut aliquis promptum habeat animum ad aggrediendum ; & quantum ad hoc ponit Tullius fiduciam, quâ habet homo spem non in Deo, sic enim est virtus theologica, sed in se ipso, quâvis sub Deo, & sub qua comprehenditur magnanimitas, & securitas, quas Macrobius addit : alterum ne deficiat quis in exequutione illorum quæ fiducialiter inchoavit, ad quod ponit magnificentiam, quæ quidem cùm addat circa materiam liberalitatis quandam magnitudinem habentem rationem ardui, quod est objectum irascibilis, quem perficit fortitudo ; ideò & ex hac parte spectat ad fortitudinem, maximè cùm sit periculosum quascumque res magnas aggredi ; quia in his deficere est valde nocivum, sicque affinitatem habeant cum fortitudine & magnificentia, & fiducia ; sed insuper cùm ad alium actum fortitudinis duo similiter requirantur : primum ne difficultate imminentium malorum frangatur animus per tristitiam, ad quod quidem poni-

tur patientia, cujus loco ponit Macrobius tolerantiam : alterum verò ut ex diuturna difficilium passione homo non ita fatigetur, ut desistat, ad quod ponitur perseverantia, seu firmitas, ut dicit Macrobius, esto quod prout dicit continuitatem boni operis usque in finem, sic potius sit circumstantia omnis virtutis, quàm pars fortitudinis; consequenter sit quod partes fortitudinis convenienter, & sufficienter enumerentur præfatæ quatuor, ad quas quidem possunt etiam reduci partes illæ, quas Andronicus ponit : ita tamen, quod non nisi partes sint potentiales fortitudinis, seu virtutes adjunctæ, ut vagantur ad aliquas alias materias, in quibus est minùs difficultatis, & solùm sint integrales partes, prout coarctantur ad propriam materiam fortitudinis, sive circa pericula mortis, utpote sine quibus esse non potest tunc fortitudo.

IN QVÆSTIONEM CXXIX.

De magnanimitate.

ARTI-
CVLVS
PRI-
MVS.

Vtrum magnanimitas sit circa honores. *R. Affirmative*, non quidem sic, ut pro magno æstimet humanum honorem; sed ita quod studeat ea facere, quæ sunt honore digna. *Ratio utriusque partis est*, quia cum is simpliciter sit magnanimus qui habet animum ad actum magnum, non quidem solùm secundùm proportionem, qui etiam reperitur in usu optimo rei parvæ; sed simpliciter magnum, utpote cum habitus ab actu principaliter determinetur; ideo cum talis consistat in usu optimo rei magnæ, qualis quidem inter res exteriores est honor: tum quia est propinquissimum virtuti, cujus est signum;

Quaest. CXXIX. Artic. II. 583

tum quia debetur Deo , & optimis : tum denique quia homines ad honorem consequendum , & vituperium vitandum omnia alia postponunt ; propterea fit quod esse debeat magnanimitas mediata saltem circa honores, tanquam circa objectum passionis spei, sicut & est fortitudo mediata circa difficillima, prout scilicet habet honor rationem ardui & magni, sub qua scilicet ratione ad irascibile pertinet, in quo est magnanimitas, non autem ad concupiscibilem ; non tamen taliter, ut pro magno aestimet magnanimitas humanum honorem , cum potius laudabiles sint & virtuosus , qui non nimis appetantur , adeo ut pro eis adipiscendis nihil inconueniens faciant ; sed taliter quod studeat facere quæ sunt honore digna, utpote cum vituperabilis esset , qui hoc modo honores contemneret , ut non curaret facere quæ honorem merentur.

Vtrum magnanimitas de sui ratione habeat, quod sit circa magnum honorem. R. Affirmative, non quod non sit virtus aliqua , quæ sit circa mediocres honores ; sed ita quod alia insuper sit , cuius propria materia sit magnus honor, scilicet magnanimitas. Ratio utriusque partis est , quia cum virtutes morales sint circa passiones , quæ quidem pugnant contra rationem, seu rationis modum ; ideo cum hoc dupliciter possit accidere, vel principaliter ex parte passionum, vel etiam ex parte rerum, quæ sunt passionum objecta, sed cum hoc discrimine, quod passiones secundum se , nisi fuerint vehementes , non multum repugnant rationi, bene quidem illæ, quæ ex rebus sumuntur exterioribus , quod patet in pecuniæ, vel

ART. 2.

§84 *Quæst. CXXIX. Artic. III.*

honoris cupiditate; consequenter fit quod
 quanvis in prioribus poni non debeant vir-
 tutes, nisi circa id quod est magnum in
 passionibus, sicut non nisi circa maximos
 timores & maximas audacias est fortitudo;
 in his tamen passionibus quæ ex rebus su-
 muntur, non solum oporteat esse virtutem
 circa maxima, sed etiam circa mediocria
 & minora, quando & hæc sunt multum ap-
 petibilia; atque ita sicut circa appetitum
 pecuniæ sunt duæ virtutes, scilicet libera-
 litas pro mediocribus, & magnificentia
 circa magna; sic & circa honores, una circa
 mediocres, innominata; sed alia insuper
 circa magnos, quæ nominatur magnani-
 mitas; & quidem quanvis magnum & par-
 vum per accidens se habeant ad honorem,
 utpote cum adhuc maximam faciant diffe-
 rentiam, secundum quod comparantur ad
 rationem, cujus modus difficilius observa-
 tur in magnis honoribus, ad differentiam
 iræ, in qua quidem non habet notabilem
 difficultatem, nisi id quod est maximum.
 Cum quo tamen stat, quod quia qui benè
 magnis utitur, multò magis potest uti &
 parvis; ideo nec extollitur magnanimus
 magnis honoribus, quia eos non reputat
 supra se; sed nec dehonorationibus fran-
 gitur, sed magis eas contemnit, quia repu-
 tat sibi indigne afferri.

ART. 3. *Vtrum magnanimitas sit virtus. R. Affir-
 mative, non quòd non sit magnanimus ma-
 gnitudine extremus, imò & tendere videat-
 ur ad contraria humili; sed ita quod cum
 hoc medius sit, seu modum rationis ponat
 magnanimitas, nec reipsa humilitati con-
 traria sit. Ratio utriusque partis est, quia*

cum ad rationem virtutis humanæ pertineat, ut in rebus humanis bonum rationis seruetur, quod est proprium hominis bonum; & inter res humanas exteriores, honores præcipuum obtineant locum: ideo quavis tendat magnanimus ad maxima, & ita sit magnitudine extremus; quia tamen non excedit in hoc virtutis medium, quando quidem sectatur maxima secundum rationem, est consequenter magnanimitas virtus moralis, adeo ut quavis non competat actus magnanimi omni virtuoso, nec enim virtutum connexio intelligi debet secundum actus; sit tamen connexa magnanimitas omnibus virtutibus secundum habitum simul in anima existentibus, ratione scilicet principiorum, quæ sunt prudentia & gratia. Vnde nec est magnanimitas humilitati contraria, cum non faciat ut hominem se dignificet magnis, nisi secundum considerationem donorum, quæ ex Deo possidet; nec alios contemnat, nisi prout deficiunt à donis Dei, quod quidem cum humilitate compatitur, ex qua scilicet homo seipsum solum parvipendit secundum considerationem proprii defectus; sed nec habet proprietates culpabiles, utpote cum non dicatur magnanimus beneficiorum inmemor, nisi quia ei non est delectabile, quod ab aliis recipiat, quin maiora recompenset; nec dicatur otiosus & tardus, quasi deficiat ab operando quæ sibi conveniunt; sed quia non se ingerit quibuscumque operibus, sed solum magnis, quæ pauca sunt, unde & habet motum tardum, & vocem gravem: nec nisi quia non totam suam ostendit magnitudinem, dicatur ironia uti ad multos.

non autem prout opponitur ironia veritati.

ART. 4. *Vtrum magnanimitas sit specialis virtus.*
R. Affirmativè, non quòd non respiciat ex
 consequenti, seu ratione materiæ omnes
 virtutes; sed ita quòd secundùm se confi-
 derata ab aliis condistinguatùr virtutibus.
Primum est, quia specialis virtus dicitur,
 quæ ponit modum rationis in aliqua deter-
 minata materia; quòd quidem facit ma-
 gnanimitas, quippe quæ modum ponit cir-
 ca honorem, qui est quoddam speciale bo-
 num; imò & ita specialiter, ut nec etiam
 sit circa quoscumque honores, cùm idcò
 intendat magnanimus in qualibet virtute
 magna operari, quia tendit ad ea quæ sunt
 digna magno honore; nec promptum se
 exhibeat ad actus aliarum virtutum, qui ei
 attribuuntur in quantum tales, sed prout
 habent rationem cujusdam excellentiæ, si-
 cut & ea ratione defectus vitat, quia con-
 trarii excellentiæ. Vnde nec dicitur ornatus
 omnium virtutum, quasi non habeat virtus
 quælibet decorè ex sua specie, sed quia per
 magnanimitatè alius superadditur ornatus
 ex magnitudine operis virtuosì. *Secundum
 est*, quia cùm honor sit cujuslibet virtutis
 præmium, idcò & omnes respicit virtutes
 ex consequenti, ratione scilicet materiæ.

ART. 5. *Vtrum magnanimitas sit pars fortitudinis.*
R. Affirmativè, non quòd non conveniat
 magnanimitas cum fortitudine in confir-
 mando animum circa aliquid arduum, imò
 & possit aliquo modo pro eodem accipi; sed
 ita quòd in hoc ipso à fortitudine deficiat,
 tanquam adjuncta, & secundaria à principa-
 li. *Ratio utriusque partis est*, quia cùm tanto
 principalior, seu magis capitalis sit virtus,
 quæ firmitatem præstat animo, utpote quæ

firmitas est generalis modus in omni virtute, quanto difficilius est firmiter in aliquo se habere, præcipuè arduo, ubi præcipuè laudatur firmitas; & difficilius sit firmiter se habere in periculis mortis, in quibus confirmat animum fortitudo, quàm in maximis bonis adipiscendis, ad quæ firmat magnanimitas, quandoquidem sicut homo maximè diligit vitam suam, ita maximè refugiat pericula mortis; ideò convenit quidem magnanimitas cum fortitudine, imò & potest quodammodo pro eodem accipi, in quantum non superari à periculis, accipitur pro eo, quod est attingere ad magnum bonum: sed cum alia sit ratio difficultatis in utraque, ut dictum est, nec sit magnanimus periculi amator, quandoquidem non indifferenter se exponit, sed pro his tantum quæ sunt magna; propterea sit quod adhuc condistingatur à fortitudine, & quidem tanquam secundaria à principali, utpote in materia minùs difficili; magis namque repugnat firmitati animi prolequutio ardui in malis, quàm ardui in bonis, licet bonum simpliciter loquendo sit principalius, quàm malum, utpote cum malum ad differentiam boni sit per se potius fugiendum, nec nisi per accidens, seu propter boni conservationem sit circa malum persistendum.

Verum fiducia pertineat ad magnanimitatem. R. Affirmativè, non quòd non pertineat ex consequenti ad fortitudinem, sed ita quod magis propriè pertineat ad magnanimitatem. Primum est, quia cum nomine fiduciæ hîc principaliter significetur quod quis spem concipiat ex hoc quod cre- ART. 6,

dit alicujus verbis auxilium promittentis; vel quod quis spem alicujus rei concipiat ex aliquo considerato vel in aliis, vel in seipso; unde & importat robur quoddam spei ex aliqua consideratione proveniens; quæ vehementem facit opinionem de bono assequendo; ideo & ad magnanimitatem propriè pertinet, quæ quidem propriè est circa spem alicujus ardui, imò & ad quam pertinet fiduciam habere de aliis, in quantum scilicet homo talis est naturæ, quod aliis indigeat; utpote cùm hoc etiam ad excellentiam hominis pertineat, quod habeat alios in promptu, qui cum juvare possint. Vnde non nominat fiducia propriè loquendo virtutem aliquam, sed conditionem virtutis, scilicet modum, seu robur quoddam spei, quando quidem etsi habeat modus alicui affectioni adhibitus, quod possit pertinere ad commendationem ipsius actus, ut ex hoc sit meritorius præmii; non tamen ex hoc determinatur ad speciem virtutis, sed ex materia. *Secundum est*, quia cùm spes audaciam causet, quæ quidem pertinet ad fortitudinem; ideo cùm fiducia robur quoddam importet spei, ex consequenti pertinet ad fortitudinem; minùs tamen propriè, quàm ad magnanimitatem, utpote quæ est non circa mala, ut fortitudo, sed circa prosecutionem boni, quod quidem est objectum spei.

ART. 7. *Vtrum securitas ad magnanimitatem pertineat. R. Affirmativè*, ita scilicet quod ex consequenti pertineat ad magnanimitatem, sed tamen immediatè spectet ad fortitudinem. *Ratio utriusque partis est*, quia cùm securitas quandam importet perfectam.

Quest. CXXIX. Artic. VIII. 39

quietem animi à timore, sicut fiducia est quoddam robur spei, utpote quæ secunda dicitur per remotionem curæ, non quidem cujuslibet, utpote quod non esset laudabile, sed prout debet, & in quibus timere non oportet; ideo cum timor directè pertineat ad fortitudinem, sicut spes ad magnanimitatem; propterea fit quod sicut fiducia immediate pertinet ad magnanimitatem, sic & securitas ad fortitudinem, non quidem quasi idem cum illa, cum non laudetur præcipue fortitudo ex hoc, quod non timet, sed tanquam ipsius conditio, quæ tamen ad virtutis præmium pertinet, quando est perfecta securitas: sed quia sicut spes est causa audaciæ, ita timor est causa desperationis; ideo sicut fiducia ex consequenti pertinet ad fortitudinem, ut utitur audacia, ita securitas ex consequenti pertinet ad magnanimitatem, prout repellit desperationem.

Utrum bona fortuna conferant magnanimitatem. R. Affirmativè, & quidem siue comparatur magnanimitas ad materiam suam, quæ est honor; siue comparatur ad suum finem, qui est magnum aliquid operari. Primum est, quia honor virtuosus exhibetur non solum à sapientibus, sed etiam à multitudine, quæ quidem cum magnificat bona fortunæ, ideo & major honor exhibetur his, qui talia bona possident. Secundum est, quia cum per divitias, potentias, & amicos detur nobis facultas operandi; ideo fit quod ad actus virtutum organicè deserviant bona fortunæ, adeo ut quavis virtus sibi sufficiens esse dicatur, quia sine his exterioribus bonis esse potest; his ta-

ART. 8.

men indigeat, ut expeditius operetur. Vnde contemnit quidem magnanimus bona hæc, prout non reputat ea magna bona, pro quibus aliquid indecens facere debeat; nec etiam multum extollitur si adsint, sicut nec in eorum amissione multum deicitur; non tamen ita contemnit, quod non reputet ea utilia ad opus virtutis exequendum.

IN QVÆSTIONEM CXXX.

De presumptione.

ARTI-
CVLVS
PRI-
MVS.

V*trum presumptio sit peccatum. R. Affirmative*, non quod vitiosum sit ad aliquid virtuosum intendere, quod non possumus per nos ipsos; sed ita quod in eo, in quo præsumptuosum est, peccatum sit, quasi contra ordinem naturalem existens. *Primum est*, quia cum ea quæ sunt secundum naturam, sint ordinata ratione divina, quam debet humana imitari; proindeque & vitiosum sit & peccatum, quasi contra naturalem ordinem, quidquid secundum rationem humanam sit, quod est contra ordinem communiter in naturalibus rebus inventum; ideo quia communiter in rebus naturalibus invenitur, quod quælibet actio commensuretur virtuti agentis; & nullum agens naturale nitatur in id, quod excedit suam facultatem, vitiosum consequenter est, quia præsumptuosum, quod quis assumat ad agendum ea, quæ præferuntur suæ virtuti, & potentiæ. Cum quo tamen stat, quod quia nihil prohibet, aliquid esse supra potentiam activam alicujus rei naturalis, quod non est supra potentiam passivam ejusdem, vitiosum quidem esset, quia præsumptuosum, si qui nondum in virtute profecit, tentaret ea quæ sunt perfectæ virtu-

tis ; non tamen si ad hoc tendat , ut proficiat , quo modo Paulus hortabatur ad perfectum. Imò nec præsumptionis est , si homo se tradat ad divinã , utpote qui potentiam habet intellectus , & voluntatis , per quas potest conjungi immortalibus & divinis. *Secundum est* , quia cum id quod per amicos possumus , aliququaliter per nos ipsos posse censeamur , ex Philos. & cum Dei auxilio possimus & bonum facere , & cogitare , sicque non totaliter excedat facultatem nostram ; ideò nec ad hoc intendere vitiosum est , sicut nec præsumptuosum.

Ad Phil.
lipp. 3.

In 3.
ethic.
cap. 3.

Vtrum præsumptio opponatur magnanimitati per excessum. R. Affirmativè , non quidem quantum ad id in quod tendit , sed per excessum comparativè ad proportionem suæ facultatis. *Ratio utriusque partis est* , quia quanvis magnanimus secundum quantitatem ejus in quod tendit , tendat in maximum , & ideò quantum ad id non excedat præsumptio ; quia tamen constituitur in medio secundum proportionem ad propriã facultatem , utpote qui non tendit in majora , quàm sibi convenient ; ideò comparativè ad hanc proportionem , ei per excessum opponitur præsumptuosus , qui quidem transcendit proportionem suæ facultatis. Quanvis enim id ad quod aliquis tendit supra vires suas , quandoque secundum rei veritatem non sit magnum simpliciter , ut pretiosis vestibus indui , despiciere & injuriari aliis ; & ideò præsumptuosus secundum rei veritatem quandoque deficiat à magnanimo : quia tamen adhuc est magnum quid secundum stultorum opinionem , propterea fit quod adhuc secundum

ART. 2.

apparentiam comparetur præsumptio ad magnanimitatem secundum excessum. Cum quo tamen stat, quod præsumptio, quæ solum aliquo modico proprias transcendit vires, opponatur virtuti, quæ est circa mediocres honores, non autem magnanimitati, sicut nec præsumptio, quæ ponitur peccatum in Spiritum sanctum, illa scilicet, quâ quis divinam contemnit iustitiam ex inordinata divinæ misericordiæ confidentia, quæ quidem opponitur charitati; esto quod adhuc magnanimitati possit opponi, ut scilicet excedit contemptus proportionem propriæ facultatis.

IN QUESTIONEM CXXXI.

De ambitione.

ARTI-
CULVS
PRI-
MVS.

Vtrum ambitio sit peccatum. *Rz. Affirmative*, non quod vitiosum sit honorem ordinatè appetere; sed quia importat ambitio inordinatum appetitum honoris. *Primum est*, quia cum honor quandam importet reverentiam in testimonium excellentiæ, nostræ quidem, sed tamen datæ à Deo; & quidem ad hoc, ut homo aliis profit, quæ proinde in tantum debet placere homini, in quantum paratur via, ut aliis profit; ideo & erit honoris appetitus inordinatus, & consequenter vitiosa ambitio, siue appetat aliquis ex ambitione testimonium excellentiæ, quam non habet, quod est honorem appetere supra suam proportionem; siue non referat in Deum honorem, vel in aliorum utilitatem, sed in ipso quiescat. Unde dicitur quidem honor præmium virtutis, non tamen quoad ipsum virtuosum, qui beatitudinis præmium expetit, sed quoad alios, qui non habent aliquod ma-

In r.
Ethic.

jus, quod ei tribuant. *Secundum est*, quia cum honor sit bonum quoddam, nec sit appetitus boni vitiosus nisi quando transcendit regulam rationis; ideo nec erit appetitus honoris vitiosus, si secundum ordinem rationis appetatur, maximè cum aliqui provocentur ad bonum, & revocentur à malo, quando debito modo appetitur, sicut & ubi appetitur inordinatè, potest esse occasio ad multa mala. Vnde & dicit Tullius, quod honor alit artes. Cum quo tamen stat, quod qui propter honorem tantum agunt, non sint virtuosus, ut dicit Arist.

Lib. de
Tuscul.
quæst.
3. Ethic.
cap 8.

Vtrum ambitio opponatur magnanimitati per excessum. R. *Affirmativè*, non quidem comparativè ad finem, seu opus magnum, ad quod respicit magnanimitas; sed per excessum comparativè ad ipsius materiam, quæ est honor. *Primum est*, quia cum importet ambitio appetitum inordinatum honoris; non enim est ambitio circa exteriorum cultum, seu apparatus, ob quem homines honorari solent, nisi secundum quod pertinet ad honorem; sicut nec pertinet inordinatus appetitus dignitatum ad ambitionem, nisi prout illis, qui sunt in dignitate constituti, propter quandam excellentiam status debetur honor; ideo & opponitur magnanimitati per excessum quantum ad materiam, utpote quæ versatur circa honores, & eis utitur ut oportet. *Secundum est*, quia ex parte finis, seu operis magni, ad quod etiam respicit magnanimitas, ei potius opponitur præsumptio, cuius quidem est attentare magnum aliquod supra suam facultatem; unde & habet medium magnanimitatis plura extrema, seu

ART. 2.

excessus; quod quidem inconueniens non est, cum hoc non sit nisi comparativè ad diversa.

IN QVÆSTIONEM CXXXII.

De inani gloria.

ARTI-
CVLVS
PRI-
MVS.

Psal. 4.

Eccl. 24.

In 5. de

civ. Dei,
cap. 12.

Vtrum appetitus gloria sit peccatum, & Affirmativè, non quod gloriæ appetitus de se nominet aliquid vitiosum, sed ita quod appetitus inanis, vel vanæ gloriæ vitium importet. *Primum est*, quia cum quodlibet vanum appetere vitiosum sit, juxta illud, Vt quid diligitis vanitatem? idè & appetitus vanæ gloriæ vitium importat, & quidem sive dicatur yana, quia quæritur de eo, quod non est, vel non est gloriâ dignum; sive ex parte ejus, à quo gloria quæritur, quando scilicet ejus iudicium non est firmum; sive ex parte appetentis, quia suum appetitum non dirigit in debitum finem, scilicet ad honorem Dei, & proximi utilitatem, propter quam potest homo etiam laudabiliter gloriam suam appetere, sicut & Deus ipse gloriam suam quærit, non propter se, sed propter nos; ad perfectionem namque hominis pertinet quidem ut ipse cognoscat, non autem quod cognoscat; & idè id ex se non est appetendum, nisi pro Dei gloria, & proximi utilitate, in quo etiam sensu præcipitur curam haberi de bono nomine. Vnde nec est verè virtuosus, qui propter humanam gloriam operatur, ut probat Aug. esto quod civ. Dei, provocentur aliqui ex appetitu gloriæ: nec cap. 12. gloria, quæ virtuti promittitur in Scriptura, est alia quàm vera gloria, quæ scilicet habetur à Deo. *Secundum est*, quia cum nomen gloriæ propriè importet manifesta-

tionem alicujus de hoc, quod apud homines decorum videtur, sive illud sit bonum corporale, sive spirituale; aut saltem, si largiùs sumatur nomen gloriæ, quod à paucis cognoscatur, vel etiam à nobis ipsis, dum aliquis proprium bonum considerat; ideo cùm peccatum non sit, ex Apost. quod aliquis bonum suum cognoscat, & appetat, sicut nec quod quis velit opera sua bona ab aliis approbari, cùm Christus Dominus velit ea lucere coram aliis; nec etiam de se nominat gloriæ appetitus aliquid vitiosum.

1. Cor. 1.

Math. 5.

Vtrum inanis gloria magnanimitati opponatur. R. Affirmativè, & quidem tum per defectum, loquendo secundum rei veritatem; tum etiam per excessum, loquendo secundum cupidi æstimationem. Ratio utriusque partis est, quia cùm gloria sit effectus honoris & laudis; & magnanimitas sit circa honores, consequens est, ut sit etiam circa gloriam, hoc est ut sicut aliquis moderate utitur honore, ita moderate utatur gloriâ, proindeque quod inordinatus gloriæ appetitus ei directè opponatur; & quidem tum per defectum, loquendo secundum rei veritatem, quatenus gloriatur inanis gloriæ cupidus in his, quæ magnanimus parva æstimat, & re ipsa parva sunt; tum etiam per excessum, secundum ejus æstimationem, utpote qui gloriam quam appetit, reputat aliquid magnum. Vnde nec prohibet ea, quæ aliis virtutibus opponuntur, opponi etiam magnanimitati, secundum quod habentur pro magnis quæ parva sunt; quandoquidem hoc ipsum magnitudini animi repugnat, quod quis res modicas

ART. 2.

tanti faciat, ut de eis gloriatur: in quo etiam sensu ei opponitur contentio, cum nullus soleat contendere, nisi pro re, quam æstimat magnam.

- ART. 3.** *Vtrum inanis gloria sit peccatum mortale.*
R. Negativè, non quòd non sit dispositio ad peccata gravia, vel etiam mortalis, si charitati contrarietur; sed quia fieri potest, quod non repugnet charitati, neque quantum ad id de quo est gloria; neque quantum ad intentionem gloriam quærentis. *Ratio utriusque partis est,* quia cum id solum peccatum mortale sit, quod repugnat charitati; ideo ubi repugnat inanis gloria dilectioni Dei, & quidem sive repugnet ratione materiæ, ut cum quis gloriatur de aliquo falso contrario divinæ reverentiæ, ut si quis dicat, ut dictum fuit, Deus ego sum; vel etiam cum quis bonum temporale, de quo gloriatur, præfert Deo; sive etiam repugnet ex parte gloriantis, qui intentionem suam refert ad gloriam, tanquam ad ultimum finem, pro quo non prætermittit facere etiam quæ sunt contra Deum, tunc dicitur peccatum mortale; sed quia fieri potest, quod amor humanæ gloriæ, quanvis inanis, nullo ex his modis repugnet charitati; nec enim inanis gloriæ cupidus surripit sibi quod est proprium Dei; quandoquidem non appetit honorem, qui debetur Deo, sed qui debetur homini virtuoso: ideo & potest esse solummodò venialis, & quidem quanvis cum ea non lucretur quis vitam æternam, unde & ait Chrysost. inanem gloriam etiam locum habere in servis Christi, esto quod tunc mortalis sit, quando aliquis per eam simpliciter

Ezech.
28.

amittit vitam æternam. Cum quo tamen stat, quod sit secundum se dispositio ad peccata gravia, & ideo dicitur periculosa, in quantum scilicet per eam redditur homo præsumptuosus, ac de seipso nimis confidens, sicque paulatim disponitur ad hoc, quod interioribus privetur bonis.

Utrum inanis gloria sit vitium capitale. ART. 4.

Re. Affirmativè, non quòd non possit cum hoc ab alio oriri vitio, putà à superbia; sed quia etiam ut oriens à superbia, adhuc rationem habet maximè appetibilis, unde multa oriuntur vitia. *Primum est*, quia cum inanis gloria, utpote importans manifestationem bonitatis, propinquitatem habeat ad excellentiam, quam quidem homines maximè appetunt; ideo & habet esse maximè appetibilis, proindeque & talis, quod ex ejus inordinato appetitu multa oriuntur vitia; & quidem quanvis ambitio honoris non sit vitium capitale, vel etiam quanvis non sit ex se mortalis, utpote cum gloria compareretur ad honorem & laudem sicut finis, quia propter hoc aliquis amat honorari ut gloriam consequatur, & ita possit inanis gloria esse vitium capitale, unde alia oriuntur, non autem illa; nec ad hoc requiratur ut sit mortalis, cum ex veniali dispositivè possit & mortale oriri. *Secundum est*, quia cum importet superbia inordinatum appetitum excellentiæ, quam quidem ex omni bono, quod quis appetit, consequitur, quo fit ut fines omnium vitiorum ordinentur ad finem superbiæ; ideo & habet superbia quandam super omnia vitia generalem causalitatem, adeò ut potius dici debeat regina, & mater omnium vitio-

598 *Quest. CXXXII. Artic. V.*

Lib. 1. rum, ut ait Greg. proindeque & cum hoc,
Mor. c. 31. quod est inanis gloria capitale vitium ; ad-
 huc oriri potest à superbia.

ART. 5. *Utrum convenienter dicantur filia inanis gloria esse inobedientia, iactantia, hypocrisis, contentio, pertinacia, discordia, & novitatum præsumptio. R. Affirmative, ita quod omnia præfata vitia ad finem inanis gloriæ ordinentur, sed ad quem per iactantiam, hypocrisim, & novitatum præsumptionem directè tendit, & solùm indirectè per alia. Ratio utriusque partis est, quia cum ad finem inanis gloriæ, qui quidem est manifestatio propriæ excellentiæ, possit quis tendere dupliciter, directè scilicet, & hoc sive per verba, unde est iactantia ; sive per facta, quæ quidem si habent aliquam admirationem, est præsumptio novitatum ; si autem falsa sint, est hypocrisis : tum indirectè, ostendendo scilicet, se non esse aliis minorem, & hoc primò quantum ad intellectum, unde pertinacia ; deinde quantum ad voluntatem, unde discordia ; postea quantum ad loquutionem, unde contentio ; postremò quantum ad factum, unde inobedientia : consequenter fit, quod hæc omnia ad finem inanis gloriæ ordinentur tanquam filia, sed directè priora tria, & posteriora indirectè. Cum quo tamen stat, quod iactantia, quæ quidem frequentius ad gloriam & honorem ordinatur, & sic oritur ex inani gloria, ponatur species superbiæ quantum ad interiorem causam, quæ est arrogantia : tum etiam quod causet ira discordiam, & contentionem, non nisi tamen ex adjunctione inanis gloriæ, quæ quidem ex Chrysost. est in elemosyna maximè ma-*

Quest. CXXXIII. Artic. I. 599

Iam, non quod in ea præsumatur fieri aliquid novum, sed propter defectum charitatis, qui videtur esse in eo qui præfert inanem gloriam utilitati proximi, dum propter eam illud facit.

IN QVÆSTIONEM CXXXIII.

De pusillanimitate.

V*trum pusillanimitas sit peccatum. &c. Affirmative*, ita quod naturali à Deo inclinationi contrarietur per defectum, sicut præsumptio per excessum; imò & aliquantuliter ex superbia contrarietur, quanvis non nisi per defectum. *Primum est*, quia cum unicuique rei insit naturalis inclinatio ad exequendam actionem suæ potentie commensurata; & ab hoc deficiat pusillanimitas dum recusat tendere in id quod est suæ potentie consentaneum, sicut & hoc per præsumptionem excedit, dum scilicet nititur ad maiora quam possit; ideò & naturali contrariatur inclinationi, quod quidem peccatum est: unde & damnatur servus, qui acceptam pecuniam fodit in terram. Cum quo tamen stat, quod dicatur pusillanimitas ab Arist. non esse malus, subintelligendo in ordine ad proximum, cui scilicet non nocet, nisi per accidens, dum cessat ab operibus, quibus posset prodesse: tum etiam, quod virtuosus sit, & dignus magnis, juxta scilicet habilitatem ad virtutem, quæ inest ei à natura, vel ex scientia, vel exteriori fortuna; cum nec repugnet virtuosum posse leviter peccare, dum scilicet non attentat uti sua virtute. *Secundum est*, quia cum possit aliquis proprio sensu inniti, unde reputet se sufficientem ad ea, quorum sufficientiam habet; potest

ARTI-
CVLVS
PRI-
MVS.

Matt. 25.

4. Eth.
cap. 4.

600 *Quaest. CXXXIII. Artic. II.*

enim quis quantum ad aliqua se deicere, & se extollere quantum ad alia; ideo & potest pusillanimitas ortum habere ex superbia, sicut & potest quis sine pusillanimitate recusare officium, ad quod non nisi ex divina gratia idoneus est, ut accidit in Moyse, & Ieremia, considerando scilicet propriae infirmitatis insufficientiam.

ART. 2. *Vtrum pusillanimitas opponatur magnanimitati. R. Affirmativè*, non quidem ex parte suae causae, aut quantum ad effectum, sed secundum propriam speciem. *Primum est*, quia cum pusillanimis ex animi parvitate se retrahat à magnis, sicut magnanimus ex animi magnitudine tendit ad magna, proindeque à magnanimitate differat secundum differentiam magnitudinis & parvitatís circa idem; ideo & secundum propriam rationem, quae quidem per ipsa nomina explicatur, & secundum quam magis attenditur oppositio ad virtutem, opponitur magnanimitati. Vnde & gravior est secundum propriam speciem, quam praesumptio; quandoquidem per ipsam recedit homo à bonis, quod est pessimum: esto quod ista dicatur nequissima ratione superbiae, à qua procedit. *Secundum est*, quia causa pusillanimitatis est ex parte intellectus ignorantia propriae conditionis, & ex parte appetitus timor deficiendi in his, quae falso aestimat excedere suam facultatem: unde non habet ex ea parte opponi magnanimitati, sicut nec ex parte effectus, qui est pigritum reddere; nec tamen sic spectata opponitur ex parte ignorantiae ipsi prudentiae, cum non procedat haec ignorantia ex insipientia, sed ex pigritia, seu ex defectu

Matt. 23.
4. Ethic.
cap. 3.

fectu sollicitudinis considerandi suam facultatem: sicut nec ex parte timoris habet propterea opponi fortitudini, cum timor qui causat pusillanimitatem, non sit semper timor periculorum mortis.

IN QVÆSTIONEM CXXXIV.

De magnificentia.

Vtrum magnificentia sit virtus. *R. Affirmative*, non quod non sit ad artem, sive ad rectè utendum ratione artis; sed ita quod virtutem nominet per hoc quod ejus est operari aliquid magnum, ex quo magnificentiae nomen sumitur. *Primum est*, quia cum virtus ita nominetur per comparationem ad ultimum potentiae, non quidem ex parte defectus, sed ex parte excessus, cujus ratio consistit in magnitudine; ideo & hoc ipso quod est magnificentiae operari aliquid magnum (quo fit ut in his quae pertinent ad propriam personam, non soleat quis esse magnificus & sumptuosus, non quod bonum suum non quærat, sed quia hoc non solet esse magnum,) debet hoc ipso magnificentia esse virtus; & quidem quanvis magnificentia consistat in extremo, considerata scilicet quantitate ejus, quod facit, utpote quae adhuc medium servat, considerata regulâ rationis, quam non transcendit. Vnde quod omnis virtutem habens liberalitatis non sit magnificus, ex Arist. non nisi quantum ad actum id intelligitur, non autem quod non habeat habitum magnificentiae, vel actu, vel in propinqua dispositione. *Secundum est*, quia oportet, artis esse quandam virtutem moralem, ut docet Arist. per quam inclinatur appetitus ad rectè utendum ratione artis,

ARTI-
CVLVS
PRI-
MVS.

4. Ethic.
cap. 2.

6. Ethic.
cap 4.

602 *Quest. CXXXIV. Artic. II. & III.*

quod quidem ad magnificentiam pertinet, quæ est circa factibilia.

ART. 2. *Utrum magnificentia sit specialis virtus.*

R. *Affirmativè*, non quidem si accipiatur magnificentia nomen ab eo, quod est facere magnum, secundum quod facere communiter sumitur; sed secundum quod factio propriè dicitur, seu in exteriori materia. *Primum est*, quia quamvis opus factibile producat ab arte, quia tamen in ejus usu potest attendi una specialis ratio bonitatis, scilicet quod ipsum opus sit magnum in quantitate, pretiositate, & dignitate; ideo & debet esse ad hoc specialis virtus, quæ quidem non est alia, quam magnificentia, si propriè accipiatur factio, seu circa factibilia, utpote cum ad quamlibet virtutem pertineat facere magnum in suo genere, nec non & ad magnanimitatem magnum intendere in omni materia, sed non in opere factibili, quod solum est magnificentia: ita tamen, quod sanctitati coniungatur magnificentia, juxta illud, Magnificus in sanctitate; utpote quia præcipuus ejus effectus, seu honorabilior sumptus, ad religionem, seu Dei cultum ordinatur tantquam ad sublimiorem finem. *Secundum est*, quia facere, prout communiter sumitur, accipitur pro quacumque actione, sive transeat in exteriorem materiam, sive maneat in agente, ut intelligere, quod quidem potest cuilibet virtuti convenire, si magna sit: sicut & opus magnum temperantia facit, qui habet magnam virtutem temperantia.

Exod. 15.

ART. 3. *Utrum materia magnificentia sint sumptus magni.* R. *Affirmativè*, non quod & ipsa pecunia, & pecunie amor, quem moderatur

Quest. C XXXIV. Artic. IV. 603

magnificus, non possint pariter dici materia; sed ita quod & ipsi sumptus, quibus utitur magnificus ad opus magnum faciendum, materia sint. *Ratio utriusque partis est*, quia cum ad magnificentiam pertineat intendere ad magnum aliquod opus faciendum; & magna fieri non possint, nisi magnis expensis: ideo & ad magnificentiam pertinet talia facere, proindeque & versari circa magnos sumptus, etiam in dando dona, vel xenia, utpote quod non facit magnificus sub ratione doni, sed sub ratione sumptus ad bonum aliquod faciendum ordinati; in quo quidem differt à liberalitate, quæ respicit communiter usum pecuniæ, & in ordine ad donum; cum tamen magnificentia magnum respiciat pecuniæ usum, utpote in ordine ad aliquod magnum opus; quod quidem esse non potest sine sumptu, seu magno usu: sed quia sumptus est quædam pecuniæ emissio, à qua quis prohiberi potest per superfluum amorem pecuniæ; ideo & ipsa pecunia, & amor pecuniæ, quem moderatur magnificus, possunt etiam dici ipsius materia. Ita tamen, quod quia principalis actus virtutis est interior electio, quam virtus potest habere sine exteriori fortuna; ideo & pauper possit adhuc esse magnificus.

Verum magnificentia sit pars fortitudinis.

ART. 4.

Re. Affirmative, non quidem subjectiva, sed potentialis fortitudini adjuncta, ut secundaria principali. *Primum est*, quia cum virtus alteri adjungatur ut principali, hoc ipso quod in aliquo convenit cum ea, & in aliquo ab ea deficit; & magnificentia conveniat cum fortitudine, ut tendit in arduum,

unde & videtur esse in irascibili, ut est fortitudo; deficiat autem, quia arduum, in quod tendit fortitudo, habet difficultatem, propter periculum quod imminet personæ; magnificentia verò propter dispendium rerum, quod est minus: ideo fit, quod sit pars integralis, sive adjuncta fortitudini, ut principali: & quidem quanvis liberalitas ad aliam spectet virtutem, utpote cum qua non convenit in materia, nisi sub diversa ratione, quatenus scilicet liberalitas respicit sumptus per comparisonem ad concupiscentiam pecuniarum, magnificentia verò per comparisonem ad spem, attingendo ad aliquid arduum, non quidem simpliciter, ut magnanimitas, sed in determinata materia. Ita tamen, quod adhuc scienti affimiletur magnificus, ex Arist. in hoc scilicet, quod ad eum pertinet bene uti ratione in attendenda proportionem sumptus ad opus faciendum. *Secundum est*, quia non convenit magnificentia, ut est specialis virtus, cum fortitudine in materia, scilicet in timore, sed dumtaxat in conditione materiæ, seu in aliquo arduo, proindeque nec est ut talis pars subjectiva fortitudinis.

4. Ethic.
cap. 2.

IN QVÆSTIONEM CXXXV.

De parvificentia.

ARTI-
CVLVS
PRI-
MVS.

V*trum parvificentia sit vitium. Bz. Affirmativè*, non quòd vitiosus sit, quæ parva moderatur; sed quia non dicitur parvificus, nisi qui deficit à regula rationis in moderando magna, vel parva. *Primum est*, quia cum ad differentiam magnifici, qui intendit principaliter magnitudinem operis, & secundariò magnitudinem sumptus, quam quidem non vitat, ut faciat magnum

opus ; intendat è contra parvificus aliquid parvum facere , etiam in comparatione ad genus operis , ut scilicet minimum consummat, quod principaliter intendit : ideò sit quod deficiat parvificus à proportionem, quæ debet esse secundum rationem inter sumptus , & opus , proindeque & quod in hoc vitiosus sit ; imò & in hoc , quod diligenter ratiociniis intendit, utpote qui hoc facit quia inordinatè timet bonorum suorum consumptionem , etiam in minimis. Cum quo tamen stat, quod minus vitium sit parvificentia, quàm illiberalitas, quæ attenditur circa communes sumptus ; cùm enim attendatur circa magnos sumptus, quos difficilior est facere , ideò nec est nociva proximo , nec valde turpis. *Secundum est*, quia virtus sicut est moderativa magnorum, sic etiam moderativa parvorum : unde & liberales , & etiam magnifici aliqua parva faciunt.

Vtrum parvificentia aliquod vitium opponatur. R. Affirmativè, ita quod ei opponatur vitium consumptionis , ex ipsa tamen specie actus , non ex parte finis ad quem potest ordinari talis consumptio. *Primum est*, quia sicut contingit sumptum esse parvum in comparatione ad opus, quod efficit parvificentia ; sic etiam potest contingere, sumptum esse magnum in comparatione ad opus, ut excedat proportionem secundum regulam rationis ; quod quidem efficit consumptio. Vnde cùm parvo opponatur magnum, ei propterea opponitur consumptionis vitium ita dictum , quia proportionem expensarum excedit, ut scilicet plus expendat, quàm sit operi proportionatum , ad

606 *Quest. CXXXVI. Artic. I.*

differentiam magnificentiæ, quæ magna dicitur, non quòd in sumptu excedat proportionem operis, sed quia magnum facit opus. Cum quo tamen stat, vitium hoc consumptionis, quòd parvificentiæ opponitur, eo quòd in sumptu excedit operis dignitatem, adhuc opponi magnificentiæ, prout scilicet ubi oportet multa expendere, parvum, aut nihil expendit. *Secundū est*, quia et si cōsumptor ex ipsa specie actus opponatur parvifico, in quantum regulam rationis transcendit, à qua parvificus deficit; nihil tamen prohibet, quin hoc ad finem ordinetur alterius vitii, putà inanis gloriæ, quæ quidem magnanimitati, non parvificentiæ opponitur.

IN QUESTIONEM CXXXVI.

De patientia.

ARTI-
CULVS
PRI-
MVS.

Vtrum patientia sit virtus. *Et. Affirmati-
vè*, non quòd non possit poni inter fru-
ctus, quantum ad delectationem, quam ha-
bet in actu, sed ita quod sit virtus quantum
ad habitum. *Primum est*, quia cū virtutes
morales ordinentur ad bonum in quantum
conservant bonum rationis contra impetus
passionum; proindeque necesse sit, aliquam
esse virtutem, quæ bonum conservet ratio-
nis contra tristitiam, quæ quidem efficax
est ad illud impediendum, quia tristitia sæ-
culi, ut ait Paul. mortem operatur; idcō
cū hoc præstet patientia, quam propterea
definit Aug. quā mala æquo animo tolera-
mus, est consequenter huiusmodi patien-
tia virtus moralis, esto quòd in illis, qui
mala sustinent, ut mala faciant, nec mi-
randa sit, nec laudanda patientia, quæ nulla
est, sed duritia. Ita tamen, quod quia vir-

2. Cor. 7.

Quest. CXXXVI. Artic. II. 607

tutes morales non remanent secundum eundem actum in patria, quem habent in via, nec etiam virtus patientiæ erit in patria in sustinendo, sed in fruitione finis, siue bonorum, ad quæ pervenire volebamus pati-
tiendo; adeo ut, inquit Aug. æternum ibi sit, 14. de civ. c. 9.
quò per patientiam pervenitur. *Secundum* civ. c. 9.
est, quia cum fructus in sui ratione quan-
dam importet delectationem, & operatio-
nes virtutum sint delectabiles secundum se-
ipsas, ut dicit Philos. ideo & quantum ad 1. Ethic. cap. 8.
hoc meritò ponitur patientia inter fructus, cap. 8.
ad Galat. 5.

Utrum patientia sit potissima virtutum. ART. 2.

R. Negativè, ita quod deficiat patientia non solum à virtutibus theologicis, & pru-
dentia & iustitia, quæ directè statuunt in
bono; sed & à fortitudine, & temperantia,
quæ retrahunt ab impedimentis ad bonum.
Ratio utriusque partis est, quia cum virtu-
tes secundum suam rationem ordinètur ad
bonum, proindeque & oporteat, quod tan-
to principalior sit virtus, quanto magis, &
directiùs hominem ordinat in bonum; ideo
& potiores sunt theologicæ, necnon pru-
dentia & iustitia, quæ quidem sunt consti-
tutivæ boni, quàm patientia & aliæ, quæ
solum sunt impeditivæ eorum, quæ abdu-
cunt à bono. Vnde nec dicitur homo per
patientiam animam suam possidere, nisi in
quantum radicitùs evellit passiones adversi-
tatum, quibus anima inquietatur; sicut &
dicitur radix, & custos omnium virtutum,
non quasi eas directè causando, & con-
servando, sed solum removendo prohi-
bens; sed quia inter virtutes, quæ ita re-
movent impeditivum boni, tanto aliqua

Luc. 21.

Greg.

hom. 15.

in Evāg.

608 *Quest. CXXXVI. Artic. III.*

potior est, quanto id quod ab ea impeditur, magis à bono retrahit; sicut & inter eas, quæ sunt constitutivæ boni, tanto aliqua potior est, quanto in majori bono constituit hominem, ut fides, spes, charitas, quàm prudentia & iustitia; idcò cùm plus à bono retrahant pericula mortis, circa quæ est fortitudo, & delectationes tactus, circa quas est temperantia, quàm quævis adversa, circa quæ est patientia, sint etiam fortitudo, & temperantia potiores; ita tamen, quod quia tollere principium uniuscuiusque est perfectius quid, & dicitur patientia habere opus perfectum in adversis tolerandis, quatenus ex iis procedit primum tristitia, quam moderatur patientia, deinde ira, odium, & nocumentum, in hoc etiam perfectior sit patientia, sed non simpliciter.

ART. 3. *Vtrum patientia possit haberi sine gratia.*

Re. Negative, ita quod sine gratia gratum faciente haberi nequeat patientia secundum quod est virtus; esto quod propter bonum politicæ virtutis possit quis malè patienter ferre sine tali gratia. *Primum est*, quia cùm nemo spontè suscipiat ferre quod cruciat, nisi pro eo, quod delectat, ex Aug. quia tristitiam, & dolorem secundum se abhorret animus; proindeque & oporteat, quod quia nusquam homo ea eligit pati propter se, sed solum propter finem, quod illud bonum, propter quod scilicet vult mala pati, sit magis volitum & amatum, quàm illud, cuius privatio dolorem ingerit, quem patienter tolerat; idcò quia quod præferat aliquis bonum gratiæ omnibus naturalibus bonis, ex quorum amissione potest dolor causari, ad charitatem perti-

Lib. de
pat. c. 4.

Quest. CXXXVI. Artic. IV. 609

net, qua diligit Deum super omnia; ideo nec potest haberi hujusmodi patientiæ virtus sine charitate, nec consequenter sine gratia gratum faciente; & quidem quavis jam aliqui mala patienter sustineant propter malum, seu propter ea, quæ vitiosè diligunt, ut dicit Aug. cum enim natura jam non sit integra, in qua quidem prævaleret inclinatio rationis ad patiendum propter bonum, magis quàm propter malum, sed in statu corrupto, in quo prævalet inclinatio concupiscentiæ; ideo fit quod homo sit pronior ad sustinendum propter mala, in quibus præfentialiter delectatur, necnon & propter corporis sanitatem, utpote quod procedit ex amore, quo quis naturaliter amat carnem suam, quàm propter bona futura, quod fieri non potest sine gratia. *Secundum est*, quia cum bonum politicæ virtutis, ut est patriam non proderet, supernaturale non sit, ut est bonum gratiæ, sed commensuratum naturæ humanæ, ideo & potest voluntas humana sine gratia gratum faciente in illud tendere, licet non sine Dei auxilio.

Vtrum patientia sit pars fortitudinis. **ART. 4.**

Re. Affirmative, & quidem pars potentialis, seu fortitudini adjuncta, ut secundaria principali; esto quod quantum ad aliquid sui dici etiam possit pars integralis. *Primum est*, quia cum ad patientiam pertineat æquanimiter perpeti in malis omnibus; & in hujusmodi malis, quæ ab aliis inferuntur, præcipua sint, & difficillima ad sustinendum, ea quæ pertinent ad pericula mortis, circa quæ est fortitudo; ideo & distinguitur patientia à fortitudine, quæ quidem nō

610 *Quest. CXXXVI. Artic. V.*

est circa qualiacumque, sed circa difficili-
lora ad sustinendum; & ei pariter adjun-
gitur, scilicet tanquam secundaria princi-
pali: non enim solum consistit actus for-
titudinis in hoc, quod aliquis in bono stet
contra timores futurorum periculorum, sed
etiam ut non deficiat propter præsentem
tristitiam, in quo habet patientia affinita-
tem cum fortitudine, quæ principaliter est
circa timores, sicut patientia principaliter
circa tristitias. *Secundum est*; quia sub ea
ratione, quâ quis patienter mala sustinet,
quæ pertinent ad pericula mortis, potest
patientia poni pars integralis fortitudinis;
& quidem quanvis fortis quandoque etiam
aggrediatur eum, qui mala facit; cum nec
illud sit contra rationem patientiæ, juxta
illud Chrysost. In injuriis propriis pacien-
tem esse, laudabile est: injurias autem Dei
patienter sustinere, nimis est impium.

ART. 5. *Vtrum patientia sit idem quod longanimitas. R. Negative*, non quod non conveniat
longanimitas in aliquibus cum patientia;
sed ita quod habeat unde distingui debeat,
imò & unde magis cum magnanimitate
conveniat. *Primum est*, quia sicut magna-
nimitas dicitur, per quam aliquis habet ani-
mum tendendi in magna; ita & longanimi-
tas dicitur, per quam quis habet animum
tendendi in aliquid, quod in longinquum
distat: & sicut magnanimitas magis respi-
cit spem tendentem in bonum, quàm au-
daciam, vel timorem, sive tristitiam; ita
etiam & longanimitas, quæ propterea poni
debet virtus à patientia condistincta; &
quidem quanvis propter longinquitatem
ex parte loci non ponatur aliqua virtus,

Quest. CXXXVII. Artic. I. 611

utpote cum non sit difficultas, nisi ratione temporis, quandoquidem quod est longinquum loco, licet à nobis sit remotum, non tamen est simpliciter remotum à natura, ut id quod est longinquum tempore. *Secundum est*, quia habet & patientia, sicut & longanimitas, aliqua mala sustinere, propter bonum; quod tanto difficilius est, quanto bonum longinquius expectatur: & insuper hoc ipsum, quod est bonum speratum differri, ex se natum est causare tristitiam, quandoquidem spes, quæ differtur, aggravat animam, proindeque & potest circa illud esse patientia, quæ est ex Tullio, rerum arduarum, causâ honestatis ac utilitatis, voluntaria ac diuturna perpassio.

IN QVÆSTIONEM CXXXVII.

De perseverantia.

Vtrum perseverantia sit specialis virtus. *ARTICULUS Affirmativè*; si tamen accipiatur perseverantia, non quidem prout dicit persistere immobiliter ex comparatione habitus ad subiectum, vel etiam secundum quam quis perseverat, in quibus difficillimum est diu sustinere; sed in quantum ad eam pertinet in his, vel aliis virtuosis operibus diuturnitatem sustinere sicut oportet. *Ratio utriusque partis est*, quia cum virtus sit circa difficile & bonum, proindeque sit ibi specialis virtus, ubi occurrit specialis ratio difficultatis vel boni; idcirco cum opus virtutis habeat etiam bonitatem & difficultatem ex diuturnitate temporis, id enim quod est diu insistere alicui difficili specialem habet difficultatem, propterea fit, quod diu persistere in aliquo bono usque ad consummationem, pertineat ad specialem vir-

tutem, quæ non alia est quàm perseverantia, non quidem prout dicit persistere immobiliter, ex comparatione habitus ad subiectum, utpote quod commune est omni virtuti, prout est qualitas difficilè mobilis, vel etiam secundum quam quis perseverat, in quibus difficillimum est sustinere, in quo sensu loquitur Arist. dum ait continentiam, quæ non est virtus, esse potiore perseverantiâ, cum huiusmodi mala, ut sunt pericula mortis, frequentius citò transeant, sicque non sit respectu illorum præcipua laus perseverantiæ, sed in quantum ad eam pertinet in his, vel aliis virtuosis operibus diurnitatem sustinere sicut oportet: quia enim non est difficile diu sustinere bona, sed mala, circa quæ aliquis tristatur; ideò & tunc perseverantia potest esse virtus, quando accipitur secundum quod aliquis in quocumque bono difficili diu persistit; & quidem quanvis persistere sit alicui minus difficile, utpote quod potest esse ex perfecta virtute, cuius perfectio magis attenditur secundum rationem boni, quàm difficilis. Ita tamen, quod ad perseverantiam per se pertineat ut perseveret quis usque ad finem virtuosæ actus, quod sufficit ad rationem virtutis; non autem usque ad finem vitæ, esto quod respectu virtutum theologialium, quæ respiciunt non tantum finem operis, sed & finem ultimum totius humanæ vitæ, non consummatur perseverantiæ actus, nisi duret usque ad finem vitæ.

ART. 2. *Vtrum perseverantia sit pars fortitudinis.*
R. Affirmative, ita quod fortitudini annectatur, sicut virtus secundaria principali, sed annexione secundum modum, seu for-

Quest. CXXXVII. Artic. III. 613

mam, magis quàm secundùm materiam. Primum est, quia cùm fortitudo firmitatem seruet in his, in quibus difficillimum est persistere, proindeque & ei adjungi debeat ut principali omnis virtus, cujus laus consistit in sustinendo firmiter aliquod difficile; ideò quia sustinere difficultatem, quæ provenit ex diuturnitate boni operis, dat laudem perseverantiæ, quæ propterea secundùm quod ponitur virtus aliquas moderatur passionibus, scilicet timorem fatigationis, aut defectus propter diuturnitatem, estque in irascibili sicut fortitudo; nec sit hoc ira difficile, sicut sustinere pericula mortis, proinde sit quod adjungatur fortitudini perseverantia, sicut secundaria virtus principali; & quidem quanvis dicat Aug. perseverantiam non posse amitti, utpote qui de ea loquitur, non ut nominat habitum virtutis, sed prout dicit actum virtutis continuatum usque in finem. Secundum est, quia quantum ad materiam magis videtur convenire perseverantia cum temperantia, utpote circa tristitias tactus, quàm cum fortitudine; cùm tamen in modo, seu forma, quæ quidem potior est in unoquoque, magis conveniat cum fortitudine, in quantum servat firmitatem contra difficultatem diuturnitatis.

*Lib. de
persever.
cap. 1.*

Vtrum constantia pertineat ad perseverantiam. R. Affirmative, non quòd sit idem perseverantiæ, sed ita quod cum ea conveniat in fine, proindeque & magis quàm cum patientia. Ratio utriusque partis est, quia convenit constantia cum perseverantia in eo fine, quod ad utramque pertinet persistere firmiter in aliquo bono, & sic

ART. 3.

quia potior est finis, quàm materia, magis cum perseverantia convenit, quàm cum patientia, cui convenit in materia; sed quia perseverantia propriè facit persistere in bono, contra difficultatem, quæ provenit ex diuturnitate actus; constantia autem contra difficultatem, quæ provenit ex quibuscumque aliis exterioribus impedimentis: ideo & differunt ab invicem secundum ea, quæ difficultatem afferunt ad persistendum in bono. Ita tamen quod principalior pars fortitudinis sit perseverantia, quàm constantia, utpote cum difficultas, quæ est ex actus diuturnitate, sit essentialior actui virtutis, quàm quæ ex aliis est impedimentis. Et hinc etiam fit, quod ad perseverantiam, sicut & ad magnificentiam, possit constantia pertinere, quandoquidem etiam in parvis, & mediocribus operibus diu persistere habet difficultatem, si non ex magnitudine actus, quam respicit magnificentia, saltem ex ipsa diuturnitate, quam respicit perseverantia.

ART. 4. *Vtrum perseverantia indigeat auxilio gratia. R. Affirmative, & quidem gratia habituali, si sumatur perseverantia pro habitu secundum quod est virtus; & insuper gratuito Dei auxilio, si pro actu perseverantiæ durante usque ad mortem. Ratio utriusque partis est, quia cum liberum arbitrium sit de se vertibile, & hoc ei non tollatur per habitualement gratiam præsentis vitæ; ideo nec subest potestati liberi arbitrii per gratiam recuperati, ut se immobiliter in bono statuatur; & quidem quanvis in ejus potestate sit electio, cum plerumque sit in potestate electio, non autem executio; proinde*

Quæst. CXX XVIII. Artic. I. 613

deque indiget quidem perseverantia dono habitualis gratiæ, sicut & cæteræ virtutes infusæ, si accipiat pro ipso habitu, ut est virtus; sed eget insuper & gratuito Dei auxilio hominē conservante in bono usque ad finem vitæ, si accipiat pro ipso actu durante usque ad mortem, esto quod per se possit quis perseverare in malo, sicut & per se potest cadere in peccatum, à quo tamen non potest perse resurgere sine auxilio gratiæ. Virtus namque perseverantiæ, etli ex se inclinet ad perseverandum, quia tamen est habitus, quo utimur quando volumus; ideò nec est necesse, quod habens virtutis habitum, eo immobiliter utatur usque ad mortem. Cum quo tamen stat, quod quia pro primo naturæ statu nulla in ea erat corruptio, quæ perseverandi difficultatem præberet, ideò & primo homini datum est, ut ait Aug. quo posset perseverare; non tamen quo perseveraret, sicut nunc datur prædestinatis per gratiam Christi, utpote qui non stetit in tanta felicitate, cum tanta non peccandi facilitate; cum isti è contra in fide steterint, etiam sæviente mundo, ne starent.

IN QVÆSTIONEM CXXXVIII.

De vitiis oppositis perseverantia.

Vtrum mollities opponatur virtuti perseverantia. *R. Affirmativè*, non quidem si diceretur mollis, qui cedit fortiter impellenti; sed quia mollis dicitur, qui cedit debili moventi, sive qui facile cedit tangenti. *Primum est*, quia cum laus perseverantiæ in hoc consistat, quod aliquis non recedat à bono propter diuturnam tolerantiam difficillimorum, & laboriosorum, cui directè videtur opponi, quod aliquis de

ARTI-
CVLVS
PRI-
MVS.

616 *Quest. CXXXVIII. Art. II.*

Lib. 7.
Ethic.
cap. 7.

facili recedat à bono , propter aliqua difficilia , quæ sustinere non potest ; ideò cum hoc pertineat ad rationem mollitiei , quæ quidem propriè dicitur , ex Philos. dum quis recedit à bono propter tristitias ex defectu delectationum causatas , quasi cedens debili moventi , utpote quarum cupiditas minùs impellit , quàm metus periculorum ; propterea fit, quod quia mollis dicitur, qui ita facilè cedit tangenti , directè opponatur mollities perseverantiæ, & quidem quanvis delicia, quæ temperantiæ opponitur, mollities quædam sit, imò & quanvis dicatur mollis & lascivus, & muliebria patiens, utpote cum adhuc propriè delicia sit, cum quis non potest labores, & id quod voluptatem minuit , sustinere ; mollities autem propriè respiciat defectum delectationum, nec dicatur lascivus prout in ludo inordinato consideratur delectatio; sic enim opponitur eurrapelix; sed in quantum in eo attenditur inordinata quies, sive remissio : & tandem dicatur muliebria patiens, ex eo quod aliqui molles fiunt ex qualitate complexionis , ob quam sunt animo inconstantes, ut sunt mulieres. *Secundum est*, quia ut dicit Philos. si quis à fortibus , & superexcellens delectationibus vincitur , vel existitiis, non est admirabile , sed magis condonabile , si contrà tendat.

In 7. Eth.
cap. 7.

ART. 2.

Utrum pertinacia opponatur perseverantiæ. R. Affirmativè, ita quod per excessum ejusdem medii vituperetur pertinax , in quo quidem existens laudatur perseverans, esto quod secundum suam causam alteri, quàm perseverantiæ habeat opponi. *Primum est*, quia cum pertinax, ex illis, dicatur aliquis,

Lib. 10.
Etym.
cap. 15.

Quest. CXXXIX. Artic. I. 617

qui est imprudenter tenax, quasi omnia tenens: & ex Arist. quia in propria perseverat In 7. Eth.
sententia plus quam oportet; mollis autem cap. 9.
minus quam oportet, & perseverans secundum quod oportet; ideo sicut mollities opponitur per defectum perseverantiae, quae est in medio, ita & pertinacia per excessum; in hoc enim excedit pertinax, quod inordinatè persistit in aliquo contra multas difficultates: unde & propriè opponitur perseverantiae, cuius scilicet laus, ad differentiam aliarum virtutum, est propriè in persistendo; & quidem licet habeat pertinax aliquam delectationem in fine, ut fortis, utpote quae vitiosa est, cum nimis appetat eam. *Secundum est*, quia cum idè quis nimis persistat in propria sententia, quia ex hoc vult suam manifestare excellentiam, idè & causatur pertinacia ex inani gloria, quae quidem potius magnanimitati opponitur, ut dictum est.

IN QVÆSTIONEM CXXXIX.

De dono fortitudinis.

Vtrum fortitudo sit donum. *Et. Affirmati-* ARTI-
vè, non quidem secundum quod per- CVLVS
ficit animum ad quaecumque pericula su- PRI-
stinenda, sed in quantum fiduciam tribuit MVS.
etiam evadendi quaecumque pericula. *Ratio*
utriusque partis est, quia cum fortitudo
importet quandam animi firmitatem, quae
requiritur in bonis faciendis, & malis per-
ferendis, præcipuè arduis; & hanc in utro-
que firmitatem possit homo habere secun-
dum proprium, & sibi connaturalem mo-
dum; idè non est fortitudo illa donum,
per quam homo perficitur, ut non deficiat

618 *Quaest. CXXXIX. Artic. II.*

à bono propter difficultatem alicujus ardui operis implendi, vel mali perferendi, sed magis generalis, vel specialis virtus; sed quia altius movetur à Spiritu sancto animus hominis ad hoc, ut perveniat ad finem cujuslibet operis inchoati, & evadat quaecumque pericula: quod quidem excedit naturam humanam, quia quandoque non est in potestate hominis, ut consequatur finem operis, & evadat mala, cum interdum opprimatur ab eis in morte: quod tamen operatur Spiritus sanctus in homine, infundens quandam fiduciam menti; ideo est fortitudo donum, in quantum tribuit fiduciam etiam quaecumque pericula evadendi; & quidem respiciens virtutem fortitudinis, non solum secundum quod consistit in sustinendo pericula, sed etiam in quocumque arduo opere faciendo; sed cujus actus in patria est perfrui plena securitate à laboribus & malis: unde non est idem cum eo, qui est in via.

ART. 2. *Vtrum quarta beatitudo, scilicet, Beati qui esuriunt & sitiunt justitiam, respondeat dono fortitudinis. R. Affirmativè, ita quod non nisi cum quadam convenientia attribuat Augustinus præfatam beatitudinem fortitudinis dono; si tamen hinc accipiat justitia, non pro particulari tantum, sed & pro universali justitia. Primum est, quia cum fortitudo in arduis consistat, & valde arduum sit, quod quis non solum opera virtuosa faciat, quæ communiter dicuntur opera justitiæ, sed quod faciat cum insatiabili quodam desiderio, quod potest significari per famem, & sitim justitiæ; ideo attribuens Aug. beatitudines donis secun-*

dum ordinem enumerationis, convenienter attribuit dono fortitudinis præfatam beatitudinem, sicut & inter fructus ponuntur duo, quæ sufficienter correspondent eidem dono, scilicet patientia, & longanimitas; ita tamen, quod quia charitas est radix omnium donorum & virtutum, nec etiam inconueniens sit, ut quidquid pertinet ad fortitudinem, pertineat etiam ad charitatem. *Secundum est*, quia sola universalis iustitia se habet ad omnia virtutum opera, ut notat Philos. in quibus quidē operibus arduum intendit fortitudo, quæ est donum. In 5. Eth. cap. 4.

IN QVÆSTIONEM CXL.

De præceptis fortitudinis.

Vtrum convenienter in lege divina præcepta fortitudinis tradantur. *Re. Affirmativè*, ita quod & tradita sint secundum quod congruit fini legis, & tradi debuerint alia pro veteri, & alia pro novo Testamento. ARTICVLVS PRIMVS.
Primum est, quia cum præcepta legis ordinentur ad intentionem legislatoris, proindeque necesse sit, ut secundum diversos fines, quos intendit legislator, diversimodè instituantur præcepta; idcō cum finis legis divinæ sit ut homo hæreat Deo, congruenter tradita sunt præcepta legis divinæ tam de fortitudine, quàm de aliis virtutibus; secundum quod convenit ordinationi mentis in Deum; & quidem negativè quantum ad fortitudinem, magis quàm affirmativè, cum quæ sunt agenda in periculis, non possint ad aliquod reduci commune bonum; non tamen in Decalogo reponenda, cujus quidem præcepta, utpote quasi prima principia, debent esse de iis, in quibus manifestè apparet ratio debiti, ut sunt actus ju-

620. *Quest. CXL. Artic. II.*

stitiæ, non autem actus fortitudinis, in quibus scilicet non ita manifestum videtur, quod aliquis pericula mortis non reformidet, quod est quod præcipitur de fortitudine. *Secundum est*, quia cum verus Testamentum habeat temporalia bona, novum verò spiritualia & æterna; ideo ut ibi fuit necessarium instruere populum in pugna corporali, ita & hîc in pugna spirituali, ut scilicet ad vitam perveniret æternam, juxta illud: Regnum cœlorum vim patitur, &c. & illud: Cui resistite fortes in fide. Ita tamen quod etiam in novo dari debuerit præceptum contra corporalia pericula, juxta illud: Nolite timere eos, qui occidunt corpus; utpote cum per ea retrahi possent homines ad spiritualia tendentes.

ART. 2. *Vtrum convenienter tradantur præcepta in lege divina de partibus fortitudinis. R. Affirmativè*, ita quod convenienter præceptum sit de actibus virtutum secundarum & adjunctarum, sicut & de actibus principalium; & quæ de adjunctis fortitudini præcepta sunt, modo convenienti fuerint præcepta. *Primum est*, quia cum lex divina perfectè informet hominem in his, quæ sunt necessaria ad rectè vivendum; & homo ad rectè vivendum non solum indigeat virtutibus principalibus, sed etiam secundariis adjunctis, ideo & convenienter de earundem actibus præceptum est; exceptis tamen magnificentia & magnanimitate, quæ quidem cum non pertineat ad genus fortitudinis nisi secundum quandam magnitudinis excellentiam, magis etiam cadunt sub consiliis perfectionis, quàm sub præceptis necessitatibus, sub quibus cadunt perseveran-

tia , & patientia. *Secundum est* , quia cùm patientia & perseverantia sint circa minores afflictiones, de quibus potest magis determinari sine periculo quid sit agendum, ad differentiam fortitudinis , quatenus est circa maxima pericula ; ideo convenienter præceptum est de illis modo affirmativo, & quidem affirmatione accipienda secundum præparationem animi, ut homo sit paratus ea adimplere cùm opus fuerit, utpote cùm affirmativa, etsi semper obligent, non tamen pro semper, sed pro loco, & tempore.

IN QVÆSTIONEM CXLI.

De temperantia.

Vtrum temperantia sit virtus. *R. Affirmative*, ita quod ad idem, ad quod inclinatur humana virtus, inclinet temperantia ; esto quod possint sine virtute produci aliquammodo temperantiæ actus. *Primum est*, quia inclinatur virtus humana ad id quod est secundum rationem , utpote quæ inclinare debet ad bonum , quod in homine est esse secundum rationem ; quod quidem facit & temperantia, utpote in cuius etiam nomine importatur moderatio, seu temperies quædam, quam ratio facit. Vnde nec contrariatur inclinationi naturæ humanæ , quæ rationalis est , cùm non nisi à delectationibus retrahatur , quæ sunt contra rationem ; nec non & ei respondet donum timoris, esto quod etiam correspondeat spei, in quantum Deum respicit, cuius offensam vitat. Indiget namque homo maximè timore divino ad fugiendum ea , quæ maximè alliciunt, circa quæ est temperantia. *Secundum est*, quia possunt & vitiosi operari aliquammodo temperantiæ actus ex quadam naturali dis-

ARTI-
CVLVS
P R I-
MVS.

622 *Quest. CXLI. Art. II. & III.*

positione, prout virtutes quædam imperfectæ sunt hominibus naturales, vel per consuetudinem acquisitæ; quæ tamen non habent in vitiosis perfectionem virtutis, seu rationis, cum sint sine prudentia.

ART. 2. *Vtrum temperantia sit specialis virtus.*
R. Affirmativè; si tamen sumatur temperantia, non quidem secundum communitatem suæ significationis, sed antonomasticè, secundum quod ab his refrenat appetitum, quæ maximè alliciunt. *Primum est*, quia sumpta ita antonomasticè, habet specialem materiam, sicut & fortitudo; proindeque est specialis virtus, adeò ut & tranquillitas animi, & pulchritudo, quæ omni conveniunt virtuti, etiam specialiter, sive per quandam excellentiam, attribuantur temperantiæ, quandoquidem & est circa ea, quæ possunt maximè animum inquietare; & ei convenit quædam moderata, & conveniens proportio, in qua pulchritudinis ratio consistit. *Secundum est*, quia acceptum temperantiæ nomen secundum communitatem suæ significationis, quandam significat temperiem, & moderationem, quam ratio ponit in operationibus & passionibus; quod quidem est commune in omni virtute morali, sicut & integrum & incorruptum se servare (quod Aug. tribuit temperantiæ;) si pariter accipiatur communiter, non excellenter.

ART. 3. *Vtrum temperantia sit solùm circa concupiscentias & delectationes.* *R. Affirmativè*, non quòd ex consequenti non modifiet etiam tristitias, imò & omnes passiones irascibilis; sed ita quòd præcipuè consistat in moderando concupiscentias, & delecta-

tiones. Ratio utriusque partis est, quia cū ad virtutem moralem pertineat conservatio boni rationis contra passionem rationi repugnantes, quarum quidem passionum motus vel est ex eo quod appetitus sensitivus prosequitur sensibilia bona, repugnando rationi per immoderantiam, seu præter modum rationis; vel est in quantum refugit appetitus mala sensibilia, qui quidem motus rationi contrariatur, maxime secundum suum effectum, prout scilicet quis fugiendo mala sensibilia, quæ concomitantur bonum rationis, consequenter discedit à bono rationis; ideo sicut fortitudo, quæ firmitatem præstat, præcipue consistit circa passionem pertinentem ad fugam corporaliū malorum; & tamen ex consequenti etiam circa audaciā terribilia aggredientem sub spe boni: ita & temperantia, quæ moderationem dicit, habet præcipue versari circa concupiscentias tendentes ad sensibilia bona, utpote quæ ad differentiam timoris, quæ dicit retractionem quandam animi, unde & eget fortitudine, dicunt potius imperium in delectabile, qui quidem indiget refrenatione, quod pertinet ad temperantiam; & nihilominus etiam ex consequenti circa tristitias, quæ ex absentia talium delectationum contingunt; imò & circa omnes alias passionem, etiam appetitus irascibilis, quæ quidem cū sint circa fugam mali, præsupponunt passionem concupiscentes bonum, in quantum scilicet ad moderantiam priorum sequitur moderantia posteriorum; in quo etiam sensu habet versari circa exteriore actus, utpote quorum moderatio dependet ex interiorum passionum moderatione.

ART. 4. *Vtrum temperantia sit solum circa concupiscentias, & delectationes tactus. &c. Affirmativè, non quod non pertineat secundario ad temperantiam alias moderari concupiscentias, sed ita quod propriè & principaliter tendat ad concupiscentias tactus moderandas. Primum est, quia cum ita sit temperantia circa concupiscentias, & delectationes, sicut fortitudo circa timores, & audacias, ut ex præcedentibus colligitur; & fortitudo sit circa hæc respectu maximorum malorum, ita & erit temperantia circa concupiscentias maximarum delectationum, quæ quidem cum sint delectationes ciborum & venereorum, utpote quia maximè consequuntur operationes naturales, quibus scilicet conservatur natura individui, & speciei; & huiusmodi consequantur sensum tactus, ideo & est principaliter temperantia circa delectationes tactus, non quascumque, cum non sit circa ludos, sed quæ sunt ordinatæ ad conservationem naturæ.*

Vnde non accipit Aristoteles temperantiæ nomen, ut designat moderationem exteriorum rerum, cum ait quod qui est parvis dignus, & his dignificat seipsum, est temperatus: neque est temperantia circa delectationes spirituales, & hoc maximè, quia cum sint per se loquendo secundum rationem, ideo nec sunt frenandæ, nisi per accidens, prout scilicet una ab alia retrahit potiori, & magis debita. Secundum est, quia cum ille qui potest refrenare delectationes maximas, multò magis possit & minores frenare, ideo & secundario pertinet ad temperantiam alias moderari delectationes, sive aliorum sensuum, quæ sunt unius generis,

In 4.
Ethic.
cap. 3.

generis, siue quascumque alias, ut etiam insinuat Aug. dum ait temperantiæ munus esse in coercendis cupiditatibus, quæ à legibus Dei avertunt.

I. lib. de
morib.
Eccles.
cap. 19.

Vtrum circa proprias delectationes gustus sit temperantia. R. *Negative*, ita quod non nisi circa delectationem tactus sit temperantia principaliter, & per se primò, esto quod secundariò sit etiam circa proprias delectationes gustus. *Ratio utriusque partis est*, quia cum temperantia sit circa præcipuas delectationes, quæ quidem pertinent ad conservationem humanæ vitæ, vel in specie, vel in individuo; & in his consideretur aliquid principaliter, scilicet usus ipse necessariorum, putà fœminæ ad conservationem speciei, & cibi & potus ad conservationem individui, ad quem quidem usum cibi & potus per se consequitur delectatio tactus: tum etiam consideretur aliquid secundariò, scilicet id quod facit ad hoc, ut usus sit magis delectabilis, ut pulchritudo & ornatus fœminæ; tum sapor & odor in cibis, adeo ut principaliter consistant deliciæ in ipsa substantia alimenti, secundariò autem in exquisito sapore & præparatione ciborum; ideò non nisi circa delectationem tactus est principaliter temperantia, ad quem quidem tactum pertinent & usus ciborum, & delectatio essentialiter ipsum consequens, sicut & ad gustum discretio saporum, quandoquidem tactus est sensus alimenti, ut ait Philos. circa verò delectationes proprias gustus non nisi secundariò.

ART. 5.

In 1. de
anima.

Vtrum regula temperantia sit sumenda secundum necessitatem præsentis vitæ. R. *Aff-*

ART. 6.

firmativè, ita quod tantum eis uti debeat quantum requirit vitæ hujus necessitas, sed necessitas cōvenientiæ, non autem simpliciter dicta. *Primum est*, quia cū virtus moralis præcipuè consistat in rationis ordine, qui quidem est ut ordinet aliquid in finem, utpote cū bonum habeat rationem finis; idcō cū finis sit regula eorum, quæ sunt ad finem, & omnia delectabilia, quæ in usum hominum veniunt, ordinentur in aliquā hujus vitæ necessitatem, sicut ad finem, loquendo scilicet de necessario quantum ad convenientiam vitæ, quæ quidem attenditur & quantum ad convenientiam corporis, ac etiam exteriorum rerum, ut divitiarum, officiorum, & multò magis secundū convenientiam honestatis, ex Arist. propterea fit, quod accipiat temperantia necessitatem hujus vitæ, sicut regulam, scilicet ut tantum eis utatur, quantum necessitas hujus vitæ requirit, ut etiam docet Aug. ita tamen, quod ejus quidem rei, quā utitur temperatus, finis & regula sit necessitas hujus vitæ, sed temperantiæ regula & finis sit beatitudo; alius est enim finis operantis, & alius operis. *Secundum est*, quia non solum respicit temperantia necessarium, sine quo res non potest esse, qua ratione cibus est necessarius animali; sed etiam sine quo res non potest convenienter esse, propter scilicet bonam habitudinem, ut inquit Arist. Imò quæ ad hoc necessaria non sunt, quanvis his non utatur temperatus, si sint impedimenta sanitatis; si tamen impedimenta non sunt, his moderatè utitur pro loco, & tempore.

In 3. Eth.
cap. 11.
Lib. de
moribus
Eccles.
cap. 23.

ART. 7. *Vtrum temperantia sit virtus cardinalis.*

Quest. CXL I. Artic. VIII. 627

R. Affirmativè, ita quod ad modum virtutum cardinalium principalius laudetur ex aliquo, quod in omni virtute requiritur; imò & ex eo, quod circa ea versatur, quæ magis distant à ratione. *Primum est*, quia cum moderatio, quæ in omni virtute requiritur, præcipuè laudabilis sit in delectationibus tactus, circa quas est temperantia; tum quia tales delectationes sunt nobis magis naturales, unde & vehementius movent; tum etiam, quia eorum objecta magis sunt necessaria præsentis vitæ: ideò & est ex hoc temperantia cardinalis, seu principalis virtus, & quidem magis quam humilitas, licet spes, quam refrenat humilitas, sit de altioribus, quandoquidem appetitum vehementius movent ea, quorum est concupiscentia; impetus namque concupiscentiæ ad delectabilia tactus procedit ex causa naturali, unde & est diuturnior, & communior, proindeque principaliori virtute frenandus, imò & magis quam impetus iræ, utpote qui cum causetur ex aliquo accidente, scilicet læsione contristante, citius transit. *Secundum est*, quia cum tanto major ostendatur virtus agentis, quanto in ea, quæ sunt magis distantia, potest suam operationem extendere; ideò & ex hoc principalius ostenditur virtus rationis in temperantia, quod potest delectationes magis distantes reprimere.

Vtrum temperantia sit maxima virtutum. ART. 8.

R. Negativè, non quod non possit temperantia esse potior & fortitudine & justitiâ quoad aliquid; sed ita quod illæ sint simpliciter potiores. *Primum est*, quia cum virtus tanto melior sit, quanto magis per-

628 *Quest. CXLII. Artic. I.*

tinet ad bonum multitudinis, utpote quia, bonum multitudinis divinius est, quàm bonum unius; & iustitia, & fortitudo magis ad id pertineant, quàm temperantia, cum consistat iustitia in communicationibus, quæ sunt ad alterum; & fortitudo in periculis bellorum, quæ sustinentur pro salute communi; temperantia autem habeat solum temperare concupiscentias unius hominis: ideo & potiores sunt simpliciter temperantiâ, & magis adhuc virtutes theologicæ, & prudentia, quæ ut jam dictum est, potiores sunt fortitudine, & iustitiâ, & quidem quanvis difficilior sit refrenare concupiscentias, quàm per iustitiam rectificare actiones exteriores: dignitas enim virtutis magis attenditur secundum rationem boni, in quo excedit iustitia, quàm secundum rationem difficilis, in quo excedit temperantia.

In I. de
offic.

Vnde nec tribuuntur maximè honestas & decor temperantiæ à Cicer. propter principalitatem proprii boni, sed magis propter turpitudinem contrarii mali, à quo retrahit. *Secundum est*, quia & quantum ad communitatem, non quidem quâ aliquid pertinet ad multitudinem, quæ facit ad excellentiam bonitatis, sed quæ consideratur secundum quod aliquid frequenter occurrit, habet temperantia usum communiorum quàm fortitudo, quæ scilicet est circa pericula mortis, estque circa difficiliora quàm sit iustitia, & sic excedit quantum ad aliquid.

IN QVÆSTIONEM CXLII.

De vitiis quæ adversantur temperantiæ.

ARTI-
CVLVS
PRI-
MVS.

Vtrum insensibilitas sit vitium. *Re. Affirmative*, non quod non liceat à delectationibus tactus propter finem aliquem abstinere; sed ita quod vitiosum sit eas.

Quaest. CXLII. Artic. II. 629

usque ad insensibilitatem, siue totaliter re-
fugere. *Primum est*, quia cum vitiosum sit
quidquid ordini naturali contrariatur; hic
autem ordo requirat, ut homo in tantum
delectationibus utatur, quas natura appo-
suit operationibus necessariis, quantum ne-
cessarium est ad conservationem speciei, vel
individui; ideo fugienda quidem est dele-
ctatio ad vitandum peccatum, sed solum
ne plus quaeratur, quam requirit necessitas;
non autem usque ad insensibilitatem, siue
totaliter; & hoc maxime, quia non potest
homo ratione uti sine sensitivis potentiis,
quæ indigent corporali organo, & conse-
quenter sustentatione corporis, quæ qui-
dem fit per operationes delectabiles. *Secun-
dum est*, quia abstinere ab his delectatio-
nibus ob sanitatem animæ, vel corporis,
& ad exequutionem officii, &c. quandoque
laudabile est, vel etiam necessarium. Vnde
& Daniel tali utebatur abstinentiâ, non qua-
si delectationes abhorens, sed propter ali-
quem finem laudabilem, scilicet ob con-
templationem. Qua etiam de causa homi-
nes qui contemplationis officium sumpse-
runt, ut bonum spirituale spirituali propa-
gatione in alios transmittant, à multis dele-
ctationibus laudabiliter abstinere, à quibus
qui ex officio carnali generationi vocare
debent, laudabiliter non abstinerent.

Dan. i;

Vtrum intemperantia sit puerile peccatum. ART. 2.

R. Affirmative, non quidem puerile, quasi
conveniat pueris; sed secundum quandam
cum puero assimilationem. *Primum est*, quia
cum sit intemperantia peccatum concupis-
centiæ, non quidem naturalis, siue secun-
dum genus, siue secundum speciem, cum

630 *Quaest. CXLII. Artic. III.*

natura solum requirat, quo subvenitur necessitati, & ita non multum contingat peccare circa naturales concupiscentias; sed concupiscentiae superfluae: ideo cum haec in tribus assimiletur puero, 1. quia sicut appetit puer aliquid turpe, non attendendo ordinem rationis, sic etiam concupiscentia, quae nec rationem audit: 2. ut puer si suae voluntati dimittatur, crescit in propria voluntate; ita concupiscentia, si ei satisfiat; majus accipit robur: 3. sicut per hoc quod coërcetur puer, emendatur, quo fit ut sit quidem in eo fovendum, & augmentandum, quod ad naturam pertinet, non tamen quod pertinet ad rationis defectum, sed magis emendandum; similiter dum concupiscentiae resistitur, ad debitum reducitur honestatis modum: ideo fit, quod sit intemperantia ob similitudinem quandam peccatum puerile. *Secundum est*, quia cum dicat Hieron. super illud: Nisi efficiamini sicut parvuli, &c. quod parvulus non perseverat in iracundia, laesus non meminit, videns pulchram mulierem non delectatur, quod quidem intemperantiae contrariatur; nec etiam puerilis dicitur intemperantia, quasi pueris conveniat.

ART. 3. *Vtrum intemperantia sit magis vitium, quam timiditas. R. Affirmative, & quidem siue comparetur timiditati ex parte materiae, vel objecti; siue etiam ex parte ipsius hominis peccantis. Primum est*, quia cum timiditas ex parte materiae refugiat pericula mortis, ad quae quidem vitanda inducit maxima necessitas conservandae vitae; intemperantia vero sit circa delectationes, quarum scilicet appetitus non est ita ne-

Quæst. CXLII. Artic. IV. 631

cessarius ad vitæ conservationem; ideo cum tanto peccatum levius sit, quanto illud quod ad peccandum commovet, est magis necessarium, debet timiditas ex parte materiæ levius esse peccatum, sive etiam ex parte difficultatis, quandoquidem minoris vitii est à fortiori vinci, majoris verò à debiliore superari, esto quod ex parte finis, & consequenter secundum quid, excedat aliquantulum timiditas intemperantiam, in quantum scilicet per timiditatem desistunt aliqui ad defensione boni communis. *Secundum est*, quia cum ex parte peccantis eo gravius peccetur, quo is qui peccat, est magis compos mentis; & timores graves maximè in periculis mortis stupefaciant mentem, quod non faciunt delectationes, quæ movent ad intemperantiam; ideo & ex parte peccantis gravior est intemperantia; sed insuper quia plus habet intemperantia de voluntario, adeò ut in timiditate sit quidem magis voluntarium secundum quid, scilicet in universali, sed in particulari, & consequenter simpliciter, minùs; cum ea quæ per timorem fiunt, ad differentiam intemperantiæ, principium habeant ab exteriori impellente. Tum denique, quia intemperantiæ potest faciliùs remedium adhiberi, quàm timiditati; quandoquidem circa delectationes, quæ per totam vitam occurrunt, potest homo sine periculo exercitari; non autem circa mortis pericula, quæ quidem rarò occurrunt.

ART. 4.

Vtrum peccatum intemperantiæ sit maximè exprobrabile. R. Affirmativè, non quòd non dentur vitia magis exprobrabilia, sed ita quod inter ea quæ dicuntur humana, sit

632 *Quest. CXLIII. Artic. Vnic.*

magis exprobrabilis intemperantia. *Primum est*, quia cum exprobratio opponatur honori, qui quidem excellentiæ debetur, necnon & gloriæ, quæ claritatem importat; ideo cum maximè repugnet intemperantia tum excellentiæ hominis, quia est circa delectationes communes nobis, & brutis; tum etiam claritati, prout in delectationibus, circa quas est intemperantia, minùs apparet de lumine rationis, in qua est tota claritas & pulchritudo virtutis, est consequenter inter humana vitia, sive quæ attenduntur secundùm passiones humanæ naturæ aliququaliter conformes maximè exprobrabilis; & quidem quanvis aliqua sint graviora peccata peccatis carnalibus intemperantiæ, ut blasphemia; imò & quanvis sit magis in consuetudine: vitia namque carnalia, etsi sint minoris culpæ, sunt tamen majoris infamiæ, quæ quidem respicit turpitudinem, quæ attenditur secundùm indecentiam peccati: nec nisi secundùm opinionem hominum minuit consuetudo peccandi turpitudinem & infamiam peccati, non autem secundùm ipsorum vitiorum naturam. *Secundum est*, quia vitia illa, quæ modum excedunt humanæ naturæ, ut quæ perficiuntur in delectationibus bestialibus, magis adhuc sunt exprobrabilia, quanvis & hæc reduci possint ad genus intemperantiæ per excessum.

IN QVÆSTIONEM CXLIII.

De partibus temperantiæ in generali.

ARTI-
CVLVS
VNI-
CVS.

Vtrum Tullius convenienter assignet partes temperantiæ, Continentiam, Clementiam, & Modestiam. R. Affirmativè, non quòd nò plures sint assignabiles partes,

sed ita quod quantum ad partes potentiales rectè & sufficienter tres præfatæ assignentur. *Primum est*, quia cùm partes potentiales sint virtutes principali adjunctæ, modum servantes principalis virtutis in quibusdam aliis materiis, in quibus non est ita difficile; & temperantia versetur circa delectationes tactus, quas difficile est frenare; ideo & ei adjungi debent veluti partes potentiales virtutes illæ, quæ appetitum in aliquid tendentem frenant: unde cùm id contingat tripliciter, vel in motibus animi, qui sunt tres, scilicet motus voluntatis ex impetu passionis, quem frenat continentia; motus in aliquid tendens, ut motus spei, & audaciæ, quem moderatur humilitas; & motus iræ tendentis in vindictam, quem moderatur clementia, seu mansuetudo: vel in moribus exterioribus corporis, & hos moderatur modestia: vel tertio in rebus exterioribus, in quibus est duplex modus; alter ne superflua quærantur, & quantum ad hoc ponit Macrobius paritatem, & Andronicus sufficientiam; alter ne nimis exquisita requirantur, & quantum ad hoc ille moderationem, hic simplicitatem ponit: ita tamen, quod submodestia, quam ponit Tullius, omnia illa comprehendere possint, quæ pertinent ad moderationem corporalium motuum & exteriorum rerum; necnon & moderatio spei, quam diximus ad humilitatem pertinere: consequenter fit, quod quoad partes potentiales rectè & sufficienter assignentur à Tullio continentia, quæ quidem differt à virtute ut imperfectum à perfecto; sed tamen convenit cum temperantia & in ma-

634. *Quest. CXLIV. Artic. I.*

teria, quia est circa delectationes tactus, necnon in modo, quatenus in refrenatione consistit; tum clementia, seu mansuetudo, quæ tamen non ponitur pars temperantiæ, propter convenientiam materiæ, sed modi; tum etiam modestia, quæ quidem cum non attendat circa exteriores actus quod est alteri debitum, sed moderationem quandam; ideo est pars temperantiæ, non iustitiæ. *Secundum est*, quia præter partes potentiales habet temperantia & quasdam partes integrales, quæ sunt verecundia, per quam homo refugit turpitudinem, & honestas, per quam amat temperantiæ pulchritudinem, utpotè quæ sunt conditiones ad actum ipsius necessariæ: tum etiā partes subjectivas, quæ scilicet sunt species ipsius, quæ quidem cum diversificentur secundum materiam, id est secundum delectationem tactus, quarum aliæ ad nutrimentum, aliæ ad generationem, & ad actus eam circumstantes ordinantur; ideo & distinguuntur quatuor, quæ sunt abstinentia quantum ad cibum, sobrietas quantum ad potum, castitas quantum ad delectationem in actu concubitus, & pudicitia quantum ad delectationes circumstantes, in osculis, tactibus, & amplexibus.

IN QUESTIONEM CXLIV.

De partibus temperantiæ in speciali.

ARTI-
CULVS
PRI-
MVS.

V *Tru: verecundia sit virtus. R. Negati-
uè*, non quod non possit dici virtus prout hæc sumitur communiter; sed ita quod non pertingat ad propriam, & perfectam rationem virtutis. *Primum est*, quia cum virtus sit perfectio quædam, ac proinde quidquid repugnat perfectioni, etiam

si sit bonum, deficiat à ratione virtutis; ideo cum verecundia sit hujusmodi, utpote quæ ex Damasc. est timor de turpi actu; Lib. 2. cum tamen perfectus secundum habitum cap. 15. virtutis non faciat aliquid unde opprobrium timeat, propterea sit, quod non pertingat ad perfectam rationem virtutis, & quidem quanvis foveat honestatem, vel etiam medium teneat, ut ait Philos. utpote cum non foveat honestatem, quasi sit pars honesti, sed removendo honestati contraria; nec sufficiat esse in medio ad rationem virtutis, sed requiratur ut sit habitus electivus, cujusmodi non est verecundia, cujus scilicet motus ex quodam provenit passionis impetu: imò & quanvis verecundia opponantur vitia inverecundia, & stuporis; non enim est necesse, ut id cui directe opponitur vitium, sit virtus, cum quilibet defectus vitium causet, non autem bonum quodlibet faciat virtutem. Vnde ex multis quidem actibus verecundia, utpote laudabilibus, causatur habitus virtutis acquisita, sed quo quis turpia illa vitet, de quibus verecundatur, non autem quo ulterius verecundetur. *Secundum est*, quia dicitur communiter virtus omne quod est bonum, & laudabile in humanis actibus, qualis quidem est verecundia, quæ est laudabilis quædam passio; ita tamen, quod potius pertineat ad temperantiam, quam ad aliam virtutem, non quidem secundum speciem passionis, quæ est timor, sed ratione motivi, quod est turpe.

Utrum verecundia sit de turpi actu. R. Affirmative; ita tamen, quod primò & principaliter respiciat turpitudinem pœnalem, ART. 2.

seu vituperium, & opprobrium; vitiosam autem turpitudinem, non nisi ex consequenti. *Primum est*, quia cum quod in moralibus timorem nominat turpitudinis, id principaliter respiciat vituperium tanquam poenam, utpote cum sit timor propriè de malo arduo, quod est difficile vitare; & vituperium sit turpitudine quædam poenalis ab alio illata, habeatque rationem mali, sicut honor rationem boni; idè cum verecundia timorem nominet turpitudinis, habet etià primò respicere poenalem vituperii turpitudinem; & quia vituperium propriè debetur vitio, idè etià ex consequenti respiciat turpitudinem vitiosam: ita tamen quod quanvis vituperium propriè debeat soli culpæ, quam etià, sicut & ingloriationem, in quantum culpæ, quæ est defectus voluntarius, debitam respicit verecundia; nihilominus quia ex opinione humana quemcunque respicit defectum, idè etià de servitute, ignobilitate, &c. verecundatur homo; imò & per accidens potest aliquis de operibus virtuosis verecundari, prout scilicet habentur ut vitiosa ex opinione hominum, vel ut in illis quis refugit præsumptionis, aut simulationis notam; non tamen de opprobriis illatis propter virtutem, quæ quidem virtuosus debet contemnere, cum ex imperfectione virtutis sit, quod aliquis verecundetur de opprobriis illatis propter virtutem; imò nec magis semper de gravioribus peccatis verecundari debet, cum quandoque minùs habeant turpitudinis, ut peccata spiritualia respectu carnalium; vel in quodam excessu temporalis boni se habeant, sicut

magis verecundatur de timiditate, quàm de audacia.

Vtrum homo magis verecundetur à personis ART. 3.
magis cōiunctis. &c. Affirmativè, non quòd nō
pari modo verecundemur à melioribus, vel
etiam ob nocumentum sequens, ab his in-
ter quos nihil mali fecimus, vel quorū
volumus fieri amici; sed ita quod quantum
ad aliquid magis à cōiunctis verecunde-
mur, quàm à peregrinis, & transcuntibus.
Ratio utriusque partis est, quia cū ab iis
homines magis verecundentur, quorum te-
stimonium reputant majus, utpote quia
opprobrium, cuius timor est verecundia,
importat testimonium de defectu alicujus,
& præcipuè secundū aliquam culpam;
ideò cū virtuosorum & sapientum testi-
monium reputetur majus, propter judicii
certitudinem (in qua quidem assimilantur
meliores cum magis cōiunctis,) unde à
pueris nemo verecundatur; illorum etiam,
qui obesse, vel prodesse possunt, propter
effectum utilitatis, vel nocumenti; magis
autem cōiunctorum, non quidem in simi-
litudine peccati, utpote quos non formida-
mus, propterea quod non existimamus, eos
defectum nostrum apprehensuros. ut ali-
quid turpe; sed cōiunctorum ex convi-
ctu, & conversatione, quippe qui facta no-
stra magis considerant, & quia cum eis
semper versamur, quasi nobis ex hoc per-
petuum proveniat detrimentum, ad diffe-
rentiam peregrinorum, ex quibus quasi citò
pertransit omne quod provenit. Cum quo
tamen stat, quod etiam magis à propalan-
tibus verecundemur propter nocumentum
inde proveniens, quod est infamia, nec non

638 *Quest. CXLIV. Artic. IV.*

& apud quos bonam habemus opinionem, vel à quibus aliquid petimus, vel quorum amicitiam desideramus, timore scilicet amittendi famam, implendæ petitionis, & amicitia finienda.

ART. 4. *Vtrum etiam in virtuosis hominibus possit esse verecundia. R. Affirmativè*, non quòd non apprehendant ut turpia ea, quæ sunt erubescibilia, sed quia non apprehendunt turpitudinem ut possibilem sibi, vel quâsi facile vitabilem. *Ratio utriusque partis est*, quia quod malum aliquod non timeatur, cum possit hoc contingere, vel quia non æstimatur ut malum, & hoc modo carent verecundiâ qui in peccatis sunt profundati, qui potius in malitiâ gloriantur; vel quia non æstimatur ut possibile sibi, vel ut difficile vitari; quo modo se habent senes, & virtuosi, ad quos quidem ex Paulo, & Thessal. Arist. pertinet etiam quæ habent vitii speciem vitare; idè ex hoc, non ex priori capite, quod magis pessimis convenit hominibus, habent virtuosi carere verecundia. Virtuosus namque diffamationes contempnit, proindeque de illis non verecundatur, nisi secundum aliquem verecundia motum, qui rationem prævenit; & quidem quanvis sit temperantiæ, utpote cum nec sit verecundia pars essentialis temperantiæ, sed tantummodò ad eam disponat.

IN QVÆSTIONEM CXLV.

De honestate.

ARTI-
CVLVS
PRI-
MVS.

V*trum honestum sit idem virtuti. R. Affirmativè*, ita quod in idem propriè loquendo referatur honestum cum virtute, non quidem prout est virtus appetibilis propter aliud, sed in quantum est appeti-

Quest. CXLV. Artic. I. & II. 639

bilis propter se. *Ratio utriusque partis est*, quia cum honestas ex *Isid.* ita dicatur quasi honoris status, quatenus scilicet ex hoc videtur aliquid dici honestum, quia honore dignum; idè cum honor debeat excellètiæ, & excellentia hominis maximè consideretur secundum virtutem, quæ est ex *Arist.* dispositio perfecti ad optimū, in idem propterea refertur honestum cum virtute; non tamè ut est appetibilis propter aliud, quod quidem habet in quantum nos perducit in aliquod bonum perfectius, ut est Deus, & beatitudo, sic enim ei debetur laus; sed prout est propter seipsam appetibilis, sive ut habet in seipsa rationem aliquam bonitatis, etiamsi nihil aliud boni per eam nobis accideret, quod quidem ad rationem honesti sufficit. Vnde nec honorantur quæ sunt infra virtutem, nisi prout coadiuvant ad opera virtutis, sicut nobilitas, divitiæ, &c. esto quod nomen honestatis ad exteriorè prosperitatem transferatur, prout scilicet ex vulgari opinione facit excellentia divitiarum hominem honore dignum; nec nisi significativè consistit honestas in exteriori conversatione, in quantum scilicet est hæc demonstrativa interioris rectitudinis; sed radicaliter consistit in interiori electione, sicut & principale virtutis.

In 8. Etym.
mol. c. 136

In 7.
Physic.
text. 15.

Vtrum honestum sit idem, quod decorum. ART. 2.
De Affirmativè, si tamen subintelligatur de decoro spirituali, non de corporali. *Ratio utriusque partis est*, quia cum ex *Dion.* ad rationem pulchri & decori concurrant claritas, & debita proportio, quo fit ut Deus dicatur pulcher, sicut universorum consonantiæ, & claritatis causa; & homo quoad

640 *Quaest. CXLV. Artic. III.*

corpus, quando habet membra proportionata, cum quadam corporis claritate; sicque in hoc consistat spiritualis decor, ut conversatio hominis, sive ejus actio sit secundum rationis claritatem bene proportionata; ideo cum hoc pertineat ad rationem honesti, utpote quod diximus idem esse virtuti, quæ quidem secundum rationem moderatur omnes res humanas, propterea fit, quod honestum idem sit quod decorum; sicut & quia gloria est effectus honoris, idem etiam est honorificum, & gloriosum. Vnde ipsum etiam decorum habet esse appetibile, utpote cum objectum movens appetitum sit bonum apprehensum, & quod in ipsa apprehensione apparet decorum, accipiatur ut conveniens, & bonum: si tamen intelligatur de decoro spirituali, non corporali, quod quidem in aliquibus contrariatur virtuti, juxta illud: habens fiduciam in pulchritudine tua, fornicata es in nomine tuo.

Ezech.
16.

ART. 3. *Utrum honestum differat ab utili, & delectabili. R. Affirmative*, non quod non concurrant hæc tria in idem subjectum, sed ita quod sint ratione aliud, & aliud. *Primum est*, quia cum honestum dicatur, prout aliquid habet excellentiam quandam honore dignam ob spirituales pulchritudinem, unde & per se appetitur appetitu rationis, ad differentiam delectabilis, quod non nisi appetitu sensitivo habet appetitum propter se; ideo est ratione aliud à delectabili, quod tale dicitur ut quietat intellectum; & aliud ratione ab utili, utpote quod refertur ad aliud, juxta illud Augustini dictum: Honestum propter se, utile propter aliud, *lib. 8, q.*

lib. 8, q.

cet enim nihil possit esse verè & simpliciter utile, quod repugnet honestati, ut dicunt Ambr. & Tullius; nihil tamen prohibet quantū ad utile secundū quid. *Secundum est*, quia cū virtus, quæ ex se est honesta, & quidem taliter, quod etiam divitiæ, prout ordinantur organicè ad actus virtutum, vocentur nomine honestatis; cū, inquam, referatur ad felicitatem, unde erit etiam utilis, & delectabilis: ideo & concurrit honestum in idem subjecto cum utili & delectabili; non tamen convertibiliter cum delectabili, adeò ut omne quidem honestum sit delectabile, cū quodlibet naturaliter delectetur in suo convenienti; & honestum sit ita homini conveniens, utpote quia dicit decorem quendam ex ordinatione rationis, quæ ordinatio est naturaliter homini conveniens, ut de operatione virtutis probat Arist. non tamen omne delectabile sit honestum, cū possit esse aliquid conveniens secundū sensum, & non secundū rationem, quā tamen perficitur natura hominis.

In 1.
Ethic.

Vtrum honestas debeat poni pars temperantia. R. Affirmativè, non quidem subjectiva, aut potentialis, ad modum virtutis adjunctæ; sed integralis pars, tanquam scilicet conditio quædam ipsius. *Primum est*, quia cū honestas sit quædam spiritualis pulchritudo, quæ opponitur temperantiæ, & opposita se maximè invicem manifestent; ideo ad temperantiam specialiter pertinet honestas, quæ quidem quod est homini turpissimum, & indecentissimum, repellit, brutales scilicet voluptates: unde & in ipso nomine bonum quoddam rationis intelligitur, scilicet concupiscentias temperare.

ART. 4.

642 *Quaest. CXLVI. Artic. I.*

Et quidem licet iustitiæ, & fortitudini debeatur major honor, quàm temperantiæ, propter majoris boni excellentiam; vel etiam quanvis dicatur vinum (Esdrae 13.) facere in ebriis præcordia honesta; utpote cum adhuc temperantiæ debeatur major honor propter cohibitionem vitiorum magis exprobrabilium: nec intelligatur dictum illud Esdrae secundum rei veritatem, sed secundum eorum existimationem. *Primum est*, quia est potius temperantia pars subjectiva honesti, ut dicit Tullius, prout scilicet sumitur in sua communitate.

IN QVÆSTIONEM CXLVI.

De abstinentia.

ARTI-
CVLVS
PRI-
MVS.

1. Cor. 1.

2. Pet 1.

V*trum abstinentia sit virtus. R. Affirmative*; si tamen accipiatur, non quidem secundum quod designat absolutè ciborum subtractionem, sed secundum quod est ratione regulata. *Ratio utriusque partis est*, quia cum abstinentiâ, ut absolutè ciborum subtractionem designat; sit quoddam indifferens, unde nec pertinent ad regnum Dei usus ciborum, & eorum abstinentia, ut dicit Scriptura, secundum se cõsiderata, sed tantum prout quis rationabiliter ex fide & dilectione Dei abstinet; ideò nec est hoc modo abstinentia virtus, aut actus virtutis: quia verò in quantum est ratione regulata, habet consistere in medio, quanvis denominetur ab effectu, sive à subtractione; propterea significat hoc modo vel habitum virtutis, vel actum, & meritò numeratur in Scriptura inter alias virtutes, adeò ut quanvis ciborum moderatio secundum quãtitatem & qualitatem pertineat ad artem medicinæ; secundum tamen interiores affectio-

Quaest. CXLVI. Artic. II. 643

nes in comparatione ad bonum rationis pertineat ad virtutem abstinentiæ. Vnde nec excludit interdum abstinentia patientiam & humilitatem, nisi quatenus non est quandoque secundum rationem rectam, quæ quidem facit abstinere sicut oportet, id est cum hilaritate; & propter quod oportet, scilicet propter gloriam Dei.

Utrum abstinentia sit specialis virtus. ART. 1.

R. *Affirmativè*, non quòd ex aliis virtutibus non commendetur, vel etiam ad alias juvet; sed ita quod specialis sit ratio, unde conservet rationis bonum contra impetus passionum. *Primum est*, quia cum ubi invenitur specialis ratio, quæ passio abstrahit à bono rationis, sit ibi specialis ratio admittendi virtutem moralem, quæ quidem habet hoc conservare bonum contra impetus passionum; & delectationes ciborum natæ sint à bono rationis abstrahere propter ipsarum magnitudinem, & ciborum necessitatem; ideo & est specialis ratio unde admittatur virtus pro usu ciborum moderando, & quidem magis quàm circa moderationem vestium, utpote qui est introductus à natura, cum è contra ab arte sit vestimentorum usus. *Secundum est*, quia cum virtutes sint inter se connexæ, ideò & potest abstinentia ab aliis commendari virtutibus, quanvis specialis virtus, & ad alias juvare, sicut juvat ad castitatem; à qua tamen in hoc etiam distinguitur, quod corpus castiget non solum contra illecebras luxuriæ, sed etiam gulæ.

IN QUÆSTIONEM CXLVII. ART.

De jejunio.

CVLVS

V*trum jejunium sit actus virtutis.* R. *Affirmativè*, si tamen sit sermo de jejunio

PRI-

MVS.

644 *Quaest. CXLVII. Artic. I. & II.*

non naturæ, sive jejuni, sed de jejuniō jejūnantis, quo scilicet quis ex rationabili proposito à cibis aliquāliter abstinet. *Primum est*, quia ex hoc actus est virtuosus, quod per rationem ordinatur ad aliquod bonum honestum; quod quidem jejuniō convenit jejūnantis, utpote qui propter tria jejunium assumit principaliter: tum ad concupiscentias carnis reprimendas: tum ad hoc ut mens liberius elevetur ad sublimia contemplanda, propter quod Daniel post jejunium accepit revelationes: tum etiam ad satisfaciendum pro peccatis, juxta illud Aug. Jejunium animam purgat, mentem sublevar, propriam carnem spiritui subjicit, cor facit contritum & humiliatum. Vnde nec recedit jejunium à medio virtutis, esto quod aliquid naturæ necessitatē subtrahat; quandoquidem & ipsa recta ratio indicat, ut aliquis ad spiritualia mala vitanda, & bona prosequenda minus cibi sumat, quàm sibi competeret secundum statum communem; quanvis non ita subtrahi debeat, ut natura conservari nequeat, aut homo ad debita opera reddatur impotens. Cum quo tamen stat, quod quia actus ex suo genere virtuosus potest propter aliquas circumstantias vitiosus reddi, ideo nec laudatur jejunium in Scriptura, cui sunt circumstantiæ tales annexæ. *Secundum est*, quia jejunium naturæ, quo scilicet quis dicitur jejūnus antequam comedat, cum consistat in pura negatione, ideo nec est actus virtutis.

Daniel.
10.

Serm.
130.

ART. 2.

Vtrum jejunium sit actus abstinentiæ. R. Affirmativè, non quod non possit ex parte finis ad religionem, vel aliam virtutem

pertinere ; sed ita quod ex parte materiæ, circa quam elicitur, sit actus abſtinentiæ. *Primum eſt*, quia cùm omnis actus virtuoſus, qui eſt circa aliquam materiam, pertineat elicitivè ad illam virtutem, quæ medium in illa materia conſtituit, utpote cùm eadem ſit materia actus & habitus ; & jejunium attendatur in cibis, in quibus medium adinvenit abſtinentia, ita quod non niſi metaphoricè dicatur jejunium, quod conſiſtit in abſtinendo, non à cibis, ſed à quibuſcumque nocivis ; ideò & eſt jejunium actus ab abſtinentia elicitus. Vnde & ſufferre moleſtias, quæ ſunt ex defectu delectabilium tactus, quales quidem ſunt moleſtiæ jejunii, non ad fortitudinem, ſed ad temperantiam pertinet, & ejus partes. *Secundum eſt*, quia cùm actus unius virtutis poſſit ad aliam virtutem pertinere, ut ordinatur ad ejus finem ; ideò nec prohibet, pertinere jejunium ex parte finis ad religionem, vel caſtitem.

Utrum jejunium ſit in præcepto. R. Affirmativè, ita quod & cadat jejunium in comuni ſub præcepto legis naturæ, & cadat ſub præcepto juris poſitivi quantum ad determinationem modi jejunandi, & temporis. *Primum eſt*, quia cùm quiſque teneatur ex naturali ratione tantum jejunii uti, quantum ſibi neceſſarium eſt ad prædictas jejunii neceſſitates ; ideò licet jejunium ſecundùm ſe conſideratum non ſit de lege naturæ, ſive de neceſſitate præcepti, utpote quod ſecundùm ſe non nominat aliquod eligibile, ſed quid pœnale ; bene tamen unicuique tali remedio indigenti : & quia homines plurimùm indigent tali remedio,

ART. 3.

ideò etiam conveniens fuit statuere jejunia ab omnibus communiter observanda. *Secundum est*, quia sicut ad Principes seculares pertinet præcepta juris naturalis determinativa tradere de his, quæ pertinent ad utilitatem communem in corporalibus rebus: ita & ad Ecclesiæ Prælatos pertinet ea statutis præcipere, & determinare circa jejunium, quæ ad utilitatem communem fidelium spectant in spiritualibus bonis; & quidem quanvis à Dei Sapientia, ut ait Aug. homine assumpto, in libertatem vocati sumus; nec enim sunt talia statuta contra fidelium libertatem, cum sint potius utilia ad impediendam servitutem peccati, ut notat Apostolus. Cum quo tamen stat, quod præcepta quæ per modum communis statuti proponuntur, non eodem modo obligent omnes, sed secundum quod ad finem requiritur, quem scilicet intendit legislator; cujus quidem auctoritatem, si quis transgrediendo contemnat, ita ut finis intentus impediatur, transgressor peccet mortaliter; non tamen si in eo casu non servet, in quo si adesset legislator, non decerneret esse servandum: unde nec omnes qui jejunium non servant, peccant propterea mortaliter.

ART. 4. *Vtrum omnes ad jejunia Ecclesia teneantur. R. Negativè*, non quòd non obligentur omnes communiter, sed ita quod ex speciali causa possint plures à jejunio excusari. *Ratio utriusque partis est*, quia cum statuta communia proponantur secundum quod multitudini convenient, proinde quæ & in eis statuendis attendat quidem legislator quod communiter habetur, & in plu-

ribus accidit; non autem obligare intendat, si quid ex speciali causa in aliquo inveniatur, quod observantiæ statuti repugnet: ideo ad jejunia ab Ecclesia statuta omnes quidem communiter obligantur; non tamen sicut ad præcepta quæ sunt juris naturalis, utpote quæ sunt secundum se de necessitate salutis; sed taliter quod excusentur illi, in quibus fuerit aliquod speciale impedimentum, ut est in pueris, qui quidem indigent frequenti, ac multo cibo ob debilitatem naturæ, & necessitatem augmenti, quod est usque ad finem tertii septennii, esto quod magna tribulatione imminente etiam in pueris jejunia indicantur: tum etiam in peregrinis & operariis, quando scilicet imminet necessitas peregrinandi, vel multum laborandi, propter conservationem corporis, vel spiritualis vitæ; vel etiam in pauperibus, non quidem qui habere possunt, quod eis sufficiat ad unam comestionem, sed qui frustatim elemosynas mendicant. Ita tamen quod quando specialis illa causa est evidens, possit quidem homo per se licite observantiam præterire, præsertim consuetudine interveniente, aut si non possit de facili recursus haberi ad superiorem; sed si causa sit dubia, debeat quisque ad superiorem recurrere, qui habet potestatem in talibus dispensandi.

Vtrum convenienter determinentur tempora jejunii Ecclesia. R. Affirmative, ita quod & rationabiliter instituerit jejunium immediate ante solennitatem paschæ, tum in vigiliis præcipuarum festivitatum, tum singulis quartis anni; & etiam rationabiliter quantum ad numerum dierum. Primum est, ART. 5.

648 *Quaest. CXLVII. Artic. V.*

quia cum jejunium Ecclesiasticum ordinetur ad peccati deletionem, & ad elevationem mentis in Deum, illis propterea temporibus erant praesertim indicenda, quibus potissimum actibus poenitentiae, & devotionis nos occupari oportet: quod quidem est, non pro paschali tempore, & diebus Dominicis, ad differentiam jejunii exultationis, quod cum procedat ex instinctu Spiritus sancti, fieri potest omni tempore, non tamen cadens sub praeepto; sed ante solennitatem paschalem, in qua scilicet Christus resurgendo aeternitatis gloriam inchoavit; esto quod Christus ante Baptismum suum non jejunaverit, utpote qui Baptismo non indiguit propter seipsum, sed ut nobis Baptismum commendaret: tum in vigiliis festivitatum, in quibus praeparari oportet ad easdem devote celebrandas; necnon & quatuor Temporibus, utpote in quibus conferri solent Ordines sacri; quae tamen quatuor Tempora non observat Ecclesia eisdem omnino temporibus, quibus Iudaei, sicut ne ob easdem causas. *Secundum est*, quia quantum ad jejunia quatuor Temporum, quae quidem tribus diebus continentur, desumitur ratio numeri, vel ex numero mensium, vel propter tres Ordines sacros, qui his temporibus conferuntur: quantum autem ad quadragesimale jejunium, ratio est secundum Greg. quia in hoc mortali corpore ex quatuor elementis subsistimus, per cujus voluptates praeeptis Dominicis detrahimus, quae per Decalogum sunt accepta: unde dignum est, quod eandem carnem quater decies affligamus. Sed etiam dici potest, quod per hoc contendimus Deo

offerre

Quaest. CXLVII. Artic. VI. 649

offerre decimas dierum , quatenus dum per trecentos & sexaginta dies annus dividitur , nos per triginta sex dies jejunabiles affligimur in Quadragesima , qui jejunabiles sunt in sex Quadragesimæ septimanis , quasi anni nostri decimas Deo dantes.

Vtrum requiratur ad jejunium, quod homo tantum semel comedat. Et. Affirmative, non quidem taliter, quod nec etiam liceat pluries jejunantibus bibere ; sed ita quod rationabiliter statutum sit , ut semel in die à jejunantibus comedatur. Primum est, quia cum jejunium sit institutum ad concupiscentiam frenandam , ita tamen ut natura conservetur ; & ad hoc sufficere videatur unica comestio, quâ scilicet homo & naturæ satisfacit, & concupiscentiis aliquid detrahit; ideo licet taxari non debuerit quantitas cibi propter diversas corporum complexiones, bene tamen comestionum numerus. Cum quo tamen stat , quod quia electuaria, etiamsi aliquo modo nutrant, non tamen assumuntur principaliter, nisi ad digestionem ciborum, ideo nec solvunt jejunium ; sicut nec aliarum medicinarum assumptio, nisi forte quis in fraudem electuaria in magna quantitatesumeret per modum cibi. Secundum est, quia jejunium quod per quemlibet potum solvitur , est jejunium naturæ , quod ad Communionem requiritur ; non autem jejunium jejunantis, qui quidem potum magis sumit ad alterationem corporis, & digestionem ciborum, quam ad nutritionem , licet aliquo modo nutriet ; & ideo licet jejunantibus pluries bibere, ita tamen quod si quis immoderate

ART. 6.

650 *Quaest. CXLVII. Art. VII. & VIII.*
biberet, posset peccare, & meritum jejunii
perdere, sicut etiam si in una comestione
cibum immoderatè sumat.

ART. 7. *Vtrum hora nona convenienter taxetur ad
comedendum his, qui jejunant. R. Affirmati-
vè, ita quod ut jejunans aliquā sentiat affli-
ctionem pro culpæ satisfactione, rationa-
biliter ei taxetur hora nona, sed secundum
grossam æstimationem, non secundum sub-
tilem examinationem. Primum est, quia
cùm hora sexta sit naturæ conveniens ad
refectionem, quia tunc est completa dige-
stio, & natura iterum indiget per potum
juvari contra exteriorē aëris temperiem,
seu calorem, ne humores adurantur; ideo
ut ad deletionem, & cohibitionem culpæ,
ad quam ordinatur jejunium, fiat subtra-
ctio aliqua, & quidem moderata, ut scilicet
aliquid addat supra communem consuetu-
dinem, sed ita ut non multum natura grave-
tur, rationabiliter deputata fuit hora nona,
utpote cujus taxatio non potest multum
cuiuspiam nocere, cujuscumque conditionis
sit, nisi fortasse aliquibus ob infirmitatem,
vel ætatem, cum quibus esset dispensan-
dum, ut horam aliquantulum prævenirent;
& quidem quanvis in veteri Testamento je-
junaretur usque ad noctem, utpote cujus
status comparabatur nocti, cùm tamen in
novo comparatur diei. Secundum est, quia
cùm secundum subtilem examinationem
non possint omnes jejunantes horam nonam
cognoscere; ideo nec sic taxari debet, sed
sufficit, quod sit circa horam nonam: quod
omnes faciliè cognoscunt.*

ART. 8. *Vtrum convenienter jejunantibus interdi-
catur abstinencia à carnibus, ovibus, & lactici-*

Quæst. CXLVIII. Artic. I. 651

nīs. R. Affirmativè, ita quod habeant hæc tria, unde maximè prohiberi debeant ad finem intentum jejunii; sed carnes principalius, quàm ova & lacticia. *Primum est*, quia cùm jejunium sit institutum ad reprimendas concupiscentias carnis, quæ sunt delectabilium secundùm tactum, quæ consistunt in cibis & venereis; ideò & illos cibos debuit Ecclesia interdicere, quæ maximè delectationem habent, & ad venerea provocant: cujusmodi sunt animalium carnes in terra nascentium, & respirantium, necnon & ova, & lacticia, utpote ex eis provenientia, & ideo ad actum generationis humorem maximè subministrantia; & quidem magis quàm usum vini, quanvis calorem subministrantis, cujus scilicet alteratio citò transit: vel etiam magis quàm usum piscium, esto quod in aliquibus sit magis delectabilis; Ecclesia siquidem jejunium instituens respicere debuit ad id quod communius accidit, non autem solum in aliquibus. *Secundum est*, quia cùm ova & lacticia interdicantur, in quantum sunt ex animalibus carnes habentibus; ideò interdicuntur quidem & ova, & lacticia in quadragesimali jejunio, quia est alijs solennius; principalius tamen carnes, quàm ova est lacticia.

IN QVÆSTIONEM CXLVIII.

De gula.

V*trum gula sit peccatum. R. Affirmativè*, non quòd peccatum gulæ sit quando exceditur in quantitate cibi, & æstimatur necessarium esse; sed quia hoc solum ad gulam pertinet, quod quis propter concupiscentiam delectabilis cibi scienter

ARTI-
CVLVS
PRI-
MVS.

652 *Quæst. CXLVIII. Artic. II.*

excedat mensuram in edendo. *Ratio utriusque partis est*, quia cum gula nominet appetitum edendi, & bibendi inordinatum, qui quidem dicitur inordinatus ex eo, quod recedit ab ordine rationis, in quo consistit bonum virtutis moralis; ideo cum ex hoc aliquid peccatum sit, quia virtuti contrariatur, est consequenter gula peccatum, non quidem in excedendo in quantitate cibi, dum æstimatur id necessarium, cum id potius pertineat ad imperitiam quandam; sed quia solum ad gulam pertinet, quod quis ob cibi concupiscentiam scienter excedat in edendo. Vnde nec primus motus gulæ, ut importat inordinationem in appetitu sensitivo, est sine peccato, esto quod prout est in appetitu naturali, qui pertinet ad vires animæ vegetativæ, qui quidem rationi non subicitur, non sit peccatum. Neque illud Scripturæ, Non quod intrat in os habet coinquinare hominem, aliter dicitur, quàm contra Iudæos existimantes aliquos cibos suâ naturâ immundos facere; proindeque nec inde colligitur, quin inordinata ciborum concupiscentia sit peccatum.

ART. 2. *Vtrum gula sit peccatum mortale. Bx. Affirmative*, non quidem in quantum importat inordinationem concupiscentiæ circa ea solum, quæ sunt ad finem; sed quia talem potest importare inordinationem, quæ avertat à fine debito. *Primum est*, quia cum sic tollatur ordo rationis quantum ad finem debitum, cum homo inhæret delectationi ut fini, adeo ut paratus sit contra Dei præcepta agere, ut huiusmodi delectationes assequatur; ideo cum accipiatur tunc inordinatio gulæ secundum aversionem à

Quaest. CXLVIII. Art. III. 653

fine ultimo, est etiam nunc peccatum mortale, & quidem oppositum reductivè præcepto de sanctificatione Sabbathi, in quo præcipitur quies in fine ultimo. Vnde & contrariatur etiam dilectioni Dei, utpote qui est super omnia ut finis ultimus diligendus. *Secundum est*, quia tunc intelligitur inordinatio in vitio gulæ secundum ea tantum, quæ sunt ad finem, quando scilicet homo nimis delectationes ciborum concupiscit; non ita tamen ut aliquid faceret contra legem Dei, ideo nec est, tunc nisi veniale: in quo quidem sensu intelligitur Augustinus gulam inter peccata minuta reponit.

Serm. 4.
in die
Anima-
rum.

Verum gula sit maximum peccatorum. ART. 3.

R. Negativè, non quòd non habeat gula ex parte effectus consequentis magnitudinem quandam; sed ita quod & ex parte materiæ, in qua peccatur; & ex parte peccantis magis alleviatur, quàm aggravetur. *Primum est*, quia cum ex parte materiæ sit in minimis, utpote pertinentibus ad sustentationem corporis, non autem circa maxima, ut sunt divina; nec intendat gulosus corpori suo nocere, quasi ex hoc sumenda sit gravitas gulæ, sed solum in cibo delectari; ideo nec est ex materia peccatum maximum, sed minùs grave; sed nec ex parte peccantis, cum sic potius alleviatur peccatum gulæ, quàm aggravetur, tum ob necessitatem sumendi cibos, tum ob difficultatem discernendi & moderandi id quod in talibus convenit. Vnde & gravissimæ pœnæ, quæ videntur infligi ob vitium gulæ, magis ad ea referuntur vitia, quæ sunt consequuta ex gula, & ad gulæ radicem, quàm ad ipsam gulam; adeo ut ejectus sit

654 *Quest. CXLVIII. Art. IV.*

Adam à paradiso ob superbiam, ex qua processit ad peccatum gulæ; & diluvium, ac pœna Sodomorum inducta sint propter luxuriam ex gula occasionatam. *Secundum est*, quia cùm ex vitio gulæ diversa occasionentur peccata, ideo & habet ex parte effectus magnitudinem quandam; ita tamen, quod non propterea sit aliis peccatis potior, utpote cùm sit causa solum per accidens, & occasio.

ART. 4. *Vtrum convenienter distinguantur species gula secundum has quinque circumstantias, Præpoperè, Lautè, Nimis, Ardentè, Studiosè. R. Affirmativè*, non quidem ex eo præcisè quod circumstantiæ sunt, sed quia tales sunt circumstantiæ, quæ ex diversis motivis procedant. *Ratio utriusque partis est*, quia cùm possit inordinatio concupiscentiæ attendi in edendo, vel quantum ad cibum, vel quântum ad cibi sumptionem; & circa primũ vel sit in substantia cibi, quærendo scilicet cibos lautos, seu pretiosos; vel in qualitate, quærendo studiosè præparatos; vel in quâtitate, nimis edendo: circa autem sumptionẽ cibi, vel præveniendi tempus comedendi, quod est præpoperè; vel non servando modũ debitum in edendo, quod est ardentè; ideo & his quinque circumstantiis distinguuntur sufficienter species gulæ, non quidem præcisè ut circumstantiæ sunt, utpote accidentia actuum, aliàs etiam secundum circumstantiam loci alia distingueretur species; sed propter diversa motiva, ex quibus procedunt, quatenus in eo qui quærit lautos cibos, excitatur concupiscentia ex ipsa specie cibi; in eo verò qui tempus prævenit, deordinatur ex impatientia moræ.

Quaest. CXLVIII. Art. V. & VI. 655

Vtrum gula sit vitium capitale. R. Affirmative, non ex eo quidem, quod principalitatem habeat in ratione gravitatis, sed quia ex eo alia oriuntur vitia in ratione causæ finalis. Primum est, quia cum ex eo ita finaliter oriantur vitia, quod habet finem multum appetibilem, ex quo quidem homines multipliciter provocantur ad peccandum; & gula, cum sit circa delectationes tactus, quæ præcipue sunt inter alias, sit huiusmodi, utpote cum ex eo finis aliquis sit appetibilis, quod habet aliquas ex conditionibus felicitatis, qualis quidem est delectatio; ideo fit quod ex gula alia oriuntur vitia secundum rationem causæ finalis; & quidem quanvis ordinetur cibus ad conservationem vitæ, velut ad finem, quandoquidem & hic finis est maxime appetibilis; nec tamen sine cibo haberi potest, ac proinde est adhuc cibus maxime appetibilis. Cum quo tamen stat, quod quanvis in delectabilibus duo sic ponantur capitalia vitia, scilicet gula & luxuria; in utilibus tamen non nisi unum ponatur capitale vitium, scilicet avaritia, utpote cum in eis non videatur esse, nisi una ratio appetibilis.

Vtrum convenienter assignentur gula quinque filia, scilicet inepta lætitia, scurrilitas, immunditia, multiloquium, & hebetudo mentis. R. Affirmative, ita quod quæ consequuntur vitia ex immoderata delectatione cibi, & potus, nec plura sint, nec pauciora quam quinque præfata; si tamen sumatur ibi lætitia, non prout est de actu peccati, sed pro vaga & incompressa, & hebetudo sensus circa speculabilia, non circa eligibilia. Primum est, quia quæ ex ista

656 *Quaest. CXLIX. Artic. I.*

delectatione consequuntur vitia, vel accipiuntur ex parte animæ, & hæc quatuor modis, 1. quantum ad rationem, cuius acies hebetatur ex multo cibo & potu, & sic ponitur hebetudo sensus circa intelligentiam, quæ quidem oritur ex ciborum fumositatibus perturbantibus caput; 2. quantum ad appetitum, qui per hanc immoderantiam deordinatur, & sic inepta lætitia; 3. quantum ad inordinatum verbum, & sic multiloquium; 4. quantum ad inordinatum actum, & sic scurrilitas; quæ tamen quia nedum ex actu gulæ oritur, sed etiam ex voluntate luxuriæ, potest etiam ad luxuriam pertinere, ut ponit Isidorus: vel accipiuntur ex parte corporis, & sic ponitur immunditia, quæ quidem attenditur secundum inordinatam emissionem quarumcunque superfluitatum, & maxime seminis; vomitus namque licet utilis sit post superfluam comestionem; vitiosum tamen est, quod aliquis huic necessitati se subdat per immoderantiam cibi, vel potus. *Secundum est*, quia lætitia, non vaga & incompressa, sed quæ est de actu vel fine peccati, consequitur omne peccatum. Sicut & in omni invenitur peccato hebetudo sensus, quæ est non circa speculabilia, sed circa eligibilia.

IN QVÆSTIONEM CXLIX.

De sobrietate.

ARTI-
CVLVS
PRIMVS.

V *Trū materia sobrietatis sit potus. R. Affirmatiuè*, non quòd non possit in quacumque materia dici sobrietas, si nomen sumatur communiter; sed ita quod specialiter sit circa potum, qui scilicet sua fumositate natus est caput conturbare. *Primum est*, quia cum virtutes, quæ ab aliqua gene-

Quest. CXLIX. Artic. II. 657

rali conditione virtutis nominantur, illam sibi specialiter materiam vindicent, in qua difficillimum & optimum est conditionem ejus servare; & sobrietas, cujus quidem nomen à mensura sumitur, sit hujusmodi: ideo & hanc materiam sibi specialiter adscribit, in qua maxime laudabile est medium & mensuram servare, cujusmodi est potus inebriare valens, utpote cujus usus immoderatus usum impedit rationis. Vnde non nisi metaphoricè dicitur in Scriptura ebrietas circa contemplationem sapientiæ. *Secundum est*, quia cum in omnibus requiratur mensura, quæ explicatur nomine sobrietatis, eoque communiter sumpto significetur temperantia, prout in omnibus necessarium est adhibere mensuram; ideo & potest sumpta communiter dici in quacunque materia, quanvis quia excessus modicus in potu plus nocet, quàm in aliis, ideo sobrietas specialiter sit circa potum.

Vtrum sobrietas sit specialis virtus. R. Aff. ART. 2.
firmativè, non quòd non possit esse una communis virtus circa cibum, & potum, sed ita quod circa potum, prout inebriare valentem, specialis requiratur virtus. *Primum est*, quia cum ubi invenitur speciale impedimentum rationis, specialis tunc requiratur virtus ad illud removendum; & potus inebrians specialem habeat rationem impediendi rationis usum, prout conturbat cerebrum sua fumositatè: ideo & ad hoc removendum requiritur specialis virtus, quæ est sobrietas. Ita tamen quod hæc non attendatur secundum rationem nutritionis, cum non sit abstinencia circa cibos & potus, prout sunt nutritiva, sed ut impe-

658 *Quest. CXLIX. Art. III. & IV.*

diunt rationem ; sed nec propter potuum diversitatem diversificetur specialis hæc virtus, utpote cum una sit ratio in omnibus impediendi rationis usum. *Secundum est*, quia cum cibus, & potus communiter impedire possint rationis bonum, absorbendo eam per immoderantiam delectationis ; idcò & potest sub hac communi ratione esse circa illos communis virtus, scilicet abstinencia.

ART. 3. *Vtrum usus vini totaliter sit illicitus.*

R. Negativè, non quòd non possit reddi per accidens illicitus, sed ita quòd talis non sit, per se loquendo. *Primum est*, quia cum nullus cibus, vel potus ex se sit illicitus, di-

Matt. 15. cente Domino, Non quòd intrat in os, hoc conquinat, &c. idcò nec est secundum se illicitus usus vini. Vnde nec ad sapientiam acquirendam secundum modum communem requiritur, ut quis à vino omninò abstineat, sed quòd moderatè utatur ; nec dixit simpliciter Apostolus, bonum esse abstinere à vino ; sed cum frater scandalizatur ; sed neque Christus à vino aliquos retrahit, nisi propter perfectionis studium, sicut à divitiis ; non autem quòd usus vini sit ex se illicitus. *Secundum est*, quia potest fieri usus vini illicitus, vel ex conditione bibentis, qui à vino facillè læditur ; vel ex voto, quo quis obligatur ad non bibendum vinum ; vel ex parte modi, quia mensura exceditur ; vel quia ex hoc aliqui scandalizantur.

ART. 4. *Vtrum sobrietas magis requiratur in maioribus personis.* *R. Affirmativè*, non quidè secundum habitudinem ad vitia, quæ excludit, aut concupiscentias quas refrenat ; sed

Secundùm habitudinem ad propriam personarum operationem. *Ratio utriusque partis est*, quia cùm in juvenibus sit major concupiscentia propter fervorem ætatis, & in mulieribus minus de mentis robore ad concupiscentiis resistendum; ideo comparata sobrietas & ad vitia contraria, & ad concupiscentias, quas refrenat, magis est necessaria juvenibus, necnon mulieribus, quæ propterea antiquitus non bibebant vinum apud Romanos: sed quia comparative ad finem, seu propriam operationem, ad quam perducit, vigorem scilicet rationis, debet ratio vigere specialiter in senibus, ad aliorum instructionem; & in Episcopis, & omnibus Ecclesiæ Ministris, qui quidem mente devota debent spiritualibus insistere; & Regibus ob gubernationem subditorum: ideo secundùm hanc habitudinem magis in majoribus personis requiritur.

Val. Max.
lib.
2. cap. 1.

IN QVÆSTIONEM CL.

De ebrietate.

Vtrum ebrietas sit peccatum. *Re. Affirmative*, non quidem ut significat defectum illum, qui ex multo vino potato accidit homini; sed prout actum nominat, quo quis ex inordinata concupiscentia in hunc defectum incidit. *Primum est*, quia quanvis actus ille qui ebrietatem causat ex nimia vini fortitudine præter opinionem bibentis, non sit peccatum, præsertim si non ex negligentia contingat, quo modo creditur fuisse Noë inebriatum, unde & excusatur à peccato qui aliquem invitat ad bibendum, si ignoret fore, ut ex hoc potu inebrietur; quia tamen ubi ebrietatem causat ex inordinata concupiscentia continetur

ARTI-
CVLVS
PRI-
MVS.

Rom. 13.

sub gula, tanquam sub genere; ideò & tunc peccatum est, & hanc prohibet Apost. nec est prætermittenda correctio ebrietatis, ex Gregor. nisi cum timeretur, ne peccator deterior fiat, non autem ex eo, quod non sit peccatum. Cum quo tamen stat, quod quia insensibilitas, & ejus species, quæ temperantiæ & ejus speciebus opponuntur, innominatæ sunt, utpote quæ rarò contingunt, ita & sit innominatum vitium, quod ebrietati opponitur, quanvis de facto admittendum sit, in eo scilicet, qui scienter à vino in tantum abstineret, ut naturam multum gravaret. *Secundum est*, quia prout significat ebrietas defectum illum, ex quo scilicet fit, ut non sit homo rationis compos, tam culpam, quam defectum pœnalem ex culpa pendentem nominat.

ART. 2.

Vtrum ebrietas sit peccatum mortale.

R. Affirmativè, non quod omnis inebrians potus mortalis sit, sed ita quod sumptus in quantum propriè ebrium nominat, sive secundum id quod per se competit ebrietati, sit peccatum mortale. *Primum est*, quia cum propriè solum dicatur ebrius, qui quanvis advertat potum inebriare valentem, vult tamen magis ebrietatem incurtere, utpote quia moralia speciem recipiunt, non ab eis quæ per accidens eveniunt præter intentionem, sed ab eo quod est per se intentum; ideò cum hoc mortale sit, quandoquidem tunc homo volens & sciens privat se usu rationis, quo secundum virtutem operatur, & peccata declinat, propterea fit quod sit ebrietas propriè & per se loquendo peccatum mortale, utpote quâ nos voluntariè committimus periculo peccandi, juxta illud

Ambr. Vitandam dicimus ebrietatem, per quam vitia cavere non possumus. Vnde non ideo assiduitas facit ebrietatem esse peccatum mortale, ut ait Aug. propter solam iterationem actus; sed quia non potest esse, si homo assidue inebrietur, quin sciens & volens ebrietatem incurrat: neque ideo mortalis, quia solum plus potus sumitur, quam sit necesse, quod ad gulam pertinet, quæ non semper est mortalis; sed quia scienter plus potus usque ad ebrietatem sumitur: quod quidem excusari non potest, etiam quanvis de consilio medici ad vomitum provocandum id fieret, utpote quia etiam potus aquæ tepidæ vomitum causat. *Secundum est*, quia potest potus esse inebrians, nesciente aliquo esse immoderatum, quod esse potest sine peccato; vel non æstimante illum inebriare potentem, quod potest esse cum peccato veniali.

Vtrum ebrietas sit gravissimum peccatum. *Re. Negative*, ita quod peccata, quæ sunt directè contra Deum, sint graviora ebrietate, esto quod habeat ebrietas unde maximè dicatur diabolo amica. *Primum est*, quia cum dicatur aliquid esse malum, quia privat bono, adeò ut quanto majus est bonum quod tollitur, tanto gravius sit malum; ideò cum bonum divinum sit majus, quam bonum humanum, sunt etiam peccata quæ sunt directè contra Deum graviora ebrietate, quæ solum directè opponitur bono rationis; & hoc maximè, quia bonum rationis non impedit, nisi quia impedit usum rationis; cum tamen alia illud impediant per id quod est contrarium rationi, quod gravius est. Vnde nec servitus, quæ

ART. 3^a

est poena maxima, fuit directè poena ebrietatis, sed inde solùm occasionaliter consequuta, in quantum Cham maledictionem servitutis accepit, quòd irrisit patrem inebriatum. *Secundum est*, quia cùm ad peccata intemperantiæ habeat homo maximè pronitatem, idcò & secundùm hoc dici potest ebrietas, sicut & lascivia, ut dicie Chrysost. maximè amica diabolo, non quia gravior, sed quia aliis frequentior.

Hom. 71.

ad pop.

Antioc.

ART. 4. *Utrum ebrietas excuset à peccato. R. Affirmativè*, non quòd semper excuset, saltem totaliter, ex parte actus præcedentis; sed ita quod excuset ex parte defectus consequentis, & minuat ex parte præcedentis. *Ratio utriusque partis est*, quia cùm ex parte defectus consequentis (ex quo quidem ligat totaliter ebrietas rationis usum, ad differentiam concupiscentiæ) habeat causare involuntarium per ignorantiam, idcò & habet excusare: unde non dixit Arist. mereri ebrium duplices maledictiones, nisi ex sententia Pittaci, qui ut dicitur in 2. Polit. statuit propter utilitatem, quod ebrii, si percuterent, plus punirentur quàm sobrii, quia plures injuriantur: quia verò ex parte actus præcedentis, sicut potest ebrietas fuisse subsequuta sine peccato, sicut fortè accidit in Loth, in quo casu totaliter excusat, sic & potuit culpabiliter sequi; ideo nec tunc totaliter excusat à peccato sequenti, utpote quod voluntarium est ex voluntate præcedentis actus; sed habet solùm minuire, sicut & minuitur ratio voluntarii.

ARTI-

CVLVS

P R I-

MVS.

IN QUESTIONEM CLI.

De castitate.

V *Utrum castitas sit virtus. R. Affirmativè*, non quòd non habeat etiam unde

Quest. C L I. Artic. I. & I I. 66;

connumeretur inter fructus ; sed ita quod rationem habeat virtutis , in quantum est secundum rationem operans. *Primum est*, quia ex hoc sumitur castitatis nomen, quod per rationem concupiscentia castigatur , in quo quidem consistit ratio virtutis humanæ , ut scilicet sit aliquid secundum rationem modificatum. Vnde & est castitas subiectivè in anima , esto quod materiam habeat in corpore , in quantum ad eam pertinet , ut pro iudicio rationis moderatè quisque utatur corporis membris ; & est habitus voluntarius , sicut aliæ virtutes , adeò ut nec per violentiam auferatur , utpote cum proposito animi sanctificetur corpus , cuius quidem sanctitatem perseverantia continentis conservat. Cum quo tamen stat , quod in infidelibus nec castitas , nec alia vera virtus sit, utpote in quibus ad debitum finem non referuntur ; cum tamen finibus, non actibus discernantur virtutes à vitiis, ut dicit Aug. *Secundū est*, quia & habet castitas delectationem in suo actu , ex qua quidē habet connumerari inter fructus.

Lib. 4.
contra
Iul. c. 3.

Utrum castitas sit virtus generalis. R. Negativè, non quòd non possit dici generalis virtus , si metaphoricè sumatur ; sed ita quod propriè sumpta sit virtus specialis. *Primum est*, quia habet castitas propriè dicta specialem materiam, scilicet concupiscentiam delectabilium , quæ sunt in venereis , cui opponitur luxuria ; esto quod castigatio cujuslibet morus appetitivæ partis antonomasticè dicatur castitas. *Secundum est*, quia castitas metaphoricè accepta, cum sic dicatur quando mens hominis delectatur in spiritali conjunctione cum Deo , &

ART. 2.

abstinet se, ne delectabiliter aliis conjungatur contra debitum divini ordinis, juxta illud, Despondi vos uni viro virginem castam exhibere Christo; ideò cum hoc pertineat ad quamlibet virtutem, est etiam castitas sic accepta, seu spiritualiter dicta, virtus generalis; sicut & ad quodvis peccati genus reducitur fornicatio spiritualis, quâ scilicet mens delectabiliter conjungitur quibuscumque aliis rebus contra divinum ordinem.

ART. 3. *Utrum castitas sit virtus distincta ab abstinentia. R. Affirmative,* non quòd non sint unius, atque ejusdem sensus; sed quia est cum hoc diversa ratio utendi cibis, & venereis; unde oportet diversas esse virtutes. *Primum est,* quia cum temperantia sit propriè circa concupiscentias delectationum tactus, ac proinde oporteat, ut ubi sunt diversæ rationes delectationis, ibi sint diversæ virtutes sub temperantia comprehensæ; ideò cum alia sit ratio delectationis, alia in castitate, utpote cum delectationes proportionentur operationibus, quarum sunt perfectiones; & alterius generis sint operationes pertinentes ad usum ciborum, quibus individuum conservatur, & operationes venereorum, quibus conservatur species; nec nisi aliquàlter ordinentur delectationes ciborum ad delectationes venereorum, sed per se ordinentur ad vitam conservandam; propterea fit, quod ex diversa illa ratione delectationis, operationis, & usus in cibis & venereis, diversæ etiam sint virtutes. Et hoc maximè, quia delectationes venereæ, utpote vehementiores, & magis rationem opprimentes, quàm delecta-

tiones ciborum , magis etiam indigent castigatione, quod quidem ad castitatem pertinet. *Secundum est*, quia licet quantum ad usum tangibilium alia sit ratio utendi cibis, & venereis ; nihilominus quantum ad ipsum iudicium sensus de tangibilibus, illud est ejusdem rationis in omnibus.

Utrum pudicitia pertineat specialiter ad castitatem. R. *Affirmative*, non quidem quasi virtus ab ipsa distincta , sed sicut exprimens castitatis circumstantiam quandam. *Ratio utriusque partis est*, quia cum nomen pudicitiae à pudore sumatur, in quo verecundia significatur, proindeque & oporteat, ut pudicia sit proprie circa ea de quibus homines maxime verecundantur , scilicet de actibus venereis , de quibus in tantum homo verecundatur propter absorptam rationem , & defectum imperii super genitalia membra , ut nec concubitus conjugalis verecundiâ careat ; ideo & specialiter pertinet pudicia ad castitatem. Quanvis enim omnia vitia habeant turpitudinem , de qua est verecundia ; magis tamen vitia intemperantiae , inter quae maxime sunt exprobrabilia peccata venerea, quod ratio ab his maxime absorbeatur , sicque ad castitatem potius pertinet pudicitia ; non tamen sicut distincta virtus, etsi virtutem nominet Aug. eam scilicet accipiens pro castitate ; sed sicut castitatis circumstantia quaedam , quatenus scilicet est circa signa exteriora, quae magis deprehenduntur in venereis, ut circa oscula, tactus, aspectus ; cum tamen castitas sit magis circa ipsam corporum commistionem.

ARTI-
CVLVS
P R I-
MVS.

Vtrum virginitas consistat in integritate carnis. *Re. Negativè*, ita quod ipsa integritas corporalis membri per accidens solum se habeat ad virginitatem, nec nisi in ipso mentis proposito perpetuò abstinendi à delectatione venerea consistat formaliter, & completivè virginitas. *Ratio utriusque pariter est*, quia cum virginitas videatur dicta à virore, adeò ut sicut id dicitur virens, quod est à caloris adustione immune; sic & importet virginitas, ut persona cui inest, sit immunis à concupiscentiæ adustione, seu à delectatione venereorum; ideò sicut in delectatione venereorum possunt hæc tria considerari, tum ex parte corporis violatio signaculi vaginalis; tum ex parte corporis & animæ resolutio seminis, quæ delectationem sensibilem causat; tum etiam ex parte solius animæ propositum ad hanc delectationem perveniendi: sic & in virginitate considerari possunt & integritas carnis, & immunitas à delectatione ex effusione seminis, & propositum abstinendi à delectatione venereorum; ita tamen, quod quia non per se spectatur actus moralis, nisi secundum ea, quæ sunt animæ; ideo nec nisi per accidens se habeat carnis integritas ad virginitatem, adeò ut si contingat, ut membri integritas corrumpatur, salvo voluntatis proposito, non magis præjudicet virginitati, quàm si corrumperetur pes, vel manus. Quia verò sensibiles passionēs sunt materia moralium actuum, ideò & materialiter se habeat ad virginitatem immunitas à præfata delectatione: sicut & pudicitia, quæ

essentialiter est in anima, est materialiter in corpore. Sed quia ratio formalis moralium in eo quod est rationis completur, ideò & formaliter, & completivè consistit virginitas in ipso rationis proposito perpetuò abstinendi à delectatione venereorum, adeò ut si præter mentis propositum adsit ex seminis resolutione delectatio, ut in dormientibus, vel per violentiam, minimè amittatur virginitas. Vnde cum ait Aug. Lib. de virg. c. 13. quod est virginitas in carne corruptibili incorruptionis perpetua meditatio, tangit in recto quod est formale, intelligendo scilicet per meditationem propositum, quam dicit perpetuam, quia in proposito perseverare debet: materiale verò in obliquo significat, cum dicit, incorruptionis, &c.

Vtrum virginitas sit illicita. &c. Negativè, ART. 2.
non quòd licitum sit delectationes secundum se abhorrere; sed ita quod vitiosum non sit, sed laudabile à venerea delectatione abstinere, sicut ab ea abstinet virginitas. *Primum est,* quia cum laudabile sit quicquid pertinet ad rectitudinem rationis; & postulet recta ratio, ut homo utatur mediis secundum rationem finis, proindeque & bonis exterioribus & bona corporis, ad quæ referuntur; ad istis ad bona animæ, inter quæ potior est vita contemplativa; ideo ut est laudabile ab externis abstinere bonis ob contemplationem, ita & ob eandem causam laudabile erit à delectationibus corporis abstinere, quod præcipuè præstat virginitas, quæ ab omni abstinet delectatione venerea, ut divinæ vacet contemplationi, juxta illud Apost. Mulier innupta, & virgo cogitat quæ domini sunt, &c. Vnde nec pu-

Genes.

niebatur apud antiquos qui coelibem vitam ducebant, ut refert Valer. Maximus, nisi quia apud eos rari erant, qui amore veritatis contemplandæ ab omni delectatione venerea abstinere. Sed nec præceptum illud de generatione, *Crescite, &c.* transgrediuntur, utpote quod respicit multitudinem, seu non nisi à multitudine implendum est: ad quod quidem non tenetur quisvis de multitudine, utpote in qua necesse est, quod dum unus unum, alius aliud faciat, sive ut multiplicetur non solum corporaliter, sed etiam ut proficiat spiritualiter. *Secundum est*, quia qui ab omnibus delectationibus abstinet, quasi delectationes secundum se abhorrens, est ut inquit Arist. insensibilis sicut agrestis. Vnde nec ab omni abstinet virgo delectatione, sed à venerea, & hoc secundum rectam rationem, quo fit ut non excedat medium virtutis.

ART. 3.

Vtrum virginitas sit virtus. R. Affirmative, ita quod specialiter se habeat ad castitatem, sicut magnificentia ad liberalitatem; quanvis nec conjugalis castitas, imò neque viduitas, sit specialis virtus. *Primum est*, quia cum ibi inveniatur specialis virtus, ubi est specialis materia boni specialem habens excellentiam, ut patet in magnificentia, quæ est circa magnos sumptus; & habere propositum se conservandi immunem ab omni experimento veneræ delectationis, quod pertinet ad virginitatem, quandam habeat excellentiam laudis supra hoc quod est se conservare immunem ab inordinatione veneræ voluptatis; ideò & est virginitas specialis virtus, prout tamen importat propositum voto firmatum inge-

gritatis perpetuò servandæ, ut ait Aug. quo fit ut non nisi per peccatum amittatur, nec habeant homines à nativitate virginitatem, esto quod habeant materiale, quandoquidem nondum habent formale, id est propositum servandi propter Deum virginitatem. Vade & potest virginitas recuperari, recuperando scilicet propositum; cum virtus recuperetur per pœnitentiam quantum ad formale, non quantum ad materiale; & potest conjugatus, cui deest materia virginitatis, adhuc eam habere in præparatione & proposito animi, & quidem etiam ex connexionione cum aliis virtutibus; cum connexio virtutum accipiatur non secundum materiale, utpote cum alicui virtutoso possit suppetere materia unius virtutis, & non alterius; sed secundum formale. *Secundum est*, quia nec conjugalis castitas, cum solum absteineat ab illicitis, aliquam habet excellentiam supra communem castitatem; nec pervenit viduitas ad id quod est perfectum in materia ista, scilicet ad omnimodam immunitatem veneræ voluptatis; sed sola virginitas.

Vtrum virginitas sit excellentior matrimonio. R. Affirmativè, non quòd non possit conjugatus melior esse quàm virgo; sed ita quod ex genere actus præferenda sit virginitas continentiae conjugali. *Primum est*, quia cum bonum divinum sit potius humano, & bonum animæ præferatur bono corporis, & bonum contemplativæ vitæ bono activæ; & ordinetur virginitas ad bonum animæ secundum vitam contemplativam, cujus scilicet est cogitare quæ sunt Dei; cum tamen conjugium ordinetur ad bonum

Lib. de
virg.
cap. 10.

ART. 4.

corporis, seu ad humani generis multiplicationem, pertineatque ad vitam activam; ideò & est virginitas ex suo genere melior, sicut & potest privatum bonum esse ex suo genere melius communi, esto quod commune sit potius bono privato, si sint ejusdem generis. Vnde & eam docuit Christus exemplo, dum matrem elegit virginem, & ipse virginitatem servavit, eamque consuevit Apost. tanquam majus bonum. *Secundum est*, quia fieri potest, ut habeat conjugatus magis paratum animum ad virginitatem servandam, si oporteret, quam qui actu est virgo, in quo casu majus habet & meritum, quod non tam pensatur ex actu, quam ex animo. Vnde & meritum continentiae conjugalis in Abraham æquatur ex Aug. merito continentiae virginalis in Ioanne, quantum scilicet ad præmium, non accidentale, sed substantiale, propterea quod habebat Abraham animum sic dispositum, ut esset paratus virginitatem servare, si tempori congruum fuisset.

ART. 5. *Vtrum virginitas sit maxima virtutum.*
R. Negativè, non quòd non sit in genere castitatis excellentissima, sed ita quod non sit simpliciter, sive in omni genere omnium maxima. *Primum est*, quia cum finis excellat id quod est ad finem, sitque aliquid tanto melius, quanto efficacius ordinatur ad finem: finis autem, ex quo laudatur virginitas, sit vacare rebus divinis; ideò & ipsæ virtutes theologicae, & religionis virtus, quarum quidem actus sunt circa divina, præferri debent virginitati; sed insuper & martyrium, & vita monastica, utpote cum vehementius ad hoc operentur Mar-

tyres, ut inhæreant Deo, quatenus ad hoc postponunt propriam vitam: tum etiam vi-
ventes in monasterio, qui quidem postpo-
nunt propriam voluntatem, & omnia bona;
cùm tamen virgines postponant tantùm ve-
neream voluptatem. Vnde sequuntur qui-
dem virgines agnum, quia imitantur Chri-
stum, non solùm in integritate mentis, sed
etiam carnis; non tamen magis in propin-
quo, cùm faciant aliæ virtutes propinquius
inhærere Deo. *Secundum est*, quia in genere
castitatis transcendit virginitas castitatem
& conjugalem, & vidualem, ut dictum fuit,
& ut docet Ambr. in quo quidem sensu
attribuitur fructus centesimus virginitati
propter excellentiam, quam habet ad vi-
duitatem, cui sexagesimus, & ad matrimo-
nium, cui trigesimus tribuitur; & in hoc
eodem sensu intelligendus est Cypr. dum
ait, virgines esse illustriorem portionem
gregis Christi, & earum sublimiorem esse
gloriam, comparativè scilicet ad viduas,
& conjugatas.

Lib. de
virg.

IN QVÆSTIONEM CLIIII.

De vitio luxuria.

Vtrum materia luxuria sint solùm con-
cupiscentia, & delectationes venerea.
De. Affirmativè, non quòd non dicatur lu-
xuria secundariò in quibuscumque aliis ad
excessum pertinentibus, sed ita quod sit
principaliter in voluptatibus venereis. *Ra-
tio utriusque partis est*, quia luxuriosus di-
citur ex Iud. quasi solutus in voluptates;
quæ solutio aliis quidem secundariò com-
perit ad excessum pertinentibus, sicut &
temperantia ad alias etiam delectationes,
quàm tactus, se extendit secundariò; sed ma-

ARTI-
CVLVS
PRI-
MVS.
Lib. 10.
Etym.
cap. 11.

ximè , & principaliter venereis voluptatibus, quæ maximè animum resolvunt, sicut & libidinosa voluptas, quæ etsi in aliis materiis dicatur , propriè tamen sic nominat delectationes venereas, ut dicit Aug. unde dicitur vinum luxuriosum , prout scilicet ejus usus incentivum voluptati venereæ præbet.

ART. 2. *Vtrum aliquis actus veneris possit esse sine peccato. R. Affirmativè , non quod sit semper in eo pœnale quid à peccato derivatum , sed ita quod si fiat debito modo & ordine , non sit semper peccatum. Primum est , quia cum non sit peccatum, si quis per rationem utatur rebus aliquibus ad finem ad quem sunt, modo & ordine convenienti; modò finis sit aliquid verè bonum , utpote cum peccatum sit contra rationem ; sitque quoddam excellens bonum , quod conservetur natura speciei, sicut est verè bonum, quod conservetur natura unius individui : idèò sicut usus ciborum ad conservandum individuum potest esse absque peccato , si adsit modus , & ordo ; sic & usus venercorum, quæ quidem ordinantur ad conservationem speciei , ut notat Aug. & quidem quanvis usus sceminae dejiciat animum , ut idem docet Aug. à virtutis perfectione, utpote cum virtus, licèt quantum ad communem virtutis statum non impediatur nisi per peccatum , possit tamen quantum ad perfectum etiam per id impediri, quod non est peccatum. Vnde nec contrariatur medio virtutis abundantia actus veneris secundum rationem ordinati , cum id non attendatur secundum quantitatem , sed secundum quod convenit rationi rectæ ; nec ad*

Lib. de
bon. cō-
jug. c. 16.
Lib. 1.
soliloq.
cap. 10.

VIRTUTEM

Quest. C L III. Art. III. & IV. 673

virtutem pertineat quantum sensus exterior delectetur, sed potius quantum interior sensus afficiatur. *Secundum est*, quia cum ex concupiscentia carnis, tanquam ex filia peccati nascatur proles originali obligata peccato, ideo & est semper in actu venereo concupiscentiæ pœnale quid à peccato primo derivatum.

Vtrum luxuria, qua est circa actus venereos sit peccatum. R. Affirmativè, & quidem ART. 3.
tum comparativè ad rationem, cuius ordinem prætermittit; tum comparativè ad Deum, cui injuriam facit. *Primum est*, quia cum usus venereorum, sive seminis, quavis sit superfluum alimenti, sive residuum virtutis nutritivæ, sit valde necessarius ad bonum commune, seu conservationem humani generis, ad differentiam aliarum superfluitatum; proindeque magis attendi debeat circa hoc rationis ordo, contra quæ si quid fiat, magis vitiosum erit; ideo cum ad rationem luxuriæ pertineat ut ordinem & modum excedat circa venerea, est etiam luxuria vitiosum quid ex comparatione ad rationem; cuius quidem oppositum vitium, quod scilicet in eo est, qui ita detestatur mulierum usum, quod etiam uxori debitum non reddit, continetur sub insensibilitate. *Secundum est*, quia cum dicat Apostolus contra luxuriam loquens, Empti estis 1. Cor. pretio magno, glorificate, & portate Deum cap. 6. in corpore vestro; ideo & ex eo quod aliquis inordinate suo corpore utitur per luxuriam, injuriam facit Deo, qui est principalis dominus corporis nostri.

Vtrum luxuria sit vitium capitale. R. Affirmativè, non quod non possit materialiter ART. 4.

causari ex gula, vel etiam ortum habere ex superbia; sed ita quod secundum rationem causæ finalis sit aliorum vitiorum origo. *Primum est*, quia capitale vitium dicitur, quod habet finem maximè appetibilem, ita quod ejus appetitu procedat homo ad multa alia peccata: quod quidem luxuriæ convenit, cujus scilicet finis est delectatio venererorum, quæ est maxima, & maximè appetibilis, tum propter vehementiam delectationis, tum propter connaturalitatem concupiscentiæ. Vnde causat quidem luxuriam desperatio, ut dicit Apost. sed per accidens solum, seu tanquam removens prohibens, spem scilicet æterni præmii, quâ quis abstinere à luxuria. *Secundum est*, quia cum sit superbia omnium vitiorum communis mater, nec etiam inconvenit oriri vitium capitale luxuriæ ex superbia, ut docet Isid. sed neque materialiter ex gula, quatenus gula materiam immunditiæ ministrat, utpote cum secundum rationem finalis causæ, non materialis, attendatur origo vitiorum ex capitalibus.

Ephes. 4.

Lib. 2.
cap. 39.

ART. 5.

Vtrum convenienter dicantur esse filia luxuria cecitas mentis, inconsideratio, precipitatio, inconstantia, amor sui, odium Dei, affectus presentis sæculi, & horror futuri. R. Affirmativè, non quod non alia sint quantum ad exteriores actus ortum habentia ex luxuria, sed ita quod quantum ad interiora vitia congruè & sufficienter annumerentur octo præfata. *Primum est*, quia cum appetitus inferior concupiscibilis, sicut maximè afficitur per luxuriam ad suum objectum, propter scilicet vehementiam passionis, & delectationis; sic & maximè im-

pediat & deordinet superiores potentias, rationem & voluntatem in suis actibus; ideo cum sint in agendis quatuor actus rationis: primus, simplex intelligentia, quâ aliquid apprehenditur ut finis & bonum, quem impedit cæcitas mentis: secundus, consilium, quem actum impedit præcipitatio: tertius, actus iudicii, quem impedit inconsideratio: quartus, rationis præceptum in agendis, quod impedit inconstantia, non quidem ut opponitur constantiæ in arduis, quæ est pars fortitudinis, sed ut opponitur constantiæ habitæ in abstinendo, quæ quidem pertinet ad continentiam, seu partem temperantiæ; ideo, inquam, fit quod poni debeant ista quatuor filiæ luxuriæ ex parte rationis, & quidem quanvis maximè opponantur prudentiæ, utpote cum sit luxuria præcipua pars intemperantiæ, quæ maximè corrumpit prudentiam: sed insuper ponenda sunt & alia quatuor ex parte voluntatis, cum ex parte voluntatis duplex consurgat inordinatio ex luxuria: prima ratione appetitus finis, ob amorem sui ex delectatione quam inordinate appetit, quo modo ponitur luxuriæ filia amor ille sui, & per oppositum odium Dei, ut delectationem prohibet; non quidem amor sui, quantum ad quæcumque bona, utpote qui commune est principium peccatorum; sed quantum ad hoc, quod quis delectabilia carnis appetit: tum inordinatio ratione appetitus eorum quæ sunt ad finem, ad quod quidem ponitur luxuriæ filia affectus præsentis sæculi, & per oppositum horror futuri. *Secundum est*, quia ex parte exteriorum actuum, præcipue ad loquutionem

pertinentium, potest etiam esse aliquid ex luxuria inordinatum: tum propter materiam, quatenus cor turpibus concupiscentiis plenum de facili ad turpia verba prorumpit, & sic turpiloquia: tum ex causa, & sic scurrilia, utpote inconsideratè dicta, quod etiam provenit ex luxuria, quæ inconsiderationem causat, ut dictum est: tum ex fine, & sic ludicra, prout etiam verba ad delectationem ordinat luxuriosus: tum quantum ad sententiam verborum, quam pervertit luxuria ob excitatem mentis, quam causat, & sic stultiloquia.

IN QVÆSTIONEM CLIV.

De luxuria partibus.

ARTI-
CVLVS
PRI-
MVS.

Vtrum convenienter assignentur sex luxuria species, fornicatio simplex, adulterium, incestus, stuprum, raptus; & vitium contra naturam. *Re. Affirmativè*, non quòd ita specie diversa sint; præcisè ex diversitate materiæ; sed quia diversitas illa materiæ circa quam sunt, habet diversitatem formalem objecti. *Ratio utriusque partis est*, quia cum species peccati mortalis non sumatur ex circumstantia, ut huiusmodi, sed ex objecto, quod est materia; & hæc possit non convenire rationi, unde peccatum constituitur, vel quia habet repugnantiam ad finem venerei actus, quo impeditur generatio, & sic vitium contra naturam, quod est in omni actu venereo, ex quo sequi non potest generatio; vel quia impeditur debita prolis educatio, & sic fornicatio simplex, sive soluti cum soluta; vel per comparisonem ad alios homines, & hoc vel ex parte fœminæ, cui commiscetur, quia ei debitus honor non servatur, & sic incestus,

qui consistit in abusu mulierum consanguinitate, vel affinitate conjunctarum; vel ex parte ejus, in cujus potestate est foemina, & sic adulterium, si est in potestate viri, ad quod reducitur sacrilegium violationis mulieris, quæ Deo vovit continentiam, utpote quod est quoddam spirituale adulterium, sicut & ad alias luxuriæ species reducuntur alii sacrilegii modi, quodque sic continetur sub luxuria & injustitia, quia nihil prohibet in eodem actu diversorum vitiorum difformitates concurrere; stuprum autem, si est foemina in potestate patris; & raptus, si violentia inferatur: ideo fit, convenienter has assignari & distingui luxuriæ species ex materia, non quidem ex eo præcisè, quia diversa, cum materiæ diversitas ex se non diversificet species; sed ut habet annexam diversitatem formalem objecti, quæ quidem ibi sumitur secundum diversos modos repugnantiae ad rationem. Vnde & sub his comprehenditur immunditia, quâ scilicet intelligit Apost. luxuriam ^{1. Cor.} contra naturam; necnon impudicitia, quæ ^{12.} quidem pertinet ad quosdam actus venereorum, ut oscula, tactus, &c. imò & peccatum conjugati cum sua uxore, utpote cum non sit secundum indebitam materiam, sed secundum alias circumstantias, quæ ex se non constituunt speciem moralis actus.

Utrum fornicatio simplex sit peccatum morale. R. Affirmativè, non quòd peccatum fuerit, vel esset iis, quibus præcepit, aut præciperet Deus fornicari; sed ita quod ex se, & absolutè vergat mortaliter in nocuum ejus, qui est ex tali concubitu nasciturus. *Primum est,* quia cum ad educatio-

ART. 2.

678 *Quaest. CLIV. Artic. II.*

nem, & consequenter vitam hominis requiratur non solum cura matris, sed multo magis patris, à quo est instruendus, defendendus, & in bonis promovendus; ideo fit, contra naturam hominis esse, quod utatur vago concubitu: quod etiam patet in aliis animalibus, inter quæ solum est concubitus vagus, idest non ad certam fœminam, in quibus sola sufficit fœmina ad educationem fœtus, ut in canibus. Et quidem contra hominis naturam id est, quia in nocumentum vergit vitæ illius, qui est ex eo nasciturus, quod quidem est ex se mortale contrarians dilectioni proximi. Vnde cum fornicatio simplex soluti cum soluta sit concubitus ita vagus præter rationem matrimonii, quod ita dicitur ex determinatione ad certam fœminam, consequenter fit, quod sit ex se, & absolutè peccatum mortale, contra jus naturale, & legem, quâ debuit determinari conjunctio maris & fœminæ, utpote ordinata ad bonum cõmune. Et quidem quanvis aliquis aliquam cognoscens fornicando, sufficienter provideat proli de educatione; quandoquidem quod sub legis determinatione cadit, judicatur secundum id quod communiter accidit, non secundum id quod in aliquo casu potest accidere. Vnde non ideo connumerat Paulus fornicationem aliis, quæ non sunt ex se mortalia, quasi non sit gravis culpa; sed quia erat de numero eorum, ex quibus poterat nasci dissidium inter Iudæos & gentiles, qui quidem putabant non esse peccatum, ut Iudæi: sed neque sequitur, quod si aliquis inordinatus cibus non est peccatum mortale, neque concubitus; utpote

Ador 15.

Quaest. CLIV. Artic. III. 679

cùm ex uno concubitu possit homo generari, & ita sit ex se peccatum mortale, quia potest prolis bonum impedire; cùm è contra ex una inordinata comestione non impediatur bonum totius vitæ hominis. *Secundum est*, quia cùm fornicatio dicatur peccatum in quantum est contra rationem hominis rectam; ratio autem hominis recta sit secundùm quod regulatur voluntate divina, quæ est prima & sùmma regula: ideò quod homo facit ex Dei voluntate, etiam fornicando, ut fecit Osée, non est contra rationem rectam, quanvis videatur esse contra communem ordinem rationis. Vnde non peccavit Osée, sed nec Abraham, & Iacob dum ad ancillas accesserunt, utpote quorum non fuit fornicarius concubitus, ut dicetur: esto quod peccaverit Iudas accedendo ad Thamar; nec enim opus est eum excusare, qui etiam author fuit venditionis Ioseph.

Vtrum fornicatio sit gravissimum peccatum. R. Negativè, non quòd non gravius sit secundùm speciem suam peccatis, quæ sunt contra exteriora hominis bona; sed ita quod minùs sit & homicidio, & peccatis quæ sunt directè contra Deum. *Ratione utriusque partis est*, quia cùm gravitas peccati ponderetur ratione suæ speciei, quæ quidem consideratur secundùm bonum cui peccatum opponitur; ideò cùm sit fornicatio contra bonum hominis nascituri, est quidem gravior his, quæ sunt contra exteriora hominis bona, ut est furtum; sed quia vita hominis jam nati est majus quid, quàm bonum hominis nascituri, & bonum divinum quid majus bono speciei humanæ; ideò

680 *Quest. CLIV. Artic. IV.*

& homicidium, & ea quæ sunt directè contra Deum, ut blasphemia, sunt secundùm se graviora fornicatione, quæ solum impedit generationem singularem unius hominis nascituri: nec est directè in Deum, seu contra membra Christi, quasi fornicator Dei offensam intendat; sed ex consequenti, sicut & omnia peccata mortalia. Vnde est quidem in fornicatione libido maxima, sed ea quæ consistit non in inclinatione voluntatis, sed in appetitu sensitivo, quæ cum potius peccatum minuat quatenus tanto leuius est peccatum, quanto ex maiori passione impulsus peccat; ideò & ex hoc levior est fornicatio, & quidem quanvis dicatur fornicator peccare in corpus suum, illud scilicet indebitè resolvendo & inquinando, utpote cum ratio in homine prævaleat corpori, sicque sit aliud peccatum gravius, si magis repugnet rationi.

ART. 4. *Vtrum in tactibus & osculis consistat peccatum mortale. R2. Affirmativè*, non quòd mortalia sint secundùm speciem suam, sed ita quod ex sua causa, sive secundùm quod libidinosa, sint mortalia. *Primum est*, quia cum consensus in delectatione peccati mortalis sit peccatum mortale, ut aliàs dictum est; sique fornicatio, & multò magis aliæ species mortale peccatum: ideò sit quod consensus in delectationem talis peccati sit peccatum mortale, proindeque & oscula, & tactus, quæ propter huiusmodi delectationem fiunt; & quidem quanvis secundùm se non impediunt bonum proles educandæ, utpote quæ ex tali tunc libidine procedunt, quæ radix est huiusmodi impediementi. *Secundum est*, quia possunt hæc

absque libidine fieri, vel propter consuetudinem patriæ, vel propter aliquam necessitatem, aut rationabilem causam; sicque cum possint benè fieri, non sunt peccata ex sua specie: unde nec numerantur à Paulo Ad Eph. 5. inter peccata.

Vtrum pollutio nocturna sit peccatum. ART. 5.

R. *Negative*, ita scilicet quod ex se nunquam sit peccatum; sit tamen quandoque peccatum in sua causa, sive sequela peccati præcedentis. *Primum est*, quia cum somnus, qui quidem impedit interiores vires propter vaporis turbulentiam magis vel minus, ita impediat rationis usum, ut non possit esse liberum iudicium, esto quod non ita impediat apprehensionem rationis, adeò ut possit homo aliquid dormiendo de novo apprehendere, vel revelatione divina, &c. ideò cum omne peccatum, sicut & meritum dependeat ex iudicio rationis, non potest nocturna pollutio esse ex se peccaminosa, sicut nec aliquid in somno eveniens esse in quantum tale meritum, adeò ut nec Salomon dormiens meruerit sapientiam impetrare à Deo; sed solum signum fuit præcedentis desiderii, propter quod dicitur, talem petitionem Deo placuisse. *Secundum est*, quia cum causa pollutionis possit esse vel corporalis consistens in superfluitate humorum, ex qua causantur in dormiente phantasmata ad talium humorum expulsionem spectantia; vel animalis interior, ut cum ex cogitatione præcedenti contingit aliquem pollui; vel sit causa spiritualis extrinseca, scilicet dæmonis operatio: ideò cum huiusmodi causæ, sicut possunt esse quandoque absque culpa,

sint etiam interdum ex vitio præcedenti, ut si corporalis causa sit ex intemperantia, seu immoderantia cibi; si cogitatio præcedens non sit purè speculativa, ut accidit cum quis de carnalibus actibus cogitat disputationis gratiâ, sed etiam cum affectione quadam concupiscentiæ, vel etiam quando non se quis præparavit vigilans contra diaboli illusiones: idèò sit, quod comparata nocturna pollutio ad suam causam, cuius sequitur qualitatem, sit quandoque culpabilis, sive sequela præcedentis peccati.

ART. 6. *Vtrum stuprum debeat poni una species luxuria. R. Affirmativè*, ita quod & ex parte virginis quam deflorat, specialem dicat deformitatem, sive injuriam; & insuper ex parte ipsius puellæ patris. *Ratio utriusque partis est*, quia cum stuprum, quod quidem importat illicitam virginum deflorationem sub cura parentum existentium, ex parte quidem puellæ, quæ violatur sine pactione conjugali præcedente, ponat impedimentum ad legitimum matrimonium, necnon & eam ponat in via meretricandi, & insuper injuriam faciat patri, utpote qui de ejus custodia sollicitudinem gerit, cum virgo, etsi soluta sit à matrimonii vinculo, non tamen sit soluta à patris potestate; idèò non est stuprum simplex fornicatio, sed specialem dicit deformitatem, sicut quævis determinata species vitii, & ex parte puellæ, & ex parte ipsius patris, esto quod omne stuprum nominet Ambrosius adultærium, accipiens scilicet stuprum communiter pro omni concubitu viri cum alia quacumque muliere præter uxorem. Vnde nec prohibet, fieri unum peccatum ex ad-

Lib. 1. de
Abrahâ,
cap. 4.

junctione alterius deformius, ut accidit in stupro, propter scilicet duplicem injuriam, unam ex parte virginis, quam quia seducit, licet non vi corrumpat, tenetur ei satisfacere; & alteram ex parte patris, cui etiam tenetur satisfacere.

Vtrum raptus sit species luxuria distincta à stupro. R. Affirmativè, non quòd plerumque non concurrat in idem cum stupro, sed ita quòd quandoque inveniatur raptus sine stupro, sicut & stuprum sine raptu. Primum est, quia licet per accidens se habeat violentia ad luxuriam, quia tamen illatio violentiæ præfati raptus videtur procedere ex magnitudine concupiscentiæ; ideò & pertinet raptus ad determinatam speciem luxuriæ, & quidem taliter distinctam à stupro, ut quandoque inveniatur raptus sine stupro, putà si rapiat aliquis viduam, vel puellam corruptam, juxta illud Symmachi Papæ: Raptores viduarum, vel virginum, ob immanitatem tanti facinoris detestamur. Tum etiam & stuprum quandoque sine raptu, dum scilicet quis sine violentiæ illatione virginem illicitè deflorat. Cum quo tamen stat, quòd quia habet sponsus ex desponsatione jus aliquod in sponsam, peccet quidem violentiam inferendo, violentè auferens è domo patris sponsam, non tamen crimine raptus, sed nec dirimat raptus matrimonium contractum, ita quòd abrogatum sit quòd habetur in Concilio Meldensi; impediat tamen contrahendum, adeò ut raptæ puellæ, si desponsatæ, sint priùs restituendæ sponsis; si non, suis patribus, ex quorum voluntate possunt in matrimonium accipi; aliàs illicitum esset

ART. 7.

Epist. ad
Celsarium.

684 *Quest. CLIV. Artic. VIII.*

matrimonium, utpote cum rapta sint prius restituenda. *Secundum est*, quia cum quis violentiam infert ad deflorandam virginem, quæ quidem violentia interdum infertur virgini, & patri; & interdum patri tantum, puta cum virgo consentit, ut per vim abducatur, aut certe cum violenter abducta consentit ut corrumpatur, tunc in idem concurrit raptus cum stupro, juxta illud Isidori: Qui raptu potitur, stupro fruitur.

Lib. 5.

Etym.

c 16.

Vtrum adulterium sit determinata species

ART. 8. *luxuria ab aliis distincta. R. Affirmative*, non quod non possit peccatum adulterantis rationem habere stupri, aut alterius speciei; sed ita quod secundum quod sonat accessum ad alienum torum, specialem habeat deformitatem. *Primum est*, quia in hujusmodi adulterio præter peccatū, quod incurritur per accessum ad mulierem non sibi matrimonio copulatam, quod quidem ad bonum requiritur propriæ proli educandæ, est etiam deformitas in hoc, quod accedens ad mulierem alteri matrimonio copulatam, bonum impedit proli alienæ; necnon & in hoc, quod matrimonio contrariatur violando ad quam tenentur conjuges matrimonii fidem. Quod quidem nedum de viro intelligendum venit, sed etiam de muliere conjugata, juxta illud Eccl. 23. Omnis mulier relinquens virum suum peccabit. Unde & speciem constituit, & quidem etiam à stupro distinctam, utpote quod puellam respicit sub potestate patris, sed sicut per eum matrimonio copulatam, non autem sicut jam copulatam. *Secundum est*, quia cum species luxuriæ ac-

Artic. 1.

hujus q.

Quest. C L IV. Artic. I X. 63;

cipiantur secundum diversas mulierum conditiones, ut dictum est; ideo & potest peccatum adulterantis rationem habere stupri, vel alterius speciei, secundum diversas conditiones mulierum, ad quas accedit, esto quod si denominetur ex parte viri, quia semper contra fidem matrimonii agit, semper etiam sit adulterium.

Vtrum incestus sit determinata species ART. 9.

luxuria. R. Affirmative, ita quod aliquid sit in commixtione personarum conjunctarum secundum se indecens, & incongruum; quanvis non ita, quin secundum legem & consuetudinem variari possit circa hoc indecentia. *Primum est*, tum quia naturaliter debet homo honorificentiam quandam parentibus, & consequenter consanguineis; cum tamen in actibus venereis inveniatur maxime turpitudine quaedam honorificentiae contraria: tum quia personas consanguineas oportet simul conversari, sicque nimia daretur opportunitas venereae commixtioni, & consequenter molliciei, si non arcerentur hujusmodi à commixtione: tum etiam, quia impediretur per hoc multiplicatio amicorum, quae quidem sit, dum homo uxorem accipiens extraneam jungit sibi uxoris consanguineos, ac si essent sui: tum denique, quia ut dicit Arist. cum naturaliter homo consanguineum diligit, si adderetur amor ex venerea commixtione, fieret nimius ardor amoris, & maximum incentivum libidinis, quod repugnaret castitati. Vnde quia hinc maxime induceretur corruptela castitatis, tum propter nimium ardorem amoris, tum etiam propter opportunitatem, ut dictum est; ideo & dici-

In 2.
Polit.

tur abusus talium personarum antonomastice incestus. *Secundum est*, quia licet nedum inter personas per seipsas conjunctas, ut inter filios & parentes, sit præfata indecentia, sed etiam inter conjunctas solum propter parentes, vel etiam inter affines, quatenus affinis dicitur qui conjungitur alicui propter personam consanguinitate conjunctam, & sic inconvenientiam faciat affinitas, sicut & consanguinitas, cum sit unum propter alterum ejusdem rationis, quia tamen venerorum usus, utpote ordinatus ad bonum commune, subjacet legi; ideò fit quod varietur circa hoc indecentia secundum consuetudinem atque legem, sive humanam, sive divinam.

ART.
30.

Vtrum sacrilegium possit esse species luxuria. R. Negativè, non quòd sit species aliqua luxuriæ secundum seipsam sacrilega, sed ita quod ex ordine ad finem, sive in quantum violat aliquid ad divinum cultum pertinens, ad speciem pertineat sacrilegii. *Primum est*, quia cum actus unius virtutis vel vitii ordinatus ad finem alterius, assumat speciem illius, sicut furtum quod propter adulterium committitur, transit in speciem adulterii; idem consequenter dicendum de luxuria prout aliquid violat pertinens ad religionem, imò & de ira, si quis ex ira injuriam inferat personæ sacræ, vel etiam de gula, si gulosè assumat cibum sacrum. Et quidem taliter, quod possit hoc modo sacrilegium concurrere cum diversis luxuriæ speciebus; adeò ut si quis abutatur personâ conjunctâ sibi secundum spirituales cognationem, committat sacrilegium ad modum incestus; si autem vir-

gine Deo sacrata, in quantum sponsa Christi, sit sacrilegium per modum adulterii: in quantum verò est sub spiritualis patris cura constituta, sit quoddam spirituale stuprum. *Secundum est*, quia non potest eadem species esse secundum se sub diversis generibus non subalternatim positis, ut sunt luxuria, & irreligiositas. Vnde nec in Decreto enumeratur sacrilegium inter luxuriæ species, eo quòd ibi enumerentur quæ sunt secundum se luxuriæ species.

Utrum vitium contra naturam sit species ART. *luxuria. R. Negativè*, non quòd omni ex 11. parte, ex qua dicitur indecens, speciem constituat; sed ita quòd sit specialis ratio indecentiæ, unde constituat. *Primum est*, quia cum id quòd quæritur in vitio contra naturam, sit experientia delectationis veneræ, quam potest aliquis experiri sine actibus, ex quibus sequitur humana generatio, quamque delectationem ut talem intendit etiam luxuriosus: idè cum hoc specialiter repugnet ipsi ordini naturali veneri actus, qui convenit humanæ speciei, idò fit, quòd quanvis non enumeretur tale vitium inter species luxuriæ, eo quòd ibi enumerentur quæ non repugnant humanæ naturæ; habeat tamen specialem deformitatem, unde speciem constituat; & quidem sive fiat sodomiticè, sive per pollutionem, sive ex non servato naturali concumbendi modo, sive bestialiter, quæ quidem bestialitas ad genus malitiæ reducitur, sicut & luxuria, cum ab ea solum differat per quendam excessum circa eandem materiam. *Secundum est*, quia ex hac etiam parte, quæ repugnat hujusmodi vitium rationi

rectæ, indecentiâ dicit & deformitatē; quòd tamen est commune in omni vitio luxuriæ.

ART.

12.

Vtrum vitium contra naturam sit maximum peccatum inter species luxuria. R. Affirmativè, ita quod hic sit ordo inter species luxuriæ, quod quia transgreditur vitium contra naturam, id quod secundum naturam determinatum est, & incestus naturalem reverentiam; ideò sit illud inter omnia pessimum, & postea incestus: quia verò in aliis id solum præteritur, quod secundum rationem determinatum est, sint etiam minùs gravia, sed omnium minimum fornicatio, supra quod stuprum; supra stuprum adulterium, tum raptus seu violentia, & supremum sacrilegium. *Primum est*, quia cum in quolibet genere pessima sit principii corruptio, ex quo alia pendent; & in vitiis contra naturam, quia illud transgrediuntur quod est secundum naturam determinatum circa usum venereum, id ipsum accidet, utpote cum principia rationis sint ea, quæ sunt secundum naturam; ideò sit, quod omnium pessimum sit vitium contra naturam, & postea incestus, qui est quidem contra naturalem propinquorum reverentiam, ut dictum est: sed quia unicuique individuo magis est conjuncta natura speciei, quàm quodcumque aliud individuum; ideò & pejora sunt vitia contra naturam speciei, in quibus etiam, cum ipse violetur ordo naturæ, sit injuria ipsi Deo ordinatori naturæ; suntque hujusmodi peccata, tanto graviora, quàm sacrilegium, quanto ordo naturæ humanæ inditus est prior, & stabilior, quàm quivis alius ordo additus. Ita tamen, quod in talibus vitiis

infimum locum teneat peccatum immunditiae, quod consistit in sola omissione concubitus; & crimen pessimum sit peccatum bestialitatis, ut dicit Scriptura, quia non servatur debita species; deinde sodomiticum, postea peccatum cum non servatur debitus concumbendi modus; magis autem si non sit debitum vas, quam si sit inordinatio, utpote cum magis attendatur gravitas ex abusu rei, quam ex omissione debiti usus. *Secundum est*, quia cum major sit injuria si quis abutatur muliere alterius potestati subjecta ad usum generationis, quam ad solam custodiam, & utrumque aggravetur per violentiam, ideo & gravior est raptus, quam stuprum, vel adulterium, & adulterium magis, quam stuprum, & gravius adhuc sacrilegium, ut dictum est; sed omnium minimum fornicatio, utpote quae committitur sine injuria alterius, nec repugnat rationi, nisi quantum ad id, quod proli convenit gerendum.

IN QVÆSTIONEM CLV.

De partibus potentialibus temperantia

Vtrum cōtinentia sit virtus. & Affirma- ARTI-
CVLVS
PRI-
MVS.
tivè, & quidem pedit accipienda conti-
nentiam, quā scilicet quis ab omni
delectatione venerea, sed etiā, pōtē per eā
resistit aliquis concupiscentiis pravis, quæ
in eo vehementius existunt. *Ratio utriusque
partis est*, quia priori modo sūpta, cum tunc
perfecta & principālis continentia sit ipsa
virginitas, & viduitas, secundaria; ideo &
in hoc sensu pari modo est cōtinentia vir-
tus ac virginitas; sumpta verò posteriori
modo, licet tunc non attingat perfectam
rationem virtutis moralis, secundum quod

4. Ethic.
cap. ult.

subditur appetitus sensitivus rationi, utpote quia in huiusmodi continente insurgunt adhuc vehementes passionēs, propter quod etiam dicit Arist. habere aliquid de virtute, & in aliquo deficere; quia tamen per eam firmata est ratio contra passionēs, sitque propriè & verè continens, qui persistit in ratione recta, abstinens à concupiscentiis pravis; non autem qui persistit in ratione perversa, abstinens à concupiscentiis bonis: ideò sit, quod si largiùs sumatur virtus pro quolibet principio laudabiliū operum, continentia sic sumpta potest dici virtus, adeò ut dum ait Glossa, aliquem per continentiam abstinere etiam à licitis, non nisi de licitis minùs bonis intelligatur, ut scilicet totaliter intendatur perfectioribus bonis.

ART. I. *Vtrum materia continentia sint concupiscentia delectationum tactus. R. Affirmativè,* non quòd communiter loquendo, & secundum quid non possit dici in quacumque alia materia, sed ita quod propriè dicatur in concupiscentiis delectationum tactus. *Primum est,* quia cum nomen continentiae refrenationem quandam importet, in quantum tenet se aliquis ne passionem sequatur; ideò & propriè dicitur circa eas passionēs, quæ ad aliquid impellunt prosequendum, in quibus laudabile est, ut ratio hominem retrahat à prosequendo; quæ quidem maximè sunt passionēs delectabiliū tactus, utpote cum tanto vehementiùs impellant passionēs ad aliquid prosequendum, quanto magis sequuntur inclinationem naturæ, quæ quidem præcipuè inclinatur ad ea quæ necessaria sunt, vel ad

conservationem individui , ut est cibus & potus ; vel speciei , ut sunt actus venerici , quorum quidem singulorum delectationes ad tactum pertinent. Ita tamen , quod quavis dicatur etiam propriè circa cibos , magis tamen circa delectationes venericas , utpote vehementiores ; non tamen circa esus humanarum carnum , abusus puerorum , &c. eo quòd sit continentia bonum rationis humanæ , quæ consequenter solùm attenditur circa passionēs , quæ possunt homini esse connaturales. *Secundum est* , quia sicut temperantia , etsi propriè dicatur in illa materia , in qua est optimum refrenari ; communiter tamen , & secundùm quid accipitur in omni materia : ita similiter dicendum de continentia , ut etiam dicit Ambros. adeo ut & in ira , & circa exteriora bona , ut honores , lucrum , &c. dicatur quis continens , sed secundùm quid , cùm iræ impetus magis sequatur apprehensionem animalem , quàm inclinationem naturalem ; nec sint præfata bona secundùm se eligibilia simpliciter , quasi ad conservationem naturæ necessaria.

Vtrum subjectum continentia sit vis concupiscibilis. R. Negative , ita quod & continentia , & incontinentia ad voluntatem potius pertineant , ut ad proprium subjectum , esto quod possit incontinentia specialiter attribui concupiscibili. *Primum est* , quia cùm virtus quæ est in aliquo subjecto , faciat illud differre à dispositione , quam habet sub opposito vitio ; & concupiscibilis eodem potius modo se habeat in eo , qui est continens , & in eo , qui non est continens , utpote qui in utroque prorum-

ART. 3.

692 *Quaest. CLV. Artic. IV.*

pit in concupiscentias pravas, & vehementes; ideo non in concupiscibili est continentia, ut in subiecto, sed in illa potius vi animæ, sicut & incontinentia, cuius actus est electio, id est in voluntate, utpote cum nedum habeant continens & incontinens concupiscibilem eodem modo se habentem, sed & rationem rectam, proponente utroque extra passionem non sequi illicitas concupiscentias, & differre solum incipiant in electione, quatenus continens quanvis vehementes patiatur concupiscentias, tamen eligit non sequi; cum è contra incontinens eas sequi eligat, non obstante repugnantia rationis. Vnde habet quidem continentia pro materia concupiscentias delectationum tactus, non ita tamen quod eas moderetur, ut temperantia, quæ est in concupiscibili; sed solum quasi eis resistens per voluntatem, in cuius quidem potestate est passionibus resistere, quanvis in ea non subiectentur. *Secundum est*, quia cum voluntas, utpote media inter rationem & concupiscibilem, sicut movetur in continente à ratione, sic & in incontinente à concupiscibili; ideo & potest incontinentia specialiter attribui concupiscibili, non quidem ut subiecto, sed tanquam primo moventi.

ART. 4. *Utrum continentia sit melior, quam temperantia. R. Negativè*, non quod non melior sit continentia, prout importat cessationem ab omni delectatione venerea; sed ita quod prout importat resistantiam rationis ad concupiscentias pravas, sit temperantia multò potior. *Primum est*, quia cum laudabile sit bonum virtutis ex eo

quod est secundum rationem; & plus vigeat hoc bonum in eo qui est temperatus, in quo etiam ipse appetitus sensitivus est subiectus rationi, quam in eo qui est continens, in quo quidem idem appetitus vehementer resistit rationi; ideo si sic accipiatur continentia, est temperantia multo melior, & quidem quanvis continentia sit in voluntate, & temperantia in concupiscibili, utpote cum bonum rationis contingat etiam usque ad concupiscibilem. Vnde esto quod quando magnitudo, vel debilitas concupiscentiæ oriuntur ex causa corporali, vel ob naturalem complexionem, vel ob opportunitates delectationum augeant, vel minuant meritum; ubi tamen ex causa spirituali oriatur, ut in præsentī, scilicet ex fortitudine rationis, aut vehementia charitatis, tunc auget debilitas meritum ratione suæ causæ, & magnitudo minuit. *Secundum est*, quia continentia ut importat abstinentiam ab omni delectatione venerea, cum tunc se habeat sicut virginitas ad castitatem simpliciter dictam, ideo & est præstantior temperantiâ, juxta illud, Omnis Eccl. 26; ponderatio non est digna continentis animæ: quod quidem intelligi potest in genere castitatis, prout scilicet abstinet continentia ab omnibus venereis.

IN QVÆSTIONEM CLVI.

De incontinentia.

Vtrum incontinentia pertineat ad animam. *R.* Affirmativè, non quod non præstet corpus occasionem incontinentiæ, sed ita quod causa per se incontinentiæ teneat se ex parte animæ. *Ratio utriusque partis est*, quia cum unumquodque magis at-

ARTI-
CVLVS
PRI-
MVS,

694 *Quaest. CLVI. Artic. II.*

tribuatur ei, quod est causa per se, quàm ei, quod solam præstat occasionem; ideò cum anima sit ita per se causa incontinentiæ, corpus autem solùm occasio, quatenus scilicet ex dispositione quidem corporis oriuntur passionés in appetitu sensitivo; non tamen est sufficiens causa, nisi anima vel passionibus cedat antequam ratio consilietur, vel non permaneat in his quæ ex ratione consiliata sunt, quomodo dicit Arist. mulieres non continentes, quia ut plurimum non habent iudicium fixum, & solidam rationem, sed faciliè passionés sequuntur; ideò, inquam sit, præstare quidem corpus occasioné incontinentiæ, quod patet in cholericis, qui ex complexione corporis statim sequuntur passionem ante consilium ex velocitate, sicut & melancholici ex vehementia passionis: se tamen tenere ex parte animæ, veluti ex parte causæ per se, adeò ut concupiscentia carnis in eo qui est incontinens, superet quidem spiritum, sed ex negligentia spiritus non resistentis fortiter, non autem necessariò. Ita tamen, quod si passionés adeò insurgant, ut totaliter auferant rationis usum, tunc non remaneat ratio continentiæ, vel incontinentiæ; quandoquidem non salvatur iudicium rationis, quod continens servat, & incontinens deserit.

Lib. 7.
Ethic.
cap. 7.

ART. 2. *Vtrum incontinentia sit peccatum. R. Affirmativè, non quidem secundum quod dicitur quis solùm secundum similitudinem incontinens, sed prout attenditur incontinentia vel circa concupiscentias pravas, vel ex non servato rationis modo circa alia quæ videntur bona. Primum est, quia priò,*

ri modo sumpta incontinentia, & non tantum similitudinariè, & immergit se quibusdam turpibus delectationibus, necnon & recedit ab eo quod est secundum rationem, vel simpliciter, si sit circa concupiscentias pravas; vel secundum quid, si non servet rationis modum in appetitu rerum per se expetendarum. Vnde vincitur quidem in incontinente iudicium rationis: sed quia hoc est ex negligentia, non ex necessitate, ideò adhuc peccat incontinens, sicut & quanvis esse non possit continens, nisi der Deus, ut dicit Scriptura, utpote cum ea quæ per amicos possumus, per nos ipsos posse censeamur, ut ait Arist. *Secundum est*, quia cum dicatur incontinentia secundum similitudinem, quæ versatur circa concupiscentias eorum, quibus non potest aliquis malè uti, putà virtutum, quatenus scilicet totaliter ducitur per concupiscentiam bonam, sicut & alius per malam; ideò nec tunc peccatum est, sed magis pertinet ad perfectionem virtutis.

Sap. 6.

In 3. Eth.

cap. 1.

Utrum incontinens plus peccet, quam intemperatus. R. *Negative*, ita quod & ex parte voluntatis, quā peccatur, major sit in intemperato inclinatio ad peccandum, & ex parte intellectus periculosior ignorantia, sed insuper & difficilior sanatio ex parte resipiscentiæ. *Primum est*, quia cum in intemperato voluntas inclinetur ad peccandum ex habitu, qui quidem permanet; & in incontinente ex passione, quæ transit: ideo & major est in intemperato inclinatio voluntatis ad peccandum, adeò ut quanvis libido concupiscentiæ appetitus sensitivi quandoque major sit in incontinente; li-

ART. 3.

bido tamen voluntatis, quæ ea est, quæ peccatum auget, sit major in intemperato; sed est præterea peccatum gravius in intemperato ex parte ignorantie intellectus, quæ quidem peccatum aggravat, quando (ut in præfenti) inclinationem sequitur, sicut & minuit quando præcedit. Hæc namque ignorantia, quæ ibi provenit ex eo quod appetitus est ad aliquid inclinatus, & minùs durat in incontinente, in quo solum manet durante passione; & attenditur solum quantum ad aliquod particulare eligibile, prout scilicet æstimat hoc nunc esse eligendum: cum è contra intemperatus habeat etiam ignorantiam circa ipsum finem, in quantum scilicet judicat hoc esse bonum, scilicet quod irrefrenatè concupiscentias sequatur. *Secundum est*, quia etsi iisdem mediis uterque sanari possit, scilicet per interius auxilium gratiæ concupiscentias mitigantis, & remedium exterius correctionis; quia tamen habet intemperatus rationem corruptam circa æstimationem finis, ex quo reducimur in moralibus, sicut & in demonstrativis ex principio, estque magis inclinatus propter habitum, ideo & difficilior est ejus sanatio.

ART. 4. *Vtrum incontinens ira sit peior, quam incontinens concupiscentia. R. Negative, non quòd non gravior sit incontinentia iræ quantum ad mala, in quæ incontinens deducitur, & incidit; sed ita quod ex parte passionis, ex qua ratio superatur, turpior sit in concupiscentia. Primum est, tum quia motus iræ magis sequitur complexionem corporis ob velocitatem motus cholæræ, & ideo est magis veniâ dignus: tum quia ope-*
ratur

ratur concupiscens delectabiliter, iratus autem quadam coactus præcedente tristitia: tum denique, quia motus iræ participat aliquo modo de ratione, ut scilicet tendit in vindictam injuriæ, licet non debito modo, & quærit operari occultè, cum tamen quærat concupiscentia operari occultè, sitque in incontinente sine ratione, non quòd eam omninò auferat, sed quia in nullo procedit secundum rationem. Vnde ad horam quidem difficilius est resistere iræ propter ipsius impetum, sed difficilius est assidue pugnare contra concupiscentiam, utpote quæ est magis continua. *Secundum est*, quia cum durat incontinentia iræ in ea quæ pertinent ad proximi nocumentum, ideo & quantum ad malum ad quod quis incidit à ratione discedens, est ut plurimum gravior, sicut & periculosior.

IN QVÆSTIONEM CLVII.

De clementia, & mansuetudine.

Vtrum clementia & mansuetudo sint pe- ARTI-
nitus idem. *R.* *Negative*, non quòd non CVLVS
concurrant in eundem effectum, sed quia PRI-
respicit propriè mansuetudo vindictæ ap- MVS.
petitum ad moderandum, & clementia ip-
sas exteriores pœnas. *Ratio utriusque partis*
est, quia cum sit mansuetudo directè circa
iras, unde & ei propriè opponitur vitium
iracundiæ, quod importat excessum iræ;
clementia verò moderativa sit exterioris
punitiois, & opposita crudelitati, quæ
importat excessum in puniendo, juxta quod
dicit Seneca in 2. de clementia, quod cru-
deles vocantur, qui puniendi causam ha-
bent, modum tamen non habent; ideo &
ex parte ejus, quod directè respiciunt, man-

698 *Quest. CLVII. Artic. I.*

sueto & clementia habent quod differant, & quidem quanvis ex Tullio dicatur animus in odium concitatus, quod ad iram sequitur, retineri per clementiam, cum hoc dicatur eo scilicet fine, ne acriorem poenam inferat, non quod sit odii directe moderativa, sed quia virtus moralis est circa passiones & actiones, & passiones sunt exteriorum actionum principia; ideo virtutes passionum moderativæ, ut mansuetudo, in eundem effectum quodammodo concurrunt cum virtutibus, quæ moderantur actiones, ut est clementia, licet specie differant.

ART. 2. *Vtrum tam clementia, quam mansuetudo sit virtus. R. Affirmative*, non quod non possit mansuetudo etiam reponi inter beatitudines, & fructus; sed ita quod cum hoc servetur in una & altera, in quo consistit moralis virtus. *Primum est*, quia cum ratio virtutis moralis sita sit in hoc, ut appetitus rationi subdatur; & hoc in utraque servetur, cum clementia in diminuendo poenas respiciat ad rationem, nec sit poenarum diminutiva respectu rectæ rationis, sed communis legis: mansuetudo autem iras similiter moderetur secundum rationem, unde & neutra opponitur virtuti severitatis, quæ est circa poenarum inflictionem, quia ambæ sunt, ut recta ratio requirit: & utraque consistit in medio, esto quod denominetur à diminutione, eo quod habitus, qui medium tenet in ira est innominatus, & est propinquior diminutioni, quam superabundantiæ, propterea fit, servari in utraque, in quo consistit moralis virtus. *Secundum est*, quia cum beatitudines sint actus virtutum,

Quaest. CLVII. Artic. III. 699

fructus autem sint delectationes de actibus virtutum; ideo nihil prohibet, mansuetudinem poni & virtutem, & beatitudinem, & fructum.

Vtrum prae dictae virtutes sint partes temperantiae. **ART. 3.** *Affirmative,* ita quod ad modum partium potentialium illi adjungantur sicut secundariae virtutes virtuti principali, adjunctione tamen secundum virtutis formam, magis quam secundum materiam. *Primum est,* quia cum partes assignentur virtutibus principalibus, prout scilicet ipsas imitantur in aliquibus materiis secundariis quantum ad modum ex quo primo dependet virtutis laus, & istae virtutes, quae quidem in quadam refrenatione & mitigatione consistunt, sic imitentur temperantiam, quae habet refrenare vehementissimas concupiscentias tactus; ideo, fit quod temperantiae adjungantur ut partes potentiales. Licet enim poenarum diminutio secundum intentionem legislatoris pertineat ad epikiam, quae est quaedam justitia; non tamen prout est moderatio quaedam affectus in poenis, ut scilicet homo non suz utatur potestate in poenarum inflictione, quo modo pertinet ad clementiam, cui etiam dicitur opponi insania, quam quis delectatur in poenis, non quatenus excludit rationis usum, & opponitur prudentiae; sed quatenus homo videtur affectu privatus humano, quem sequitur clementia. *Secundum est,* quia cum temperantia sit circa concupiscentias, mansuetudo autem & clementia magis respiciant iram & vindictam; ideo & magis attenditur earum adjunctio ad temperantiam secundum modum virtu-

tis, qui est quasi quædam forma ejus, quàm secundùm materiam.

- ART. 4.** *Vtrum clementia & mansuetudo sint potissima virtutes. R. Negativè, non quòd non habeant excellentiam & principalitatem quandam in aliquo genere, puta inter virtutes resistentes affectionibus pravis; sed ita quod non sint potissimæ simpliciter, & quoad omnia. Primum est, quia cùm laus clementiæ, & mansuetudinis in hoc consistat, quod à malo retrahunt, ut diminuunt iram, vel pœnam; & perfectius sit bonum consequi, quàm cessare à malo: ideò & simpliciter majores sunt quæ simpliciter ordinantur ad bonum, ut fides, prudentia, &c. & quidem quanvis mansuetudo hominem præparet ad Dei cognitionem, ex Scri-*
- Iacobi 1.** *ptura, utpote cùm id præstet removendo*
- Eccles. 5.** *prohibens, & quia facit hominem compotem sui, & ne ex commotione iræ contradicat veritati; imò & quanvis ex eadem*
- Eccles. 7.** *Scriptura reddant hæ virtutes hominem Deo, & hominibus acceptum, utpote quod id faciunt, quatenus in eundem concurrunt effectum cum charitate virtutum maxima, scilicet in subtrahendo proximorum mala. Vnde conveniunt quidem cum pietate & misericordia prout concurrunt in eundem effectum, qui est prohibere proximorum mala; non tamen in motivo, quod est in pietate multò nobilius, cùm sit ex reverentia ad Deum, vel parentes. Secundum est, quia cùm mansuetudo mitigando iram, quæ hominem impedit, ne videat veritatem, faciat hominem maximè sui compotem; & clementia minuendo pœnas videatur accedere ad charitatem, quæ est virtutum ma-*

xima; ideo secundum quid nihil prohibet, quandam habere excellentiam inter virtutes, quæ resistunt affectionibus pravis.

IN QVÆSTIONEM CLVIII.

De ira.

Vtrum irasci sit licitum. *R. Affirmativè*, ARTI-
ita quod malum non sit in ira ex ipsa CVLVS
specie passionis, esto quod possit in ea ma- PRI-
lum inveniri secundum quantitatem ipsius. MVS.

Ratio utriusque partis est, quia cum possit vindicta & bene appeti, si propter vitiorum correctionem, & ad bonum justitiæ conservandum; tum etiam malè, si propter malum ejus, qui puniendus est, sive quando quis irascitur plus aut minus, quam requirit recta ratio; ideò ira, quæ est appetitus vindictæ, potest quidem secundum excessum & defectum passionis esse mala, juxta quod dicit Chrysost. quod qui sine Hom. II.
causa irascitur, reus erit; qui verò cum in Matt.
causa, non erit reus: non tamen ex ipsa specie passionis, quæ attenditur ex parte objecti; & quidem quanvis non irascatur Deus, utpote cui solum possumus & debemus assimilari in appetitu boni, non autem in modo, quandoquidem non est in eo appetitus sensitivus, ut est in nobis. Vnde si ira rationem antecedar, & eam à rectitudine retrahat, habet quidem rationem mali: sed si consequatur, ita ut moveatur contra vitia ex ordine rationis, tunc bona est, licet aliquo modo in exequutione actus judicium rationis impediat. Neque dixit Hieron. iram penitus prohibitam esse, nisi vel secundum Stoïcorum opinionem, qui omnes passionem nominabant affectus quosdam præter rationis ordinem existentes,

vel loquendo de ira, quâ quis malum intendit proximo.

ART. 2. *Utrum ira sit peccatum. R. Affirmative,* ita quod & quantum ad appetibile in quod tendit, & quantum ad modum irascendi possit ira excludi rationis ordo, ut sit culpabilis; sed sic etiam fervari possit, ut sit laudabilis. *Ratio utriusque partis est,* quia cum passio appetitus sensitivi in tantum bona sit, prout ratione regulatur; & mala, si ordinem rationis excludat: & hic ordo in ira attendi possit, & quantum ad vindictam, in quam tendit, & quantum ad modum irascendi, ne immoderatè interiùs, vel exterius ferveat; ideò si vindicta appetatur ut cum ratione fiat, laudabilis est, & dicitur ira per zelum; sed pariter si contra rationis ordinem appetatur, vel si appetatur iusta vindicta, sed immoderatè fervescendo, tunc erit ira culpabilis, & vocabitur ira per vitium; non quòd importet ira ut passio absolutè considerata rationem meriti, vel demeriti; sed ut est, vel non est ratione regulata. Vnde motus quidem prævenientes rationis iudicium, non habent in generali esse in potestate hominis, sed quia potest quemlibet singulariter impedire, cum per rationem sit dominus suorum actuum; ideò cum aliquo modo in ejus sint potestate, possunt ratione habere peccati, & quidem tunc peccati per conversionem, cum iratus malum alterius appetens propter vindictam, in illud feratur ut in commutabile bonum: tum etiam quanvis naturalis sit actus irascibilis, cum in tantum sit naturalis, in quantum est secundum rationem, cujus proinde ordinem si prætermittat, erit contra

Quest. CLVIII. Art. III. & IV. 703
naturam, cum irascibilis in homine naturaliter rationi subsit.

Vtrum ira sit peccatum mortale. R. Ne- ART. 3.
gativè, non quòd non possit esse mortalis, & ex parte appetibilis, & ex parte modì appetendi, sed ita quod possit etiam ex parte utriusque esse venialis. *Ratio utriusque partis est*, quia cum posset ira ita esse inordinata ex parte appetibilis, ut appetatur injusta vindicta, & sic contraria sit charitati, & justitiæ; idcò & potest esse mortalis ex illa parte, necnon ex modo irascendi, si nimirum ita ardentè irascatur interiùs, vel exteriùs talia manifestet signa iræ, ut excidat à dilectione Dei & proximi: in quo quidem sensu dicitur reus iudicio qui irascitur fratri, cum scilicet appetit proximi occisionem, vel gravem læsionem; vel etiam quod ira interficit stultum, quando scilicet stultus eam non refrenando, in peccatum mortale labitur: sed quia non semper accidit, quod ita contrarietur charitati, idcò & potest esse venialis ob imperfectionem actus; & hoc sive ex parte appetentis, ut cum ira prævenit rationem; vel ex parte appetibilis, ut cum quis appetit in modico se vindicare. Iob 5:

Vtrum ira sit gravissimum peccatum. ART. 4.
R. Negativè, non quòd non habeat excellentiam quandam quoad inordinationem, quæ est secundum modum irascendi; sed ita quod quantum ad appetibile, quod appetit iratus, videatur potius minimum peccatorum. *Primum est*, quia cum peius sit appetere malum ut malum, quàm ut bonum; & peius appetere sub ratione boni exterioris, ut est honor & gloria, quàm sub

ratione iustitiæ; ideo quia odium appetit
absolutè malum alterius in quàm hujus-
modi; & invidus propter propriam glo-
riam, iratus autem sub ratione boni, scili-
cet iustæ vindictæ, est etiam ira ex parte ap-
petibilis, in quo cum odio, & invidia con-
venit, minùs gravis; sicut & minùs quàm
concupiscentia ex parte boni, sub cujus
ratione appetit, & tanto minùs, quanto me-
lius est bonum iustitiæ quod appetit ira-
tus, quàm bonum delectabile, vel utile,
quod appetit concupiscens, juxta quod di-
cit Arist. quod incontinens concupiscentiæ
est turpior, quàm incontinens iræ. Vnde
nihil quidem deformius visu furentis, ut
ait Chrysost. sed quantum ad gestus exte-
riores, qui proveniunt ex iræ impetu, non
ex ipsius gravitate, quæ potius levior est
ratione jam dicta, etiam quanvis ab ea se-
quatur homicidium, utpote quod non mi-
nùs ex odio provenit, & ex invidia. *Secun-
dum est*, propter vehementiam motus iræ,
propter quam dicit Scriptura, quod non
habet ira misericordiam, & Gregor. quod
ore quidem clamorem format, sed sensus
quid loquitur ignorat..

ART. 5. *Vtrum Philosophus convenienter determi-
net species iracundia, dicens quod iracundo-
rum quidam sunt acuti, quidam amari, qui-
dam difficiles. R.* Affirmativè, ita quod ex
qua parte ira peccatum est, & tres illæ di-
stingui debeant species, & tres illæ suffi-
ciant, etiam ad gradus iræ, quos Christus
ponit. *Primum est*, quia cum inordinatio
iræ attendi possit, tum ex ipsa iræ origine,
quod ad acutos pertinet, qui citò irascun-
tur ex qualibet levi causa: tum ex dura-
tione iræ, & hoc vel quia causa iræ, id est

In 7.
Ethic.
c. 6.

Homil.
29. ad
popul.
Ant.

injuria illata, diu memoriae hæret, unde homo diuturnam tristitiam concipit, estque sibi ipsi amarus & gravis; vel ex parte ipsius vindictæ, quam obstinato appetitu quærit, quod pertinet ad difficiles: consequenter fit quod in ira, ut est peccatum, tres illæ debeant distingui species, quas etiam distinguit Greg. Nyss. qui ponit iram felleam, quæ ad acutos pertinet; insaniam, quæ amaris; & furorem qui difficilibus attribuitur. Ita tamen, quod in his speciebus non attendatur principaliter circumstantia temporis, alioquin & aliæ sumerentur species secundum alias circumstantias; sed facilitas hominis ad iram, & firmitas in ea: nec amari, & difficiles similem habeant diuturnitatem iræ, sed amari ob permanentiam tristitiæ, difficiles verò ob vehementem desiderium vindictæ: quo fit ut illi per tempus quiescant, isti verò per solam punitionem. *Secundum est*, quia cum gradus iræ, quos Christus ponit, accipiantur secundum processum humani actus, in quibus primò aliquid concipitur, juxta quod dicit, Qui irascitur fratri suo; deinde per signa manifestatur, juxta quod dicit, Qui dixerit fratri suo, Racha, quod est interjectio irascentis; tum postea ad effectum perducitur per nocumentum sub ratione vindictæ, juxta quod addit, Qui dixerit fratri suo, Fatue; ideo etiam ad gradus iræ, quos Christus ponit, sufficiunt præfatæ species iræ, cum non pertineant ad diversas.

Lib. 4. de
viribus
animæ,
cap. 13.

Vtrum ira debeat poni inter vitia capitalia. R. Affirmativè, non quòd non sit per accidens etiam janua omnium vitiorum, sed ita quod directè, & per se, seu ratione

ART. 6.

finis, sit etiam causa aliquorum specialium peccatorum. *Primum est*, quia cum habeat ira objectum summè appetibile, vindictam scilicet sub ratione iusti vel honesti; tum etiam talis sit impetus, quo mentem præcipitet ad illicita quæcumque agenda: ideo etiam tale est vitium, ex quo per se & directè multa oriantur vitia, tanquam ex capite, & quidem magis quàm odium, non quòd gravius sit peccatum, sed quia habet objectum, seu finem magis appetibilem. Vnde ex tristitia quidem oritur ira, non ea tamen, quæ est accidia vitium, sed ea quæ dicitur passio, quæ scilicet consequitur ex injuria illata. *Secundum est*, quia cum impediatur ira iudicium rationis, per quod homo à malis retrahitur; ideo & est, & dici potest janua omnium vitiorum, ut dicit quædam Glossa; non tamen per se, sed per accidens, removendo prohibens.

ART. 7. *Vtrum convenienter assignentur sex ira filia, scilicet rixa, tumor mentis, contumelia, clamor, indignatio, & blasphemia. R. Affirmativè*, ita quod secundum modum triplicem, quo potest ira considerari, sex illa ab ea oriantur vitia; si tamen accipiatur blasphemia, non qualiscumque, sed pro ea in quam prorumpimus ex commotione animi; & tumor mentis pro conatu, seu audacia hominis vindictam intentantis. *Primum est*, quia cum ira ita tripliciter consideretur, primò scilicet ut est in corde, quomodo ponitur ex parte ejus in quem irascitur indignatio, cum reputans indignum, ut sibi tale quid fecerit; & tumor mentis ex parte irascentis, prout apud se excogitat diversas vias vindictæ; secundò verò ut

est in ore, quo modo ponitur clamor, si nimirum sit inordinatio in modo loquendi, quo scilicet clamore intelligitur inordinata, vel confusa loquutio; vel blasphemia, si contingat prorumpere in injuriosa contra Deum; aut contumelia, si contra proximum: tertio denique considerari potest ut procedit usque ad factum; & sic oriuntur rixæ, per quas intelliguntur omnia nocumenta, quæ proximo inferuntur facto. *Secundum est*, quia tumor mentis, nisi accipiat pro conatu hominis intentantis vindictam, idem significat quod superbia; quæ quidem non est filia, sed potius mater omnium vitiorum; & est blasphemia quædam, in quam prorumpitur ex deliberata mente, quæ etiam ex superbia procedit, non autem ex ira, à qua nec etiam oritur odium, sed magis ex acedia, utpote cum causa ex qua directius oritur, scilicet tristitia, pertineat ad acediam.

Utrum sit aliquod vitium oppositum iracundia proveniens ex defectu ira. R. Affirmativè, & quidem si accipiat ira pro motu simplici voluntatis, quo quis ex rationis judicio pœnam infligit; si pro motu appetitus sensitivi, qui est cum passione & transmutatione corporali. Primum est, quia iracundia, ait Chrysost. quæ cum causa est, non est iracundia, sed judicium; cum iracundia propriè sit commotio passionis, sicque qui ex causa irascitur, & non ex passione, non tam irasci dicatur, quam judicare; ac proinde qui ita cum causa non irascitur, peccat, nec Deum imitatur quantum ad hoc, quod Deus ex judicio punit, esto quod imiteretur quantum ad carentiam passi-

ART. 8.

fionis. *Secundum est*, quia si accipiatur ira pro motu appetitus sensitivi cum passione, cum iste motus consequatur ad motum simplicem voluntatis, propterea quod naturaliter sequitur appetitus inferior motum appetitus superioris; ideo non potest iste motus totaliter deficere, nisi per subtractionem, aut debilitatem voluntarii motus, & quin remotio totalis huiusmodi iræ sit signum etiam remotionis iudicii rationis, à quo moderata est ira, ac proinde potest defectus istiusmodi iræ vitiosus esse; passio namque, sicut & alii motus appetitus sensitivi, utilis est ut homo promptius exequatur quod ratio dicat, aliàs frustrā fuisset factus cum appetitu sensitivo.

IN QVÆSTIONEM CLIX.

De crudelitate.

ARTICVLVS PRIMVS. **V**trum crudelitas opponatur clementiæ. *R. Affirmativè*, & quidem directè, imò & directiùs, quàm misericordiæ. *Primum est*, quia cum nomen crudelitatis videatur sumptum à cruditate, quatenus sicut quæ cocta & digesta sunt, suavem habent saporem, ita & asperum quæ sunt cruda; ideo cum clementia importet animi levitatem, sive dulcedinem, quâ quis est diminutivus pœnarum, ei propterea directè opponitur crudelitas, & quidem quanvis superexcessus pœnarum in actu exteriori pertineat ad injustitiam, quandoquidem quantum ad animi austeritatem, per quam fit aliquis promptus ad pœnas augendas, adhuc pertinet ad crudelitatem. Cum quo tamen stat, adhuc crudelem dici, qui propinquos abjicit, accipiendo scilicet crudelitatem pro immiserordia, quæ non est benefica; vel

etiam dicendo, ipsam beneficii subtractionem poenam quandam esse. *Secundum est*, quia cum clementia, & misericordia conveniant in hoc, quod utraque refugit miseriam alienam, sed misericordia subveniat per beneficii collationem, & clementia per poenarum subtractionem: ideo & directius opponitur crudelitas clementiae, quam misericordiae.

Utrum crudelitas à saevitia, sive à feritate differat. *U.* *Affirmativè*, & quidem siue considerentur crudelitas, & feritas ex parte causae ad quam attendunt, siue ex parte virtutis, cui opponuntur. *Primum est*, quia cum propriè loquendo feritas, seu saevitia dicatur, secundum quam in poenis inferendis non considerat aliquis culpam illius, qui punitur, sed solam delectationem, quae quidem non est humana, sed bestialis, ex more scilicet ferarum, quae hominibus nocent, ut eorum vescantur corporibus; ideo cum è contra crudelitas culpam attendat in eo, qui punitur, sed modum excedendo, propterea & ab invicem differunt ex parte causae ad quam attendunt. Vnde nec ferus dicitur simpliciter saevus, quia hoc sonat in vitium, sed saevus solum circa veritatem. *Secundum est*, quia cum clementia sit virtus humana, & saevitia contineatur sub bestialitate, ut dictum est; ideo non clementiae directè opponitur, sicut crudelitas, quae est malitia humana, sed magis excellentiori virtuti, scilicet heroicae, vel divinae, seu dono Spiritus sancti, quod pietas dicitur: sicut nec ei directè opponitur remissio in puniendo, utpote quae vitium non est, nisi prout praetermittitur ordo iustitiae, quem saevitia non attendit.

710 *Quaest. CLX. Artic. I. & II.*
IN QVÆSTIONEM CLX.

De modestia.

ARTI-
CVLVS
P R I
MVS.

Vtrum modestia sit pars temperantia.
R. Affirmativè, ita quod adjungatur
virtuti temperantiæ, sicut secundaria prin-
cipali, esto quod nominetur ab eo, quod ge-
neraliter competit omni virtuti. *Primum*
est, quia cum temperantia moderationem
adhibeat in his, in quibus difficillimum
est moderari, scilicet in concupiscentiis de-
lectationum tactus; & ubi est virtus aliqua
specialiter circa aliquod maximum, opor-
teat esse aliam virtutem circa ea quæ me-
diocriter se habent, ut in omnibus vita
hominis sit secundum virtutem regulata;
ideò & temperantiæ necesse est adjungi
aliam virtutem moderativam in aliis me-
diocribus, quæ quidem est, & dicitur mo-
destia, habens cum temperantia eandem
materiam; sed hæc circa passionem vehe-
mentem, & modestia circa mediocres. Vnde
cum dicit Scriptura, debere servum Dei
esse mansuetum ad omnes, cum modestia
corripientem, non nisi latè accipitur ibi
modestia, prout requiritur in omnibus vir-
tutibus. *Secundum est*, quia cum nihil prohi-
beat, nomen commune quandoque appro-
priari his, quæ sunt intima, sicut nomen
commune Angelorum appropriatur inti-
mo ordini; ideò & potest modus, qui com-
muniter observatur in qualibet virtute,
appropriari specialiter huic, quæ in mini-
mis modum ponit.

Art. 2. *Vtrum modestia sit nedum circa exterior-
es actiones, sed & interiores motus. R. Affir-
mativè*, ita quod modestiæ relinquuntur
moderanda & quæ pertinent ad corporales.

motus, & exteriorem apparatus; & insuper animi motus ad aliquam excellentiam, & desiderium eorum quæ pertinent ad cognitionem; sed per diversas virtutes, quæ sub modestia comprehenduntur. *Primum est*, quia cum non solum circa exteriores actus, sed etiam circa interiores oportet observare modum, à quo modestia dicitur, ideo & est modestia non solum circa ea quæ pertinent ad corporales motus & actiones, ut scilicet decenter, & honestè fiant, sive seriò, sive joco agantur; & quæ pertinent ad apparatus exteriorem, ut in vestibus, &c. sed & circa animi motus ad excellentiam, & circa desiderium eorum quæ spectant ad cognitionem. Vnde quod ait Paulus, modestiam debere notam esse omnibus, non tollit, quin etiam sit circa interiora, præsertim cum etiam interiorum moderatio possit per signa exteriora manifestari. *Secundum est*, quia motum ad excellentiam moderatur humilitas, desiderium autem cognoscendi moderatur studiositas: circa ludum autem ponit Arist. eutrapeliam, & ad alia ponit Andronicus mansuetudinem, simplicitatem, &c. Quæ tamen omnia comprehenduntur sub nomine modestiæ, ut à Tullio sumitur. Vnde nihil prohibet, modestiam esse circa ea, quæ requirunt diversas virtutes, quandoquidem sub modestia diversæ continentur virtutes.

Ad Phil.
lipp. 4.

IN QVÆSTIONEM CLXI.

De speciebus modestiæ: & primo
de humilitate.

ARTI-
CVLVS
PRI-
MVS.

Vtrum humilitas sit virtus. R. Affirmative, non quòd omnis humilitas, sive

1.2.q.60.
art.4.

quæ provenit à principio extrinseco, sive etiam ab intrinseco, virtus sit; sed ita quod ea sit virtus, quæ ab interiori motu refrenat animum, ne tendat immoderatè in excelsa. *Primum est*, quia cum circa motus appetitivos, qui se habent per modum impulsione, oporteat, ut dictum est, esse virtutem, quæ eos moderetur, sicut & circa illos qui se habent per modum retractio- nis, oportet ex parte appetitus esse virtu- tem & firmantem, & impellentem; ideo & debet circa appetitum boni ardui, quod quidem ut bonum attrahit, & ut arduum retrahit, hanc duplicem poni virtutem, ma- gnanimitatis quidè ut animum firmet con- tra desperationem, & impellat ad prose- quutionem magnorum secundum rationem rectam; sed etiam virtutem humilitatis, refrenantem scilicet, ne immoderatè ten- damus in excelsa, & quidem secundum in- teriorem animæ motum, cum humilitas se- cundum signa tantum exteriora sit falsa. Vnde nec opponitur humilitas magnanimitati, cum reprimat humilitas appetitum, ne tendat in magna præter rationem, im- pellat autem magnanimitas ad magna se- cundum rationem: nec quanvis Deo non competat, nisi secundum naturam assum- ptam, cessat propterea esse dispositio per- fecti, seu perfectorum; cum perfectio se- cundum quid, ut est homo virtuosus, ut- pote cujus perfectio comparative ad Deum est diminuta, adhuc convenire possit hu- militas, quæ tamen non connumeratur à Philos. inter virtutes morales, eo quod ibi enumeret virtutes ut ordinantur ad vitam civilem, cum tamen humilitas, ut est spe-

cialis virtus, respiciat subjectionē hominis ad Deum. *Secundum est*, quia humilitas, si fit ex principio extrinseco, ut cū quis ab alio deicitur, est potius pœna, juxta illud, *Humiliauerunt in compedibus pedes ejus*: *Psal. 104.* si autem à principio intrinseco, sicut potest benè fieri, ut accidit cū quis considerans suum defectum tenet se in infimis secundum suum modum; sic & potest fieri malè, ut cū homo honorem suum non intelligens, comparat se jumentis, &c. unde non est hoc modo virtus.

Vtrum humilitas consistat circa appetitum. *ART. 2.*
R. Affirmativè, non quod non pertineat ad humilitatem cognitio proprii defectus, sed ita quod circa appetitum consistat humilitas essentialiter. *Ratio utriusque partis est*, quia cū ad humilitatem propriè pertineat, ut quis suum reprimat appetitū, ne in ea feratur, quæ sunt supra se; ideo pertinet quidem ad humilitatem cognitio proprii defectus, sicut regula quædam directiva appetitus, utpote cū ad hoc debeat cognoscere, in quo scilicet deficit à proportionē ejus, quod suam excedit virtutem; sed tamen circa ipsum appetitum consistit essentialiter, adeo ut propriè sit directiva & moderativa motus appetitus, esto quod secundariò consistat in exterioribus, prout scilicet reprimat, ut ait Andronicus, superabundantiam in exterioribus sumptibus, quæ ad quandam jactantiam spectat. Vnde extollentia oculorum est quidem quoddam signum superbiæ, sed ut excludit reverentiam, & timorem; sicque non inde sequitur, ut humilitas ei contraria, in cognitione, cui inserviunt oculi, essentialiter

consistat; sicut nec quod eadem sit cum magnanimitate, quæ firmat animum contra difficultates, quæ accidunt in prosecutione magnorum, quanvis eadem sit virtus, quæ refrenat superfluum motum appetitus, & firmat animum contra superfluam retractionem, utpote cum alia adhuc sit utriusque ratio, quatenus scilicet ratio firmandi animum contra desperationem per magnanimitatem est adeptio proprii boni, cum tamen in reprimendo præsumptionem spei per humilitatem, sumatur præcipue ratio ex reverentia ad Deum, respectu cuius importat præcipue humilitas subjectionem. Cum quo tamen stat, quod qui non ex confidentia suarum virtutum, sed divini auxilii in majora tendit, non propterea faciat contra humilitatem; aliud enim est, ait Aug. se ad Deum levare, aliud se elevare contra Deum.

Lib. de
pæn. c. 1.

ART. 3.

Vtrum homo debeat se omnibus per humilitatem subicere. R. Affirmative, in hoc scilicet sensu, quod id quod suum est, debeat cuilibet subicere quantum ad id quod est Dei in illo, non autem quod vel id quod est Dei in ipso, subjiciat ei quod apparet esse Dei in altero; vel etiam ut id quod suum est, subjiciat ei quod est hominis in proximo. *Primum est*, quia cum humilitas proprie respiciat reverentiam, quâ homo Deo subicitur, & hominis sit quidquid pertinet ad defectum in homine, Dei verò quidquid pertinet ad salutem & perfectionem, juxta illud, *Perditio tua ex te*, &c. ideo & quilibet homo secundum id quod suum est, debet se cuilibet subicere, quantum ad id quod est Dei in ipso, in quo qui-

Osee 13.

semper collocatur humilitas in parte veritatis, præferendo scilicet id quod est Dei in proximo, ei quod est proprium in nobis. Cum quo tamen stat, quod homo per humilitatem se homini subijciendo, non propterea exhibeat homini quod debetur Deo; quandoquidem alia est reverentia quâ Deum veneramur, alia quâ homini nos subijcimus propter Deum, venerantes Deum in homine: tum etiam, quia humilitas, ut ceteræ virtutes, præcipue interius in anima consistit, possit etiam secundum interiorem actum animæ se alteri subijcere, absque eo quod occasionem habeat alicujus, quod sit in detrimentum suæ salutis; & quidem quanvis ex eo occasionem sumat peccandi, utpote cum non sit tunc scandalum datum, cum faciat quod debet; sed sumptum. *Secundum est*, quia licet possit humilis reputare aliquid boni esse in proximo, quod in se non habet, & aliquid mali esse in se, quod non sit in proximo; non tamen requirit humilitas, ut quis quod est suum in seipso, subijciat ei, quod est hominis in proximo; quia oporteret tunc, ut quilibet se existimaret magis peccatorem quolibet alio; cum tamen dicat Paul. Nos. Ad Gal. naturâ Iudæi, & non ex gentibus peccato-
res: sed nec requirit, ut aliquis id quod est Dei in ipso, subijciat ei, quod apparet esse Dei in altero; cum Dei dona participant, ea cognoscant se habere, juxta illud, ut sciamus quæ à Deo donata sunt nobis; & sic possint absque præjudicio humilitatis dona quæ ipsi acceperunt, præferre donis Dei, quæ aliis apparent collata.

Utrum humilitas sit pars modestia, vel ART. 4.

716 *Quest. CLXI. Art. V.*

temperantia. R. Affirmativè, ita ut habeat humilitas similitudinem, quæ in assignando partes virtutibus attendi solet, esto quod à divina causetur reverentia, vel in alio sit subiecto, quàm temperantia. *Primum est*, quia cùm omnes virtutes refrenantes impetus aliquarum affectionum, vel actiones moderantes, quia in assignando partes virtutibus principalibus attenditur præcipuè similitudo quantum ad modum virtutis, ut dictum est, qui quidem modus in temperantia est moderatio impetus alicujus passionis; ideo cùm humilitas moderetur & reprimat motum spei in magna tendentis, sicut & mansuetudo motum iræ, habet propterea similitudinem, sicut & mansuetudo, unde dicatur pars temperantiæ, & quidem contenta sub modestia, in quantum scilicet nihil est aliud, quàm quædam moderatio spiritus. *Secundum est*, quia cùm virtutes theologicæ sint causæ omnium aliarum virtutum, ideo quod causetur humilitas ex Dei reverentia, non propterea tollit, quin pars sit temperantiæ, vel modestiæ; sed neque illud tollitur, eo quod in alio sit subiecto, putà in irascibili, utpote cùm non ponatur pars propter materiam, sed propter modum: unde etiam fit, quod non sint magnanimitas, & humilitas; quæ in materia conveniunt, ejusdem virtutis partes, eo quod in modo differant.

ART. 5. *Vtrum humilitas sit potissima virtutum.*

R. Negativè, non quod non potior sit omnibus ferè moralibus, sed ita quod postponi debeat virtutibus theologicis, tum etiam intellectualibus, quæ rationem respiciunt, & legali justitiæ. *Ratio utriusque partis est*,

quia cum bonum humanæ virtutis in ordine rationis consistat, qui quidem principaliter attenditur respectu finis, tum secundario prout secundum rationem finis ordinantur ea quæ sunt ad finem ; ita tamen quod hæc ordinatio sit essentialiter in ipsa ratione ordinante, participativè autem in appetitu per rationem ordinato, sed taliter quod hanc ordinationem facit justitia, præsertim legalis ; ideò est quidem humilitas potior cæteris virtutibus, quatenus scilicet facit hæc hominem huic ordinationi esse subjectum quantum ad omnia, aliæ autem solum quoad materiam specialem ; est tamen postponenda & theologicis, necnon & aliis virtutibus intellectualibus, atque justitiæ, quanvis dicat Chrysost. de Phariseo & publicano, Si mista delictis humilitas tam facilè currit, ut justitiam superbiæ conjunctam transeat, &c. utpote cum justitia superbiæ conjuncta desinat esse virtus. Vnde humilitati quidem promittitur spiritualis exaltatio, non quòd sola eam mereatur, in quo casu esset potissima ; sed quia ejus est proprium contemnere sublimitatem terrenam : sicut nec ideò Christus eam præcipuè commendavit, quasi potissimam, cum potiores sint virtutes, quibus homo directè movetur in Deum ; sed quia per eam maximè removetur impedimentum humanæ salutis, quæ sita est in hoc, quod homo ad cœlestia, & spiritualia tendat, à quo quidem impeditur, dum in terrenis magnificari studet. Cum quo tamen stat, quod si primum in acquisitione virtutum accipiatur per modum removentis prohibens, sic teneat humilitas primum

Luc. 14.
Matt. 23.

locum, & ita vocetur fundamentum spiritualis ædificii, quatenus expellit superbiam, cui Deus resistit; non tamen si dicatur primum id per quod directè ad Deum acceditur; sic enim fides ex Apost. habet esse prima.

- ART. 6.** *Vtrum convenienter distinguantur secundum B. Benedictum duodecim gradus humilitatis. R. Affirmativè; si tamen assignentur humilitatis gradus, non per comparisonem ad gradus hominum, sive diversas hominum conditiones; sed ex parte naturæ humilitatis, sive quantum ad id in quo essentialiter consistit, sive quantum ad cognitionem, qua regulatur, sive quantum ad principium, seu radicem utriusque. Quia cum humilitas essentialiter consistat in appetitu, ut refrenat impetum animi, ne inordinatè tendat in magna; in quo quidem à cognitione regulatur, ut scilicet non se existimet supra id quod est; & utriusque radix sit reverentia ad Deum habita: ideo enumerando gradus per respectum ad illa tria, poni debet aliquid pertinens ad humilitatis radicem, scilicet ut Deum timeat, & memor sit omnium quæ præcipit, quod spectat ad gradum duodecimum; tum aliquid pertinens ad appetitum, primò, ut homo non sequatur suam voluntatem; secundò, ut eam regulet secundum superioris arbitrium; tertio, ne ab hoc desinat propter dura & aspera, quæ quidem tria ordinatim à duodecimo ad nonum pertinent gradum: tum etiam poni debent & aliqua pertinentia ad estimationem hominis recognoscentis suum defectum: 1. ut eum recognoscat, & confiteatur: 2. ut ex eius*

consideratione se existimet indignum ad
 majora : 3. ut quantum ad hoc alios sibi
 præferat, quæ tria à nono ad sextum po-
 nuntur: tum denique quia ex interiori dis-
 positione humilitatis procedunt quædam
 exteriora signa in verbis, factis & gestibus;
 ideò & ponuntur in factis, ut homo non
 recedat in illis à via communi, quod perti-
 net ad quintum gradum; tum alia duo in
 verbis, ut scilicet non præripiat homo tem-
 pus loquendi, quod spectat ad quartum,
 nec excedat modum loquendi, quod spe-
 ctat ad secundum; tandem alia duo in ex-
 terioribus gestibus, putà in reprimendo
 extollentiam oculorum, quod pertinet ad
 primum; & in cohibendo exterius risum,
 & alia ineptæ lætitiæ signa, quod tertium
 constituit gradum. Qui tamen gradus, ad
 quos reducuntur hi quos ponit Anselmus,
 scilicet contemptibilem se cognoscere, qui-
 que humilitati adscribuntur, licet ad alias
 pertineant virtutes; quia ut unum vitium
 ex alio oritur, sic & actus unius virtutis ex
 actu alterius: ita ad invicem ordinantur,
 non quidem secundum quod ad humilita-
 tem pervenitur per gratiam, quo modo in-
 teriora præcedunt exteriora; sed secundum
 quod ad hoc adhibetur humanum studium,
 juxta quod homo prius exteriora cohibet,
 ut hîc exponitur. *Secundum est*, quia per
 comparisonem ad gradus hominum, qui
 quidem sunt vel majores, vel æquales, vel
 minores, tres solum distinguuntur gradus,
 qui sunt sufficiens, scilicet subesse majori;
 abundans, respectu æqualis; & respectu
 minoris, gradus qui dicitur omnis iustitias
 imò cum secundum hominum conditiones

mensura magnitudinis non sit determinata,
nec etiam videtur determinari posse humi-
lilitatis gradus.

IN QVÆSTIONEM CLXII.

De superbia.

ARTI-
CVLVS
PRI-
MVS.

Lib 10.
Etym.
cap. 18.

V*trum superbia sit peccatum. R. Affir-
mative,* ita quod peccatum sit secun-
dum id à quo, & ad quod significandum
imponitur nomen superbiæ; esto quod
sumpta materialiter, vel etiam ut simpli-
citer nominata à superexcessu, non sit pec-
catum. *Primum est,* quia ut dicit Isid. super-
bus dictus est, quia supervult videri quàm
est, tendendo scilicet per voluntatem super
id quod est: quod quidem peccatum est,
seu adversans rationi rectæ, cum hoc ha-
beat recta ratio, ut voluntas uniuscuiusque
feratur in id, quod est proportionatum si-
bi; & quidem quanvis ibi appetatur ex-
cellentia, & consequenter divina simi-
lilitudo, utpote cum eorum quæ natura-
liter appetimus, ratio sit ordinatrix, &
ita vitiosus adhuc sit appetitus, si quis
à regula rationis recedat in plus vel mi-
nus. Vnde & habet superbia nedum virtutem,
sed etiam vitium sibi oppositum, sicut
& alia peccata; quod quidem in defectum
vergens propinquum est vitio pusillani-
mitatis, quod opponitur magnanimitati
secundum defectum: ita tamen, quod
quia importat superbia superioritatem
quandam, directius opponatur humilitati,
sicut pusillanimitas quæ importat parvita-
tem animi in magna tendentis, directius op-
ponitur magnanimitati. *Secundum est,* quia
superbia sumpta materialiter, potius no-
minat abundantiam rerum, de quibus pos-
sunt

sunt homines superbire ; prout autem simpliciter nominata à superexcessu, sic potest omne superexcedens superbia nominari, & ita repromittitur à Deo superbia quasi quidam bonorum superexcessus ; in quo etiam sensu dicit Glossa Hieron. quod superbia est bona , & mala.

Vtrum superbia sit speciale peccatum. ART. 2.

R. Affirmativè, ita quod secundum id quod habet ex ratione proprii objecti , speciale sit , esto quod generalitatem quandam habeat secundum redundantiam in alia peccata. *Primum est*, quia cum sit superbia appetitus inordinatus propriæ excellentiæ, ideo & habet speciale objectum, unde propriam speciem sumat ; quæ tamen inveniri potest in diversis materiis , cum sit amor propriæ excellentiæ , quæ in diversis rebus invenitur. Vnde nec nisi solam humilitatem corrumpit directè , esto quod prout abutitur virtute , corrumpat omnes , sumendo scilicet ex omnibus occasionem superbirendi. Nec quod ait Aug. sine superbiæ appellatione nullum esse peccatum , intelligendum venit quantum ad actum interiore, qui est contemptus præcepti ; sed solum quantum ad exteriorem, qui est transgressio ; quæ quidem transgressio secundum effectum, ut ignoranter occidere patrem, est quidem superbire contra Deum secundum effectum , non tamen secundum affectum. *Secundum est* , quia loquendo de generalitate secundum redundantiam, quanvis non omnia vitia semper oriantur ex superbia, cum non semper ex contemptu præcepta transgrediamur , possunt tamen omnia oriri, & quidem tum per se, in quantum om-

722 *Quaest. CLXII. Artic. III.*

nia alia ordinantur ad finem superbiæ, qui est propria excellentia; tum indirectè, & per accidens, removendo prohibens, utpote cum superbus contemnat divinam legem, quâ prohibetur à peccando.

ART. 3. *Vtrum superbia sit in irascibili, sicut in subjecto. R. Affirmativè,* ita tamen quod ibi irascibilis non tantum propriè sumatur prout est pars appetitus sensitivi, sed etiam communius, prout in appetitu invenitur intellectivo. *Ratio utriusque partis est,* quia cum subjectum virtutis, vel vitii oporteat inquirere ex proprio objecto, quandoquidem non potest esse objectum aliquod actus vel habitus, nisi quod est objectum potentiae, quæ utrique subjicitur; ideò cum proprium objectum superbiæ sit arduum, debet propterea superbia ad potentiam irascibilem pertinere; sed quia arduum non solum invenitur in sensibilibus rebus, sed etiam in spiritualibus, ideò fit quod quavis propriè subiectetur in irascibili propriè dicto, seu sensitivo; largè tamen etiam inveniatur in irascibili intellectivo minùs propriè dicto, eo quòd sub hac ratione distinctus non sit à potentia concupiscibili. Vnde cognitionem quidem affectivam veritatis directè impedit superbia: at speculativam, quæ ad vim solum rationalem spectat, non nisi indirectè, causam scilicet subtrahendo, quatenus superbus neque Deo intellectum subjicit, ut ab eo veritatis cognitionem percipiat, neque ab hominibus addiscere dignatur. Sed nec ex hoc quod quis ex consideratione defectus alterius inducatur ad superbiam, sequitur esse superbiam in ratione, sed solum quod

aliqua ejus causa sit in ratione. Cum quo-
tamen stat, quod quia amor ex Aug. causat
omnes alias animi passiones, proindeque
& potest poni pro qualibet; ideo & hoc
modo superbia dicitur esse amor propriæ
excellentiæ, in quantum scilicet ex amore
causatur inordinata præsumptio alios su-
perandi.

Lib. 14.
de Civit.
cap. 7.

Virum convenienter assignentur à Greg. ART. 4.
*quatuor superbia species, scilicet existimare
bonum à seipso habere, sibi datum de super
credere pro suis accepisse meritis, iactare se
habere quod non habent, & despectu ceteris
singulariter velle videri habere quod ha-
bent. Et. Affirmativè, ita quod ex eo quod
est superbia immoderatus appetitus ex-
cellentiæ, quæ consequitur bonum habi-
tum, in præfatas convenienter, atque suffi-
cienter distinguatur species; quanvis non
ita, quin plures adhuc distingui possint su-
perbiæ gradus. Primum est, quia cum bo-
num illud habitum quod consequitur ex-
cellentia, possit considerari vel secundum
se, quo quidem modo quo majus est bo-
num habitum, eo majorem consequimur
excellentiā, ac proinde & tendimus per
appetitum in excellentiam propriam ultra
modum nobis convenientem (quod perti-
net ad tertiam speciem,) dum nobis attri-
buimus majus bonum quàm habeamus, vel
secundò considerari possit ex parte causæ,
prout excellentius est, ut bonum insit ali-
cui à seipso quàm ab alio, juxta quem mo-
dum cum causa sui boni possit aliquis esse
vel efficienter, vel meritorie, sumuntur duæ
primæ superbiæ species, dum scilicet æsti-
mat quis non quidem bonum aliquod esse*

724 *Quaest. CLXII. Artic. V.*

in universali, quod non sit efficienter à Deo, & gratiam pro meritis hominibus dari, id enim pertineret ad infidelitatis speciem; sed dum hoc, vel illud bonum, quod ab alio habet, sic aestimat in particulari, ac si haberet à seipso, & ex propriis meritis: vel tertio considerari possit bonum illud habitum ex parte modi habendi, prout excellentior aliquis redditur ex hoc, quod bonum excellentius aliis possidet; unde consequenter constituitur quarta superbiae species, quæ est cum aliquis despectis cæteris, singulariter vult videri: consequenter fit, quod in præfatas quatuor species distinguatur superbia convenienter, necnon sufficienter, cum ad ingratitudinem, quæ spectat ad superbiam, ex Hieron. pertineant duæ primæ species; & præsumptuosè tendere in id quod supra se est, ad quartam, secundum quam vult aliquis aliis præferri. *Secundum est*, quia loquendo de superbia secundum progressum peccati, potest distinguere superbia, ut etiam distinguit Anselmus, alia in corde, alia in ore, alia in opere; eandem verò considerando per oppositum ad duodecim gradus humilitatis, possunt in ea distinguere duodecim gradus, qui sunt ex Bern. curiositas mentis, lenitas, inepta lætitia, jactantia, non quoad exteriorem actum, sub qua ratione ponitur species mendacii, sed quantum ad interiorem: tum singularitas, arrogantia, præsumptio, defensio peccatorum, simulata confessio, rebellio, libertas, & peccandi consuetudo.

ART. 5. *Virum superbia sit peccatum mortale.*
R. Affirmativè, non quod non dentur aliqui superbiae motus solum veniales, sed

ita quod ex genere suo mortalis sit. *Primum est*, quia cum superbia, quæ humilitati opponitur, respiciat directè defectum subjectionis ad Deum, quam propriè respicit humilitas, quatenus scilicet se extollit superbus supra id quod est sibi præfixum ex divina regula vel mensura; idè cum genus illud peccati mortale sit, utpote quod est averti à Deo, est etiam superbia secundum genus suum mortale peccatum, contrarians dilectioni Dei, prout non subicit se superbus divinæ regulæ, ut oportet; & quandoque dilectioni proximi, ut ei se inordinatè præfert. Vnde & eam vocat Greg. evidentissimum reproborum signum. Ita tamen quod cum superbia non sit ex se universale peccatum; sed per quandam redundantiam, non propterea omnia alia peccata, etiam mortalia sint, sed solum quando oriuntur ex superbia completa: necnon & oriri possit superbia ex virtutibus, non quidem ut est causa per se, sed per accidens, prout scilicet quis ex virtutibus occasionem sumit superbiæ. Nil enim prohibet esse unum contrarium causam alterius per accidens. *Secundum est*, quia sicut in aliis peccatis, quæ ex genere suo mortalia sunt, sunt aliqui motus, qui sunt peccata venialia propter eorum imperfectionem, seu quia præveniunt iudicium rationis, aut consensum, nihil etiam prohibet idem accidere in superbia.

Lib. 14.
Mor.
cap. 22.

Utrum superbia sit gravissimum peccatum ex genere suo. R. Affirmativè, non quidem ex parte conversionis ad bonum commutabile; sed ex parte aversionis à Deo. *Primum est*, quia cum id quod est per se,

ART. 6.

fit potius eo, quod est quasi consequenter, & per aliud; & aversio à Deo, quæ quidem est formalis & completiva ratio peccati, se habeat quasi consequenter & propter aliud in aliis peccatis, utpote in quibus homo avertitur à Dei præceptis vel ob ignorantiam, vel ob infirmitatem, vel desiderium cujuscumque boni; cum tamen per se pertineat ad superbiam, cujus quidem actus est Dei contemptus: quo fit ut etiam Deus specialiter resistat superbis, & ut ait Boët. sola superbia se Deo opponat, alia autem vitia fugiunt à Deo; ideo fit, quod superbia sit ex suo genere gravissimum peccatorum, & quidem quanvis difficillimè caveatur, utpote quæ etiam bonis operibus insidiatur ut pereant, ut ait Aug. Cum enim non ita difficilè vitetur propter vehementiam impugnationis, in quo casu minueretur gravitas, sed potius propter latentiam, quia etiam ex ipsis bonis occasionem sumit, nec etiam est propterea minùs gravis. Cum quo tamen stat, quod Deus aliquando ad convincendam hominum superbiam puniat aliquos, permittendo eos ruere in peccata carnalia, non quòd sint majora, sed quia manifestiorem continent turpitudinem, ut per ea humiliati à confusione consurgant, & à superbia sanentur; ex quo etiam patet ipsius superbiæ gravitas. *Secundum est*, quia cum celsitudo, ad quam superbus inordinate convertitur, non habeat ex se repugnantiam maximam ad bonum virtutis, ideo nec est superbia ex parte conversionis maximum peccatorum, sicut nec est humilitas cui opponitur, virtutum maxima; oppositio namque vitii

Quaest. CLXII. Art. VII. & VIII. 727

ad virtutem attenditur secundum obiectum, quod quidem consideratur ex parte conversionis.

Vtrum superbia sit primum omnium peccatorum. R. *Affirmativè*, non quòd peccatū quodlibet singulariter ex superbia oriatur, sed quia quodlibet peccati genus natum est ex superbia oriri. *Primum est*, quia cū illud quod est per se, sit primum in quolibet genere; & aversio à Deo, quæ formaliter complet rationem peccati, pertineat ad superbiam per se, ad alia autem peccata ex consequenti; idèò & habet rationem primi, & nata est esse principium omnium peccatorum, & quidem quanvis humilitas non sit prima virtutum, utpote cū non oporteat eundem esse ordinem vitiorum & virtutum, quandoquidem est fides prima virtus, & è contra infidelitas ultimum peccatum. Vnde nec dicitur apostatare esse superbiæ humanæ initium, quasi aliud peccatum à superbia existens; sed quia est prima superbiæ pars. Nec ponit Arist. superbiam circa fictionem fortitudinis, quæ quidem fictio posterior est ad veritatem, quasi solū in hoc consistat; sed quia per hoc maximè reputat, se posse excellentiam consequi. *Secundum est*, quia ut ait Aug. multa perperam fiunt, quæ non fiunt superbe; & insuper ante superbiam sunt aliqua peccata leviora, quæ etiam ex ignorantia, vel ex infirmitate committuntur, adeò ut non nisi inter peccata graviora sit superbia primum, sicut causa per quam alia peccata aggravantur.

Vtrum superbia debeat poni vitium capitale. R. non tam dici debere capitale vi-

ART. 7.

ART. 8.

728 *Quest. CLXIII. Art. I.*

tium, quam matrem & reginam omnium vitiorum; sitamen consideretur non secundum se, sed secundum quod habet quandam universalem influentiam in alia. *Ratio utriusque partis est*, quia cum capitalia vitia sint quædam specialia peccata, ex quibus multa peccatorum genera oriuntur; ideo consideratâ superbiâ secundum se, & ut speciale peccatum, ut ipsam considerarunt Isidorus, & Cassianus, poni quidem potest inter capitalia vitia; sed quia potest considerari secundum quandam universalem influentiam in omnia vitia, ut dictum est, & quidem etiam in inanem gloriam, cum qua idem non est, sed magis causa ejus, utpote cum superbia excellentiam inordinate appetat, & inanis gloria appetat excellentiæ manifestationem; ideo eam ita

Artic. 2. hujus q. considerans Gregor. reginam potius, & matrem omnium vitiorum appellavit, seu aliquid principalius & invidiâ, & aliis capitalibus vitiis.

IN QVÆSTIONEM CLXIII.

De peccato primi hominis.

ARTI-
CVLVS
PRI-
MVS.

Vtrum primi hominis peccatum fuerit *superbia. R. Affirmativè*, ita quod in hoc fuerit primum peccatû hominis, quod quoddam appetierit spirituale bonum supra suam mensuram, esto quod etiam gula in peccato parentum habuerit locum. *Primum est*, quia cum ibi fuerit primum peccatum hominis, ubi potuit esse primus inordinati finis appetitus, utpote quia inter motus concurrentes ad peccatum ille habet rationem primi peccati, in quo prius inordinatio invenitur, quæ quidem prius est in motu interiori animæ, inter quos

motus prius movetur appetitus in finem, quàm ad ea, quæ sunt ad finem ; ideò cum prior ille inordinatus appetitus finis non potuerit esse in statu innocentia, ex eo quod appetierit homo aliquod sensibile bonum, quia ibi nulla erat rebellio carnis ad spiritum ; sed tantùm quia spirituale bonum, qualis est propria excellentia, inordinatè appetiit, quod non fuisset si appetiisset secundùm mensuram à divina regula præstitutam ; propterea & in hoc, quod quidem pertinet ad superbiam, primò peccavit. Vnde & inobedientia in primò homine fuit causata à superbia, cum non fuerit per se volita, nec potuerit inobedire nisi præsupposità inordinatione voluntatis ; & appetitus scientia causatus fuit in primis parentibus ex inordinato appetitu excellentia ; & ideò prius dixit serpens, *Eritis sicut dii* ; postea, *Scientes, &c.* Sed nec verbis serpentis credidisset mulier, ut ait Aug. à bona atque utili re se fuisse prohibitos, nisi jam fuisset in mente amor propriæ potestatis, & quædam de se inordinata præsumptio ; non ita quod præcesserit superbia suasionem serpentis, sed quia statim est subsequuta, ex qua propterea factum est, ut crediderit verum esse, quod dæmon dicebat. *Secundum est*, quia cum dicat Scriptura, quod vidit mulier quod lignum esset bonum ad vescendum, & pulchrum oculis, & tulit de fructu ejus, &c. ideò etiam gula locum habuit in peccato primorum parentum, juxta quod dicit Ambr. quod eo ordine diabolus Christum tentavit, dicendo scilicet, *Dic ut lapides isti panes fiant*, quo primum hominem devicit ; ita tamen

730 *Quest. CLXIII. Artic. II.*

quod non ipsa cibi pulchritudo fuerit primum motivum, sed potius suasio serpentis, qui dixit : *Eritis sicut dii.* Vnde & prior fuit superbia , quam gula.

ART. 2. *Vtrum superbia primi hominis fuerit in hoc, quod divinam appetierit similitudinem.*
R. Affirmativè, si tamen sermo sit de similitudine imitationis , non de similitudine æquiparantiæ. *Primum est*, quia cùm bonum creaturæ sit participata similitudo primi boni, proindeque ex hoc quod appetiit homo aliquod bonum spirituale supra suam mensuram, hoc ipso appetierit divinam similitudinem inordinatè participare, & imitari ; ideò cùm huiusmodi fuerit superbia primi hominis appetentis bonum spirituale supra suam mensuram, ut scilicet per virtutem propriæ naturæ determinaret sibi quid esset bonum, & quid malum ad agendum, vel etiam ut per seipsum præcognosceret quid esset boni , aut mali sibi futurum ; in hoc propterea fuit superbia primi hominis , quod divinam appetiit similitudinem per imitationem , non tamen quoad esse naturæ, utpote quæ similitudo fuit homini, & Angelo impressa à creationis principio, sed principaliter quantum ad scientiam boni & mali : cujus quidem scientiæ appetitus licèt sit homini connaturalis, est nihilominus peccatum , si sit supra mensuram appetentis : tum secundariò quantum ad potestatem propriam operandi , quam quidem potestatem nec Angelus, nec homo actu accepit, quia utrique aliquid restabat agendum, quo ad beatitudinem perveniret. *Secundum est*, quia cùm similitudo æquiparantia ad Deum non cadat in apprehensione,

Quest. CLXIII. Art. III. & IV. 731

præcipuè sapientis, juxta illud, Quis similis tui in fortibus Domine? nec etiam hanc primi parentes appetierunt.

Vtrum peccatum primorum parentum fuerit cateris gravius. R. Negativè, non quòd non fuerit gravissimum secundum quid, sive secundum circumstantiam personarum peccantium; sed ita quod sint alia simpliciter, seu secundum speciem peccati graviora. Primum est, quia licèt superbia secundum genus suum quandam habeat excellentiam inter alia peccata; loquendo tamen secundum speciem, ex qua quidem fit denominatio simpliciter, major & gravior est superbia, quàm quis Deum negat, vel blasphemat, quàm superbia, quàm quis inordinate divinam appetit similitudinem; sicque sunt alia simpliciter graviora peccata peccato primi parentis, & quidem quanvis habeat rationem primi, sitque gravissimè punitum, urpote cùm in his solùm, quæ sunt per se ordinata, oporteat primum esse maximum; qui ramen ordo non attenditur in peccatis, in quibus unum per accidens ex alio sequitur: nec magnitudo pœnæ, quæ consequuta est primum peccatum, non correspondeat ei secundum quantitatem propriæ speciei, sed in quantum fuit primum, ex quo subtracta est innocentia, unde deordinata est tota natura. Secundum est, quia propter perfectionem status, unde pensatur circumstantia seu conditio peccantis, maximam habuit peccatum parentum gravitatem, juxta illud Aug. Magna fuit in peccando iniquitas, ubi tanta fuit in non peccando facilitas.

ART. 3.

14 de civ.
vit. Dei,
cap. 15.

Vtrum peccatum Ada fuerit gravius, quàm ART. 4.

peccatum Evæ. R. Negativè, quin imò loquendo simpliciter, seu secundum peccati speciem, fuit peccatum Evæ gravius, est quod gravius fuerit peccatum Adam secundum quid, seu ex conditione personæ. *Primum est*, quia quantum ad speciem superbix, & major elatio fuit in muliere, quæ quidem credidit verum esse quod serpens suasis, scilicet quod Deus prohibuerit ligni esum, ne ad ejus similitudinem pervenirent, & ita per esum ligni Dei similitudinem contra ejus voluntatem consequi voluit; cum tamen vir non crediderit, & sic noluerit similitudinem Dei contra ejus voluntatem obtinere, sed peccaverit solum, dum eam per seipsum consequi voluit; & peccavit mulier, necnon induxit ad peccandum, & ita offendit Deum, & proximum; & ex hoc etiam diminutum est peccatum viri, quod amicabili quadam benevolentia in peccatum consensit. Vnde & gravius etiam mulier punita fuit; & quidem quanvis peccaverit seducta, utpote cujus seductio ex præcedenti elatione subsequuta est: quo fit ut non excuset talis ignorantia peccatum, sed magis aggravet, prout ignorando in majorem se crexit elationem. *Secundum est*, quia etsi quantum ad genus peccati dicatur utriusque peccatum æquale, quia utrumque superbia est; quia tamen erat vir perfectior muliere, ideo & ex conditione personæ, sive secundum quid gravius peccavit; non tamen usque ad peccatum in Spiritum sanctum, cum non cogitaverit de divina misericordia usque ad contemptum divinæ justitiæ, sed potius, ut ait Aug. in exp. pertus divinæ severitatis illud crediderit veniale, seu de facili remissibile.

Quæst. CLXIV. Artic. I. 733
IN QVÆSTIONEM CLXIV.

De pœnis peccati primi hominis.

Vtrum mors sit pœna peccati primorum
parentum. R. Affirmativè, non quòd
non sit mors naturalis propter conditionem
materiæ, sed ita quòd pœnalis sit propter
amissionem divini beneficii præservantis à
morte. *Primum est*, quia cùm carentia be-
nificii sit pœna culpæ, ubi ob culpam pri-
vatur beneficio sibi dato; & homo per pec-
catum primorum parentum fuerit privatus
beneficio, quo interiores vites subicieban-
tur rationi, & corpus animæ, ex cujus qui-
dem privatione orta est rebellio carnalis
appetitus ad rationem, & factum est ne cor-
pus totaliter subjiatur animæ, ex quo
mors, & alii corporales defectus oriuntur;
ideò sicut rebellio carnalis appetitus ad
spiritum est pœna peccati primorum pa-
rentum, ita & mors, & omnes corporales
defectus; & quidem taliter, quòd quia pri-
mi parentes fuerunt à Deo instituti ut quæ-
dam principia humanæ naturæ ab eis ad po-
steros derivandæ cum dono præservationis
à morte, ideò tota natura per eorum pec-
catum tali dono destituta mortem incurre-
rit. Vnde & est mors à Deo, ut est quoddam
malum humanæ naturæ, non quidem ut de-
fectus ex culpa humana, sed ut quædam
justa pœna, quæ habet rationem boni, quæ-
que talis est, quanvis pœna, quòd quia San-
cti eâ bene utuntur, fiat ei meritoria, eo
quòd ut mali malè utuntur bonis, ita & bo-
ni benè utantur malis. Cum quo tamen
stat, quòd quia defectus peccatum conse-
quens tunc solum debet esse æqualis in his
ad quos æqualiter pertinet peccatum, ubi

ARTI-
CVLVS
PRI-
MVS

consequitur per modum pœnæ taxatæ à iudice; non autem ubi consequitur per accidens, ut patet dum quis suâ culpâ extæcatus cadit in via; ideo quia huiusmodi sunt mors, & aliæ corporeæ pœnalitates ex peccato primorum parentum natæ, quandoquidem pœna taxata primo peccato fuit subtractio beneficii, quo restitudo, & integritas humanæ vitæ conservabatur, quam quidem subtractionem sequitur mors quasi per accidens, hinc etiam alii citius, alii gravius moriantur. *Secundum est*, quia cum naturale dicatur, quod ex principiis naturæ causatur; & materia hominis, quod est unum ex principiis, sit corpus tale, quod est ex contrariis compositum, ad quod sequitur ex necessitate corruptibilitas; ideo & est mors ex conditione materiæ homini naturalis, proindeque non nisi propter amissionem doni præservantis à morte pœnalis; & quidem pœnâ afflictivâ sensus, si accipiat non pro privatione vitæ, & pro instanti, quo quis privatur vitâ, cum sit potius tunc privatio sensus, & solum pœna damni; sed cum alteratione præcedenti.

ART. 2. *Vtrum convenienter particulares pœnæ primorum parentum determinantur in Scriptura. R. Affirmativè*, ita quod convenienter puniti sint, & quantum ad hoc quod eis subtractum est, quod integritatis statui cōpetebat, locus scilicet terrestris paradisi; & quantum ad hoc, quod attributa sunt eis ea quæ naturæ conveniunt beneficio integritatis destitutæ. *Primum est*, quia cum primi parentes propter suum peccatum privati sint beneficio, quo naturæ integritas conservabatur; ideo & meritò privati sunt

loco, qui naturæ integræ erat conveniens, & ne illuc redirent, positus est Angelus custos, & quidem Cherubim cum gladio igneo, quatenus scilicet paradisi locus videtur esse inaccessibilis propter vehementiam æstus ex propinquitate solis, quod significatur per gladium igneum, qui quidem sic dicitur propter proprietatem motus circularis hujusmodi æstum causantis; & ministerio Angelorum disponitur motus corporalis creaturæ, unde & dicitur adungi Cherubim: ita tamen, quod adhuc convenienter servetur locus ille, quanvis non amplius serviat homini ad usum, utpote qui adhuc servit ad documentum, dum cognoscit propter peccatum talem amisisse locum. *Secundum est*, quia quantum ad ea, quæ naturæ conveniunt beneficio integritatis destitutæ, puniti sunt & quantum ad corpus, & quantum ad animam; mulier quidem quantum ad corpus, quo viro conjungitur, tum ratione prolis, in ferenda scilicet & parturienda prole cum dolore, quod quidem non habuisset in statu innocentiae, in quo, ut ait Aug. non doloris gemitus ad parturiendum, sed maturitatis impulsus, foeminea viscera relaxaret; sicut ad concipiendum non libidinis appetitus, sed voluntarius usus naturam utriusque conjungeret: ex quo etiam fit, quod multitudo conceptuum inducatur in pœnam mulieris, non propter procreationem prolis, sed propter multitudinem afflictionum, quas mulier patitur, quæque omnibus aliququaliter conveniunt, quandoquidem si quæ mulier non concipit, neque parit, patitur sterilitatis defectum, qui etiam præponderat

prædictis pœnis : tum insuper ratione conversationis, quatenus scilicet facta est mulier subiecta viro, non quidem quantum ad regimen, quod etiam fuisset ibi, sicut & ibi germinasset terra spinas & tribulos in cibos animalium, non in pœnam hominum; sed quia nunc mulier contra propriam voluntatem necessario debet viro parère. Similiter & viro cui competit providere necessariis, imposita fuit pœna quantum ad corpus per terræ sterilitatem, laboris anxietatem, & per impedimenta, quæ ex terra nascuntur, quæque etiam agriculturam non exercentes affligunt, utpote qui in aliis laboribus occupantur : sicut & utrique ex parte animæ confusio ob rebellionem carnis ad spiritum, tum increpatio propriæ culpæ; ita tamen quod verba illa, *Ecce Adam quasi unus ex nobis, &c.* non tam sint primis parentibus insultantis, quàm cæteros, ne ita superbiant, deterrentis : tum denique commemoratio futuræ mortis, tunicis etiam pelliceis designatæ : quæ quidem tunica, sive vestitus, cum necessarius sit in hac vita, & propter nocumentum extrinsecè illatum, & ad tegendam turpitudinem propter rebellionem carnis ad spiritum; quæ duo non fuissent in statu innocentiae; ideo & post peccatum convenienter factæ sunt eis tunica, sicut & convenienter dicitur, quod aperti sunt eorum oculi, non quod essent clausi, sed quia intellexerunt aliquid, quod prius non intelligebant, scilicet ad invicem concupiscendum.

Quest. CLXV. Art. I. & II. 737
IN QVÆSTIONEM CLXV.

De tentatione primorum parentum.

Vtrum fuerit conveniens, ut homo tentaretur à diabolo. *R. Affirmativè*, ita quod conditioni humanæ naturæ cōgruum fuerit, ut Deus hominem in statu innocentiae & tentari permetteret per angelos malos, & juvari eum faceret per bonos. *Ratio utriusque partis est*, quia cū dicatur divina sapientia disposuisse omnia suaviter, prout attribuit singulis quæ eis competunt secundū suam naturam; & humanæ naturæ conveniat, ut ab aliis creaturis juvari, & impediri possit, ad differentiam angelicæ, quæ quidem non habet naturam supersc, in qua esset malum culpæ; ideò & ei congruum fuit, ut Deus hominem in statu innocentiae tentari permetteret per malos angelos, sicut & juvari per bonos; & hoc maximè, quia homo in eo statu poterat absque omni difficultate tentationi resistere (quo fit ut quanvis Deus sciret, quod homo per tentationem in peccatum dejiceretur, adhuc tamen eum tentari permiscerit,) ac proinde impugnatio tentationis ei in eo statu pœnalis non fuit, nec propterea præcessit ibi pœna culpam.

ART.
CVLVS
PRI-
MVS.

Vtrum fuerit conveniens modus & ordo prima tentationis. R. Affirmativè, ita quod & conveniens fuerit incitamentū per scientiæ adeptionem, atque per esum pomi ligni vetiti; & conveniens fuerit tentatio viri per mulierem, & mulieris per serpentem. *Ratio utriusque partis est*, quia cū constet homo naturā sensitivā & intellectivā, ideò & convenienter usus est diabolus hoc duplici incitamento, ex parte scilicet intelle-

ART. 2.

738 *Quest. CLXV. Artic. II.*

Etus scientiæ adeptione, in qua promisit divinitatis similitudinem; & ex parte sensus proponens pomum ligni vetiti, quod quidem est de genere propinquo ad edendum; sed insuper & congruè fuit tentatus vir per mulierem, prout habentem affinitatem cum homine, nedum in genere, sed & in specie, & quidem quanvis imperfectiorem viro, utpote quæ ibi solùm habuit rationem instrumenti, quod non oportet esse potius; quin imò, quia infirmior, magis seduci poterat, & propter conjunctionem ad virum magis seducere: tum etiam congruè tentata mulier per serpentem, seu ab exteriori, propterea quod cùm haberet tunc diabolus minimum potestatis in homine ante peccatum, nec etiam potuit tunc interiori suggestionem immutare, immutatione scilicet phantasiæ, sed solùm exteriori; & quidem per serpentem, non quem ad hoc elegerit: sed cùm esset in illo decipiendi cupiditas, ait Aug. per illud animal potuit, per quod posse permissus est. Ita tamen quod ibi serpens dictus sit sapiens, vel callidus, propter astutiam diaboli, qui in illo agebat; & quod de serpente dicitur, referatur ad eum, qui per serpentem est operatus: & juxta illud, *pectore & ventre repes*, per pectus, in quo dominatur impetus animi, significetur superbia; per ventrem autem carnale desiderium, quia hæc pars mollior sentitur in corpore, iisque rebus serpit ad eos, quos vult decipere: tum horum verborum, *terram comedes*, sensus sit, quod ii ad te pertinebunt, quos terrena cupiditate deceiveris: ac denique dictum sit, *inimicitias ponam inter semen tuum, & semen mulieris*;

II. super
Genes.
3.29.

Quaest. CLXVI. Art. I. & II. 739

quia semen diaboli est perversa suggestio;
semen verò mulieris, fructus boni operis;
quod perversæ suggestioni resistit.

IN QVÆSTIONEM CLXVI.

De studiositate.

V*trum materia studiositatis sit propriè* ARTI-
cognitio. R. Affirmativè, non quòd non CVLVS
respiciat quæcumque alia, ad quæ operan- PRI-
da directione cognitionis indigemus; sed MV S.
ita quod propriè, & per prius respiciat co-
gnitionem. *Ratio utriusque partis est,* quia
cùm virtutes propriè illam sibi attribuant
materiam, circa quam primò & principaliter
sunt, & studium prius applicetur ad
cognitionem, utpote quod importat præ-
cipuè applicationem mentis ad aliquid,
quæ non applicatur, nisi cognoscendo il-
lud; ideo adhibetur quidem studium cui-
cumque materiæ, etiam his, quæ ad avari-
tiam spectant, prout in his est maximè ne-
cessaria quædam peritia terrenarum re-
rum; sed quia nihil potest fieri rectè, nisi
secundùm quod est præordinatum per ra-
tionem cognoscentem, ideò & propriè, &
per prius sibi attribuit cognitionem pro
materia, adeò ut ipsa etiam curiositas, quæ
studiositati opponitur, non ponatur circa
ea, quæ ad corpus pertinent, nisi ratione
eorum quæ pertinent ad cognitionem, cùm
hominis cognitio sit etiam circa ea, quibus
fovetur caro.

Vtrum studiositas sit pars temperantia. ART. 2.
R. Affirmativè, non quidem quantum ad id
ex quo nominatur, sed quantum ad id, quod
ei essentialius competit. *Primum est,* quia
cùm ad temperantiam pertineat moderari
motus appetitus, ne superflue tendat in id

740 *Quest. CLXVII. Artic. I.*

quod naturaliter concupiscitur ; & sicut homo naturaliter concupiscit delectationes ciborum, &c. ita secundum animam naturaliter desideret scire & cognoscere aliquid ; ideò cum moderatio hujus appetitus pertineat ad virtutem studiositatis , & quidem essentialius, cum appetitus cognoscendi per se respiciat cognitionem , ad quam ordinatur studiositas, consequenter fit, quod quantum ad essentialius temperantiam imitetur in modum , proindeque & pars ejus sit potentialis, sive adjuncta virtus, & quidem moralis, quanvis bonum, quod est in cognitione, quantum ad actum cognoscendi ad virtutes pertineat intellectuales , utpote cum adhuc quantum ad appetitum rectum in applicatione virtutis cognoscitivæ pertineat ad studiositatem. *Secundum est*, quia nominatur studiositas ex hoc, quod laus ipsius etiam consistit in quadam vehementia intentionis ad scientiam rerum percipiendam , in quo quidem non habet assimilari temperantiæ , quæ potius in refrenatione consistit.

IN QVÆSTIONEM CLXVII.

De curiositate.

ARTI-
CVLVS
PRI-
MVS.

V*trum circa cognitionem intellectivam possit esse curiositas. R. Affirmative, non quòd cognitio veritatis secundum se bona non sit, sed quia potest quis inordinate cognitionem veritatis appetere, vel etiam abuti ad malum. Primum est*, quia quantum ad ipsum appetitum cognoscendi , circa quem directè versatur studiositas , potest esse inordinatio , & ex hoc quod per studium minus utile retrahitur quis à studio, quod ei ex necessitate incumbit , & prout

Quest. CLXVII. Artic. II. 741

studet addiscere ab eo, à quo non licet, ut qui futura à dæmone inquirat; & quando homo cognitionem veritatis ad debitum finem non refert, juxta quod dicit Apost. Videre ne quis vos seducat per Philosophiam; non quòd non sit studium ejus secundum se laudabile, sed quia aliqui eo abutuntur vel ad fidei impugnationem, vel ex ea superbiendo, nec illud ordinando ad summum bonum hominis, quod quidem non consistit in qualibet cognitione veri, sed in cognitione perfecta summæ veritatis. *Secundum est*, quia cum quæcumque abundantia cognitionis à Deo sit, & in ea Deo assimiletur, juxta illud Eccles. 1. Omnis sapientia à Domino Deo est; necnon & illud, Omnia nuda & aperta sunt oculis ejus: ideò non potest cognitio veritatis non esse bona secundum se.

Coloss.

2.

Ad Hebr.

4.

1. *Vtrum vitium curiositatis sit circa sensitivam cognitionem. R. Affirmativè*, ita quod studium circa sensibilia cognoscenda possit esse vitiosum, non quidem prout sit vel propter necessitatem naturæ sustentandæ, vel propter studium intelligendæ veritatis; sed in quantum vel non ordinatur ad aliquid utile, vel ordinatur ad aliquod noxium. *Ratio utriusque partis est*, quia cum cognitio sensitiva, tam in hominibus, quàm in aliis animalibus ordinetur ad vitæ sustentationem, quatenus vitantur per ea nociva, & necessaria perquiruntur, & in homine speciatim ordinetur ad cognitionem intellectivam; ideò cognitioni sensibilem ita ordinatè intendere, est quidem virtuosæ studiositas; sed etiam potest esse vitiosum, prout scilicet vel non ordinatur ad

ART. 2.

742 *Quest. CLXVIII. Artic. I.*

Aug. lib.
de vera
Relig.
cap. 38.
Beda in
1. Ioan. 2.

Hebr. 10.

aliquid utile, sed potius hominem avertit ab utili consideratione; vel in quantum ordinatur ad aliquid noxium, ut aspectus mulieris ad concupiscendum, ut docent Aug. & Beda. Vnde & inspectio spectaculorum redditur vitiosa, prout per hoc fit homo pronus ad vitia vel lasciviam, vel crudelitatis, per ea quæ ibi repræsentantur; & vitiosum est facta aliena inquirere ad despiciendum, vel detrahendum, esto quod sit laudabile, ex Paulo, si fiat bono animo ad propriam utilitatem. Cum quo tamen stat, quod quanvis circa delectationem cognitionis omnium sensuum sit præfata curiositas, quæ quidem vocatur concupiscentia oculorum, quia oculi sunt ad cognoscendum in sensibus principales; circa tamen delectationem tangibilium & gustabilium sit non curiositas, sed luxuria & gula, utpote quæ delectationes sunt potius in ipso usu rerum tangibilium.

IN QVÆSTIONEM CLXVIII.

De modestia, prout consistit in exterioribus corporis motibus.

ARTI-
CVLVS
PRI-
MVS.

In 1. de
offic.
cap. 18.

Vtrum in exterioribus motibus corporis sit aliqua virtus. R. Affirmativè, ita quod habeant exteriores motus unde exerceatur moralis virtus, imò & ad duas virtutes reduci possit eorum moderatio. *Primum est*, quia cum virtus moralis exerceatur circa ea, quæ sunt in homine ordinabilia per rationem; & huiusmodi sint exteriores motus, utpote quia ad rationis imperium exteriora moventur membra; & insuper sunt quædam signa interioris dispositionis, juxta dictum illud Ambrosij, quod mentis habitus cernitur in corporis statu:

Quest. C L X V I I I. Artic. I I. 743

ideo & habent præfati motus unde exerceatur moralis virtus, & quidē quanvis homo ex naturali dispositione habeat aptitudinem ad hanc, vel illam dispositionem exteriorum motuum; quandoquidem in eo, in quo natura deficit, potest (ait Ambr.) industria supplere, scilicet per virtutem. *Secundum est*, quia in quantum per exteriores motus ordinamur ad alios, pertinet eorundem moderatio ad amicitiam vel affabilitatem, quæ attenditur circa delectationes & tristitias, quæ scilicet sunt in verbis, & factis in ordine ad alios, quibus convivimus: in quantum verò exteriores motus sunt signa interioris dispositionis, eorum pertinet moderatio ad virtutem veritatis, secundum quam aliquis talem se exhibet in verbis & factis, qualis est intus, juxta quod dicit Ambros. circa studium illud exteriorum motuum: Ars quidem desit, sed non desit correctio.

Vtrum in ludis possit esse aliqua virtus. ART. 2.

R. Affirmativè, ita quod & dictis, vel factis, in quibus non queritur nisi animalis delectatio, necesse sit interdum uti; & ut secundum regulam ordinentur, necessarius sit virtutis habitus. *Primum est*, quia cum homo ut indiget corporali quiete ad corpus refocillandum, ita & ex parte animæ, utpote cujus virtus est finita, & consequenter ad certas, & determinatas operationes proportionata: ideo cum quies animæ sit delectatio animalis in dictis vel factis, quæ quidem dicitur ludicra, quando nil queritur præter delectationem, eo quod in ea intermittitur intentio ad insistendum studio rationis, propterea fit, quod hujus-

744 *Quest. C L XVIII. Art. III.*

modi ludicra delectatione interdum uti liceat: quod etiam confirmat exemplum D. Coll. 24. Ioannis, ut in collatione Patrum legitur. Lib. 1. Vnde non propterea excludit Ambr. universaliter jocos à conversatione humana, off. c. 21. cum dicit omnes jocos declinandos; sed à doctrina sacra, ut patet ex antecedentibus: nec nisi de inordinatis ludis intelligitur, quod ait Chrysost. scilicet, quod non dat Deus ludere, sed diabolus: operationes namque ludi, licet secundum speciem suam non ordinentur ad aliquem finem; ipsa tamen delectatio, quæ in talibus habetur actibus, ordinatur ad aliquam animæ recreationem & quietem, quod quidem sufficit ad virtutem. *Secundum est*, quia cum tria hæc circa ludos caveri debeant; 1. ut delectatio non quærat in operationibus & verbis turpibus, vel nocivis; 2. ut congruat personæ, tempori, & aliis circumstantiis; 3. ne totaliter resolvatur gravitas animæ: ideo & opus est, ut secundum rationis regulam ordinentur, quod quidem ad virtutem moralem pertinet, & in præsentia ad eutrapeliam, quam ira nominat Arist. à bona conversatione, quatenus bene convertit quis aliqua dicta, vel facta in solatium.

ART. 3. *Vtrum in superfluitate ludi possit esse peccatum. R. Affirmativè*, & quidem mortale, si propter vehementiam affectus ad ludum non refugiat aliquid agere contra Dei, vel Ecclesiæ præceptum; veniale verò; si non tantum afficiatur ad ludum. *Ratio est*, quia cum in omni eo, quod est ratione dirigibile, superfluum dicatur, quod regulam rationis excedit, in quo quidem consistit ratio

Quest. CLXVIII. Art. IV. 745

ratio peccati; & ludicra verba, vel facta sint ratione regulabilia, & regulanda, ut dictum est: ideo & superfluum in ludis attenditur in vitioso illo excessu, quod quidem accidit vel ex ipsa specie actionum, ut cum quis utitur verbis aut factis turpibus, vel his quæ proximo nocent, quod est mortale; vel ex defectu debitarum circumstantiarum, ut temporis, loci, personæ, quod quidem potest esse modo exposito & mortale & veniale, reducendum ad ineptam latitiam, quam Greg. ponit filiam gulæ. Vnde quæ per solam intentionem peccata sunt, ut quæ fiunt ex intentione injuriandi, habent equidem excusari per ludum, qui intentionem ad delectationem vertit; sed non illa, quæ suâ naturâ sunt peccata, quin imò ex his redditur ludus flagitiosus. Cum quo tamen stat, quod officium histrionum, quod odinatur ad solatium hominibus exhibendum, non sit ex se illicitum, nec ipsi sint in statu peccati, esto quod in rebus humanis non alio utantur officio in comparatione ad homines; si tamen moderatè ludo utantur, adeò ut alias habeant seriosas operationes ad Deum, & ad seipsos; quandoquidem ad ea quæ sunt conversationi humanæ utilia, aliqua possunt licita officia deputari.

Verum in defectu ludi sit aliquod peccatum. R. Affirmativè, ita quod contra rationem sit, quod quis nihil delectabile exhibeat, nec moderatas aliorum delectationes recipiat; quanvis non ita, quin adhuc magis vitiosus sit superexcessus ludi, quàm defectus. Primum est, quia contra rationem est, ut aliquis se aliis onerosum exhibeat,

ART. 4.

746 *Quest. CLXIX. Artic. I.*

unde dicit Seneca, Sic te geras sapienter, ut nullus te habeat tanquam asperum, nec contemnat quasi vilem; quales tamen se exhibent, agrestes scilicet, duros & onerosos, qui in ludo deficiunt, seu qui nec dicunt aliquod ridiculum, nec moderatos aliorum ludos recipiunt. Vnde non ideo ex Aug. interdicitur pœnitentibus ludus, quasi sit malus, sed quia eis luctus indicitur pro peccatis: nec austeritas, ut est virtus, omnem excludit delectationem, sed tantum superfluum, & diminutam. Sed neque cum dicit Ieremias, *Non sedi in consilio ludentium*, aliter loquitur, quam secundum congruentiam temporis, quia scilicet ejus status magis luctum requirebat. *Secundum est*, quia cum ludus utilis sit propter quietem & delectationem, delectatio autem & quies non propter se querantur in humana vita, sed propter operationem, ut dicit Phil.

10. Ethic.

IN QVÆSTIONEM CLXIX.

*De modestia in exteriori apparatu.*ARTI-
CVLVS
PRI-
MVS.

Vtrum circa exterioram ornatum possit esse virtus, & vitium. R. Affirmative, ita quod ex parte hominis qui exterioribus utitur, possit esse immoderantia dupliciter, & per comparisonem ad consuetudinem hominum, & ex inordinato affectu utentis. *Primum est*, quia cum turpis sit, ut ait Aug. omnis pars universo suo non congruens; ideo & per comparisonem ad consuetudinem hominum cum quibus vivitur, potest esse ex parte hominis

Lib. 3.
conf.
cap. 8.

immoderantia in rebus exterioribus, quavis ex parte rerum vitium non sit. Licet enim cultus exterior non sit à natura; tamen ad rationem naturalem pertinet, ut hunc cultum moderetur. Vnde & inest nobis aptitudo ad virtutem ejus moderativam, quæ quidem non est alia, quam virtus veritatis, quam Phil. ponit circa facta & dicta, quibus aliquid de statu hominis significatur, utpote cum exterior ille cultus indicium quoddam sit conditionis humanæ. *Secundum est*, quia ex inordinato affectu utentis potest contingere vitiosa inordinatio, vel quantum ad superabundantiam, ut cum quis ex superfluo usu gloriam quærit, ad quod moderandum ponitur virtus humilitatis, quæ scilicet excludit intentionem gloriæ; aut prout delicias quærit, secundum quod ordinantur vestes ad corporis fomentum, ad quod ponitur virtus per se sufficientiæ, quæ quidem intentionem excludit deliciarum; aut etiam ex nimia sollicitudine, quam apponit circa talem cultum, ad quam moderandam ponitur virtus simplicitatis: vel contingere potest inordinatio ex parte defectus, & hoc aut ex negligentia hominis, qui in illis non adhibet studium, ut oportet; aut etiam ex eo, quod ipsum defectum exterioris cultus ad gloriam ordinat, quandoquidem, ut ait Aug. non in sola rerum pompa, sed etiam in ipsis sordibus luctuosis esse potest jactantia, & eo periculosior, quo sub nomine servitutis Dei decipit. Cum quo tamen stat, quod in dignitatibus constituti, & ministri altaris meritò pretiosissimis vestibus induantur, scilicet non pro-

Lib. 2. de
sermon.
Domini
in mon.
te, c. 19.

748 *Quest. CL XIX. Artic. II.*

pter gloriam, sed ad significandam sui ministerii, vel cultus divini excellentiam: similiter & in his sit defectus absque peccato, nempe si fiat non propter jactantiam aut superbiam, sed vel ad macerationem carnis, vel humiliationem spiritus.

ART. 2. *Vtrum ornatus mulierum sit sine peccato.*

R. Affirmativè, non quòd non sit peccatum, & quidem mortale, si ornent se ut placeant aliorum aspectibus ad concupiscendum; aut veniale, si ex quadam levitate, aut vanitate; sed ita quòd possint hoc facere absque peccato, si ornent se ut viris suis placeant. *Primum est*, quia potest mulier licitè operam dare ad hoc ut viro suo placeat, ne per ejus contemptum in adulterium labatur, juxta quòd dicit Paul. quòd mulier nupta cogitat quæ sunt mundi, quomodo placeat viro. Vnde nec prohibetur per auctoritates Scripturæ mulieribus moderatus ornatus; sed superfluous, inverecundus, & impudicus, esto quòd ex se, & citra casum necessitatis vitiosum sit, quòd citatur mulier veste virili, & contra, propter scilicet lascivix causam, necnon quia debet cultus competere conditioni personæ: sed nec peccant artifices ad ornandas mulieres; licet enim peccent quando per artem ea faciunt, quibus homines uti non possunt absque peccato; artes tamen, quarum operibus possunt homines bene vel malè uti, non sunt illicitæ, ut est ars ornamentorum mulierum: esto quòd propriè solum vocentur artes, quæ sunt necessariorum, in quibus propterea si quid est, quò plurimi abutantur, debet per Principem prohiberi. Cum quo tamen stat, quòd quia fucatio

Cor. 7.

mulierum est quædam species fictionis, nec etiam sit sine peccato, & quidem mortali, ut dicit Cyprianus, si nimirum fiat propter lasciviam, vel in Dei contemptum; si tamen hoc fiat ad fingendam pulchritudinem non habitam, non autem ad occultandam turpitudinem ex aliqua causa provenientem, quod quidem ex Paulo est licitum. 1. Cor. 12.
Secundum est, quia mulieres quæ non sunt in statu habendi viros, quanvis in aliquo ornamento possint omnino excusari à peccato, quando fieret solum propter consuetudinem, etsi non laudabilem; non tamen si placere appetant aliorum aspectibus ad concupiscendum, cum hoc sit eis dare incentivum peccandi: sicut nec possunt à veniali excusari ad minus, si hoc faciant ex levitate, aut vanitate, cum mulier innupta cogitare potius debeat quomodo placeat Deo, ut ait Paulus.

IN QUESTIONEM CLXX.

De præceptis temperantia.

Vtrum præcepta temperantia convenienter in lege divina tradantur. ARTICULVS PRIMVS.
Res. Affirmative, ita quod & præcipue prohibeatur in Decalogo adulterium, sive in opere, sive in corde, inter vitia temperantiæ opposita; & negative solum, non affirmative præcipi debeat de temperantia. *Primum est*, quia cum illa præcepta poni debeant in Decalogo, quæ directius ordinantur ad dilectionem Dei, & proximi, quandoquidem finis præcepti est charitas, ad quam per hanc dilectionem inducimur; ideo cum inter vitia opposita temperantiæ, vel etiam fortitudini, aut gulæ, nullum sit, quod tam directe opponatur dilectioni proximi, quam

750 *Quaest. CLXX. Artic. II.*

adulteriū, sive in opere, sive in corde concupiscente, per quod abutitur homo uxore proximi, propterea fit, convenienter tradi in Decalogo, & præcipue duo illa præcepta circa vitia temperantiæ opposita. *Secundum est*, quia Decalogi præcepta, utpote quædam universalis legis divinæ principia, ut dictum est, debent esse communia; cum tamen de temperantia dari non possint præcepta affirmativa communia, utpote cum varietur, ut ait Aug. ejus usus secundum diversa tempora, & diversas hominum consuetudines.

Lib. de
bono
conjug.
cap. 16.
ART. 2.

Vtrum convenienter tradantur in divina lege præcepta de virtutibus annexis temperantia. R. Affirmative; si tamen considerentur virtutes illæ, non secundum se, sed secundum suos effectus. *Primum est*, quia cum partes illæ temperantiæ consideratæ quantum ad suos effectus, possint respicere dilectionem Dei & proximi; ideo convenienter ponuntur in Decalogo præcepta aliqua pertinentia ad prohibendum effectus vitiorum oppositorum temperantiæ partibus, quatenus scilicet ex ira procedit interdum aliquis in homicidium, vel ad subtrahendum parentibus honorem debitum, &c. & quidem potius quam de superbia, quæ quanvis sit initium peccati, est tamen latens in corde, unde nec perpenditur communiter ab omnibus ejus inordinatio, ut prohiberi debeat in Decalogo, ubi sunt principia per se nota; necnon & potius quam ea quæ per se inducunt ad legis observantiam, ut humilitas, utpote quæ in quantum talia legem supponunt; sicque poni non possunt inter prima legis præcepta,

inter quæ etiam prohiberi non debuit inordinatio exteriorum motuum, quæ contrariatur modestiæ, cum talis non pertineat ex sua natura ad offensam proximi, sicut adulterium, homicidium, &c. *Secundum est*, quia virtutes illæ temperantiæ annexæ non habent secundum se directam habitudinem ad dilectionem Dei, & proximi, sed magis quandam respiciunt moderationem eorum, quæ pertinent ad ipsum hominem.

IN QVÆSTIONEM CLXXI.

- De prophetia.

Vtrum prophetia pertineat ad cognitionem. *R. Affirmativè*, ita scilicet quod in cognitione primò & principaliter consistat, sed secundariò in loquutione; imò & in operatione, tanquam in prophetiæ argumento. *Primum est*, quia Propheta est qui videt ea quæ sunt procul, & remota à cognitione hominum. Vnde sic dicitur à *pro*, quod est procul, & *phanos*, quod est apparitio, eo quod ei quæ sunt procul, appareant: propter quod etiam in veteri Testamento *videntes* vocabantur, & apud Gentiles *vates*, à vi mentis. Vnde non nisi falsi prophetæ sunt qui dicuntur prophetæ stulti & insani. Nec requiritur in prophetia inspiratio, nisi quantum ad mentis elevationem ad divina percipienda, ad differentiam revelationis, quæ etiam requiritur quantum ad ipsam perceptionem divinorum, in quo perficitur prophetia. *Secundum est*, quia cum ipsa manifestatio spiritus detur ad utilitatem, & ædificationem Ecclesiæ, ut dicit Paul. inde est, quod secundariò consistat prophetia in loquutione, juxta illud Isaïæ, Quæ audiui, annunciavi

ARTI-
CVLVS
PRI-
MVS.

1. Cor. 12.
& 14.

752 *Quest. CLXXI. Artic. II.*

In lib.
ktym.

vobis; propter quod etiam ex Iſid. poſſunt dici Prophetæ, quaſi profatores, ſeu procul ſantes: ſed inſuper ad prophetiam pertinet operatio miraculorum, utpote cùm ea quæ divinitus revelantur, non niſi per divinæ virtutis operationem confirmari poſſint, juxta illud: Domino cooperante, & ſermone confirmante ſequentibus ſignis. In quo quidem ſenſu dicuntur corpus Eliſæi, & oſſa Ioseph prophetæſſe, ſcilicet ut prophetiæ argumentum: quod propterea non tollit, quin in cognitione conſiſtat principaliter prophetia.

ART. 2. *Vtrum prophetia ſit habitus. R. Negative,* ita quod inſit lumen propheticum menti Prophetæ, non per modum permanentis formæ, ſed magis per modum cujuſdā paſſionis, ſive impreſſionis tranſeuntis. *Primum eſt,* tum quia ut eſſet per modum permanentis formæ, ut eſt habitus, oportet quod ſemper Prophetæ ad eſſet facultas prophetandi, quod eſt falſum, cùm dixerit Eliſæus de muliere Sunamite: Dominus celavit à me, & non indicavit mihi. Tum etiam quia lumen intellectuale in aliquo exiſtens per modum formæ perfectæ, perficit intellectum ad cognoscendum principaliter principium illorum, quæ per illud lumen ſeſtantur, ſicut per lumen intellectus agentis præcipuè cognoscunt prima principia; quod tamen in præſenti non accidit, utpote cùm principium eorum, quæ per ſe ad ſupernaturalem cognitionem pertinent, & quæ per prophetiam ſeſtantur, ſit Deus ipſe, qui quidem per eſſentiam à Prophetis non videtur, ut à Beatis, in quibus lumen eſt per modum habi-

4. Reg. 4.

tus. Vnde datur quidem habituale donum, quando elevatur homo ad aliquid supra naturam humanam, quantum ad modum actus, ut est Deum diligere; non tamen sit supra naturam solum quantum ad substantiam actus, ut miracula facere, cognoscere occulta, &c. Cum quo tamen stat, quod adhuc denominetur Propheta, dum dormit, seu cessante actuali prophetica illustratione, & hoc ex deputatione divina, vel etiam quia remanet quædam habilitas, ut facilius iteratò illustretur. *Secundum est*, quia sicut aër semper indiget nova illuminatione, & discipulus qui nondum adeptus est principia artis, indiget ut de singulis instruat: sic & mens Prophetæ nova semper eget illuminatione, juxta illud: Mane Isai. 59. erigit mihi aurem, & audiam quasi magistrum. Vnde ad passionem reduci potest prophetiæ lumen; si tamen passionis nomen pro qualibet receptione accipiat, prout dicit Phil. quod etiam intelligere est quoddam pati.

In 1. de anima.

Art. 3.

Vtrum prophetia sit solum futurorum contingentium. R. *Negative*, si tamen sumatur prophetia, non quidem secundum id quod propriè significatur nomine prophetiæ, sed secundum extensionem luminis, unde prophetice cognoscit. *Primum est*, quia cum manifestatio, quæ sit per aliquod lumen, ad omnia illa se extendere possit, quæ illi lumini subjiuntur; & cognitio prophetica sit per lumen divinum, quo possunt omnia cognosci, sive divina, sive humana, tum spiritualia, tum corporalia; ideo & alia quàm futura, seu etiam præterita & præsentia, quantum est ex parte luminis.

ad prophetiam, saltem secundariò pertinent: quod etiam patet ex Scriptura, in qua tales reperiuntur prophetiæ, quo modo Moyses scripsit creationem mundi, & vident aliqui cogitationes cordis præsentis. Cum quo tamen stat, quod quanvis ita diversa sint, quæ per divinum lumen propheticè manifestantur, adhuc habeat prophetia unitatem speciei ab unitate luminis divini, quod quidem est formale in prophetica cognitione. *Secundum est*, quia cum prophetia secundum id unde nomen prophetiæ sumi videtur, sit de his quæ procul à nostra cognitione sunt, quo quidem modo sumit Cassiodorus dicens, quod prophetia est inspiratio, vel revelatio divina rerum eventus immobili veritate denuncians, & in quo etiam sensu dividitur contra alias gratias gratis datas; ideò & tanto aliqua magis propriè ad prophetiam pertinent, quanto longius ab humana cognitione existunt, qualia sunt futurorum contingentium eventus. Ita tamen, quod quia ea quæ sunt procul, sunt in triplici gradu, 1. eorum quæ sunt procul à cognitione hujus hominis, vel secundum sensum, quo pacto Elifazus propheticè cognovit, quæ ejus discipulus in absentia fecerat; vel secundum intellectum, ut cum cogitationes cordis unius alteri manifestantur: 2. eorum quæ universaliter humanam excedunt cognitionem, ut est mysterium Trinitatis, &c. 3. eorum, quæ in se non sunt cognoscibilia, ut contingentia futura; ideò & singula eorum ad prophetiam spectant, sed magis, vel minus propriè.

Art. 4. Vtrum propheta per divinam revelationem

cognoscat omnia, quæ præsumunt prophetice cognosci. R. Negativè, non quòd eorum, ad quæ prophetia ordinatur, aliquid desit, sed ita quod non propterea oporteat quod prophetice revelationi nihil desit, seu quod omnia cognoscant prophetabilia. Ratio utriusque partis est, quia cum diversa non sit necesse esse simul, nisi propter aliquod unum, in quo connectuntur, & à quo dependent; propter quod qui aliquam habet scientiam, cognoscendo principia illius, omnia etiam cognoscit quæ in illis continentur; ideo cum ea, quæ prophetice divino lumine cognoscuntur, sint diversa, & eorum principium sit ipsa prima veritas, nec etiam oportet ut simul omnia cognoscantur, nisi prima veritas ut est in se, & secundum se totam cognoscatur, quam quidem cum non ita cognoscant Prophetæ in via, sed solum in patria; ideo nihil quidem deest eorum, ad quæ ad prophetia ordinatur, cum Deus omnia, quæ necessaria sunt ad instructionem populi fidelis, revelet Prophetis, ut dicit Scriptura; non tamen propterea omnia cognoscunt prophetabilia, sed quædam uni revelat, & quædam alteri. Amos 5.

Utrum Propheta discernat semper quid discat per spiritum proprium, & quid per spiritum prophetia. R. Negativè, non quòd non semper discernat ea, de quibus per expressam revelationem instruitur, sed ita quod quædam cognoscat per instinctum, quæ discernere non valet an per instinctum, aut per spiritum proprium cogitaverit. Primum est, quia cum talis instinctus sit quiddam imperfectum in genere prophetia, ideo non omnia, quæ divino cognoscimus Art. 5.

Homil. I.
in Ezech.

instinctu, sub certitudine prophetica nobis manifestantur. Vnde dicit Greg. quod aliquando Prophetæ sancti dum consuluntur, ex magno usu prophetandi quædam ex suo spiritu proferunt, & se hoc ex prophetiæ spiritu dicere suspicantur. *Secundum est*, quia si de expressa revelatione non haberet Prophetæ certitudinem, nec etiam certa esset fides, quæ dictis Prophetarum innititur. Et hinc est, quod Abraham admonitus in prophetica visione, se præparavit ad filium unigenitum immolandum; quod tamen nullatenus fecisset, nisi de divina revelatione fuisset certissimus.

ART. 6. *Vtrum ea, quæ prophetice cognoscuntur, vel annuntiantur, possint esse falsa. R. Negative*, non quòd non aliter quandoque eveniant, quam prophetentur, sed ita quod res semper ita se habeat, sicut est sensus prophetiæ. *Primum est*, quia cum eadem sit veritas cognitionis prophetiæ, & cognitionis divinæ, utpote quia prophetia est quædam cognitio intellectui prophetæ impressa ex revelatione divina per modum cujusdam doctrinæ; & veritas cognitionis est eadem & in discipulo, & in docente, cum sit cognitio addiscentis. similitudo cognitionis docentis: ideò sicut cognitioni divinæ non potest falsum subesse, nec etiam prophetiæ, in sensu scilicet quo prophetatum est. Ita tamen quod sicut certitudo divinæ præscientiæ non excludit contingentiam singularium futurorum, quia fertur in ea ut sunt præsentia, & jam determinata; nec etiam prophetia, quæ est divinæ præscientiæ similitudo, sua immobili veritate futurorum contingentiam exclu-

dat. Vnde hujus conditionalis, *Si quid est prophetatum, erit*, est quidem consequens-necessarium, non tamen secundum quod est futurum respectu nostri, sed ut consideratur in suo presenti, prout scilicet subditus præscientiæ divinæ. *Secundum est*, quia licet nusquam aliter eveniant futura, quam prophetantur, quando revelatio prophetica est expressa quædam similitudo divinæ præscientiæ, prout futura respicit in seipsis; nihilominus prout est divinæ præscientiæ similitudo, ut cognoscentis ordinem causarum ad effectus, tunc quandoque aliter evenit, quam prophetatur, quanvis non propterea prophetiæ subsit falsum, quandoquidem prophetiæ sensus tunc est, quod dispositio inferiorum causarum hoc habet, ut talis effectus eveniat. Et sic intelligitur illud Isaïæ: *Morieris, & non vives*; idest Isai. 38. dispositio corporis tui ordinatur ad mortem: necnon & illud Ionæ: *Adhuc quædraginta dies, & Ninive subvertetur*; idest Ionæ 3. hoc merita ejus exigunt, ut subvertatur.

IN QVÆSTIONEM CLXXII.

De causa prophetiæ.

Vtrum prophetia possit esse naturalis. ARTICULVS. PRIMVS.
R. Negativè, non quòd non possit homo naturaliter præcognoscere futura aliqua in suis causis, sed ita quòd prophetia simpliciter dicta, seu præcognitio infallibilis quorumcunque futurorum in seipsis, esse non possit à natura. *Primum est*, quia cum præcognoscere futura in seipsis sit proprium divini intellectus, cujus scilicet æternitati sunt omnia præsentia; ideò nec potest hujusmodi cognitio, quæ quidem propriè pertinet ad prophetiam simpliciter:

758. *Quaest. CLXXII. Artic. I.*

dictam, quæ cum sit infallibilis, & omnium futurorum, est etiam eorum, quæ naturaliter excedunt humanam cognitionem, haberi naturaliter ab homine; & quidem quanvis sit necessaria prophetia ad populi gubernationem, quatenus scilicet lumen propheticum se etiam extendit ad directionem humanorum actuum, utpote quod præcipue est in ordine ad cultum divinum, ad quem non sufficit natura, sed requiritur gratia. Vnde quod dicit Aug. quod animæ secundum quod à sensibus abstrahitur, competit prævidere futura, non est intelligendum ex sua natura, sed ex revelatione angelica, quia aliàs quandocumque vellet, hoc posset, quod est falsum. *Secundum est*, quia sicut præcognoscit Medicus sanitatē, vel mortem futuram in aliquibus causis, quarum ordinem ad tales effectus experimento præcognovit; sic & futura aliqua possunt etiam ab homine naturali cognitione præcognosci in suis causis, non quòd id habeant à natura, quia ut ait Aug. homo non semper habet hanc divinandi vim, cum vult, quam quidem haberet, si esset à natura; sed ita quod hanc præcognitionem possint acquirere per viam experimentalem, in qua per naturalem juvantur dispositionem, secundum quod in homine invenitur perfectio virtutis imaginativæ, & claritas intelligentiæ. Vnde & habent bruta huiusmodi præcognitionem futurorum in suis causis, quibus scilicet eorum moventur phantasie magis quàm hominum, quorum quidem phantasie magis secundum rationem disponuntur, quàm secundum impressionem naturalium causarum;

Quest. C L XXII. Artic. II. 759

& etiam in dormientibus fit talis præcognitio, sicut & in animabus, ut ait Aug. quæ à sensibus corporis alienantur, & abstrahuntur, sive hoc fiat ex revelatione substantiarum spiritualium, aut causarum naturalium impressione, ad quarum influxum percipiendum aptior redditur per hanc abstractionem: imò & melius in dormientibus quàm vigilantibus, quanvis plus vigeat in vigilante perfectio iudicii, utpote qui quandiu vigilant, sunt circa sensibilia occupati. Cum quo tamen stat, quod adhuc differat hæc præcognitio ab illa quæ habetur ex revelatione divina, & quia hæc est quorumcunque eventuum, necnon & infallibilis; illa autem quorundam tantum, & fallibiliter, unde nec est cognitio prophetica simpliciter dicta.

Vtrum prophetica revelatio fiat per Angelos. R. Affirmativè, non quod non debeat ART. 2.
prophetica revelatio dici divina, sed ita quod revelationes & illuminationis divinæ à Deo per Angelos ad homines deferantur. *Primum est*, quia quæ à Deo sunt, ordinata sunt, ut ait Apost. sicque cum ordo Rom. 12. divinus habeat, ut infima per media disponat, debent per Angelos, qui medii sunt inter Deum & homines, deferri illuminationes, & revelationes à Deo ad homines, & consequenter revelatio prophetica, & quidem quanvis homo fiat amicus Dei immediate, utpote cum hoc fiat, quia charitas, per quam Dei amicitiam consequitur, est perfectio voluntatis, in quam solus Deus potest imprimere; cum è contra prophetia sit, perfectio intellectus, in quem possunt & Angeli imprimere. *Secundum est*, quia

760 *Quest. CLXXII. Artic. III.*

cum operatio instrumenti attribuatür principali agentì ; ideò & revelatio illa prophetica , quæ fit instrumentaliter per Angelos , debet adhuc attribui Deo, sive Spiritui sancto, sicut & aliæ gratiæ gratis datæ, ut primo principio , proindeque & divini.

ART. 3. *Vtrum ad prophetiam requiratur dispositio naturalis. R. Negativè*, si tamen sermo sit de verè & simpliciter dicta prophetia, quæ scilicet est ex inspiratione divina ; non de prophetia secundum quid, quæ est ex causa naturali. *Primum est*, quia sicut Deus, qui est causa universalis in agendo , non præexigit materiam , nec materiæ dispositionem in corporalibus effectibus , sed simul potest & materiam , & dispositionem , & formam inducere ; ita nec aliquam præexigit in spiritualibus effectibus, adeò ut licet recipiatur prophetia ad modum recipientis in Propheta, non ideò præsupponat naturalem dispositionem, quandoquidem sufficienter disponit Deus removendo, si quod est prophetiæ contrarium ; & quantum ad explicationem indifferens est ad prophetiam , quibuscumque similitudinibus res prophetica exprimitur. Cum quo tamen stat , quod quia naturalis indispositio posset impedire prophetalem revelationem, sicut & quælibet vehemens passio , sive ira, sive concupiscentiæ, seu coitus actum prophetandi ; ideò & talem indispositionem remove debet virtus divina, quæ est prophetiæ causa. *Secundum est*, quia sicut speculatio scientiæ præsupponit naturalem dispositionem, quia fit à causa naturali, quæ non potest operari, nisi præsupposita dispo-

Quæst. CLXXII. Artic. IV. 761

fitione : sic & prophetia , quæ dicitur secundum quid, quæ quidem est ex naturali causa , non ex divina inspiratione.

Verum bonitas morum requiratur ad prophetiam. *Re. Negative*, si tamen bonitas morum consideretur non quidem quantum ad passiones animæ, & actiones exteriores, sed quantum ad propriam hujus bonitatis radicem. *Primum est* , quia cum gratia gratum faciens , quæ est propria radix bonitatis morum , ad hoc principaliter detur, ut anima hominis Deo per charitatem conjungatur , proindeque & quidquid potest esse sine charitate , possit esse sine gratia gratum faciente , & per consequens sine bonitate morum in sua radice ; ideo cum possit esse prophetia sine charitate, quia ad intellectum pertinet , cujus quidem actus præcedit actum voluntatis , quem perficit charitas ; necnon & quia datur prophetia in utilitatem Ecclesiæ , sicut aliæ gratiæ gratis datæ ; cum tamen detur charitas, ut hominis affectus ordinetur in Deum : propterea fit quod possit esse sine gratia gratum faciente, in qua radicatur bonitas morum, esto quod non sit prophetia sine gratia gratum faciente , quando non solum ad aliorum utilitatem datur, sed etiam ad propriæ mentis illustrationem. Vnde non semper dantur divina dona optimis simpliciter, sed quandoque & aliis, qui dumtaxat sunt optimi quantum ad doni perceptionem ; sed nec semper amici sunt , quibus revelat secreta, nisi fortè nota faciat, sicut discipulis nota fecerat , qui scilicet à terrenis desiderijs immutati , amoris summi facibus ardebant , juxta illud Greg. dictum : Dum Greg.

762 *Quæst. CLXXII. Artic. V.*

audita superna cœlestia amamus, amata jam novimus, quia amor ipse notitia est. *Secundum est*, quia cùm requiratur ad prophetiam maxima mentis elevatio ad spirituum contemplationem, quæ quidem impeditur per vehementiam passionum, & inordinatam rerum exteriorum occupationem, à quibus propterea filii Prophetarum olim abstinebant, ideò considerata bonitate morum secundum passionem animæ, & actiones exteriores, sic impeditur aliquis à prophetia per morum malitiam; ita tamen, quod quia non omnes mali sunt lupi rapaces, sed solum illi, qui intendunt aliis nocere, ut ait Chrys. nec etiam omnes mali sint falsi prophetae, sed illi solum, qui ad aliorum utilitatem non mittuntur.

4-Reg. 4.

Hom. 19^a
super
Matth.

ART. 5. *Utrum aliqua prophetia sit à daemonibus.*
Re. Affirmative; si tamen sermo sit de prophetia non quidem proprie & simpliciter dicta, sed quæ talis dicitur secundum quid. *Ratio utriusque partis est*, quia cùm prophetia importet cognitionem procul existentem à cognitione humana, & intellectus superioris ordinis (qualis quidem est intellectus etiam malorum angelorum secundum ordinem naturæ,) aliqua cognoscere possit, quæ sunt remota à cognitione intellectus inferioris, qualis est intellectus humanus; ideò etiam à dæmonibus potest fieri revelatio, quæ dicatur prophetia, non quidem simpliciter; cùm ea solum, quæ solus Deus cognoscit, & revelat in Scriptura, sint simpliciter, & maxime remota; sed secundum quid, adeò ut non nisi cum additione appellentur Prophetæ, quibus revelatur à dæmone, ut prophetæ falsi,

prophetæ idolorum; & ea solùm quæ fit per divinam revelationem, fit prophetia propriè & simpliciter dicta, ut insinuat Cassiodorus. Ita tamen quod dæmones manifestent quæ sciunt, non per illuminationem intellectus, sed per aliquam imaginariam visionem, vel sensibilibiter loquendo, in quo etiam deficit ista manifestatio à vera prophetia; sicut & in aliquibus etiam exterioribus signis discerni potest à prophetia divina, ut ait Chryl. quatenus diabolus aliquando falsum dicit, Spiritus autem sanctus nunquam.

In prol.
super
Psalms.

Vtrum propheta demonum aliquando prædicant verum. R. Affirmativè, & quidem tum quia propheta falsitatis, seu dæmonis quandoque inspiratur à spiritu veritatis: tum quia ipse etiā spiritus falsitatis quandoque enunciat vera. Ratio utriusque partis est, quia cū se habeat verum in cognitione, sicut se habet bonum in rebus; & impossibile sit, inveniri aliquid in rebus, quod totaliter bono privetur; sic etiam fieri non potest, aliquam esse cognitionem, quæ totaliter falsa sit, absque admixtione alicujus veritatis, quantumvis à diabolo sit, utpote cū sic intellectus ad falsum deducatur per apparentiam veritatis, sicut voluntas ad malum per apparentiā bonitatis: & quidem tum quia spiritus falsitatis quandoque enunciat vera, ut scilicet receptibilia sint quæ dicit: tum etiam, quia Propheta falsitatis quandoque etiam à spiritu veritatis inspiratur, ut legitur de Balaam, qui multa prænuñciavit vera, propterea quod etiam malis utitur Deus; seu veritatis spiritus ad utilitatem bonorum; quo etiam

ART. 6.

764 *Quest. CLXXIII. Artic. I.*

modo Sibyllæ multa vera prædixerunt de Christo: imò etiam quæ vera dicunt ex revelatione dæmonum, possunt attribui Spiritui sancto, quatenus scilicet vel hoc faciunt dæmones ex vi propriæ naturæ, cuius quidem author est Spiritus Sanctus, vel interdum ex revelatione bonorum Angelorum. Cum quo tamen stat, quod propria dæmonum non sint nisi mendacia & peccata, ut dicitur, utpote cum illa solum propria sint, quæ habent à seipsis, non autem à propria natura, quæ est à Deo.

Joan. 8.

IN QVÆSTIONEM CLXXIII.

*De modo prophetica cognitionis.*ARTI-
CVLVS
P R I-
MVS.

Vtrum propheta videant Dei essentiam.
R. Negativè, & quidem sive sumatur
 Dei essentia ut est objectum beatitudinis, sive secundum quod est ratio creaturarum, seu cognoscendi creaturas. *[Primum est, quia*
 cum cognitio prophetica alia sit à cognitione, quæ erit in patria, à qua distinguitur ut perfectum ab imperfecto, utpote cum importet prophetia cognitionem divinam ut procul existentem, juxta quod de Prophetis dicitur, quod erant à longè aspicientes; illi autem qui sunt in patria, non videant à remotis: ideo cum cognitio in patria sit Dei per essentiam, non est visio prophetica visio ipsius divinæ essentiae: neque in ipsa divina essentia vident Prophetæ quæ prænunciant, sed in quibusdam similitudinibus secundum illustrationem divini luminis. Unde nec dicuntur Prophetæ inspicere in libro præscientiæ Dei, nisi in quantum ex ipsa Dei præscientia resultat veritas in mentem Prophetæ; sicut nec in prima veritate dicitur homo videre pro-

Glossa
super

c. 3. Isai.

priam formam, quâ existit, nisi prout primæ veritatis similitudo refulget in mente humana, ex qua habet anima, quod seipsam cognoscat: vel etiam in immobili veritate futura contingentia præcognoscere, nisi ex divina revelatione, proindeque & absque eo quod essentiam Dei beatificantem videat. *Secundum est*, quia impossibile est, quod aliquid videat rationes creaturarum in essentia divina, ita ut essentiam non videat, secundum quam est Deus objectum nostræ beatitudinis: tum quia est divina essentia ratio omnium quæ fiunt, nec addit ratio idealis supra divinam essentiam, nisi respectum ad creaturam: tum etiam, quia prius est cognoscere Deum ut objectum beatitudinis, quàm cognoscere per comparisonem ad alterum, quod est Deum cognoscere secundum rationes creaturarum in ipso existentes.

Aug. 9.
de Tri-
nit. c. 7.

- *Vtrum in prophetica revelatione imprimantur divinitus menti Propheta, non tantum novum lumen, sed etiam nova rerum species.* R. *Affirmativè*, ita scilicet, quod quandoque quidem fiat prophetica revelatio per solam luminis influentiam, & quandoque etiam per species impressas de novo, vel aliter ordinatas; non tamen censendus sit Propheta, cui solum imprimuntur sine novo lumine similitudines rerum; & è contra maximè Propheta sit, qui in utroque excellit. *Primum est*, quia cum prophetia maximè pertineat ad mentem, circa cujus cognitionem duo considerantur, scilicet acceptio, seu representatio rerum, quæ quidem representantur per aliquas species, & primò sensui secundum

ART. 2.

766 *Quest. CLXXIII. Art. II.*

naturæ ordinem, postea imaginationi, postremo intellectui possibili, tum etiam iudicium de rebus repræsentatis; ideo cum per donum prophetiæ conferatur aliquid supra naturalem facultatem, & quantum ad iudicium per influxum luminis intellectualis, & hoc ad dijudicandum ea, quæ ab aliis visa sunt, ut patet in Ioseph, qui somnium exposuit; siue ad dijudicandum secundum divinam veritatem ea, quæ cursu naturali homo apprehendit: tum etiam quantum ad acceptionem rerum per species, & quidem siue exterius sensibiles, sicut

Dan. 5. Daniel vidit Scripturam parietis; siue per formas imaginarias, vel etiam divinitus ordinatas ex his quæ sunt à sensibus acceptæ; quo modo vidit Ieremias ollam succensam à facie aquilonis; siue etiam ipsam menti immediatè impressas, ut patet in his, qui scientiam vel sapientiam accipiunt infusam, sicut Salomon, & Apostoli: consequenter fit, quod nedum per solam luminis influentiam fiat prophetica revelatio, sicut facta est in Ioseph, ut dictum est; sed etiam quandoque per species de novo impressas, vel aliter ordinatas, in ordine ad id quod est intelligendum. Vnde licet visio intellectualis non fiat per similitudines corporales, fit tamen per aliquam similitudinem, ex Aug. quæ in revelatione prophetica vel immediatè Deo imprimitur, vel à formis imaginatis resultat secundum adiutorium prophetici luminis. Et quanvis possit homo formare quascumque formas imaginatas naturaliter; non tamen ut sint ordinatæ ad repræsentandas intelligibiles veritates, quæ hominis intellectum exce-

dunt. Ita tamen, quod quando in prophetica revelatione divinitus ordinantur species imaginariæ præacceptæ à sensu, præcedens rerum similitudo, in quibus aliquis est ver-
fatus, aliquid operetur ad ipsas similitudines, ut insinuat Hieron. *Secundum est*, quia
cùm iudicium, quod quidem fit per influ-
xum intellectualis luminis, sit cōpletivum
cognitionis; ideò non est censendus Pro-
pheta is, cui fit repræsentatio rerum per si-
militudines imaginarias rerum, vel etiam
corporales, ut Pharaoni, adeò ut talis ap-
paritio sit in genere prophetiæ quid im-
perfectum, nisi illuminetur mens ad judi-
candum; & è contra cenferi debet Propheta
is, cui illuminatur mens ad iudicandū, etiam
quæ ab aliis imaginariè visa sunt, ut Io-
seph; sed maxime qui in utroque excellit.

Glossa
Hier. ad
cap. 1.
Amos.

Utrum visio prophetica semper fiat cum abstractione à sensibus. R. *Negative*, si ni-
mirum sit sensus quod fiat cum abstractio-
ne à sensibus, etiam quando repræsentatur
menti prophetæ per species sensibiles, aut
quando fit visio secundum influxum intel-
ligibilis luminis, vel immisionem intelli-
gibilium specierum, esto quod ubi fit re-
velatio prophetica secundum formas ima-
ginarias, tunc fieri debeat talis abstractio
vel perfectè, vel imperfectè. *Primum est*,
quia cùm in nobis perfectum intellectus
habeatur per conversionem ad sensibilia,
ideò per hoc quod mens Prophetæ illu-
stratur intelligibili lumine, aut formatur
intelligibilibus speciebus, non propterea
fieri debet alienatio à sensibus exteriori-
bus, ac proinde multò minùs fieri debet,
quando aliquid repræsentatur per species

ART. 3.

sensibiles, siue divinitus formatas, ut rubus ostensus Moyfi, & scriptura ostensa Danieli; siue productas per alias causas, divinitus tamen ad aliquid prophetice significandum ordinatas, ut arca Noë ad significandam Ecclesiam. Vnde non semper quando inclinatur mens prophetæ à superiori influxu ad aliquid judicandum, fit alienatio à sensibus, sed solum quando elevatur ad aliqua contemplanda sublimiora; & quanvis quando intenditur mens in suo actu circa absentia, quæ sunt à sensibus remota, tunc propter vehementiam intentionis sequatur alienatio à sensibus; non tamen oportet, quod à sensibus abstrahatur, quando intenditur circa dispositionem vel iudicium sensibiliū. *Secundum est*, quia cum visio per imaginarias formas, quæ quidem est per somnia, & visiones, sit per ea, quæ videntur dici, vel fieri; & tunc fit alienatio à sensibus, cum aliqua videntur dici, vel fieri, quæ non dicuntur, vel fiunt: ideo necesse est, quando prophetica revelatio fit secundum formas imaginarias, fieri abstractionem à sensibus, quæ quandoque est perfecta, scilicet ut nihil homo sensibus percipiat; quandoque autem imperfecta, ut scilicet aliquid percipiat, sed non planè discernat quæ exterius percipit, ab his, quæ imaginabiliter videt. Ita tamen, quod talis alienatio non sit in Prophetis cum inordinatione naturæ, ut in furiosis; sed per aliquam causam ordinatam, vel naturalem, ut per somnium; vel spirituales, ut per vehementiam contemplationis; vel virtute divina rapiente, juxta illud Ezéch. *Facta est super eum manus Domini.*

Vtrum

Quaest. CLXXIII. Art. IV. 769

Vtrum propheta semper cognoscat ea ART. 4.
qua prophetant. R. Affirmativè, in hoc sci-
 licet sensu, quod propriè ad prophetiam
 pertineat, quod quis cognoscat, se moveri
 à Spiritu sancto ad aliquid æstimandum,
 vel significandum verbo, vel facto; quanvis
 non ita, quod omnia cognoscant veri Pro-
 phetæ, quæ in eorum visis, aut verbis, aut
 etiam factis Spiritus sanctus intendit. *Pri-*
mmum est, quia ut dicit Aug. quibus signa
 per aliquas rerum corporalium similitudi-
 nes demonstrabantur in spiritu, nisi acces-
 sisset mentis officium, ut etiam intellige-
 reatur, nondum erat prophetia, utpote quæ
 ordinatur ad hominum illuminationem, ut
 dicitur; sed quidam solùm instinctus pro-
 pheticus. *Secundum est,* quia cùm movea- 2. Pet. 1.
 tur mens Prophetæ à Spiritu sancto, ut in-
 strumentum deficiens respectu principalis
 agentis; ideo sive moveatur ad aliquid ap-
 prehendendum, sive ad loquendum, aut
 etiam faciendum, horum quodlibet con-
 tingit esse cum aliquo cognitionis defe-
 ctu, adeò ut in ordine ad apprehendendum,
 quandoque inducatur ut solùm apprehen-
 dat; quandoque etiam ut cognoscat illud
 sibi esse divinitus revelatum: similiter ali-
 quando sic moveatur ad aliquid loquen-
 dum, ut intelligat id, quod per illa verba
 Spiritus sanctus intendit, ut patet de Da- 2. Reg.
 vide; quandoque non intelligat, ut patet de 2.
 Caïpha: & tandem in agendo vel ita mo-
 veatur, ut intelligat quid agit, ut patet de
 Ieremia, qui abscondit lumbare in Euphra- Ier. 13.
 tem; vel ut non intelligat, ut milites divi-
 dentes vestimenta Christi.

770 *Quest. CLXXIV. Artic. I.*
IN QVÆSTIONEM CLXXIV.

De divisione prophetia.

ARTI-
CVLVS
P R I -
MVS.

Vtrum convenienter dividatur prophetia in prophetiam prædestinationis Dei, præscientia, & comminationis. *By. Affirmativè*; si tamen sumatur divisio prophetiæ, non quidem secundum modum prophetandi, sed juxta divisionem actus & habitus, secundum differentiam ex parte objecti. *Primum est*, quia cum objectum prophetiæ sit id quod est in cognitione divina supra humanam facultatem; futurum autem sit in divina cognitione dupliciter, tum prout est in sua causa, quo modo accipitur prophetia comminationis, quæ non semper impletur, utpote per quam prænnunciatur solum ordo causæ ad effectum; tum etiam ut est in seipso, & hoc vel ut fiendum ab ipso Deo, & hujus est prophetia prædestinationis; vel ut fiendum per liberum arbitrium hominis, respectu cujus accipitur prophetia præscientiæ, quæ propterea, ad differentiam prædestinationis, potest esse bonorum & malorum: ideo dividendo prophetiam ad modum actus, seu habitus ex differentia objecti, convenienter in tria præfata dividitur, cōprehendendo prophetiam promissionis sub prophetia comminationis, quandoquidem eadem est ratio veritatis in utraque; ita tamen quod præscientia, licet ut propriè dicitur præcognitio futurorum eventuum, ut in ipsis sunt, sit una species prophetiæ; prout tamen dicitur respectu futurorum eventuum, sive in ipsis, sive in suis causis, communiter se habeat ad omnem speciem prophetiæ. *Secundum est*, quia distinguendo, ut distinguit

Quest. CLXXIV. Artic. II. 771

Isid. prophetiam secundum modum prophetandi, cum possit dividi vel secundum potentias cognoscitivas, quæ sunt sensus, imaginatio, & intellectus; vel secundum differentiam prophetici influxus: ideo & dividi potest hoc modo in septem genera, quæ sunt ecstasis, visio, somnium, per nubem, quantum scilicet ad sensibilia signa, vox de cælis accepta, parabola, & repletio Spiritus sancti, quæ quidem significat influxum propheticum quantum ad illustrationem intellectus.

Vtrum excellentior sit prophetia, quæ habet visionem intellectualem & imaginariam, quàm ea quæ habet visionem intellectualem tantum. R. Negativè, non quòd non magis propriè dicantur prophetæ, quantum ad prædicationem, qui vident per imaginariam visionem; sed ita quod prophetia, in qua nudè revelatur intelligibilis veritas, sit quantum ad nobilitatem omnibus potior. *Primum est,* quia cum finis prophetiæ sit manifestatio alicujus veritatis supra hominem existentis, ac proinde tanto sit prophetia dignior, quanto hujusmodi manifestatio est potior, quandoquidem eorum dignitas, quæ sunt ad finem, præcipuè consideratur ex fine; ideo cum manifestatio divinæ veritatis, quæ sit per nudam contemplationem ipsius, potior sit illâ, quæ sub similitudine corporalium rerum, utpote quæ magis appropinquat ad visionem patriæ, secundum quam veritas in essentia Dei videtur, est etiam hujusmodi prophetia quantum ad nobilitatem omnibus potior, & hoc maximè, quia visio imaginaria in cognitione prophetica non requiritur propter se,

sed propter manifestationem intelligibilis veritatis, ac proinde tanto potior est prophetia, quanto minus eam indiget, quandoquidem in his, quæ quærentur propter aliud, quanto agens potest ex paucioribus & propinquioribus ad suum intentum pervenire, tanto videatur esse majoris virtutis. Cum quo tamen stat, quod quando supernaturalis veritas revelanda est per similitudines corporales, tunc magis sit Prophetia, qui utrumque habet, scilicet lumen intellectuale, & imaginariam visionem: in quo quidem sensu intelligitur Augustinus. Imò & adhuc stat, quod dicatur revelatio prophetica fieri sine imaginaria visione; quanvis illustratio divini radii in præsentī vita non fiat sine velaminibus aliquorum phantasmatum, quatenus homo non intelligit sine phantasmate, utpote cum aliquando sufficiant cum lumine infuso phantasmata, quæ communi modo à sensibus abstrahuntur, nec exigatur aliqua visio imaginaria. *Secundum est*, quia nihil prohibet, aliquid esse simpliciter melius, quod tamen minus propriè recipit alicujus prædicationem: sicut cognitio patriæ est nobilior quàm cognitio viæ; quæ tamen magis propriè dicitur fides, eo quòd nomen fidei importat imperfectionem cognitionis, sicut & prophetia obscuritatem quandam, & remotionem ab intelligibili veritate.

ART. 3. *Utrum gradus prophetia possint distinguī secundum imaginariam visionem. R. Affirmativè*, non quòd non possint in prophetia distinguī gradus aliter quàm secundum imaginariam visionem, sed ita quod in prophetia propriè dicta secundum imaginariam

Quest. CLXXIV. Artic. III. 773

visionem distinguantur. *Primum est*, quia cum medium diversificet gradus cognitionis, ut patet in scientia quia, & propter quid; & prophetia per imaginariam visionem, quæ quidem est propriè dicta, medium teneat gradum inter eam, in qua revelatur supernaturalis veritas sine visione, & illam in qua per lumen intelligibile dirigitur homo ad ea cognoscenda vel agenda, quæ ad humanam pertinent conversationem; ideo & secundum imaginariam visionem distinguui debent gradus in prophetia propriè dicta. Et primò quidem, quia major ostenditur virtus luminis, quæ animam circa sensibilia occupatam rapit ad spiritualium contemplationem, quàm quæ animam ab illis abstractam in dormiente illustrat, ideo & altior sit gradus prophetiæ in vigilia, quàm in somno. Tum ex parte signorum imaginabilium, quia verba primum sortiuntur locum, illa etiam prophetia est altior, in qua audit Propheta sibi loquentem, quàm cum videt res aliquid significantes: sed & altior adhuc est gradus prophetiæ, quando videt propheta aliquem sibi colloquentem, vel demonstrantem, cum per hoc magis appropinquetur ad causam revelantem: ac denique & altior adhuc est prophetia, si videatur in specie Angeli qui loquitur, & magis adhuc, si in specie Dei. Vnde quanvis in prophetia propter se requiratur intellectuale lumen, quia tamen discretio illius non potest à nobis cognosci, nisi per aliqua imaginaria, & sensibilia signa, ideo & ex diversitate imaginum perpenditur diversitas luminis; imò nec inconveniens est, quod uni & eidem

774 *Quaest. CLXXIV. Art. IV.*

Prophetæ fiat revelatio diversis vicibus, & secundum diversos gradus; quia non est prophetia per modum habitus immanentis, sed per modum passionis transeuntis. *Secundum est*, quia super omnes hos gradus est tertium genus prophetiæ, scilicet in quo ostenditur intelligibilis, & supernaturalis veritas absque imaginaria visione, quæ tamen excedit rationem prophetiæ propriè dictæ, ut dictum fuit: tum etiam infra præfatos gradus est ille, in quo quis prophetice illuminatur ad ea cognoscenda, quæ naturalem rationem non excedunt; & inferior adhuc, ac omnium intimus ille, in quo quis ex interiori instinctu movetur ad aliquid faciendum, sicut de Samsonе scribitur irruisse super eum spiritum Domini, &c. utpote cum ad Prophetam adhuc magis spectet cognitio, quam operatio.

ART. 4. *Vtrum Moyses fuerit excellentior omnibus Prophetis. R. Affirmative*, non quod non maior fuerit aliquis alius Prophetarum quantum ad aliquid, sed ita quod fuerit Moyses simpliciter omnibus major. *Primum est*, quia & quantum ad visionem intellectualem vidit Dei essentiam, sicut Paulus in raptu, ut ait Aug. unde dicitur Num. 12. quod palam, non per ænigmata vidit; & quantum ad imaginariam visionem, quam quasi ad nutum habebat, non solum audit verba, sed etiam vidit loquentem in specie Dei, non solum dormiendo, sed etiam vigilando, juxta quod dicitur, Loquebatur facie ad faciem: & quantum ad denunciationem loquebatur toti populo ex persona Dei, quasi de novo legem proponens; cum tamen alii loquerentur quasi inducentes ad observan-

11. super
Gen.
cap. 27.

Quæst. C LXXIV. Art. V. 775

tiam legis Moyſis. Tum denique quantum ad operationem miraculorum, quæ quidem fecit toti populo infidelium, univerſæque terræ Ægypti. *Secundum eſt*, quia & clariùs cognovit David, atque expreſſit myſteria Incarnationis Chriſti: & miracula Iofuë, qui fecit ſtare Solem; & Iſaiæ, qui fecit retrocedere; & ſuſcitatio mortuorum majora ſunt ſecundùm ſubſtantiam facti, quàm miracula Moyſis, eſto quod iſta ſint majora ſecundùm modum faciendi, quia ſunt facta toti populo: imò quia Ioannes Baptiſta ad novum pertinet Teſtamentum, cujus miniſtri præferuntur etiam ipſi Moyſi, quaſi magis revelatè ſpeculantes, ut habetur 2. ad Cor. 3. ideo & dici debet excellentior Moyſe.

Vtrum aliquis gradus prophetia ſit etiam in Beatis. R. Negative, ita quod viſio, quam importat, veritatis ſcilicet ſupernaturalis, ut procul exiſtentis, repugnet ſtatui beatitudinis; eſto quod potuerit compati & cum viſione Moyſis, & in Chriſto comprehenſore. *Primum eſt*, quia non eſt viſio veritatis, ut procul exiſtentis, niſi vel ex parte cognitionis, quando veritas ſupernaturalis non cognoscitur in ſeipſa, ſed in aliquibus ſuis effectibus, aut per figuras corporalium rerum; vel ex parte videntis, quia non eſt totaliter in ultimam perfectionem adductus, cum tamen neutro modo dicantur Beati eſſe procul. Vnde nec habet revelatio, quæ ſit in Angelis, nomen prophetiæ; quandoquidem ſit eis, non ut procul exiſtentibus, ſed ut totaliter Deo conjunctis: ſed nec contrarium probat, quod legitur de Samuele, quod exaltavit vocem ejus de terra.

576 *Quest. CLXXIV. Artic. VI.*

in prophetia, &c. utpote quia Samuel nondum pervenerat ad statum beatitudinis: præterquam quod dici etiam potest, non fuisse animam Samuelis, sed dæmonem sub ejus persona loquentem. *Secundum est*, quia & visio Moyſis, quā Dei essentiam vidit, fuit raptim per modum passionis, non autem permanens per modum beatitudinis, ut in Beatis, sicque adhuc videns erat procul; & fuit Christus non solum comprehensor, sed & viator, sub qua ratione viatoris potuit ei competere prophetia.

- ART. 6. *Utrum gradus prophetia variantur secundum temporis processum. R. Affirmativè*, non quidem secundum quod ordinatur prophetia ad directionem humanorum actuum, sed in ordine ad divinæ veritatis cognitionem. *Primum est*, quia fides quā de divina veritate instruimur per prophetica revelationem, in duobus principaliter consistit, scilicet in vera Dei cognitione, juxta illud,
- Heb. II. Accedētem autem ad Deum oportet credere, quia est; in qua quidem cognitione crevit fides secundum tres temporum distinctiones, scilicet ante legem, sub lege, & sub gratia, quatenus ante legem Abraham & patres prophetice instructi sunt de his, quæ ad fidem divinitatis pertinebant, præsertim de omnipotentia; sub lege autem ulterius de divina simplicitate, juxta illud quod dixit Deus ad Moysem: Ego sum qui sum. Vnde & Moyſi dictum est: Ego Dominus, qui apparui Abraham, Isaac, & Iacob in Deo omnipotente, & nomen meum Adonai non indicavi eis. Tum tempore gratiæ revelatum fuit à Christo mysterium Trinitatis, cum Apostolis dixit, Baptizantes eos

in nomine Patris, & Filij, & Spiritus sancti: tum etiam consistit præfata divinæ veritatis cognitio in fide mysterii Incarnationis, juxta illud: Credite in Deum, & in me credite. Circa quam certum est, quod quanto fuerunt Christo propinquiore, sive ante, sive post, ut plurimum plenius de hoc mysterio fuere instructi, in quo quidem sensu dicit Greg. quod per successiones temporum crevit divinæ cognitionis augmentum. Vnde illud, Lex & Propheta usque ad Ioannem, non ita intelligitur, quod post Ioannem non fuerint alii Prophetae, cum multi post Christum prophetaverint; sed quod Prophetae prænunciantes Christi adventum non potuerunt durare, nisi usque ad Ioannem, qui Christum digito demonstravit. *Secundum est*, quia quantum ad directionem humanorum actuum, non secundum temporis processum, sed secundum conditionem negotiorum variata est prophetica revelatio, juxta illud: Cum defecerit Prophetia, dissipabitur populus; adeo ut quolibet tempore instructi sint homines divinitus de agendis, prout expediebat ad electorum salutem. Vnde & tempore Regum debuerunt prophetae magis in populo Hebræo abundare, utpote quia tunc non opprimebatur ab alienigenis; & ita oportebat per Prophetas instrui tunc in agendis populum illum, quasi liberum.

IN QVÆSTIONEM CLXXV.

De raptu.

Vtrum anima hominis rapiatur ad divina. *Articulus. R. Affirmativè*; ita tamen quod rapti dicatur, non quidem ex parte termini *ARTICULVS* ad quem per raptum elevatur, sed ex ra- *PR* *MVS*

tione modi operationis, seu elevationis. *Ratio utriusque partis est*, quia cum raptus violentiam quandam importet, quæ quidem dicitur, cujus principium est extra, nihil conferente eo, quod vim patitur; ideo cum id aliquid conferat, quod in aliud tendit secundum suam inclinationem, debet propterea qui rapitur, rapi in id, quod est diversum ab eo, in quod ejus inclinatio tendit, & quidem diversitate vel quantum ad terminum inclinationis, ut si lapis projiciatur sursum, vel quantum ad modum tendendi, ut si lapis citius deorsum projiciatur, quàm sit ejus naturalis motus. Unde cum sit homini naturale, ut in divina tendat per sensibiliū apprehensionem, juxta illud Pauli, Invisibilia Dei per ea, &c. quia ad modum, & dignitatē hominis spectat, ut ad divina tendat, ex hoc quod factus est ad imaginem Dei; consequenter fit, quod hoc quod elevatur ad divina & supernaturalia cum abstractione à sensibilibus operatione, dicatur rapi, non ex ratione termini elevationis; sed ex modo operationis, seu per abstractionem, & alienationem, quæ quidem potest ex triplici causa contingere: 1. ex causa corporali, ut patet in iis, qui ob aliquam infirmitatem alienationem patiuntur: 2. ex virtute dæmonum, ut in arreptitiis: 3. ex virtute divina, quo modo loquimur in presenti de raptu.

Rom 1.

ART. 2. *Vtrum raptus magis pertineat ad vim cognoscivam, quàm appetitivam. R. Affirmative*, non quod non possit habere causam ex parte appetitivæ virtutis, vel in ea habere effectum; sed ita quod quantum ad id in quod aliquid rapitur, non nisi ad vim

cognoscitivam propriè pertineat. *Primum est*, quia cùm raptus sit præter propriam inclinationem ejus quod rapitur, & motus appetitivæ virtutis sit quædam inclinatio ad bonum appetibile; ideò ex hoc quod homo appetit aliquid, non tam rapitur, quàm per se movetur, proindeque nec quantum ad illud pertinet raptus ad appetitivam vim, sed magis ad cognoscitivam, esto quod ecstasis, ad differentiã raptus, qui supra ecstasin addit violentiam quandam, possit ad vim appetitivam pertinere, ut cùm alicujus appetitus tendit in ea, quæ extra ipsum sunt, juxta quod etiam ait Dion. divinum amorem facere ecstasin. Ita tamen quod quia potest homo secundum appetitum ferri dupliciter extra seipsum, vel cùm appetitus superior, seu intellectivus totaliter in divina tendit, prætermisiss his, ad quæ inclinat appetitus sensitivus, juxta illud Pauli, Vivo ego, jam non ego, &c. vel quando prætermisso appetitu superiori, fertur homo totaliter in ea, quæ pertinent ad appetitum inferiorem, quo modo ille, qui porcos pavit, sub semetipso cecidit, ex Greg. plus appropinquet secundus iste excessus, vel ecstasis ad rationẽ raptus, quàm primus, quia superior appetitus est magis homini proprius; sed tamen quia ibi non est violentia, quandoquidem potest voluntas passioni resistere, ideò deficit à ratione raptus, nisi sit tam vehemens passio, quæ usum rationis totaliter tollat. *Secundum est*, quia cùm ex hoc ipso, quod appetitus ad aliquid vehementer afficitur, possit contingere, ut ex violentia affectus homo ab omnibus aliis alienetur; ideò & potest ra-

Lib. 2.
dial. c. 3.

ptus causam habere ex parte appetitivæ virtutis, sicut & ex timore, quandoquidem ut amor est motus appetitus respectu boni, ita & timor respectu mali; sed insuper & in eadem parte appetitiva potest habere effectum, ut cum delectatur quis in iis, ad quæ rapitur.

ART. 3.

Vtrum Paulus in raptu viderit Dei essentiam. R. Affirmativè, ita quod nedum re-

1. Cor.

12.

fulgentiam quandam claritatis Dei viderit, sed & ipsam Dei essentiam; quanvis non ita, quod ex eo simpliciter Beatus evaserit.

Primum est, quia testatur ipse Paulus, se audiisse ineffabilia verba, quæ non licet homini loqui, qualia quidem videntur ea, quæ pertinent ad visionem Beatorum, utpote quæ excedit statum viæ, secundum illud, Oculus non vidit, &c. Vnde nedum

Isai. 64.

rapitur divinitus mens humana ad contemplandam primam veritatem, ut scilicet contempletur eam per similitudines quasdam imaginarias, qualis fuit excessus mentis, qui cecidit supra Petrum; vel etiam ut divinam contempletur veritatem per intelligibiles effectus, qualis fuit excessus David, de quo in Psal: sed & ut contempletur eam in sua essentia; & talis fuit ex Aug. raptus Pauli, sicut & Moyses: & id satis congruenter, quia ut Moyses fuit primus

Act. 10.

Psal. 115.

Ep. 112.

c. 13: &

12. super

Gen.

Doctor Iudæorum, ita & Paulus gentium, juxta quod nomine tertii cœli, ad quod fuit raptus, potest intelligi nedum Emphyreum respectu cœli sideris, & crystallini, sed etiam visio aliqua supermundana, quæ quidem potest dici tertium cœlum, vel secundum ordinem potentiarum, scilicet sensus, imaginationis, & intellectus, vel secun-

Quaest. CLXXV. Artic. IV. 781

dum ordinem cognoscibilem, ut coelestium corporum, coelestium spirituum, & Dei; vel secundum gradus cognitionis, quae scilicet Deus videtur ab Angelis intimae, mediae, & supremae hierarchiae. In quo quidem sensu, quia visio Dei non potest esse sine delectatione, ideo non solum dixit se esse raptum usque ad tertium coelum ratione contemplationis, sed etiam in paradisum ratione delectationis consequentis. *Secundum est*, quia cum lumen gloriae, quod requiritur ad videndum Dei essentiam, non fuerit in Paulo per modum permanentis, ut est in Beatis, ideo nec fuit in tali raptu simpliciter beatus: unde & habuit fidem habitu, nec caruit nisi actu fidei, cum tantum habuerit actum Beatorum, nec fuerit habitualiter beatus.

Vtrum Paulus in raptu fuerit alienatus ART. 4.
à sensibus. R. Affirmative, & quidem taliter, quod homo in statu viae videre non possit Deum per essentiam sine abstractione à sensibus, esto quod post resurrectionem anima videns Deum intendat phantasmatis, & sensibilibus. *Primum est*, quia cum intellectus humanus non convertatur ad intelligibilia, nisi mediantibus phantasmatis, quae per species intelligibiles à sensibus accipit, proindeque necesse sit, quod in omni operatione, in qua abstrahitur à phantasmatis, quod abstrahatur à sensibus; ideo cum oporteat intellectum hominis in statu viae à phantasmatis abstrahi, si videat Dei essentiam, utpote quae cum simpliciter infinita sit, nec per aliquod phantasma, nec per species intelligibiles representari potest, oportet etiam,

cum elevatur ad tantam visionem, ut totaliter in Deum feratur, & nihil aliud intelligat ex phantasmatis; & consequenter cum abstractione à sensibus. Ita tamen quod Paulus potuerit memor esse eorum quæ viderat, scilicet per species aliquas intelligibiles habitualiter in ejus intellectu relictas; sicut etiam abeunte sensibili aliquo, remanēt impressiones in anima, quas postea conferens se ad phantasmata, memoratur. *Secundum est*, quia cum post resurrectionem fieri debeat redundantia ab intellectu ad inferiores vires, & usque ad corpus; ideo & tunc secundum ipsam Regulam divinæ visionis intendet anima phantasmatis & sensibilibus; imò & Christus, quia glorificatus erat per habituale lumen gloriæ, ad differentiam aliorum viatorum, erat etiam videns divinam essentiam absque abstractione à sensibus.

ART. 5. *Vtrum anima Pauli in statu illo fuerit omnino à corpore separata. R. Negative*, ita quod necesse quidem fuerit in tali raptu abstrahi intellectum à phantasmatis, & sensibilibus perceptione; non tamen animam à corpore sic separari, ut ei non uniretur quasi forma. *Primum est*, quia cum eleveretur homo in raptu virtute divina ab eo quod est secundum naturam ad illud quod est supra; & virtute illa divina non auferatur naturalis hæc habitudo, quam habet, ut intelligat per conversionem ad phantasmata, quam quidem ex hoc habet, quod corpori unitur, tanquam naturalis forma, utpote quia per raptum non mutatur hominis status; ideo adhuc peregrinabatur Paulus in statu illo ad Dominum.

quantum ad statum, quia adhuc erat in statu viatoris; quanvis non quantum ad actum, quo Deum videbat. *Secundum est*, quia quanvis non requiratur ad raptum abstractio à viribus animæ vegetabilis, quandoquidem hæ vires non operantur ex intentione animæ, ut vires sensitivæ; bene tamen à phantasmatibus & sensibilibus perceptione, ne scilicet impediatur ipsius elevatio ad id quod omnia excedit phantasmata. Vnde & potest potentia animæ elevari divina virtute supra modum essentiae, sicut & corpus elevari supra locum sibi convenientem secundum speciem suæ naturæ.

Utrum Paulus ignoraverit an ejus anima fuerit à corpore separata. R. Affirmativè, & quidem taliter, quod nesciverit an ejus anima esset corpori unita ut forma, non autem solum an fuerit ejus corpus simul raptum cum anima. Ratio utriusque partis est, quia cum dicat Apostolus, se aliquid scire, scilicet se raptum esse usque ad tertium cælum, & aliquid ignorare, an scilicet in corpore, an extra corpus; ideo cum hoc dupliciter possit intelligi, primò ut quod dicitur, *sive in corpore*, non referatur ad ipsum esse hominis rapti, quasi ignoraverit an anima ejus esset in corpore, sed ad modum raptus, ut scilicet ignoraverit an corpus ejus fuerit simul raptum cum anima, quem tamen sensum rejicit August. & quidem ex hoc quod Apost. dicit se esse raptum ad tertium cælum, verum scilicet, & non tantum imaginarium, utpote cum ex hoc scire debuerit; aut esse aliquid spirituale & incorporeum, & sic quod non

ART. 64

11. super
Gen. ad
litt.

potuerit corpus ipsius illuc rapi; aut aliquid corporeum, proindeque quod non posset illuc anima rapi sine corpore, nisi separaretur à corpore; consequenter fit, quod secundum alium sensum debeat dictum illud Apost. intelligi, ut scilicet nesciverit, an ejus anima esset corpori unita ut forma, cum dici non possit, quod solum nescierit, utrum esset passus alienationem à sensibus, utpote quod ignorare non potuit ex hoc quod scivit se esse raptum. Vnde cum idem ibidem dicit, *Scio hominem raptum, &c.* non nisi per. sinecdochen accipit ibi hominem, id est, pro parte hominis, quo modo præcipue accipitur anima, quæ est præstantior: sed nec contrarium sequitur ex hoc quod Deum viderit in illo raptu, vel ex hoc quod sciverit, & cognoverit tertium cælum etiã ut quid corporeum, cum istud fieri potuerit per intellectum ejus, etiam si anima non esset à corpore separata; & quantum ad Deum visum, non fuerit ejus visio similis visioni Beatorum, nisi quantum ad id quod videbatur, non autem quantum ad modum videndi, quia non ita perfecte vidit, sicut vident Sancti, qui propterea sciunt, an eorum animæ sint à corporibus separatae.

IN QUÆSTIONEM CLXXVI.

De gratiis gratis datis, quæ pertinent ad loquutionem.

ARTI-
CVLVS
PRI-
MVS.

Vtrum illi qui consequiebantur donum linguarum, loquerentur omnibus linguis. *R. Affirmativè*, non quod una tantum loquentes lingua non potuerint ab omnibus intelligi, sed ita quod convenientius fuerit, quod ab omnibus intelligerentur per hoc quod omnibus loquerentur linguis.

Quest. CLXXVI. Artic. II. 785

Primum est, quia cum primi discipuli Christi ad hoc fuerint electi, ut per universum orbem discurrentes, fidem ejus ubique prædicarent; & non esset conveniens, ut qui mittebantur ad alios docendos, indigerent ab aliis instrui qualiter loquerentur, vel quæ aliis loquerentur, intelligerent, præsertim cum ad infideles mitterentur, & essent pauperes, & impotentes, nec reperiissent qui eorum verba aliis fideliter interpretarentur; ideo conveniens fuit, quod per donum linguarum, quod acceperant, omnibus loquerentur linguis. Id enim ad perfectionem scientiæ ipsorum pertinebat, quâ scilicet non solum loqui, sed etiam intelligere possent, ut poterant, quæ ab aliis dicebantur: esto quod Christus non sit loquutus linguis omnium, quanvis habens scientiam linguarum, quandoquidem uni soli genti Prædicaturus erat. Cum quo tamen stat, quod quanvis Paulus, & alii Apostoli fuerint instructi in linguis, quantum requirebatur ad fidei doctrinam; quantum tamen ad ea, quæ superadduntur humana arte ad ornatum, erat quidem Apostolus instructus in propria lingua, non autem in aliena. *Secundum est*, quia super illud Actor. 2. *Audiebat unusquisque linguâ suâ illos loquentes*, dicit Gloss. Bedæ, quod linguis omnibus loquebantur; vel sua, idest Hebraicâ linguâ loquentes ab omnibus intelligebantur, ac si propriis singulorum loquerentur. Quod quidem non diceret, si hoc fieri non potuisset.

Vtrum donum linguarum sit excellentius, ART. 2.
quàm gratia prophetia. R. Negative, ita quod major sit, ut ait Apost. qui proph-

tat, quàm qui loquitur linguis; quanvis non ita, quin dono linguarum postponatur aliquo modo prophetica interpretatio sermonum. *Primum est*, quia cùm donum linguarum referatur ad diversas proferendas voces, quæ sunt signa alicujus intelligibilis veritatis; & donum prophetiæ consistat in ipsa illuminatione mentis ad cognoscendam intelligibilem veritatem; idcò & nobilius est donum prophetiæ dono linguarum, sicut cognitio rerum cognitione vocum: sed insuper est & utilius, tum ad Ecclesiæ ædificationem, ad quam qui linguis loquitur, nihil prodest, nisi expositio subsequatur: tum quantum ad ipsum loquentem, cujus quidem mens non ædificaretur sine rerum intelligentia, etiamsi diversis loqueretur linguis: tum denique, quia cum dono linguarum quandoque reputantur insani, juxta illud, *Multo madere deputant, &c.* cùm tamen Prophetæ infideles convincant. Vnde quod prophetia in statu imperfectionis hujus vitæ non possit haberi per modum habitus perfectè, ut donum linguarum, non propterea est imperfectius, cùm adhuc per prophetiæ donum ordinetur homo ad Deum secundùm mentem, quod est nobilius, quàm ordinari dono linguarum secundùm vocem; sed hoc potius contingit ex ejus perfectione, ex qua scilicet habet se ad omnia supernaturalia cognoscenda extendere. Sed nec excellentius est donum linguarum, quanvis pertineat ad novum testamentum, in quo quidem etiam fuit revelatio prophetica: sicut nec excellentior est visio imaginaria lumine intelligibili, quanvis illa pertineat ad excellen-

tiam prophetiæ. *Secundum est*, quia quanvis reduci possit interpretatio sermonum ad prophetiam, prout scilicet illuminatur mens ad intelligenda, & exponenda, quæ in sermonibus obscura sunt, quo fit ut potior sit dono linguarum; quia tamen etiam ad interpretandum diversa linguarum genera interpretatio sermonum se extendit, ideo & in hoc sensu postponitur linguarum dono.

IN QVÆSTIONEM CLXXVII.

De gratia sermonis.

Vtrum in sermone consistat aliqua gratia gratis data. *R. Affirmativè*, ita quod Spiritus sancti sit providere, non solum ut quis sic loquatur, ut à diversis possit intelligi, quod pertinet ad donum linguarum; sed etiam quod efficaciter loquatur, quod pertinet ad gratiam sermonis. *Ratio utriusque partis est*, quia cum gratiæ gratis datæ dentur in utilitatem aliorum, & cognitio, quam quis à Deo accipit, in utilitatem alterius converti non posset, nisi mediante loquutione, & quidem efficaci, ut scilicet & instruatur intellectus, quod fit dum quis sic loquitur ut doceat; & ut moveatur affectus, ut scilicet libenter audiant homines verbum Dei, tum ut amet homo ea, quæ verbis significantur, & velit ea implere, quod fit dum quis sic loquitur, ut auditorem flectat: ideo cum Spiritus sanctus non desit in aliquo, quod ad Ecclesiæ utilitatem pertinet, ejus est ita providere in loquutione, nedum ut quis sic loquatur, ut à diversis possit intelligi; sed & ut efficaciter loquatur, quod spectat ad gratiam sermonis, esto quod non oportuerit ponere

ARTI-
CVLVS
PRI-
MVS.

788 *Quaest. CLXXVII. Artic. II.*

sermonem fidei, utpote quia sufficit sermo scientiæ, vel sapientiæ, per quam fit manifestatio. Vnde non nisi modo naturali perficit Rhetorica sermonem, non autem cum ea excellentia, cum qua operatur Spiritus sanctus per gratiam sermonis id quod potest ars inferiori modo: sicut nec nisi de sermone, qui innititur humanæ eloquentiæ absque virtute Spiritus sancti, loquitur

I. Cor. 4. Paulus, cum ait: Non in sermone est regnum Dei. Cum quo tamen stat, quod quia datur præfata gratia ad aliorum utilitatem, ideo quandoque quidem subtrahitur propter auditoris culpam, quandoque propter culpam loquentis, non ita tamen quod bona illorum opera eam directè mereantur, sed solum tollant impedimenta.

ART. 2. *Vtrum gratia sermonis scientia & sapientia pertineat etiam ad mulieres. R. Negative,* quantum scilicet ad publicè alloquendum totam Ecclesiam, esto quod illis possit competere privatè, ad unum vel paucos familiariter colloquendo. *Primum est,* tum ex conditione fœminei sexus, qui debet esse subditus viro; tum etiam ne animi hominum alliciantur ad libidinem; tum denique quia communiter mulieres non sunt in sapientia perfectæ, ut eis possit convenienter committi publica doctrina, ad differentiam gratiæ prophetiæ, quæ quidem conceditur mulieribus, quia attenditur secundum mentem à Deo illuminatam, ex qua parte non est sexuum differentia, sicut est in gratia sermonis, quæ pertinet ad instructionem hominum. Vnde si quæ habeant mulieres gratiam scientiæ, aut sapientiæ, eam quidem possunt administrare secun-

dum privatam doctrinam, non autem publicam. *Secundum est*, quia dicitur Proverb. 4. unigenitus fui coram matre mea, & docebat me, doctrinâ scilicet privatâ, quâ mater filium erudiebat.

IN QVÆSTIONEM CLXXVIII.

De gratia miraculorum.

Vtrum sit aliqua gratia gratis data ad miracula facienda. R. *Affirmativè*, ita quod ut provideatur per gratias gratis datas in perutilibus ad salutem Ecclesiæ, provideri debeat & quantum ad operationem miraculorum, quanvis non ita, quod dari debeat permanenter qualitas aliqua, quæ sit principium miraculosè operandi. *Primum est*, quia cum necesse sit ut sermo prolatus per donum linguæ, & gratiam sermonis, confirmetur ut credibilis fiat, & hoc fieri soleat per operationem miraculorum, quatenus sicut ductu rationis naturalis pervenit homo ad aliquam Dei notitiam per effectus naturales, ita per supernaturales effectus, quæ dicuntur miracula, in cognitionem credendorum supernaturalem inducitur; ideo & debuit saluti Ecclesiæ providere Spiritus sanctus per gratiam datam ad miracula operanda, quæ quidem dicuntur virtutes, quatenus in his attenditur illud quod fit; & etiam signa, attendendo ad illud propter quod fiunt, scilicet ad manifestandum aliquid supernaturale. Vnde attribuitur quidem operatio miraculorum fidei, quatenus ordinantur ad fidei manifestationem; & quia procedit ex Dei omnipotentia, cui innititur fides, est tamen præter fidem necessaria operatio miraculorum, scilicet ad fidei manifestationem, & confirma-

ARTI-
CVLVS
PRI-
MVS.

790 *Quest. CLXXVIII. Art. II.*

tionem; si tamen veram habeant rationem miracula, qualia non sunt quæ fiunt à spiritu immundo, utpote quæ fiunt virtute naturalium causarum, esto quod vera dicantur, in hoc scilicet sensu, quo res quas faciunt, veræ erunt, sicut cum magi Pharaonis veras fecerunt ranas. *Secundum est*, quia cum eorum, quæ miraculose, sive supernaturaliter fiunt, causa sit divina omnipotentia, quæ quidem nulli potest creaturæ communicari; ideo & impossibile est, quod principium operandi miracula sit aliqua qualitas habitualiter manens in anima; sed solum movetur mens miracula facientis ex inspiratione divina ad faciendum aliquid, ad quod sequitur effectus miraculi, quod Deus sua virtute facit. Quod quandoque quidem fit præcedente oratione, si-

Act. 9. cut cum Petrus Thabitam mortuam suscitavit; quandoque Deo ad nutum hominis operante, sicut Petrus Ananiam & Saphiram mentientes morti increpando tradidit.

ART. 2. *Vtrum mali possint miracula facere. R. Affirmative;* si tamen fiant ad veritatis prædicatæ confirmationem, non ad demonstrationem sanctitatis facientis. *Ratio utriusque partis est*, quia cum oratio in impetrando non innitatur merito, sed divinæ misericordiæ, quæ quidem etiam ad malos se extendit; ideo & possunt mali miracula facere, & per orationem ea impetrare, si veram habeant fidem, & nomen Christi invocent; & quidem quanvis non possint boni qui sunt Deo conjunctiores, utpote cum ad miracula facienda non semper requiratur gratia gratum faciens, juxta illud Apostoli: Si habuero omnem fidem, ita ut

Quest. CLXXIX. Artic. I. 791

montes transferam, charitatem autem non habuero, &c. Vnde dicitur quidem fides sine operibus mortua quantum ad credentem, qui per eam non vivit vita gratiæ; nihil tamen prohibet, quin possit Deus agere per fidem hominis peccatoris instrumentaliter; si tamen fiant ad veritatis prædicatæ confirmationem, utpote quæ fieri debent ad hominum utilitatem, non autem ad demonstrationem sanctitatis, quam scilicet vult Deus proponere in exemplum virtutis. Hæc enim non fiunt nisi à Sanctis, vel in vita, vel post mortem, sive per eos, sive per alios, etiam malos, cum nihil prohibeat per aliquem peccatorem miracula fieri ad invocationem alicujus Sancti, sed prohibeat solum fieri in testimonium sanctitatis, quam non habent, vel ad confirmationem falsæ doctrinæ, quam docent, utpote quæ à Deo specialiter facta, semper sunt vera testimonia ejus, ad quod inducatur.

IN QVÆSTIONEM CLXXIX.

De vita activa, & contemplativa.

Vtrum vita convenienter dividatur per activam, & contemplativam. *R. Affirmativè*, non quidem vitâ universaliter sumptâ, sed humanâ. *Primum est*, quia cum vita uniuscujusque hominis videatur esse id in quo maximè delectatur, & cui maximè intendit, quia unumquodque vivens ostenditur vivere ex operatione sibi maximè propria, ad quam maximè inclinatur, adeo ut non dicatur quod vivere vivētibz est esse, nisi quia viventia per hoc quod habent esse in actu per suam formam, etiam tali modo operantur; ideo cum quidam homines præcipuè intendunt contemplationi veritatis,

ARTI-
CVLVS
PRI-
MVS,

Arist. lib.
2. de an.

792 *Quest. CLXXIX. Artic. II.*

& quidam exterioribus actionibus, convenienter etiam dividitur vita humana in activam, & contemplativam; & quidem quanvis contemplatio importet quietem ab exterioribus motibus, utpote cum adhuc contemplari sit quidam motus intellectus, prout quælibet operatio est motus, & motus est actus perfecti, & ita nihil prohibeat quod modo dicto dividatur vita humana. *Secundum est*, quia cum activum & contemplativum, sive speculativum, & practicum, sint differentie intellectus, qui est posterius quid ad vivere universaliter sumptum; ideo non sic dividi debet vita in communi, sed solum vita hominis, quæ quidem speciem sortitur ex hoc quod habet intellectum.

ART. 2. *Vtrum vita sufficienter dividatur per activam, & contemplativam. R. Affirmative,* non quod non possit tertium distingui genus, scilicet ex utroque compositum; sed ita quod sub activo & contemplativo omne comprehendatur genus vitæ. *Primum est*, quia cum hæc divisio detur de vita humana, quæ attenditur secundum intellectum; & intellectus dividatur per activum & contemplativum, quando quidem intellectivæ cognitionis finis vel est ipsa cognitio veritatis, quod pertinet ad intellectum speculativum; vel aliqua actio, quod pertinet ad activum: ideo sufficienter dividitur vita modo dicto, adeo ut omnia humana studia, si sint in cognitione veritatis, pertineant ad vitam contemplativam; & si in actione, ad activam: iis tamen seclusis, quæ spectant ad voluptuosam vitam, quæ quidem dicitur bestialis vita, cum finem ponat in delecta

delectatione corporali, quæ communis est nobis, & brutis, unde nec ponitur in prædicta divisione. *Secundum est*, quia ponit Aug. tria vitæ genera, scilicet otiosum, quod pertinet ad contemplationem; actuosum, quod ad vitam spectat activam; & tertium ex utroque compositum, quod tamen in aliis præcontinetur, sicut tepidum in calido, & frigido, utpotè cum media conficiantur ex extremis.

19. de civ. Dei.

IN QVÆSTIONEM CLXXX.

De vita contemplativa.

Vtrum contemplatio nihil habeat in affectu, sed totum in intellectu. *R. Negativè*, adeò ut pertineat quidem ad intellectum quantum ad ipsam essentiam actionis, sed quantum ad motivum, aut etiam terminativum, se teneat ex parte voluntatis. *Ratio utriusque partis est*, quia cum vita contemplativa dicatur esse eorum, qui principaliter intendunt contemplationi veritatis; & intentio sit actus voluntatis, cum sit de fine, qui est voluntatis objectum; ideo pertinet quidem contemplatio ad intellectum quoad essentiam, sed quantum ad motivum, ad voluntatem pertinet, quæ per intentionem movet, nedum corporalia membra ad exteriores actiones, sed etiam intellectum ad operationem contemplationis. Imò etiam terminativè ad voluntatem pertinet, utpote cum voluntas moveat ad aliquid inspiciendum, & contemplandum, vel propter amorem rei visæ; ubi enim est thesaurus, ibi & cor: vel propter amorem ipsius cognitionis, propter quod ponit Greg. contemplativam vitam etiam in charitate; in Exec. sicque cum delectetur quilibet, quando

ARTICULVS
CVLVS
PRI-
MVS.

Hom. 14.
in Exec.

794 *Quaest. CLXXX. Artic. II.*

adeptus est quod amat, terminetur contemplativa in delectationem, quæ quidem est in affectu. Vnde & habet veritas ex hoc quod finis est contemplationis, rationem boni appetibilis, & amabilis, propter quod pertinet ad affectum; & ad visionem Dei, quæ spectat ad contemplativam, incitat amor ipsius, quod etiam pertinet ad voluntatem.

- ART. 2.** *Vtrum virtutes morales pertineant ad vitam contemplativam. R. Negative, non quod non spectent ad eam dispositivè, sed ita quod ad ipsam non pertineant, loquendo essentialiter. Primum est, quia finis contemplativæ est consideratio veritatis; cum tamen virtutes morales pertineant essentialiter ad felicitatem activam, ex Philos. nec nisi parvam in ipsis potestatem habet ipsum scire, ex eodem. Vnde habet quidem contemplativa motivum ex parte affectus, & secundum hoc ait Gregor. dilectionem Dei, & proximi requiri ad contemplativam, non tamen essentialiter: sicut nec nisi in vita contemplativa, quæ consistit in actione rationis, invenitur pulchritudo per se, & essentialiter, & solum participativè in virtutibus moralibus, utpote cum consistat pulchritudo in quadam claritate, & debita proportionem, quæ radicaliter est in ratione. Secundum est, quia cum actus contemplationis impediatur per vehementiam passionum, & per tumultus exteriores, quæ quidem sedant virtutes morales; ideo & habent se dispositivè ad vitam contemplativam, in quo etiam sensu dicitur, quod pax, & cordis munditia ducunt ad visionem Dei.*
- In 2. Exhic.*
- Matt. 5.*

Vtrum ad vitam contemplativam pertineant diversi actus. R. Negative; ita quod unum habeat finalem actum, à quo unitatem accipit; quanvis non ita, quin plures habeat, quibus ad finalem perveniat. *Ratio utriusque partis est*, quia cum homo non simplici apprehensione veritatem intueatur, ut Angelus, sed quodam processu ex multis; ideo & habet ad contemplandum diversos actus antecedentes, qui vel pertinent ad acceptionem principiorum, vel ad deductionem principiorum in veritatem ejus, cujus cognitio quaeritur: & hoc modo pertinent ad contemplationem, tum cogitatio, quæ dicit multorum inspectionem in ordine ad unam colligendam veritatem; & meditatio, quæ spectat ad processum rationis ex principiis aliquibus ad veritatis alicujus contemplationem pertingentibus, & ad quam reducitur speculatio, quæ cum dicatur à speculo, idem est ac visio causæ per effectum, in quo ejus relucet similitudo: sed quia ultimus, & completivus actus hujus vitæ est unus, scilicet contemplatio veritatis; ideo fit quod unum habeat actum in quo finaliter perficitur, à quo accipit unitatem. Vnde pertingit quidem homo ad cognitionem veritatis, vel per ea, quæ ab alio accipit, & tunc si à Deo, est necessaria oratio; si ab homine, auditus, seu loquutio: vel per proprium studium, & sic requiritur meditatio; ita tamen, ut hæc non pertineant ad actum contemplationis, sed ad hoc ut ad contemplationem deveniatur, sicut nec nisi ad contemplationem veritatis primæ consequitur admiratio: in quo sensu dicit

Lib. 6. de Bern. quod maxima contemplatio est admiratio majestatis, non quòd ipsa contemplatio sit plures actus.

ART. 4. *Vtrum vita contemplativa solum consistat in contemplatione Dei. R. Affirmativè,* non quòd ad eam non pertineat secundariò contemplatio divinorum effectuum, sed ita quod consistat principaliter in contemplatione divinæ veritatis. *Primum est*, quia cum hujusmodi contemplatio divinæ veritatis sit finis totius humanæ vitæ, ut ait **Aug.** Vnde & ponit **Phil.** in contemplatione optimi intelligibilis ultimam hominis felicitatem, quæ scilicet hîc inchoatur per speculum, ut in futuro continuetur facie ad faciem; ideò & in ea consistit principaliter contemplativa vita, adeò ut quæreret quidem **David** cognitionem operum Dei, juxta illud: *Mirabilia opera tua, & anima mea cognoscit nimis;* sed ut ex hoc manuducetur ad Deum, sive divinam veritatem, quæ est perfectio ultima intellectus, propter quam aliis perficimur veritatibus, non autem ut principaliter hæc contemplaretur. *Secundum est*, quia cum per divinos effectus in Dei contemplationem manuducamur, secundum illud: *Invisibilia Dei per ea quæ facta sunt, &c.* ideò & eorundem contemplatio ad contemplativam vitam secundariò pertinet. Vnde hæc quatuor ad eam pertinent, primò scilicet virtutes morales ad eam disponentes, tum alii actus præter contemplationem, postea contemplatio divinorum effectuum, & tandem principaliter divinæ veritatis contemplatio. Cum quo tamè stat, quod adhuc sex assignari possint gradus, quibus per creaturas in Dei con-

1. de Trin.
nic. c. 8.

Psal. 138.

Rom. 2.

Quaest. CLXXX. Artic. V. 797

templationem ascenditur, scilicet perceptio sensibilium, progressus à sensibilibus ad intelligibilia, dijudicatio sensibilium secundum intelligibilia, absoluta consideratio intelligibilium, in quæ per sensibilia devenitur; contemplatio intelligibilium, quæ tantum ratione capi possunt; & tandem contemplatio intelligibilium, quæ nec ratio discursiva percipere potest, primæ scilicet veritatis.

Richard.
lib.1. de
contem.
cap.6.

Vtrum vita contemplativa secundum statum presentis vite possit pertingere ad visionem divinæ essentia. R. Negative, si nimirum sumatur status hujus vitæ non quidem solum potentialiter, in quantum est anima conjuncta ut forma, ut potens uti corporis sensibus; sed secundum actum, in quantum scilicet actualiter eis utitur. Primum est ex Greg. qui ait, nemine posse in cōtemplatione ita proficere, ut possit oculos mentis in radios divini luminis infigere; necnon ex Aug. asserente, quod nemo videns Deum vivit ista vita, qua mortaliter vivimus in istis sensibus corporis. Vnde quod Iacob dicit: Vidi Deum facie ad faciem, non aliter intelligendum venit, quàm quod viderit formam imaginariam, per quam Deus ei loquutus est; sed nec dum ait Greg. de B. Benedicto, quod animæ videnti Deum angusta fit omnis creatura, vult propterea significare, quod Dei essentiam viderit, sed quod per illustrationem divini luminis possunt de facili quæcumque videri. Cum quo tamen stat, quod quia intellectualis cognitio non sistit in phantasmatibus in hac vita, sed in eis contemplatur puritatem veritatis intelligibilis, etiam in iis, quæ per re-

ART. 5.

Hom. 18.
in Ezeq.
lib. 12.
super
Genes.
c. 27.
Gen. 32.

Lib. 2.
Dialog.
c. 34.

798 *Quest. CLXXX. Art. VI.*

Lib. 6.
Moral.
c. 26.

relationem cognoscimus, ideo adhuc verum fit dicere cum Greg. viros contemplativos non secum trahere rerum corporalium umbras, quia scilicet in eis non fiunt. *Secundum est*, quia quamdiu solum est anima in potentia, ut sensibus utatur, nec actu utitur, ex nullo tunc aggravatur à corpore, quin possit ad supremum contemplationis gradum pertingere, qualem quidem habuit Paulus in raptu, secundum quem fuit medio modo se habens inter statum presentis vitæ, & futuræ.

ART. 6. *Vtrum operatio contemplationis convenienter distinguatur per tres motus, circularem, rectum & obliquum. R. Affirmative*, ita quod sicut in motibus corporalibus, sic & in operationibus intelligibilibus tres illæ assignabiles sint differentiæ, circularis, recti, & obliqui, sed alio modo assignandæ in hominibus, & alio in Angelis. *Primum est*, quia cum per sensibilia in cognitionem intelligibilium deveniamus, & operationes sensibiles sine motu non fiant, proindeque operationes intelligibiles quasi motus quosdam describere debeamus, nec non secundum similitudinem diversorum motuum earum differentias assignare; ideo cum in motibus corporalibus tres potissimum differentiæ assignentur, circularis unus, secundum quem aliquid movetur uniformiter circa idem centrum; alius rectus, secundum quem aliquid procedit ab uno ad aliud; tertius obliquus, quasi ex utroque compositus, proinde fit, quod etiam in operationibus intelligibilibus, quod simpliciter habet uniformitatem, attribui debeat motui circulari, & secundum quod

Quaest. CLXXX. Art. VII. 799

proceditur ab uno in aliud, motui recto; & operatio, quæ aliquid habet uniformitatis simul cum processu ad diversa, attribuitur motui obliquo, adeo ut omnes aliæ diversitates motuum, quæ accipiuntur secundum differentiam ejus, quod est sursum, deorsum, dextrorsum, &c. quas assignat Richardus, contineantur sub motu recto, vel obliquo, quandoquidem per omnes designatur discursus rationis; ita tamen, quod motus hujusmodi intelligibilium operationum non opponatur quieti & contemplationi, sicut motus corporalis, utpote quæ solum quiescit ab exterioribus occupationibus. *Secundum est*, quia cum homo conveniat intellectu cum Angelis solum in genere, sitque vis intellectiva multo altior in illis, quam in homine; ideo & præfati motus alio modo assignari debent in hominibus, & alio in Angelis, ut videre est in Dionys. cap. 4. de Div. Nom. ubi scilicet differentias declarat.

Vtrum contemplatio delectationem habeat. ART. 7.

R. Affirmativè, & quidem tum ratione ipsius operationis contemplationis, tum etiam ratione amoris, seu quia objectum contemplatur amatum. *Primum est*, quia cum unicuique delectabilis sit operatio sibi conveniens secundum propriam naturam, vel habitum; & contemplatio veritatis competat homini secundum suam naturam, ut rationalis est; ideo & habet contemplatio ex ratione operationis delectationem, & magis adhuc in habente habitum sapientiæ, vel scientiæ; quo quidem fit, ut homo sine difficultate contempletur: quanvis enim vita contemplativa essentia-

800 *Quaest. CLXXX. Art. VIII.*

liter consistat in intellectu; quia tamen principium habet in affectu, ut supra dictum est, & finis respondet principio, inde est quod finis & terminus vitae contemplativae sint in affectu, in quo consistit delectatio. Vnde est quidem in contemplatione contentio, & certamen, ut dicit Gregorius non tamen ex contrarietate veritatis, quam contemplamur, unde impediretur delectatio; sed ex defectu nostri intellectus, & corporis, quod scilicet animam aggravat, & ad inferiora trahit; sicque solum ex eo colligitur delectatio perfecta, quae erit in patria; non autem imperfecta, qualis est in hac vita, quae tamen adhuc est longe major omni alia delectatione, quantumvis perfecta, ob excellentiam rei contemplatae. *Secundum est*, quia vita contemplativa praecipue consistit in contemplatione Dei, ad quam quidem movet charitas, quae omnem amorem superat, sicut & ejus delectatio omnem aliam delectationem. Et inde est, quod Iacob post contemplationem uno pede claudicabat, quia necesse est, ut debilitato amore seculi, qui significatur per unum pedem, convalescamus ad amorem Dei, qui per alterum pedem significatur.

Hom. 14.
in Ezech.

ART. 8. *Vtrum vita contemplativa sit diuturna. R. Affirmative*, & quidem siue consideretur contemplatio secundum suam naturam, siue consideretur quoad nos. *Primum est*, quia cum versetur vita contemplativa secundum se circa incorruptibilia, & immobilia; & aliunde non habeat contrarietatem, quandoquidem delectationi, quae est in considerando, nihil contrariatur, ideo & est secundum suam naturam diuturna;

& quidem quanvis modus contemplandi non sit idem hîc, & in patria, quandoquidem adhuc manere dicitur vita contemplativa ratione charitatis, in qua habet principium & finem: sicut & in hac vita, quanvis quantum ad sui summum diu durare non possit, potest saltem diu durare quantum ad alios contemplationis actus. *Secundum est*, quia & competit nobis secundum actionem incorruptibilis partis, scilicet animæ, propter quod dicit Arist. In 10^a Ethic. esse vitam contemplativam supra hominem, non quod non sit ei connaturalis, sed quia competit ei secundum illud, quod habet divinum, scilicet secundum intellectum incorruptibilem, & æternum; & insuper in operibus contemplativæ corporaliter non laboramus, sicque ex parte nostri magis continuè in illis persistere possumus.

IN QVÆSTIONEM CLXXXI.

De vita activa.

Vtrum omnes actus virtutum moralium ARTI-
pertineant ad vitam activam. Re. Affir-
mativè, non quod non possint aliquo modo CVLV
comprehendi sub vita contemplativa, sed PR
ita quod essentialiter spectent ad activam,
quanvis non æqualiter. *Primum est*, quia
cum virtutes morales per se ordinentur ad
operandum, & operatio sit finis vitæ acti-
væ, sumuntur namque genera vitæ secun-
dum diversa studia ad diversos fines; ideò
& pertinent essentialiter ad vitam activam,
& quidem omnes, quandoquidem per Hom. 10^a
actus omnium virtutum moralium potest in Ezech.
homo proximos suos dirigere ad bonum, In 1^a
quod quidem Greg. attribuit vitæ activæ: Ethic.
ita tamen quod quia inter virtutes morales

præcipua est iustitia, quâ quis ad alterû ordinatur, ex Philos. describatur vita activa per ea, quæ ad alterum ordinantur, non quia in his solùm, sed quia in his principa- liter consistit, & ita inæqualiter. *Secundum est*, quia sicut si quis utatur virtutibus mor- alibus tanquam bonis secundùm se, perti- nent ad activam; sic etiam si quis illis uta- tur ut disponunt ad contemplativam; com- prehenduntur sub contemplativa, cùm vir- tus quæ ordinatur in finem alterius, quasi transeat tunc in speciem ejus.

ART. 2.

Vtrum prudentia pertineat ad vitam acti- vam. R. Affirmativè; si tamen propriè su- matur prudentia secundùm quod Philoso- phus de ea loquitur; non autem communi- ter pro qualicumque humana cognitione. *Primum est*, quia cùm in moralibus præci- pue quod ordinatur ad aliud, ut ad finem, trahatur ad speciem ejus, ad quod ordina- tur; & cognitio prudentiæ propriè dictæ tota ordinetur, ut ad finem, ad operationes virtutum moralium, quæ quidem pertinent ad vitam activam; ideo quanvis magis per- tineat ad vim cognoscitivam, adhuc perti- net ad vitam activam, cùm adhuc habeat finem in actu appetitivæ virtutis, & actio- nes morales specificentur à fine. Vnde oc- cupatio quidem vitæ activæ circa exterior- res actiones facit hominem minus videre in rebus separatis à sensibilibus, facit ta- men magis clarè videre in judicio agibili- um, quod spectat ad prudentiam; quæ etiam non aliter dicitur media inter intel- lectuales, & morales virtutes, nisi quia in subjecto convenit cum intellectualibus, & in materia cum moralibus. *Secundum est*,

quia si prudentia communiùs sumatur, ut comprehendit omnem humanam cognitionem, sic quantum ad aliquam sui partem ad vitam pertinet contemplativam: unde ait Tullius, qui acutissimè, & celerri-
Lib. 1.
mè potest videre verum, is prudentissi- offic.
mus est.

Vtrum docere sit actus vite activa. &c. Affir- ART. 3.
mative, si tamen sumatur doctrina, seu doctrinæ objectū ex parte sermonis audibilis, seu comparativè ad audientem, non ex parte materiæ, seu objecti interioris conceptionis. *Primum est*, quia sumpro doctrinæ objecto ex parte audientis, cum tunc qui docet aliquid, agat erga eum, qui addiscit & audit, ad differentiam illius, qui orat pro alio, qui quidem nihil agit erga illum, pro quo orat, sed erga Deum; ideò & tunc omnis doctrina pertinet ad vitam activam, ad quam pertinent exteriores actiones, juxta quod dicit Greg. quod activa vita est panem esurienti tribuere, verbo sapientiæ nescientem docere. *Secundum est*, quia si sumatur doctrina comparativè ad materiam, seu objectum interioris loquutionis; licet tunc quandoque pertineat ad vitam activam, quando scilicet homo interiùs conceipit veritatem, per quam in exteriori actu dirigatur; aliquando tamen ad contemplativam pertinet, ut cum conceipit veritatem intelligibilem, in cujus consideratione amore delectatur: quod confirmari potest ex eo, quod actus & habitus, & per consequens doctrina, & sapientia, cujus est contemplari, pertinent ad idem genus vitæ ex parte interioris conceptionis, cum communicent actus & habitus in eodem objecto.

ART. 4. *Vtrum vita activa maneat post hanc vitam. R. Negativè, non quòd non possint remanere actus aliqui exteriores vitæ activæ, sed quia sub ea ratione qua remanent, ad vitam pertinent contemplativam. Ratio utriusque partis est, quia cùm vita activa finem habeat in exterioribus actibus, & in futura vita Beatorum cesset occupatio exteriorum actuum, adeò ut si qui actus exteriores sint, referantur ad finem contemplationis, juxta illud Aug. Ibì vacabimus, & videbimus; videbimus, & amabimus; amabimus, & laudabimus: unde nec manebunt post hanc vitam virtutes morales secundùm actus circa ea quæ sunt ad finem, in quibus consistit vita activa, sed secundùm actus circa finem; ideo nec manebit post hanc vitam vita activa, etsi aliqui possint remanere exteriores actus; & quidem quanvis durabilitas vitæ activæ in statu præsentis excedat durabilitatem contemplativæ, utpote quod non est ex proprietate utriusque vitæ, sed ex defectu nostri. Imò & quanvis nobis promittatur similitudo Angelorum, inter quos unus alium docet, purgat, & perficit, utpote quæ nobis promittitur non in administratione, seu dispensatione mysteriorum Dei, juxta quod habent aliquid de vita activa quamdiu durat mundus, dum administrationi inferioris creaturæ intendunt, quanvis sine privatione divinæ contemplationis; sed similitudo in contemplatione, in qua quidem nullus Angelus, vel Beatus alium docet, quia omnes Deum videbimus sicuti est.*

Lib. 22.
de civit.
cap. ult.

Quest. CLXXXII. Artic. I. 805
IN QUESTIONEM CLXXXII.

*De comparatione vite activæ ad
contemplativam.*

Vtrum vita activa sit potior, quàm con- ARTI-
templativa. *Re. Negative*, non quòd CVLVS
non sit potior secundum quid, sed ita quod PRI-
contemplativa sit simpliciter melior. *Pr-* MVS
mum est, quia contemplativa & convenit
homini secundum id quod est optimum in
seipso, scilicet secundum intellectum; &
respectu priorum objectorum, id est in-
telligibilem; & potest esse magis conti-
nua, quanvis non quantum ad summum
contemplationis: unde Maria describitur
secus pedes Domini sedens; & major est
delectatio in contemplativa, quàm in acti-
va: propter quod dicitur de Martha, quod
turbabatur; & in contemplativa est homo
magis sibi sufficiens, cum hæc vita paucio-
ribus sit contenta; & consistit in quadam
vacatione, & quiete, & est secundum di-
vinam, cum tamen sit activa secundum hu-
manam. Vnde quanvis præcipere pertineat ad
artem potiore, non ideo activa est sim-
pliciter præstantior, quandoquidem non
directè præcipit contemplativæ, cum solum
quædam præcipiat opera vitæ activæ, quæ
ad contemplativam disponunt, in quo qui-
dem magis servit, quàm dominatur. Et hinc
etiam est, quod ad Prælatos non solum per-
tinet activa, sed etiam excellere in contem-
plativa; sicut nec cum aliquis à contempla-
tiva ad activam vocatur, id propterea fiat
per modum subtractionis, sed additionis,
propter aliquam necessitatem præsentis vitæ.
Secundum est, quia in casu aliquo magis eli-
genda vita activa, propter scilicet aliquam

necessitatem præsentis vitæ; quia ut dicit Phil. philosophari melius est quàm ditari; sed necessitatem patienti melius est ditari, quàm philosophari.

In 3. Topic.

ART. 2. *Vtrum vita activa sit majoris meriti, quàm contemplativa. R. Negative, non quòd non possit contingere, quòd quis plus mereatur in operibus vitæ activæ, quàm alius in operibus contemplativæ; sed ita quòd vita contemplativa sit ex suo genere majoris meriti, quàm activa. Primum est, quia cùm radix merendi sit charitas, quæ consistit in dilectione Dei, & proximi, sed taliter quòd diligere Deum sit ex se magis meritorium, quàm diligere proximum; ideo quòd directius pertinet ad dilectionem Dei, ut pertinet vita contemplativa, magis est meritorium ex suo genere, quàm quòd directè pertinet ad dilectionem proximi propter Deum, ut vita activa. Vnde est quidem labor exterior toleratus propter Christum, signum quoddam charitatis, in qua quidem consistit principaliter augmentum meriti respectu præmii essentialis; sed multò expressius ejus signum est, quòd aliquis prætermisiss omnibus, soli divinæ contemplationi vacare delectetur: neque cùm dicitur, quòd nullum sacrificium est Deo magis acceptum, quàm zelus animarum, præfertur propterea meritum activæ merito contemplativæ; sed datur solùm intelligi, quòd hoc offerre Deo est gratius, quàm bona exteriora. Secundum est, quia potest contingere, quòd quis ex abundantia divini amoris ad Dei gloriam, vellet ad tempus à dulcedine divinæ contemplationis separari: quo modo intelligitur illud Pauli, Optabam ego*

Greg. in
6. Moral.
cap. 27.

Rom. 9.

Quest. CLXXXII. Art. III. & IV. 307

iple anathema esse pro fratribus meis : in quo quidem casu plus mereretur in operibus vitæ activæ, quàm alius in operibus contemplativæ.

Vtrum vita contemplativa impediatur per vitam activam. R. Negativè, si nimirum consideretur vita activa, non quidem quantum ad ipsam occupationem exteriorum actuum, sed quantum ad hoc, quod interiores animæ passionēs componit. Ratio utriusque partis est, quia cùm impossibile sit, quod simul aliquis occupetur circa exteriores actiones, & divinæ contemplationi vacet; ideo quantum ad ipsum studium, & exercitium exteriorum actionum impedit quidem vita activa contemplativam; sed quia sub alia consideratione quietat vita activa interiores passionēs, ex quibus phantasmata proveniunt, per quæ contemplatio impeditur; ideo nec impedit sub eâ ratione, sed potius adjuvat ad contemplationem. Vnde Greg. Qui contemplationis arcem desiderant, prius se in campo per exercitium operis præbent.

Vtrum vita activa sit prior, quàm contemplativa. R. Affirmativè, si tamen subintelligatur non simpliciter, & secundum naturam; sed in via generationis, & quoad nos. Ratio utriusque partis est, quia cùm disponat vita activa ad contemplativam, quatenus ex bono opere tendimus in contemplationem; & dispositio in via generationis præcedat formam, quæ tamen simpliciter, & secundum naturam est prior; ideo est quidem vita contemplativa prior secundum naturam, præsertim cùm prioribus, & melioribus insulat, quo fit ut vi-

108 *Quaest. CLXXXIII. Art. I.*

tam activam moveat & dirigat. Ratio namque superior, quæ contemplationi deputatur, comparatur ad inferiorem, quæ assignatur actioni, sicut vir ad mulierem; nihilominus prior est viâ generationis vitæ activa, in qua quidem via proceditur à vitâ activa ad contemplativam, quanvis postea à contemplativa redeatur per viam directionis ad activam; adeo ut licet contemplativa pertineat ad dilectionem Dei, quæ est prior, eam tamen præcedat activa, sicut quod est commune omnium, præcedere solet quod est proprium perfectorum. Vnde quanvis aliqui sint magis apti ad vitam activam propter impetum passionum, ad quas sunt proni, & aliqui magis sint ad contemplationem; non tamen inde tollitur, quin illi per exercitium activæ possint se ad contemplationem præparare, & isti exercitia subire vitæ activæ, sicque inter se servare ordinem prioris, & posterioris.

IN QVÆSTIONEM CLXXXIII.

De officiis & variis hominum statibus.

ARTI-
EVLVS
PRI-
MVS.

Vtrum status in sui ratione importet conditionem libertatis, vel servitutis. *R. Affirmativè*, ita quod ad statum hominis videatur pertinere, quod respicit obligationem immobilem personæ, prout est sui, vel alieni juris; si tamen propriè sumatur status, & adæquatè. *Ratio utriusque partis est*, quia cum status, propriè loquendo, quandam significet positionis differentiam secundum modum suæ naturæ, quasi in quadam immobilitate, quo fit ut homo dicatur stare, quando erectus pedes in terram figit; & negotium in humanis habere statum, quando ordinem habet propriæ dif-

positionis cū quadā immobilitate; ideo & id solum videtur ad statum hominis pertinere, quod respicit conditionem, seu obligationem personæ, non ex levi & de facili commutabili causa, qualis quidem est conditio non divitis, aut pauperis, & aliorum hujusmodi, quæ de facili variantur, sed conditio servi, & liberi. Ita tamen quod præfata immobilitas requiratur in eo, quod pertinet ad conditionem personæ, quo fit ut nec per officia diversificentur status, quia dicuntur per comparisonem ad actus; neque per gradus, qui quidem dicitur secundum ordinem superioritatis, & inferioritatis; sed nec ex omni operatione virtuosa dicatur quis statum adipisci, licet faciat virtus immobiliter operari, ex Philos. utpote cū immobilitas non sufficiat ad rationem adæquatam status; cū etiam sedens, vel jacens ita immobiliter quiescat, qui tamen non dicitur stare.

In 2. Eth.
cap. 1.

Vtrum in Ecclesia debeat esse diversitas officiorum, seu statuum. R. Affirmative, & quidem tum ex ratione perfectionis Ecclesiæ, tum ex necessitate actionum, tum etiam ad Ecclesiæ decorem. Primum est, quia sicut in rerum naturalium ordine perfectio, quæ in Deo simpliciter & uniformiter invenitur, inveniri non potest in diversitate creaturarum, nisi difformiter, & multipliciter: sic & plenitudo gratiæ, quæ est in Christo, ut in capite, ad hoc ut corpus Ecclesiæ perfectum sit, non nisi diversimodè redundat ad ejus membra, propter quod etiam dicitur circumamicta varietate; & ab Apost. Dedit quosdam Apostolos, quosdam verò Prophetas, &c. unde non propterea

ART. 2.

Psalm. 44
Ad Eph.
4.

impedit diversitas statuum, & officiorum Ecclesiae unitatem, quae potius perficitur per unitatem fidei, charitatis, & mutuae subministrationis. *Secundum est*, quia ut expeditius, & sine confusione omnia peragantur, multum facit si ad diversas actiones, quae sunt Ecclesiae necessariae, diversi deputentur homines, juxta illud Apost. Sicut in uno corpore plura membra, &c. qui quidem agendi modus non repugnat gratiae, quandoquidem sicut natura non coarctat in unum id ad quod multa requiruntur, quanvis non faciat per multa quod potest facere per unum, nec etiam gratia. *Tertium est*, quia in quodam consistit ordine Ecclesiae decor, seu dignitas & pulchritudo. Vnde ait Apost. In magna domo non solum sunt vasa aurea, & argentea, &c. & hoc maxime cum non sit talis diversitas superiorum & inferiorum impeditiva pacis & unitatis, quatenus sicut membra diversa in corpore naturali continentur in unitate spiritus vivificantis: ita in corpore Ecclesiae conservatur pax diversorum membrorum virtute Spiritus sancti, qui corpus Ecclesiae vivificat, à qua quidem unitate recedit, qui quaerit quae sibi propria sunt.

ART. 3. *Utrum officia distinguantur per actus.*
Re. Affirmative; si tamen accipiat diversitas humanorum actuum formaliter, non autem materialiter. *Primum est*, quia cum diversitas in membris Ecclesiae ad tria ordinetur, ut supra dictum est, scilicet ad perfectionem, actionem, & decorem; ideo sicut accipitur diversitas statuum per respectum ad perfectionem, prout sunt alii aliis perfectiores; tum diversitas graduum in iis-

Artic.
 p. 2c.

Quest. CLXXXIII. Artic. IV. 811

dem fidelibus, per respectum ad decorem, sive ordinem pulchritudinis Ecclesiasticæ, secundum quod est unus superior altero in eodem statu, vel officio; sic & diversitas officiorum per ordinem ad actionem, quandoquidem dicuntur ad diversa officia esse, qui sunt ad diversas actiones deputati. Ita tamen, quod quanvis diversitas statuum, officiorum, & graduum sumatur secundum diversa; contingat tamen, quod ista tria quandoque in eundem concurrant, ut cum quis deputatur ad aliquem altiorē actum, & simul habet officium & gradum, & quandam perfectionis statum, ut patet in Episcopo. *Secundum est*, quia cum diversitas materialis humanorum actuum sit indeterminata & infinita, ideo non secundum materialem, sed secundum formalem diversitatem, quæ accipitur secundum diversas, & determinatas species actuum, distinguuntur officia; & quidem secundum actus, qui referuntur ad alios, ad differentiam diversitatis vitarum, quæ quidem accipitur secundum diversos actus, sed indifferenter, secundum quod conveniunt homini secundum seipsum.

Vtrum differentia statuum attendatur secundum incipientes, proficientes, & perfectos. ART. 43
Re. Affirmative, ita quod secundum hæc tria distinguatur status spiritualis servitutis & libertatis, quanvis non ita, quin & secundum eadem distinguantur charitatis gradus. *Primum est*, quia cum status spiritualis servitutis, sive servitutis iustitiæ, quæ ita dicitur, cum quis ex habitu inclinatur ad bonum, sicut & servitus peccati, cum quis sic habitualiter inclinatur ad ma-

812 *Quaest. CLXXXIV. Art. I.*

lum; & status spiritualis libertatis, seu a peccato, quæ similiter ita dicitur, cum quis ab inclinatione peccati non superatur; eum, inquam, hujusmodi status secundum tria, distinguatur, scilicet secundum principium, ad quod pertinet status incipientium; tum secundum medium, ad quod pertinet status proficientium; atque secundum terminum; ad quem pertinet status perfectorum: & quod homo efficiatur servus justitiæ, vel peccati, contingat per humanum studium, ex Apost. in quo quidem studio est principium, medium, & terminus; ideo & attenditur differentia statuum secundum incipientes, proficientes, & perfectos, juxta illud Greg. quod tres sunt modi converforum, inchoatio, medietas, atque perfectio. Ita tamen, quod nihil prohibeat, in idem concurrere statum & gradum, quia etiam in humanis liberi sunt altioris status, quam servi: nec etiam respiciat prædicta differentia servitutem, & libertatem simpliciter, sed servitutem, & libertatem spirituales. *Secundum est*, quia cum libertas à peccato fiat per charitatem, quæ diffunditur per Spiritum sanctum, juxta illud: Vbi spiritus Domini, ibi libertas; ideo & eadem est divisio charitatis, & statuum pertinentium ad spirituales libertatem, & servitutem, ut dictum est.

IN QUÆSTIONEM CLXXXIV.

De pertinentibus ad statum perfectionis in communi.

ARTICULUS PRIMUS. **V**trum perfectio Christiana attendatur specialiter secundum charitatem. *R. Affirmative*; in hoc tamen sensu, quod secundum charitatem attenditur simplici-

ter perfectio Christianæ vitæ, sed secundum alias virtutes secundum quid. *Ratio utriusque partis est*, quia cum unumquodque dicatur esse perfectum, in quantum attingit proprium finem, qui est ultima rei perfectio; & ipsa charitas uniat nos Deo, qui est ultimus finis humanæ mentis: qui enim manet in charitate, in Deo manet, &c. ideo & secundum charitatem attendi debet perfectio Christiani, non quod non attendatur secundum alias virtutes secundum quid, quasi ad modum alicujus exterioris adjacentis; sed ita quod attendatur ex charitate simpliciter, quasi ex eo quod spectat ad rei naturam, quandoquidem qui non diligit, manet in morte. Vnde non nisi in ordine ad charitatem dicitur patientia habere opus perfectum, prout ex abundantia charitatis provenit, ut quis patienter adversa toleret. Neque aliter intelligitur illud Apost. Malitiâ parvuli estote, sensibus autem perfecti; nisi quia perfectio humanorum sensuum in hoc præcipue consistere videtur, ut in unitatem veritatis conveniant, quod efficit charitas.

Vtrum aliquis in hac vita possit esse perfectus. R. Affirmativè, non quidem ea perfectione charitatis, quæ totalitatem dicit ex parte diligibilis, vel etiam ex parte diligentis, quâ scilicet secundum totum suum posse actualiter fertur in Deum; sed ea perfectione, quâ scilicet totum illud excluditur, quod repugnat motui dilectionis. *Primum est*, quia posterior hæc perfectio, juxta quam dicit August. quod venenum charitatis est cupiditas, perfectio nulla cupiditas, potest quæst.

1. Ioan.

4.

1. Ioan. 3.

ART. 2.

Lib. 813

814 *Quest. CLXXXIV. Artic. II.*

Matt. 8.

haberi, sicut & explicari, vel in quantum ab affectu hominis excluditur omne illud, quod contrariatur charitati, scilicet peccatum mortale, quæ quidem perfectio est de necessitate salutis; hucque pertinet illud: Estote perfecti, sicut & pater vester, &c. vel etiam in quantum ab affectu hominis non solum excluditur peccatum mortale, sed & omne illud quod impedit, ne affectus mentis totaliter dirigatur in Deum; sine qua tamen perfectione potest esse charitas, ut in incipientibus & proficientibus: sicut & in dilectione proximi potest charitas sine ea esse perfectione, quæ vel attenditur secundum extensionem, ut scilicet quis non solum diligat amicos & notos, sed extraneos & inimicos; vel secundum intentionem, ut contemnat propter proximum, non solum bona exteriora, sed etiam afflictiones corporales, & mortem; vel quantum ad effectum dilectionis, ut homo pro proximis impendat non solum beneficia temporalia, & spiritualia, sed etiam seipsum. *Secundum est*, quia cum totalitas dilectionis ex parte diligibilis tunc locum habeat, quando tantum diligitur Deus, quantum diligibilis est, quod quidem soli competit Deo; ideo non est possibilis alicui creaturæ, sed neque in hac vita totalitas ex parte diligentis, cum ibi non evacuetur quod ex parte est, seu imperfectum, scilicet spes & fides, sed solum in patria. Unde qui in hac vita perfecti sunt, adhuc in multis dicuntur offendere secundum peccata venialia, quæ sequuntur ex infirmitate præsentis vitæ, in quo quidem habent aliquid imperfecti respectu patriæ.

Vtrum perfectio consistat in praeceptis potius, quam in consiliis. R. Affirmative, ita quod secundario quidem, & instrumentaliter consistat in consiliis, sed per se, & essentialiter in duobus charitatis praeceptis. Primum est, quia cum sita sit perfectio essentialiter in charitate, seu dilectione Dei & proximi, cujus est nos unire fini; & cadat hujusmodi dilectio sub praecepto, etiam prout perfecta, ut patet ex forma praecepti dicentis, Diliges Deum ex toto corde tuo, &c. non autem solum secundum mensuram aliquam, quasi id quod est plus sub consilio remaneat, utpote cum in fine, ad quem pertinet charitas, ex Apost. non adhibeatur mensura aliqua, sed solum in his quae sunt ad finem; ideo & in hujusmodi praeceptis est essentialiter perfectio. Unde in verbis illis Domini, Si vis perfectus esse, vade, &c. aliquid quidem ponitur de consilio, sed quasi via ad perfectionem, ut: Vade, & vende omnia, &c. at aliud subditur in quo perfectio consistit, quod praecipitur, cum dicitur, Et sequere me, scilicet mentis affectu, quod sit charitate. Ita tamen, quod licet consistat perfectio in praeceptis, quorum observatio est de necessitate salutis; non tamen quaecumque perfecta observatio sit de necessitate salutis, cum id quod cadit sub praecepto, possit diversimode adimpleri, sicque satis sit, quod charitatis praeceptum quocumque modo impleatur. Imò quanvis charitas ex se importet perfectionem quandam secundum speciem suam, nihil tamen prohibet, quin sit alia perfectior charitas, ad quam aliquis pervenit per aliquod spirituale augmentum,

ART. 3.

1. ad
Tim.

sicut & est in homine alia perfectio, ad quam per augmentum adducitur. *Secundum est*, quia cum ordinentur consilia ad charitatem, removendo impedimenta actus charitatis, quæ scilicet charitati non contrariantur, ut est matrimonium, occupatio ad negotia sæcularia; ideo & secundario, & quasi instrumentaliter consistit perfectio in consiliis; aliter tamen, quam in aliis præceptis à præceptis charitatis distinctis, quippe quæ ordinantur ad charitatem, sed removendo charitati contraria, cum quibus charitas esse non potest.

I.4. *Vtrum quicumque est perfectus sit in statu perfectionis. R. Negative*, si tamen sermo sit de perfectionis statu, non quidem quantum ad divinum iudicium, seu quoad interiorem statum; sed quantum ad distinctiones Ecclesiasticorum statuum, scilicet juxta ea, quæ exterius aguntur. *Primum est*, quia loquendo de statu per comparationem ad Ecclesiam, & secundum ea, quæ exterius aguntur apud homines, cum ad hoc ut quis adipiscatur statum libertatis, vel servitutis spiritualis, requiratur primò aliqua obligatio, quia non dicitur servus qui liberè servit; nec qui desinit servire, ut servus fugitivus, dicitur propterea liber: tum etiam ut obligatio prædicta fiat cum aliqua solennitate, ut patet in aliis, quæ apud homines habent perpetuam firmitatem; ideo non ex eo dicitur quis in Ecclesia esse in statu perfectionis, quia habet actum perfectæ dilectionis, sed quia perpetuò se obligat cum solennitate ad ea quæ sunt perfectionis: imò nec prohibet, aliquos esse in statu perfectionis, qui non
sunt

Quest. CLXXXIV. Artic. V. § 17

sunt perfecti, sicut & aliquos perfectos, qui non sunt in statu perfectionis; quandoquidem & aliqui se obligant, qui non servant; & aliqui implent, qui non se obligant, ut patet Matth. 21. de duobus filiis, necnon de religioso malo, & de sæculari bono. *Secundum est*, quia cum conditio spiritualis status in homine per comparisonem ad divinum iudicium attendatur secundum dispositionem interiorem, quia Deus intuetur cor; & dum quis transmutatur de peccato ad gratiam, dicatur mutare statum quantum ad dispositionem interiorem, adeò ut variet interiùs charitas conditionem spiritualis servitutis, & libertatis; ideò sicut per augmentum corporale quis adipiscitur statum naturæ, sic per augmentum spirituale interiùs statum adipiscitur perfectionis, quantum ad divinum iudicium.

Vtrum Religiosi, & Prælati sint in statu perfectionis. R. Affirmativè, ita quod obligatio perpetua cum aliqua solennitate, ad ea quæ sunt perfectionis Religiosis competit, & Episcopis; quanvis non ita, quod propterea mendacium, vel simulationem committant, ex hoc præcisè quod perfecti non sunt. *Primum est*, quia cum religiosi se voto adstringant ad hoc, quod à rebus sæcularibus se abstineant, quibus licitè uti poterant, ut liberiùs Deo vacent, in quo consistit perfectio præsentis vitæ; & horum obligatio fiat per quandam solennitatem professionis, ideò & religiosis competit quod ad statum perfectionis requiritur, sicut & Episcopis, utpote qui obligant se ad ea, quæ sunt perfectionis, pastorale assumendo officium, ad quod pertinet ani-

ART. 5.

Cap. 6.
Eccl.
Hier.

nam ponere ex charitate pro omnibus suis, & hoc per solennitatem consecrationis, ut Dionysius docet. Cum quo tamen stat, quod non ponat martyrium in statu perfectionis, quanvis consistat in actu perfectissimo charitatis; quandoquidem non sufficit perfectionis actus ad statum perfectionis, sed nec determinentur homines ad statum incipientium, vel proficientium, utpote quia inchoatio, & augmentum non quærentur propter se, sed propter perfectionem. *Secundum est*, quia cum homines statum perfectionis assumant, non quasi profitentes se perfectos esse, sed intendentes ad perfectionem tendere, juxta illud Apost. non quod jam comprehenderit, aut jam perfectus sim; ideo nec etiam mortaliter peccat, seu mendacium, aut simulationem committit, si quis eorum non sit perfectus; bene quidem si ab intentione perfectionis animum revocet.

ART. 6. *Vtrum omnes Pralati Ecclesiastici sint in statu perfectionis. R. Negativè*, ita quod nec ex parte Ordinis sacri, nec ex parte curæ sint Archidiaconi aut Curati in statu perfectionis; esto quod olim non distinguerentur Episcopi, & Presbyteri quantum ad nomen. *Primum est*, quia ex hoc quidem quod suscipiunt Ordines, accipiunt potestatem quandam ad quosdā actus sacros perficiendos, unde & requiritur interior perfectio; non tamen propterea obligantur ad ea, quæ sunt perfectionis, nisi quatenus in susceptione sacri Ordinis apud Occidentalem Ecclesiam emittitur continentiarum votum; sed nec respectu curæ (quam quidem ex simplici commissione accipiunt,

Quest. C LXXXIV. Artic. VII. 819

non cum solennitate consecrationis, ut Episcopi,) quandoquidem nec ad eam obligantur vinculo perpetui voti, cum possint eam deserere, ut in Decretis dicitur; quod certè non possent, si essent in statu perfectionis, ut patet de Episcopis, qui quidem non possunt nisi auctoritate Summi Pontificis Episcopalem curam deserere. Vnde nec ad eos spectat principaliter cura, sed administratio quædam, secundum quod eis ab Episcopo committitur; nec consequenter pastorale officium, aut obligatio ponendi animam pro ovibus, principaliter loquendo, sed solum prout participant de cura. *Secundum est*, quia quavis olim esset nomen Episcopi; quod ita dicitur quasi superintendens, commune & Presbyteris, quod insinuat Hier. imò & utatur Apost. communiter nomine Presbyterorum, id est seniorum, ad utrosque significandos; fuit tamen semper quantum ad rem inter eos distinctio, ut patet per Dion. necnon ex illo Luc. 10. Post hæc autem designavit Dominus, &c. ubi dicit Glossa Bedæ, quod sicut in Apostolis forma est Episcoporum, sic & in septuaginta duobus Discipulis forma est Presbyterorum secundi ordinis; imò dicere Presbyteros non differre ab Episcopis, inter dogmata hæretica numerat Aug. in lib. de hæres.

Hier. super Epist. ad Titum. 1. Tim.

Utrum status Religiosorum sit perfectior, quam status Episcoporum &c. Negativè, ita quod qua ratione agens semper perfectius est patiente, sic & status Episcopalis est in genere perfectionis perfectior statu Religiosorum, esto quod actu abrenuncient Religiosi propriis facultatibus, non Epif-

ART. 7.

Cap. 6.
Ecclef.
Hilic.

820 *Quest. CLXXXIV. Art. VIII.*

copi. *Primum est*, quia Episcopi, ex Dionysio se habent in genere perfectionis, ut perfectiores, Religiosi autem ut perfecti: quorum quidem unum ad actionem pertinet, alterum ad passionem. Vnde licet Episcoporum status ordinetur etiam ad vitam activam, eis tamen magis convenit cōtemplativa, quàm Religiosis, quandoquidem ad Episcopos pertinet contemplari, non solum propter seipsos, sed etiam ad instructionem aliorum. *Secundum est*, quia cum abrenunciatio propriarum facultatum, ut est actu, non sit essentialiter perfectio, sed ut est in præparatione animi, quomodo eam habent etiam Episcopi, qui ad hoc maximè tenentur, quod omnia sua pro honore Dei, & salute sui gregis contemnant, vel pauperibus largiendo, &c. ideo & adhuc perfectiores sunt, quanvis actu non abrenuncient; imò & quanvis consistat perfectio principalius in dilectione Dei, cui videntur Religiosi attendere; cum quod intendant Episcopi his, quæ pertinent ad dilectionem proximi, proveniat ex abundantia amoris Dei. Vnde Dominus à Petro prius quæsit, an eum diligeret. Et postea ei sui gregis curam commisit.

ART. 8. *Vtrum status Presbyteri Curati, & Archidiaconi; sint majoris perfectionis, quàm Religiosi. R. Negativè*, ita quod quantum est ex parte status, vel officii, præferatur quantum ad bonitatem status Religiosi officio Curati, seu Archidiaconi; & quidem quanvis in hoc officio major sit ex parte operantis difficultas benè conversandi, quàm in statu Religionis. *Primum est*, quia cum Religiosus se perpetuò obliget ad

perfectionis studium; illi verò non se obligent per totam vitam ad curam animarum, ut Episcopi, unde & possunt Religionem ingredi; ideo fit, quod faciendo comparationem, non quidem secundum charitatem operantis, secundum quam opus minus excellens fit ex majori charitate magis meritorium, sed secundum genus operis fit status Religiosorum perfectior, adeò ut sint quidem Presbyteri Curati, & Archidiaconi similiores Episcopis, quantum ad curam animarum, sed quantum ad perpetuam obligationem, quod est in statu principale, sint Religiosi magis similes. Vnde præferens Chryf. Sacerdotes Curatos Religioso, non nisi de Episcopis loquitur: quod patet, quia intentio ejus erat consolari se, & Basilium de hoc, quod erant in Episcopos electi; vel solum loquitur quantum ad difficultatem, sicque tantum probatur periculosiorem esse statum habentis curam animarum, & in majori periculo innocentem se servare, majoris esse virtutis indicium: quo etiam modo intelligitur Aug. Sed neque contrarium probat quod à statu Religionis assumuntur quidam etiam in sacris Ordinibus jam constituti ad curam animarum; quandoquidem etsi assequantur tunc aliquid quod prius non habebant, scilicet officium curæ, non tamen propterea deponunt Religionis statum, quem prius habebant: sicut deponunt curati animarum curam, dum fiunt Religiosi. *Secundum est*, quia quanvis difficultas ex arduitate operis, quæ quidem major est in perpetuitate Religionis, addat ad perfectionem virtutis, difficultas tamen quæ provenit ex exteriori

Lib. 1. de
Sacerd.

Ep. 148.

§22 *Quaest. CLXXXV. Artic. I.*

ribus, ut est in saecularibus, nisi sit urgens, & necessaria causa, minuit potius virtutis perfectionem, puta cum aliquis non tantum virtutem amat, ut impedimenta virtutis declinare velit, juxta illud: Omnis qui in agone contendit, ab omnibus se abstinere.

1. ad Cor.
9.

IN QVÆSTIONEM CLXXXV.

De his qua pertinent ad statum Episcoporum.

ARTI-
CVLVS
PRI-
MVS.

Vtrum liceat Episcopatum appetere.

Matth.
20.

Matt. 23.

R. Negativè, ita quod nec quantum ad altitudinem gradus, nec quantum ad reverentiam, & honorem, aut temporalium sufficientiam, imò nec quantum ad operationem Episcopalem, nisi in manifesta necessitate. *Ratio utriusque partis est*, quia Episcopatum appetere ratione gradus, praesumptuosum est, unde arguit Dominus discipulos de primatu contententes: appetere ratione circumstantium bonorum, ad cupiditatem pertinet, & ambitionem, juxta quod ait Dominus contra Phariseos, Amant primos accubitus: tandem quanvis appetere aliis prodesse, sit ex se laudabile; tamen quia Episcopalis operatio annexam habet celsitudinem gradus, ideò & praesumptuosum videtur, quod quis praesse appetat, ut aliis profit, nisi manifesta necessitate imminente. Vnde non eadem est ratio in praesenti de statu Religionis, & de statu Episcopali, quandoquidem ad statum Episcopalem praexigitur vitae perfectio, quia debet alios ad perfectionem adducere, unde & super alios sublimatur; cum tamen status Religionis magis sit via ad perfectionem, seque aliis subjiciat qui Religionem ingreditur ad spiritualia capienda, quod quidem cuilibet licet, nec adest locus

præsumptioni. Sed nec contrarium probat, quod Isaias se obtulerit ad officium prædicationis, & voluerit mitti; quandoquidem sciebat se per altaris calculum purgatum esse: ac proinde quia valdè difficile est, quod quilibet se purgatum cognoscat, ideo prædicationis officium tutius declinatur. Cum quo tamen stat, quod possit quilibet absque præsumptione appetere Episcopalia opera facere, si contingeret eum esse in tali officio, ne de eo dicatur, quod abscondit frumenta spiritalia; quod quidem intelligitur, non de eo cui non competit ex officio, nec ei à superiori injungitur; sed de eo qui dispensationem negligit, cum ei ex officio incumbit, vel etiam qui injunctum pertinaciter recusat. Ita tamen, quod opus illud bonum Episcopale, (quod quidem tempore Apostoli Pauli in hoc erat, quod qui præerat, ad martyrii tormenta primus duceretur,) cadat sub desiderio, non autem primatus dignitatis. Vnde & illud laudat Apostolus, quanvis, inquit Gregor. sic laudans desiderium boni operis, in pavorem protinus vertat quod laudavit, cum subjungit: Oportet Episcopum irreprehensibilem esse; quasi dicat, laudo quod quæritis, sed discite quid quæritis.

Notæ.

Prov. ix.

1. Tim. 3.

ART. 2.

Vtrum liceat Episcopatum injunctum omnino recusare. R. Negative, ita quod repugnet finalis illa recusatio, tum charitati proximorum, tum insuper & humilitati. Ratio utriusque partis est, quia cum homini quantum ad propriam voluntatem conveniat, ut principaliter insistat propriæ salutis, quod autem aliorum salutis intendat,

824 *Quæst. CLXXXV. Art. III.*

id conveniat ei ex dispositione alterius potestatem habentis: ideo sicut ad inordinationem voluntatis spectat, quod aliquis proprio motu aliorum gubernationi præficiatur; ita etiam ad inordinationem pertinet voluntatis, quod omnino contra superioris injunctionem prædictum officium finaliter recuset, & quidem tum quia charitati proximorum repugnat, utpote quorum utilitati debet homo se exponere pro loco & tēpore: tum etiam, quia repugnat humilitati, quā quis se subicit superiori, juxta illud Greg. Tunc ante Dēi oculos vera est humilitas, cū ad hoc respuendum, quod utiliter subire præcipitur, pertinax non est. Vnde tunc solum non tenetur quis obedire ad suscipiendum Episcopatum, quando sentit se aliquod habere impedimentum, quod nec per seipsum, nec per eum, qui injungit, potest removeri, adeo ut aliter illicite voveat, qui votum emittit de non suscipiendo Episcopatum, si intendat se obligare, ut nec per obedientiam superioris Prælati accipiat, estō quod S. Marcus digitum sibi amputaverit, ut Sacerdotio reprobis haberetur, utpote qui ad hoc obstaculum posuit ante præceptum, vel etiam ex instinctu Spiritus sancti, sine quo non licet sibi manum injicere. Quanvis enim, simpliciter loquendo, vita contemplativa sit potior quā activa; tamen ex alia parte præferri debet multitudinis bonum bono unius, præsertim cū non ita transferantur Prælati ad activam, ut deserant contemplativam.

¶ 3. *Vtrū oporteat eum, qui ad Episcopatum assumitur, esse ceteris meliorem. R. Negative.*

Quest. CLXXXV. Art. III. §23

adeò ut & sufficiat assumentis, quod meliorem eligat quantum ad hoc, seu ad Ecclesiæ regimen, nec teneatur ad meliorem simpliciter, sive secundum charitatem; & sufficiat assumpto, quod nil in se inveniat, per quod illicitum ei reddatur assumi. *Primum est*, quia cum solum requiratur ex parte assumentis, ut talem eligat, qui fideliter divina mysteria dispenset, quæ quidem dispensari debent, ex Apost. in utilitatem Ecclesiæ; ideò debet quidem ita eligere, ut non intersit personatum acceptio, juxta illud Aug. Quis ferat eligi divitem ad sedem honoris Ecclesiæ, contempto paupere instructiore, & sanctiore? Ad hoc tamen sufficit, quod meliorem eligat ad Ecclesiæ regimen, nec teneatur ad meliorem simpliciter ex charitate, quando quidem hominibus non committuntur ad eorum remunerationem, quam quidem debent secundum charitatem expectare in futuro. Et hoc maxime, cum nihil prohibeat esse ad officium regiminis magis idoneum, qui tamen non excellit in gratia sanctitatis, quia divisiones gratiarum, & ministrarionum, & operationum sunt. Vnde quod ait Symmachus, utilissimum computandum esse, nisi scientia, & sanctitate præcellat, qui est dignitate præstantior, id solum intelligitur quantum ad studium, adeò ut qui est in dignitate constitutus, hoc debeat præstare, ut scientia, & sanctitate antecellat; sed nec Christus Petrum de ampliori dilectione examinavit, nisi ut ostenderet, quod ubi alias invenitur homo idoneus ad Ecclesiæ regimen, præcipue attendi debet in ipso eminentia divinæ dilectionis. *Secundum est*,

Aug. in
Epist. 29.

1. Cor. 12.
1. q. 1.
Canon,
ut ligi-
mur.

826 *Quæst. CLXXXV. Art. IV.*

quia cum superbum, & præsumptuosum esset, quod qui assumitur, se aliis reputaret meliorem; ideo nec id requiritur, sed sufficit, ut nihil inveniat, per quod ei illicitum reddatur assumi ad prælationis officium. Vnde interrogatus Petrus, an plus cæteris diligeret, non se aliis prætulit, sed simpliciter respondit, se Christum amare.

ART. 4. *Vtrum Episcopus licitè possit curam Episcopalem deferere, ut ad Religionem se transferat. R. Affirmativè*, non quod id possit, quandiu potest sibi commissis ad salutem proficere, sed quia potest multipliciter contingere, quod à salute aliorum procuranda impediatur. *Ratio utriusque partis est*, quia cum perfectio Episcopalis status in hoc consistat, quod quis ex dilectione se obliget ad hoc, quod salutem proximorum insistat; ideo tandiu obligatur ad curam retinendam, quandiu potest sibi commissis ad salutem proficere, aliàs tunc curam deferens diceretur retrocedere, cum esset utilis proximorum salutem; sed cum possit impedi à salute aliena procuranda, vel propter defectum proprium, ut si sit homicida, simoniacus, senex, infirmus, ignarus, irregularis, vel bigamus; vel ex defectu subditorum, vel etiam ex parte aliorum, puta cum de alicujus prælatione suscitaretur scandalum, nisi fortè ex malitia aliquorum contra Ecclesiæ utilitatem orrum tunc habeat, in quo casu non esset tunc dimittenda; ideo & ex præfatis impedimentis potest quis curam Episcopalem deferre, juxta illud Apost. esca scandalizat fratrem, non manducabo carnes in æternum; necnon & illud D. Greg. dictum: Sæpè agi-

1. Cor. 8.

tur in animo perfectorum, quod cum laborem suum sine fructu esse considerant, in loco alio ad laborem cum fructu migrant: in quo quidem casu remaneret potentia Episcopalis propter impedimentum sine actu, sed absque inconvenienti, cum id etiam in rebus naturalibus accidat. Cum quo tamen stat, quod ut assumitur cura regiminis per providentiam superioris Prælati, ita etiam per ejus auctoritatem deferatur suscepta, juxta illud Innocentii I I I. Si pennas habeas, quibus satagas in solitudinem avolare, ita tamen strictæ sunt nexibus præceptorum, ut liberum non habeas absque nostra permissione volatum.

Vtrum liceat Episcopo propter aliquam ART. 5.
persecutionem corporalem deferere gregem sibi commissum. R2. Affirmative, non quidem ubi subditorum salus exigit personæ Pastoris præsentiam, sed ubi subditorum saluti potest sufficienter per alium provideri. *Ratio utriusque partis est,* quia cum in qualibet obligatione præcipue attendi debeat obligationis finis, & obligent se Episcopi ad pastorale officium propter subditorum salutem; ideo fit quod ubi subditorum salus, quæ est suscepti muneris finis, exigit personæ Pastoris præsentiam, non debet quidem tunc gregem commissum personaliter deferere, nec propter commodum temporale, aut temporale periculum, sed animam pro ovibus ponere; quia si perniciosum est, inquit Nicolaus Papa, navem in tranquillitate navem deferere, quanto magis in fluctibus? bene tamen illud potest vel propter Ecclesiæ commodum, vel propter personæ periculum, ubi sufficienter per

Matt. 10.

Epist. 18.

aliud provideretur, juxta illud: Si vos fuerint persequuti in una civitate, fugite in aliam. Quod etiam docet Aug. ad Honoratum; sic enim Prælati suæ sponfioni satisfaciunt, cum qui pro alio spondet, si per se implere non possit, sufficiat ut per alium impleat; sed nec qui ad periculum vitandum ita recedit absque gregis detrimento, fugit tanquam mercenarius; cum in hoc casu nec temporale commodum, nec etiam salutem corporalem spirituali proximorum saluti præponat, cui scilicet per alium sufficienter providet; si tamen animum retineat intendendi proximorum saluti, si oportunitas adsit, & requiratur necessitas, propter scilicet assumptum statum perfectionis.

ART. 6.

Vtrum liceat Episcopo aliquid proprium habere. R. Affirmative, non quidem taliter, quod dum propria curant, defectum faciant in his, quæ pertinent ad cultum Dei; sed ita quod non teneantur ad hoc, quod sine proprio vivant. Primum est, quia cum ad ea quæ sunt supererogationis & consilii nullus teneatur, nisi specialiter ad illud voto se astringat; & vivere sine proprio supererogationis sit, cum voluntaria paupertas instrumentaliter solum operetur ad perfectionem vitæ, adeo ut perfectio christianæ vitæ non consistat in ea essentialiter; immò possit esse summa perfectio cum summa opulentia, ut legitur de Abraham; ideo cum Episcopi in sua consecratione ad hoc non se obligent, nec id requiratur ex necessitate assumpti officii, nec etiam ad hoc tenentur. Vnde illud, Nolite possidere aurum, neque argentum; vel intelligitur

Gen. 17.

mysticè, ut exponit Hieron. quasi non debeant prædicatores inniti principaliter sapientiæ, & eloquentiæ temporali; vel debet cum Chrysostomo intelligi, dictum fuisse discipulis, quantum ad illam missionem, quâ mittebantur ad prædicandum Iudæis, ut per hoc excitarentur ad confitendum de virtute ipsius, qui eis absque sumptibus provideret: ex quo tamen nec ipsi obligabantur ad Evangelium prædicandum absque propriis sumptibus, cum de ipso Paulo legatur, quod ab aliis Ecclesiis stipendium sibi accipiebat ad prædicandum Corinthiis. *Secundum est*, quia ideo *Cleros* Græcè, Latine *Sors* appellatur, ex Hieron. quia ipse Dominus sors est, id est pars Clericorum; cum tamen ille cum Deo alias partes habeat, cujus studium diminuitur circa ea, quæ sunt Dei, dum intendit his, quæ sunt mundi.

Hier. ad Nepotianum.

Verum Episcopi mortaliter peccent, si bona Ecclesiastica, qua procurant, pauperibus non largiantur. R. *Negative*, in hoc scilicet sensu, quod nec ubi distincta sunt bona, quæ debent in usum Episcopi cedere, ab his quæ sunt pauperibus eroganda, peccent mortaliter; nec ubi sunt indistincta prædicta bona, modò non nisi in modico superabundet, vel deficiat. *Primum est*, quia sicut de his, quæ tanquam propria possidet, potest Episcopus disponere, vel sibi retinendo, vel aliis largiendo, ut ei libet, quia hujusmodi res sunt ejus dominio deputatæ: sic & de parte Ecclesiasticorum bonorum sibi debita, & distincta, adeò ut in eorum dispensatione non peccet, nisi vel propter inordinationem affectus, vel si aliis

ART. 7.

*Epist. ad
David.*

*1. 2. q. 2.
de redi-
tibus
Eccles.*

1. Cor. 4.

non subveniat, ut requirit debitum chari-
tatis: bona namque Ecclesiastica, cum non
sint omnia pauperibus largienda, nisi fortè
in articulo necessitatis, in qua quidem se-
cundum Hier. peccaret Clericus, si vellet
de rebus Ecclesiæ vivere, cum ex patrimo-
nio vivere possit, sed etiam in alios usus
sint expendenda; ideò si de eo, quod usui
Episcopi, vel Clerici est deputatum, velit
aliquis sibi subtrahere, vel consanguineis,
vel aliis dare, non peccat, dummodo mo-
deratè id faciat, scilicet ne indigeant, non
autem ut ditiores inde fiant. *Secundum est,*
quia cum Episcopus sit dispensator & pro-
curator bonorum Ecclesiæ, quorum qui-
dem ex Decr. una portio Episcopo, duæ
Ecclesiasticis fabricis, & erogationi pau-
perum, una Clericis pro meritis singulo-
rum debetur; ideò cum ad dispensatorem
requiratur bona fides, juxta illud, Hic jam
quæritur inter dispensatores, ut fidelis quis
inveniat; & ubi non sunt distincta præ-
dicta bona, eorum distributio fidei ejus
committatur, consequenter fit, quod non
propterea peccet, quanvis in dispensando in
modico deficiat, vel superabundet, utpote
cum hoc fieri possit absque bonæ fidei de-
trimento, propterea quod non potest ho-
mo in talibus punctualiter accipere illud
quod fieri oportet. Neque contrarium pro-
bat dictum illud Ambros. scilicet quod
nec minus est criminis habenti tollere,
quàm cum possis & abundas, indigentibus
denegare, utpote quod refertur non so-
lùm ad dispensationem Ecclesiasticarum
rerum, sed etiam quorumcunque bonorum,
quibus tenetur aliquis providere necessi-
tatem patientibus.

Virum Religiosi , qui promoventur in ART. 8.
Episcopos , teneantur ad observantias regu-
lares. R. Affirmativè , non quidem quan-
tum ad omnia , sed quantum ad ea, in qui-
bis Pontificali officio congruunt. Ratio
utriusque partis est , quia cum status Reli-
gionis comparatur ad statum Episcopa-
lem, sicut disciplina ad magisterium, & dis-
positio ad perfectionem , quæ quidem dis-
positio non tollitur , nisi quantum ad id,
quo perfectioni repugnat; ideo ad eas qui-
dem observantias non tenentur Religiosi
in Episcopos ordinati , quæ conditioni &
exequutioni Episcopalis status repugnant,
ut solitudo, silentium, longæ vigiliæ, &c.
benè tamen ad eas quæ congruunt , ut sunt
continentia , paupertas , deferre habitum
professionis , & alia quædam. Vnde pro-
prium habere nullo modo possunt, nec pa-
ternam hæreditatem sibi vendicant quasi
propriam , sed ut Ecclesiæ debitam ; nec
testamentum facere ullo modo possunt,
quandoquidem eis sola dispensatio com-
mittitur, quæ morte terminatur, à qua in-
cipit testamentum valere , esto quod ex
dispensatione Pontificis illud possint : imò
& manet obligatio voti obedientiæ vir-
tualiter , cum per accidens sit, quod Epis-
copi Religiosi Prælati suarum Religio-
num obedire non teneantur , quatenus sci-
licet subditi esse desierunt. Cum quo ta-
men stat , quod in illis etiam, ad quæ te-
nentur , possit quisque dispensatione uti,
secundum quod requirit necessitas perso-
næ, vel officii , vel conditio hominum cum
quibus vivit.

832 *Quaest. CLXXXVI. Art. I. & II.*
IN QVÆSTIONEM CLXXXVI.

De pertinentibus ad statum Religionis.

ARTI-
CVLVS
PRI-
MVS.

Vtrum Religio importet statum Religionis. R. Affirmativè, ita quod involvatur perfectio in eo quod quis dicitur antonomasticè Religiosus, quavis non ita, quod jam propterea perfectus sit. *Primum est*, quia cum Religio sit quædam virtus, per quam aliquis ad Dei servitium & cultum aliquid exhibet, & quidem non solum oblationes sacrificiorum, sed etiam actus omnium virtutum, ut referuntur ad Dei servitium; proindeque antonomasticè dicantur Religiosi, qui se totaliter divino servitio mancipant, quasi holocaustum Deo offerentes, cum quod communiter multis convenit, antonomasticè attribuitur ei, cui per excellentiam convenit; ideò cum in hoc perfectio hominis consistat, ut totaliter Deo inhæreat, esto quod aliqua exhibere ad cultum Dei sit de necessitate salutis, propterea fit, quod in eo quod dicitur quis antonomasticè Religiosus, involvatur perfectio. Ita tamen quod quia status Religionis est principaliter institutus ad perfectionem adipiscendam per quædam exercitia, quibus tolluntur impedimenta perfectæ charitatis, quod quidem fit per pœnalitates, ideò status Religionis sit etiam convenientissimus pœnitentiæ locus. *Secundum est*, quia cum Religio statum nominet perfectionis ex intentione finis, ut dictum est; ideò nec oportet, ut qui est in Religione, sit jam perfectus, quasi non sint incipientes, & proficientes; sed quod ad perfectionem tendat.

Qu. 184.
art. 5.

ART. 2.

Vtrum quilibet Religiosus teneatur ad

Quaest. CLXXXVI. Art. II. 833

omnia consilia implenda. R. Negativè, non quòd non teneatur ad charitatem perfectam tendere, & intendere ad ea implenda, quæ ad eandem consequuntur; sed ita quod non peccet, si secluso contemptu charitatem non habeat ita perfectam, vel aliqua prætermittat, siue quæ consequuntur ad illam, siue quibus ad eam pervenitur. *Ratio utriusque partis est*, quia cùm perfectio charitatis sit finis status Religionis, qui est disciplina quædam, vel exercitium perveniendi ad perfectionem, & quidem taliter quod ad eam perveniri possit diversis exercitiis; ideò cùm ei, qui operatur ad finem, non ex necessitate conveniat, ut jam sit finem assequutus, sed tantum ut tendat in finem, nec etiam qui statum Religionis assumit, tenetur habere charitatem perfectam, nec consequenter quæ ad eam consequuntur implere, ut maledicentibus benedicere, nisi in præparatione animi, & in casu necessitatis: sicut nec ad omnia exercitia, quibus ad perfectionem pervenitur, utpote quæ varia esse possunt, ut varia medicamenta ad sanitatem; sed solum ad primum tenetur tendere, & alia habere in intentione, adeò ut non ex contemptu prætermittat. Et quidem quanvis Scriptura dicat, Quodcumque potest manus tua, instanter operare: quod etiam omnibus communiter dicitur, utpote cùm sit modus aliquis implendi hoc præceptum, quo peccatum vitetur, si scilicet faciat homo quod potest, secundum quod requirit conditio sui status, dummodo non adsit contemptus meliora agendi. Vnde nec est Religiosus transgressor perfectionis, si non

834 *Quest. CLXXVI. Art. III.*

fit perfectus, sed solum si contemnat ad perfectionem tendere, utpote qui Religionem ingrediens proficitur solum, se adhibere studium ad perfectionem consequendam. Cum quo tamen stat, quod quanvis ad consilia de quibusdam melioribus particularibus actibus non teneatur Religiosus, sed ad ea solum quæ sunt ei per regulam taxata, teneatur tamen ad alia, quæ si prætermitterentur, tota hominis vita negotiis sæcularibus implicaretur, ut sunt proprietates, &c.

ART. 3. *Vtrum paupertas requiratur ad perfectionem religionis. R. Affirmative,* ita quod ad charitatis perfectionem acquirendam primum sit fundamentum, quod quis absque proprio vivat, quamvis non ita apud Episcopos, sicut apud Religiosos. *Primum est,* quia cum ad perfectionem charitatis acquirendam necessarium sit, ut homo affectum suum totaliter abstrahat à rebus mundanis, unde ait Aug. Minus te amat, qui tecum aliquid amat, quod non propter te amat; ideo cum ad hoc requiratur voluntaria illa paupertas, quandoquidem ex eo quod aliquis res possidet mundanas, ad earundem amorem trahitur, juxta illud ejusdem Aug. dicentis, quod terrena arctius diliguntur adepta, quam concupita; ista enim velut extranea repudiari possunt, sed illa non nisi velut membra præscindi: consequenter fit, quod ad perfectionem charitatis, ad quam quidem acquirendam status Religionis est quoddam exercitium, & disciplina, præcipuum fundamentum sit quod proprio voluntario careat, adeo ut quanvis bonum sit facultates pauperibus

Lib. 10.
Conf.
c. 29.
Epist. 14.
ad Paulinum.

Quæst. CLXXXVI. Art. III. 835

erogare, sit tamen melius ex intentione sequendi Dominum omnia simul donare, & absolutum in solitudine egere cum Christo, ut ait Hieron. sicut & melius est holocaustum sacrificio, & universale particulari. Inde nec excedit virtutis medium qui ita omnia dimittit, utpote cum tale medium ex Aristot. accipiatur non secundum quantitatem rei, sed secundum rationem rectam, quæ quidem dicitur, ut homo divitias abjiciat, præsertim ut Christum perfecte sequamur, quod etiam fecere quidam Philosophi, ut contemplationi vacarent: sed nec omnia ita dimittendo propter Christum, nos propterea exponimus periculo, siue spirituali, quod quidem tunc ex paupertate incurritur, cum non est voluntaria, juxta illud Apost. Qui volunt divites fieri, incidunt in tentationem; siue temporalis, seu corporalis, quando quidem nos tunc divinæ providentiæ committimus, juxta quod ait August. Quærentibus primum regnum Dei, & justitiâ ejus, non debet subesse sollicitudo, ne necessaria desint. Cum quo tamen stat, adhuc locum habere & quod dicit Apost. dans formam fidelibus elemosynas faciendi, utpote ex quo solum colligitur, quod non ex necessitate requiritur omnia temporalia abjicere, non autem quod non liceat: necnon & dictum illud, Beatus dives qui inventus est sine macula, utpote cum non dicatur simpliciter beatus dives, sed qui inventus est sine macula, & post aurum non abiit: quibus quidem verbis ostenditur rem esse difficilem, juxta illud quod addit, Quis est hic, &c. *Secundum est*, quia cum profiteantur

Contra
Vigilanti-
um.

Lib. 2.
Ethic.
c. 6.

1. ad Ti-
moth.
ult.

2. ad
Cor. 8.

336 *Quaest. CLXXXVI. Art. IV.*

Episcopi gubernationem gregis Christi, administrando non solum spiritualia, sed etiam temporalia; ideo nec exigitur ut proprio careant, quod ex perfectione dispensant; sed à Religiosis, qui quidem proficentur disciplinam perfectionis adipiscendæ.

ART. 4. *Vtrum perpetua continentia requiratur ad perfectionem Religionis. R. Affirmativè, ita quod sicut voluntariam paupertatem, sic & perpetuam continentiam exigit perfectio Religionis; si tamen sermo sit de Religione non secundum quid, sed simpliciter dicta. Primum est, quia requiritur ad statum Religionis abstractio eorum, per quæ homo impeditur, ne totaliter feratur in Dei servitium, à quo quidem maxime retrahit usus carnalis copulæ: tum ob vehementiam delectationis, ex cujus frequenti experientia augetur concupiscentia, juxta quod ait Aug. nihil est quod magis ex arce deiciat virilem animum, quam blandimenta sceminæ: tum propter sollicitudinem, quam quidem ingerit homini de gubernatione uxoris, filiorum, & temporalium, juxta illud Apost. Qui autem cum uxore est, sollicitus est quæ sunt mundi, &c. Vnde licet Abraham perfectionis exemplar, & alij Patres cum divitiis & matrimonio perfecti fuerint; qui tamen si tempus fuisset continentiae & paupertatis servandæ, studiosius fecissent, non propterea debent infirmiores præsumere se tantæ esse virtutis, ut cum divitiis, & matrimonio possint ad perfectionem pervenire: sicut nec aliquis præsumit hostes inermis inyadere, eo quod Samson man-*

Quaest. CLXXXVI. Artic. V. 837

dulâ aſini multos peremerit hoſtes. Cum quo tamen ſtat, quòd adhuc aſſumpſerit Chriſtus ad perfectionis ſtatum etiam illos, quos invenit matrimonio junctos, ut Petrum, ne ſcilicet quia fieri non poterat abſque injuria, ut viri vxores relinquerent, tolleretur alicui ſpes perveniendi ad perfectionem. Sed qui Petrum ab uxore non ſeparavit, ut tamen perfectionem continentiae introduceret, etiam Ioannem volentem nubere à nuptiis revocavit. *Secundum eſt*, quia ſunt modi quidam vivendi, ſecundum quos homines aliqui matrimonio utuntur, qui tamen participant quæ ad ſtatum Religionis pertinent; ſed in aliquo, non autem ſimpliciter.

Vtrum obedientia pertineat ad perfectionem Religionis. R. Affirmative, ita quod ſubdiſſeant Religioſi alicujus inſtructioni, & imperio, ſed in his quæ pertinent ad Religioſam vitam, non autem quæ pertinent ad neceſſitatem virtutis, vel etiam quoad omnes particulares actus. *Primum eſt*, quia cùm ſtatus Religionis ſit quædam diſciplina, vel exercitium tendendi in perfectionem; & quicumque inſtruuntur, vel exercitantur, ut perveniant ad finem aliquem, oporteat quod ſequantur alicujus directionem; ideo & oportet, quod Religioſi in his quæ pertinent ad Religioſam vitam ſubdantur per obedientiam alicujus inſtructioni, & directioni, & quidem principaliter Episcoporum, utpote ad quos ſe habent tanquam perfecti ad perfectiores, ex Dionyſ. etiam Prælati Religionum, vel Eremitæ; vel certè directioni Summi Pontificis, ſi ab Episcopis ex parte, aut totali-

ART. 5.

ter exempti sint. In quo quidem non tollitur, sed potius augetur meritum, cum necessitas obedientiæ, ad differentiam coactionis, sit liberæ voluntatis, in quantum homo vult obedire, licet fortè non veller id quod mandatur, secundum se consideratum implere. *Secundum est*, quia obedire Prælati in his, quæ pertinent ad necessitatem virtutis, cum non sit supererogationis, sed omnibus commune, juxta illud Apost. Obedite præpositis vestris, nec etiam pertinet ad exercitium perfectionis Religiosorum, sed neque se extendit ad omnes particulares actus (esto quod se extendat ad dispositionem totius humanæ vitæ, & hac ratione habeat obedientiæ votum quâdam universalitatem,) utpote quorum actuum quidam ad Religionem non spectant, quia indifferentes, quidam ei contrariantur. Cum quo tamen stat, ad eos etiam se extendere, qui jam perfectionem adepti sunt, non quidem quasi indigentes ad perfectionem dirigi, sed quasi ex hoc se conservantes in eo, quod ad perfectionem pertinet.

ART. 6. *Vtrum requiratur ad perfectionem Religionis, quod paupertas, continentia, & obedientia cadant sub voto. R. Affirmativè, ita quod non aliter sint Religiosi in statu perfectionis, quàm per votum horum trium,*
Matt. 19. & quidem etiam ex verbis illis, quibus Dominus dedit perfectionis formam, Si vis perfectus esse, &c. *Primum est*, quia cum ad statum perfectionis, ad quam quidem, ut dictum est, paupertas, continentia, & obedientia pertinent, requiratur obligatio ad ea quæ sunt perfectionis, quæ obligatio

fit Deo per votum; ideo & præfatum requiritur votum, & quidem licet perfectio Religionis requirat, ut aliquis totum quod vovit, Deo exhibeat, nec moretur reddere, utpote cum non possit homo totam vitam suam Deo exhibere, cum non sit tota simul, sed successiva, ad quod requiritur voti obligatio. Vnde & hoc fit Deo acceptissimum, dum scilicet quis propria sponte sibi voto adimit libertatem abstinendi ab his, quæ ad Dei servitium pertinent, juxta illud Aug. Non te vovisse pœniteat, immò gaude, jam tibi non licere, quod cum tuo detrimento licuisset: felix necessitas, quæ te in meliora compellit. *Secundum est*, quia dans Dominus perfectionis formam, dixit ad eam pertinere, ut aliquis cum sequatur, non qualitercumque, sed ut ulterius retrò non abeat, quia mittens manus ad aratrum, & respiciens retrò, non est aptus regno Dei. Quod quidem pertinet ad obligationem voti.

Epist. ad Armen-
tarium,
& Pauli-
num.

Luc. 9.

Vtrum convenienter dicatur, in his tribus votis consistere Religionis perfectionem. ART. 7.
R. Affirmativè, & quidem sive consideretur Religionis status ut exercitium tendendi in perfectionem, sive secundum quod quietat animum ab exterioribus sollicitudinibus, sicut etiam secundum quod est holocaustum quoddam. *Primum est*, quia quantum ad exercitium tendendi in perfectionem charitatis, cum requiratur ut aliquis à se removeat quæ possunt impedire ne totaliter feratur affectus in Deum, quæque sunt cupiditas exteriorum bonorum, & hæc tollitur per votum paupertatis; concupiscentia sensibilibus delectatio-

840 *Quest. CLXXXVI. Art. VII.*

num, inter quas excellunt veneræ, quæ excluditur per continentię votum; & inordinatio voluntatis humanæ, quæ excluditur per obedientię votum: ideo & hæc tria vota, ad quæ ut principalia omnes aliæ Religionum observantiæ, ut abstinentia, vigiliæ, &c. reducuntur, ad præfatum exercitium requiruntur, adeò ut nec sufficiat solum obedientię votum, esto quod illo offeramus Deo propriam voluntatem, cui subjiciuntur omnia, utpote cum ei specialius subdantur actiones humanæ, quàm passionēs, quæ etiam pertinent ad appetitum sensitivum, ad quas propterea cohibendas, siue sint delectationum carnalium, siue exteriorum appetibilium, ultrò requiritur tum continentię, tum paupertatis votum. Ita tamen, quod hæc sufficiant, etiam pro abdicandis honoribus, quandoquidem honori, qui Deo debetur, & Sanctis suis propter virtutem, non convenit Religiosis abrenunciare, sed honori qui debetur exteriori excellentiæ, cui quidem suffieper abrenunciant ex hoc ipso quod per præfata vota vitam relinquunt sæcularem. *Secundum est*, quia accidit inquietans illa sollicitudo, vel ratione dispensationis exteriorum rerum, quæ tollitur per votum paupertatis; vel ratione gubernationis uxoris, &c. quam tollit votum continentię, vel ratione dispositionis propriorum actuum, quam similiter tollit obedientię votum. *Tertium est*, quia consideratur status Religionis ut holocaustum quoddam, quatenus quis totaliter se, & sua offert Deo, quod etiam præstat per tria hæc vota, offerendo scilicet per paupertatem

per pertatem bona exteriora, per continentiam bonum proprii corporis, & bonum animæ per obedientiam. Cum quo tamen stat, quod quia inferiores actus, ut actus contemplationis, patientiæ, &c. ad ipsam pertinent perfectionem charitatis, quæ finis est; ideo nec cadant sub Religionis voto, quod quidem solum ordinatur ad perfectionem, velut ad finem.

Utrum votum obedientia sit potissimum inter tria vota Religionis. R. Affirmative, & quidem tum ex parte ejus, quod Deo offertur per votum, tum ex parte amplitudinis, tum etiam ex parte majoris propinquitatis ad finem. Primum est, quia per obedientiam offert homo Deo ipsammet voluntatem, quæ quidem est potior, quam corpus, & res exteriores, quæ per alia offeruntur vota. Vnde per illud quod dicitur, quod omnis ponderatio non est digna continentis animæ, non propterea habetur, quod præferatur continentia omnibus actibus virtutis, sed conjugali castitati, & exterioribus divitiis. Secundum est, quia sub se continet obedientiæ votum alia vota, cum & paupertas, & continentia, etiam sub obedientia cadant; non tamen è converso, cum etiam multa alia ad obedientiam pertineant. Tertium est, quia proprie se extendit obedientiæ votum ad actus propinquos fini Religionis; & quidem taliter, quod si quis absque obedientiæ voto servaret, etiam ex voto, vel paupertatem, vel continentiam, non propterea esset in statu Religionis. Vnde nec potest Pontifex in voto obedientiæ sic cum Religioso dispensare, ut qui vovit eam, nulli teneatur

ART. 8.

Eccl. 16.

Prælato obedire quoad perfectionem vitæ, cum non possit cum à sua obedientia eximere, quanvis id possit quantum ad inferioris Prælati subjectionem. Sed neque minus pertinet ad perfectionem, quanvis obedientiæ consilium non sit expressè datum à Christo, utpote quod adhuc includitur in ipsa Christi sequela, quatenus scilicet qui obedit, alterius sequitur voluntatem.

ART. 9. *Vtrum Religiosus semper peccet mortaliter transgrediendo ea, quæ sunt in Regula. R. Negativè, & quidem sive pertineant ea, quæ transgreditur, ad finem Regulæ, sive ad exterius exercitium, seu exteriores observantias; esto quod ubi accederet vel præceptum, vel contemptus, semper mortalis sit transgressio. Ratio utriusque partis est, quia cum Religiosus non teneatur esse perfectus, sed ad perfectionem tendere; ideò nec transgressio eorum, quæ pertinent ad finem Regulæ, sive perfectam charitatem, ut sunt actus virtutum, est peccatum mortale, scilicet quantum ad ea, quæ necessitatem præcepti excedunt; sed neque mortalis est quantum ad exteriores observantias, utpote cum profitendo Regulam non voveamus servare omnia quæ sunt in Regula, sed vel vitam regularem, quæ essentialiter consistit in tribus votis; vel vivere & obedire secundum Regulam, cui quidem contrariatur transgressio ex contemptu, vel in his quæ præcepta sunt, cuiusmodi non sunt omnia quæ in Religione proponuntur, ad differentiam eorum, quæ traduntur in lege, utpote cum aliqua proponantur in Religione per modum ordi-*

nationis, vel cujusdam statuti obligantis ad certam pœnam, ut in Religione FF. Prædicatorum. Ita tamen, quantum ad id quod de contemptu dictum est, quod cum Religiosus ex concupiscentia, vel ira inducitur ad aliquid contra Regulam, non propterea peccet ex cōtemptu, sed tantum cum ipsius voluntas renuit subijci legi, vel Regulæ, & propter hoc procedit ad aliquid faciendum contra legem, vel cōtra Regulam.

*Vtrum Religiosus eodem genere peccati ART. 10.
gravius peccet, quàm saculares. R. Affirma-
tive*, ita quod & in contemptu gravius peccet, necnon ex ratione scandali; quanvis non ita, quin etiam leviùs peccet, imò & facilius resurgat, si contingat peccare ex infirmitate, vel ignorantia. *Primum est*, quia cum ex parte contemptus videatur Religiosus divinis beneficiis magis ingratus, utpote quibus est sublimatus in statum perfectionis; ideo nedum ubi facit contra votum, putà si fornicetur, aut furetur; sed etiam ubi ex contemptu peccat in aliis, gravius peccat quàm secularis; & hoc insuper propter scandalum, quandoquidem ad vitam Religiosorum plures respiciunt, juxta illud: In Prophetis Ierusalem vidi similitudinem adulteratium, & iter mendacii, & confortaverunt pessimorum manus, ut non converterentur à malitia sua. Cum quo tamen itat, quod quia justii non de facili peccant ex contemptu, in quo quidem casu peiores sunt, ut ait Aug. dicens: Non sum peiores expertus, quàm qui in monasteriis ceciderunt; sed quandoque labuntur ex ignorantia, vel infirmitate, à quo de facili relevantur: ideo non propterea sint

Religiosi peioris conditionis, quàm sæculares. *Secundum est*, quia ubi peccatur vel ex infirmitate, vel ignorantia, tunc si sit leve, quasi absorbetur ex multis operibus bonis; si autem sit mortale, cum habeat Religiosus intentionem rectam ad Deum, nec non & juvetur à sociis, ideò & facilius ab eo resurgit. Vnde & ait Origenes: Si peccaverit injustus, non pœnitet, & peccatum suum emendare nescit; justus autem scit emendare, scit corrigere.

IN QVÆSTIONEM CLXXXVIII.

De his qua competunt Religiosis.

ARTI-
CVLVS
PRI-
MVS.

Vtrum Religiosis liceat docere, prædicare, & alia huiusmodi facere. *R. Affirmativè*, ita quod stulta sit quorundam opinio dicentium, quod ipse status Religionis contrarium afferat impedimentum talia exequendi; esto quod dici possit, non licere, quia deficit unde possit. *Primum est*, quia cum stultum sit dicere, quod per hoc, quod aliquis ad sanctitatem promovetur, efficiatur minùs idoneus ad spiritualia exercenda; ideò & stultè senserunt, contra quos Bonifacius Papa constitutionem fecit, qui scilicet dixere statum Religionis afferre ad talia munia impedimentum, cum magis potius ad hoc idonei sint ob exercitium sanctitatis quod assumpserunt, nec ad hoc obligentur ex voto & præcepto Regulæ, ut ab eis abstineant. Vnde ex illo Constantinopol. Synodi, *vita Monachorum subjectionis habet verbum*, non propterea colligitur, quod habeant aliquid contrarium executioni talium actuum, sed ad summum, quod monachi, ex hoc quod monachi sunt, non nanciscantur potestatem

alia faciendi: licet enim non se compatiatur, quod aliquis ordinaria jura Ecclesiasticorum officiorum habeat, & Regulam in monasterio servet; non tamen tollitur, quin possint Religiosi circa prædicta occupari Prælatorum commissione, & præcipue illi, quorum Religiones sunt ad hoc specialiter institutæ; unde & dat eis Gregor. facultatem docendi, & prædicandi, &c. *Secundum est*, quia cum status Religionis non det eis potestatem, seu jurisdictionem hujusmodi faciendi, juxta quod præcipit decretum Concil. Nicæni, ut monachi non usurpent sibi ex hoc quod monachi sunt, potestatem talia faciendi; ideo quanvis possint ista facere, si ordinem recipiant, vel ordinariam jurisdictionem, aut ad hoc commissionem, adhuc dici potest, eis non licere, quia potest deficere unde illud possint.

10. q. 1. c.
Ex auctoritate.

Utrum Religiosi licent secularia negotia tractare. R. Affirmative, non quidem causâ cupiditatis, sed charitatis causâ, cum debito tamen moderamine. *Ratio utriusque partis est*, quia cum status Religionis sit ordinatus ad charitatis perfectionem consequendam, ad quam quidem præcipue pertinet dilectio Dei, & secundario dilectio proximi; ideo causâ quidem cupiditatis secularia tractare negotia nec monachis licet, nec clericis, juxta illud: Nemo militans Deo implicat se secularibus negotiis. Et illud: Ut quieti sitis, & ut negotium vestrum agatis. Ad quod addit Glossa: Dimissis alienis, quod vobis utile est in emendationem vitæ. Bene tamen cum debito moderamine licet, adeo ut Religiosi, quanvis debeant præcipue intendere in hoc

ART. 2.

346 *Quest. CLXXXVII. Art. I II.*

quod Deo vacent, possint tamen, si necessitas immineat proximi, causas agere ex charitate pupillorum, vel aliorum, juxta illud Pauli, Alter alterius onera portare; & illud Jacobi dicentis, pertinere ad Religionem visitare pupillos, &c. Vnde frequentare palatia Regum non competit quidem Religiosis propter gloriam, vel delicias; bene tamen ob pias causas, juxta quod dixit Elisæus: Numquid habes negotium, & vis ut loquar Regi, &c.

ART. 3. *Vtrum Religiosi manibus operari teneantur. R. Negative,* ita quod & excusentur à manuali opere qui ad bonum commune spiritualibus operibus vacant; & non magis teneantur Religiosi ad manualia opera, quàm sæculares. *Primum est,* quia & oportet eos esse totaliter occupatos circa hujusmodi spiritualia opera; & hujusmodi opera exercentibus debetur ministratio victus, ad differentiam aliorum qui prædictis vacant, non quasi publicis, sed privatis, quibus nec sit debitum, ut de fidelium stipendiis vivant. Et sic intelligitur August. nec etiam oportet, quod per hujusmodi privata opera à manualibus abstrahantur. *Secundum est,* quia non nisi ad quatuor ordinatur labor manualis. Primò & principaliter ad victum quærendum, juxta illud: In sudore vultus, &c. sub qua quidem ratione cum cadat sub necessitate præcepti; secundum quod necessarius est fini, seu victui, ideo æqualiter obligat Religiosos & sæculares, in hoc scilicet sensu, quod qui non habet unde vivere possit modo licito, teneatur, cujuscumque sit conditionis, manibus operari: tum secundò ad otium tollen-

Lib. de
oper.
Monac.

Quæst. CLXXXVII. Art. IV. 847

dum, & tertio ad concupiscentiam refrenandam, quæ duo cum aliis modis fieri possint, ideo nec cadit sub his rationibus manualis labor sub necessitate præcepti: ac demum ordinatur ad eleemosynas faciendas, quod etiam non cadit sub necessitate præcepti, nisi fortè in aliquo casu, in quo quis ex necessitate tenetur eleemosynam facere, in quo similiter tenentur & sæculares, & Religiosi; necnon & ad illud, Operemini manibus vestris, sicut præcepimus vobis; utpote quod est præceptum de jure naturali, quod omnes communiter obligat, quanvis non singulos. Vnde cum ait Glossa, eos qui omnia spernunt propter Deum, teneri manibus operari, illud intelligendum venit, quando non habent alias unde vivant, & quidem quanvis Apostoli, quorum sunt præcipui imitatores, etiam citra necessitatem quandoque laboraverint, ne scilicet gravarentur illi, quibus prædicabat: nec enim tenentur Apostolos imitari Religiosi quoad omnes supererogationes, sicut nec omnes Apostoli manualiter operabantur.

Vtrum Religiosis liceat de eleemosynis vivere. R. Affirmativè. ART. 4.
non iis quidem, qui absque necessitate, vel utilitate quam afferant, vellent otiosi de eleemosynis pauperum vivere; sed qui vel prædicant, vel ministrant in Altari, vel insistant ad bonum commune studio Scripturarum, aut etiam qui bona quæ habebant temporalia, monasterio largiuntur. *Primum est*, quia sicut usus bonorum, quæ alterius liberalitate donantur, redditur Religiosis illicitus, si ab actibus religiosis desistant, quia quan-

348 *Quest. CLXXXVII. Art. IV.*

tum est in se, defraudant eorum intentionem, qui talia beneficia conferunt, quæ scilicet fuit, ut liberiùs Religionis actibus insisterent, quorum quidem cupiunt se fore participes: ita & eis è contrario licet de eleemosynis vivere, si nimirum vel prædicent, quod quidem facere possunt, non ex officio, quod est Episcopi, sed ex commissione, cum tunc laborent, sicut & dum insistent studio Scripturarum ad communem utilitatem; vel si altari ministrent, cum ordinaverit Dominus, ut qui altari inservit, de altari vivat; aut etiam si aliqua adesset necessitas, quæ quidem facit omnia communia, vel aliqua corporis infirmitas, ex qua laborare non possent, aut taliter quod non sufficienter laborarent propter pristinam conversationem, quatenus non consueverant manibus laborare. Vnde quanvis, cæteris paribus, dare perfectius sit, quàm accipere; nihilominus dare, vel relinquere omnia sua propter Christum, & modica accipere ad sustentationem, adhuc melius est, & ideo Religiosis congruentius, quàm aliquid particulariter dare pauperibus; & nec ex hoc scandalizantur infirmi, quod esset fugiendum, ubi scilicet adest manifesta necessitas, & utilitas, propter quam Religiosi de eleemosynis vivant, modo pro tempore necessitatis, quando aliter subveniri non posset pauperibus, desistant tunc ab eleemosynis accipi, ut probant aliquæ autoritates; sed ad summum scandalizantur malitiosi, de quorum quidem scandalo non est curandū. *Secundum est*, quia ut dicit August. non enim propterea divites ad pietatem in Religione humiliantur, ut paupe-

Quaest. CLXXXVII. Artic. V. 349

res ad superbiam extollantur, otiosè scilicet, & absque necessitate de eleemosynis vivendo: nec ullo modo decet, ut in ea vita ubi Senatores fiunt laboriosi; ibi fiant opifices otiosi.

Vtrum Religiosis licet mendicare. R. Affirmative, non quidem ex cupiditate, sed vel ex necessitate, aut utilitate, ex parte ejus, quod mendicando acquiritur; vel causa humilitatis, ex parte ipsius actus mendicationis. *Primum est*, quia cum ea, quæ ad abjectionem spectant, sint efficacissima medicina contra superbiam, quam scilicet vult quis in se, vel in aliis per exemplum extinguere, ut dicitur in Decret. idè & De peccatione abjectionis conjunctæ licet Religiosis mendicitatem ad humiliationem assumere; sed insuper & ex necessitate, si non possint aliunde vivere, vel etiam ex utilitate, puta ad aliquid efficiendum utile, ut ad Ecclesiam reficiendam, ad sapientiæ studio incumbendum, quod non posset absque eleemosynis, utpote cum Religiosis conveniat Christum imitari, qui mendicavit. Vnde per illud, Omninò indigens, & mendicus non erit inter vos, non propterea prohibetur alicui mendicare, sed prohibetur divitibus ne tam tenaces sint, ut propterea aliqua egestate mendicare cogantur; sicut nec nisi illis poenam imponit lex civilis, qui sine necessitate, vel utilitate mendicant. *Primum est*, quia de mendicantibus, non quidem ex utilitate aut humilitate, propter quam etiam prædicantes, quibus debetur victus, possunt ad majorem humiliationem petere ut gratis dandum; sed ex cupiditate, aut otiositate in-

ART. 5.

De peccatione c. Si quis.

Psal. 39.
& 69.

telligitur quod ait Aug. quod tam multos hypocritas sub monachorum habitu usquequaque dispersit callidissimus hostis, petentes scilicet aut sumptus lucrosæ egestatis, aut simulatæ pretium sanctitatis.

ART. 6. *Vtrum liceat Religiosis vilioribus vestibus uti, quàm ceteri. R. Affirmativè*, ita quod sive assumantur in tristitiæ signum, sive in contemptum divitiarum, Religiosis convenient; quanvis non ita, quin modo ferri possint illicito. *Primum est*, quia cum sit Religio status pœnitentiæ, & contemptus mundanæ gloriæ, ideò sive assumatur vilitas habitus in tristitiæ signum, juxta quod homines in tristitia existentes solent vilioribus vestibus uti; sive in contemptum mundani fastus, juxta illud Hieron. ad Rusticum Monachum, Sordidæ vestes candidæ mentis indicia sunt, vilis tunica contemptum probat sæculi; habet Religiosis convenire: sicut & habet de se speciem boni, potius quàm mali: quod inde patet, quod mali sub vilitate vestium suam conantur occultare malitiam. Vnde non aliud insinuat dictum illud, Cum jejunatis, nolite fieri, &c. nisi quod in operibus sanctitatis non aliquid faciant homines propter apparentiam, sub qua quidem ratione damnat Hieron. vilitatem vestium, proindeque non propterea præmittunt Religiosi eum vili habitu præceptum illud, utpote qui non ferunt ex ambitione, sed quasi signum professionis suæ, quâ mundi contemptum profitentur. *Secundum est*, quia potest contingere, quod quis per vilitatem vestium velit hoc aliis significare, nedum ad sui humiliationem, quatenus sicut ex vestium

Epist. ad
Nepo-
tianum.

splendore animus elevatur, sic ex earumdem humilitate deprimitur; aut etiam propter exemplum aliorum, juxta quod dicit quædam Glossa Hieron. Qui pœnitentiam prædicat, habitum pœnitentiæ præterdit; sed insuper ob inanem gloriam, juxta quod dicit Aug. quod in ipsis sordibus luctuosus potest esse jactantia: quo quidem posteriori modo vitiosum est, & illicitum.

IN QVÆSTIONEM CLXXXVIII.

De differentia Religionum.

V*trum sit tantum una Religio.* *Re. Negati-* **ARTI-**
tivè, non quòd non advenitur omnes **CVLVS**
Religiones in aliquo communi, sed ita **PR-**
quod habeant cum hoc communi unde **MVS.**
etiam multipliciter diversificentur. *Ratio*
utriusque partis est, quia cum status Reli-
gionis, etsi hoc habeat commune, quod est
totaliter se præbere Deo ad serviendum
per tria essentialia vota, sit tamen quoddam
exercitium, quo quis ad charitatis perfe-
ctionem exercetur, in quo quidem sunt di-
versa charitatis opera, quibus homo po-
test vacare, ac etiam diversi modi exerci-
tiorum; idè & adhuc est unde Religiones
distingui possint, vel secundum diversita-
tem exercitiorum, seu diversa, in quibus
potest Deo servire; vel etiam, & principa-
liter, secundum diversitatem eorum ad quæ
ordinantur, utpote quia finis est potissi-
mum in unoquoque; & quidem absque eo
quod ex multitudine Religionum induca-
tur confusio, cum non sint ad idem, nec
absque necessitate, & utilitate: quòd qui-
dem ne accidat, statutum est ne nova Re-
ligio absque autoritate summi Pontificis
constituatur. Cum quo tamen stat, quod ad-

852 *Quaest. CLXXXVIII. Art. II.*
huc unus sit Episcopalis status, quando-
quidem in his, quæ spectant ad perfectio-
nem, se habet Episcopus non sicut ea quæ
patiuntur (ut se habent Religiones,) quæ
quidem diversa sunt, sed per modum agen-
tis, quod quanto superius est, tanto magis
est unum.

ART. 2. *Vtrum aliqua Religio institui debeat ad
opera vita activæ. R. Affirmativè,* non qui-
dem taliter, quod omninò privetur fructu
contemplativæ vitæ, sed ita quod cum
activè deservit necessitatibus proximi, ad-
huc propriè pertineat ad Religionem. *Pri-
mum est,* quia cum ad Religionem propriè
pertineat sacrificium Deo offerre; & hu-
jusmodi obsequia proximis exhibita, pro-
ut referuntur ad Deum, dicantur esse sa-
crificia quædam, juxta illud, Beneficentiæ
& communionis nolite oblivisci, talibus
enim hostiis promeretur Deus; ideò fit
quod cum status Religionis ordinetur ad
perfectiorem charitatis, quæ quidem se
extendit nedum ad dilectionem Dei per
contemplationem, sed insuper ad dilectio-
nem proximi per hujusmodi obsequia acti-
væ vitæ eis exhibita propter Deum, pro-
priè adhuc Religio sit, & convenienter in-
stituta, quanvis in ordine ad opera activæ
vitæ. Dei namque servitium, & famulatus
non solum in contemplatione servatur, sed
etiam in operibus activæ vitæ, quibus ali-
quis servit propter Deum, & in quibus ad-
huc servatur singularitas vitæ quantum ad
hoc, quod homo singulariter iis intendat,
quæ ad divinum spectant obsequium. Vnde
est quidem eadem ratio de monachis, &
aliis Religiosis, quantum ad ea, quæ com-

Ad Heb.
c. alti-
mo.

munia sunt in omni Religione, scilicet quod totaliter se dedificent divinis obsequiis, & quod essentialia vota observent; non tamen opus est, esse similitudinem quandam in aliis, quæ propria sunt monasticæ perfectionis, pertinentia ad contemplationem. *Secundum est*, quia cum hoc ipso quod insistent Religiosi operibus vitæ activæ intuitu Dei, habeat eorum actio ex contemplatione derivari, nec sint in sæculo quoad mentis affectum, esto quod sint in eo secundum præsentiam corporalem, sed utantur hoc mundo, tanquam non utentes; ideo nec privantur propterea omnino fructu contemplativæ vitæ.

Vtrum aliqua Religio possit ordinari ad militandum. R. *Affirmativè*, non quidem ad militandum propter mundanum quid, sed propter defensionem divini cultus, & publicæ salutis, vel etiam pauperum oppressorum. *Ratio utriusque partis est*, quia cum Religio institui possit, ut dictum est, ad opera vitæ activæ, ut pertinent ad proximorum subventionem, & obsequium Dei; & officium militare assumptum non modo sæculari, quo modo interdicitur pœnitentibus, & ad mundanum quid, sed propter divinum obsequium, quo modo etiam in pœnitentiam imponitur; & ob prædictas causas ita ad proximorum subventionem ordinetur, & Dei cultum: ideo fit quod quanvis non sic institui possit Religio ob quid mundanum, vel etiam ut Religiosis propria autoritate liceat bella petere; sic tamen institui possit ut auctoritate Principum, vel Ecclesiæ possit & debeat Religiosus militare ad prædictos fines: si-

ART. 3.

ART.

PRÆ

cut & quanvis repugnet Religioni exercere
advocationis officium propter mundanum
aliquod, est tamen licitum illud secundum
dispositionem sui Prælati pro monasterio
suo, & defensione pauperum exercere. Un-
de est quidem perfectionis non resistere
malo, condonando injuriam, quando ita
fieri expedit ad salutem aliorum; potest
tamen esse imperfectionis, vel etiam vitii,
si hoc fiat tolerando injurias, cum quis po-
test convenienter injurianti resistere; & spe-
ciatim impietatis est injurias Dei dissimu-
lare, ut ait Chrysost.

Hom. 1.
in 5. Op.
imp.

ART. 4. *Vtrum aliqua Religio possit institui ad
prædicandum, vel confessiones audiendum.*
Re. Affirmativè, ita quod nedum possibile,
sed & convenientissimum sit ad talia insti-
tui; si tamen id fiat autoritate, non pro-
pria, sed Prælatorum superiorum. *Primum*
est, quia cum convenienter possit Religio
institui ad opera vitæ activæ, ut ordinantur
ad proximorum utilitatem, ad obsequium
Dei, & ad conservationem divini cultus;
& magis procureretur proximorum utilitas
per ea; quæ pertinent ad spiritualem ani-
mæ salutem, quam per ea quæ subveniunt
corporali necessitati: ideo nedum possibi-
le, sed & convenientissimum est ad prædi-
candum, & ad alia hujusmodi pertinentia
ad salutem animarum aliquam institui Re-
ligionem; formā namque septuaginta duo-
rum Discipulorum non solum tenent Pres-
byteri Curati, sed etiam alii minoris ordi-
nis, qui Episcopis in eorum officio subser-
viunt: unde non inconvenit, quod præter
Episcopos & Curatos sint alii Religiosi
prædicantes, & quidem absque eo quod

Quaest. CLXXVIII. Art. V. 355

graventur Fideles, cum plebs non teneatur ex debito juris ad sumptus ministrandos, nisi ordinariis Prælati, qui propter hoc decimas, & alios Ecclesiasticos redditus recipiunt, esto quod volentibus gratis ista munera exercere possint Fideles his aliquid liberè subministrare *Secundum est*, quia cum Religiosus non debeat supergredi discipulatus vel subjectionis gradum, ideo nec sua, sed Prælatorum autoritate debet prædicare, ita quod possit quidem id alicui Religioni proprium esse, sed subserviando Prælati in tali officio. Ex quo etiam fit, determinatum esse numerum prædicationum, quandoquidem non conceditur à Prælati indifferenter cuilibet Religioso talia præstare munera, sed quibusdam.

Vtrum sit instituenda Religio aliqua ad ART. 5.
studendum. R. Affirmativè, ita quod ex multiplici capite competat studium litterarum Religiosis; si tamen pertineant litteræ ad doctrinam, quæ secundum pietatem est, non ad sæcularem, aut legem veterem. *Primum est*, quia & coadjuvat hujusmodi studium Religiosos ad contemplandum, tum directè, illuminando intellectum de divinis: unde in laudem viri justii dicit Psalmista, In lege domini meditabitur die, ac nocte: tum in directè, removendo contemplationis pericula, scilicet errores, qui in divinorum contemplatione frequenter accidunt his, qui Scripturas ignorant; & juvat ad prædicandum, & alia hujusmodi exercendum, juxta illud Apost. Amplectentem eum, qui secundum doctrinam est, fidelem sermonem, ut potens sit, &c. & confert insuper ad vitandam carnis lasciviam,

Ad rō-
tum 1.

Ad Ru-
sticum.

1. Cor. I.

avertendo scilicet animum à cogitatione lascivix, juxta illud Hieron. Ama Scripturarum studia, & carnis vitia vitabis. Ita tamen quod quia studium sine charitate inflat, proindeque dissentiones facit, non debeat studium Religiosorum esse tale. Unde postquam præmisit Paul. Divites facti estis in omni verbo, &c. statim addit: Id ipsum dicatis omnes, nec sint in vobis schismata. *Secundum est*, quia cum profiteri litterarum studia quantum ad sæcularem doctrinam proprium sit Philosophorum, & Gentilium, qui alterius sunt professionis à Religiosis; ideo non nisi doctrinæ, quæ secundum pietatem est, debent isti principaliter intendere; nec aliis doctrinis, nisi in ordine ad sacram doctrinam, sicut nec approbare litteraturam secundum litteram veteris legis, juxta illud Psalmistæ: Quoniam non cognovi litteraturam, eam scilicet approbando secundum litteralem circumcisionem, & carnales observantias.

ART. 6.

Vtrum Religio, quæ vacat vitæ contemplativæ, sit potior eâ, quæ vacat operibus vitæ activæ. R. Affirmativè; ita tamen, quod infimum quidem gradum teneant Religionæ, quæ circa exteriores actiones occupantur; sed tamen præmineant quæ ordinantur ad prædicandum & docendum, iis quæ solum ordinantur ad contemplandum. *Ratio utriusque partis est*, quia cum Religio illa alteri præferatur absolutè & simpliciter, non quæ habet perfectius exercitium, utpote quod non propter se quaeritur, sed propter finem; sed quæ ordinatur ad potiorem finem, vel quia est majus bonum, vel quia ad plura ordinatur bona;

aut certè, si finis sit idem, ex proportionem
ejus ad finem intentum, ex qua quidem
prætulit B. Antonius discretionem per quā
aliquis omnia moderatur, & jeuniis, &
vigiliis, & omnibus hujusmodi observan-
tiis: ideo cū quid majus sit contemplari,
quā elemosynas dare, hospites recipere,
& alia hujusmodi, nisi fortè in casu necessi-
tatis; sed etiam adhuc majus sit contem-
plata aliis tradere, docendo & prædicando,
quā solum contemplari, sicut & majus est
illuminare, quā lucere solum; propterea
fit quod in Religionibus summum teneant
gradum, quæ ordinantur ad prædicandum
& docendum, ex plenitudine scilicet con-
templationis, quæque propinquissimæ sunt
perfectiōi Episcoporum; sicut & in aliis
rebus fines primorum conjunguntur prin-
cipiis secundorum, ut ait Dion. secundum
autem teneant gradum illæ quæ ordinan-
tur ad contemplationem, adeo ut nec præ-
feratur sollicitudo activa contemplationi
in Decretalibus, nisi ubi ordinatur ad sa-
lutem animarum; nec eis præmineant in-
stitutæ Religiones ad militiam, quæ qui-
dem potius ordinantur ad effundendum
sanguinem hostium, quā suum, quod pro-
priè Martyribus convenit: esto quod nihil
prohibeat hujusmodi Religiosos in aliquo
casu meritum martyrii consequi, & in hoc
aliis præferri Religiosis. Tertius denique
gradus sit earum quæ totaliter occupantur
circa actiones exteriores, quæque adhuc
possunt aliæ aliis præminere, secundum
quod una ordinatur ad altiorem actum in
eodem genere. Vnde non ex eo est Religio
potior, quod arctiores habet observantias,

Cap. 7. de
divin.
nom.

858 *Quest. C L X X V I I I . A r t . V I I .*

utpote quæ si sine discretionem fiant , periculum habent deficiendi ; nec enim arctitudo observantiarum est illud , quod præcipue in Religione commendatur , ut Beatus Antonius dicit , juxta illud effatum
Isai. 58. Isaiæ : Numquid tale est jejuniū quod elegi , per diem affligere hominem animam suam.

ART. 7. *Vtrum habere aliquid in communi diminuat perfectionem Religionis. R. Negative,* ita quod non minuat perfectionem Religionis in communi , si solum habeatur in communi , quod sufficit ad victum simplicem , esto quod tanto perfectiores sint Religionis ad contemplandum ordinatæ , quanto earundem paupertas minorem eis ingerit sollicitudinem temporalium. *Primum est,* quia cum perfectio non consistat essentialiter in paupertate , sed in Christi sequela , propter quod dixit Petrus , Relinquimus omnia ; & quia hoc non sufficit , adjecit , Et sequenti sumus te ; sed in ea consistat instrumentaliter , prout scilicet per remotionem divitiarum tolluntur quædam charitatis impedimenta , scilicet sollicitudo , quam secum divitiæ afferunt ; divitiarum amor , qui ex divitiis possessis augetur ; tum inanis gloria , vel elatio : ideo cum duo posteriora non nisi ad abundantes divitias consequantur ; primum autem , nempe sollicitudo , licet non possit totaliter separari à divitiis , sive sint magnæ , sive sint parvæ ; si tamen non quærantur , vel habeantur nisi in modica quantitate ad simplicem victum , non multum tunc impediatur , nec repugnet perfectioni , quia à Domino non interdicitur omnis sollicitudo , sed superflua : quin

immo pertinet sollicitudo circa communes divitias ad charitatem, quæ non quærit quæ sua sunt, sicut & ad amorem proprium, si circa proprias sit; consequenter fit, quod habere aliquid in communi, quod sufficiat ad victum simplicem, non minuat perfectionem Religionis in communi. Nec enim ex illo: Si vis perfectus esse, vade & vende, &c. colligitur ipsam paupertatem esse perfectionem, sed perfectionis instrumentum, proindeque quod tanto perfectior sit Religio, non quanto majorem habet paupertatem, sed quanto ejus paupertas est magis proportionata fini ipsius universali, & particulari. Vnde non sic intelligitur illud, *Nolite solliciti esse*, ut nihil servetur in futurum, quia id periculosum esset, ex B. Anton. & Aug. & præterea cum habuerit ipse Dominus loculos, ubi collectam pecuniam reponeret; neque Isaac, de quo meminit Greg. alia de causa possessiones renuebat accipere, nisi quia timebat, ne per hoc ad superfluas divitias veniretur, per quarum abusum impediretur Religionis perfectio: sed nec quæ dicit Hieron. ad Nepotianum, habent locum, nisi ubi sunt superabundantes divitiæ, quæ habentur quasi propriæ, vel per quarum abusum etiam singuli de communitate superbiunt. *Secundum est*, quia sicut ad exteriora & corporalia opera vitæ activæ indiget homocopiâ exteriorum rerum, propter quod imperfecta esset Religio, quæ ordinatur ad actiones corporales vitæ activæ, ut ad militandum, si communibus careret divitiis: ita quia ad contemplationem pauca requiruntur exteriora, juxta quod ait Phil. quod

Matt. 6.

Lib. de
operibus
monach.

In 10.
Ethic.

ad actiones multis opus est, speculanti autem solius necessarii indigentia; ideo fit quod quæ ad contemplandum ordinantur, tanto perfectiores sint; quanto earundem paupertas minorem ingerit sollicitudinem temporalium, præsertim cum tanto magis Religionem impediatur hæc sollicitudo, quanto ad Religionem major sollicitudo spiritualis requiritur, quæ quidem requiritur major in Religione contemplativa, sicut & in illis, quæ ordinantur ad contemplata aliis tradenda, quibus propterea competit vitam habere maximè ab exterioribus sollicitudinibus expeditam. Quod quidem fit, dum modica, quæ sunt necessaria ad vitam, congruo tempore procurata conservantur, ut etiam Dominus suo docuit exemplo, habendo oculos Iudæ commissos.

ART. 8. *Vtrum perfectior sit Religio agentium solitariam vitam, quam in societate viventium. R. Affirmative; ita tamen quod præmineat quidem solitariorum vita vitæ sociali, si debite assumatur; sit tamen periculosissima, si assumatur absque exercitio virtuosæ actus. Primum est, quia cum vita socialis necessaria sit ad exercitium perfectionis; solitudo autem competat jam perfectis, quando quidem quod solitarium est, debet esse sibi per se sufficiens, quod tale dicitur, quando nihil deest, quod quidem competit perfectis; ideo qua ratione quod jam perfectum est, præminet ei quod ad perfectionem exercetur; sic vita solitaria, si debite assumatur, præminet sociali vitæ, adeo ut bestiale quidem sit si quis solitarie viveret, quasi societatem humanam propter*

Quest. CLXXXIX. Artic. I. 861

animi sævitiā ferre non valens; sed solitariē vivere, ut quis totaliter divinis occupetur, est supra hominem, & divinum quid, juxta quod ait Arist. quod solitarius, Lib. 1. Poē
lit. c. 2. aut bestia, aut Deus, idēst divinus vir. Vnde Eccl. 4. meliūs quidem sunt duo simul, ut ait Sapiens, sed propter auxilium, quod unus habet ab alio, ut sublevetur, vel foveatur, quo non egent perfecti: sed neque necessarium est actu obedire, nisi his, qui indigent directione aliorum ad perfectionem capiendam, quā quidem non indigent perfecti, ut supponuntur solitarii, utpote qui spiritu Dei aguntur. *Secundum est*, quia cum solitudo competat contemplanti, qui jam ad perfectum pervenit, quod quidem contingit vel ex solo divino munere, ut patet de Ioanne Baptista; vel per exercitium virtuosī actus, ad quod juvatur homo ex aliorum societate, & quantum ad intellectum, ut instruatur de his, quæ contemplanda sunt; & quantum ad affectum, ut scilicet affectiones noxiæ reprimantur exemplo & correctione aliorum, propterea fit, quod vita solitaria, si absque præcedenti exercitatione assumatur, sit periculosissima, nisi per divinam gratiam suppleatur, quod in aliis per exercitium virtutum acquiritur.

IN QVÆSTIONEM CLXXXIX.

De Religionis ingressu.

Vtrum illi, qui non sunt in præceptis exercitati, debeant ingredi Religionem. ARTI-
CVLVS
PRI-
MVS.
R. Affirmativē, ita quod proficiat Religionis ingressus, & his qui sunt in præceptis exercitati, ut ad maiorem perfectionem perveniant; & his qui non sunt exercitati,

862 *Quaest. CLXXXIX. Art. I.*

ut facilius peccata vitent, & perfectionem assequantur. *Ratio utriusque partis est*, quia cum status Religionis sit quoddam spirituale exercitium ad consequendam charitatis perfectionem per certas quasdam observantias; & observantiae illae sint tales, quod sicut tollunt impedimenta perfectae charitatis, ita etiam tollant occasiones peccandi per jejunium, vigiliis, &c. ideo fit, quod Religionem ingredi non solum expediat his, qui sunt in praecipis exercitati, ut ad maiorem perfectionem perveniant; sed etiam his, qui non sunt ita exercitati, ut facilius peccata vitent, & perfectionem assequantur, adeo ut quanvis ordinandi debeant esse in praecipis exercitati, quia ordo requirit sanctitatem; non ita tamen qui ad Religionem assumuntur, quae est quoddam exercitium sanctitatis; & quidem quanvis juxta commune dictum, nemo repente fiat summus, utpote cum summum, & infimum accipi possint non solum in eodem statu, & in eodem homine, in quo quidem sensu nemo repente fit summus; sed insuper per comparationem ad diversos status, & sic non oporteat, quod quicumque vult ad perfectionem venire, a minori incipiat; vel etiam quantum ad diversas personas, in quo etiam sensu manifeste patet quod unus statim incipit, nedum ab altiori statu, sed & ab altiori sanctitatis gradu, puta a consiliorum observatione, quam sit summum ad quod alius pervenit per totam vitam suam, ut de B. Benedicto refert D. Gregor. Unde & Christus Dominus non solum adolescentem, qui dixit mandata servasse, vocavit

ad perfectionem consiliorum, sed etiam Matthæum publicanum, ut scilicet ostenderet eam esse utilem & innocentibus, & peccatoribus. Cum quo tamen stat, quod quia præceptorum quædam sunt principalia, quasi fines præceptorum, & consiliorum, scilicet præcepta charitatis, ad quæ consilia ordinantur, non ita ut sine consiliis non possint servari, sed ut perfectius servantur; sicut & alia sunt secundaria, quæ ad charitatem ordinantur, ut sine quibus charitatis præcepta servari non possunt; ideo perfecta observantia præceptorum charitatis præcedat intentione consilia, utpote cum hic sit ordo finis respectu eorum quæ sunt ad finem; non tamen semper tempore, sicut nec oportet ut prius tempore servantur præcepta sine consiliis, & postea cum consiliis, quanvis illud ad istud ordinetur tanquam species imperfecta ad perfectam; sicque nec oportet ut præcepta prius in sæculo servantur, quam intretur in Religionem, præsertim cum conversatio sæcularis non disponat ad Religionis perfectionem, sed magis impediat.

Vtrum debeat aliquis voto obligari ad Religionis ingressum. R. Affirmative, ita quod obligari voto ad ingressum Religionis, sit secundum se laudabile; & quidem quanvis voti transgressor gravius ruat. Primum est, quia cum vovere sit actus Religionis, quæ quidem excellit inter alias virtutes, & insuper per votum firmetur voluntas in bono; ideo & est opus factum ex voto, in quantum tale, laudabilius; sicut & gravius est peccatum, cum procedit ex voluntate in malum obstinata; & quidem

ART. 2.

864 *Quaest. CLXXXIX. Artic. III.*

quanvis inde oriatur necessitas, utpote quæ non est necessitas absoluta, aut violentiæ, de qua loquitur Greg. cum dicit Iudæos non vi, sed libera voluntate suadendos esse; sed necessitas ex suppositione finis, de qua quidem ait Aug. Felix necessitas, quæ ad meliora transmittit. *Secundum est*, quia vovere de se non dat occasionem ruinæ, sed magis subtrahit, cum confirmet in bono; & ideo si quis post votum gravius ruat, non propterea derogat bonitati voti, sicut nec bonitati Baptismi; sed nec inde impedit, quin statim possit per votum simplex, quod quidem nondum fit Religiosus, vovere simpliciter ingressum, esto quod debeat præcedere probationis annus, ut per votum solenne fiat professus.

ART. 3. *Vtrum ille qui obligatus est voto ad Religionis ingressum, teneatur intrare Religionem. R. Affirmativè*, ita scilicet, quod si intendit se absolutè obligare, teneatur quamcitiùs poterit ingredi; si autem ad tempus, vel sub conditione, teneatur ingredi tempore vel conditione adveniente. *Ratio utriusque partis est*, quia cum teneatur homo ad id implendum, quod Deo promisit, & multò magis, ex Aug. quàm quod promisit homini, modò illud ad Deum pertineat; ideo cum ingressus Religionis maximè ad Deum pertineat, quia per illud homo se divinis obsequiis mancipat, ad illum etiam tenetur maximè, sed prout se voto obligavit, nimirum vel quamcitiùs, cessante licito impedimento, si absolutè vovit; vel conditione adveniente, si conditionaliter. Vnde qui se ad certam Religionem obligavit, debet quantum in se est, facere

Quæst. CLXXXIX. Art. IV. 865

facere, ut in ea recipiatur: quod si absolute vovit, nec in vna recipitur, tenetur ad aliam ire, ut obligationi faciat satis, quæ quidem in hoc casu est tanta, quia perpetua, ut majus sit votum Religionis voto Terræ Sanctæ, adeò ut istud illud non solvat: imò & rationabiliter dici potest, per ingressum Religionis adipisci remissionem omnium peccatorum, ut ex Decret. & ex Greg. colligitur, utpote qui excedit omne genus satisfactionis, sicut & holocaustum excedit sacrificium, utpote cum in eo mancipemur totaliter Dei obsequio.

Vtrum ille, qui vovit Religionem ingredi, teneatur perpetuò in Religione permanere. R. Negativè, si nimirum intenderit se obligare vel solum causâ experiendi, vel nihil cogitando de perpetuitate remanendi; esto quod remanere debeat, si etiam intenderit perpetuò remanere. Ratio utriusque partis est, quia cum voti obligatio in tantum se extendat, in quantum se extendit voluntas, & intentio voventis, quandoquidem oritur obligatio ex voluntate, cujus est vovere, ut ait August. ideò tenetur quidem vovens perpetuò remanere, si ad hoc intendit se obligare; non tamen si intendit vel obligare se ad ingressum causâ experiendi, in quo casu melius adhuc facit intrando animo probandi, quàm non intrando, quia homo per hoc disponitur ad perpetuò manendum: vel si in vovendo simpliciter de ingressu Religionis cogitavit, absque hoc quod cogitaret de libertate exitus, vel de perpetuitate; cum enim videatur tunc

866 *Quest. CLXXXIX. Art. V.*

obligari ad ingressum secundum formam juris communis, quæ est ut ingredientibus detur annus probationis, proinde fit quod adhuc sit in libertate exeundi; & quidem absque eo quod generet scandalum, nisi forte passivum, quia fecit intrando quod ei expediebat facere: vel etiam absque hoc, quod retro respiciat, quod quidem solum accidit, cum prætermittitur id, ad quod se obligavit; aliàs qui facit opus bonum, & postea dimittit, retrò respiceret, nec esset aptus regno Dei, quod est falsum. Cum quo tamen stat, quod qui intrat, ut statim exeat, non satisfacit voto, quandoquidem vovendo non id intendit: unde tenetur mutare propositum, ut saltem velit experiri, an ei expediat remanere, non autem ut perpetuò remaneat.

ART. 5. *Vtrum pueri recipiendi sint in Religionem. R. Affirmativè*, non quod possint ante annos pubertatis Religionem profiteri; sed ita quod & possint tunc voluntate parentum in Religionem recipi, ut ibi nutriantur, & quantum est ex se obligentur ex voto etiam ante pubertatem factò, si usum tunc habuerint rationis plenum. *Ratio utriusque partis est*, quia cum votum simplex, quod consistit in promissione soli Deo facta interiori mentis deliberatione, vim habeat ex jure divino, sed taliter quod impediri possit vel defectu rationis, ut contingere solet ante annos pubertatis, qui sunt ut plurimum in pueris ante annum decimumquartum, & in puellis ante duodecimum; vel quia qui vovit nõ est suæ potestatis, ut servus, & pueri ante an-

Quest. CXLXXIX. Art. VI. 867

nos pubertatis, utpote quia sunt in parentum potestate quoad dispositionem vitæ; ideò pueri quidem, & puellæ ante plenum rationis vsum non obligantur voto simplici, sicut nec ante annos pubertatis ex voto solenni, licet cum plena ratione factò, quasi inde fiant professi, utpote quod votum subditur ordinationi Ecclesiæ, quæ ita statuit; si tamen ante annos pubertatis habeant vsum rationis, obligantur voto ex se; vnde nec reprehenditur puella in puellari ætate constituta, si vovent absque consensu parentum, esto quod tale votum possint irritare parentes: si autem annos excedant pubertatis, tunc irrevocabiliter vovent, quanvis non obligentur quoad Deum, si pro tunc nondum habeant plenum vsum rationis. Cum quo tamen stat, quod quia status Religionis, licet ex consequenti sit status pœnitentiæ, prout per huiusmodi statum peccatorum tolluntur occasiones, principaliter tamen ordinatur ad perfectionem consequendam, quod quidem convenit pueris, qui de facili inducuntur; ideò legitima quidem ætas ut tondetur quis in Religione voto solenni sit tempus pubertatis; ad hoc autem, ut tondetur in Religione nutriendus, sit etiam tempus ante annos pubertatis. Vnde & Romani B. Benedicto filios tradebant nutriendos; bonum namque est viro, cum portaverit jugum Domini ab adolescentia sua.

Vtrum propter obsequium parentum debeant aliqui retrahi ab ingressu Religionis. **ART. 6.**
R. *Negative, ita quod possint filij per se loquendo etiam contra præceptum parentum Religionem intrare, esto quod possit*

casus accidere, in quo eis non liceat, prætermisso parentum obsequio. *Ratio utriusque partis est*, quia cum filiis solum per accidens conveniat, ut parentes adjuvent, prout sunt in necessitate constituti, non autem per se, in quo quidem differunt à parentibus, qui quidem cum habeant erga filios rationem principij, per se eis convenit filiorum cura: ideo casu quo commodè non possit aliter parentibus subveniri, quàm per obsequium filiorum, non licet quidem filiis, hoc prætermisso obsequio, Religionem ingredi; per se tamen loquendo id possunt, etiam contra voluntatem parentum post annos pubertatis, utpotè cum quilibet (nisi servus sit, qua quidem servitute adimitur quod aliàs liceret,) habeat libertatem in his, quæ pertinent ad dispositionem status, & maximè in his, quæ sunt divini obsequij; & quidem absque transgressione præcepti de honoratione parentum, utpote quod non solum se extendit ad obsequia corporalia, sed etiam ad spiritualia, & reverentiam exhibendam, in quibus qui religionem ingrediuntur, possunt parentes honorare, orando scilicet pro eis, &c. Nec enim filius tenetur, saltem per se loquendo, ad aliquod speciale debitum patri, sicut tenetur qui est obligatus ad aliquid certum, putà ad pecuniam; qui quidem non potest illud licitè prætermittere facultate existente; quanvis non ita, quin adhuc possit, exhibitis rebus suis ad solvendum, Religionem intrare, utpote cum propter pecuniam persona liberi hominis, quæ quidem omnem superat æstimationem pecuniæ, non obligetur secundùm Iura Civilia, sed solum res.

Vtrum Presbyteri Curati possint licite ART. 7.
Religionem ingredi. R. Affirmativè, non quòd non sint actus Presbyteri Curati inter actus Religionum præcipui, sed quia obligatio voti Religionis præfertur obligationi Presbyteri Curati. *Ratio utriusque partis est*, quia cùm ideò Episcopi non possint Religionem ingredi sine licentia Pape, quia voto solenni, & perpetuo ad curam obligantur, in quo voto solus Papa dispensare potest, ut habetur in Decret. propterea fit, quod cùm Curati, & Archidiaconi obligent se ad curam agendam subditorum, quamdiu solum Archidiaconatum, & Parochiam retinent, non autem perpetuò, quod possint sine licentia Religionem intrare; non quidem quasi assumendi ad actus perfectiores, utpote quibus ex officio competit docere, & prædicare; sed quia obligatio voti Religionis, utpote perpetui, præfertur omni alij obligationi: nec propterea timendum est, ne desint qui curam gerant; rara namque est virtus, ait Hier. nec à pluribus appetitur.

Vtrum liceat de vna Religione transire in ART. 8.
aliam. R. Affirmativè, ita quod & ex zelo perfectioris Religionis id liceat, & propter declinationē Religionis à debita perfectione, & propter infirmitatem, seu debilitatem; sed cum dispensatione in tertio casu, non autem in primo, & secundo. *Ratio utriusque partis est*, quia quanvis transire de vna Religione ad aliam, nisi propter magnam utilitatem, vel necessitatem, non sit laudabile, tum quia ex hoc plerumque scandalizantur qui relinquuntur, tum etiā quia facilius proficit quis in ea, in qua

870 *Quæst. CLXXXIX. Artic. IX.*

consuevit, quàm in aliis, ut habetur in collatione Patrum ; quia tamen est & vtilitas, & necessitas, vbi fit transitus ex triplici præfato motivo ; nec qui ad arctiorem transeunt, hoc faciunt præsumptuosè, ut iusti videantur ; sed devotè, ut iustiores fiant : ideò fit, quod cum aliquo ex præfatis motivis possit quis etiam ad minorem Religionem transire, si melius ibi observetur regularitas, & remissiùs in majori ; petendo tamen humiliter licentiam (quæ quidem negari non potest) in primo, & secundo casu, vel etiam consulendo superioris iudicium, si in his sit dubitatio ; sed in tertio casu, scilicet debilitatis, etiam dispensationem tanquam necessariam procurando. Cum quo tamen stat, quod quia vtraque Religio, Monachorum, & Canoniorum Regularium, ordinatur ad opera vitæ contemplativæ, inter quæ præcipua sunt quæ aguntur in divinis mysteriis, ad quæ directè ordinatur Ordo Canoniorum Regularium, quibus quidem per se competit ut sint Religiosi Clerici, quod tamen non per se competit Monachis : ideo Monachis quidem laicis licet transire ad Regulam Canoniorum, non è converso, sicut & Canonico Regulari licet cum licentia transire ad Monachorum Ordinem ; sed Monacho simul, & Clerico non licet, cum habeat id quod habent Canonici cum majori arctitudine.

ART. 9. *Vtrum aliquis debeat alios inducere ad Religionem intrandum. R. Affirmativè, ita quod nedum non peccet, sed & magnum mereatur præmium ; si tamen nec violentè, nec simoniacè, aut per mendacium il-*

lum inducat. *Primum est*, quia ut dicitur Iacobi ult. qui converti fecerit peccatorem ab errore viæ suæ, ut facit qui inducit à sæculo ad Religionem, salvabit animam ejus à morte, & operit multitudinem peccatorum. Et Daniel. 12. qui ad justitiam erudiunt plurimos, erunt quasi stellæ in perpetuas æternitates; sicque non peccant, sed potiùs inde merentur qui alios inducunt ad Religionem; nec propterea facilis datur ingressus illis qui inducuntur: quod quidem prohibet B. Benedictus, utpote cum adhuc detur probationis annus, in quo difficilia Religionis experiuntur: cum quo tamen stat, quod qui est obligatus voto, vel juramento ad ingressum minoris Religionis, potest quidem induci ad majorem, si nihil obstat; non autem è converso, nisi ex evidenti causa, & cum dispensatione superioris. *Secundum est*, quia & ei qui per mendacium allicitur, imminet periculum, ne cum se deceptum viderit, retrocedat; & est inordinatio prohibita in Decret. quod quis alium violenter trahat, 10. Qu. 3. necnon & quod trahat simoniace per munera; ad quod tamen non pertinet, si quis pauperi necessaria det in sæculo, nutriendum ad Religionem; vel sine pacto aliqua munuscula tribuantur, ad familiaritatem captandam.

Utrum sit laudabile, quod aliquis religionem ingrediatur absque multorum consilio, 10. & diuturna deliberatione precedenti. R. Affirmativè, ita quod nec de ingressu Religionis secundum se opus sit diu deliberare, aut plures consulere, nec per comparationem ad vires ingredientis. *Ratio*

872 *Quæst. CLXXXIX. Art. X.*

utrinque partis est, quia cum diuturna deliberatio, & multorum consilia requirantur in magnis dubiis, non autem in his, quæ certa sunt, ut ait Arist. & certum sit, Religionis ingressum esse secundum se melius bonum, adeo ut qui de hoc dubitat, derogat Christo qui hoc dedit consilium; nec sit locus dubitandi si consideretur ingressus in comparatione ad vires ejus qui ingressurus est, quia qui ingrediuntur, non sua virtute, sed Dei auxilio confidunt, in quo quidem qui sperant, mutabunt fortitudinem, & ut dicit Scriptura, volabunt, & non deficient; ideo fit quod de his non sit opus diuturna deliberatione, aut multorum consilio, esto quod quantum ad modum intrandi, & ad quam Religionem, possit esse consilium; adeo ut illud, *Probate Spiritus*, quod locum habet in dubiis, ibi locum non habeat, cum dubium non sit quin propositum Religionis sit à Spiritu Dei, qui ducit hominem in viam rectam: nec ex eo, quod quis à Religione retrocedat, inferatur propterea, non esse ex Deo, quandoquidem non omne quod est ex Deo, est incorruptibile, aliàs non essent incorruptibiles. Vnde velle turrim ædificare, significat quidem velle perfectionem Christianæ vitæ assequi; sed sicut nemo dubitat, an velit ædificare, & habere sumptus, & an possit ædificare, si sumptus habeat: ita nec cadere debet sub deliberatione & dubio, utrum debeat quis abrenunciare omnibus, quæ possidet; vel si hoc faciendo, ad perfectionem pervenire possit: sed hoc potius cadit, utrum hoc quod facit, sit abrenunciare omnibus quæ possidet, quia nisi abrenunciaverit, quod est sumptus habere, non

3. Ethic.

c. 3.

Isaia

40.

1. Ioan.

4.


Quest. CLXXXIX. Art. X. 873

potest, ut ibidem subditur, Christi esse discipulus, quod est turrim ædificare. Cum quo tamen stat, quod si aliquod sit impedimentum, ut infirmitas corporis, vel onera debitorum, &c. in his requiratur deliberatio, & consiliū; sed cum his de quibus speratur, quod profint, & non impediant, ut monet Sapiens. Licet enim idem Eccl. 17. moneat, quod sit tractanda causa cum amico, non tamen cum amicis carnalibus, qui adversantur profectui Spiritus, secundum Matth. illud: *Inimici hominis domestici ejus.* 7.

FINIS SECVNDÆ SECVNDÆ.







4 m 6
legal: $7\frac{1}{2}$

